
民國叢書

第二編

· 94 ·

綜合類

遐庵彙稿

葉恭綽著

上海書店

序一

民國十九年庚午爲番禺葉遐菴先生五十攬揆之辰門人故吏曾有遐庵彙稿之刊印以壽先生越十歲先生花甲之年同人有彙稿二輯之發起顧以抗戰軍興未遑剏勝利以還同人先後東歸者過滬必趨謁先生先生欣然爲道其數年來堅卓不屈之經過並出示其感懷近作而先生今年已六十六矣同人於彙稿二輯既已付印茲復將一二兩輯與先生年譜合刊一帙以餉當世竊思先生四十餘年來政事學術文章爲中外所景仰而其事功之獨著於當時而垂於久遠者則以交通建設最關重大我國近代交通肇始於清末而發展於民初先生於此時期歷職郎署數長交通於專門學術無所不窺尤熟於民生情故與國際措施得失之林故凡所擘劃皆前人所未有之成規定今後百年之大計人以其出處卜交通四政之興衰而先生獨慨然於樹人之不可以緩求才若渴舉賢如恐不及試讀彙稿各編論其文章泰半皆四十年來交通史料衡其事實則舉前人所不能爲不敢爲者先生盱衡時會知其不可爲而爲之先生秉性剛毅不能和光同塵益以當時橫政之所出不能安其職行其志僅僅伺隙乘時以求實施其一二復性不諧俗致退處於江湖寂寞之區者十有餘年然今日國家之所取法後起之所秉承皆不出乎先生所手規之宏規與所倡導之風氣先生之成就自不以在位與否而差其毫末也鴻勛自海外負笈歸來卽受知於先生厥後出任路工掌教交通大學完成粵漢鐵路先生以在野之身而時時左右之督責之鴻勛愧於先生政事文章未能窺見步趨其萬一茲幸邦家再造得重親先生顏色並幸得預於刊印茲編之役所以壽先生者當爲先生之所許抑亦海內人士仰止先生者所同以先睹爲

序二

這部書是遐菴先生事功的寫照但是將來歷史上留名的是他的事功呢還是他的文章呢這部書博大精微深入淺出一般人讀完了的感想是仰慕作者的成就畢生效法還是徒賞奇文付諸一歎呢中國前途的命運恐怕這就是一個試驗吧

民國三十五年中政治教育經濟文藝各方面出了不少的人才有的學有專長日就月將成了某一行的權威有的遭逢時會推波助瀾成了名聞一世的偉人有的襲蔭餘厚不求甚解突然成了報頭上的人物從一般的口碑上要判斷他們的功過這很是一件危險的事然而真正對國家有貢獻的人歷史就會告訴我們嗎

在這部書裏看到遐菴先生如何爲人如何從政如何辦教育如何講經濟以至對於文藝哲學美術音樂等各方面的言論他的人格他的事功他的苦心他的文學讀者是會十分瞭解的然而要問爲何政治上他不能久於其位教育上他未曾表現過力量經濟上他至今一無企業的基础反是他的緒餘的文和字博得普遍的讚揚和欣賞究竟是他的努力不足呢是環境過分惡劣呢還是國家有負於他呢在這部書裏看到遐菴先生的個性論他的才學他能「一方面討論工業上的技術問題而同時却可談到宗教哲學一方面研究一個公司要如何組織而同時又會想到音樂書畫上的問題」論他的修養他「對一切事情來到面前從不曾忽略過絲毫但又未曾執滯過絲毫祇是盡心竭力的去做到了不得已的時候却會全盤割捨拋棄一無留戀」以上求知的經他是「惜世諦之未空增煩憂於俄頃」過一文中語

一生的精力用在改造自己改造國家「垂老而不知自靖」（以上自題象贊一文中語）他這一番忠勇強健的精神

真善美俱備的情感正是我們一般士大夫所缺乏倘若人人如此中華民族早就奮發有爲了而他苦口婆心的在政治上教育上經濟上社會上文藝上做了這許多的事寫了這許多的文章而未曾激起了劃時代的反響——至少如同五四運動一樣這豈非我們國家裏的一齣悲劇嗎

我是他的學生遠在民國十一年他因政治關係避難東京從他寫給我的幾十封信裏面（在抗戰的過程中我曾逢到幾次大火這許多寶貴書信和我一生收藏的照片同時付之一炬算是我對抗戰的貢獻也是最痛心的損失否則這許多信都可在這本書裏發表了）我知道了他的爲人他是祇知耕耘不問收穫的他願以所知的一切努力貢獻不想功成自我因此發生了兩種現象一是對事業有興趣而無野心故以交通言做過幾次部長但未曾在這裏面植立了一己的基礎一遇得失之交他便浩然引退二是對人事注意要盡其在我而不肯同流合污故此凡是和他接觸的人有的對他敬佩却有對他畏惕因此他在幕僚時代一帆風順而到當權的地步便難免遭遇伎妒等到蕭然在野人又替他鳴不平了他不肯超越舊道德的範圍來謀他個人的權位他不肯輕試新潮流的武器來造他個人的勢力他祇想從時間上的試驗來發展他的工作所以他所度的盡是紛擾憂勞的歲月而得不着世間的何等享受與報酬甚至獲不到公正的批評與認識然而事實與將來歷史雖不十分可靠應當翻案的事終久要翻案的

翻案要靠這部書他說的話將來應驗了他計劃的事將來實現了他提倡的一切將來都爲大眾接受

了那時社會上總有公論爲何這樣的人才未能展其抱負以致國家社會的進步停頓了這樣久這雖是可惜但還或者不嫌太晚

翻案尤其要靠這部書的讀者國家的改造是大衆的事必須要靠大衆的力量遐菴先生的朋友學生雖然不少但他未曾組織黨派不事宣傳他自己雖是能知能行却未曾產生過能知能行的團體在民國初年他曾經走過捷徑以爲善用環境倘能感化當局的軍閥藉他們的力量忍辱負重的來推行自己的政策也許可收速效如同民國元年中山先生期許袁世凱氏的一樣不料竟蹈中山先生的覆轍軍閥究竟是靠不住的當他避難東京的時候中山先生請他擔任大本營財政部長雖因求才若渴且相知有素但亦未始不含有這點同情的關係現在迴想起來遐菴先生未曾注意到組織黨派在他個人容未感覺到失算但從國家建設著想倘若從事交通的人早就團結成一個健全的機體公開的號召以交通救國爲目標經過這許多年的組織和宣傳今天中國的交通斷定是改觀了（就是今日政府與共產黨的談判中交通問題也必是變了質）爲今之計幸虧有他這部書算是有了靈魂定了交通救國的方案倘若讀者都能體會到作者的苦心受他的感召一致奮起從交通來救國來擔當他所諄囑的使命將來交通史上總會有一段精采的記載罷

自古立功的人多不易立言甚至功大的人言雖立而不傳然而立言究竟是重於立功的中山先生成爲國父其中亦有立言的關係我們一方面惋惜遐菴先生的立功但同時也可以欣幸他的立言倘若他的立功真的甚於立言或竟成一個好大喜功而淡於立言的心恐怕他會被犧牲於環境反而沒有

閒暇著書立說那麼我們今天還能看到這部書嗎不但交通救國少了這樣一個偉大的方案就是文藝美術的作品中少了他這點情感的推動也不免是我們文化上的損失罷

我們看他這部書受到他的薰陶得到他的指點我們的勇氣不禁的增高了幾倍現在國內建設雖然還在艱困時期但我們國家的前途總是光明的在一個五千年的國家裏短短幾年的紛擾不算致命的打擊我們希望不但改造國內的交通還要在這原子能宇宙綫的世界交通裏有所貢獻纔能表現我們最大的努力我們要人人立功來證明遐菴先生的立言

遐庵先生在他六十六歲的今日想到吾道不孤的將來或者精神上得到些少安慰這也是我們附帶貢獻的一點誠意

茅以昇 卅五年十月廿七日

序三

番禺葉公遐庵著述民國十九年始有遐庵彙稿之刊行以後續有刊輯抗戰軍興停輟甚久尙未及都爲全編景山連年于役海外從事於軍實之購備愧未能稍効其棉薄今春歸國公舊雨及門亦相率東旋咸以公名山事業攸關國故史成亟宜廣爲刊布以永流傳爰將彙稿一輯及二輯暨新編年譜合併再付剞劂公之文始略備景山參董其役幸得先覩而卒讀之竊念公畢生盡瘁交通事業其政事文章風節三十年來彪炳中外卓有千秋固已無俟贅述集中文章公牘以至詞章考據皆宏博精深夫子門牆崇峻亦非不文如景山者所得而仰讚一詞第景山以末屬受知從公努力於交通事業者亘二十年于一切大計及所經艱辛曲折多身與其役其間千端萬緒更僕難數然竊謂其中直接影響三十年來鐵路事業之隆替者蓋莫過於交通教育與鐵路外交兩者蓋公高瞻遠矚遠在民初已切感交通事業蓄艾儲才之亟民國六年遂創設各路扶輪學校八年更創立交通大學三校九年設立各路職工學校并陸續選派留學廣延專門人才初則精心擘劃繼以毅力堅持交通教育之基礎始漸奠定歷年各路從業人員代謝蟬聯賴以需求不匱抗戰以來後方軍工軍運戮力効命者亦以出身交通教育者爲中堅育才之效始漸彰明其對於大局之貢獻可云偉大又清末民初全國各大幹綫多成於外資當時收贖各路及借款締約公幾無役不從侃侃折衝罔不焦屑殫慮歷年鐵路外交之失策公補苴罅漏挽回之權利至多尤以民國九年乘機收回中東鐵路主權一役決勝運籌實極機警果敢之能事當時景山躬承指示執行一切至今猶若目前蓋公臨大事決大疑其始也運思極精既決焉則持行極果每決一

策必先詳籌熟慮于對方之印象環境之事實探討無遺務求其泛應曲當又每遇一案繁複糾紛所司屢議而不得要領窮稽而不得根據者公片言決之輒中肯綮若合符契其謀斷更有若此者獨惜三十年來政潮激盪反覆玄黃外侮內訌曾無寧歲其間公且遯跡荒江窮居隘室平生四政大計率以形格勢禁強半不得竟其設施昔嘗垂涕泣而道之者又不幸而言多中銖積寸累之基礎日卽于摧敗陵夷世變之殷誠有非當時所及料者追溯前規益增景行維賢之感矣抑景山覲縷及此者亦願讀斯集者稍識藍縷華路艱辛以謀光大發揚藉償前輩未竟之願非斤斤爲一人揚權也今年夏謁公于病榻寒向剴門蓋已六閱寒暑忠貞不屈大節凜然所歷艱困有非常人所能堪者而神明尙不衰則知悅禪味道所得已深泰然天君非夷險憂樂所能擾此誠期頤之徵殆天留碩果靈光以常爲晚學後生之坊表此又讀斯集者所同爲喜慰區區文字之流傳抑其末也已

中華民國三十五年十月天津劉景山拜序

序四

番禺先生以文章政事名天下者垂四十年蝦夷薦食海宇分崩先生伏處海濱抗志不辱者又且八年天下又皆知先生非獨政事文學之美已也其艱貞大節建天地而不悖垂萬祀而不磨風概所樹流均所被於是益有以知先生文章政事本原之有自天相中國倭氛忽戢而先生年亦六十有五矣於是門生故吏相與言曰吾屬往曾刊先生遐庵彙稿初編天下爭傳誦之今十年矣先生抱道自高其孤懷閔識所以昭示後來者不可不請於先生續布以詔國人兼爲先生壽先生既不忍拂衆意乃督克端爲弁言克端雖以文字受先生知淺陋之識何足窺見先生萬一顧侍先生逾二十年知先生志事節概大略不可無述以告天下先生天秉絕特未冠卽以文字受萍鄉文芸閣長沙張冶秋諸老知及官郵曹復以才略爲吾鄉陳玉蒼三水梁燕孫諸公所激賞目爲奇才共和肇造先生以才望特起四長交曹一遊歐美其間復受知國父出綜邦計長執政倭氛之作乃息影海濱以溝通文化自任寄意書畫以寫其嶽寄歷落之抱而先生乃垂垂老矣先生雖以壯歲致通顯乎然以吾國政治之失柄藩鎮之搶攘姦宄之盜竊終未克大行其志克端往燕居侍坐側聞先生論古今治化之本原中西學術之流別於運會隆污人才消長風俗盛衰莫不窮其變洞其微思所以拯之而抱道自守不欲苟取容於世世亦疑若忘先生久矣而蒿日時會於挽近人心之陷溺紀綱之廢弛變故之交乘凜然於禍至之無日蓋無日而不深矚孤憂皇然莫知其所措而研精內典被服儒素視窮通得喪若飄風之過乎前其意量之遠豈世俗所及知世徒以治軌政精能稱先生蓋知先生淺也噫嘻乎此淺微者亦未假手先生便竟其效廓其志則世之

負先生也深矣克端嘗以爲先生生平行誼其綜覈名實應手如斷似江陵而博正過之博精文事蕭然物外似臨川而精能過之顛沛流離不辱其志似信國而遭際則又迥異焉論者以爲先生視三子一若任未專遇未隆位業未極然其懷抱則一也天下之知先生者無不惜先生之不克久於其位竟其施以視臨川江陵之被重謗於沒世者則有辨矣海濱伏處雖若土室之囚然獲躬覩神州之光復蝦夷之乞降此又豈信國所及見者哉然則先生位業之未極先生之不幸邪國家之不幸邪而遭際乃異乎三子者又若天以默相中國者默相先生使得親見興復之運以稍殺其悲閔之懷是又吾屬所不能不引爲至幸者也方今國家興復之初經緯萬緒艱鉅之業所賴羣策先生雖所施未竟而其遠謀深慮閔規鉅模爲國家策百年大計者赫然具在此有志興復者所當取法者也是則斯編之布固國人日夕以企而世之景仰先生者讀其書想見其爲人苟取二三策行之以利邦國庶幾先生揅世之心爲不負而克端所臆測先生者或非門生故吏之私言而天下之公言也則克端之言亦庶幾附先生之書以傳於無極是又克端之厚幸也夫

中華民國三十有五年二月門下士閩侯曾克端謹序

序五

同人編印番禺葉先生遐菴彙稿及年譜成智煥謹爲之序曰吾國自海通以來思想學術暨一切事物均發生大變化時至今日中學爲主西學爲輔以至中學爲體西學爲用之一類見解已形摧敗然人生神智之脩養取以主宰綱維事物使得益顯其功能其間固仍有若干內蘊在非徒逐物徇俗遂能制馭萬有也百年來疆圉多故其間雖不少賢哲奮興對時局多所建樹然能明華夏哲理嬋嫣之脉擷歐美科學之精英用之於政事爲國家立百年之計者則仍不多覩故人才之消長與時會之盛衰實有至切之關係言歷史者亦不得不以此爲樞紐焉遐庵先生歷職郎署數參大政世皆奉爲交通行政之權威然先生豈局部之才徒爲一事一物致其力者故凡所擘劃莫不與國計民生相關國際形勢相適不囿于過去之傳統不競于淺近之事功蓋真能以政治家之目光手段以革命者之精神氣魄施之于行政者也先生以耿介不諧俗未獲大用此誠國家民族之大憾然于先生固無所加損也先生治百家之學究內典之奧以出世之心奮入世之業不以進退易志不以權位爲心獎成後進作育人材視國事如己事蓋先生之意以爲嚴子陵敝屣尊榮于東漢光復之蹟固不在雲臺廿八將之下則其意量可知矣抗戰期內先生息影滬濱峻拒敵僞寄情翰墨以自晦其高風亮節彌足媲美末世而勵薄俗今雖高臥滄江然民物之抱固未嘗去諸懷抑一切成規資後學奉爲圭臬者蓋不知凡幾故讀先生之著作吾人當視爲傳燈之秉指南之車而非可以尋常文字等視也智煥生後先生二十年奉手已晚而能親炙訓誨又不過二十年言之何足盡先生之涯際然輒以爲吾國史籍可稽者五千年其間高爵碩望何止億萬而

經常記憶所及顧不盈千至于人所口述耳稔者則復無逾百數甚矣傳人之難也夫古人之爲吾人所欽仰者或豐功偉蹟迭爲民社福或嘉言懿行足爲後世法或其藝文才藻蔚爲邦國光初非緣權位與標榜之所能致今先生之政事文采衆所共見其信今傳後自有其真價在何待智煥之侈陳謹本所窺見先生資治之本原及爲學得力之所在爲讀者告願讀者有以得之于筌蹄之外則此兩篇者亦瓊山衍義之補陽明傳習之錄而非止爲藝苑書林增其篇帙已也

中華民國三十五年冬後學莊智煥敬志于上海

遐菴彙稿例言

一、本書係以遐菴彙稿第一二兩輯彙編而成其中有若干續作一併編入一切體例悉與前同

一、先生所作詞前曾別編爲遐菴詞印行茲爲一併編入以成全璧

一、先生著述未成者甚多如筆記題跋等將來擬另行編印

一、抗戰後先生存稿多佚搜輯補編以俟他日

遐菴彙稿目錄

序文

照像

例言

上編 公牘

整理四政條陳前清光緒三十年……………一

代郵傳部擬便商車運京漢西茶致稅務處度支部湖廣總

督咨前清光緒卅三年……………九

代郵傳部擬京漢贖路前之提存餘利公積三項交涉致外

務部咨前清光緒卅四年……………一二

代外交部擬京漢贖路前比國賠款擔保解決辦法致比公

使照會前清光緒卅四年……………一四

代郵傳部擬京漢贖路用三省分認擔保款項致直督鄂督

豫撫公函前清光緒卅四年……………一五

代鐵路總局擬外部與比使評斷毫不妨礙收回京漢路權

致比公司代表配唐函前清光緒卅四年……………一六

代郵傳部擬展築株昭爭點致鄂督湘撫電前清光緒卅四年一七

代郵傳部擬註銷京漢鐵路借款行車各合同并接收情形

摺前清光緒卅四年……………一八

代郵傳部擬議結京漢贖路交涉情形摺前清宣統元年…………一九

路政報告書呈文民國元年……………二〇

鐵路同人教育會獎勵儲金通告民國三年……………二二

辭交通次長文民國四年……………二三

交通部令所屬各單位文十一件民國六年……………二三

交通部電氣技術委員會議決報告書民國六年……………三三

對於新銀團及鐵路統一問題有電民國八年……………四六

特派勸辦實業專使通告民國八年……………四九

徵求專門人才通啓民國九年……………五二

呈請復設駐外商務隨員民國九年……………五三

擬增交通部技術官額缺呈文民國九年……………五四

呈大總統擬具救濟出口貿易辦法民國九年……………五五

勸北方商家改良出口土貨文告民國九年……………六〇

致全國各實業機關電民國九年……………六四

開議創辦交通大學提案民國九年……………六四

令籌貨運負責長國九年……………六五

| | |
|----------------------------|----|
| 令籌設業務研究會民國九年 | 六六 |
| 令籌設線路審查會民國九年 | 六六 |
| 釐訂航業獎勵條例請明令公布文民國九年 | 六七 |
| 修築滄石路基及定期開工呈文民國九年 | 六九 |
| 呈報勸辦京兆地方實業情形文民國九年 | 七〇 |
| 呈報勸辦東三省實業情形文民國九年 | 七五 |
| 籌辦工賑修建路基呈文民國九年 | 八三 |
| 修築滄石烟濰兩路路基以工代賑呈文民國九年 | 八四 |
| 統一交通教育計畫呈文民國九年 | 八五 |
| 闡揚文化條陳民國九年 | 八七 |
| 令遵守鐵路會計則例民國九年 | 九〇 |
| 致駐美顧公使少川電民國九年 | 九一 |
| 閣議籌辦滄石煙濰曹堯隴海西段各路以工代賑提案民國九年 | 九二 |
| 閣議籌辦工賑急賑辦法提案民國十年 | 九三 |
| 粵漢川鐵路湘鄂線南段工程提案民國十年 | 九四 |
| 減輕災區農品運費兼濟災民電民國十年 | 九六 |
| 中國開辦郵政廿五年擬請發行紀念郵票文民國十年 | 九六 |

| | |
|----------------------------|-----|
| 刊行四庫全書提案民國十年 | 九七 |
| 陳報京綏全路竣工暨通車日期文民國十年 | 九七 |
| 呈報任內收支情形文民國十年 | 九八 |
| 設立魯案善後交通委員會議案民國十一年 | 九九 |
| 膠濟鐵路民有辦法大綱甫民國十一年 | 一〇〇 |
| 閣議整理電政欠費及債款辦法提案民國十一年 | 一〇一 |
| 閣議設立電政會計委員會提案民國十一年 | 一〇三 |
| 閣議擬請在增加關稅案內酌撥巨款補助路政提案民國十一年 | 一〇四 |
| 令革除陋習民國十三年 | 一〇六 |
| 令各舉心得以濟時艱民國十三年 | 一〇六 |
| 令尊重職守民國十三年 | 一〇七 |
| 交通部復外交部公函民國十四年 | 一〇七 |
| 執政府會議籌撥增加關稅實行交通建設計畫提案民國十四年 | 一〇八 |
| 交通行政權統一案民國十四年 | 一三二 |
| 保持交通四政特別會計案民國十四年 | 一四〇 |
| 執政府會議請闡揚中國文化提案民國十四年 | 一四三 |

| | | |
|---------------------------|-------|-----|
| 國憲規定交通事權及專設會計問題方案 | 民國十四年 | 一四四 |
| 整理交通外債計畫書 | 民國十四年 | 一五七 |
| 淞滬特別市暫行條例草案 | 民國十四年 | 一六五 |
| 訂正交通部鐵路職工教育委員會組織大綱 | 民國十四年 | 一七四 |
| 訂定交通部審查路員職工資歷委員會規則 | 民國十四年 | 一七五 |
| 訂定鐵路職工學校通則 | 民國十四年 | 一七六 |
| 修正鐵路職工教育委員會組織大綱 | 民國十四年 | 一七九 |
| 選派路員前往坎拿大實習呈文 | 民國十四年 | 一八〇 |
| 聲明交通部借款及古敦路借款實情 | 民國十五年 | 一八一 |
| 北京大學國學研究館致中華教育文化基金會董事會陳請書 | | |
| 民國十六年 | | 一八二 |
| 學術院組織大綱草案 | 民國十六年 | 一八四 |
| 鐵道部爲杭江鐵路令浙建廳文 | 民國廿一年 | 一八八 |
| 鐵道部令各鐵路局加意訓練專門人員 | 民國廿一年 | 一八九 |
| 鐵道部令各鐵路局鐵路材料應極力使用國產 | 民國廿一年 | |
| 鐵道部令各鐵路局注意開源節流 | 民國廿一年 | 一九〇 |
| 呈報繼續進行完成粵漢鐵路計劃釐定程序 | 民國廿一年 | 一九一 |

| | | |
|-------------------------|--------|----------|
| 令所屬努力奉公 | 民國廿一年 | 一九三 |
| 令服務鐵路應注意商業化 | 民國廿一年 | 一九三 |
| 令各路積極限期疏運以慰商民 | 案民國廿一年 | 一九三 |
| 電直魯鄂浙豫皖湘蘇等省府京滬漢津等市府維護商貨 | | |
| 運輸 | 民國廿一年 | 一九四 |
| 函上海錢業公會等於內地商貨營運力謀互助 | 民國廿一年 | 一九五 |
| 咨復新疆省政府限期完成迪化至猩猩峽國道 | 民國廿一年 | 一九五 |
| 對於粵漢鐵路完成之感想 | 民國廿五年 | 一九六 |
| 中國建築展覽會上行政院文 | 民國廿六年 | 二〇一 |
| 中國建築展覽會宣言稿 | 民國廿六年 | 二〇四 |
| 祝中國建築展覽會開幕 | 民國廿六年 | 二〇五 |
| 擬印行蘇松太著述意見書 | 民國廿六年 | 二〇六 |
| 中編 詩文 | | |
| 詩 (凡一千零五十二首) | | 一七一 |
| 詞 (凡一百七十五首) | | 一七二——二〇八 |
| 太平洋會議鐵路問題意見書 | 民國十年 | 二〇八 |

| | |
|------------------------|-----|
| 交通救國論民國十一年 | 二一八 |
| 交通部特別會計之存廢問題民國十一年 | 二五二 |
| 再論交通部之特別會計民國十一年 | 二五七 |
| 關於交通部特別會計之我見民國十一年 | 二五九 |
| 論廣九粵漢接軌問題民國十一年 | 二六三 |
| 五十年來中國之交通民國十一年 | 二六五 |
| 交通與教育民國十四年 | 二九一 |
| 交通教育略史民國十四年 | 二九五 |
| 交通大學之迴顧民國十四年 | 三〇〇 |
| 我國今後急待發展之交通事業民國十四年 | 三〇八 |
| 怎樣的裁兵民國十七年 | 三一六 |
| 京漢鐵路之現在及將來序民國三年 | 三二〇 |
| 文道希先生遺詩序民國六年 | 三二一 |
| 中國鐵路借款合同全集序民國五年 | 三二二 |
| 鐵道辭典序民國五年 | 三二三 |
| 交通部上海工業專門學校鐵路管理科頭班紀念冊序 | 三二四 |
| 民國九年 | 三二五 |
| 漢譯日本鐵道運輸規程解釋序民國九年 | 三二五 |

| | |
|----------------------------|-----|
| 聶肇靈著鐵路通論序 | 三二六 |
| 宋傳驥著鐵路管理學序 | 三二六 |
| 鐵路協會雜誌百期紀念增刊序民國十年 | 三二八 |
| 交通大學京唐滬三校壬戌級畢業紀念冊序民國十一年 | 三二九 |
| 東坡樂府牋序民國十一年 | 三三〇 |
| 張心激交通會計序 | 三三一 |
| 李懋勛著鐵路會計學序民國十二年 | 三三一 |
| 交通知新小錄序 | 三三七 |
| 凌鴻勛編鐵路工程學序民國十三年 | 三三八 |
| 鐵路文書會議會議錄序民國十四年 | 三三八 |
| 交通部南洋大學乙丑級鐵路管理科畢業紀念冊序民國十四年 | 三三九 |
| 吳承洛著中國實業狀況序民國十四年 | 三四〇 |
| 骨董瑣記序民國十五年 | 三四一 |
| 周緯著工廠管理法序民國十六年 | 三四一 |
| 蟄菴詩存序民國十六年 | 三四三 |
| 癭庵詩序民國十七年 | 三四四 |
| 毛詩古音譜讀序民國十七年 | 三四五 |

| | |
|---------------------|-----|
| 海雲閣詩鈔跋民國十七年 | 三四五 |
| 清代學者象傳序民國十七年 | 三四六 |
| 俞伯敷水周堂詩詞序民國十八年 | 三四七 |
| 陳師曾詩集序 | 三四八 |
| 大同雲岡石刻毀失記民國十八年 | 三四九 |
| 劉紀澤目錄學序 | 三五〇 |
| 明陶南村手寫古刻叢鈔跋 | 三五一 |
| 梁代陵墓考跋 | 三五四 |
| 跋徐儁邨詞 | 三五五 |
| 彙合宋本兩部重印淮海長短句序民國十九年 | 三五六 |
| 宋版淮海詞校印隨記民國十九年 | 三五七 |
| 陳玉蒼尙書奏議序民國二十年 | 三五九 |
| 重裝角直保聖寺唐代塑象記民國廿一年 | 三六〇 |
| 重修攝山隋舍利石塔記民國廿一年 | 三六一 |
| 角直保聖寺古物館記代 | 三六二 |
| 桂遊半月記序民國廿一年 | 三六三 |
| 款紅樓詞跋民國廿一年 | 三六四 |
| 李懋助再版鐵路會計學序民國廿一年 | 三六四 |

| | |
|-------------------------|-----|
| 大至閣詩序民國廿二年 | 三六七 |
| 說劍堂詩集序民國廿三年 | 三六八 |
| 說劍堂詞集跋民國廿三年 | 三六九 |
| 高奇峯遺畫跋民國廿三年 | 三六九 |
| 總理遺墨跋民國廿三年 | 三七〇 |
| 龔氏詞斷跋民國廿四年 | 三七〇 |
| 太湖西洞庭山顯慶寺整理藏經并修經樓記民國廿四年 | 三七一 |
| 睫闇詩鈔續集序民國廿四年 | 三七二 |
| 茱斐軒所刊詞林要韻跋民國廿四年 | 三七三 |
| 影印宋藏遺珍序民國廿四年 | 三七四 |
| 王竹亭著鐵路選線及計劃學序 | 三七五 |
| 影印宋磧砂版大藏經跋民國廿四年 | 三七七 |
| 歷代藏經考略民國廿五年 | 三七八 |
| 程松圃耦耕堂詩手稿跋民國廿五年 | 三九二 |
| 吳都法乘序民國廿五年 | 三九四 |
| 清名家詞序民國廿五年 | 三九五 |
| 江上晚晴樓詩稿序民國廿五年 | 三九五 |
| 榮定蜀著農村建設序 | 三九七 |

遐菴彙稿 目錄

| | |
|--------------------------|-----|
| 吳江葉氏詩錄序民國廿五年 | 三九九 |
| 陽羨砂壺圖考序民國廿五年 | 四〇〇 |
| 壯陶閣書畫錄序民國廿五年 | 四〇一 |
| 簡琴齋甲骨集古詩聯序民國廿五年 | 四〇二 |
| 陳文忠公練要堂集序民國廿六年 | 四〇三 |
| 廣東旅滬同鄉會第一屆會員錄序 | 四〇四 |
| 李國欽譯羅斯福自述我怎樣改造美國序民國廿七年 | 四〇五 |
| 翁占秋著菊集序民國廿七年 | 四〇六 |
| 陳孝威著抗戰論文選集再版序民國廿八年 | 四〇六 |
| 陳公哲著行草書例序民國廿八年 | 四〇七 |
| 明清畫家印鑑序民國廿八年 | 四〇八 |
| 陳公哲著香港考古發掘記序民國廿八年 | 四〇九 |
| 廣東文物展覽會緣起民國廿八年 | 四一一 |
| 廣東文物展覽會出品目錄序民國廿九年 | 四一二 |
| 廣東文物跋民國廿九年 | 四一四 |
| 擬編印廣東文獻叢編啓民國廿九年 | 四一五 |
| 旅港北大同學錄序民國廿九年 | 四一七 |
| 旅港交通大學校友慶祝母校四十五週年紀念特刊發刊辭 | |

六

| | |
|----------------------|-----|
| 民國三十年 | 四一八 |
| 廣東叢書序民國三十年 | 四一九 |
| 過庭百錄後記民國卅一年 | 四二一 |
| 節菴先生遺詩續編序 | 四二一 |
| 蔡公湛詩集序民國卅二年 | 四二二 |
| 丁氏藏瓷圖錄序 | 四二三 |
| 舊題謝靈運古詩帖跋 | 四二四 |
| 陳巨來古印舉式序 | 四二六 |
| 鳳池精舍圖跋民國卅三年 | 四二七 |
| 王秋齋攝堂詩選序民國卅三年 | 四二八 |
| 罔極菴記 | 四二八 |
| 祭別書畫作者文 | 四二九 |
| 宣爐詩序 | 四三一 |
| 嘉言類纂序 | 四三一 |
| 陳子和百葉書冊序民國卅五年 | 四三二 |
| 陸丹林著革命史譚序民國卅五年 | 四三三 |
| 磧砂延聖院小志 | 四三四 |
| 民十四長交通部時任內度支情形電民國十五年 | 四六九 |

| | |
|---------------------|-----|
| 勸張漢卿等服從三民主義電民國十六年 | 四七〇 |
| 籌辦鐵路團體教育募捐啓 | 四七一 |
| 乞言略啓民國三年 | 四七二 |
| 漪瀾堂雅集柬民國十四年 | 四七三 |
| 赴歐過日本時通訊民國七年 | 四七四 |
| 辭壽啓事民國九年 | 四七九 |
| 留別交通部同人啓事民國十四年 | 四八〇 |
| 敦皇經籍輯存會緣起 | 四八〇 |
| 徵求有清學人象傳啓事 | 四八一 |
| 代中英庚款會爲粵漢鐵路借款事致鐵道部函 | 四八二 |
| 代段芝泉致蔣介石函 | 四八五 |
| 致董鼎三函 | 四八六 |
| 致顧孟餘函 | 四八七 |
| 與黃漸磐書民國廿三年 | 四八八 |
| 致蔣主席函民國卅五年 | 四八九 |
| 致劉天行函民國卅五年 | 四九〇 |
| 募修天童寺啓民國廿五年 | 四九二 |
| 編印中華大藏議民國卅四年 | 四九三 |

| | |
|-------------------------|-----|
| 陳玉蒼尙書七十壽序民國十年 | 四九五 |
| 三水梁保三先生壽序民國十二年 | 四九七 |
| 清遠朱聘三先生七十七生日詩序 | 四九八 |
| 徐氏姑九十壽序民國廿六年 | 五〇〇 |
| 周母梅夫人六十壽序民國卅二年 | 五〇一 |
| 包母馮夫人誄言民國十年 | 五〇三 |
| 先君仲鸞公家傳 | 五〇四 |
| 淨持墓碣 | 五〇六 |
| 外舅孫虎峯先生外姑陳夫人合葬墓表民國十八年七月 | 五〇六 |
| 清故郵傳部尙書陳公玉蒼墓誌銘民國十九年 | 五〇八 |
| 三水梁保三先生墓表 | 五一一 |
| 三水梁公神道碑民國廿二年 | 五一二 |
| 關伯衡先生墓碑民國廿二年 | 五一四 |
| 紹興朱子橋先生墓誌銘民國三十年 | 五一六 |
| 周榕墓碣銘民國廿六年 | 五一九 |
| 諦閑法師杭州衣鉢塔銘 | 五一九 |
| 凌光廷墓表民國三十年 | 五一九 |
| 高奇峯先生象贊 | 五二〇 |

| | |
|----------------------------|-----|
| 明道法師象贊····· | 五二一 |
| 題鄒海雪象贊····· | 五二一 |
| 自題象贊····· | 五二一 |
| 雪贊····· | 五二一 |
| 題觀世音象關伯衡家爲其祝冥福所繪····· | 五二二 |
| 題黃叔偉所自繪象····· | 五二二 |
| 楊母象贊····· | 五二二 |
| 諦閑法師象贊····· | 五二二 |
| 普照法師象贊····· | 五二二 |
| 汪表姪婦張夫人象贊····· | 五二三 |
| 國父孫公象贊民國卅五年····· | 五二三 |
| 爲顧起潛題顧衡復泉贊····· | 五二三 |
| 祭丁叔雅文····· | 五二三 |
| 祭胡展堂先生文····· | 五二四 |
| 祭蔡子民先生文民國廿九年····· | 五二五 |
| 代北大同學會祭蔡子民先生文民國廿九年····· | 五二五 |
| 代香港各文化團體公祭許地山先生文民國三十年····· | 五二六 |
| 對於泰戈爾逝世的感悼民國三十年····· | 五二七 |

| | |
|---------------------|-----|
| 汪賢婦張夫人傳民國卅四年····· | 五二八 |
| 記李烈婦····· | 五二九 |
| 四十年求知的經過民國廿六年····· | 五三〇 |
| 記金老人民國十三年····· | 五三六 |
| 重修元萬松老人塔記民國十四年····· | 五三七 |
| 卞山謁石林公墓記民國十七年····· | 五三七 |
| 我國雕塑漫話民國十八年····· | 五三九 |

下編 演講

| | |
|---------------------------|----|
| 鐵路協會成立會演詞民國元年····· | 一 |
| 中國鐵路之過去及未來····· | 一 |
| 鐵路協會懇親大會演講民國二年····· | 四 |
| 在全國鐵路總公司孫總理歡迎會演詞民國二年····· | 五 |
| 特別會計之理由民國二年····· | 七 |
| 鐵路協會懇親會演詞民國三年····· | 一〇 |
| 鐵路協會評議會演詞民國六年····· | 一二 |
| 出席國會說明交通四政預算案詞民國七年····· | 一三 |
| 鐵路協會電氣協會餞別席上演說詞民國七年····· | 一七 |
| 交通研究會開會演詞民國七年····· | 二一 |

| | | |
|-------------------------|------|----|
| 調查英國鐵路時之談話 | 民國八年 | 二四 |
| 美國鮑爾溫機車廠中國學生會歡迎會訓詞 | 民國八年 | 二五 |
| 鐵路協會電氣協會技術委員會工程師學會聯合歡迎會 | | |

| | | |
|------------------|-------|----|
| 上演說詞 | 民國八年 | 二五 |
| 交通校友會演說詞 | 民國九年 | 三〇 |
| 技術委員會第三次工程師會議訓詞 | 民國九年 | 三三 |
| 交通部交通行政講習所開學訓詞 | 民國九年 | 三六 |
| 吉長路土們嶺隧道開通典禮演詞 | 民國九年 | 三八 |
| 鐵路協會懇親會演詞 | 民國九年 | 三九 |
| 第九次國有鐵路聯運會議開會頌詞 | 民國十年 | 四〇 |
| 鐵路技術委員會第三次機械會議訓詞 | | 四一 |
| 中華全國道路建設協會開幕演詞 | 民國十年 | 四一 |
| 交通大學開幕演詞 | 民國十年 | 四三 |
| 對於裁撤鐵路同人教育會的意見 | 民國十一年 | 四五 |
| 交通部財政實況 | 民國十一年 | 五〇 |
| 詹天佑技監銅像開幕典禮演詞 | 民國十一年 | 五五 |
| 中國科學社第十次年會演詞 | 民國十四年 | 五六 |
| 第六次中國鐵路運輸會議訓詞 | 民國十四年 | 五七 |

| | | |
|------------------|---------|-----|
| 交通部國音電報會議演詞 | 民國十四年 | 五八 |
| 唐山大學演詞 | 民國十四年 | 五九 |
| 東方大學週年紀念訓詞 | 民國十四年 | 六三 |
| 北京大學國學研究館開學演詞 | 民國十六年 | 六六 |
| 清史應如何纂修 | 民國十七年 | 六九 |
| 聽了美展開幕的幾段演說以後 | 民國十八年 | 七六 |
| 音樂藝文社演詞 | | 七八 |
| 清代詞學之攝影 | 民國十九年五月 | 八〇 |
| 建築外交上的新基礎 | 民國十九年 | 八四 |
| 鐵道部廿一年第一次總理紀念週報告 | | 八六 |
| 鐵道部應急貨運會議訓詞 | 民國廿一年 | 九〇 |
| 鐵道部最近施政經過和今後的計劃 | 民國廿一年 | 九一 |
| 發展青島市演詞 | 民國廿三年 | 九八 |
| 行政效能演詞 | 民國廿三年 | 一〇九 |
| 什麼叫作經驗 | | 一二 |
| 暨南大學廿五週年紀念詞 | | 一七 |
| 我與黃膺白先生 | | 一九 |
| 交通大學四十週年紀念感想 | 民國廿五年 | 一九 |

| | | | |
|----------------|-------|----|-----|
| 我國公路應注意的幾點 | 民國廿五年 | …… | 一二三 |
| 對於良友全國攝影旅行團的感想 | …… | …… | 一二七 |
| 經濟建設與利用外資及技術 | …… | …… | 一三〇 |
| 我也來談談教育 | 民國廿六年 | …… | 一三五 |
| 我國今後建築的作風應如何轉變 | 民國廿六年 | …… | 一四二 |

| | | | |
|---------------|-------|----|-----|
| 研究西南文化應有的幾個概念 | 民國廿七年 | …… | 一四五 |
| 歌之建立 | 民國廿八年 | …… | 一四八 |
| 我國語言文字之整理 | 民國廿九年 | …… | 一五四 |
| 寫字學綱要 | 民國廿九年 | …… | 一六一 |
| 跋 | | | |

遐菴彙稿目次

上編 公牘

番禺葉恭綽選翁

整理四政條陳前清光緒三十年

竊維本部綜理郵電輪路四大端其所重在挈領提綱統籌全局與昔日鐵路總公司電報局等之偏顧一方面者不同其宗旨辦法亦即因之大異第不詳悉四政原理及現在情形決不能猝定宗旨辦法故調查一事急宜舉行又本部綜理四大端則款項時機皆可收貫通挹注之益其中事半功倍者往往而有故統籌全局實爲今日至要之圖又本部轄事既多全恃法律章程以相鈐束否則上無所執以爲監察下無所據以爲適從擾亂紛紜必無成效故一切規則必應詳訂行政方有本原以上三者以言急務無逾於此側聞部中各事刻將竭力更張謹貢咫聞藉供裁擇祈垂覽而教正之幸甚

一調查情形 調查之要夫人知之然必當有次序有方法今略擬如左

甲調查之宗旨

- 一調查本國已辦四政之情形使知某可沿襲某當革除某當變通某當推廣以爲改良之豫備
- 一調查本國未辦四政之情形使知某宜速舉某可緩行某應合籌某須分辨以爲下手之基址
- 一調查外國已辦議辦四政情形使知他人籌畫之密設備之宜研究之精進步之速以爲比較師

承之地

乙調查之方法

一頒行各種表式令所轄各局所逐款填註近者限十日內遠者限一月內至遠者限兩月內送部

備查此項表式種類名目皆宜詳晰不厭其煩宜註調查者姓名及年月

一分行各部院各督撫將軍都統及出使各國大臣代任調查之責隨時將有關四政之事報知本部

一派員往本國各處分類詳查據實報告

一派員往外國各都會分類擇要詳查隨時報告

一廣收各人之報告條陳存儲備擇

一博采中外各種報章書籍擇要繙譯以供考索

一由本部考查各項成案將有關四政事項擇要編製各項詳表詳圖

一由本部彙合各處報告表冊編立各項詳表詳圖以便統計

丙調查之事項

一鐵路

一船政

一電政

一郵政

（原稿關於上述四項所列應調查路船電郵之各項狀況及各國之法令制度暨四政上之會計統計辦法等其細目計鐵路上一百〇二條船政上共九十四條電政上共七十二條郵政

上共五十條條目繁多
纖悉俱備茲均從略）

以上各條皆就輪路郵電四端舉其切要大概其間尙多缺略然亟應調查之事略具於茲特其事有倉卒可查悉者有窮年累月未易知者大抵宜分遣調查同時並舉不必分別難易緩急部中亟宜設一總匯之地辦理此事俟調查已得大概然後按切情勢預爲通籌一切方可有所依據否則紛紜煩雜似未易遽中肯綮也

一統籌全局 郵傳部之綜理郵電輪路非第以性質相類亦以四者有互相補助之益互相聯屬之機分之爲四不若統之於一之便於規畫也然則必統籌全局乃無媿於部職否則祇一局所之事而非一部之事矣統籌約分二者

一統全局以通籌

一統歷年以通籌

而其所以籌之者約分爲三

一緣於事理者

此就事理之所宜而言如鐵路借款必須速還外國郵政必須停辦是

一緣於情勢者

事理所宜或未必盡能實行故應斟酌情勢如鐵路則支幹應分緩急郵政則驛站應謀歸併等是

一緣於款項者

情理攸宜無款仍不能辦事故或預爲儲蓄以備急需或互爲挹注以期靈活或妥爲分配以劑均平均須先行籌及

其實行通籌之法有五

一多設學堂

造船造機關車及各項工程均屬高等工學應酌設此項學堂若干分課專門其餘爲養成中級學術及職工而設者亦應酌量需用之數預爲布置以備應用務期數年之後一切可不假手外人其假手外人者我亦知其竅要得以鈐束而控馭之庶諸事皆可振作矣

一速振工業

輪路郵電四項所用物料除土方外幾無不用外國物今中國所製輪船機關車但取外國製物拚攏而成下至鑽鋸釘頭亦皆不能自製此實失利之大者後此四政日益推廣漏卮胡可勝言且已不能自製將永受他人挾制尤非立國之道故爲國權及利益計非速振工業而日言推廣四政是徒爲他人拓利源耳

一籌設銀行

興業全恃母財中國今日奇窮辦理各事實無若干之資本最善之策惟有籌設銀行舉各項入款悉儲其間仍爲尋常營業需款則由其間劃撥遇有窘乏仍可挪移各處款項既無轉徙解撥

之煩而利息涓滴歸公籌劃時復易於統計且不至動須求借遇事均易通融此實今日要策也

一速行統計

欲推廣輪路郵電四端非詳悉已往及現在情形必且無從下手故調查之後亟宜分別事項列表統計以細考進退贏絀之由而爲擴充改良之地統計之法宜簡括明瞭凡非切要之事不必闡入應別設專員司之

一詳定章程

說詳下

至四項中每項應通籌者

甲路政

一預定全國幹綫支綫及歸官辦商辦

一畫一全國軌制

一分別全國幹路支路之先後緩急辦法

一統計近三年全國官辦已成鐵路每年進支贏絀及淨利若干

一預計已成鐵路贏利每年約可增修鐵路若干里

一決算已成鐵路平均每里築造費若干

一統計自今年起官商各路每年可造成若干

一預籌鐵路內外債辦法

一派員練習工程司及上等職務

一預養森林

一預勘煤礦

一預籌增設造車廠

一預籌合設鍊鋼廠

一預籌設立專門學堂及中級下級學堂辦法

一頒定各項圖表冊籍票據格式及填註法

一預籌派遣游學專門辦法

一精繪各項路線圖

乙 船 政

一詳定輪船民船江河海港各航綫

一擴張船廠及增設船廠

一統計本國輪船公司資本船數噸數分別獎勵擴張

一派員實習各關理船廳所轄各項事務

一預籌設立商船學校

一預籌派遣游學專門學生辦法

一詳籌獎勵補助造船法

一詳籌獎勵航海法

一精繪各項水道圖

丙郵政

一速籌推廣各郵政局

一漸籌禁止各國在中國所設郵政局

一漸籌酌減郵費

一郵票籌歸自印

一派員往各總局實習

一擬定各關協助經費辦法

一陸續設郵政學堂可與電信學堂合設

丁電政

一全國電綫籌歸國有

一電器材料藥料全數設法自製

一劃定通國電綫經路及比較歷年利息籌展各綫

一詳籌減收電費辦法

一陸續設電信學堂

一頒定各項圖表冊籍票據格式

一訂定章程 本部管轄事衆欲舉其任必先有以實行其權所以實行其權者何卽一切章程規則也是也六部向有則例學部農工商部亦曾訂各項章程本部既有專司苟仍聽其散漫糾紛不爲統挈又何取有此一部故本部開宗明義卽應從此下手今應陸續訂定者共四十六種（原稿分從略）約分爲九項

一本部自訂定自執行者（如建造鐵路規則鐵路員役任免勸懲法等）

一本部會同他部訂定而自執行者（如開港規則須會同各地方官等）

一本部訂定而由他人執行者（如鐵路巡警規則管轄電氣規則須由民政部執行等）

一本部與他部會訂而由他部執行者（如郵政法部司法部執行等）

一向來所有尙應斟酌改良者（如鐵路集股規則電報收費規則等）

一向來所無而亟應訂定者

一向來參差而應畫一者（如各處鐵路巡警規則等）

一向來懸擬而現應實行者（如商船學校規則等）

一向來完備而現應增訂者（如保護電綫規則鐵路員役任免勸懲法等）

訂定各項規則其辦法有數端

- 一詳查舊有規則以究其利弊
- 一參考各國規則以定其從違
- 一廣諮中外專門以考其當否
- 一稍遲實行期限以便於改良
- 一漸改現行規則以爲之預備

代郵傳部擬便商車運京漢西茶致稅務處度支部湖廣總督咨前清光緒三十三年

（上略）查湖北西茶從前向由產地運至樊城經河南直隸山西山東各屬分銷張家口歸化城等處至光緒二年經前北洋大臣李鴻章歸海運其時風氣未開諸多觀望由海運者惟紅茶老茶二種嗣議以二成由招商局保險試運通州其餘仍歸陸運迨庚子年後始多歸海運其貴重之茶由京漢火車載運者亦恆有之近年茶市不振銷路日疲商人詳悉研求知茶由船運悶積艙內爲時過久潮熱薰蒸色香俱變以致聲價頓減屢議改良之策當光緒三十一二年間京漢鐵路初通商人即擬改由火車載運當由前督辦大臣唐派人商訂辦法未經決議嗣本部設立後該商重申前請當以火車運價較昂但各商所擬辦法係爲暢銷土貨起見不能不予維持經派朱守濤與之接洽節經往返商議訂定運輸章程按照向來由水運稅捐輪船民船脚價上下駁力各項收取除由本部所設之鐵路運輸所代納鄂豫直豫貨捐及支出堆棧碼頭駁船上下駁力外固不及鐵路運茶二等運脚亦不及鐵路最低之六等運脚因各

商歷次懇求當經本部批准照辦在案是西茶改歸車運純係爲體恤商情振興商業起見與昔日之由陸運改歸輪運者情事正復相同方今商智日開交通日便運貨應從何道商人爭時乘勢應聽善自爲謀未宜加以強制來咨所云改從陸運原可聽商人之便實爲至當不易之論本部自當飭令經理此事之人迅速卽行開運以副貴處維持商務之意至稅厘一項本從運道爲變遷從前西茶由樊城各屬轉運北方沿途所收厘捐爲數非尠及改由輪運各省厘捐驟失鉅款未嘗向招商局取償原以稅厘隨運道爲變遷不能強指某項貨物之稅厘爲稅關厘局固有之利益也此次西茶由輪運改爲車運與從前由陸運改爲輪運情事相同原未便將輪運時應繳之稅強令由車運者繳納致背定例而拂商情至湖廣總督江漢關道迭次所稱關稅損失鉅款一節查漢口出口之茶產地計十餘處有由輪運者有由陸運者有由火車運者卽輪運之中又有運往上海天津香港之不同運往上海天津漢口香港之中又有行銷內地轉運外洋之各別此次改由車運之西茶僅僅各項中之一小部分本部籌運之初卽慮於稅款有所窒礙節經於稅關商會行號各處細加調查每年江漢關徵收此項西茶關稅實祇銀十三四萬兩之譜如改由火車載運不完關稅卽須完納直豫鄂豫兩道貨捐該貨捐係聲明每道照關稅減半卽值百抽二五兩道共合值百抽五與海關稅則相同本屬毫無出入第因海關茶稅本非按照時價徵收以致與完照估價徵收之貨捐相較遂形見絀然照西茶估本核計改由車運後如完直豫鄂豫兩省貨捐每年新增進款不下十萬金兩相抵補是統計西茶改運在國家稅捐所損不過三四萬金其數並不爲鉅而每年增收之運費及實業興盛無形之利益所加不止倍蓰有餘爲國家通盤計算贏絀之數較

然可觀竊以爲歷久衰疲之大宗出口貨苟有計爲之改良助其暢銷縱須補助鉅金猶將不恤況取償於彼裨益良多近年迭奉明詔准予減少茶稅整頓茶務朝廷注重實業體恤商民無微不至凡各部省自當實力奉行西茶改運一事發議於五年以前商人籌之已久本部不惜減收運費以爲補助揆之小往大來之義似未便半途而廢致阻大宗商業發達之機且此項由漢關徵稅之茶向來由漢出口轉運天津直放張家口其不由漢關徵稅之茶向來由襄河一帶轉運河南山西陝西三省現正紛紛到京漢局商議改由鐵路轉運以資利便爲數且倍於西茶將來若一律徵稅實於茶業與鐵路發達皆有窒礙是此項車運茶稅實不宜勉強徵收惟現在庫儲支絀江漢關向收此項茶稅既係爲撥付大賠款之需亟應兼顧統籌免致指撥無著查此項西茶係由漢口起運擬請貴處於每年西茶起運時派令鄂豫貨捐局人員分別種類貨色斤量確實詳查登記呈報貴處由貴處每季咨照本部核對數目由本部按海關稅則應完稅數核算銀兩逕解貴處以便轉解度支部爲抵撥大賠款之需此外沿途一切關卡局所應徵厘稅雜捐卽概不重征似此辦法於國家每年收入無損絲毫貴處撥解賠款不失銖黍而西茶因此可利轉輸稅則因此免滋齟齬實一舉而數善備現在新茶久已上市向由鐵路運載之茶業經陸續開運其改由車運之西茶亦已定期開運礙難再行延緩以致客商受虧應請貴處將以上辦法迅卽決議見復施行此係本部累月來再三討論洵爲愚慮之一得諒貴處必先鑒及此也總之此事係緣便商而起彼此同屬一家無分畛域自當從長計度以便施行至此宗西茶抵補關稅辦法議定之後自當永遠遵守其餘百貨以及向由陸運之雙茶等項概不得援以爲例至應如何分別孰爲向來由招商局承

運之西茶孰爲向由陸運之各種茶應請貴處明定辦法以免輻輳（下略）

代郵傳部擬京漢贖路前之提存餘利公積三項交涉致外務部咨前清光緒三十四年

據鐵路總局局長梁士詒呈稱京漢鐵路借款詳細合同第七款內稱鐵路進款除一切局用及行車各費外其淨餘者當留備股票應用又第八款內行車進款除開銷外之淨數由中國總公司託比公司陸續移交比京總銀行或該總銀行所派經手之銀行直至彀付下半年應付之數爲度各等語該路於西曆一千九百零九年以前還息不還本其歷屆還息則均係照合同辦法預先三個月將應還之數提出存儲現屆西曆一千九百零八年之終照額定還款期限至一千九百零九年三月一號爲第一次還本如照合同辦法自應將一千九百零九年三月一號應還借本之數於一千九百零八年年底即於行車進款內提出存儲惟現擬於西本年十二月三十一號即將借款全數提前還清辦法又微有分別不得不預向該公司聲明當由鐵路總局函致比公司聲明借款雖提前還清而按照合同仍須於一千九百零八年年底將一千九百零九年三月一號一期應還借本之數由行車進款提出蓋合同一日未廢仍須一日照合同辦事故也嗣接比公司十月十一日復稱借款既於一千九百零八年還清則一千九百零九年即無借款不允於一千九百零八年行車進款內預先提存當由鐵路總局函駁去後續接比公司函稱於此節仍屬堅持並請照借款合同第二十六款行車合同第七款將此事請外務部及比國駐京大臣評斷等語士詒查此事比公司因若於一千九百零八年行車進款提存應還借本於該公司應得二成餘利即未免有虧故堅持不允其實借款一日未清即合同條款一日不能不照辦此刻該公司

既願請外務部與比國駐京大臣評斷應請咨行外務部堅持抗議以期從速斷決又前接該公司函稱一千九百零六零七兩年餘利項下所提公積應按照行車合同第六款在該項公積餘款內分給比公司之二成西本年帳上並不提存公積等語當經由鐵路總局據理駁復茲接該公司十月二十五日函亦將此節堅持並請由外務部與比國駐京大臣評斷等語士詒查京漢行車合同第四款內稱行車進款一俟足敷付利還本即在盈餘項下提出十成之一作爲公積以備小修大修藉保行車一無阻礙此外餘款儘數歸於中國總公司等語又第六款內稱中國總公司准於每年公同結帳後除攤還各項借款本利各費外於實在餘利中酌提十分之二酬給比公司等語又小借款合同第四款內稱一千九百零五年底全路完工之後除修路養路各費及提還本息並提大修小修經費一成悉照行車合同第四款所載均應在行車正款項下開銷等語行車合同第四款爲提存公積之根據其第六款則爲給比公司二成餘利之根據原提存公積之意係用以保固全路工程京漢鐵路係中國國家產業其提存公積即係保固自有之產業與比公司何干比公司爲中國國家之委派經理人故中國國家每年將實在餘利之二成酬給該公司是該公司祇有承受中國給與實在餘利二成之權利斷無強分中國國家預備保固自有產業之公積二成之權利此理之至顯然者也該公司之據以爲詞不過因行車合同第六款所稱除攤還各項借款本利各費外一語並未指明公積二字以爲不應提出公積之後中國方以二成與比公司然果如所言是此項公積應在中國所得八成內提存何以一千九百零六零七兩年結帳時所定總帳均係先提利息次提蘆定保官息次提員司花紅次提公積以上四款提畢後所餘才爲實在

餘利卽名淨利中國政府方以其二成酬給比公司可知除去公積方爲實在餘利此係不易之理且久爲比公司所承認現行車合同第四款詳細聲明提存公積之次序辦法已認定行車進款一俟足數付利還本卽行提存公積豈有不在行車進款提存而轉在中國所得八成淨利內提存之理比公司所稱辦法明係違背合同且亦自相矛盾彼明知理不圓足乃創爲合同第六款無公積二字之說不知提款次序行車合同第四款已切實載明況各費二字所包者廣又實在餘利四字應作何解亦至易明試問尙有應支之款安能名之曰實在餘利至一千九百零八年結帳時不提公積顯與合同辦法不符當合同未廢以前比公司斷無權利可以擅改辦法總之此事無論如何萬無應允之理該公司利令智昏無理取鬧應請咨行外務部主持力駁庶戢貪囂等情除飭由鐵路總局函復該公司已由貴部暨比國駐京大臣評斷並聲明無論評斷至如何地位若干時期均不得因此絲毫阻礙一千九百零九年正月一號中國接收該路之事外相應鈔錄來往函件帳單咨呈貴部查照核辦見復可也

代外交部擬京漢贖路前比國賠款担保解決辦法致比公使照會

前清光緒三十四年

光緒三十四年十月日准貴大臣照稱比國政府墊付大賠款擔保一事本大臣甚願聞貴國政府體恤比公司之議當將中比直接交涉情節轉致本國政府至梁京堂與本大臣所論之每年存款六十五萬佛郎不能以此擔保爲十足等因查京漢鐵路交回中國管理日期現經決定其因不肯接受擔保以致遲延之故應由比公司擔此責任第中國與比公司多年交好亦願極力將就早日了此問題俾比公司得卸此項責任本部現擬查照付給比國大賠款最多之年之數照數存款於在中國之歐洲銀行該銀

行照市面通例給回中國存款利息此項利息六個月結算一次由中國隨時提用另由鐵路總局給一憑函與比政府作爲擔保如大賠款有停止或核減時准比政府將該項存款照數提用至比政府所收賠款以及墊出整款之數中國即將此項存款陸續照數提回并撤銷此項擔保相應照會貴大臣查照迅即電知貴國政府早日定議見復可也

代郵傳部擬京漢贖路用三省分認担保款項致直督鄂督豫撫公函前清光緒三十四年

逕密啓者京漢贖路一事期迫款鉅所須款項亟應早日籌維前與樞廷會議辦法四條原有借用洋款一條誠以該路借款興築其損失利權事權之故實以路歸借款公司管理及均分餘利以路抵押三者爲要害此蓋由於訂立合同條款之不得其宜非經營實業必不可借款充用也今若能借一不管路不分餘利不以路抵押之洋債以還此管路分餘利及以路抵押之外債使該路完全歸爲我有從此斷盡葛藤債東及借款公司除按年收還本息外不能絲毫干預路事似屬毫無流弊本部因懸一格以招外債大要在不以路抵押債東不問該款如何用處利息至多五厘折扣不逾九五近日頗有應者惟資本家因吾國外債向有切實抵押現利息既減折扣又少倘絕無抵押應募者恐不能踴躍議仍須抵押以便召集竊意抵押本有虛實之分以路抵押自非善策至以他項抵押如津浦之所指抵押各項本屬虛名在彼藉此以安債東之心在我即藉此可爭交換之益至應還本息我本無到期不還之意實無慮因此而受人干涉近年來吾國債票信用頗著於歐美市場彼中人亦知吾國經理財政之人智識漸高不易行其欺詐故辦理一切較易措手其抵押一事彼亦知其虛假不過存此名以聳動債東俾市價較高

經手公司可多得扣用耳本無要求切實抵押之意我自可以不着實之抵押與之在彼則藉償虛願在我則實無所傷且抵押之有害與否全視本息能否如期清還本部所轄各路成效日彰卽以京奉京漢而論近三年每年餘利平均得五六百萬兩加以他路逐漸獲利按年歸還本息自可沛然有餘是所謂抵押不過虛有其名萬無干預事權之慮且外人於此亦不求甚解近如津浦抵押所舉款目亦祇約略言之蓋從前各路借款外人本欲管路故要求以路抵押於所訂辦法推敲甚細鈴束甚嚴若外人允認以他項作抵則其不重視此抵押之實益可知故祇須具一抵押之名兼其款目爲衆人所諗知便足稱信彼亦不一一較量討論也京漢跨連直鄂豫三省現路歸比國管理於貴治土地主權軍事外交均極有關係彼此痛癢相關不得不籲呼將伯此次借款之抵押擬卽仿津浦辦法以直隸河南湖北三省款項作抵以借款三千六百萬兩利息五厘計每年應還本息約三百萬兩三省分計每省須覓按年有一百萬兩進款之款以之作抵並無須將所抵之款交與該借款公司與貴治財政分毫無損且該款無論一項或數項或數十項合成均無不可祇須按年進款能到該數彼亦不能稽查各省帳目也惟三省可指款目究有若干本部無從懸揣用特專函奉商左右擬懇通籌一是見復施行（下略）

代鐵路總局擬外部與比使評斷毫不妨礙收回京漢路權致比公司代表配唐函

前清光緒三十四年

逕復者接中十月二十五日函稱在一九零八年行車進款提一九零九年上期應付借本及比公司擬索一九零六年一九零七年已分公積餘款之二成暨一九零八年不提公積兩節比公司意仍堅持擬照借款合同第二十六款行車合同第七款請外務部與比國駐京大臣評斷等語本局於此事現亦一

意堅持已照合同請外務部與貴國駐京大臣評斷矣但有一事今先與貴公司聲明凡歸外務部與貴國駐京大臣評斷之事無論評斷須若干時期及評斷至如何地步決不能因此絲毫有礙一千九百零九年正月一號以前比公司將京漢全路管理權交回中國一事此係按照合同條款辦理彼此不應異議特此聲明并希見復

代郵傳部擬展築株昭爭點致鄂督湘撫電前清光緒三十四年

（上略）展築株昭係因萍漢礦廠同時大舉奉旨招商國家亦撥助股本蓋爲挽回全國工商利益起見亟須籌畫通運自不能不助其發達然亦並無利被害此之見湘人接辦粵漢若趕速貫通全路利當與京漢埒與萍株之專注此四十里者不同因湘中請定弧綫萍株乃展昭山業已奏聞乃復翻異朝廷得毋責部之煩本部原奏曾聲明係大礦專運鐵路不載他貨則於湘潭商業分毫無損且萍煤運銷粵漢將來仍須行幹路是商路株潭一綫既可免數百輛煤車之出險粵漢全部分復可沾南北接運萍煤之利益若必云希望萍煤運利豈萍株不展昭山能強萍煤之必走湘路乎本部視廠礦與粵漢同屬商業並無歧視所有辦法事前業經秉商政府熟審再三聞從前地方大吏屢勸湘人籌築該綫迄無應者延擱至今逮一籌辦乃羣起而爭殊欠公允盛杏翁來電云全仗貴督撫切實諭禁當息浮議此時部亦未便答復公司請公切實諭飭紳商曉以大義告以實情公司不乏明理之人得賢長官鎮靜維持當能靖羣言而孚衆志現已飭薛道鴻年一面卽行購地希堯公速密飭沿途州縣照前認真保護再鄙意此事萬無中止之理如必不得已或照原奏所擬辦法預先訂明官築株昭一段不兼載客貨尙屬可行惟

此係最後辦法現在萬勿宣布兩公體察情形遇必須通融辦理可卽作爲出自兩公之意照上法居間調停由本部復允作結較省枝節一切均祈卓奪辦理爲感

代郵傳部擬註銷京漢鐵路借款行車各合同並接收情形摺前清光緒三十四年

竊京漢鐵路前議及時收回當將籌辦情形歷次分別奏陳並函照比公司聲明俟全款還清迭次所訂借款行車各合同悉行作廢各在案嗣與比公司商定一切應還款項統在法京交付准本年十二月初六日卽西曆一千九百零八年十二月二十八號全數付清當由出使比國大臣李盛鐸專辦此項交款事宜隨時將所籌各款督飭交通銀行分起陸續籌匯茲據李盛鐸電稱所有應交本息經手費各項共法金二萬二千七百四十萬零一千零四十一佛郎三十三生丁業已如數交清又照合同應交回比公司釐定保三年官息二成共銀圓二十四萬零一百二十九圓九角亦已由臣部付訖當於十二月初十日卽西曆一千九百零九年正月一號派鐵路局長梁士詒京漢鐵路監督鄭清濂將比公司經手各項文卷帳目欸項材料一併點收並將抵押卷據悉數收回迭次合同全行作廢卽於是日爲臣部收回京漢全路管理權之始惟比公司於京漢一路久據利權一旦拱手授人中情似難允願故於收欸交路各事要求挾制迭發難端經臣部加派委員葉恭綽袁長坤李大受盧學孟等隨時隨筆峻拒婉商始克就範迨本年十月間比公司尙藉口比政府從前墊交該路賠欸之擔保另歸外務部與比國駐京使臣公斷各事均未了結聲言明年正月一號不能交回該路管理權復經臣等援據合同辯駁至於再三直至十二月初九日比國駐京使臣始照會外務部定於初十日先將管理權交出註銷各項合同其餘爭執

諸節隨時再行議結竊思此路借債逾四千萬兩比人干涉已越十年茲幸仰稟聖謨得以完全收贖此後工程行車各項應行布置之事方多容臣等隨時妥籌悉心辦理總期路務日臻完善藉副朝廷慎重交通之至意（下略）

代郵傳部擬議結京漢贖路交涉情形摺前清宣統元年

竊京漢鐵路前向比公司贖回迭經臣部將籌款辦法分別奏明並於宣統元年二月十八日臣部彙陳收撥各路款略摺內將截至光緒三十四年十二月底止贖路撥用各款一并附陳在案查該路與比公司爭執之款甚多比公司頗擬藉此延緩交路之期嗣臣部堅持始定光緒三十四年十二月初十日先行交收而將未了各款隨後議結計彼此爭執最烈者爲大賠款擔保款項一事先是庚子之役京漢鐵路因歸比公司管理遂亦於大賠款內得有賠償經督辦大臣盛宣懷與比公司議撥該款爲修復路工之用又以大賠款係分三十九年清交緩不濟急復商由比政府先行墊出整款嗣後按年扣還並由盛宣懷給比公司憑函聲明將來大賠款如有停止核減時卽以該路餘利八成作保如贖路後中國則另尋一擔保用保此整款將來偶有之虧失等語比公司因此遂要求贖路後仍將京漢各權利爲此款擔保臣部以路經贖回斷無留此枝節以自束縛之理力拒不允又該路本有公積一款以備不虞比公司復擬分其二成臣部以有背合同未經許可同時臣部亦要求該公司數款以爲操縱彼此辯爭多次未能解決不得已照合同第二十六款辦法歸外務部與比國駐京使臣公斷嗣由外務部與該使臣斷結查照大賠款三十九年內攤算京漢鐵路應得之款最多之年計約二百十四萬佛郎由中國照數存儲

上海華比銀行以爲大賠整款之擔保至大賠款付清爲止存款該銀行仍照通例給回利息其盛宣懷所給比公司憑函卽行作廢因比公司辦事多年鐵路亦得餘利另行給與酬費其公積一款比公司不能索取分毫至臣部要求該公司數事亦卽通融了結由外務部將議結文件咨照前來贖路交涉全案至此始悉行結束至所撥如還比公司借款一項大賠整款擔保一項比公司酬費一項大借款利息押款一項及暫借各款應還本息等均經逐款核計掃數結清連暫時押款兩項在內贖路款項實支英金三百七十六萬鎊支銀一千三百七十一萬八千五百七十八兩六錢二厘兩共約合銀四千餘萬兩之譜成本較前略爲加重惟此後每年可省去分與借款公司之二成餘利約四十萬兩又管理一切主權在我無形之利益良多查該路本爲交通要綫前歸比人管理因靳惜費用以冀多分餘利致設備多有未周臣等迭經考查知該路爲交通脈絡及財政本原所關非力求擴充不足以收美利臣歷次往返躬親巡視亦確見該路遺利尙鉅當爲詳求疏濬濬導之法惟諸事非款不舉逆計數年之內如果款項應手所擬辦法得以次第設施成績必當勝於今日至贖路借用各款本息應由該路行車進款按期歸還並照例按年提存公積以備意外應均作爲定案永遠不許移用以昭慎重至贖路款項應由臣部於收撥各路款項總帳內另行詳細奏明（下略）

路政報告書呈文民國元年

竊本年分鐵路一部分因有種種特殊情形辦理實多困難溯自四月間統一政府成立本部北遷本司承令暫設路政股辦事合前路政總局兩職務併隸於一機關前此辦事者凡百數十人該股才十有一

人並以督辦任務責之恭綽至五月間始有司長之任命七月間始有分科之組織八月間始先後續添人員本司乃稍稍完全成立恭綽猥以菲材承部長之指揮監督勉力服務自開部以迄今日以路司事務如此其繁劇人員如此其缺乏交涉如此其困難加以地方秩序未盡恢復營業現狀苦於維持合同成案之束縛既日墮於荆棘之中法制規則之不完復無以爲持循之具內部之艱危日甚局外之責望彌奢瞻顧旁皇幾於束手幸而內則恃同僚之贊助外則賴局員之盡職內外一心對於鐵路營業以統一路事恢復秩序爲入手之辦法以改良章制便利客商發達營業爲進行之程序凡所設施差免罪戾亦云幸矣且此一年中本司以主管事務與各機關戰與惡社會戰者不如凡幾要皆以職務爲重嫌怨爲輕此則幸賴有賢長官主持於上而令本司勉能舉其職者也現值年終課最之期除各項成績俟彙齊另案詳呈外茲先將各路本年度營業進款大數比較近三年逐有增加並比較預算原數亦有漲進各情形附表呈報伏乞察核備案抑恭綽更有進者本司所屬事務除計畫未成各路暨監督商辦各路以及津浦一路甫經歸併不計外計開車營業者共有京奉京漢京張張綏滬甯汴洛正太道清吉長株萍等十路關於用人行政借款交涉日行營業特別運輸軍事運輸工程設備合同規章等事項終日文電絡繹應接不暇其重要者則累月不易解決其急切者則星夜不能停留計自本年四月二十二日起至本年底止來往函電計共一萬四千餘件此外稽核簿記調查狀況辦理交涉從事工程機械等均不屬於文牘之內以現有之員終日從事勞精敝神乃至休假夜分亦不得息對於路政前途凡所謂遠大之計劃完全之研究坐是未暇計及者尙多此則不能爲諱而且限於官制賢者無以自見亦間有用之

不能盡其才者鷦明之翼垂而不飛騏驥之足抑而不騁此又恭綽對於路政不能不鰓鰓過慮者也

鐵路同人教育會獎勵儲金通告民國三年

各路所定鐵路同人儲金章程在開辦之先早已公布大家諒已見過辦儲金的意思原有兩層一則各路開設學堂係爲路員子弟得受教育這宗費用不小應請大家幫忙略盡錢財上的義務二則要藉這個儲蓄的方法勉勵大家節省若干的錢如以爲儲金是一種捐款那就錯了捐款是拿不回來的儲金是要將原數歸還存主的日後存主年紀大了不在路上做事或者別有高就或病故了或被裁了皆可由本人或他的後人於六個月裏頭拿收據直接去向本路會計處將所有儲金領回不用經別人的手如果將收據遺失亦不要緊只要向主管的人說明緣故找着保人依舊可以收回儲存的款項如京漢路上的汪君仁元何君崇傑津浦路上的劉君祖彤何君樹新等京奉路上的謝君昭曹君鑒林君端甫等或是因爲離了差或是因爲本人身故他們的儲金早已由各路局發還還有京綏路上的姚君嵩年因爲由京綏調往京奉他的儲金亦即過到京奉路上同人的儲金帳上如此說來這儲金明明白白不是捐款了再說大家手中有錢隨便化散甚是可惜不如存在銀行安穩可靠不但將來積少成多可以得一宗整款而且所生的息金拿來補助本會所辦的各級學堂經費仍然是用在大家子弟的身上豈不是一舉兩得麼儲金是由各路局會計處直接解交銀行存放最是靠得住的本會並不經手至會計處收了各人儲金之後每人每期都給一張收條如有沒收到的應趕緊去要並須將這種收條好好留存不要遺失本會因爲恐怕不能人人都懂得這件事的細情所以用白話來通告大家盼望人人都

明白內裏的情形便不辜負本會這番苦心了

辭交通次長文民國四年

竊恭綽奉令免議復職業經另行呈謝恩施伏思恭綽服務交通已逾十載自維譴劣恆誓以敬事盡職爲心其於交通行政雖乏片長初未敢怠於研究以事會之蕃變才力之蹇薄行能之迂拙所懷未盡百一而負咎已多忍尤復甚仰荷大總統優遇不敢自惜益窮朝夕竭智慮忘艱險者四年於茲體因增辱而飛言方未已今幸承睿鑒事卽得白誠不宜久妨賢路以乖往哲量力之戒而興流俗戀棧之疑或終辜鈞座矜全之德加以比歲積思成痼醫有危言嚴親勸誡汔可小休自忖再膺劇務將促天年亦宜守寧靜之旨沐生成之化屏就寬閒徐圖報稱敢請逾量垂允開去交通次長本職毋任感激屏營之至

交通部令所屬各單位文民國六年

一

令
統一鐵路會計會
本部路政司
各路督辦局長（漳廈路）處長

統一鐵路會計事宜自民國二年以來本部幾費經營訂定各項則例頒布施行並歷經派員赴各路查核帳目接洽改良事項各路多能按照統一辦法辦理成效漸彰惟規模雖已粗具運用貴有精神近來迭因時局影響統一會計之進行不免遲滯現共和恢復庶政方興所有統一會計事宜應繼續切實辦理合行令仰各路按照則例將應行改良事項妥爲籌擬呈部核定施行並仰統一鐵路會計會隨時討論以臻完善仍由路政司會同該會督促實行隨時酌量請派員司赴各路實地攷查務期循軌而行藉

收財政整理之效本部實有厚望焉

二

令本部各廳司各公所局處

交通事業至纖至悉服務員司各用所長分任其事急起疾追僅乃克勝非可以暇豫玩愒爲治也自部中以至各局所原定辦事規則本屬各有責成乃考察內外人員其奮勉勤職資勞特著者固多而志氣頹放無所事事者亦所在多有彼職守恆荒者無論矣若夫旅進旅退循例畫到問以職務則漫不經心叩其從公則向無曠闕如是之屬相習成風是名尸居實爲官蠹故不惰於迹而惰於心其爲事雖殊而爲害無擇又若孳孳案牘惟日不足而事屢積壓運用不靈此由於法防弊而過繁事求急而反緩非盡任事之才短乃由督率之無方試舉鐵路車務之稽核言之立制之初至周極密有弊必覺而檢查苦不能速於是發覆之時往往在證據湮滅人員去位之後蓋一事而須經數人之手輾轉鈎稽輒費時日會計之造賬其遲緩亦然而公款之因此而損失亦正相似凡此皆迹之顯然者乃至一文書期會之間苟以今日之事待之明日一時之事須之異時卽無形之中公家或以受其損於不覺此皆亟宜分別緩急研究求速之方以爲救濟之具者也本總長以爲整頓交通事業宜惜寶貴光陰斷不宜令暇逸者得以圖安賢勞者因而短氣而欲員司之勤職必須親身督率不爲空談尤當策人才於有益之途勿徒置心思於無用之地爲此通令仰各嚴飭所屬實事求是力戒從前嬉玩之舊習求爲以後積極之進行務使官無廢人人無廢事勤有所勸怠有所懲而後四政可以有發展之望至於鐵路舊制繁複萬緒其過於延遲者應如何別尋善法迅赴事機仍不使滋生流弊亦由各路局一併條議聽候採擇其各遵照無忽

三

令本部各廳司及各公局
處所

交通四政皆具有營業性質爲將本求利之事故欲營業之進步大抵有擴充而無收縮若祇維持現狀本屬無理之尤蓋不進則退勢有固然是以今日而言節流所應注意者即用項是否出于生利之途苟增加工程購買物料添用人員其結果能直接令進款增益自不能目之爲濫費反之則濫竽之人員飾觀之建築侈耗之物品不予裁減於事何裨查郵電兩項近年收支相抵尙有盈餘然爲數已屬無幾路政所入恆不敷出案民國六年預算鐵路營業項下歲入六千八百餘萬元歲出五千四百餘萬元資本項下歲入一千八百餘萬元歲出三千三百餘萬元兩項併計已不相抵況今夏北方猝遇大水京漢尤甚停車短收及修繕工程各費損失何啻巨萬長此遷延不振則年復一年虧耗伊於胡底默察近日弊政之原乃在專驚虛文不求實事在上者日言省費汰冗而在下者任意浮冒開支或用人給薪不按部章遠出定額之外或要工闕款懸而不辦徒事不急之需豈知積少成多則爲數亦屬不貲此非由於顧徇情面不避請託使然卽由於核准工程漫無抉擇所致各該主管人員職任所關酌盈劑虛責無旁貸應卽就該管情形通盤籌畫於用人購料施工各端酌量緩急權衡輕重擬具辦法呈候核奪總之嗣後一切開支必須切實以預算爲標準例如薪費一項預算本有定額而或任意超過濫請追加今年既已增加明年復爲定例其爲糜濫何可勝言論者恆言官辦之營業不如民辦或招商包辦者之善理由甚多其一卽爲虛糜今欲於官辦之事兼受包辦之益莫如嚴定人員薪費之數限制各首領於其範圍以

內自由酌用只許減少不許增加而挈領提綱乃在於編定預算時核之必嚴折衷至當施行之後部中卽以預算定額是否超過爲考成凡能比定數低減者本部認爲成績之一種苟能行之外旣可以謝鑽營內亦可以明責任交通前途庶幾有豸時艱口亟願共勉之

四

令本部各司廳各公所督辦
處處長

欲助長國家經濟力之發達交通事業實筦其樞以恆理論路電郵航各事業苟整理有方則收入遞增乃屬自然之勢惟欲求巨額之激增則非急圖開源不可查五年度四政收入較三年度增一千三百餘萬徒就收入而言不可謂非進步若就收支計則盈餘亦未可謂豐況天災人禍相逼而來軍事始平水患又見商旅交阻而路電首當其衝恐并此遞年少增之數而不可保夫生利之道節流不如開源此理類能言之而究之所開之源凡幾開而獲效者凡幾挾策言事者雖多然求坐言起行究不如當局者審諦之真切本部內而廳司外而局所人才林立類皆供職歷年積有心得如鐵路一項如何吸收向不車運之貨物如何輸出向不外行之土產如何擴充易於獲利之支線如何籌畫附屬鐵路之營業郵電兩項如何增區設局逐漸推廣歸併民業聯絡國外各宜根據事實量度現力籌議以聞凡以能施行無弊而實效可以操券爲主其爲利雖鉅而易於生弊或事在必行而艱於籌款者雖目前暫不能行亦不無論究之價值仰各悉心研求認真體察自令到之日起限一月內具復不惟得集思廣益之功兼以覘各員之才識經歷幸勿視爲具文是爲至要

五

令各局處公所

鐵路員司服制規則頒行已久乃近查各路員司所着制服多欠整潔且於規定顏色等亦漸涉紛歧尤以冬季制服爲甚實於觀瞻有礙爲此令仰各該路迅卽加意整理嗣後訂購制服務須於規定顏色製式相符卽深淺廣狹之間亦不得稍有參差並嚴禁各員司自爲風氣服用制服尤應力求整潔以肅體制仰卽遵照辦理

六

令本部各廳司及直轄各機關

本部所管路電郵航四政均係官營業性質在在多與款項有關卽在在足以覘辦事者之操守曩者任事諸人大都廉慎有守不爲利誘操守純潔人無間言是以詆謗路電諸政者雖以爲私弊百出貪冒無藝不過想像之詞終能爲國人所共諒乃近頃以來風俗日偷人心益壞營私舞弊之事層見迭出習染成風不恤名譽各局所束身自愛之人居大多數而與少數之敗類同受惡名言念及之痛心何極本總長重蒞舊治思挽頽波決不敢蹈口夷腹跖之風致復成面從心違之習凡百庶司須知六計尙廉三戒在得苟無清白之守則外界之嘗試攻我襲我者皆得乘吾瑕釁破其藩籬不幸而身觸刑章則畢生自隳其名譽卽幸而偶然漏網亦終身受劫於他人利害相衡孰得孰失自今以往其務消除舊染砥礪廉隅使聞者翕然以爲處今日交通之機關而衮影無慚脂膏不潤大有人在未可厚非庶幾表示自立之精神自可回復已失之名譽否則人言可畏國法具存本總長惟有付之有司嚴律懲治勿謂言之不預也

七

令京漢鐵路管理局局長王景春

該路黃河橋梁將屆保固之期勢不能不另建正式大橋以垂久遠該局前呈綫路設在上游於籌款一層尤爲注重當飭本部沈技監將黃河建橋一案詳細審核茲據復稱取線宜在下游藉避南岸山洞將來施工較爲易易並請立黃河橋籌辦委員會招集中外有名橋梁工程司及京漢技術人員詳細計劃籌備等語查新橋地點設在下游則舊橋出險時必受其沖擊而施工却較易若設在上游則沖擊可免但施工實較難兩說所見不同各有利弊合將沈技監意見書鈔發該局用資參考仰與本月十三日關於此事之指令併案籌議呈候核奪

附鈔沈技監意見書

技監沈琪呈爲遵示研究另造京漢路黃河橋一案竊查京漢路現用之黃河橋自西曆一千九百零一年開始建築至一千九百零五年方行竣事計自著手以至完成須時四年有餘保固之期自竣工日起爲十五年車頭重量行車速率爲特別限制該橋性質尙屬便橋橋身共長三千零十密達其中三十一密達之橋梁四十八空二十一密達之橋梁五十二孔二十九密達之橋梁二空共一百零二空所有橋墩係用螺絲鐵樁攢入地內上搭鐵架以安橋梁其體甚輕更兼該樁入地只深十三密達尙在流沙之內未著實地因易流動故七十一號橋墩稍有傾斜其他亦微有沉陷者歷年投石河內以資防護十一年間用去石塊已不知幾百萬方橋下河底已改沙爲石該橋反爲穩固當比公司建造該橋時其意固在工速費省然若將該橋之建築資本與歷年防護特別管理以及特別行車所用

之經費統爲計算建一正式大橋亦不過如是況河底方至穩固時期而全橋保固之期將滿勢不得不另行建築當時計劃不能不謂之失算然該橋保固之期雖爲十五年幸歷年防護得法河底諒無意外鋼鐵經用最少二十年今後九年以內樁梁等件亦不致有何等危險但該橋工程艱巨設不早爲籌備臨掘井則無所措手矣我國橋工中可以資參考者只津浦之黃河橋該橋雖在京漢黃河之下游六百餘里河之寬度只有京漢橋五分之二約一千二百五十密達河道愈窄水勢愈急工之難易大有區別當津浦路建該橋時原擬一百三十密達者一空九十密達者二空四十五密達者十八空再加橋墩寬度共爲一千一百五十餘密達除應用洋灰不計外共估價約六百餘萬馬克合三百萬元由德國橋梁公司包造已定有草合同後因濟南紳商無理取鬧謂橋空過窄有礙河防遂改爲一百五十密達者一空一百二十密達者二空九十密達者九空估價一千二百餘萬馬克全橋之長不過加增八十餘密達而包價竟加增一倍須賠償原定之材料數十萬元再該處河道雖共寬一千二百餘密達冬春水涸時常流水者不過二百五十密達第按第一計劃橋墩建在水內者至少須有三座施工甚難而第二計劃橋墩建在水內者只有一座施工較易經此無意識之變更而橋梁公司藉以得此莫大之利益殊爲可惜蓋因改建之說由我提起價值變更更不能不聽彼要求也此津浦路黃河橋因變更計劃以致受此巨虧之大概情形也現擬造之正式京漢黃河橋取線宜在下游避開南岸山洞距便橋約一里有餘該處水流於春冬令水涸時約分三股南北兩股各寬約二百密達中間一股約寬五十密達其餘均可常爲旱地施工尙不其難若諸事籌備完全由開工日起三年定

可成功奈現時歐戰方殷料價運費均無定價歐戰既停一二年內原狀亦不易恢復由今日起似可以前三年爲計劃籌備之期以後三年爲實行建築之期計劃愈精則工料愈省籌備愈妥則成功愈速也其計劃籌備之法似可在本部先設立一京漢路黃河橋籌辦委員會招集中外于建築大橋研究有素之各工程司如津浦濟南正段長史婁納（該員實係羅馬尼亞人因應聘稱係德籍此次中德斷絕國交一併停職倘能由某國公使證明確係羅馬尼亞人仍可回職因津浦兩次黃河橋均由該員設計建造時亦由該員監修經驗上確有把握）技監詹天佑前京綏總工程司鄺孫謀技正俞人鳳華南圭等再加以京漢技術人員詳細計劃籌備以爲未雨綢繆之計是否有當尙祈鈞裁

八

令各路總局公所督辦處
局長

國有各路以借款關係各自爲政之故章制分歧不能劃一由來已久其中惟京漢一路立法較詳設置完善此外因循舊習雜亂無章實屬多數每一事發生苦無依據上官窮於指示屬員無所遵從似此情形胡能終日前此通飭編輯規章匯覽本卽爲隨時改革漸趨大同之起端上年八月間由部公布國有鐵路局編制通則及專章並員司月薪分級章程雖於各路內容未及詳查而爲急求統一起見用意本屬甚善試辦一年以來屢由各該路員司指陳原頒通則專章障礙情形企圖修正本部念創制之事本極困難利弊之間互相倚伏此項國有鐵路局編制通則及各該路局專章職員月薪分級章程公布以來其是否適用有無窒礙各該局督辦處當必詳究利害洞見癥結仰卽逐一簽注限文到十日內呈部並應各就該路情形及時局趨勢改良宗旨擬一各該路編制專章草案從速送部以供參攷此項草案將來

本部即據爲核定各專章及編擬通則之基各路有棄小異求大同及舍舊謀新之意向方可見諸施行并收實效此外各該處所機關首領及員司對於此事皆可條陳意見藉備參稽但求獲最善之法規不可有對人之成見該局長督辦處長幸體斯意依限條上勿稍延緩是爲至要

九

令各區兼理電政監督

准交通銀行總管理處函開請飭令路電郵各局所有收支款項仍照以前辦法全數交由本行各地分行經理本行已經通告各分行就地與各機關妥爲接洽自繼續往來以後自當聽候各機關隨時提用即本行倘有停兌之處可亦分別票現照常辦理務希俯允照辦等因除函復照准並分行路郵各局遵照外合即令仰該監督通行所屬各局設有交通分行之處一體遵照並將辦理情形具復

十

令各鐵路管理局處總公所工程局

查各路所用材料泰半取給於舶來品自歐戰延長物價日形騰貴來源幾至絕歇欲求救濟之法宜善調度之方本部所轄各路凡廠所中所存材料盡屬鐵路資本萬不容有絲毫之閣廢惟各路開辦較久所有積存散置各處之材料未克時時檢查加以市況變遷供求懸絕往往甲路之需要適爲乙路之廢物或前此之下乘已成今日之奇珍苟非有統籌利用之方將有左右支絀之勢此外普通用品此有所缺彼有所餘亦宜酌盈劑虛以資撙節本部現爲通盤籌畫起見仰各該路迅將現在所存材料分別清釐劃爲(甲)儲存本路已久不適用者(乙)積存較多可以全數或半數移供他路之用者(丙)現在缺乏亟須添購者合列一表並開明品目數量價值及其他必要記載剋日印刷多分送部以便發交各路

互相酌劑如有合於甲表所列情形者並可由各該路先行互商擇用以期敏捷

十

令

各鐵路管理局局長
隴秦豫海
漢粵川鐵路督辦
各鐵路監督局局長

查鐵路爲營業性質以便利客商爲前提舉凡鐵路之規章行車之時刻鐵路均負有公告之責是以各路站設立廣告牌凡爲商旅應知之路章及應守之規則均須逐一黏貼俾可周知不生誤會並須整齊顯明以便商旅易於注意此項辦法即無異鐵路之指南而站員之舞弊客商之受愚亦藉以減少其立法用意至爲良善近者本部考察各路站廣告往往大小參差自爲風氣殊非整齊劃一之道甚者應行黏貼各規章有缺略不全者有已廢之舊章與新章並行懸挂致客商靡所適從者有他路行車之時刻早經改訂不予更新而仍將舊表黏貼者有廣告不標明年月號數致兩項並存意義鑿枘而莫知孰爲先後者是各站員對於站上廣告漫不經意致良法美意不能推行且恐易生誤會轉滋弊端亟應切實整頓以策路務查前年該路（京漢）曾製定廣告牌辦法凡廣告紙張之式樣黏貼之方位均由總局算定頒發依式張貼局中車務處應有與各站同一之廣告標本遇有新出廣告即按牌上空餘面積製造指定黏貼地位由調查員等按月照式查驗有無錯誤毀損此種辦法在總局便於稽核在站員有所遵循而旅客亦不至於誤會由該路公所轉飭仿照切實辦理（各公所）路局查照前定辦法切實辦理毋得再視爲具文（京漢）一面飭行車務處對於發貼廣告務必注意標明年月編列號數以別先後其有更訂新章者應將黏貼之舊章從速銷毀而免淆混

（下略）

交通部電氣技術委員會議決報告書

其一 審查購辦六年度材料單案

民國六年十二月十四日議決

電氣技術委員會呈准電政司交議審查購辦六年度材料單一案當經召集股員迭次審查僉稱查此項材料係分電報電話無線電三種用品電報材料由上海轉運處開單呈請購辦電話及無線電材料由各該局自行開單呈請購辦除八號鐵綫業已提前辦理外其餘各料總共約估六十一萬一千八百餘元核其用途均屬需要惟當茲款絀之際設非必不可少之品不妨略爲節省查滬處擴充機廠一案現在歐戰未終鋼鐵飛漲機件價值奇昂擬請暫從緩辦此項料單即應刪去電話一項京津煙鎮揚各局料單尙屬相當蘇寧二局將擴充材料併入開列似欠合式擴充與經常不同不能混合一起應請俟將來審查營業情形時另案辦理料單數量應即減少上海一局所開料單估價二萬四千餘元之多比較京津各局超過十餘倍未免太費即如該局所云年久失修亦不至如是之鉅已爲之切實削減以資撙節無線電一項查來頓瓶與玻璃管兩種需用頗多購置甚難不妨加倍購辦以爲預備所有各料數量應刪應減應增之處均經逐條審查于料單內詳晰註明至各料程式有從前所購現不適用者有現雖適用應加改良者亦附註於單內以便招標時有所根據（下略）

其二 江西瓷業公司造送大磁碗式樣案

民國六年十一月十一日議決

電氣技術委員會呈准電政司交議江西磁業公司造送大磁碗式樣一案當經召集股會公同審查僉稱江西磁業公司造送之磁碗外觀雖甚合式然考其質地尙覺太鬆其火候亦欠勻靜且碗內螺旋大

小不一致與交去之鐵鈎不能適合要因製自手工以致有此缺點並據該公司聲稱于螺旋適合一節尙無把握然現在電綫所用磁碗大都係鐵鈎螺絲式照造送之樣自必不能合用惟吾國電氣磁業僅在萌芽亟宜提倡鼓勵徐圖發展卽如外洋各國以數十年之研究始得今日之結果而日本磁業螺絲之克告厥成亦僅于茲數載可見此種工業之完美自非一蹴而可幾及今該公司所造之貨較之本國他處強勝已多似不必求全責備以灰墮其漸謀進步之念因擬變通辦法先令該公司製造電話市用磁碗卽用直脚鐵鈎裝置不用螺旋逆計當可應用一面再令其悉心研究務使磁質再求堅實磁油再加光厚其于螺絲一層尤宜竭盡心力設法改良以冀漸底于成（下略）

其三

研究電氣試驗所籌備辦法案

民國六年十一月三十日議決

電氣技術委員會呈准電政司交議研究電氣試驗所籌備辦法一案當經召集股會迭次審查僉稱電政爲全國通信之機樞而機料又爲電政生存之命脈倘訂購機料時無程式之規定交收機料時無物質之考驗不但用不適宜竊恐影響及于電政實非淺鮮現在上海材料處遇有收受材料雖交由唐電師壁田考驗然儀器不全究非完善辦法故議決于中央設一電氣研究所特派專員規訂機料程式考察機料物質並研究改良方式等事並于上海交貨總彙之處設一電料試驗所按照部定程式凡物質之良窳製造之精粗均須逐細試驗方能收受則電政上之得益自比往日不同惟設立專所應先擇定適當地點中央擬卽在郵電學校內暫行附設其上海應用房屋若另行購覓則需款費時聞上海之電料機器廠將有遷移之舉並查該廠房屋原爲本部產業若就其原址改設殊屬相宜至于中央上海兩

所應用儀器藥品圖畫等物擇其要者分別置備並將各物價值詳細估計另單呈核再將來規模完備所有民間電氣出品亦得令其送所試驗並酌收試驗費以資補助各（下略）

其四 駐滬電料轉運處所擬材料名稱及數量單位案

民國六年十一月十六日議決

電氣技術委員會呈准電政司交議駐滬電料轉運處所擬材料名稱及數量單位一案先于本月八日召集股會公同審查僉稱材料名稱本係電氣名詞之一部分而尤爲電局日用所必需現在電氣名詞之編訂既未能即日告成而材料名稱之繁雜亦何妨提前規訂庶幾昭示劃一俾免紛歧惟查原表內所列各種材料未將英文原名附入非惟向外訂貨時無所適從即各外局領料時亦轉多疑義似應將華文英文並列以資參證至華文譯名亦間有意義未能允洽之處非逐字研究表決無以審定（下略）

其五 本年度開辦重慶宜昌蕪湖潮州等處電話及改良南京電話案

民國六年十一月二十四日議決

電氣技術委員會呈准電政司交議本年度開辦重慶宜昌蕪湖潮州等處及改良南京電話一案當經公司召集股會公同審查僉稱重慶地方雖稱繁盛然據原議開辦七百戶恐非三五年內所能達到且原議共電式所需用開辦費及維持費較磁石式增加一倍有餘爲節省經費計自應儘先開辦五百戶用磁石單式交換機綫路用銅回綫及架空電纜俟將來用戶果能發達至七百戶以上時再行更換共電式亦未爲晚此外如宜昌蕪湖潮州等處除蕪湖移用漢口局撤下之德國式交換機及話機潮州移用南京局換下之交換機外其餘均屬可行至南京局改良辦法按照現在情形自爲急務惟羅泰所擬重新建設計劃所需經費未免過多且南京局用戶僅有三百餘每年增加不滿百號就目前情形觀察

尙未至改用共電式新機程度應先就綫路上改良完全改用銅回綫及架空電纜並購換磁石單式交換機其撤下之舊交換機俟修理完全移往潮州等處裝設因南京現有之交換機程式既不一律接綫更形不便而形式亦不甚美觀故須改用新機以期一致即日後改換共電式新機時此種磁石單式交換機在各小電話局均可利用不致成廢物惟羅泰所估綫路材料既據中山顧問審查之結果與陳工程司彰珩上年所估相差甚鉅且與實情亦有不合之處自應另行估計以免疏漏又據會員等意見并稱蘇州電話現有用戶五百七十餘戶綫路腐壞較南京尤甚且將來該處爲滬寧長途話綫必經之地應請查照上年陳工程司所擬維持現狀辦法與南京局同時將綫路改良以期劃一各（下略）

其六

京漢滬漢兩路幹綫應否接差流式案

民國六年十一月十七日議決

電氣技術委員會呈據本會正委員郭世鑠提議京漢滬漢兩路幹綫現接雙工電機應否改接差流式一案業經召集工程機械兩股委員詳加討論僉謂京漢滬漢兩路幹綫關係緊要所設雙工快機原爲一綫兩用遞電迅速計也若時常棄而不用殊非正當辦法東西各國設立此項雙工遞電機器最爲注意者有（甲）綫路應維持暢通（乙）機器方式須適合于用（丙）值守機器人應有測量電力整理機器之技能三者俱備自能收效非唯一綫可以兩用即四用或八用甚至十六用亦無不可至吾國京漢滬漢兩路幹綫所設橋路雙工遞電法就學理上經濟上而言固宜改用差流式然綫路是否維持暢通及值守機器人員對於測配電力整理機器等法是否熟悉尙難確言非派員詳細調查不得知其底蘊擬先以京漢綫入手等語當即按照本會規則第八條選定後開各員分別擔任實地調查

唐璧田調查漢口電報局專任整理機器及測配電力

龔湘玉調查鄭州電報局專任整理中繼電機器及測配電力

彭欲義現任北京電報局總管於局內機器綫路情形較爲熟悉仍留駐該局俟唐沈兩委員行抵漢口鄭州局即約定時期會同該員等測驗綫路情形支配電力及整理機器

黃志澄專任調查漢口至鄭州綫路該綫及中間各局接綫如有不妥之處須隨時修理

以上各員調查及修復京漢綫雙工後須往滬漢一帶綫路調查故其調查京漢綫時應請電政司酌派曾學機械工程學之電生若干名隨同佐理事務以資練習所派京鄭漢三局之練習生俟調查委員等事畢即留在各該局以便整理機器至于隨同調查綫路委員之練習生事畢後應如何派遣及京漢綫路將來應如何維持妥善由會另擬辦法呈候核定施行

其七

電局拍發時電應如何規定案

民國六年十一月五日議決

電氣技術委員會呈准電政司交議電局拍發時電辦法應如何規定並應否另設中央報時機抑就原有通報機試辦一案當經召集股會公同審查僉稱稽核電報之遲速以時間之長短爲標準故收發電報應標明一定時間從前各電局均用當地之時刻一經傳遞別處每因時刻不符致生齟齬自應規定劃一辦法以資應用查各國電局均定有中央報時規則各地相隔雖遠按時核正毫釐無差現在北京既有中央觀象台報告時刻則全國各電局所用時間自當以中央時刻爲標準應由北京電報局每日一次通告京外直達綫各局再由京外直達綫各局依次傳報他局其間或有未接通者可向附近直達

綫局詢問務使全國電局所用之時刻悉歸一律則稽核電報之遲速較爲正確其北京電報局與中央觀象臺之間擬請添設一專綫每日于正午前五分鐘先由中央觀象臺通知北京局預備報告時刻北京局接到通知後須立將各處直達綫一律停報至午時再由中央觀象臺在專機上用電鈴警告北京局同時北京局即拍發長晝報知京外各局拍發時間以一分鐘爲限至此項報時辦法擬請就原有通報機上暫行試辦所有中央時機現在似可無需另設以節糜費（下略）

其八 改用英國郵局式繼電器並改接莫爾斯機內部綫路案

民國六年十二月一日議決

電氣技術委員會呈據委員沈福海提議電報局所用之西門氏繼電器製法太陳需費過多應改用英國郵局式總電器並改接莫爾斯機內部綫路一案業經召集股會公同審查僉稱西門氏繼電器從前各國電報局用之甚盛迨後電學日深製造日進于是有新式繼電器之發明因其技術上電力上經濟上種種比較而西門氏一類漸歸淘汰查近來各國雖間有用之然較多亦不過五百歐穆至二千歐穆之西門氏繼電器各國用之者極尠誠以其耗費電力甚大而靈捷則遠不如英國郵局式繼電器也今將郵局式較西門氏之優點有三謹陳於下（一）內部磁鐵力強而勻（二）製作精細靈敏耐用（三）易于整理至其價值雖較西門氏稍昂亦不致相差甚遠今按委員沈福海提議各節尙屬可行擬請飭上海電報機器廠于嗣後造新機時一律停止酌用西門氏繼電器而改配以英國郵局式繼電器以現時我國綫路情形計之每新造十個繼電器內應造四百歐穆綫圈者二個八百歐穆綫圈者六個一千二百歐穆綫圈者二個造就後先分用于各幹綫路之中間局其換下之舊機可留備新設各小局或報務

簡單之局應用庶新機得以暢行舊機亦不廢棄至一百里以內之局似可無須繼電器改用二百歐穆直接英爾斯印字機既有機件又省電瓶且整理亦易擬請飭滬廠先造十副分發設有分局之大局先行裝用逐漸推行于一百里以內之局以期機不虛設電不虛用再我國現時所用英爾斯機之內部接綫于中間局開放過電式兩端局往來之電流均須通過其兩繼電器阻力既大致收到之電流因而減少漏電之弊時有發生亟宜改接內部綫路使中間局開放繼電器改成並行過電式其阻力可減為四分之一兩端局彼此收到之電流均能充足裕如且可使兩端局與中間局隨時通信接綫既簡電亦實用並擬請飭滬廠于製造新機時將內部綫路照圖改接並照第一及第二原圖上再各添設接綫銅牌一塊及三銅牌式二路小轉換器一個以備通接電鈴之用又我國現時所用之莫爾斯機各部分機件均須裝置固定不便拆卸故每遇一部分之損壞須將全副機器寄廠修理嗣後所造新機擬于電鍵及印字機下另各添小底座一塊嵌入總底座面上約深二分用螺旋釘旋緊並將通印字機及電表綫圈之接綫均各接在總底座之上面俾無論何部分機件遇損壞或不靈時皆可逐件拆卸寄廠修理將來此項新機造成分發各局應用時每副應附以接綫圖並說明書以備參考等情（下略）

其九 改訂各省巡綫總管管理綫路工務職制大綱案

民國六年十二月八日議決

電氣技術委員會呈准電政司交議各省巡綫總管管理綫路工務職制大綱一案當經召集股會迭次審查僉稱發達首在路綫之暢通而路綫之暢通尤在巡綫之合法查舊制巡綫總管僅負巡綫之責大修由部派員小修責諸局長權限未清推諉自不能免且大修需費雖多逾時則弊病百出小修積算甚

鉅通報則阻滯如故矧必待五六年而大修一次則桿綫必多腐朽修理更難至工丁一項每年所支工食亦不在少數而例由局長僱用名爲巡修而設實則爲局中執役既不受巡綫總管直接管轄自難收指揮如意之效遇有辦理工程勢必臨時添僱此巡綫費之所以虛糜也今按電政司交議各節自是切要之圖所訂職制大綱間有未盡妥洽者已爲之逐條更正並將原需經費及改革後應需各費詳列細數比較表核於經濟上既無出入且能使維持綫路常進于完善之點應請卽照電政司所擬改革工務職制大綱在管理局內卽行添設工程處等情（下略）

修改各省巡綫總管管理綫路工務職制大綱

一、各管理局添設工程處置總工程司一員掌管本管區內綫路技術事務

每一管理區域分設工程司三員至十員按照綫路及地勢情形劃分之擇便駐于一二三等局內直隸本區正工程司掌管本區域內分段綫路技術事務

一、正工程司及工程司以現有巡綫總管或具有相當學識經驗者充之

一、各管理區內綫路如于管理工務上有不便者應另行劃分工務區域訂明工務職制內

一、各管理區域內得用工匠巡丁若干人分駐相當各局巡修本轄綫路

一、工匠受本管工程司之指揮並駐在局領班之監督

一、巡丁一綫至三綫每六十里一名四綫至六綫每五十里一名七綫以上每四十里一名受工匠之指揮並工匠駐在局領班之監督惟遇有綫路特別情形之處得酌加巡丁額數

一、僱用工匠巡丁章程另訂之

一、正工程司工程司薪水照電生章程支給其辦事職權及服務規則另訂之

一、工匠名稱以一二三等區別之

一、工匠巡丁工食服務及賞罰章程另訂之

一、本區域內工程事務均歸本管區域工程司辦理新設綫路有越過本轄區域者由部臨時指定之

一、工程驗收及保固年限制度廢止之如遇有必要時應由部派員查察

一、各局局長對於管理及修理綫路應負維持協助之責

一、綫路保守規則另訂之

一、各區域內每年需用維持工程材料數目及分屯地點應由本管區域內正工程司詳訂辦法

請部核准施行

謹將各省管理局內添設工程處並改組巡修綫路辦法需用經費比較清單繕呈鈞鑒

舊例每年平均需費（料不在內）

巡綫總管薪水 三十四人每人每月平均一百四十五元

各局巡綫費

綫路小修費

五萬九千零四元

三十九萬一千一百六十元

十一萬六千八百四十元

綫路大修費

十萬零一百八十二元

巡綫驗收川資

二萬零五百元

共六十八萬七千六百八十六元

改革後每年平均需費（料不在內）

正工程司 平均十三人每人每月一百六十元

二萬四千九百六十元

文牘兼司事書記 平均二十六人每人每月三十六元

九千三百六十元

工程司 平均八十人每人每月八十元

七萬六千八百元

司事兼書記 平均八十人每人每月六十元

一萬五千三百六十元

工匠 平均六十人每人每月十六元

十一萬五千二百元

巡丁 平均四百五十人每人每月平均十元

二十八萬八千元

川資旅費 正工程司 每月春秋二季各出巡二個月 每日五元

七千八百元

川資旅費 工程司 每月平均四元

二萬八千八百元

工匠小工川宿費 每年平均四個月需費 每人二角

七萬二千元

零僱小工 屯工在內 用二工共六角

七萬二千元

共七十一萬零二百八十元

相較計增加洋二萬二千五百九十四元

附註 查巡丁工食舊章每名五元六角嗣因不敷贍養將所管綫路里數加長裁減名數三分之一卽以所餘經費分給其餘各巡丁自民國四年分起實行定爲每名八元四角雖較從前已多然因物價昂貴各省尙嫌未足不能專心從事仍非鼓勵之意故現擬每名平均酌定爲工食十元其在初僱時及物價較廉之省先給以八元四角嗣後察其勤惰再行逐年加給加至十二元爲止以此平均計算定爲每名十元約共增加經費洋四萬八千元核與總數計加二萬餘元相較計尙可節省二萬餘元合併陳明

其十 北京無線電局請換電瓶桅桿並擬遷移局址案

民國六年十二月六日議決

電氣技術委員會呈准電政司交議北京無線電局應否遷移一案當經召集股會詳加審查僉稱北京無線電局自開辦至今歷時雖屬無多而桅桿鬆朽電瓶弊病叢生若不及早籌劃適當辦法似不足以圖久遠而利進行查該局建設之初原爲暫時試驗之用故種種設施莫不因陋就簡諸多草率卽如報室與機廠距離太遠發報停機全恃電話指揮不便貽誤良多其不合一電瓶室頂建築潦草僅用鉛皮不加塵板以致冬夏溫度導散反常一入天寒則室中溫氣遇冷凝珠誤墜瓶中傷及鉛板其不合二地處荒僻交通不便將來開收商報傳遞必多遲緩其不合三局舍湫隘佈置凌亂此雖與大體無甚關係然中央電臺觀瞻所屬貽誚外人其不合四綜以上四端而言爲該局計舍擇要更換機料暨遷移適當地點實不足以資整頓惟爲經濟計算則全局遷移費用自不能與臨時修理相提並論一則約需銀一萬五六千兩一則不過一千五六百元如僅爲一時節省起見則桅桿之腐朽者四面暫用鐵皮包裹以

爲支撐其電瓶鉛板之損蝕者更換溶液潔除沉澱藉作冶標之計然此不過敷衍須臾非徒于報務不能進行而旋修旋壞卽修費積算亦成鉅款自不如從根本解決作一勞永逸之計今查先農壇地點適中既無高廈以阻電波又無池沼以浸線木道途平坦復近市廛將來商報發達尤爲便利實屬最爲相宜（下略）

其十一 京津長途電話線添加二面線程式案

民國六年十一月七日議決

電氣技術委員會呈准電政司交議京津長途電話線添加二回線程式一案當經本會召集股會公同審查僉稱京津長途電線以廊房爲界由京津兩局分段管轄雖係同一線路而兩段實有不同之點如天津至廊房原有回線四條祇用扁擔一根其餘悉用彎鈎而天津至楊村另有回線一條亦用彎鈎掛設今又添設二回線故此天津局所開添購三丈二尺新桿實不爲過高至兩局所開之鐵螺絲等尺寸雖微有不同然此皆與各局所用之器具及工作之習慣互有關係似不必強求一律致工事上徒生柄鑿之弊並查京局料單開有喀利所立姆防腐油二千磅津局未經列入而設線時所用之鐸藥京局料單中亦未開具惟該料等均屬必需之品似宜分飭各該局各自加入倘局內存料尙敷應用自可不必再購以資撙節（下略）

其十二 福建南台至馬尾川石山線路中有過江一段水線擬改設陸線案

電氣技術委員會呈准電政司交議福建南台至馬尾川石山綫路中有過江水綫擬改陸綫一案業于二十六日召集股會公同審查僉稱查南台至馬尾一段線路內有連浦過江水綫一道計單心水綫三

條雙心水綫兩條合計共有七心此次因第二第三條單心水綫漏電即將前年修整備用之雙心水綫暫且移用辦理尙爲合法惟查改設陸綫一層于江南萬壽兩橋之上既難另立綫桿若就原有之桿加挂三綫而原桿短矮勢恐下墮倘由萬壽大橋折向福新街而公園則又電話電燈桿綫林立恐與電綫不無有感觸之虞且福新街洋樓峻宇須覓高桿而中州一帶柴屋毗連時慮火患既有以上種種窒礙且工艱費鉅自應保存原有水綫較爲便利並查連浦舊設之單心水綫重量過輕每海里僅重四噸以致不能耐久嗣後遇有加綫或另行設放水綫之時亟宜改購十噸左右重量之綫並於兩岸察度形勢用相當之法周密保護以資永久至現在損壞之單心水綫兩條南台局既無水綫工頭及修理水綫器具似可稍緩修理好在該處水綫尙有五心足敷應用俟將來另放水綫或加綫之時乘便撈出修整聽候撥用致免廢棄（下略）

其十三 北京電話局擬設電話修理廠並擴充電話號數案

電氣技術委員會呈准電政司交議北京電話局擬設電話修理廠並擴充電話號額一案業經本會召集股會公同審查僉稱北京電話局機件繁夥似非設立修理專廠不足以資便利惟據工程司辻野所擬開辦費及預算每年機匠薪工等費爲數均未免太鉅且逆計繁細機件仍難完全修理不若仿照天津電話局辦法即在局內附設修理室一處雇用工匠四五人由華洋工程司督率管理則平常零星機件已可修理裕如至關於電氣上重大之件自應另行設法修理則于撙節之中仍獲進行之利至擴充號額一節現查北京電話事業日見發達則擴充計劃自應積極籌備惟據工程司辻野所擬擴充至一

萬戶須另購交換機則費綫路之設備可敷七千三百餘戶之用現已接綫者爲五千八百戶故以綫路言空額雖祇一千五百四十戶而以交換機言去滿額尙有三千八百戶之多刻擬按目前交換機懸額僅擴充二千二百餘戶之綫戶不必再購交換機是則費用較省而應行擴充戶數與辻野所擬者實屬相差無幾（下略）

其十四、改良中繼器之接綫方法及交由滬廠製造案

電氣技術委員會呈據郭委員世鑠提議擬將中繼器之接綫方法改良及交由駐滬機器廠照樣製造分發各幫電局應用一案業經召集股會公同審查僉稱吾國各處收發報局遇有距離較遠之綫路向于中間局用莫爾斯機兩部接續以幫助電器惟機器整理稍有不合卽生漏電或點畫不清之弊且收發報局常有與中間局互相齟齬情事今郭委員提議將莫爾斯機刪除改用機電器直接繼傳電流確較原有方法稍爲靈便歐洲各國用之已久郭委員等前次亦曾仿照此法行之于濟甯濟南等局均稱妥善惟收發報局叫喚中間局時中間局之繼電器傳聲太微不易聽明是其缺點現擬將接綫改良加入一印字機以備收發報局叫喚中間局時中間局之印字機既可傳出響聲又能留印點畫則不致有誤會或推諉情事應請轉飭駐滬機器廠先行照圖仿製一具其中間局應行加入之印字機及電鍵須按照「途用印字機」尺寸製造以取輕便製就後交由本會詳細試驗務期完善而免流弊將來俟得有良好的結果再行約定製造數目以備分發各幫電局應用（下略）

對於新銀團及鐵路統一問題有電

民國八年四月自巴黎發

近頃鐵路問題議論紛紜莫衷一是此事關係重大恭綽瀕行即有所聞嗣由日美抵歐沿途探訪復與專使接洽續悉往來電報及國內輿論再四籌思竊謂我國各方面對於此事之主張實有急求統一之必要蓋此問題之所以發生不外自動與他動如內部意見不一他動固無以應付自動亦難期進行恐轉爲各方面利用之資無由我操縱之餘地現各國銀團大會巴黎亟應預定宗旨免成坐誤查國內主張大約可括以兩言曰欲破勢力範圍而反對共同管理注意之點雖別而爲國之意則同祇以權衡輕重之間易有毫釐千里之謬故百慮未歸一致廣益猶待集思其實二者之間似非絕無取益防損之法考取消勢力範圍之用意無非爲防止特殊勢力起見倘政治性質之路能發生各國共同關係並此後無論何路可辦到妥善之公共投資既杜交涉之糾紛復助交通之發展自爲最善惟投資條件倘果如貝克等所擬自必招國人反對斷不可行故目下要端在自行速擬辦法大綱按事勢所能行順輿情之希望相機措置庶佳果可期依管見大綱所定如下

(甲)凡以前官私有關中國鐵路權利之案據除戊項外不論係何文件及何原因訂立暨係中國與某國所訂抑各國互訂又不論明許暗含單定附定概行無效代以乙丙丁三項約明以後不得再獨訂互訂此類辦法

(乙)中政府以後造路如借外資須分向各國財團商議不單獨向某一國財團商議倘某一國財團條件較優我有權采用但他國財團如願依樣得自然加入合爲一團倘各國財團條件有相等者由相等者合辦其餘如願依樣可自然加入合爲一團

(丙)已訂借未售票之路由各國財團公售並先由我召集財團代表協議按我情勢決定路線之分合存廢開辦之先後其原線有須廢併者廢併之合同除因事實變更經我同意後不能修改

(丁)境內外人經營之路由中國贖回資本由各國財團公借條件另定

(戊)已成京奉等路仍舊

依此辦法則共管問題似不能發生倘僅以丁項改共管尙遠勝於現狀至統一係另一事我本應有辦法管見所及

(子)自聘各國最高等專家助定工程機械運轉材料各統一規程

(丑)自定鐵路會計完全獨立帳目由專家審核按期公布餘利不准別用其路款應有專設銀行經

管辦法另定

(寅)購料包工按子條所定標準直接公開投標並自設鋼鐵車輛等廠

(卯)制定運費權完全屬諸中政府並有隨時改歸軍用之權

(辰)鐵路應否特設機關隨後定之如特設時應設(一)執行處(二)稽核處(三)會計委員會其(二)可多用洋員予以較大之權(一)須由華員主持但專門事可酌用洋員(三)由

最高行政人員及中外專家組織

(巳)中級華洋人員以後一律考試任用並速定升降懲獎加薪各規則

(午)教養本國各級路員須常足供全國之用

（未）鐵路次級員司夫役一律用華人仍隨時施以相當教育

（申）路警自行編練管轄

（酉）所用外國文須擇定一國

以上僅舉大綱細目另擬似此當可取益防損並與三月十四日院電意旨亦符惟當此世界金融緊迫之時能否辦到尙未可知國內各方討論精詳計必尙有善策是否有當伏乞鈞裁並請諸公核奪速行電示以憑籌議至深企盼

特派勸辦實業專使通告民國八年

歐戰以還經濟競爭益形劇烈我以貧弱坐擁富源旋轉樞機端資啓導自維謏薄謬承勸業之命夙夜籌計竊意一切策畫必先徵集各方意見並考求中外情形方足以別短長而資取舍茲擬先搜集（一）關於中外之實業計畫與報告（二）改良實業新法並各種商事消息以爲研究改良之資凡我實業界中學識經驗優裕者不乏其人對於各該事業自必研求有素如有關於上開各節之資料深盼隨時見餉以匡不逮其有國內外企業界通函詢問關於實業事項者本總公所亦當隨時分別答復協助維持茲事體大慮或未周酌舉辦法附開於後尙希大雅閱達有以教之特此通告

一 實業計畫係對於所欲經營之事業籌有確當之計算及辦法者而言蓋實業振興端賴資本家與科學家之互助茲爲聯絡雙方起見徵求此項計畫期以介紹於海內資本家計畫書之大要約分兩種如左

(甲)普通計畫 係指對於一般事業具有振興推廣之切實辦法者立言務求詳實不尙空文
(乙)特種計畫 係指對於某種事業籌有具體之切實辦法者茲依公司工廠之分類約舉其必具之事項如左

(一)公司之計畫 (1)所欲經營之事業(2)應行設立之地點及其理由如須設支店者並指明其區域(3)組織之方法(4)固定資本流動資本分別核計之數目(5)關於營業之詳細預算(6)關於同類營業之市面情形 甲同類營業在國內同地及其他各地最近數年內之狀況 乙同類營業最近數年內國外之狀況

(二)工廠之計畫(1)製造之目的(2)設立之區域及其理由(3)組織之方法(4)應用之製造法如製造法有數種者須比較各法之繁簡優劣(5)關於原料方面之情形 甲產地及產額 乙最近數年內之市價 丙比較各地所產之優劣 丁運輸釐稅之情況(6)關於製品方面之情形 甲最近數年內之市價及銷路 乙最近數年內本國已有之產額及外國所輸入之額 丙現有工廠出品之比較(7)工廠之設備 甲廠基廠屋之建築圖樣及其價值 乙機器之種類及其價值 丙原動力機之種類馬力及其價值(8)關於工人之事項 甲工人之種類及人數 乙工人之招致及教練方法 丙工價之等級(9)關於出品之計算 甲每日每年之出產額 乙每日每年應需用原料之量數 丙常年工價之總額 丁出品每件之成本(10)固定資本流動

資本分別核計之數目

一 計畫書內所營事項依農林工商漁牧礦業而有不同對於特別之點並須詳細敘述

一 實業報告係指調查一般事實現狀或記述某種事業之營業狀況者而言

甲、公私團體或個人之調查報告

乙、公司工廠之營業報告

丙、農工礦業之試驗報告

丁、其他關於實業之文件

前項報告文件如有圖樣標本者應一併附送

一 改良實業方法係指對於某項事業或某項製品具有確切改良之點者而言

甲、對於事業之改良如公司工廠管理之改良農藝種子之改良之類須說明事項如左

(1)改良之方法(2)新舊法之比較(3)改良後之效用

乙、對於製品之改良須說明前列事項并附圖樣或標本

一 商事消息以最近確切者為斷應注意之點如左

甲、各地需要供給之情形

乙、市價之變動

丙、市場之競爭

丁、輸出入之增減

戊、金融運輸之情狀

己、他國關稅之變更

一 凡送交本總公所文件或投函於本總公所者除用本國文外得并用英法日三國文件

一 通函處北京六部口特派勸辦實業專使總公所 Office of High Industrial Commissioner, Lu

Pu kow, Peking 掛號電信中文「勸」字西文 Commissioner Peking.

徵求專門人才通啓民國九年

鐵路爲近世偉大之事業先進諸邦類皆不惜注全力以謀其發展競爭既烈進益日新故步自封相形必絀非得於路務各項夙有研究之專門人才各盡所能羣相策應斷難自立於今日之世界乃者歐戰告終戰後建設已成普遍問題我國當此潮流不容自甘却步況值本部刷新伊始路政方面尤覺經緯萬端大抵已成各路固宜積極改身卽業經規畫各路亦須兼籌並進次第興工待理孔多需才尤亟查鐵路用人行政其犖犖大者不外管理工程兩途類析部居科目繁頤舉其大要屬於管理者如會計營業客貨運輸列車運輸法規經濟運費統計工廠以及材料管理之類工程如土木機械橋梁測量繪圖坊工水利造車號誌材料試驗之類若此之屬各有專科但具特長咸資效用我國近來留學外國研習專門者日見增多卽素未出洋者亦不乏績學有年確具心得之士藏器席珍末由自試用者違其所學學者不得其用近來時弊可慨實深本部茲爲甄拔材能振興路政起見特定徵求專門人才辦法逐條

布列邦人多士幸共覽焉

一 凡研究路務人員對於上列管理工程機械會計等項或專習一門或兼精數項如確有經驗心得曾在東西洋或本國國立大學與高等專門學校畢業者可親具詳細履歷通信地址聲明自能擔任某項事務並於某項事務中之某事具有專長將學校文憑證書及著作等件鈐漆封固郵寄交通部路政司司長親收如不能書中文者得用所習之外國文通訊（此項辦法係爲尊重科學不以文字取人起見）

一 限期自通告登報之日起截至本年年終爲止

一 寓居京外者萬勿冒昧來京一俟本總長審查察訪認爲品學資格相當者當飭路政司馳函通知定期接見考驗然後分別錄用其資格不合者即將原件寄回

一 通信應親筆書寫將來取錄後如查出筆跡不符仍予屏除

一 本總長拔擢賢能旁求才俊循名責實一秉至公才藝固取優長品節尤宜端正凡意存倖進跡近資緣者一概屏除不錄

呈請復設駐外商務隨員文民國九年

竊自歐戰告終世界商業競爭更形劇烈各國對於國際貿易莫不積極進行力圖發展而綜其發展之計畫大都注重於實地之調查試觀英國戰後改組商部於商務委員則增加其員額於駐外領事則推廣其職責關於練習任務之時期亦俱多所更革誠以國際貿易一事必先洞悉各國物產之盈虛工藝

之狀況以及世界各大市場之營業情形始克有濟而此項事端條理既極繁賾變化又復多方以云調查自非有專心任務之人員不足以竟全功亦非有相當資格之人員不足以明真相我國駐外領事設置略有規模比年以來復隨時斟酌增設如倫敦巴黎等處近今復添派領事有案至駐外商務隨員一職在前清時本經商部奏設嗣於民國元年工商部擬具改正議案正名商務調查員由外交工商兩部會同選派提交國務會議議決施行名稱仍舊正在遴員派往適值政府主張減政此項員缺遂從裁撤查駐外領事雖有調查商務之責然其平常職務大都偏重於僑民保護維持百端待理至於商務委員則專以調查接洽爲事兩者相輔而行不容偏廢況值茲商戰劇烈在彼方且踵事增華在我更未便因陋就簡（下略）

擬增交通部技術官額缺呈文民國九年

竊本部管理路電郵航四政各項技術均屬專門以鐵路論治工程者不諳機械治機械者不習工程以電政論有綫與無綫殊途電汽與電機異致其中複雜之點更非通材所能兼營航則測繪製造航空駕駛亦各迥不相謀非廣集專門人才實不足以資任使而宏造就乃現行官制僅止技正四人技士十人較之農商部等數目實爲遠遜以之分配每司僅得技正一人技士二三人雖責其殫精竭思而用非所學勢難並驚事業廢弛於無形人材屈抑而不用甚可惜也查民國二三年間本部兩次變更官制均規定技正十二人技士二十二人蓋實有見及此在當時勉足支配在日後必益不敷惟現當減政之時未宜輕增多額茲擬酌中核定將本部技術官額缺定爲技正十四人技士二十八人庶專門學者可以稍

廣登進之途而一切事業亦有力圖革新之望至此項增額每年所支俸給應請追加預算由本部彙行提出業經提交國務會議議決照准（下略）

呈大總統擬具救濟出口貿易辦法文民國九年

竊查數月以來國貨出口異常疲敝前經派員先後赴滬漢一帶從事調查並徵集各該地實業家之意見綜計輸出品停滯之原因不外以下各端（一）歐戰以後一般購買力較前減退（二）歐洲金融緊迫市面未能活動（三）各國從前所進之貨積存已多一時尙未銷盡（四）輸至吾國貨物因先令驟縮交易停頓進口商家資本周轉不靈凡此情形大都關係世界商業受其影響者固不僅我國第目前對於國貨方面據各方意見有亟宜補救整理補助者多端謹撮要分陳如左

一裁釐加稅之亟應籌備實行也 釐金爲一種不良稅政人所盡知自馬凱條約明訂裁釐條款以後國內商民無不切望實行前者上海開修改稅則委員會時各國委員提出議案希望中國從速裁釐上年英商公會會議亦以此事爲要題由駐京英公使提議於我政府查此事實行以後綜計損益梗概計裁釐項下（一）釐金收入年約三千九百二十五萬元（二）火車貨捐二百二十二萬元（三）正雜各稅捐一千一百七十二萬元（四）落地稅一百六十萬元均歸消滅除征收費假定一成外其確實損失之數爲四千九百三十一萬元常關預估保留四成裁撤六成計損失七百七十七萬元以上共計損失五千七百零八萬元至加稅項下按馬凱條約第八款載進口貨稅增至切實值百抽五外再加一額外倍半之稅以抵裁撤釐金各稅從前海關所收從量稅名爲值百抽五其實相差甚遠民國七年修訂稅則

係以民元至民五年平均物價爲標準較之近年物價平均不過百分之三·三（民元爲百分之四·零民二爲三·零九八民三爲三·零九六民四爲三·零六零民五爲三·零一三）民元至民五平均每年進口正稅一千六百七十六萬兩內除二成從價貨稅三百三十五萬兩不計外其一千三百四十一萬之從量稅若將現行稅則按照近年物價從事修改增至切實值百抽五可得二千零三十二萬兩連同從價貨稅三百三十五萬兩計爲二千三百六十七萬兩再就此數加一倍半共計五千九百一十七萬兩惟裁釐以後所有內地子口半稅二百二十一萬兩應歸消滅須由關稅項下抵除計淨增銀五千六百九十萬兩其中除去原征進口正稅及切實值百抽五所加之二千三百六十七萬兩以爲抵補補賠借款此外三千三百二十九萬兩申合銀元四千九百九十三萬元與裁釐損失五千七百零八萬元相較計短七百一十五萬元爲數並非過鉅不過此事關鍵全在要求各國先按貨物時價算足值百抽五之數再行照加一倍半否則標準一誤所加成數卽難切實稅收數目卽大有出入矣再各國制定稅率對於外來貨物凡爲奢侈無益之品大都從重征稅其有益於國內工業者則皆分別減免現時我國關稅協定高下不能自由裁釐加稅以後似可於約定值百抽十二五範圍之內對於外來貨品其爲我國出產絕少必仰各國之供給及化學工業所必需而爲我國現時尙未發達者先行擇要分別減輕稅項庶使外人曉然於我政府實具有維持實業之決心並不徒以增加稅收爲事將來交涉關稅自由或可多博其同情關於此項貨物現擬分爲甲乙丙丁四類甲類大麻蛇麻生橡皮樹膠硫磺斯蒂林白蠟木造紙質燃料油綿羊毛乙類棉花肥料石蠟製造火柴材料生牛皮丙類大麥芽煤焦煤化學產

品膠染料顏色品金剛砂粉玻璃粉縐麻洋線袋布船用等火麻縐帆布丁類花生糖鋁銅鐵鋼鉛馬口鐵條管片等錫箔各種袋包象牙甲類進口數額約爲一百九十八萬兩假定按百分之三征稅計得六萬兩乙類爲一千一百五十四萬兩按百分之五征稅計得五十八萬兩丙類爲二千五百六十萬兩按百分之七·五征稅計得一百九十二萬兩丁類爲六千二百二十二萬兩按百分之十征稅計得六百二十二萬兩四類共收八百七十八萬兩較之一律按百分之十二·五征稅計短收三百八十三萬兩申合銀元五百七十四萬元稅收方面影響無多工業前途裨益實大似不可不注意也

一對俄對德通商之亟宜注意也 我國與俄壤地毗連甚廣從前商務關係本屬密切現在東俄各部農工實業凡百廢弛食用物品悉仰給於東方但從前販運轉接各機關目下多形解紐兼以近日僑俄各商受損太鉅以致裹足不前第各國商家目下已極力利用此機多方猛進及其根深蒂固國貨將更有無從插足之勢是我國銷俄各貨將一敗塗地其影響之重大可知至我國輸至歐美貨物向經德商之手者極多以漢口一埠而言在歐戰以前經德商輸出之貨物約占十之七·五以上蓋德人經營商業之能力有非他國所能及者故吾國商人亦樂與交易現在華商與外國直接貿易既因種種關係一時未易辦到惟有極力擴充對德商業間接卽爲增進輸出貿易之先聲且德國戰後各項實業亟待整理攸賴於吾國原料者至爲繁夥自去年以來販運國貨出口已屬不少可見其相需之切現在對俄對德恢復通商正在著手之際自應由政府加意提倡指導以赴事機

一利用本國原料之製造宜亟加倡導也 際此歐洲商業凡百停滯之時我國輸出雖欲力謀活動然

在最近極短期內恐難冀其完全回復日下國內金融因貿易不振正頗舒緩亟宜乘時將本國原料提倡利用於國內製造既可振興實業復能增進資本之用途惟此項提倡事宜應從兩方面著手辦理（一）關於原料之生產我國幅員遼闊土壤各殊調查未見專書種植難期進步業由本公所編製表式分行各省區商會就當地田圃土壤採集彙送以備試驗（二）關於原料之整理及製造我國物產豐盈品類繁富然利用之方尙多缺點擬先由本公所遴選專門人才分別調查各項原料研究其品質籌議其用途獎勵商民推廣整理及製造之法以盡天然之利

一國內銀行之宜格外注重實業也 銀行事業本以活動金融輔助一國之產業發達爲主我國實業正在萌芽其有賴於銀行者至多且鉅然近年銀行所營事業未必咸能注重於此似應向國內各銀行剴切申明對於實業放款酌減利率並注重於信用調查以期彼此均有利益我國辦有成效之實業其力難爲繼者並宜由銀行力予扶持冀收遠效

一輔助商貨運送之方法亟宜推行也 運輸事項與商務有密切關係固不待言然欲求其效用之完全則舉凡相輔而行之事業不可或缺如跟單押匯卽其一端此事各國通由銀行或倉庫辦理就其效用而論例如甲地商人賣貨於乙地商人甲地商人持貨交至當地貨倉卽可持其跟單向銀行押用款項俟貨運抵乙地乙地商人備款向銀行取單卽可提貨並於此運送期間以內得憑此跟單以爲交易無異實際貨物之買賣此項事宜實爲輔助運送一種最便利之方法今鐵路運送既實行負責此亦似應同時舉辦彼此相維以宏實效

一絲繭出口商業之亟待補救也 絲爲我國出口大宗近來疲敝最甚從前英法美各國輪船出口每星期二次每次出廠絲幾及銀一百萬兩歐戰以來輪期無定假如一星期內廠絲不裝市面即均受影響加以歐戰絲品戰後逐漸恢復競爭復烈上年絲商瀝陳困苦情形籲懇政府維持有案近復重以上海堆棧失慎被焚絲繭值銀七百餘萬元雖有一部分之保險冀可賠償但非逾若干時期以後賠款未能付到仍不能免目前之困苦此種現象若竟聽其自然內感資本薄弱外受洋商操縱對外銷路恐將一蹶不振依現時財政情形欲政府專款補助似有未能可否對於出口之絲由政府將所征之稅定若干期限以內照數發還以期維持現狀至我國絲繭諸待改良應由主管機關勸導商民積極辦理並設立出口絲繭檢驗所檢定品格以利銷行並應通行駐外領事調查銷路以爲推廣貿易之計

一油豆商業之亟待振興也 油豆等貨爲農產之大宗出品向來輸出英日美法等國其數甚鉅自上年春間以來銷路日減目下幾將全行停頓查我國油類出口據海關冊所載計豆油棉子油花生菜油麻油桐油及他種植物油等前此數年歲約四千餘萬兩油料出口合計大豆芝麻花生菜子等項亦在四千萬兩以上近來出口甚稀業此者虧蝕不少均擬請將該項稅則酌事輕減或予免除俾其成本減輕銷路較易輸出或稍活動以爲一時救急之計

一麩皮出口稅之應酌予減免也 中國機製麵粉因抵制洋粉概免稅釐其副產之麩皮轉收海關正半稅一錢三四分麩向爲肥料及餵養牲畜之用而反征關稅羣謂未得其平比年製粉日益發達麩皮出數驟增然本國用途有限輸出又因過於關稅以致滬上各堆棧存積麩皮數十萬包之多長此不講

疏通則麋皮一項將成廢棄之物無人販運終亦無稅可收應將海關正稅及子口半稅酌予減免

一雜糧及皮毛商業之亟宜維持信用也 雜糧爲漢口出口大宗貨物華洋商人向憑標準貨物以爲貿易乃近來販賣商人任意攙雜品質不齊甚至所雜泥沙多至十分之二以上並或再行着水以增重量至皮毛二物向爲北方出口貨之大宗近年極爲停滯據洋商之業此者謂中國皮毛最不爲人所歡迎之處在於攙雜水分或攙雜沙土攙雜沙土之手續在產地行之者居多亦有販戶在中途行之者信用日失交易維艱是於出口大有關係似應由當地各商會分別切實勸導販賣商家革除此弊並由同業互相監察嚴行整頓

一蛋粉商業之亟宜設法推廣也 蛋粉亦爲出口物品大宗之一向來多銷美國近則毫無生意惟其水黃一種現價尙高在英國猶存一線銷路所有漢口蛋之來路大都自河南一帶亦有蛋廠設在河南者蛋粉之銷路因視外國市場之需要爲轉移亦有關於成本之輕重似應酌予運輸上之便利方法藉期銷路之推廣

以上各節關係我國實業之現在與將來均非淺鮮所有擬具救濟辦法各節是否有當理合呈請鑒核交由主管部署分別籌議施行

勸北方商家改良出口土貨文告

查我國地大物博出產豐富然頻年輸入超過輸出國民日趨貧困歐戰已停金價日昂以理度之出口營業應非常發達而實則停滯如故其原因固甚複雜當自各方面分途設法就商家一方言之蓋不得

不負改良出口土貨之責考歐美製造家對於其出口貨物製作非常注意熟究銷貨國人之心理務令所造之貨優美適用日趨進步故貨品一經售出聲價日增行銷日廣從無粗劣贗偽自絕其銷路者我國進口商家定購洋貨者多知認定老牌卽以此故翻觀我國營出口貨之製造商則目光短淺惟圖近利初時試銷貨物往往品質精良稍有可觀行銷既廣漸以低貨混充甚則躉批之貨與貨樣不符尤其甚者攙雜泥土穢水有害物質不顧貨物之受損有時慮經購洋商檢查太嚴則於點貨查物之時對於點收者暗施運動作偽舞弊無所不至殊不知洋商購我貨物目的在於致用苟令貨質不符難於適用無論如何取巧朦混一時一入用者之手終有破露之日縱使一朝得意外之利而低劣聲名從此播馳湔濯無由終至銷路杜絕商家對於自己製貨苟有未能合用之缺點應日謀改良以求適合好尙若競事攙僞欺詐與引吭自刎者何異外商對於我國輸出貨物品質之不齊噴有煩言近據津商來本公所條陳謂北方輸出重要土貨如皮張羊毛豬鬃棉花等皆頗形停滯而其停滯原因於品質之日趨窳劣大有關係非各該產地農工商界切實改良難期銷路之發達所陳頗有見地茲特將其指述各貨應行改良之點分別條舉於左

一 皮張 生熟皮張銷於國外者年逾數百萬邇來銷路日疲其原因頗多而其應加改良以擴銷路者約有四項一尺寸宜有一定也各種已硝好之毛皮如順德府之黑猾子皮馬褂交城之白灘羊皮長袍東西口之山羊綿羊皮褥錦州之狗皮褥歐戰前貿易皆頗發達近則一落千丈蓋各種帶毛皮貨皆須有一定寬長尺寸近時所產其尺寸皆與前不符貨色又不同

尺寸比較
詳附表

而價值如故以致洋商多不

歡迎是帶毛皮貨尺寸之宜劃一也二剥皮宜加注意也山羊綿羊之生皮由交城順德來者頗稱完善而北京產之綿羊皮則以宰法不良刀口過多若將刀口裁剪則所餘面積太小亦難適用是宰剥法宜改良之處也三品質宜歸一律也皮張品質優劣不等價值因之而異故等級必須分配適當方易行銷斷不能以次等之貨混充優等假令訂購之貨爲甲種品而交貨時以乙種品混入則不獨購貨者必加挑剔商業信用亦受損失是品質等級之不可不詳爲釐定也四曬製宜加謹慎也保存生皮以便輸運方法有數種如鹽醃鹽漬後曬乾或單行曬乾我國以食鹽昂貴故輸出品皮張多單行曬乾之法然曬乾之皮不獨品質較次每有因濕熱鬱蒸以致損及皮質者更有表面已乾中部乾燥未透以致內中朽爛者雖原料品質甚優至此全成廢物是皆由曬製之際不予注意所致不可不急謀改良也

二 羊毛 我國土貨如羊毛等品質本不甚佳然如西甯羊毛東西口駝毛羊毛西路錦州哈達及交城順德各路之羊毛與扒羊毛等皆頗有輸出之價值惟其中攪土頗多此等毛貨原含土質并不甚多大抵由經手者欲加增分量故意混入攪土量詳後附表須知攪土後重量加增則關稅運費保險脚力等均不

可不從而加增在售者雖因朦混而一時略得利益然購者所損於貨價外更有上述諸項費用且購者鑒於攪雜之不利必雇員檢驗取締又多一重開支洋商購我貨物無非欲得利益既增此諸多無謂之耗費自不得不抑勒購貨價值以維利益故售者不獨名譽毀損利益亦反致減少倘能純淨無僞則購者可省許多雜費售價可提高獲利可較豐是實提倡銷路之惟一方法若能特設檢驗所於轉運總匯之區規定章程取締攪則不惟品質價格可以增高於商業信用大有裨益如棉花一項因設有檢驗

所而攪水之弊遂絕甚望該各同業者之互相策勵也

三 猪鬃 猪鬃亦出口貨之一大宗其價依鬃之長短定之

表詳附

分生貨熟貨二種生貨長短混雜需

費許多時間及手續方能估定價值而購定之後仍須檢其長短等級購時手續既繁購價自不得不低熟貨者將猪鬃長短分別以同長之品彙作一級如五十五箱一套或六十六箱爲一套等熟貨購後按理無須再行檢分短長故手續簡而洋商出價亦高然近來奸商每將熟貨攪雜較短之品以致出貨與貨樣不符西商曾因此函請本公所取締前經行知各商會在案猪鬃價值既以長短而分熟貨若攪短品徒增日後檢分及購進時查驗之手續於銷路及售價均有影響改良之法不獨對於在熟貨中攪雜舞弊者宜嚴加取締尤宜將生貨就出產地檢其短長各歸一定等級則手續省而價值可增銷路亦可日廣矣

四 棉花 我國棉花顏色最爲潔白惟纖維粗短且弱故國外各紡織廠使用之際皆須酌攪美印棉花然因其質硬故美國有時採購用以攪人毛織物如西河產者多適此用至御河所產棉花則質軟而適於紡線故日本多購用之我國各地產棉性既不同又不知調劑改良至銷售之權不得不聽憑外人操縱近年山西河南一帶用美棉種籽所植改良棉纖維長而韌幾與美印棉相匹敵果能就產棉不良之區及素不產棉之區一一散布此等新棉種使之改良則不獨棉花貿易可益發達我國各紡織廠可全用國貨不必仰給美印棉花矣又聞近來棉花因交易所之設立受其把持額外增價五兩致各紗廠爭輸進美棉而報已經指斥云云果有如此壟斷事實殊有礙紗業棉業之發展不可不從速取締也

以上僅就皮張羊毛猪鬃棉花四項主要出口貨舉述改良及取締辦法此外輸出雜貨種類繁多未遑詳列要以提高品質增加信用擴充銷路爲歸宿深盼該各業商民競相策勵進行改良并設立同業團體禁止攙僞則銷數日增產額日廣直接可以致富間接可以利國本公所有厚望焉

致全國各實業機關電

全國各省區實業廳各總商會各農會各銀行公會鑒此次太平洋會議號稱制限軍備要其根本主義實在排除或調解英美日三國在遠東之利害衝突尤以經濟方面爲其精神所集注近日謠傳共同監督之說雖係私家唱道然實現與否全在我之自謀比來世界金融停滯百業艱難而我方坐擁膏腴茫無措置大難縱或倖免內顧何以圖存况既爲國際之一員則世界之利害榮枯我當共分其責必如何而後可排除我國經濟發達之障礙令國力得稍伸展以維國家生存之命脈而盡國際互助之精神急應詳確研求提出剴切明瞭之主張以引同情而移趨向庶我代表出席可以依據發言而各國知我民意所存亦且樂爲協助轉危爲安或在此舉尙盼即日討論見復不勝企禱

閣議創辦交通大學提案文

查本部關於交通教育已經設立之學校則有北京郵電學校鐵路管理學校唐山專門工業學校上海專門工業學校已經籌具之經費以八年度預算計之約支出五十萬元（內有東西洋留學費九萬元）是交通人材教育之基礎已立矣但年來所造就之人材究不敷用且所學成之技術亦間有不能適用之點其故在四校散設各處不相聯屬教授管理各爲風氣監督既不能周糾正亦遂乏術又四校並

設其中科目有彼此俱設者亦有彼此俱缺者有應增而不增有可省而不省者既嫌複雜又病缺略精神既渙成績難期本部現爲增進交通人材改革交通教育起見擬以上海唐山北京四校合併爲交通大學將已有之學生量其已有之學科劃一增改據其已達之程度平均分配使之繼續授業如是則校制可望統一學科可圖改良監督易周而管理與教授均便于糾正不必另籌鉅款不必大事更張而交通教育可收莫大之益即使經費稍有不足再就本部所轄機關根據鐵路會計則例及電政預算酌予開支亦易集事較之散設四校不相聯屬難于改良者雖有改建之勞其收效不可以道里計根本解決莫善于此爲此提出會議敬乞公決

令籌貨運負責民國九年

查鐵路營業之盛衰端賴客貨運輸之處理各國國有鐵路之管理無不以利便商民發展營業爲政策即如減價招徠設棧代管貨物保險抵押借款等事舉凡有便於商賈者無不精益求精汲汲進行而鐵路遂因以獲利獨我國貨運因廠棧未備車輛缺乏員役不齊未敢受運貨負責之重任憑貨主自行處理無論大宗零件只收運費不負損失賠償之責以致貨棄於地商賈裹足重以歷年兵災車輛散亂貨運益形停滯查本部總長在次長任內曾依據運輸會議議案通令各路定明七年八月一日爲籌備貨運負責之始至多不得逾三年在案現已經過兩年究竟該路籌備情形已至如何程度今當歐戰甫終歐亞交通行將恢復本部綜覽國內外大勢默察各商歷年損失情形非由貨運負責入手實不足以宏營業而便商運除由本部應行預備各項已飭司處趕速進行外爲此令仰各該局所查照迅將車輛之

調度廠棧之建築員司之配置規章帳表之編擬聯絡手續之訂定分別籌議妥洽限一個月內呈部核辦以便召集各路車務主管人員公同討論決定民國十年一月一日實行此事本部已定爲政策務必行無論如何困難決不更變仰各該局長轉飭車務處悉心研究依期呈復核奪毋稍稽延是爲至要（下略）

令籌設業務研究會民國九年

查鐵路事業日演月繁管理方針應隨時研究改良營業始有進步我國鐵路大都成於借款各從習慣性質不同亟應分途研究期得折中辦法兼收劃一之規本部爲整頓各路營業起見特在部內設立業務研究會責成路政司司長遴選內外專門經驗人才從事研究補短從長務濟統一庶營業漸臻上理收入益見增加利路利商胥於是賴除另令公布業務研究會章程外仰路政司長卽從速組織成立凡業務上一切設施及改良統由該會妥慎研究隨時條議以便采擇施行

令籌設綫路審查會民國九年

查鐵路路綫關係綦重無論政治教育實業軍事靡不以線路之得失爲消長故東西各國對於線路之選擇僉認爲通行行政之要圖我國已成未成各路萬有餘里線路之良否尙無定評而歷年逐漸延長初無一定方針終非根本計畫本總長於民國三年在路政局長任內曾經徵求全國鐵路路綫意見書搜羅頗多迄今歐戰告終國際交通爲全世界注意之點吾國於此時規定路綫將根據此而定鐵路交通政策實爲急不容緩之舉且已定未修之路綫尤須斟酌先後緩急以應需要而免凌躐茲特於部內

設立綫路審查會選用專門人才審查全國各綫參酌國情規畫路網訂定鐵路敷設法俾籌款建築確有程序除另令公布綫路審查會章程外此後關於已定未定各綫及辦成之綫應行設備改良者仰由該會認真審查鄭重將事本總長有厚望焉

釐訂航業獎勵條例請明令公布文民國九年

竊維交通運輸水陸並重我國陸運事業自興辦鐵路以來尙有成效可言獨水運事業雖締造經營垂數十年而國外航運迄今猶極幼稚馴至海上運輸仰給於人國際貿易不能直接利權外溢莫可挽救此雖商民之實力未充亦由官府之勸導無法際茲歐戰告終世界各國趨重經濟戰爭國外航運關係尤爲重要亟應設法提倡多方獎勵以冀爭衡查東西各國於國外航運政府均訂有獎勵專章誘掖獎進不遺餘力航權賴以擴張貿易因之發達法良意美允宜仿行茲由本部體察國內情形參酌東西成法釐訂航業獎勵條例十四條業經函送法制局審核修正并經提出國務會議議決各在案除將此項用款編入預算外（下略）

附航業獎勵條例

第一條 凡在中華民國政府立案註冊之航業公司於本國與外國各港之間定期航行之船舶得由交通部核奪情形指定航綫以五年爲限按照本條例給與獎勵金

第二條 受獎勵航行遠洋之船舶以總噸數四千噸以上一小時有十一海里以上之速力且船齡在十五年以內之鋼製輪船爲限其非航行遠洋之船舶以總噸數二千噸以上一小時有

十海里以上之速力且船齡在二十年以內之鋼製輪船爲限但國際河流航行之船舶以總噸數八百噸以上一小時有八海里以上之速力且船齡在二十年以內之鋼製或木製輪船爲限

第三條 受獎勵航行遠洋之船舶每總噸數一噸航行一千海里給與獎勵金國幣二角其非航行

遠洋之船舶每總噸數一噸航行八百海里給與獎勵金國幣一角

第四條 受獎勵航行遠洋之船舶其船齡越過十年時逐年遞減其獎勵金百分之五非航行遠洋之船舶其船齡越過十五年時亦同

第五條 受獎勵航行之船舶如係本國造船廠所造者得增給獎勵金百分之五

第六條 受獎勵航行之船舶其客貨價須呈請交通部核准交通部認爲有必要時得指定種類酌減客貨運價

第七條 受獎勵航行之船舶代運本國郵政局郵件及搭載交通部因郵政事務或視察航路所派之員司不收運費並須酌量配置商船學校畢業人員於船舶之內關於無線電信之通信設備亦須遵照交通部令辦理

第八條 受獎勵之公司非經交通部核准不得以外國人爲該公司本店及支店之事務員或船舶之職員船舶職員如在外國有死亡或其他不得已之事項出缺時得不依前項之定規就地補用但須從速呈請交通部核准

第九條

受獎勵之公司須遵照交通部所定呈報關於受獎勵航行之船舶之收支計算書及營業報告書交通部認爲必要時得派遣員司至該公司本店支店代理店或船舶監查其收支計算及營業狀況

受獎勵之公司須依照派遣員司之請求陳述業務上一切事項並須將帳簿及其他一切文書供其檢查

第十條

政府因公用必要時得酌定相當賠償金額收用或使用受獎勵航行之船舶前項規定對於該船舶受獎勵最終之日起三年以內適用之對於賠償金額有不服者得自收到通知之日起三月以內向司法官署提起訴訟但不停止船舶之收用或使用

第十一條

受獎勵航行之船舶於受領獎勵金之期間及自受獎勵金最終之日起三年以內不得租賃或抵押於外國人但償還該船所領之獎勵金或因天災及其他不可抗力之事實不堪航行又或經交通部核准時不在此限

第十二條

拒絕第十條規定之船舶收用或使用及違反第十一條之規定者處以二百元以下之罰金且須將該船所領之獎勵金全數償還

第十三條

受獎勵金者除遵守本條例外對於現在或將來所發布之法令並須一律遵守

第十四條

關於本條例施行日期及細則以交通部令定之

修築滄石路基及定期開工呈文民國九年

竊本部擬修滄石烟灘兩路路基以工代賑一案前經提出國務會議議決並將籌定辦法並追加預算緣由及烟灘開工日期呈請鑒核在案伏念滄石一路經行之地均屬災區興辦工賑尤爲急要前經令飭津浦京漢兩路局會同勘修分任舉辦節次電催積極進行先繪平面草圖一面搜羅儀器覆測剖面圖一面籌備動工需要器具並安定各種技術上之計畫與夫招標監工各項章程分項派員兼程並進茲據津浦路局報稱工程司及購地員等均已齊集武強縣會同京漢路局所派工程司勘定分修界綫插標購地定於十一月一日爲開始工作之期又據京漢路局報稱所有分派彈壓測量各項事宜及應需各項工具均經籌備定於十一月一日動工與津浦路局一致進行各等語到部查此項路工係屬倉卒趕辦設計勘綫均未拘定普通程序幸未多稽時日得以及早開工將來災民工作老弱羸瘠勢須兼收土方工價亦卽不能拘定普通價格致失以工代賑之本意惟興利必先防弊實惠務求及民應由本部責成津浦京漢兩路局局長嚴督在事員司認真經理切實稽查以期事集民便（下略）

呈報勸辦京兆地方實業情形文民國九年

（上略）查京兆地方自古爲險隘砂磧之地非魚鹽稻麥之鄉其地勢北阻於山南苦於水其人民秀者習吏事而拙者役差徭故畊稼之田不過二三而民不足養商賈之利僅歸什一而士不之謀且漕運歲至則農業無待興琛賫雜陳則工商不必競一言興業視各省爲獨難自國家注重實業三令五申又值國體變更新知漸淪官吏提倡於上士紳奔走於下農商工鑛各業始略有萌芽恭綽此次巡行各處實地調查謹臚舉其現況以備鈞覽一日農林京兆農產以二麥高粱包穀爲大宗除京師一隅仍需南米

接濟外苟不遇荒歉各縣民食尙勉能自給惟農民墨守舊法不思應用新法上年京兆尹王達設農林總分各局並設立農民傳習所農事試驗場棉業試驗場農事展覽會造林場各種模範機關試種棉花藍靛菸草等物旁及牧羊養蜂製糖諸法籌措頗佳事屬創始各縣尙未普及而懷柔之靛昌平之菸平谷之棉成效已著至於林業僅有各種特產果品如桃杏梨栗核桃白梨之屬或販運京外或轉輸外洋未嘗不稍助編氓之生計而根本上之造林之計畫仍僅恃一二官立之造林場以爲模範而有待推行此京兆農林之現況也一日蠶桑近年農林總局於五穀雜糧之外兼考求蠶桑事業設立桑園蠶室樹之風聲採購湖桑以謀籽種之改良檢查蠶種以求 育之繁衍策畫布置一切粗備民間風氣雖塞然亦間有觀感而講求飼蠶之法者此京兆蠶桑之現況也一日工業京兆公立工廠凡二日第一工廠分金工木工印刷紡織地氈五科日監獄工廠製造藤器玩具絲簾木器器物之良尙不在舶來品之下其民設工廠若光明玻璃廠貽來牟麵粉公司丹華火柴公司開源織呢工廠雙合盛麥酒廠老天利瑛瑯廠或運用汽機仿製外貨或利用特長迎合時尚均足爲製造界之權輿至於手工出品如柳條之器像生之物爲數雖微亦屬京兆人民之巧藝苟灌入科學普通知識俾從應用上設想未始非生計之一源此京兆工業之現況也一日商務京兆人民向輕商賈輦轂之下舟車輻輳而至者皆江浙閩粵之人擅之自海禁棣通洋貨輸入充斥市廛亦有出其贏利採辦土貨運輸出口者無論行商作賈皆以天津爲樞紐直接或間接與洋商相授受於京兆地方無與也京兆本無合格之市場惟京師以政治首區稍具雛形而近來京師市面出入口貨物操於洋商之手金銀匯兌之利聚於各銀行之門昔所謂晉幫廣幫

閩幫江浙幫或折閱而難支或依人以作計祇餘極少數之山東幫小本經營尙有獨立之精神猶幸數年以來因政治之衝動予商人以自覺之機會京師總商會尙能謀團結之法以振商困而維市面而商人之明白世界潮流商戰原理者亦日以多未始非一大轉機也此京兆商務之現況也一日鑛業京兆鑛產之著者京西之煤密雲昌平之金宛平之銅密雲之石棉或開採已久或勘驗確鑿其餘東西北三面層山疊嶂有無蘊藏非僅據學理所能驟斷然就以上所舉者攷之除宛平之銅產量太少不中開採外其已採者密雲桃園之金成分僅十萬分之六七銀冶嶺之石棉歲產不過四五千噸卽以最大宗之京西煤產言除齊堂官鑛外每歲採煤亦不過三四十萬噸耳地寶未宣人力有限區區之數亦國家歷年保育所留遺此京兆鑛產之現況也恭綽以爲勸業之方當就其效之已見者先之以利導使動於利而生企業之心復擇其力所難舉者繼之以助長使厚其勢以獲促進之益國家提倡實業垂二十年京兆首善之區其成績不過如是處競爭之世固不禁怒焉憂之第連年徵調方頻水潦洊至生民喘息未定尙能力田稼穡立此基礎亦非易易恭綽調查所及既愛惜目前有限之生機愈興起他日無窮之希望是以文告言語所宣傳耳目心思所措置均持利導及助長之旨次第進行凡農林總局試行有利之棉花藍靛菸草等物常會商京兆尹通令各縣傳播方法廣勸栽植此利導之事一京兆農民狃於習慣未肯從事蠶桑擬另訂蠶桑計畫編輯蠶桑淺說并舉官局飼蠶之良果會同京兆尹宣示全區以引起其興味此利導之事二京兆已辦各工廠多屬幼稚所有鍋爐機械之是否新良工作時間之是否適合與夫管理工廠之法造就職工之制廠屋衛生之理運輸便利之方均派遣專家代爲研究一一指引俾

知改良此利導之事三京兆商務衰敗之原因不一而貨物之不事檢查廣告不謀普遍商標不尙新穎裝璜之不求精美店頭裝飾之不能刻意揣摩日用新器之不肯設法仿造皆爲普通之劣點迭經剴切誘掖各商促其改進此利導之事四京兆森林甚少阡陌之上岩谷之間類皆棄利於地至爲可惜且水量失其調節雨暘於以不時現方著手調查官荒民荒相土之宜爲林區之規畫擬於官力民力以外鼓舞國內企業家組織公司舉辦造林事業以期公私交利此助長之事一京兆釐稅素稱輕簡水陸販運視各省爲便而雙合盛麥酒廠爲與洋貨爭利之營業獨困於公賣費競市爲難經商請菸酒事務署酌予減免此助長之事二京兆各工廠出品多爲外商所樂購徒以推廣力弱銷額不增迭經爲之介紹於歐美販商頗昭信用此後貿易機勢將益順利此助長之事三通縣爲京師門戶自鐵路交通地位驟變繁盛之象大遜往時惟京熱鐵路之敷設原擬工程計畫取道於此將來必能恢復舊觀殆無可疑經親至該處召集紳商籌議就水陸交通之地創設紡織麵粉等廠予以相當之助力現方勸誘催促可望有成此助長之事四此恭綽勸導京兆各項實業之情形也抑恭綽尤有進者利導助長之策有屬於消極者有屬於積極者以上所陳不過就權限所能及消極之設施若更策宏大之規模須取積極之主義竊以爲實業非空言所能提倡又非盡官力所能興辦政府之責惟有舉輔助實業進步之水利金融教育交通諸政整頓改良俾有憑藉之資乃收協進之效查近畿河道可分兩幹京東曰北運京西曰永定屢爲民害久無水利之可言其分源支派如潮白箭桿琉璃拒馬諸水河流所及委若干之地以築堤防復委若干之地以濬沼澤又委若干之地以容沙礫京南各縣可耕之地已不多矣據最近調查京南各河

大約三五年內成一小災十年成一大災其不成災之歲又苦於旱者十之二三統計農民終歲勤勞僅三耕而獲一耳自古河渠之於國家苟施以人力則利多而害少若非大舉整理永定北運兩幹河則京兆人民時虞昏蹶之危寧有興作之望至於京師溝洫之排泄飲料之來源電氣工業之發動力其有待於利用永定河水者尤亟近年歐美工程專家屢有建議矣又京畿疏濬河道通行汽輪此種計畫亦有倡議者故欲積極興業水利不可不速興也工商營業必恃流通資本農事補助亦恃資財借貸苟徒以有限之貨幣欲開發無窮之富源供求萬不相應京兆銀行已成立者大宛農工銀行通縣農工銀行專營營業放款復能協助各種實業此外又有農工各界借款聯合會農工借款協助會等之組織雖推行僅屬萌芽而規則尙稱完備現在國家銀行勢難普及若由政府令行京兆尹集合各縣殷實紳商多設農工銀行儲蓄會等既可代理國庫兼可吸收游資翼進實業簡易可行莫善於此故欲積極興業金融不可不亟整理也各縣教育向重高等小學鮮能盡力於乙種實業學校實業知識之灌輸苦無途徑可循查京師現有教育部所轄農業專門學校學生二百餘人多由南方各省負笈而來京兆土著不多農家子弟尤少其附設之農業講習所招致農民豁免學費而來者寥寥蓋因校地之非宜非盡由民氣之閉塞也又工業專門各校教科頗爲完備惟經費由部撥給比年部款支絀致阻擴充良爲可惜現在各縣普設實業學校或難辦到似宜就京師原有之農工兩校招收各縣學徒以廣傳習其結果當有可觀至各縣中小學校學科中若能酌加農工商業實習俾畢業後即可謀生並設天產品陳列所搜集各品分類陳列以供觀覽裨益當更無量故欲積極興業教育不可不注重也歐戰以來馬路之用與鐵路同

已爲寰球所公認京兆馬路本有端倪京師朝陽門之博愛路阜成門之德惠路仁慈路西直門通萬壽山玉泉山香山湯山之路商旅莫不稱便加以鐵路各線環繞畿郊尤宜趕速添修互相聯貫若能速定省道計畫由京通馬路展至三河玉田方面直達秦皇島一面改良固有運輸車輛一面通行新式電汽各車以盡道路之用以廣京師至海之交通不獨輸送便而閭閻之利興抑脈絡通而京師之勢亦固矣故欲積極興業交通不可不展拓也凡此數端皆爲振興實業之本若不從根本上施以整理之方而各種實業之發達將受其閼阻而難於猛進而所謂利導助長之政策必不足以規全功京兆爲全國施政之始尤宜先事楷模以資興感擬請令行內務財政教育農商交通各部及水利局籌議辦法轉行京兆尹切實舉辦以爲之倡庶綱舉目張百業皆振各省繼續仿效必能日臻富庶以副我大總統利用厚生之至意（下略）

呈報勸辦東三省實業情形文民國九年

（上略）查東三省本天府隩區產物蕃備富力豐饒久爲世界所公認自前清光緒末葉改建行省力事開闢十餘年來政治改觀實業進步今昔比較成績攸殊茲臚舉其現況以備鈞覽一曰農業東三省農業首推豆麥產額最豐供給之力遍於日本歐美祇大豆一項其原料及油餅之輸出歲值一萬萬元以上現哈爾濱人連兩處國人自辦之大豆油坊計八十餘家最大者每晝夜出油三萬餘斤餅五千片而日商俄商所組織者工場之數雖少但資本之大機器之良管理之善牟利之巧遠勝於我大連附近復有日商代理店七八十家收買大豆供給油坊往往原料不繼停工以待故三省之豆但患產量之不增

不患消路之不暢也又大麥一項除用土法製麵供給本地民食外大半以原料輸出其國人自辦之機器製麵廠合哈爾濱吉林長春三處共有十三家資本大者五六萬元出麵最多者日六萬斤苟墾地增多工廠之數必隨之而並進可斷言也三省土地肥沃豆麥而外各種產物皆能培植高粱燕麥黍稷粟稗之屬無論矣近年農事試驗場等試驗勸誘之結果沿海南滿安奉兩鐵路附近墾稻田五萬餘畝穫量甚佳阿城瀋陽等處因糖廠之需要農民多種甜菜此外則遼渾兩河流域之稻遼東各縣之麻長春農安長白山一帶之靛龍江附近之馬鈴薯亦逐年增種成績頗良此東三省農業之現況也一曰森林東三省森林之富甲於天下據歷年調查林區之在鴨綠江流域者面積約四千餘方里在渾河流域者約三千餘方里在松花江上游者約千五百方里在圖門江上游者約二千餘方里在林拉河上游小長白山一帶連至綏芬河上游者約一萬一千餘方里在三姓至密山一帶者約二萬三千餘方里在伊勒呼里山一帶者約八千方里在內興安嶺一帶者約六千方里而索倫山脈松花江下游呼蘭河上游等處爲自古著名窩集之地雖測勘未遍不能舉其詳數然區域袤廣斧斤未施木料之多更有令人可驚者近歲中外官私採木公司計有中日合辦之鴨綠江採木公司日人之三井九站製材公司國人自辦之松江林業公司鐵嶺森林公司吉林洋火公司先後成立取材日多大宗供本國外國鐵道枕木及取漿製紙之用金源故地僻介荒陬山嶺重疊足跡罕及此後入山愈深則得材愈美故人力所至獲利必累進而倍增前途之樂觀視各業爲最此東三省森林之現況也一曰蠶絲遼東各縣夙以產柞蠶繭著東西各國所用絹綢絨毯窗掛以及婦人之夏衣暨裝飾品每年取給於是者將達千萬原料除運往日

本外多由安東裝船運至烟台入廠繅絲出口間有自行繅紡者奉天省會有純益公司實爲此種事業之權輿此東三省蠶業之現況也一日工業東三省產豆麥最豐故大部分之工業適於油坊麵廠然哈爾濱穆爾吉兩處各有國人自辦之酒精廠一家出品尙能與洋貨相埒旅順有順興鐵工場資本財產達三百萬能造各種機器規模頗爲宏大長春有製麻袋工廠能利用滿境產麻織成麻袋爲裝載豆糧出口之用皆與油麵各場同佔工業上之位置至於製造土紙工場近六七十家爲數雖微亦遼瀋海蓋新民鐵嶺長春吉林諸屬小民生計之所託也此東三省工業之現況也一日商務東三省商務向以營口爲中心自中東鐵路成哈爾濱變爲重要商埠日俄戰局定大連又起而代之營口地位乃一落千丈近安奉鐵路告通遼河又復淤塞營口更無恢復之望然一方則安東長春琿琿商業日盛且因歷年與外力競爭之故各埠商人多能明白世界大勢其常識不遜於津滬漢粵諸鉅商未始非極佳之現象也故雖俄幣荒落廢市動搖交通不便運輸受制然就滿洲全境統計商業進步尙信而有徵苟能將金融交通各項根本改良他日之希望將十百倍於今日此東三省商務之現況也一日鑛業東三省地勢遼闊鑛產豐富現在已經開採者金鑛爲多金之產量尤以墨龍江爲最若琿琿漠河湯原龍江呼馬等縣皆爲金之主要產地吉林產金之場則以延吉樺甸磐稜依蘭密山等縣爲主奉天鑛區則多在海龍安東寬甸本溪岫巖興京諸縣十九屬於砂金採掘方法多用我國固有之淘洗法若能稍事改進輔以混汞法龍化法產額必可增加卽今日指爲無價值之貧鑛將亦有復開之望至於煤鐵兩項亦三省所擅有撫順產煤雄厚世界僅見本溪鞍山鐵鑛質美蘊饒皆已入他人勢力之下其他煤鐵各鑛除與日

人合辦及借外資開採者外可數者實屬寥寥然據實在調查華商自開之煤礦正在探試及已發現而未採者約一百廿處之多此外銀銅鉛石棉滑石各鑛樺甸磐石伊通諸縣漸有發現苟能盡提倡保護之道謀交通便利之法效果洵有可期此東三省鑛業之現況也一曰畜牧遼西一帶古稱游牧之鄉年來移墾日多牧地漸變爲耕地然海拉爾爲產馬區外興安嶺之東西遼河上流草地面積一萬五千方里全滿洲家畜皆產於此卽彼歲出口赴俄之馬匹及運往各處之牛羊及豕爲數甚鉅無非孳育於是此外如達爾罕札賚特札薩克圖圖什業圖諸蒙旗呼蘭齊齊哈爾間之草地皆屬於天然牧場雖飼養之法未得其精而蒙漢人民恃此爲生者數達百萬卽旅順大連蓋平遼陽諸屬農民亦多以養羊爲副業此東三省牧畜之現況也一曰漁業哈爾濱蒙語謂曬網之地營口海濱尤擅魚鼈之利查松花江漁業尙無特別提倡之法惟營口一港設漁船保護局漁業總局立乙種水產學校養殖場等機關助長保育兼施並進而私立養殖場漁民講演會亦有數處之多上下一心力求進步頗有成效可稽惟無大規模之組織編成輪隊出海打魚弋取厚利殊未盡發展之道然風聲所及沿海各處漁民濡染新知漸獲良果此東三省漁業之現況也一曰航業東三省舟楫之利外表遼海內錯江河現在營海外航業者有政記輪船公司營松黑嫩三江航業者有戊通輪船公司政記公司輪船往來安東大連及營口等處遠航天津龍口烟台上海以至南洋印度各港規模之大足與日本船舶爭衡戊通公司值歐戰之機乘俄輪之乏有船百數十艘航行線遠至俄屬之尼港近年松黑兩港水涸通航之期甚短營業頗受影響然尙能與外舶共三江之利救濟俄境數十萬受困之僑民未嘗不差強人意此東三省航業之現況也竊

維東三省地跨兩帶物產之豐爲全國諸行省所不及見長江黃河流域之產物無不自有以前藏寶於地已開闢者僅千百分之二三天然之蘊方局鑰而未宣人力之施已及時而難緩蓋其所儲蓄者厚所保守者久經營之結果收效將十百而倍蓰而目前缺憾之最大原因則在人力與地力不相應恭綽之愚以爲欲振興東三省實業須運以包舉之勢不宜於枝節之爲須取殊途並進之方針不宜於畸重畸輕政策而主旨則求人力與地力相應而已茲括其大要不外五端一化流爲居也聖門治國之道富庶兼籌故必生之者衆然後能舉天地亨毒淵涵之祕呈露以厚民生三省人民稀少全境僅一千九百餘萬人黑龍江東北部及中部拜特哈西部呼倫貝爾之地吉林松花江穆稜河之間而荒曠情形幾爲政治力所不及最甚者爲綏遠一縣祇有男子四百餘人女子四人各種事業之發達直成絕望考建州扈倫東諸部室韋勿吉故墟自昔稱爲榛莽元明以後北直齊魯之民或荷耜出關或乘桴浮海遼東半島始呈繁盛之觀降至清末其近邊科爾沁諸蒙旗漸涎畝之利引傭關內農民代爲耕作名曰撈青此種傭農展轉流徙於三省境內或入俄屬西伯利亞及阿穆爾東海濱諸省往往春出冬歸不肯挈室家以著土籍坐使數千里原田廬壤沒於荒煙蔓草之郊一切工商虞牧諸政亦無從傳麗而興起比歲東南各省生齒日繁饑饉洊至苟施以調劑之策即可足財用而杜凶荒謂宜決行移民之法規劃都市編定圖保令流寓者必成室家而長子孫一面復在黃河以北諸省籍招募並將各省區裁兵散卒一律遣送安插務期生聚之能足以副地利所需要則可指日而程開拓之功矣二化散爲整也保民治國雖曰經緯萬端而民命與國脈所關要實在於財政自古泉刀之制所以代交易之煩然制用如何而後均平

必當酌其盈虛而劑其多寡東三省金融之混亂幾於不可究詰日幣俄幣交相灌注主客地位漸已易形而三省自有錢法亦適足供外幣驅除之資蓋三省各有所謂大洋票小洋票吉黑兩省又各有所謂官帖彼此不能流用且其自身價值原無確定本位奸商操縱經濟恐慌幣價偶搖百業蒙害近以物力膨脹事業之待發展者日多二三官立銀行坐幣制不統一之故不能因人民事業之要求定硬幣紙幣正幣輔幣之適當發行數目又怵於法律保障之未能鞏固押款章程仍爲嚴格限制富力祇有此敷不能展轉以相生事之可惜莫甚於此謂宜厲行統一三省幣制認真監理並組織一大規模之實業銀行變通押款章程予人民以得助機會仍時時斟酌社會事業進步之程度供給足額之貨幣復就奉天各縣原有之儲蓄借貸會等類廣爲推行以期普遍庶幾儲備財力以鞭策事業之騰達不至拘束事業以遷就財力之支配然後進步乃有可期也三化滯爲通也吾國實業不振其主因固非一端而滯而不通要爲失敗之張本東三省交通之梗阻金融之閼滯均足害發展之機蓋鐵路則中東南滿安奉諸綫其權皆操自外人水道則松黑嫩三江航綫又每累於枯涸且京奉支綫有營口爲出海門戶而火車不能渡河四鄭吉長兩綫仍須轉入外力之下乃能輸出遼河上游淤淺船舶不復能通水陸運輸之利直等全部喪失重以舊有驛路日久不修冬寒則困於積冰春煖則陷於泥淖大車重載又具極大之毀壞力以爲道路之害於是東三省幾無交通可言而貨物乃因之而壅積成本不能周轉生產無可增加滯之爲害至是而極謂宜設法溝通松黑二水擇要疏濬松黑二江逾格獎勵各江航業並另闢途徑築一貫通東蒙南北滿之鐵路委尾閘於連山錦縣之間積極開闢葫蘆島以承其輻輳其原有鐵路復依國道

省道條例提前修理改良大車籌駛汽車爲目前補救之計一方於商務重要地方提倡倉庫事業以救堆積貨物耗壓成本之弊然後交通舒暢金融流動百業始有突進之望矣四化保守爲進取也大凡一地之物產必求其輸出入之總額足以相抵但以東三省土壤之膏腴自當更進一步以求各種物產之皆能自給二求輸出總額之超過輸入據各專門人員調查研究報告實非極難之事蓋三省缺乏之物惟棉稻糖麻紙靛煙草酒精諸類目下每年購入洋貨已達七八千萬元之多查棉之一項三省每歲輸入生熟品共值四千餘萬元法庫新民廣庫遼陽錦縣各屬皆可試種美棉奉天北部吉林南部天氣尙非極寒可以仿新疆種冷棉之法分別待辦卽不能抵補全數亦當購入補充原料自行紡織以省工價稻之一項三省需用無多但南滿一帶宜稻之地千六百萬畝全部墾成歲可得米五千餘萬擔亦當愛惜天然美利廣闢稻田以濟鄰境民食而裕地方之收入糖之一項三省歲需六萬包日人在奉天組織糖廠卽用本地甜菜製造歲出糖五萬包尙不足供全境之用乃我自設糖廠於呼蘭糜款數百萬至今未能開辦遂拱手而讓人專利不足之數恆仰給於舶來若能另擇適宜地點移呼蘭糖廠機器另設新廠慎擇菜種自製足以自養而有餘甯待人之越俎麻之一項本係自產製布製袋需用頗多但遼陽土麻比較已屬良品而纖維過粗難於適用日人在奉天所辦之纖維會社大半購用印度黃麻製造之利既已授人原料銷路更爲奪去急須及時改良麻種以圖挽救於將來紙之一項三省每年銷耗值二百餘萬元土紙製造額佔三之一東南各省輸入者又三之一其餘則全屬洋紙而境內所產之木材高粱稗均係天然製紙原料姑無論木材之富苟大舉採伐磨漿可供給全世界之紙廠卽高粱稗一種祇奉

天境內年產已二萬五千噸以之製紙寧虞不足釐之一項奉天東北吉林西南各屬向均產生菸草一項奉天農事試驗場試驗成績甚佳馬鈴薯一項冒寒易種能製酒精三省土宜悉中栽植皆當盡力勸使之增加產額不假外求凡此皆三省所當速謀進取者也雖然勸誘之效所得甚微文告之宜盡人難喻若非積極興辦職業教育何以灌輸相當知識使就我統計計畫之範圍查三省所可稱為實業教育者僅奉天有甲種商業工藝一校吉林有甲種農工業一校齊齊哈爾有甲種工業甲種農業一校營口有乙種水產一校其餘著名城鎮間有乙種農工學校爲數亦甚有限則三省之職業教育收效已至難言若欲貫徹進取主義謂宜多設各種實業學校注意支配設校地方勻派各縣學生人數預指其畢業後之職務毋使邊遠有偏枯之憾毋使學校成登進之階庶數年以後種種製造皆有適用之技師教員或樹模範任傳習方不至囿於舊法盡於苟安墨守其耕鑿作息之常自滿於出入相抵之額矣五化依賴爲自立也東三省實業之盈胸恆仰鼻息於他人其最顯者運輸之脈絡中東南滿各扼咽喉金融之中心羌帖日金迭執牛耳銀行無興業責任資本不能流動外商得利用之以操物價之權行商無團結精神各業不知設備外人得專有之以肆挾持之術且也以生料易熟貨而不惜昂價之虛糜以重資聘技師而不爲人材之預備種種依賴性質適足造成實業前途之困苦其補救方法均具於上列四端中至於中東南滿鐵路用地界內及旅順大連等處既無中國官吏又無領事商務官等職本國商民受轄於外邦法律之下動止多不自由南滿路綫一帶吾國商事機關祇能設公議會一種並欲自組商會而不可得非亟由地方長官與日吏提正當誠懇之交涉謀變通權宜之措置爲吾民開一呼籲之門一

面扶助各商組合團體與滿洲全境各商會聯成一氣以厚互助之力則三省實業終無完全自立之日而失敗且永無窮期以上五端恭綽每於所至農工商會及各處學校場廠接見紳民輒就其當地之情形量其企業之能力剴切開曉俾知振奮之方或派遣專門人員爲之指陳得失增進新知使曉然於受病所由來益怵然改良之必要其尤關重要各事更於回京後迭與中央主管各部暨三省高級長官文電往還共策進行辦法此則恭綽勸導東三省各項實業之情形也第所謂包舉之勢及殊途並進之方針關於東三省命脈者至鉅而連帶於各方面者亦至多非合力統籌究無以收驂靳同功之效擬請令行外交內務財政教育農商交通各部幣制水利經濟調查各局及東三省軍民長官內外合籌務達最終之目的庶幾地寶不至終闕天產演而日增內以副我大總統提倡保育之盛心外以應世界各國有無相通之公義（下略）

籌辦工賑修建路基呈文民國九年十月二十日

竊查本年北方各省災區之廣災情之重待賑時期之長實爲前此所罕見前經令飭京漢京綏京奉津浦隴海道清各鐵路局派員調查沿綫各處災情各電報局報告當地歲收狀況以爲籌賑之根據並在部中設立賑災委員會規畫賑災事宜一月以來調查研究不遺餘力討論所得本部主管權限以內對於賑災事宜惟有多開路工以工代賑最爲切實辦法鐵路不能驟建不妨先建路基幹綫不能遽修要可先修枝綫暫用雇募散工辦法先行從事土石工程既可收容災民並能進行路政於民於國兩得其利業將隴海西段之觀音堂至潼關一段按照工程計畫展拓興工並擬將由直隸滄縣至石家莊之滄

石線由山東煙台口岸至濰縣之煙濰線由山東曹縣至濟寧縣之曹兗線分別先後一併開築路基以期興工地段愈多收容民數愈衆此項路基費用大概估計約需銀一千萬元以外現在部中款項早已羅掘一空內債外債一時俱難舉辦反覆籌畫惟就已成交通事業附收賑捐或能集少成多且屬事輕易舉業經飭司籌議路政一項就客票貨票分別等次噸量酌收賑捐每年約可得銀三百五六十萬元電政一項就官商電報部辦電話酌收賑捐每年可得四十八九萬元郵政一項就匯兌資例及郵件郵票酌收賑捐每年可得七十餘萬元惟航政一項現在航業均係商辦應與商辦之電燈電話由部令知各公司團體勸令酌量輸捐能得若干無從預計但就可得的款計算每年約近五百萬元以之修築上列各線路基僅得半數此項捐款擬暫以一年爲期所定捐率按之原定火車票價運價及電費郵費約在百分之五以下爲數至微辦法務簡收捐手續由本部責成各路電郵局認真經理專款報解不另派員以節糜費收入款項由本部特別會計另款存儲專爲修建路基等以工代賑之需不作別用收支數目由本部專案造送財政部審計院審核以昭慎重現在開辦伊始一方籌備開工一方應備墊款或將此項賑捐指向國內各銀行暫行抵借或先行借撥他款再由賑捐歸還統由本部切實籌畫從速辦理（下略）

修築滄石煙濰兩路路基以工代賑呈文民國九年十月卅一日

竊查滄石煙濰兩路一則橫貫津浦京漢直接正太一則東出海口西接膠濟關係北部東西交通均極重要早經本部籌議修築祇以籌款不繼致未舉辦此次籌議工賑迫不及待本部議將該兩路提前興

辦藉拯災黎前經提由國務會議議決在案查滄石一路自石家莊起點經藁城縣晉縣深縣武強縣及獻縣屬之淮鎮以至滄州計長二百二十一公里共計建築費約需一千萬元當經飭由京漢津浦兩路會同勘估先將該路路基興修所需一切工程人員卽就該兩路現職人員中支配以期節省約計滄石路基需款一百八十萬元煙灘一路自煙台起點經福山縣蓬萊縣黃縣掖縣至濰縣計長三百七十四公里共計建築費約需一千八百萬元乃議定仿照滄石路辦法先修路基所需人員就本部暨路局現職人員分別調派並派委津浦正工程司趙德三爲該路路工處處長尅期前往勘籌一切現據呈報已定於十一月一日正式開工約計該路路基工程需款三百萬元以上兩路所需款項純爲臨時救賑發生未經列入預算業經提由國務會議議決追加加入九年度預算之內並由國有各鐵路將客貨運輸附收賑款撥充前項工程之用目前應需工款因附收賑款尙未集有成數故滄石一路由京漢津浦兩路局暫爲撥墊煙灘一路由津浦局暫爲撥墊如有不敷或指定該款設法籌借以資周轉而促進行俾路工災民兩得其便至上項用款不過僅築路基以後修築該兩路軌道各項用費應需若干俟實行建築之時再爲詳加估計呈請鑒核（下略）

統一交通教育計畫呈文 民國九年十二月廿一日

竊惟國家實力之展拓以交通之發達爲初基而一切事業之設施尤以人才之適用爲先着是交通與教育二者倚伏相因關係至密伏覩我大總統蒞任以來夙以提倡四政注重教育爲政治之鴻謨絜領提綱發皇渙號當務之急莫或逾斯恭綽謬蒙顯擢備位交通竊見近年以來我國交通事業迄無發展

深求其故實由專門人才缺乏不敷應用而專門人才之所以缺乏則實由現有各學校學制之不能統一學制不能統一卽教授不能適應而所造就之人才仍不能適如實際上之需要似此情形自非妥籌良策改絃更張不足以資整理而圖進步謹就本部現時教育狀況及所擬改革辦法不憚瑣縷爲我大總統一詳陳之查本部育才經費依八年度計約共支出四十萬元是經費不爲無著上海唐山各有工業專門學校一所北京有郵電學校及鐵路管理學校兩所是機關不爲不備以如此鉅額之歲支供辦理有年之專校而所得人才恆不敷於支配所學技術或不適於應用其根本缺點不外二端各校散處數地不相聯屬當時成立本有後先制度遂多歧異加以歷史上之關係辦法往往懸殊利弊遂多互見管理卽感困難成效遂難預期是組織之無統系一也各校之設重在專長教育之精神宜謀一致而學科之分配則不必強同乃此校所設之科彼校亦設彼校所無之科此校或缺或有預科復設中學旣曰專門又附小學主要之學科或略駢枝之學級又增精力旣多虛糜教育未能經濟是學科之不聯絡二也細察情形進謀改革其扼要辦法端在統一學制查外國大學爲統稱之名詞大學本體爲總攬大綱之學府大學分科乃爲實行教授之機關故大學分科常就適宜之地分建而精神上則統屬於大學本體系統至爲分明責任至爲專一現在上海唐山兩處工業專門學校程度略與外國大學初二年級相當根柢尙固成績頗佳北京郵電學校鐵路管理學校雖範圍較狹亦具有高等專門基礎茲爲統一學制起見擬將該四校校制課程悉心釐定分別改良列爲大學分科而以大學總其成名曰交通大學上海北京唐山四校悉納入焉似此辦法可望有明晰之組織有一貫之方針一面補前此之弊偏一面圖

將來之發展至各該校設立有年情形互異應如何因革損益分程各進以符分科之精神以及大學本體應如何聯合組織收統一之實效自應詳慎審度切實籌商以期折衷盡善藉副我大總統爲國育才之至意（下略）

闡揚文化條陳民國九年

竊維吾華立國垂數千年古代文明不在人後自近百年間暫種突興一日千里吾猶自封故步彼此相形遂瞠乎後矣驕慢自是足召侮亡苟且偷安亦復無濟是宜淬厲精神毅然奮發盡力爲新文化之運動以求適合於世界之趨勢謹舉數事爲大總統陳之一通儒院宜亟設立也查各國類有最高學府慎選全國通儒研求最高深之學術發表於世以當繼往開來之任其資格皆極嚴重位望皆極清高學術皆極淵邃於以導揚文化啓迪新知關繫殊非淺尠前此國人曾有考文苑之建議教育部有學術評定會之設立意均略同但竊意宜定其名爲通儒院其辦法則略仿法之阿伽代米厥額不得過一百名廩給宜輕資格宜嚴名位宜尊慎擇通才主持其事以爲舊文化之結束新文化之始基庶足一新耳目一國立圖書館宜亟經營也文明各國皆有國立圖書館往時吾國西清東閣之制卽同其旨大抵規模宏闊蒐羅富有管理精詳且分別部居考古通今各從其類其完善殆爲吾國所未夢見吾國號稱文化最古而歷代儲藏圖籍迄無妥當之法致損失等於焚坑比歲以來士不悅學各地大抵不知文化爲何物消沉散毀尤有文武道盡之虞宇內藏書非蕩爲烟塵卽販隨海舶其保存遺佚者亦不絕於縷並無持久之策再閱數載恐收拾益難是宜由公家經營一國立圖書館蒐求宇內希有珍本築最新之室藏焉

庶天下圖籍有所歸而文化精神有所寄其備普通閱覽之圖書需要尤亟事當另籌一四庫全書宜速爲影印流通也有清類書之鉅莫鉅於圖書集成叢書之鉅莫鉅於四庫全書圖書集成原有刊本光緒間曾石印一次又用鉛字排印一次故海內流布尙多四庫全書祇傳寫本分置七閣及翰林院洪楊之役文宗文匯燬其二英法聯軍之役文源燬其一庚子拳亂翰林院又燬其一於是存者惟文淵文溯文津文瀾四部文瀾本已多散逸文津文溯兩本年前輦載來京及今不圖恐此區區亦復難保近日法國學院有商借全書之議此書卷帙比圖書集成不過十倍從事影印非不可能文津本讐校未精間有訛謬是宜速將文淵閣本由政府提倡集資影印以廣其傳不獨國內都會可各儲一部卽東西各國孰不歡迎發揚國光莫此爲盛恭綽於此事已略有計畫需費雖鉅尙不十分困難一各省公私藏書宜設法保存也清初自康熙二十五年始詔求遺書內府所藏至乾隆纂修四庫時而大備又前清各省書院等多有藏書改革以還絃誦久輟竊取盜賣覆瓿常薪均所難免是宜通令保護又清初藏書之家江浙最盛數傳以後散佚漸多海禁未通輾轉遷移尙在本土今昔異勢東西海舶滿載而去高文典冊日卽淪亡是宜設法維持苟有故家不能守其世業者由中央政府或地方政府自治團體等公爲購買用存國寶一各省官局書板及印刷器物宜及時保管也康熙乾隆兩朝官纂書籍多皆由武英殿刊板傳布道光而後各省官書局出書亦夥迭經擾亂散失堪虞又各省通志及府縣志板存於各省舊府縣學或府縣署者均有關地方文獻爲比較切實有用之書是宜通令及時檢點妥慎保存或擇要印行或補其闕壞又釋藏板片七萬九千餘塊今尙存京師柏林寺道藏板片亦存彰儀門外白雲觀亦宜派員整理保

管毋使失墜一舊內閣大庫藏物及舊軍機處檔案宜速爲清理保存也清初承明舊制機務出納悉由內閣軍事則付議政大臣雍正間西北西路用兵始設軍機處自是機務及用兵皆歸軍機大臣承旨本章仍歸內閣內閣大庫所存章奏文移悉當代掌故所在且多歷代遺存書籍典章軍機處廷寄諭旨則事關機密尤非外間所得聞祕典遺文往往而有今情遷事過無所忌諱此等祕藏應爲表露以資考證現內閣大庫舊物已歸教育部保存舊軍機處檔案尙在國務院中日久疏虞恐歸散壞是宜簡派妥員排比鈎稽以存一代文物典章之實一往代散佚典籍宜廣爲搜集也隋牛弘請開獻書之路有秦以來經籍五厄明胡應麟經籍會通又增唐以來五厄吾國典籍每隨喪亂而散佚歷代皆然宋末見存書籍見於陳晁二家書目者至明正統六年文淵閣書目所載宋元巨帙如宋九朝紀事本末元經世大典等皆極關考證明末亦不可得見其籍永樂大典存者雖經乾隆時之採錄然拳匪之亂翰林院被燬永樂大典及四庫存目諸書均遭燔蕩救出者不過數十冊而已乾隆時各省採進書籍之存於武英殿者亦因光緒初罹火與諸珍板同燬此亦書籍一大厄也然江戶之市時有古逸之書巴黎各都每見燬燬之錄是宜按往代書目所有而今已不傳者設法懸購並宜令駐外各使調查我國散逸典籍之存於各國者分別借出錄副或照像刊行務使固有之物得復見於吾土庶足助長國人愛國之忱一保存古物法規宜速擬草提交國會也民國五年內務部雖有保存古物暫行辦法及古物調查表通咨各省然有勸無誠純任自然守土者視爲具文盜賣者依然如故長此不已無待金人入汴而古物已東不必德軍破京而儀器西去矣是宜仿各國辦法製爲法案提交國會議決公布庶君子有懷刑之懼估客無私運之

虞一面再趕設博物院一二處蒐集保存尚可存十一於千百以上各端皆不過就私慮所及臚舉大綱至詳細辦法頭緒紛繁倘蒙採擇施行再當細書上達抑恭綽更有陳者吾國文化雖古然以向不表揚之故致世界迄今不審吾之真相徒以蠱略之遊記隔膜之報章挾私之言論引爲確據遂致吾國在外人心目中永儕野蠻之列恥辱固已害莫大焉今日之策一面應極力用各種方法在世界上传播我國固有文明之真諦一面應策勵國民努力於近世文明之改進弗令世人因藐視子孫而兼輕祖父以全我文明先進之價值浸假再進圖東西文明之融化爲世界別開新紀元此不得謂非我之大責任倘承垂鑒及此積極進行實世界文化之福非祇我國受其賜而已至辦理上列各事有並不需費者有需費較鉅者一二兩項自可立見施行其第三項比較爲難然苟上下同心似亦非絕無辦法再前此國人希望各國交還庚子賠款其預定用途尙無定準竊意應將上列圖書館博物院及常年蒐存圖書古物費一併列入用途之內事關文化度國內外無不贊成尙盼政府記注及之以爲進行基礎輕率上瀆敬冀裁察施行

令遵守鐵路會計則例民國九年

鐵路爲國家經營之實業會計爲考覈出納之中樞中華民國有鐵路多係借款建築收支既鉅營業尤繁信用所關極爲重要使無精確之會計必致稽核乏術弊竇叢生查民國八年國有各路資產價值僅就已經營業者而言幾達四萬二千萬元營業收入約八千三百餘萬支出亦三千八百萬有奇財產營業爲數如此之鉅會計手續少一不慎關係公款及信用實非淺鮮本部有鑒於此本總長前於民國二年

在本部路政司任內時創立統一鐵路會計委員會聘任中西會計專家博採歐美鐵路會計制度斟酌情勢根據學理明定統一鐵路會計則例業於民國四年一月頒行各路遵守在案復由本部按年編製鐵路會計統計總報告將各路歷年會計經濟狀況刊印公布俾中外人士咸知鐵路之真相與夫逐年盈絀之情形以昭大公而維信用此均本部經營鐵路事業之苦心辦理以來成效顯著中外咸知惟會計則例頒布有年誠恐各路員司日久玩生視若具文致負本部審訂之本旨爲此令仰各路局長知悉自今以後應責成主管會計督率所屬員司一體遵照部頒會計則例認真辦理值此時會艱難務宜力圖撙節爲鐵路節糜費卽所以對國家盡職司凡分文支出必有確定標準以期確符定制之精神藉昭中外之信用本部有厚望焉

致駐美顧公使少川電民國九年

新銀團二次會議前由施公使電知內容大概此事彼輩籌度甚久此次又有梅爾思等在內結果恐未必有利於我與其事後反對不如先露端倪或可轉移消弭新團以前文卷已由法使送我外部我尙未承認惟忖度情勢能如下開各節辦法或可望得我國上下同情且有數節爲國人所極主張者

(甲)路款絕對禁止濫借濫用並可與債東訂定稽核權限

(乙)已訂合同未售債券或未訂約而許可建造者應由我按國內情勢與財團代表協商其分合存廢緩急另行支配另訂合同條件其我國利益之標準不能在各該原合同之下

(丙)如不能照上條辦法則祇可暫照原合同辦理其未訂者緩議但如此辦法則新團條件無法實

行結果等於鎖閉然非我之責因乙條辦法實至公允也

(丁)新團辦法未經我同意實行以前其急需進行各路如漢粵川等墊款應一面趕辦不能延擱

(戊)購料照部定統一技術標準一律公開投標如質價均同先儘華料購用一面由路自籌製造

(己)用人不論華洋一律仿英文職考試任用且不能按國籍勻配致妨路務之整齊及敏

活

(庚)由我組織銀行經理營業收入得用外國專家爲總理或由我改組代理國庫之銀行經理其事

(辛)一切行政管理上事務中國完全有自主之權

(壬)已成及興工未竣各路不在新團範圍之內

以上各節僅列舉大綱希以非正式資格相機向新團宣露仍勿作爲政府意旨以便伸縮爲要詳情並盼電示

閣議籌辦滄石煙灘曹克隴海西段各路以工代賑提案民國九年

竊查本部籌辦以工代賑業經規定修築滄石煙灘曹克三綫路基並將隴海西段由觀音堂至潼關一段一併展拓先修路基以期興工地段日多容納災民愈衆此項路基費用大概估計約需銀一千萬元現在部中款項早已羅掘一空內債外債一時俱難舉辦反覆籌畫惟有就已成交通事業酌收賑捐庶幾集少成多徵收亦便茲經飭司籌議路政一項就客票貨票分別等次噸量附收賑捐每年約可得銀三百五十六萬元電政一項就官商電報部辦電話附收賑捐每年可得四十八九萬元郵政一項就匯

兌資例及郵件郵票附收賑捐每年可得七十餘萬元惟航政一項現有航業均係商辦應與商辦之電燈電話由部令知各公司團體勸令酌量輸捐能得若干無從預計茲就可得的款計算每年約近五百萬元此項捐款擬由本部特別會計另款存儲專爲修建路基以工代賑之需不作別用其收支數目應由本部專案造送財政部審計院審核以昭慎重收捐手續由本部責成各路電郵局認真經理專款報解不另派員以節糜費至此項捐款期限擬以一年爲期此次所定捐率按之原定火車票價運價及電費郵費均不過百分之五以下爲數至微手續務簡且係賑災義舉商民自應樂從果能及時開辦以其所得之款籌辦上列各綫路基程功自可預期惟目前一面擬由部先行墊款開工將來再行由部次第籌款繼續既可濟災情之緊急並可期路基之必成似於賑務路工兩得其利除詳細辦法由部另訂專章令行辦理外合將擬附收賑捐辦法分別開列敬候公決施行

閣議籌辦工賑急賑辦法提案民國十年二月一日

查上年北方各省旱災奇重待賑孔殷本部外察時論之主張內審職權之所及議將被災地方原有計畫之滄石煙濰曹兗三路線提前辦理先行修築路基用雇募散工辦法從事土石工程俾饑民可以得食贍家以待明春之東作經於上年九月間提出閣議嗣又因此項路基費用估計殊屬不資而部中款項早已羅掘一空無從籌集惟有就已成交通事業酌收賑款由本部特別會計另款存儲專爲工賑之需不作別用惟捐款收集需時尙難濟急擬由津浦京漢兩路於經常費內先行挪墊俟將來賑款收集成數儘先悉數撥還並經議決照辦在案此項附收賑款係於十月十一日起開始徵收而滄石煙濰兩

路土工亦於十一月一日同時舉辦並將會計稽核辦法暨收款數目分別公布嗣因外間報紙頗有浮言或謂附收賑款不當專用之於工賑或謂災區甚廣不當專及於兩線附近查此次以工代賑附收賑捐本係本諸時彥所主張且本部職權所及亦祇限於此今浮議既有異同自當再行訴之公共意見以憑抉擇遂於上年十一月勘日通電徵詢先後據復多數皆主維持原議專辦工賑是公論所在皎然易明惟查此次災情之重近古罕儔救荒政策關係於國本民生者綦鉅但使災民多活一人即國家免傷一分元氣現屆冬令嚴寒饑黎遍地嗷嗷待哺刻不容緩而政府帑藏有限博濟亦覺爲難似此情形苟非通力合籌移緩救急誠恐無以救燃眉而蘇涸轍自應不分畛域妥籌辦法茲爲慎重賑務起見博采羣言擬取折中辦法將所有路電郵附收賑款自十年二月一日起提出五成撥歸賑務處按照災區酌量緩急妥爲分配施放急賑用輔工賑所不逮惟此項賑款係由全國各處零星收集究竟實收若干應卽以各路電郵局解到部中之數爲準按月由部以五成撥交賑務處至滄石煙淮兩線路工自應仍照前議繼續辦理所有不敷經費較前尤鉅應由部另行籌措以竟全功是否有當敬候公決

閣議籌辦漢粵川鐵路湘鄂綫南段工程提案民國十年

竊以漢粵川鐵路爲我國西南重要幹綫其影響於政治前途尤爲顯著徒以歐戰發生不能續借外債川漢則停工以待損失甚鉅粵漢則株州以南無以進行經飭據該路關督辦賡麟呈復籌議部墊漢粵川路款辦法並交本部鐵路財政籌議會核議具復茲據該會復稱遵於九年十二月二十日照章開會議決按照原呈辦法將川漢鐵路暫從緩辦先修粵漢鐵路湘鄂綫之株州至衡州全部工程需時三年

共約預算銀元一千四百一十一萬元由部於本年五月起指定京漢月撥現洋十三萬元津浦京奉各月撥現洋十二萬元京綏月撥現洋三萬元共計月撥四十萬元第一二三年共撥一千四百四十萬元較預算餘洋二十九萬元留備購料金價漲落挹注之需每月不必部令通知由四路直接撥交漢粵川核收一面報部轉賬作爲解部餘利之款由部填發收據分送四路並由漢粵川填具收據作爲收到部墊之款呈部備案又於第四五六年續修衡州至星祠嶺橋基山洞及土方購地共約預算銀元七百零八萬元由部指定京漢京奉津浦京綏四路於第四五年共計月撥二十萬元第六年共計月撥十九萬元統共七百零八萬元每路應行指撥之數及其手續比照前三年辦法辦理又聲明此案之進行不必以外債之成否爲進止即使續借款成立工款有着此項墊款移爲該路原借款還本付息之需並選派各路華洋會計人員輪流前往查賬以重公款請予核准等情本部查粵漢鐵路屬於借款範圍者計長四百六十四英里已修成武株一段計長二百六十二英里尙有株州至衡州計長八十一英里衡州至星祠嶺計長一百二十一英里迄未修成一誤於一再贖路用款不貲再誤於歐戰發生借款停頓損失不可勝計而該路開辦將二十年與各方面關係之鉅又絕對無停辦之理由現欲繼續興工舍部墊外實無第二辦法且係按照以京奉餘利建築京張鐵路成案似屬可行復核開工計畫先修株衡全部工程續修衡星緊要橋洞因粵路尙差二百三十三中里商辦財力能否修通或設法收歸國有目下以時局之關係尙無解決方法故祇得利用時間先修衡星艱鉅工程查本部特別會計預算原屬不敷茲再益以此項墊款實因該路爲國中第一重要幹綫如能修成則南北隔閡之消除銀團條件之抵制皆可

所藉手如能定案並擬規定無論政治如何變遷該路工程當立於超然地位所有墊款按月照撥另存非該段新工之開支不得撥用庶可計日成功如將來該路續借款成立此項墊款辦法當另提案會議所有本部籌辦漢粵川鐵路湘鄂綫南段工程各緣由是否有當敬候公決

減輕災區農品運費兼濟災民電民國十年

查上年北五省旱災奇重本部職掌所及迭經減免賑糶運費以惠窮黎惟是民爲邦本食爲民天轉瞬春和從事耕作當此凶荒之後民困未舒尤以減輕農民資本之擔負爲當務之急前已令各路載運豆餅充作肥料者減等收費期以一年在案顧農民生產必需之品縷計尙多茲更就各路貨物分等表內擇定農用物品以及籽種肥料等項自本年三月一日起至六月底止凡屬運赴現定災區各站卸車者不論由何路起均准在站照繳半價運費卽予裝運并無須請發憑單以省周折除將減費裝運之農用物品等目以及現定災區各站之站名刊登公報并各行各路飭各站張貼外特先電達卽希查照電各縣知事出示曉諭俾衆周知無任公盼

中國開辦郵政廿五年擬請發行紀念郵票文民國十年

竊維庚郵遠遞異雁帛之傳書乙史遐稽知鴻圖之肇造既歷年之適合自品物以宜章查泰西各國凡百事務屆二十五年必舉行一種特別紀念我國郵政自前清光緒二十二年二月初七日經總理各國事務衙門奏准開辦迄今恰屆二十五載各省區大小局所現計一萬有餘一年內開發匯票數在六千萬元以上利國便民以視先進國郵政似無不及茲擬略仿泰西通例飭令郵政總局印行特種郵票以

爲紀念會見流傳於四裔不徒日下之風行爭購者萬家幾等洛陽之紙貴（下略）

刊行四庫全書提案民國十年

四庫全書爲吾國最大典籍書成不及百載而文匯文宗文瀾文源次第燬於兵燹頃所存者祇文淵文溯文律三本若不亟爲影印以廣流傳恐不再五十年不淪胥以亡卽以飽羣蠹好古之士寧不傷心查此書負世界重名各國皆爭先快覩近頃日本圖書館欲出貲重寫一分法國巴黎大學復冀送往展覽今宜乘此機會由政府提倡獎助設立四庫全書刊行會由大總統派定專員始終主持其事并指定文淵閣或文溯閣本由原管官廳點交會中保存招商發印准其發行預約券由京外官紳實力襄助至周轉補助並須籌定的實官款以爲後盾庶免大業廢於半途（下略）

陳報京綏全路竣工暨通車日期文民國十年五月

竊查京綏路綫關係西北交通不特於商務可期發達於邊防尤關重要祇以工艱款鉅中間復迭經事變歷時十餘載始獲觀成實爲我國西北一偉大事業謹將該路工款經過情形爲我大總統縷晰陳之查京張鐵路自前清光緒三十一年四月奏准開辦九月興工至宣統元年八月甫及四稔計京張幹綫三百六十一里京門支綫四十六里均先後告竣其時正值我大總統綰領郵曹中外人士踴躍觀成同聲稱頌宣統元年七月復奏准展修張綏路工二年三月從事興築三年十月修至陽高計成二百二十八里會武漢軍興工程中輟迨民國元年冬繼續進行三年六月通至大同計延長一百零四里四年九月至豐鎮計延長八十一里是年復兼修京師環城枝路二十二里七年又兼修宣化枝路十七里大同

枝路三十七里且時值歐戰料價昂貴款項支絀以致幹綫因而停滯至八年秋復議展築九年一月通至蘇集計延長一百二十二里十二月至卓資山計延長一百四十七里至此僅餘卓綏一段工程迭經本部督飭該局長及在工人員分段急進計日程功僅四閱月遂由卓資山展進一百七十里直抵綏遠城下計全路幹綫共一千二百十三里枝綫共一百二十二里京綏全綫始告完成此工程經過之大概情形也至該路用款始由京奉鐵路餘利撥付繼由本部籌款接濟嗣又在該路餘利項下撙節動支近年又募集公債以促其成經費既極困難工程遂多作輟以致全線未能早日竣工此又該路籌款困難之實在情形也查京綏係完全我國自辦之鐵路其工程既如此之艱鉅款項又如此之艱難且歷時至十餘年之久而全路卒底於成者端賴我大總統蓋籌碩畫創定宏圖俾遵行者得以循序漸進終告成功而部局在事諸員各奏爾能不辭困瘁致收得寸進尺之效似亦不無微勞足錄至全路工程始由詹天佑總司其事繼由鄺孫謀陳西林二人續任其勞締造經營規模宏鉅克收本國自辦路工之榮譽此尤我國路界所可引爲欣幸者現據該局局長陳世華呈報京綏全綫已於五月一日通行工程列車發售客貨等票從此西北邊陲交通便利國防實業裨益良多除綏包一段新工仍由本部督飭該局趕速興築以期於本年年內告成早日通車並於日間定期舉行京綏通車及綏包開工典禮藉以引起商民企業之心其先後在事出力人員擇尤另案呈請核獎（下略）

呈報任內收支情形文民國十年

自去歲八月十二日恭綽就職之日起至本年二月底止本部收入之數（甲）收項（一）本部收款

現洋八十九萬餘元京鈔十九萬餘元（二）路郵解款現洋七百十四萬餘元京鈔三百二十一萬餘元（三）借入款現洋七百七十五萬餘元總計現洋一千五百八十萬餘元京鈔三百四十萬餘元（乙）支項（一）外債約現洋三百十七萬元（二）內債現洋八百四十八萬餘元京鈔四萬餘元（三）撥補類現洋三百七十五萬餘元京鈔二十一萬餘元（四）撥充抵押品京鈔一百九十四萬餘元總計現洋一千五百四十一萬餘元京鈔二百十九萬餘元其中外債現洋十五萬餘元並內債全數係填補以前之虧所用計共現洋八百六十三萬餘元京鈔四萬餘元又撥補內有代墊普通行政費經濟局財政部等項共現洋二百八十四萬餘元京鈔十一萬餘元除填補前虧及代墊之款並充抵品之京鈔外本部額支者僅約現洋三百九十四萬餘元京鈔二十一萬餘元綜計支出以填補積虧爲最鉅卽內債爲其大宗凡可爲商展者均行展期不能展者則借新債以償舊債如上所列舊債本息付出者八百四十八萬餘元新債借入七百七十五萬餘元此項新債復轉爲以後應填補之虧此恭綽就職數月以來之收支概數及應付情形也

設立魯案善後交通委員會議案 民國十一年

查青島問題關於交通範圍者最爲繁賾鐵路之重要自不待言鐵路以外如附屬之鑛山碼頭海港以及郵政電報電話海底電綫無綫電臺暨其他電氣事業在在均有研究之必要本部曾派參事陸夢熊等各項專門人員前往青島及沿綫各處實地調查頗得要領現在委員會將近開議所有關於本部主管各事宜頭緒紛繁非集思廣益不足以收圓滿之效果茲擬於部中設立魯案善後交通委員會籌備

一切並酌定章程十一條以資遵守

膠濟鐵路民有辦法大綱電民國十一年三月十七日

本日外交內務財政農商交通五部擬訂膠濟鐵路定爲民有辦法大綱十四條業於三月十七日呈請大總統鑒核茲將各條列後（一）膠濟路幹枝各線暨附屬產業由人民集股贖回永爲民業（二）人民集資贖路應組織募股總事務所該總所未成立以前得暫以魯案善後督辦處兼理募股總所事宜（三）各省區認定集資數目應按公司條例先繳現款四分之一存入妥實銀行其餘四分之三應於五年內分期交足願一次交足者聽由該地方長官派員查驗後彙報總事務所（四）總事務所彙集各省區報告存入銀行現款至已達贖路款額之四分之一時即按照各省區集資數目比例平均分配代表名額由各該省區繳款人照數公舉代表執行公司發起人之職務（五）各省區舉代表應即從速會集遵照公司條例及民業鐵路法組織民業膠濟鐵路公司（六）膠濟鐵路於日本交回後由政府先行派員管理一俟公司路款交清全路贖回後即交由公司接管（七）公司接管該路應遵民業鐵路法之規定受政府之監督（八）政府接收該路後應將全路所有一切財產逐項列表宣示國人（九）政府暫管期內應以由股東公舉之代表爲監查之機關其監查權限另定之（十）政府暫管期內所有該路一切收支款項應照會計年度按期詳晰公布（十一）贖路庫券應分期交付之正款及其息金俟中日委員雙方議定後政府列表公布按期由各省區存款之銀行分提匯付（十二）前項屆期匯付之正款及息金應於期前一個月統交政府指定之銀行經理之（十三）關於前項辦法細

則另定之（十四）本辦法大綱自公布日施行等因除俟奉大總統指令後再登政府公報公布外特先電聞統希查照

閣議整理電政欠費及債款辦法提案民國十一年

查電政爲國家通信最要機關凡內政外交軍事商業之消息均賴以靈通故東西洋各國莫不視爲要圖吾國電政之設垂四十餘年自收歸國有後十餘年來雖逐漸擴充以較各國則猶相去甚遠欲謀發展必須款項充裕方足以資進行乃歷年以來官軍電欠費已達一千六百萬元此項欠費屬於各省者約九百餘萬元屬於財政部轉賬者約四百餘萬元屬於參陸兩部及各機關者約二百餘萬元從未撥還分文又各省扣留提用之款亦已達數十萬元類皆以財政部積欠軍餉爲藉口而電政所受直接之損失遂難更僕數矣又查民國七年財政部向日本訂有電信借款日金二千萬元此項借款係以電信全部產業及收入爲擔保品而所借之款當時由財政部支用一千五百萬元自行付息本部留用五百萬元亦自行付息嗣因財政部款項支絀時向本部挪借經本部將前項留用而未用之五百萬元陸續提撥財政部應用每年利息共一百六十萬元自上年財政部將利息愆期未付後債權方面因此項借款係以電信產業及收入抵押卽屢向本部交涉要求由電政方面籌付日本公使亦迭次來函嚴重質問查電政係營業性質全恃金融流通藉得展布近因時局不靖商業凋零商報收入日見短絀乃已欠與已提之款既無清償之期而未來之欠款與提款又復相續不絕收入有限而漏卮無窮何能爲繼欲謀發展又爲借款合同所束縛電政受各種欠款提款影響創鉅痛深維持現狀已屬不遑更安有餘力

擔保上項鉅大借款查電政支出最要而最鉅者爲購買電料修養路綫以及水綫公司找款與代辦經費在在需款若不設法維持亟圖補救不但擴充之說等於空談卽此已成之局亦將因財力支絀致不能維持現狀且借款息金積欠多期外人既已屢次責難一旦根據合同實行干涉電政立肇危亡通信前途何堪設想現在我國提議增加關稅已在太平洋會議一致通過路政項下曾經提議決於新增關稅內確定每年提撥四五成專爲鐵路之用交財政部彙案辦理電政事同一律其急待補救之情形並不後於路政擬請於新增關稅內撥案每年提撥一百萬元由海關稅務司直接交付本部專充撥還財政等部記賬報費之用其電信借款既係財政部所用並請改以增加關稅或由財政部另行指定其他相當產業擔保商由債權方面另行規定俾電政得以恢復自由而此後一切進行亦有所憑藉又查航政爲國家命脉所關凡經濟勢力之外漲拓殖政策之實行國際金融之周轉運用農產工作國貨之出人流通咸以航政爲樞紐故航政修明之國易於富強反是則受制於人萬事皆無從發展海外華僑迭次請求開辦遠航本部久擬創辦遠洋航業迄難實行而一切應設立之管理機關應頒布之考驗保護法律應建築之船廠船塢亦復概未舉辦以致商業不振財源枯渴水利失濬國權被侵種種失敗不堪縷舉夫以我國海岸綫之延長僅有一招商局不能出外海一步其輪舶噸數不及列強億萬之一貧弱原因實由於此況近來國際交通大會我國業已列會簽字時事之新潮流相逼而來此際倘仍不促進航政非但貧弱而已竊恐在國際上將無自立之地查民國以來本部預算案內提出一百萬元之航政管理局案九百萬元之創辦遠洋輪船公司案二百萬元之興辦船廠船塢案一百萬元之開濬白層

河案六萬元之測量川江航路案一百萬元之航政獎勵補助案或交議而預算未及成立或通過而仍緩辦或核減至半數而未便實行無非以款不能籌遂至擱置今華府會議新增關稅既已議決擬請一併於新增稅額項下酌提三四成由稅務司直接交由本部專備興辦航政之用此舉對內對外均有絕大關係萬不容忽視是否有當敬候公決

閣議設立電政會計委員會提案民國十一年三月十八日

竊維無法不足以遵循法敝尤無以資信守百政如是會計亦何獨不然況近世企業之精神莫不以會計爲中心作活動之基礎企業發達則會計之組織日趨複雜徒恃舊日之簡陋制度與單式簿記方法固不足以理繁劇而策進行而當此會計法理日異月新組織方法亦日臻完密若非取長舍短因時制宜亦何能助事業之發揚而維持於不敝吾國創辦電政逾四十年實爲最大官營業之一會計制度雖於元年間次第規定並頒布各種簿記飭局遵行惟按諸事實不但事業進步倍蓰於民元原訂規章多有未能適用而電政自身根本問題有亟待於整理會計以爲維持之方者綜厥原因約有兩端查各國電政會計莫不取獨立制度蓋當此經濟勢力膨脹時期會計者經濟事業之中樞亦即通信機關之命脉非完全獨立匪特前途無發展之望即現狀亦恐難於維持故各國對於電政自身之收入祇供電政自身維持與推廣之用不足則由國庫另行補助之吾國電政會計在前清時代已隱寓獨立之雛形所異於各國者國庫並無補助資金耳鼎革以還內則政潮迭起外則軍事繁興電政款項之損失何可勝計而電政之收入亦漸反其道變而爲補助國庫矣然民三以前京外各機關對於電款大多數尙能尊

重維持故會計方面猶能從容肆應迨民四而後收入漸難如數近數年來無論官軍電費積欠達一千餘萬元之鉅一文不名且地方軍民長官每誤視電局收入與地方管轄之各種徵收機關同爲一區域內私有產業任意提挪不稍顧惜而電政自身所恃以維持命脉者殆不絕如縷長此遷延後患何堪設想故電政前途之良窳卽以此後會計能否獨立爲斷此整理刻不容緩者一也電款雖至艱窘苟無外債束縛猶未始不可勉強撐柱於一時無如歷次所負外債已達數千萬元之鉅雖電政自身所用者不及全額十分之二其餘大多數均爲財政部所用就事實上論本不能完全認爲電政之外債然借款合同動以全國電政之產業收入爲本息之擔保外人亦復不問借款用於何途而惟抵押之物主是問還本付息屢次愆期責言亦屢至夫以電政有限之收入既受層層之剝削日卽窮蹙自顧已屬不遑迺復加以外債之負擔累萬盈千交涉一起電政首當其衝在外人既屢有問鼎輕重之心在我則毫無點金挹注之術長此以往勢非淪於破產不止顧瞻前途小寒而慄倘能卽時將會計切實整頓然後綜計全體通盤籌畫已往者若何補救未來者若何防杜或其所多此整理刻不容緩者二也有此種種原因擬卽仿鐵路會計統一會成案設立電政會計委員會凡會計法之釐訂簿記之組織內債外債之如何清理均由該會詳加研究陸續審訂暫定爲一年竣事卽就部局中擇其有此項學識與經驗者派充會員不另支薪是否有當敬候公決

閣議擬請在增加關稅案內酌撥巨款補助路政提案民國十一年三月十八日

查鐵路爲國家要政上關國計下繫民生而於內政外交亦均有密切之關係故世界各國莫不視爲要

圖注其全力以謀發展惟營業鐵路無論已成未成必先籌有充裕之款項始足以資布置而策進行本部所轄營業各路近年來盈餘雖疊有增加而即以之增進資產並拔還借本已覺不敷甚鉅加以借撥財政部之款自元年以來已有九千四百餘萬元鐵路借款及墊款爲財政部挪用者又約七千萬元以上利息尙不在內而國庫從未撥補分文鐵路係營業性質全恃資金流通以資週轉乃以一萬六千餘萬元之鉅額消費於不生利之地以致鐵路經濟困難萬狀幾呈破產之現象近來新築之路往往因款項無着遂致輟工若不設法繼續進行則前辦之工程不啻悉歸於廢棄已築者尙復如是未築者更無力以圖規畫而興工各路已訂借款合同者其外債本息仍不容少緩須臾徒費息金絕無收益此中虧耗何可勝言年來本部僅恃各銀行借款勉力支撐至今日已屬計窮羅掘蓋內債以久假不歸無從續借而外債又以新銀團條件之苛刻未願磋商金融乃絕無活動之餘地外人乘我困阨遂生覬覦已屢倡爲共管之說若不力圖抵制早籌補救之方路政前途必日趨於墮壞若外債本息一旦失其信用則債權者即可按約收路而其不足之數仍可向我取償後患何堪設想乃者我國提議增加關稅已由太平洋會議一致通過此項增加之收入不宜專用於消耗之地應用於可以生利之途庶稅不虛增國收實益鐵路爲國家生利之機關且需款孔亟擬請於新增關稅之內確定每年提款四五成專爲鐵路增加資產並撥還借本之用由海關逕行撥交本部不得移作別需俾路政得以維持在政府不過一轉移之間而此款且可漸生餘羨是政府加一關稅而所收之益將來乃倍蓰於關稅之所增而路政亦日卽於鞏固誠所謂一舉而數善備者是否有當相應提請公決

令革除陋習民國十三年十二月六日

近年社會奢靡士習媮荒宴游之風賭博之好成爲時尚恬不爲非弊害所滋於個人則損德於國家則廢事世界新潮瞬息千變治事之難倍於昔日應變之具非依古方不覃精研思於退食之餘何能理繁治劇於在公之際不保清明之志氣何能勵勤敏之精神苟逸樂之是耽必庶事之叢脞且邪能致敗儉以養廉豪舉相誇清操難信自此通令後凡本部內外寅僚仰各愛惜令名革除錮習以重公務以肅官常

令各舉心得以濟時艱民國十三年

交通事業爲國家命脉所關而在吾國庶政之中造端最晚無歷代成規之可考無先哲政論之可憑海通以還觀鄰法善次第興舉馴至今日蔚爲大觀苟非賴羣策羣力之功何能收同軌同文之效比歲國事未定軍旅迭興已成者半受摧殘待舉者皆歸停頓撫今思昔能不痛傷睹往知來尤爲憂懼本總長自筮仕以來卽服官本部精神所貫心力爲殫械樸菁莪多是當年之手植案頭牘尾皆爲未竟之前修每念締造之艱難更懷維持之迫切此次受命於危疑之際收拾於凋敝之餘已難補苴遑言發展然愧非賢者不敢逃春秋責備之文同處僑堂何以避榱棟折崩之禍職任所在良心所驅縱欲苟安豈容自便方今世局奇變史跡漸陳交通四政亦難墨守語其遠大者世界潮流如何迎合國際地位如何保持語其切近者資產之保全工程之修繕營業之恢復與擴張人才之支配與培育舊觀如何能復改進如何能良凡我同人或主管有年或研求有素務各舉所心得共濟時艱固足助本總長之設施亦藉展我

同人之抱負古人有上下相維之義幸無金玉爾音平居誦匹夫有責之言況乃靖共爾位敬虛前席以待嘉猷

令尊重職守民國十三年

賢者事國日昃不遑君子執圭鞠躬弗勝所以杜荒廢嚴對越也比來政務多弛法令具文從政之員於服務時間多不尊重於職務責任亦少留心或逾刻始來或晝叩即去或奉行故事或倉猝操觚推厥原由窮其弊害前者基於惰惰則案牘之積壓必多後者起於偷偷則事機之貽誤甚大爲此令仰本部各廳司所屬員司嗣後務各尊重服務時間並留心職務責任本總長將依以爲考成之準其各注意

交通部復外交部公函民國十四年

逕復者准函開准法瑪使節略稱本公使得有報告中國郵政會辦鐵士蘭擬有不久退職之意本公使本照法國政府訓令向中國交通總長提議由中國政府聘請在華服務多年之法國總領事白達續任郵政會辦希予贊同并請交通總長將此贊同之意用尋常通知方法加以聲明等語查郵務會辦之任免應由政府自動行之即有從前種種關係亦未規定此項員缺得由法國公使開送用特函達查照核復等因到部查郵政會辦一職其任免之權完全操自本部不能由任何方面保薦係屬向來成案辦法貴部來函所云應由政府自動行之本部極表贊同卷查民國六年本部因法公使對於郵政會辦繼任人選及職權問題先後有照會送請貴部及國務院轉知到部本部先於是年一月二十七日復貴部公函內即有郵政純係我國內政郵政用人係本部行政權之一前郵傳部委任帛黎充會辦本部委鐵士

蘭代理會辦因該二員實係忠心中國出於自由選派請轉復法使等語又於是年六月二十三日本部復國務院暨致貴部公函內復有帛黎因病懇請休職業經本部照准其遺缺仍令該總局總務股長鐵士蘭暫行代理該員在本部所屬郵局服務未久是否可以繼續帛黎之任尙須詳加審核總之本部對於前清光緒二十四年總理衙門承認聘用法人相助之成案既不相背而此項遴派之權完全爲我國內政國家主權所在亦即本部職權所在不敢稍涉輕心將來實授斯職之人在未經派定以前自未便預爲宣告請轉復法使等語各在案茲准前因自應照案辦理相應函復貴部查核轉復法使可也再現任郵務會辦鐵士蘭有預請乞休呈文一件送部業經本部指令慰留并以聲明

執政府會議籌撥增收關稅實行鐵路交通建設計畫提案民國十四年

竊維關稅增收支配用途有建設事業一目交通爲一切事業之先驅尤以鐵路爲最能補助其他建設之成功故亦惟鐵路應予以最先之補助現在鐵路建設籌畫之難點在於建築之始收入不敷支出應有創始基金以促成其發動之初步如能於關稅增收項下逐年指撥若干用以募集債款舉辦相當工程或支配於多種工程之下以補助其自身財力之不足則鐵路交通全局經濟情形自可頓改舊觀惟鐵路建設事業繁多本部歷來籌畫以及各方敦促希望成功而關係最爲急切確有舉辦價值之鐵路工程總價在十萬萬元以上既不能同時並進而舉此失彼又無以副各方之期望茲經本部就全國交通情形通盤籌畫擬就鐵路交通設計畫大綱統計所列工程估計約六萬三千萬元還本付息應年備基金六千三百萬元果能籌撥足數用以募集債款不特全部計畫可以早告成功卽在各路自身資

本既有着落從前借款以路作抵之辦法不再適用即應保全其經濟自由俾得出其餘力以進展而完成全國交通事業所慮國家財力無此餘裕關稅增加而後急迫用途亦正不少全數基金自未易完全籌措擬請交由關會核辦於增稅項下逐年指撥鐵路交通建設補助基金達全數十分之三四俾得按照支配於多種工程之下變通騰挪安定程序分別進行或即由關會於計畫所列各項工程之內指撥最急應辦工程若干項按照指撥基金籌款興辦總之基金之補助愈形充足則計畫之成功愈速各路經濟愈得自由此後全國交通之發展亦愈有希望所有擬具鐵路交通設計畫大綱請交關會於增稅項下指撥基金補助各緣由理合提請公決施行

附鐵路交通設計畫大綱總說明

(子)計畫大綱所列均爲歷年籌畫最關重要之鐵路交通建設事業迄以絀於財力未能舉辦完成計甲乙丙丁戊己六項共路工五千五百餘公里港埠工程三處橋樑及輪渡設備三處連同已成路最亟切之改良工程共需建設資本六萬三千萬元

(丑)計畫主旨在聯已成各路加以補充擴展以完成縱橫六大幹綫茲六綫者不過全國國有鐵路之總綱經緯之大端此外祇就地而論重要幹路之應行修築者尙多至如何由幹及枝以及經營邊遠則後先緩急之次序自當另定規模

(寅)鐵路交通雖係生利事業然茲所計畫之六萬三千萬元之工程或係直接生利或係間接生利或建設之後立能發達或其發達須遠待於數年之後要其建築之始大都無贏利之可言工款本息以

及修養支出之所需不得不另謀補助而現在已成各路經濟艱窘均達極端更無挹注騰挪之餘地此歷來籌畫之難點故及今而言鐵路交通之建設必須於鐵路自身之外另籌創始基金以促成其發動之初步抑更有進者交通爲一切事業之先驅關係於國家大計人民幸福至爲深切我國幅員廣大惟鐵路最能輔佐其他建設之成功故亦惟鐵路應予以最先之補助以速求進展也

(卯)計畫所列工程需款六萬三千萬元還本付息應年備基金六千三百萬元果能籌撥足數用以募集債款不特全部計畫可以早告成功卽在各路自身資本既有着落從前借款以路作抵之辦法不再適用卽應保全其經濟自由俾得出其餘力以進展而完成全國交通事業也所慮國家財力無此餘裕關稅收入急用尤多全數基金未易完全措備自須另籌變通騰挪之法耳

(辰)計畫所列工程雖同屬重要不容再分緩急而工程自身技術及經濟相互之關係上仍不無遲速後先之次序例如川漢路非三數年可以辦竣武漢橋宜于漢粵通車後興修是建築資本毋須一次募齊倘能籌得半數以上之基金用以募集相當之工程款安定程序分別進行則後辦工程需款之時最先告竣者或已有餘利足資挹注再者籌款基金達十成之三四卽二千萬元左右支配於各項工程之下本息不足之數仍由各路自行負擔自亦變通騰挪之一法總之基金之補助愈形充足則計畫之成功愈速各路經濟愈得自由此後全國交通之發展亦愈有希望也附總圖一

附鐵路交通建設計畫大綱

(甲)完成並改良南北第一幹路

自京而粵爲南北最要最急之第一幹路現在應行建設或改良之工程如下

(一) 完成粵漢路自株縣起接通廣東之路工 六千五百萬元

(二) 改良粵漢已成路係指最急切之軌道等改良而言 五百萬元

(三) 修築武漢橋 一千三百萬元

(四) 修築漢口江埠 二百萬元

(五) 改良京漢路設備係指最急切之橋樑加固而言黃河橋工尙須籌措之五百萬元並計在內 一千五百萬元

以上鐵路交通設計畫甲項完成並改良南北第一幹路工程需款一萬萬元應逐年指撥一千萬元作爲基金

(乙) 完成南北第二幹路

沿海路線以地勢言應合京奉津浦滬甯滬杭甬各線爲南北一大幹路除由錢塘江紹興而南之路線應俟另定計畫外其現在應辦之工程在北者有錦州以北通林西之路線以及葫蘆島海港工程在南有甯浦間之聯絡設備及杭甬未竣工程計

(一) 朝陽至赤峯二百三十公里路工 二千五百萬元

(二) 赤峯至林西二百四十公里 二千五百萬元

(三) 葫蘆島海港工程 二千五百萬元

(四) 甯浦間聯絡設備姑照津浦輪渡估計用渡輪貳艘 八百萬元

(五)滬杭甬錢塘江至曹娥江東七十公里路工 七百萬元

以上鐵路交通建設計畫乙項完成南北第二幹路工程需款九千萬元應逐年指撥九百萬元作為基金

(丙)展長南北第一幹路及完成東西第一幹路

京綏綏包已成之路為發達西北一區幹路之嚆矢由包頭西展而通古城以聯絡新疆此完成東西第一幹路之計畫也由平地泉北趨庫倫使與京粵溝通此展長南北第一幹路之計畫也此項工程仍應逐段舉辦西展先通寧夏北展先通滂江計改良及展築工程如下

(一)包頭至寧夏五百四十公里路工 三千萬元

(二)平地泉至滂江二百四十公里路工 一千一百萬元

(三)京綏本路改良關溝段路線及全路設備工程 一千九百萬元

以上鐵路交通建設計畫丙項展長南北第一幹路及完成東西第一幹路工程六千萬元應逐年指撥六百萬元作為基金

(丁)完成東西第二幹路

隴海秦豫路線為中部東西幹路之最切要者現在路工東通海州西達陝州除西展路工應仍照從前辦法逐段繼續修築外其海州海港應速舉辦以完成此東西第二幹路之設備計

(一)海州築港工程費用 二千萬元

以上鐵路交通設計畫丁項完成東西第二幹路

海港設備工程用款二千萬元應逐年指撥二百萬元作爲基金

(戊)修築東西第三幹路

長江流域自漢而東水運尙稱便利自漢而西必須修築鐵路舊有漢粵川合同川路以小江爲終點現應由漢口脩至成都計

(一)自漢口經楊家澤至宜昌三百三十餘公里漢口至楊家澤用過九百餘萬元二千七百萬元

(二)自宜昌至夔州二百十公里 五千六百萬元

(三)自夔州至小江(雲陽屬)九十公里 一千九百萬元

(四)自小江經綏定渠縣順慶以至成都五百九十公里 三千七百萬元

(五)自渠縣至順慶支路二百十公里 二千萬元

(六)自楊家澤至老河口支路二百三十公里 二千一百萬元

以上鐵路交通設計畫戊項修築東西第三幹路工程需款一萬八千萬元應逐年指撥一千八百萬元作爲基金

(己)修築東西第四幹路

長江以南蘇浙皖贛湘桂各省亟應有東西大幹線以聯絡之舊有寧湘株欽一線計畫訂有合同並經測量勘估其預算如下

(一) 寧湘線 一千公里 八千四百萬元

(二) 株欽線 一千一百公里 一千六百萬元

惟舊定寧湘路線不甚合宜應與自杭州西展經常山玉山以達南昌再接株欽路之路綫相比較後綫未經測估暫以寧湘原預算爲計算工程用款之根據

以上鐵路交通建設計畫已項修築東西第四幹路工程用款一萬八千萬元應逐年指撥一千八百萬元作爲基金

(甲) 完成並改良南北第一幹路工程簡要說明

(一) 完成粵漢路自株州起接通廣東之路工

粵漢路綫自武昌至湘粵交界之星祠嶺(宜章縣屬)一段舊有借款合同已經修築者武昌至株州一段計長四百十六公里是爲湘鄂路其在粵省境內者舊由商辦已成廣州至韶關一段計長二百二十六公里其中未成之路株州至星祠嶺一段計長約三百三十公里星祠嶺至韶關一段計長約一百十五公里計共長四百四十五公里該段路工之能否從速完成關係南北交通及鐵路自身之發展均極重要且該路爲南北第一幹路之一部份建築之初設備即應力求完善計共需工款六千五百萬元(路線簡圖見附圖二)


(二) 改良粵漢已成路

粵漢路線已成各段以全路未通收入短少種種原因致歷年財力竭蹶各項設備應有之補充修養未

粵漢路綫簡圖 (附圖二)

遐菴彙稿 上編 公牘

二七




能及時執行如武長一段枕木朽敗車輛損壞不得已而限制行車速率至每小時不過十公里即其一例該路爲南北第一幹路之一部份自應澈底改良使其一切設備恢復其適用於幹路之狀態計最亟切之軌道車輛等項之改良用款約共需五百萬元

(三) 修築武漢大橋

京漢粵漢兩路合而爲南北第一幹路中隔大江自須築橋溝通俾京粵列車可以直達且以該處江流不利舟渡武漢三鎮之聯絡以架設橋梁爲最適宜應延長京漢線築橋跨越漢水而達漢陽再由漢陽築橋跨越長江而達武昌與粵漢線接軌兩橋除鋪設雙線鐵路外並可備車馬之通行計長江大橋主要橋孔長一千一百五十公尺兩端小孔長五百三十公尺估價一千萬元漢水大橋長二百公尺估價二百六十萬元兩端鐵路接軌工程估價四十萬元共計一千三百萬元(橋址形勢見附圖三)

武漢橋址簡圖 (附圖三)



Sites of Bridges over the Yangtze and the Han River near Hankow


(四) 修築漢口江埠

南北第一幹路由京而粵貫通直豫鄂湘桂五省爲程二千三百公里中經武漢三鎮爲水陸交匯之要區必須有相當港埠以便與江漢交易商貨從前京漢路有就劉家廟與租界之間沿江餘地建築碼頭倉庫之計畫雖該處地段較嫌狹窄京粵溝通營業發達而後南北輸出輸入之大部份貨物皆集該處或有不敷施展之慮然爲目前計利用現有之地加以最少工款先辦一小規模之水陸聯絡設備以應付一時俟長江航路切實改良鐵路業務充分發展然後另定正式港埠之進行方法以視其他過於鉅大之計畫自較實在也該項水陸聯絡之設備祇就應行設備者而論需款二百萬元（埠頭位置見附圖四）

(五) 改良京漢設備

京漢路成於二十年以前設備已多不能應現時營

(四圖所) 圖略埠江口漢



Proposed port Construction at Hankou

業之需要最關急切者爲橋梁過於薄弱一層目下該路以橋梁薄弱之故既不能用大力機車以拖引重載列車又不能加增行車速率以多添列車次數全路運輸能力因是而受種種限制不能自由發展實與南北交通及該路收入有鉅大之影響而該路自身又絀於財力加固計畫定案多年迄未切實舉辦此項全路大小橋梁加固工程計共需款一千萬元另黃河大橋本係臨時建築保固逾時改建計畫進行亦已多年需款一千萬元除另籌半數外尙短少五百萬元綜計該路大小各橋及黃河橋之改建及加固工程共需另籌工款一千五百萬元

(乙) 完成南北第一幹路


工程簡要說明

(一) (二) 朝陽經

赤峯至林西路工

熱區林礦素豐東部亦饒農
產葫蘆島良港又近在咫尺
天然位置至爲優越徒以交
通不便百業阻滯現在錦州
至朝陽路綫已由京奉路籌
築將竣葫蘆島海港本在計

朝陽赤峯林西路綫簡圖 (五圖附)



Railway Line from Chaoyang to Linsiv via Hata.

畫之中海陸聯絡之規模既備自應將錦朝路線向北展修經赤峯林西以貫通熱區南北而成葫蘆島海港之一大灌輸路線並爲將來聯接東省鐵路之先聲至若西通承德東接通遼由幹及枝亦屬重要其朝陽至赤峯一段約二百三十公里赤峯至林西一段約二百四十公里各需工程款二千五百萬元合計四百七十公里需款五千萬元（路線簡圖見附圖五）

（三）葫蘆島海港工程

葫蘆島係一岬島水深二十餘尺至三十餘尺終年不凍地處渤海之北濱實爲東蒙西滿出海之良港距京奉鐵路之連山站（錦州附近）十二公里已有鐵路與之聯絡西距天津約四百公里東距奉天約三百公里錦州朝陽以至林西之路線修成而後則舉滿蒙各地之商貨均將由京奉四洮錦朝赤赤林諸路運輸以集中該港而與世界貿遷滿蒙形勢將爲之一變此項商港建築工程可分四項（一）港南築防波堤碼頭長一千七百四十公尺並炸平半拉山就其地址建設倉棧（二）於半拉山南以及西向海岸築附岸牆長一千七百七十公尺（三）填平港址土灘並建設市場計填土約二千畝（四）開工之始在半拉山南築一小碼頭供工程時期運料之用此外連同購置碎冰挖泥諸般及起重機等計共需款約二千五百萬元工竣之後港內同時可停輪船長一百二十公尺者十二艘及長九十公尺者六艘（海港平面略圖見附圖六）

（四）寧浦間聯絡設備


津浦滬寧兩路中隔大江不容不有相當聯絡以免商貨往來一再駁渡江上建橋需費約二千萬元爲

數過鉅技術上亦多困難其較為輕而易舉之辦法歷經籌擬計畫不一總以江流漲落差度以及其他當地特殊情形為計畫之難點若在寧浦兩岸各建碼頭通行輪渡接載車隊則據一般估計須款約八百萬元（寧浦地勢見附圖七）

（五）滬杭甬路錢塘江至曹娥江東路工

南北第二幹路沿海路線自錢塘江而南固不必以寧波為終點亦未必取道寧紹一段而更向南展修但寧紹段舊為滬杭甬路線之一部分停工數載無力完成沿線各地民殷物阜即短程運輸亦可望有鉅大之收入自應早予修築以完滬杭甬未竟之功將來幹路南展如不取道寧波該段仍不失為良好之枝路足以輔助幹路之營業該路除錢塘江橋工需款過鉅應從緩修暫用小輪過渡外計自錢塘江南岸至曹娥江東岸路工七十里連同完成曹娥江橋工及錢塘江輪渡設備共需款七百萬元（路

（六圖附） 圖略港海島蘆葫



Sea port at Hufu

綏簡圖見附圖八)


(丙)展長南北第一幹路及完成東西第一幹路

工程簡要說明

(一)包頭至寧夏路工

經營西北首須便利交通新疆甘肅諸省地廣民稀黃河上游雖可略通舟楫運輸能力究極微薄故修築鐵路不容或緩現京綏路業已西通包頭自應按照往昔方針節節進展先通寧夏而以貫越甘省取道哈密古城以達迪化爲西展之目的倘此後能修通塔城伊犁疏勒等處與俄境鐵路相聯接則更足以便利歐亞之交通此線本係西行大道沿途均有城市分段進展最屬合宜至若由包頭取道外蒙古或西套蒙古直達哈密古城之路線途程雖短而數千里荒涼區域路工須一次修成困難更甚目前先修之包寧一段係沿烏拉山陽經由五原濫糧台磴口石嘴子平羅等處而達寧夏其中包頭濫糧台間

寧夏地勢圖 (附圖七)




The Yangtze River at Nanjing and Pukow

路線係沿黃河左岸濫糧台石嘴子間
路線則順黃河右岸以避左岸之流沙
計全段路線長五百四十餘公里預
估工款三千萬元（路線簡圖見附圖
九）

（二）平地泉至滂江路工

北通庫倫之路綫應以京綏路之平地
泉站爲起點此項平庫幹路不特爲聯
絡外蒙必須有之鐵路將來北通俄境
以與西比利亞相銜接則歐亞交通更
臻便捷關係重要無待贅言目前應先
由平地泉脩至滂江以爲異日逐漸北
展之基礎平滂路線由平地泉經土牧
台至滂江共長二百四十二公里預估
工款一千一百萬元（路線簡圖見附
圖十）

（八圖附） 滬杭甬路綫簡圖




(三) 京綏本路改良關溝段路線及全路設

備工程

京綏本路係以最少之工費極短之時期修築而成一切工程悉從簡省尤以南口康莊間（簡稱關溝段）三十公里路線坡度過陡最足以阻礙其營業之發展該段行車用二百噸之重大機車祇可拖行三百噸之貨物不特運輸能力過於薄弱即其營業成本之大亦為國有各路所無此種情形實不合於幹路近年來一再籌畫迄以限於地勢曲綫坡度無從充分改良現在全路長僅八百公里業務並未十分發達行車調度已備感困難將來路線展長西北地方發達舉綏遠甘肅以及蒙古新疆之商貨均將以該路為唯一輸出輸入之要途自應儘早改良俾西北咽喉不致壅塞改良辦法京張一段應取道永定河另修新路以接舊線於沙城計一百三十餘公里路工估計需款一千六百萬元再加以其他一切

包寧路綫簡圖 (附圖九)




Baotou-Ningxia Railway

平滂路綫簡圖

(附圖十)

還菴彙稿 上編 公牘

一二六



Pingtichuan-Pankiang Railway

最亟切之廠場軌路改良擴展用款三百萬元共爲一千九百萬元


(丁) 完成東西第二幹路工程簡要說明

(一) 海州築港工程

隴海全綫西起蘭州東訖海埠貫越蘇豫陝甘四行省綰轂京漢津浦兩幹路路線所經名都大邑指不勝屈在在與政治軍事實業文化有密切之關係實黃河以南大江以北最重要之東西幹線該路自海至陝已成之路八百餘公里已得全綫之半西展路工按照從前辦法逐段繼續修築亦可早告成功其海州附近之西連島海港自亦應提前籌築內以便中原與極西各省之交通外爲全世界工商另闢貿遷區域豫陝諸省以及江蘇北境在昔向稱富庶乃自海通而後工商各業之發展反遠不若其他濱海省分以及長江流域是雖由於交通之未盡便利抑亦外無良港以爲之尾閭耳東省之發達由於大連直隸之發達由於津沽魯省之發達由於青島長江流域之發達由於上海豫陝諸省位諸腹地距離津沽青島滬漢同屬寫遠已越出各該港埠吸收商務之區域範圍唯海州直當其東乃爲各該省出海最捷之途徑例如鄭州一處去天津八百十五公里去青島八百五十公里而去海州不過五百四十餘公里陸地之途程愈短運輸之成本愈輕工商各業自有發展之希望隴海一成而隴泰豫等省以及江蘇北境自身之脈絡已通對外貿遷之門戶自應早闢况西連島形勢天然可爲良港更可無事他求（沿海各港吸收商務之區域範圍見附圖十一）

至築港計畫大概係於海灣東西各築長堤聯合島陸以成港灣港分內外留口通船航道與外港浚深


圖略港海島連西州海 (一十圖附)



Silientao Port near Haichow

圖略域區務商收吸港島連西

(二十圖附)



Waterland of Silientao Port


至九公尺內港浚深至六公尺半綜計各項工程約共需款二千萬元（該港形勢簡圖見附圖十二）
（戊）修築東西第三幹路工程簡要說明

（一）修築川漢路線

川省富庶幾甲全國其與江海各埠之交通全恃水道惟長江上游航路諸多不便自應速修鐵路以資聯絡川漢一線商辦國有垂二十年往昔歷史可不贅述其借款築修之路係自漢口經楊家沱宜昌夔州至雲陽縣屬之小江計長約六百三十公里其中漢口至楊家沱一段長約一百六十公里曾經動工修築尙未鋪軌通車用過工款九百餘萬元尙需六百萬元自楊家沱經宜昌夔州至小江一段路線長四百七十里業經測定尙未開工預估需款九千六百萬元其自小江西展至成都之路綫雖未正式籌修屢已派員測勘計有可取之線二（一）自小江經重慶成都計長約八百八十公里預估需款約五千七百萬元（二）自小江經綏定渠縣順慶達成都計長約五百九十公里預計需款約三千七百萬萬元另由渠縣築支路達重慶計長約二百十公里預估需款約二千萬元比較兩綫自以第二綫路短費省較爲適宜又老河口居漢水上游爲陝東鄂北商務薈萃之區應由楊家沱築支路達該處計長二百三十公里估需工款二千一百萬元綜計川漢幹路自漢口經楊家沱宜昌夔州小江綏定渠縣順慶以達成都長一千二百二十公里需款一萬三千九百萬元又老河口及重慶支路有輔助幹路營業之關係必須從早興修計約長四百四十公里需款四千一百萬元合共一千六百六十公里需款一萬八千萬元（路線簡圖見附圖十三）

圖簡綫路漢川

(三十圖附)



Szechuan-Hankow Railway

(已)修築東西第四幹路工程簡要說明


(一)(二)東西第四幹路甯湘或杭湘綫

與株欽綫

大江以南未有東西幹路茲所計畫實其肇端該綫之於浙贛湘粵桂諸省關係之重要亦猶京綏之於西北隴海之於隴秦豫蘇川漢之於川藏蓋均所以內利腹地之交通外而與世界商場貿遷有無者也所不同者國境東南環海故長江以南東西路線應使兩端通海俾所經區域均可由最短途程轉輸商貨而各得其宜至在適中之處與南北第一幹路相通則互為枝幹不特競爭無自而生抑足以互相輔助而各使其營業益臻發達也甯湘或杭湘路綫綰轂南北二大幹路所以便中央與湘贛等省以及浙西皖南各處之交通亦所以導各該處之商貨使與滬杭相聯絡現在贛湘兩省與滬地交通大抵經由水道未臻利便舊有甯湘鐵路借款合同規定路綫

係由南京經寧國徽州南昌西接株萍鐵路中間並與蕪湖廣德相接嗣經測勘擬將幹線取道太平蕪湖寧國徽州祁門景德樂平南昌瑞州萬載等處至醴陵接株萍鐵路而西通長沙並擬在蕪湖建築出口商埠路線紆長工程艱鉅亦均未盡合宜若就地勢而論此項東西幹路自應仍以淞滬爲出海口岸改用杭湘路線由杭州起取道嚴州蘭谿衢州常山玉山廣信貴溪等處至南昌而與原測之寧湘綫相合併惟此杭湘路線杭贛一段未經詳細測估工程預算可暫以寧湘爲根據計寧湘幹路長約一千公里估需工款八千四百萬元蕪湖開埠及改良株萍路設備所需工款未計在內（路線比較圖見附圖）

寧湘杭路綫比較圖（附圖四十）



Plan Showing the Location of Nanking-Hunan and Hangchow-Hunan Railway Lines

十四)

株萍路線 株萍一線貫越湘桂粵三省東北可由粵漢以通達中央西南則導路線附近之商貨以趨出海其於發展西南諸省關係殊屬重要該綫借款合同原定湖南株州起至廣東欽縣止嗣據測勘報告擬由粵漢鐵路之易家灣站起（在株州站之北）經湘潭湘鄉寶慶永州全州桂林柳州貴縣鬱林等處復以原擬之欽州龍門港不合終點海港之用改擬以廣州灣西岸之西營地方為終點建築海港綜計自易家灣至西營路綫長約一千一百公里估需工款九千六百萬元建築西營海港工款未計在內（路線簡圖見附圖十五）


交通行政權統一案 民國十四年二月由交通部提出善後會議

交通事業為立國要素之一凡政治軍事財政經濟文化實業之運用無不恃交通為之前驅故欲圖交通事業之發展首在政策之決定政策有三曰以交通促進農工實業之進步名為間接生產政策（Indirect production policy）曰藉交通以圖國家財政收入之增加名為直接生產政策（Direct production policy）曰以交通促進農工與國民經濟之發展及國家財政之增進名為相對生產政策（Relative production policy）我國財政枯竭百業彫敝國與民均岌岌不可終日自不能側重間接或直接之一端必須採用相對政策庶上下交受其利而職司交通者得循序漸進以漸其發展可減瞻前顧後之苦雖然政策猶藥方也有良藥而無術以調劑之或以不諳藥性之人令其司調劑之職則雖有良方不能得其效用且足以害人而有餘故雖有良好之交通政策苟非賦主持者以統一之權限則不特發展無

(五十圖附) 圖簡綫路欽株

題卷彙稿 上編 公積

一三三



Chuchow-Chinchow Railway

期其結果直等於自殺海通以來我國始有交通事業之建設然迄數十年全國已成之鐵路僅六千餘英里電線僅八萬餘英里無線電台僅十三處國有電話僅貳十八處航政尙無建設商有航船其註冊者約四十萬一千餘噸而上述事業國庫向無補助資金大半借貸外資興辦負擔本已極重然民五以前不但自身可以力圖維持漸臻發展卽國民經濟與農工商事業亦有蒸蒸日上之勢遇有軍事運輸與通信指揮若定適赴機宜此無他交通行政之權悉隸於中央故調度較靈平時既少扞格之虞有事亦無雍滯之患民六以還軍事頻繁各省掌兵長官每誤解交通事業爲完全軍用品置諸自己管轄之下車輛電線船隻概予扣留軍營商運軍辦通信以致士農怨嗟商賈裹足營業大受損失而路電各局所得些微賴以養命之收入亦復提用罄盡馴至在局員工枵腹從公維持材料無力購辦其甚者對於各局領袖或掌司會計之員由各省自行委派交通資產任意搜括竭澤而漁黠者或巧立名目侵吞浮濫雙方朦蔽究詰無從本部既無過問之權各省亦窮稽查之術內外交敝信用蕩然外人輒執借款條約以相繩力倡鐵路共管與停止國際轉報爲要挾凡此各節事實昭然案牘具在可以共覩夫車輛電線船隻皆路電航所恃爲生產之具路電各局行政人員皆所以運用此生財之具者也今則扣留干涉不一而足資產一經破壞利子何由而生所謂皮之不存毛將焉附故欲圖政治文化財政經濟之發達國防軍事之完全非先注重交通無以善其後欲圖交通政策之實施非由中央執行行政完全統一權則不但交通事業從此破產而凡所謂政治文化財政經濟軍事諸問題亦必連帶而蒙其不利茲再略述交通與政治軍事財政經濟之關係并將歷年來交通行政權分裂之弊害與必須統一之理由分條

詳列於下

甲 關於交通行政上之用人權

一交通爲專門事業與普通行政不同故不論其所任職務之大小必注重其有相當之學識與經驗至層遞升擢尤須衡其勞績與資格從未有乘機倖進或無故斥黜者蓋慎名器卽所以勵人才故各局員司常有歷數十年或十餘年安於其職而無見異思遷之心無他在上者有公平之待遇與保障在下者自必忠於所事力圖上進且任事既久利弊熟諳憑其經驗日求改進營業發達應如桴鼓歷年統計可以證明自各省有干涉用人之權於是不肖人員始有借勢鑽營之事或以微末之職而濫擢高級位置或以闖茸之子而驟膺重要職權甚至以獲咎被革之員亦復加以重用彼所謂歷數十年或十餘年之資勞者或竟無故被撤幸而不撤亦惑於賞罰之不公灰心辦事而新膺厥職者對於一切業務非茫無所知素餐尸位卽任意妄作破壞定章致交通事業中無形之墮壞不知凡幾各省當局因維持一二人位置之故而未察其影響事業如此其巨馴至中央空負管轄之名不克舉考成之實而彼輩亦深知中央無權過問恣睢跋扈視命令若弁髦此種現象其毒直接流於交通間接實爲政治之蠹書云人存政舉又云人惟求舊蓋以一切政事非取人才主義不可用人才非久任不可故也此就政治上觀察關於交通用人權之宜統一者一

二交通人員均由試驗積資而來既如上述論其職分則純粹一事務員耳按官吏服務令屬員有服從長官之義務交通人員所以對於中央命令獨示服從者蓋義務上應爾非有所黨也自近來政敵以排

斥異己爲慣技於是對於交通人員輒指爲此乃某系之死黨也此乃某黨某派之私人也不論其資歷才學如何概予更換殊不知服務交通者均因有相當經驗與學識始得此一席之地若非自甘暴棄者決不肯犧牲其永久可靠與力所能爲之職業參與政治之活動或袒甲抗乙以自絕其固有之生路故凡遇有軍事或戒嚴必須依法暫行收管交通機關施行臨時檢查與監督時在職各員當然不能冒險抗違若疑其不足信任概予撤換舊者因無辜獲咎怨毒所積易種政治循環報復之機新者必至肆應一切茫無頭緒故每有軍事或車輛相碰或彈藥車炸裂或車輛占滿軌道前後不能銜接或桿線傾倒或報務積壓不一而足凌雜錯亂自誤軍情無他無相當之學識經驗而令其主持調度事務未有不僨事者此就軍事上觀察關於交通用人之宜統一者二

三用人之道賞罰宜先交通爲一種生利事業尤非勵行嚴明之黜陟不足以促業務之進行故凡員額薪給均有明白規定不能凌躐卽數元之加薪亦必有年限拘束又有特別保證金之制自用人之權分裂後於是員額漸增不由預算薪給任便不遵定章狡黠者可一蹴而得最高之薪給自好者雖有顯著成績亦無由表見或年限屆滿照例應得數元之加薪亦靳而不予而新膺高級位置與重要職務之員以中央既不能實行考核各省長官又不能深悉其內容於是憑藉有勢力者爲之後盾招搖播弄侵佔浮冒無所不爲迨至發覺法律已無從制裁交通既受損害政治亦釀成污濁之風而原保之軍事長官名譽亦隨之掃地此就政治軍事上合而觀之關於交通用人權之宜統一者三

乙 關於交通行政上之財政權

一交通事業除航業尙屬商辦郵政自身尙可支持者外其路電二政大半均由借用外資而來現計全部負債本息已達七萬萬元之譜迺近年以來各省徒歛其交通收入之多視同外府取携任意祇就京漢一路計之每年額提至千萬元之鉅其他各路各電局收入截留暨提用者數尤不可勝計甚至訂購兵艦飛機軍需用品亦勒令路電兩局預出期票抵償或以軍事長官名義指定交通某項收入爲抵押品借貸於商家而路電自身營業之維持費各員役薪工機械材料等等概無所出尙須以高利向各處借貸以維現狀總計各方挪用截留之款截至民國十三年止約一萬七千萬元以所負利息合計約爲貳萬五千萬元有奇夫交通收入全恃營業營業發達全恃資產之完全與經費之充裕況營業有時而盛衰收入亦因地而各異此盈彼絀尤恃通盤勻撥以爲挹注又路線貫通數省電綫遍及全國初非限於一隅倘取其盈而置其絀不獨一切設備日就窳敗無款興修終成廢棄今則一切不問誅求無厭無本之營業何能孳生利益舐糠及米剝肉醫瘡勢非兩敗俱傷不止此就軍事財政上觀察關於交通財政權之宜統一者一

二交通收入用於交通事業爲各國大同之政策我國在民三以前亦曾倣效故歷經地方多事猶能維持現狀收入亦逐年增加而軍事因交通設備之完善亦深利賴今則軍事損失已屬不資乃復扣留車輛包庇運貨約計短收運費動達千萬農工有多數之出產品而無商以交易商賈因車輛之缺乏消息之隔閡或耗本以待斃或罷業以停運路電收入既大受影響於是而糧荒煤荒錢荒之警遍於國中危害治安擾亂金融搖動軍心爲禍何堪設想此就政治經濟軍事上觀察關於交通財政權之宜統一者

二

三交通之由外資建設已於上文詳述矣現計國中擬築之路綫與擬推廣之電綫尙多默察國內財政情形自身絕無能力以興辦將來趨勢自不得不再仰給外資然已借之債本息既無着落誰復再肯冒險投資且材料一項半賴舶來今則料款屢屢愆期每屆購料投標幾於無人過問卽有應者輒以先付款後交料爲條件或高擡價格以求抵償交通當局爲維持營業現狀之故不能不忍痛允受今則愈迫愈緊動以交通收入流用於軍事方面在政治爲一種擾亂之源危及債權利益每每限期清償否則以直接由外入管轄收入與停轉國外電報爲挾制倘及今不圖演成事實交通事業從此斷送所謂政治軍事文化經濟實業亦復何所附麗此就各方面觀察關於交通財政權之宜統一者三

四凡事業之整理首重會計交通有內外債關係其盈虧之數尤須明示於衆方足以昭大信吾國自清宣統三年以後做各先進國之例採用特別會計（此項制度及效用另有提案說明）凡一錢之微無不精確登記彼此對照互相稽核無稍挂漏自管轄權失其統系各局員司遂視收入爲可以自由處分侵挪不已又從而改竄會計制度凡部定之精密科目不便於己者另易以極單簡之簿記冀圖朦混甚至塗改數目撕壞賬簿毀滅單據凡足以證明收入之情形者無不席捲而去或拉雜焚燒以滅其舞弊之確證中央因事前不能過問事後追緝亦托空言以致決算延遲懸案山積交通財政既蒙無窮之損而國家元氣亦斲喪於無形之中於軍事亦復何補此就國家紀綱上觀察關於交通財政權之宜統一

者四

以上各節均就身歷目擊之狀況舉其一一若考其弊害則幾非楮墨所能罄抑尤有進者交通事業收入與時間尤有密切之關係如車輛爲客貨運輸主要品各軍隊每以扣留多數爲得計究之並未運用斷絕軌道空耗營業之時間而中外商人因路局開車既無準時相率而改由外國航艦輸運又官軍電報動輒千數百字或以極非緊要之私事亦以電報代郵濫發一等電報而所謂尋常與加急商報者既繳納數倍官軍電之代價反被延擱或扣留以致相率改由水綫公司轉遞利權外溢何可數計爲叢驅雀深用痛心總之交通事業已至水盡山窮之境我不自謀必有人代爲謀之者據二月十二日駐京使團向我國提出請維持鐵道交通之照會中謂「鐵路交通之混亂狀態依然繼續長此紛擾殊堪憂慮若此種狀態不速遏止誠恐中國國家經濟上之發展由是致受顯著的阻礙而中國與外國之通商及由此所生之利益亦將不能確保」又謂「中國國有鐵路當其建築之時受外國材料之供給負債金額達數萬萬元之鉅中國國有鐵路營業之盛衰於執有數百萬債券之外人直接有利害關係現在利用鐵路之各軍將領無非爲圖私人之利益中國政府誠宜即行收回將其管理權移交合法機關否則中國國有鐵路不久即將屆於破產」又二月十日滬字林西報論中國電報之情狀云「中國軍官在動員作戰以前常有電報戰爭其費用幾與實在戰爭相等據最近報告各省官軍電欠費已達千萬元各省督軍兼在各大局位置私人命其搜括電政收入雖最小電局亦在軍人勢力之下局中官電充塞均不納費反須先發完後始能將納費之電照發而中途又爲檢查員扣留無送到之保障新聞電尤爲耽誤如上海局在齊督時代漢口局在吳使時代檢查尤嚴內地屢生綫阻各電多走水綫外國水綫公

司要求付清津滬港福廈等處水綫費方能代轉電政債臺高築達數千萬如電局收入能一一有著尙不至困難否則除非發現金礦恐無法維持云云」按照會及西報所載各節危詞冷語雜以譏諷於國際地位頗多影響自茲以還若能急起直追將用人與財政兩項實行統一亡羊補牢猶未爲晚否則無論有何種良好政策均屬空言而終無施行之望今幸善後會議開幕濟濟羣彥相聚一堂用特縷述交通現狀之危險狀況敬請一致主張將用人與財政權限完全由主管機關主持以除障礙而利推行相應提出議案敬請公決

保持交通四政特別會計案

民國十四年二月由交通部提出善後會議

吾國之有交通事業垂五十年設立專部以來亦且二十年顧一語及交通與國家社會之關係殆鮮有真知之者交通之需要不啻菽粟水火爲人生日用所不可或缺彼世界先進諸國其交通發達之程遠過吾國千百倍猶且孜孜進行日新月異而吾國今日幾並舊有之事業而不克保持此誠政府與國民所宜引爲大憾者也吾國自前清宣統三年以後博采東西各國之先例確立交通事業之基礎以交通事業含有營業性貨也故不能無獨立之資金而資金之營運不能無精密之計畫也於是有特別會計制度查交通事業施行特別會計各國法律均有規定其最著者如德之新憲法第九十二條載明鐵道之預算及決算雖爲總預算總決算之一部但當視爲獨立經濟企業而管理之鐵道經費當合鐵道公債之償金及利子由其自己收入中支付之並當設立鐵道公積金償金及公積金之額並公積金之用途以特別法律定之又如日本會計法第三十條載明遇有特別需要不能援據本法者得設特別會計

其鐵道會計法第一條並明白規定因經營鐵道事業而設固定資本及運轉資本凡營業上之收入及其附屬之雜收入許充鐵道事業之用立特別會計各等語蓋以官營業之會計異乎普通官署故依據經濟原理自成爲完善精密有統系之會計雖與普通會計劃分仍以普通會計法爲根據（本部現行國有鐵路會計條例即依據我國普通會計法第一三十四條凡特別事項不能依據本法者得設立特別會計」之規定）隸屬於國家財政系統之內受國家法律之監督者也其所以必須與普通會計劃分另行計算者譬諸經商之人必將營業帳目與家用劃分爲二乃能得正確之贏虧而便於處理若更與人合資尤非另立帳目不可交通事業既含營業性資所有款項帳目自不能與普通政費等視且官營事業間或招商附股尤有與普通會計劃分之必要此特別會計所以必須設立者一也官營事業本以利國便民爲主旨營利猶屬第二義惟無論如何必有可恃之資金乃能推行盡利今使政府對於某項事業投資若干則該項事業即恃此款以爲營運不能任意挪移且某項事業之收入必先儘充該項事業維持費與擴充費之用尤不能任意提撥若視同普通財源聽政府之流用事業既歸停頓損失更難數計此特別會計所以必須設立者二也吾國官營事業方在萌芽兼以國家財政困難政府對於官營事業之資金未能有所供給僅就該管事業之收入酌盈濟虛自謀發展倘無特別會計以保其固有之資金何所恃以爲營運矧此等事業創設之初什九皆出於借用外債非有確實保障且無以維持信用而息外人之責言故就吾國情形言之官營事業尤有采用特別會計之必要此特別會計所以必須設立者三也綜而論之特別會計之制度本不僅適用於交通之機關凡屬國家營業皆有採用之必要

特以吾國交通事業創設較早采用較先故此種意義世人尙未甚明瞭實則特別會計之條例及其施行之手續列帳之辦法較普通會計尤爲嚴密所有款項帳目事前有預算事後有決算皆照例咨交法定機關審核且每歲有會計統計報告刊行中外出入之間予天下以共見初非如議者所云云也然而十三年來所謂特別會計者不過空存其名且以輿論不察之影響此種制度殆已破壞無遺歷年交通收入既未能專備交通事業之用復以交通債款供軍政兩費之流用近年軍人更習以提用路款爲事京漢一路每歲額提在千萬以上其他各路局進款各電局進款公然提用及截留者爲數猶復不貲營業收入而外更須重利借貸以應其誅求甚或由軍事長官逕向商家訂借鉅款以交通收入爲抵押而責以償還總計截至民國十三年止所有各方挪用及截留之款不下一萬八千萬元若更將所負利息合併計算當在二萬五千萬以上皆交通事業之命脈所恃以爲營運者也向使特別會計保持不墜以此巨款清償舊債負擔自可減輕抑或建設新業利益尤難數計今則鐵路方面資金告匱債台高築不惟未成之工無從進行卽此已成之工亦漸頽廢甚至日用材料未能付價職工薪資未能支給橋梁傾朽車輛殘破運輸停頓日久堪虞至於電政借款既經政府挪用歷年收入又爲各省截留利息延期久不克付線路窳敗無法展修所謂國家交通事業者除航政尙未萌芽郵政尙可保持者外數十年來辛苦經營猶在幼稚時代之路電兩政已入於破產之域循此以往不出數年各路線悉歸墜壞爾時國家社會所感受之困難恐有非筆墨所能形容者矣近者畿輔軍興運輸停滯商民奔走呼籲若不終日此特暫時現象耳而猶若此倘各路工程同時傾頽各通訊機關胥歸停頓其爲痛苦又當如何修復之工

既非旦夕可藏而以今日政府之窮匱恐亦無如許財力也是故居今日而言交通先求維持現狀其次乃議治本而要之以保持特別會計爲第一事特別會計之真精神在乎保存交通事業之收入供交通事業之支出兼以已成事業之盈利爲未成事業之資金誠使各方悉能諒解相與維持基礎既立徐圖進行夫而後凡百事業咸與交通相因而發達將來交通事業收入增多所有營業贏餘除填償債款擴充產業提供公積而外自可以其純益爲國庫之補助若猶是剜肉醫瘡殺鷄求卵不惟交通事業委地以盡卽其他新建設亦必隨以淪胥言念及此焦悚何極況吾國交通事業多有外資關係方今共管之說未絕於耳我不自謀將有越俎而代之者其禍之中於國家尤非所忍言者矣本部職掌所在此中利害知之較悉見死不救心誠未忍相應提出保持交通四政特別會計議案敬請公決施行

臨時執政府會議請闡揚中國文化提案民國十四年七月

前奉發法國前總理班樂衛函陳關於中法文化溝通事項分交各部核辦謹據此次原函及以前經過事實暨韓委員汝甲面述各情酌擬分別答復並處理方法如下（一）中政府積欠巴黎大學中國學院等款計巴大學院五十萬佛郎巴大在華分校二十五萬元法國以外各國大學中國學院四萬五千磅擬由財政部速行籌付並將允匯與巴大中國學院之十萬佛郎卽日匯去仍陸續匯清餘欠之四十萬佛郎（二）所有巴大中國學院暨在華分校之每年十萬佛郎及五萬元擬請作爲我國政府業已決議在法國退還庚款項下支付（儘先在每年業已決定之美金二十萬元或二十五萬元項下支付）並請法國政府贊同飭知退還庚款委員會中之法國代表遵照於該委員會開會時作爲定案至其

他各國所設中國學院十五處每年之一萬五千磅擬由我國關稅鹽款郵政三項收入內分攤並應分交外財交教四部及中法退款委員會存案（三）擬請我國政府下令表彰巴大中國學院爲中法公益事業（因前法總統米勒郎已經下令）並依照巴大中國學院監督部章程由政府派定專員會同班樂衛監督該院兼籌備巴大在華分校事宜（四）因履行前定條件應贈送法國四庫全書亟應決定宗旨即行確定印繕辦法開始進行免再延誤以全信義（此節可指定在法國退還庚款內之逐年由中法銀行交還之款中撥付約需六七十萬元即可辦妥）以上四項辦法現經外交財政教育交通四部會商同意理合提出國務會議敬候公決施行

國憲規定交通事權及專設會計問題方案

民國十四年九月廿五日

一國交通事業關係國計民生政治國防至深至鉅歐美各國富強之業咸基於此如北美合衆國瑞士巴西加拿大麥西哥瑞典亞爾然丁諸國均以交通行政諸事勒諸憲章歐戰後之奧大利德意志蘇俄聯邦諸國憲法規定尤稱詳切覽彼前規良資型範今值吾國國憲起草之際國憲起草委員會諸公鑒往知來旁徵博采當以吾國交通事業且有憲法保障之必要對於憲法上應如何規定交通事權及專設會計兩項必甚注意恭綽以憲法爲國家之根本大法而個人二十年來對於交通事權及專設會計之研究與主張散見書牘茲值良時竊就管見所及謹爲諸公一商榷焉

遍觀列國憲法其中關於交通事權之規定在單一國家之憲法中殆乏明文蓋以單一國家中央保有完全之主權地方不過受中央之委託故皆以交通事權當然統一於政府主管交通之機關不必特設

明文以規定之也其在聯邦國家之憲法則認中央與地方分權交通管理等項乃政治主權之重要部分在憲法上究應如何規定賦與之於中央政府抑或地方政府乃爲制憲時之重要問題當歐戰以前各聯邦國家憲法對於交通事權有明文規定者以郵電兩者爲多他如鐵路航路雖或有之亦屬簡略惟歐戰以後德國新憲法對此獨詳爲規定而在在皆集其事權於聯邦此其故亦可深長思矣恭綽親遊歐陸特攷各國交通之與憲法無論其爲單一國或聯邦國無論其在歐戰之前或在歐戰之後其對於交通一項莫不以統一事權爲主故無論鐵道國道水道海航空航郵務電務及其他一切之交通機關無論其屬於國有或私營皆莫不於某種條件之下受主管交通者之管理或監督也

凡施行聯邦制之國家其憲法有一特徵即交通行政權概歸中央政府從未有劃歸地方政府者地方政府雖或有會合共同管理之權然爲全國利益起見寧以之歸於中央政府較地方政府爲愈此蓋爲聯邦憲法中之通例爰將北美瑞士巴西德意志奧大利蘇維埃各聯邦憲法摘譯如次以資參證

(一) 北美聯邦憲法一七八七

議會有設郵局及郵便通路之權力

該憲法第一條第八節第七項

(二) 瑞士聯邦憲法一八七四

建築及開通鐵路之立法屬於聯邦之權力

該憲法第一章第二十六條

瑞士之郵政及電報由聯邦管理之

該憲法第一章第三十六條

聯邦對於維持有關係之道路及橋樑行使共通之監督

該憲法第一章第三十七條

(三) 巴西聯邦國憲法一八九一

聯邦郵便及電報之價格以聯邦國之單獨權管理之該憲法第一篇第七條

各州有徵集下列諸項租稅之權該憲法第一篇第九條

關於本州郵政電政之分擔金

各州在本州領土之各點間得設置電綫且得在本州之各點及未經聯邦電政規定之他州之各點間設置之此等電綫聯邦國於公共利益之必要時仍有權獲得之

國會有下列之單獨權該憲法第四章第三十四條

規定經過一州以上或伸張於外國領土之河流之航行

制定關於聯邦郵政及電政之法律

(四) 德意志共和國憲法一九一九

凡郵政電報電話制度之立法權專屬於聯邦該憲法第一篇第一章第六條

左列事項聯邦有立法權該憲法第一篇第一章第七條

鐵道國內河川航路自動車自動艇飛行機之交通及關於一般交通與國防道路之修築

郵便電報及電話之事業專屬聯邦該憲法第一篇第一章第八十八條

郵票全國劃一同上

聯邦政府若得參議院同意得制定關於交通機關利用之規則及其租金以命令發表之聯邦政府

得參議院同意可委任此權限於交通總長同上

聯邦政府若得參議院同意得置顧問會以審議郵便電報電話事業及其租金同上

關於與外國交通之條約惟聯邦能締結之同上

一般交通所用之鐵道移爲國有并以爲統一的交通設備而管理之者屬於聯邦任務該憲法第一篇第六章第一

八十九條

各聯邦收買私設鐵道之權利如經聯邦要求當讓與聯邦同上

鐵道移爲聯邦所有時關於鐵道之公用徵收權及其他公權亦歸屬聯邦對於此等權利之範圍若

有爭執則由國事裁判所判決之該憲法第一篇第六章第九十條

聯邦政府若得參議院同意時可發布關於鐵道之建築經營及其交通之命令聯邦政府若得參議

院同意時可委任此權限於主管國務員該憲法第一篇第六章第九十一條

聯邦所有鐵道之預算及決算雖爲聯邦總預算及總決算之一部分但鐵道當視爲獨立經濟企業

而管理之鐵道經費當合鐵道公債之償金及利子由其自己收入中支付之并當設立鐵道公積金

償金及公積金之額并公積金之用途以特別法律定之第一篇第六章第九十二條

聯邦政府若得參議院同意時可爲國有鐵道置顧問會以審議關於鐵道交通及其稅金之事項該憲

法第一篇第六章第九十三條

特定區域之內一般交通所用之鐵道若歸爲聯邦所有時則該區域之內欲新設一般交通所用之

鐵道者惟聯邦及聯邦所許可之人始得建築之新聯邦所有鐵路之敷設現在聯邦所有鐵道路綫之變更若觸及各邦警察權者則聯邦之鐵道官廳在未決定前當詢問聯邦官廳之意見

該憲法第一篇第六

章第九
十四條

鐵道未歸聯邦管理之地聯邦可根據聯邦法律用聯邦經費敷設一般交通所必要或國防所必要之鐵道有時又可令他人敷設之必要之時且可共用徵收權鐵道所過之邦不得抗議但邦之統治權不得侵害同上

各鐵道管理者當許他鐵道自出經費與其鐵道相接同上

一般交通所用之鐵道不屬聯邦管理者當服從聯邦監督同上

在聯邦監督之鐵道其建設及設備當從聯邦所定原則且當維持之於營業上安全狀態並應交通之需要而擴張之旅客及貨物之運送當適合需要完備其設施同上

凡鐵道未供一般交通之用者亦得以國防必要之故從聯邦要求歸於聯邦使用

該憲法第一篇第六
章第九十六條

一般交通所用之水路移爲國有而管理之者爲聯邦之任務移爲國有之後則一般交通所用之水路惟聯邦或聯邦許可之人始得建設擴張之

該憲法第一篇第
六章第九十七條

水路之管理擴張及新設當與有關係之邦諮議以謀適合地方文化及水利之需要至於增進此等利益亦當考慮同上

各水路管理者當許他條國內水路用其企業者之費用與已水路相接內國水路與鐵道之聯絡亦

然同上

水路移爲國有時其公用徵收權稅金徵收權水上及船舶警察權亦歸屬於聯邦同上

爲審議水路事件對於聯邦水路可依聯邦政府所定之規則并經參議院同意置顧問會該憲法第六篇第六

章第九十八條

自然水路欲課以使用金者惟限於爲增進交通利便所施設之工事建築物及其他設備該憲法第六篇第六

章第九十九條

國內水路關係二個以上之邦或聯邦負擔其設備費時對於非由航行而由設備受益者亦得依據

聯邦法律使其分擔維持費及建築費該憲法第一百篇第六章第一百條

燈臺燈臺船浮標瓶浮標礁標及其他一切航路標識移爲國有而管理之者爲聯邦任務移爲國有

之後航路標識惟聯邦及聯邦許可之人始得設置修築之該憲法第一百篇第六章第一百零一條

邦鐵道水路及航路標識於一千九百二十一年四月一日移爲聯邦經營該憲法第一百篇第七十一條

(五)奧大利聯邦憲法一九二零

關於左揭事項之立法權及執行權定爲聯邦之事件該憲法第一章第十條

鐵道航海及航空之交通以貫通交通路必要之故依據聯邦法律定爲聯邦交通路之街市鐵道之

事項河川及船舶警察郵政電報及電話

國民會議參與決定鐵道之運費率郵費電報費電話費……及繼續掌管聯邦官營事業之人之薪

俸此參與權以聯邦憲法定之

該憲法第二章第五節第五十四條

左列事項在憲法所定之範圍內直接由聯邦官廳處理之

該憲法第四章第一節第一百零三條：

……交通聯邦道路河川及船舶警察郵政電報及電話……水路之管理及維持水路之測量……

(六) 蘇俄聯邦憲法一九一八

一切……鐵道及其他生產運輸之機關完全移為蘇維埃共和國所有

該憲法第二章第三條

人民委員會置郵電及運輸部

該憲法第八章第四十三條

以上所舉不過數國但均係聯邦其對於交通事權皆認為聯邦中央所獨有綜其內容約可分析如左

一郵電管理權 二郵電立法權 三郵票劃一權 四中央規定航行權 五水道河川管理維持

及測量權 六水道移歸國有及其警察權 七鐵道建築及監督權 八要求各州讓與鐵道權及

徵收權 九鐵路移歸國有權 十特別區域新設鐵道許可權 十一鐵道建築經營之命令權

十二決定鐵道運費率郵費電報費及電話費之權 十三製定關於交通機關利用之規則及其租

金之命令權 十四設顧問會審議鐵路郵電權 十五締結外國交通條約權 十六決定各州水

道維持費及建築費之權

以上各種權限之規定於各聯邦憲法條文中或採概括主義或採列舉主義莫不歸宿於交通事權之統一我國雖為單一國家然數千年來因聯邦論與造邦論之播倡實際上已有省憲法及省自治組織法之存在此次國憲起草對於交通事權之規定恭綽竊認為有不得不取法於各聯邦國憲法之前例

而明訂之於國憲者其理由有三

第一 交通事業爲國家事業包括鐵道水道海航空航郵務電務及一切交通設備在內其設施計劃當從全國利害着眼有時局部利害發生抵觸祇可權其輕重以爲從違故在國憲上不能不有一種剛性的憲法施行統一力量否則此疆彼界必致引起無數糾紛如廣東鐵道水道綫路之爭及近年各省自請修建鐵道自辦電信機關等皆因國法上無強健保障交通事權統一之所致

第二 交通事業爲專門事業與普通行政不同凡屬於一種事業統系之下各有其劃一制度及辦法故其用人管理及技術上之設備均應按步就班方可安詳進行不生扞格及危害又其事業進行常有相維相繫之處故其管理調度亦必趨於一致方可互相聯貫近年軍事繁興各省軍事當局對於交通行政橫加干涉以致撞車越軌橋樑折斷軌道壅塞以及桿綫傾倒報務積壓貽誤要政等事層見疊出而交通人才亦因凌雜倖進資歷併廢此其危害中於交通本身者固難言喻卽近年國家社會一切事業之頹敗亦何莫非受此種影響耶

第三 交通事業爲生產事業在他國多由國庫補助在我國則純恃借債興辦故其營業進款對於維持業務償付本息以及擴張工程造育人才種種用款之支配應有具體計算方可順利前進又其事業設施或遍及全國或綿亘數省既屬國家事業卽不應專以一地一事爲主此盈彼絀尤恃通籌勻撥以爲挹注此又應當注意者

綜上所述則知國憲中宜明訂交通事權應統一於中政政府庶收指臂相連之效茲謹就研究所及以

爲應規定於國憲中者凡八項并略附說明如左

(一) 關於鐵道郵政電報電話航政航空汽車路及爲國防或交通所築之道路其立法權屬於國家
(說明) 交通制度本重在統一非統一無以言便利而期迅速況國家爲國防及使各地方經濟普遍發展起見尤有操立法權之必要如前述德意志爲聯邦國尙取交通統一之制蓋非統一無以言交通
(二) 中華民國鐵道國有由中央政府以統一制度建築設備并管理之鐵道無論省有公有民業國家認爲必要時得收歸國有者於國防需用時得徵發之
凡非國有鐵道均由國家監督之

(說明) 鐵道國有制實最良之制已爲世界所公認歐美各國有未行此制者乃因歷史關係民業鐵道發達在先收歸國有一時難以興辦也英國卽行鐵道私有制之國然於歐戰後亦取集權制使其合併經營以便國家之監督風會所趨鐵道統一殆成世界之輿論矣

(三) 無論何人非得中央政府之特許不得於中華民國領土內建築或延長或購買或營運或管理任何鐵道

(說明) 與第二項用意相同

(四) 國有鐵道爲國家獨立營業其預算決算不受國家總預算決算之影響國有鐵道自行籌措經費償還債務及預備準備金

國有鐵道會計制度以單行法律定之

所有國有各鐵道視爲一體其預算決算得通融挹注

（說明）鐵道會計必須獨立否則擴充無款卽已成者且日就萎靡交通不興富源莫闢國貧民困日甚一日德意志新憲法^{第九十條}有獨立營業之規定茲仿其意略事損益以期合我國情將來大法昭垂

或者以前非法之行竟不再見國事其有豸乎

（五）郵政電報電話航空事業均歸國有由中央政府以統一制度設備並管理之

（說明）所以謀交通之統一也現行制度卽已如此揭諸憲章欲其得強固之保障耳

（六）凡省營公營或私營之交通事業國家認爲必要時得收歸國有其未收歸國有者於國防需用時得徵發之

（七）國家得將某航路收歸國有由中央政府以統一制度修濬設備并管理之

（說明）航業以私營爲便然大航路關係國民經濟及國防應由國家管理較爲允當^{德意志新憲法第九十七條}

（八）領海燈塔燈船浮標礁記及其他航行標識均歸國家所有并管理之

（說明）我國海港之航行標識爲海關稅務司所占管亟應收歸國有并派員管理之

至於鐵道會計制度前文已擬定爲『專設會計』此事恭綽於拙著『交通救國論』中特別會計一段論之頗詳惟查『特別會計』一語在會計法規（Accounting rules）內雖亦偶見然字義明顯適合於德語之 Die partikuläre Rechnungsführung 其在吾國每因望文釋義發生誤會試譯德國新憲法第九十一條聯邦所有預算及決算雖爲聯邦總預算及總決算之一部分但鐵道當視爲獨立的經

濟企業而管理之鐵道經費當合鐵道公債之償金及利子由其自己收入中支付之并當設立鐵道公積金償金及公積金之額并公積金用途以特別法律定之 Für die künftige Finanzpolitik der Eisenbahnen bestimmt die Verfassung, dass die Reichseisenbahnen mit ihrem Etat und ihrer Rechnung in den allgemeinen Reichshaushalt einzugliedern sind; innerhalb ihres Rahmens sind sie aber als ein selbstständiges wirtschaftliches Unternehmen zu verwalten, das seine Ausgaben einschliesslich Verzinsung und Tilgung der Eisenananschuld selbst zu bestreiten und eine Eisenbahnrücklage anzusammeln hat. Die Höhe der Tilgung und der Rücklage, sowie die Verwendungszwecke der Rücklage sind durch ein besonderes Gesetz zu regeln.

(Artikel 92)

其所謂鐵道『爲獨立經營企業』(Ein selbstständiges wirtschaftliches Unternehmen) 及所謂『以特別法律定之』(Durch ein besonderes Gesetz zu regeln) 者足以證明其會計之爲特別與獨立此乃憲法規定最明顯之好例恭綽以德語『獨立』Selbstständiges可以英譯爲『自持』Self-supporting 德語『特別』besonderes 亦可以英譯爲『單行』odd 或 singular 故參酌斯義用擬爲『專設會計』或『單行會計』以免用『特別會計』字樣反易招世人之疑慮曩在日本檢閱日本會計法第三十條載明遇有特別需要不能援據本法者得設特別會計其會計法第一條并明白規定因經營鐵道事業而設固定資本及置運轉資本凡營業之收入及其附屬之雜收入許充鐵道事業之用立特別

會計各等語蓋依官營業之會計異乎普通官署故依據經濟原理自成爲完善精密有系統之會計雖與普通會計劃分仍以普通法爲根據者也

恭綽抑尤有言「特別會計」字樣所以易招世人之疑慮者彼或以交通收入不交財部預算決算亦不經財部及審計院此事按諸事實乃極不符查本部現行國有鐵路會計條規即依據我國普通會計法第三十四條凡特別事項不能依據本法者得設立特別會計之規定此既隸屬於國家財政之內且受國家法律之監督者也交部之預算決算從未有異於他機關而不提出於財部及審計院者此可考之該部院之檔案至收入不交財部此純與特別會計無關從來無論何國未有特別會計之出納不經國庫者吾國不經國庫之出納頗多如海關鹽務各省財廳所轄一部分皆并非特別會計也故出納不經國庫本無須籍特別會計之名交部雖係特別會計而其出納不歸財部亦并非因其爲特別會計之故蓋特別會計本係財政學上之一種專用名詞其意義已如上文所述自後擬改稱專設會計以與我國會計法上之普通會計相對稱此項專設會計者既與金庫顯爲兩事交部出納不歸財部乃係金庫事實之問題非會計制度之問題也然專設會計所以必須與普通會計劃分另行計算者譬諸經商之人必將營業賬目與家用劃分爲二乃能得正確之盈虧而便於處理若更與人合資尤非另立賬目不可交通事業既含營業性質所有款項賬目自不能與普通政費等視且官營事業間或招商附股尤有與普通會計劃分之必要此專設會計所以必須設立者一也官營事業本以利國便民爲主旨營利就屬第二義惟無論如何必有可恃之資本乃能推行盡利今使政府於某項事業投資若干則該項事業

即恃此款以爲營運不能任意挪移且該項事業之收入必先儘充該事業維持及擴充費之用尤不能任意提撥若視同普通財源聽政府之流用事業將歸停頓損失更難數計此專設會計所以必須設立者二也吾國官營事業方在萌芽兼以國家財政困難政府對於官營業之資本未能有所供給僅就該管事業之收入酌盈劑虛自謀發展倘無專設會計以保其固有之資金何所恃以爲營運況此等事業創設之初什九皆出於借用外債非有確實保障無以維持信用而息外人之責言故就吾國情形言之官營事業尤有采用專設會計之必要此專設會計所以必須設立者三也綜而言之專設會計之制度本不僅適用於交通機關凡屬國家營業有採用之必要特以吾國交通事業創設較早採用較先故此種意義世人多未明瞭實則專設會計之條例及其施行之手續列賬之辦法較普通會計尤爲嚴密故英語 A particular account 可譯爲「詳報」所有賬目事前有預算事後有決算皆照例咨交法定機關審核且每歲有會計統計報告刊行中外予天下以共見初非如議者所云云也第十三年來此種制度不過空存其名且以環境不良及輿論不察之影響致其制度之精神殆已破壞無遺使國家憲法又不明文規定俾予交通營業以嚴重之保障則國有營業之前途實可隱憂恭綽不敏更進而擬定此種「專設會計」之條文數則附列於後「關於國有鐵道電報無線電電話郵政及官營航業其預算決算均照獨立營業辦理不受國家總預算決算之影響」

「前項獨立營業自行籌措經費償還債務及預備準備金於必要時由國庫擔保或補助之」

「前項獨立營業之收入除支付營業費用償還債務本息及酌提準備金外其盈餘專供擴充及整理

本事業之用非依法律不得流用於他項交通事業』『交通收入非依法律所定不得提用』

「政府爲建設交通事業經國會同意得募集公債此項公債不得移用於他途」

「關於交通專設會計制度以法規定之」

總之於憲法中規定交通行政者乃所以期保障交通事業之統一規定專設會計者乃所以期保障交通經濟之獨立兩者直接於交通事業有莫大之關係而間接於國家之前途尤有莫大之關係也恭綽忝長交通職責所在謹具管見敬希公裁

整理交通外債計劃書民國十四年

政府近日積極爲整理財政之預備而以清釐債務爲入手辦法業經歷次閣議討論實爲方今扼要之圖惟現在全國債務率由財政交通兩部負責交通部所負債款約在全額四分之一以上現既經着手清釐自應通盤規劃同時協定妥善之處置使交通部亦得盡力所至自負其可負之責任不至更以債務困難發生問題則此次清釐手續方可達於完全無缺之目的竊念交通事業爲百凡政治實業之先導故東西各國無不極爲注意創辦之初多半由國庫歲撥鉅款爲之補助漸次發達乃始聽其以本身自入盈利自圖擴充最後則成效已著人民亦自樂趣故交通建設發展至速吾國先時所以成立特別會計亦採取各國成法望其不受他方牽掣得儘自有能力以亟圖發展也入民國後國家多故財政常在厄境以此補助一層當然不遑計及交交通方面僅能憑自力謀劃以維持現狀坐是一切事業停滯不進嗣因國計奇絀政府往往以盈餘爲名將交通收入提供政費其後則不問有無盈餘卽流通資金

臨時進款亦復隨意指撥不足則更以辦理交通事業名義訂借債款而實則供給他項用途十餘年中逐遞層積可數之債累固不待言無形之損失尤不勝紀凡費省利豐可興之事業工平物賤可趁之時機插空補間可用之人工特產巧貨可攬之生意每以款項不給預備不周事機因而坐失卽以交通部自借自用之款原與政府無涉然倘無墊撥各款卽可無須舉債則名爲本部虧借實際卽不啻爲國庫墊支歲糜息款不下數十百萬凡此種種難可盡述顧同屬國家同屬政府同在圯屋漏舟之內同有分憂共患之情況皆時勢所趨寧能計較盈虧顯分肥瘠惟迄於現在則負擔益重積累益深出款益多款益罄各債本息同時延欠債主日日敦逼非但無款可付亦且無詞可延而外人據約詰責詬誶交至甚且宣言干涉拒之不能應之無術實已至於山窮水盡萬分危急之地政府若不設法援拯深恐破產之禍卽在目前現幸政府有此整頓財政清釐債務之機會亟應乘時商榷力謀挽救當經督飭員司將內外債款詳細鉤核儘本部充分能力所及百計籌度實在無法擔負不得已擬將關係財政部各債款提出一部分請由財政部歸并統一債務案內一起清理冀得稍稍減輕負擔藉救目前之危急其所認爲必要之理由如下

(一) 免外人之干涉 依此辦理交通部負擔稍輕庶望得儘全力所及自行處理其餘各項債務免至以支絀過甚使全部債務同至無法應付致引起外交上之嚴重交涉或遂陷於破產貽誤大局

(二) 求債款之整齊 現在共同關係各債有財政部付息者有交通部付息者有兩部共同付息者有時債主同向兩部糾纏有時兩部同向債主推諉乃至支付帳目兩部同不接洽茲擬不問何部用款

專就債款相當數目提出幾項債款歸財政部并案清理勿使一宗款項而生兩部之糾葛庶免奇零瑣碎對內既多枝節對外亦不雅觀

(三) 完清理之手續 在財政部方面債務既已併案清理若交通部所屬各債置不過問無論片面手續於政府主張目的未克完全即以債主方面亦恐不免以辦理兩岐發生異議今提出一部分以後交通部對於所餘債款希望竭力應付不至毫無措手則各項債主亦自不生問題且內中數款事實上係屬政治債務亦不宜與交通債務始終混合一經分割則權限責任界限分明於清釐本旨方可完全貫徹

(四) 圖事業之進行 吾國交通事業如此幼稚正宜急起直追力求進步債務既有辦法本部信用回復即希望可以自力謀積極之發展成效所獲根本仍屬之政府既為國家厚財力亦為人民裕富源依以上種種之理由所以認前項辦法為必要其最要關鍵實尤因環境逼迫不能不出於此一途明知財政部亦同在窘鄉何至有意諉難顯分畛域但財政部對於所屬債務本須有通盤整理之規劃現既着手清釐自必統畫處理則無論用何方法加入交通部之一部分債款儘米為炊在手續負擔上均不至增加重大困難問題且本係財政部應負款額乘此急圖歸宿可免日後紛煩為財政部計亦覺事不容緩否則將來交通部不能應付時債主仍須向財政部索擾假如交通部一旦破產則全部債務亦終歸責於財政部所以此項提議固為維持交通部起見實亦為財政部謀兼籌並顧之計並且為國家求一勞永逸之方於財政大局均有裨益茲特將財政交通兩部共同關係之債務依其原有性質分別擬

具辦法臚列如下

一交通借款全數由財政部挪用者如欽渝滬楓高徐濟順滿蒙四路之息向由財部籌付者并同成吉會未經付息者其本息照附表一共約六千零七十二萬餘元擬請仍歸財政部清理

二交通借款由財政部挪用一部分者如有綫電借款其息向由財部撥付四分之三如隴海四洮電話借款擴充改良有綫電借款其息由交部撥付或欠付者計財部挪用之數照附表二約二千九百八十八萬餘元惟對外未便於一款內劃分某部擔任茲擬依照相當數目擇定數項債款請一并歸入財政部清理

三本部歷年墊付財部之款照附表三計七千三百九十餘萬元又運兵官電費三千七百餘萬元因此之故致本部及路電收支不敷無款應用不得不借款抵補而從前指定鹽厘關稅雜稅爲擔保之借款如漢粵川路借款匯豐匯理銀行整興實業借款郵傳部正金銀行借款現擔保品已有變更本部因代財部墊款過多致對於前數項借款現皆無力擔負茲擬依照此項代墊相當數目擇定借款數宗一併劃歸財政部清理以上各款除第一款六千餘萬元向由財政部完全擔任照舊辦理不生問題外第二三兩款計共一萬四千萬餘元其歷年本部所負擔之利息尙未在内因撥款先後參差利率高低不等未及一一詳計姑以上年一年之息加入第二三兩款通爲一萬五千餘萬元卽照此相當數目酌擇數項借款分別詳細列表（照附表四）擬請由財政部於此次清釐整理案內一併歸入清理至十一年以前之息由本部另行與財部計算此外交通部所負債額爲數孔鉅出入對照尙屬相懸惟既在本部應

負之範圍無論如何自當力謀開節勉圖支拄以爲政府分一部分之擔負當然不能使財政部獨任其難也

(一)財政部完全挪用之借款應仍歸財政部擔任之數目表

高徐濟順鐵路墊款
日金二千萬元

滿蒙四路墊款
日金二千萬元

吉會鐵路墊款
日金一千萬元

滬楓鐵路清還抵欠借款
英金三十七萬五千鎊

同成鐵路墊款
英金七十七萬零二百十七鎊六先令六本土

又
法金五百七十九萬八千五百十八法郎九十五生丁

欽渝鐵路墊款
法金三千二百一十一萬五千五百法郎

以上共 英金一百十四萬五千二百一十七鎊六先令六本土 按九元合 日金五千萬
按九角合法金三千七百九十一萬四千零八十八法郎 九十五生丁 按七法郎合

共約合銀元六千零七十餘萬元

(二)財政部挪用借款一部分之數目表

隴海鐵路借款
英金五十五萬八千零零九鎊十五先令三本土

四洮鐵路借款
日金六百五十一萬八千九百九十七元八十七錢

中華匯業銀行有綫電借款
日金一千五百萬元

又本部代墊付

日金一百九十七萬三千三百三十三元三十三錢

中日實業公司擴充電話借款

日金一百四十萬元

東亞興業會社擴充改良有綫電借款

日金二百七十三萬元

以上共日金二千七百六十二萬二千三百二十一元二十錢

按九角
合英金五十五萬八千零零九鎊十五先令三本士 按九元令

共約合銀元二千九百八十餘萬元

(三)本部墊付財政部款項數目表截至十二年三月二十四日
止已轉帳收支兩抵之數

現洋六千二百十四萬四千五百七十五元四角六分二厘

日金二十萬零六千六百六十六元六十七錢合現洋十八萬六千元

七年短期公債票面額三十四萬一千元作現洋計

京鈔票面額四百六十七萬八千元

七年長期公債票額四百萬元

整理金融短期公債票面額一百五十九萬三千六百圓

八釐實業公債票面額一百萬元

以上代墊款共現洋六千二百六十餘萬元
證券面額一千一百二十餘元

又

各路運費三千二百二十五萬七千七百二十二元三角二分七厘

官報欠費四百七十七萬四千零八十七元二角八分七釐

查前項財政部結欠之概數係已登帳各款自前清宣統三年度支部起至民國十二年三月止其路電各局尙未報到以及未經接洽妥協各款嗣後當隨時轉帳另行計算

(四)擬撥歸財政部擔任清理之借款表

中華匯業銀行有綫電借款

日金二千萬元

此項借款係以有綫電信全部產業及收入爲擔保電信項下僅提用二十三萬餘元其餘大半均由財政部挪用歷屆應付利息向由財部經付現在此款即將到期自應劃歸財政部清理

中日實業公司擴充電話借款

日金一千萬元

又

欠息 截止本年四月

日金一百四十五萬餘元

此項借款係以電話全部產業及收入並已設六處無線電台及收入又價值日金五百萬元之國庫證券爲擔保早已到期財政部亦有挪用且爲數甚鉅本部實無法擔任應歸財政部清理

馬可尼無線電報公司墊款

英金二十萬鎊

此項借款確係建築無線電台之用惟因屢受軍事影響工程不能進行至今尙未完全落成故無收入而公司以無擔保品第一批應還本息又早已逾期未還摧索甚急自應歸財政部以關餘擔保俾有着落

郵傳部借款

日金一千萬元

此項借款本息按照合同原應由京漢鐵路進項撥付惟該路因代財政部撥付協餉等項無力再撥且此款本以江蘇漕糧折價度支部進款庫平銀一百萬兩爲擔保現擬歸財政部擔任

隴海鐵路借款

英金四百萬鎊

借款總額爲英金一千萬鎊已發行四百萬鎊其餘六百萬鎊因歐戰影響迄未能發行其已發行之四百萬鎊借款早已用罄而已成路工尙未及半故進款無多應付利息向恃短期借款以資挹注本年七月一日又屆第一次還本之期本息無着本部亦無力負擔屆時勢必請由財政部籌付又查該借款曾由政府挪用一部分現擬將該借款改歸財政部擔任俾有著落惟該路此外借款爲數尙多當由本部勉爲籌付

整興實業借款餘額

英金四百萬鎊

此項借款原由京漢鐵路擔任撥付惟該路因代財政部撥付協餉等項無力再撥且此款經照合同係以浙江江蘇直隸等省鹽餉及湖北川淮鹽加價及其雜稅爲擔保前因該路無力籌付到期本息已於鹽餘內扣付多次現擬改歸財政部擔任

漢粵川路借款餘額

連德華有效部分債票

約英金五百萬鎊此項借款早已用罄而已成路工尙未及半該路

收入甚微斷難敷還本付息之用此款按照合同係以湖南湖北兩省百貨厘金湖北川淮鹽局江防經費並川鹽新加二文捐兩湖賑糶捐鄂款湖南鹽道庫正厘等各厘捐共計每年關平銀約五百二十萬兩爲擔保並聲明如將來因修改海關稅減免厘捐應先向銀行等商明務於新增關稅內如數

撥足儘先補抵故上年到期本息卽由鹽餘內扣付且現在正提議裁厘加稅則此項借款將來必以新增關稅爲擔保故擬歸財政部擔任至此項借款數目原係六百萬鎊其中英法美三國部分占四百五十萬鎊除已還到期本金外尙欠四百三十九萬餘鎊又德華銀行部分占一百五十萬鎊因對德宣戰停付本息備抵我國損失之用惟協商及中立國人所購者經陸續核准已有三十五萬鎊如將來再有陸續核准者則數目尙不祇此茲從寬估計爲六十萬鎊故共計約有五百萬鎊

以上共 日金四千零七十九萬七千三百九十七元 按九角合英金一千三百二十萬鎊 按九元合

共約合銀元一萬五千五百五十餘萬圓

連同第一表六千零七十餘萬圓

總共二萬一千六百二十餘萬圓

淞滬特別市暫行條例草案 民國十四年

第一章 總則

第一條 本特別市之區域以淞滬工商業繁盛之地爲準其界綫另以圖表定之

前項區域應行變更時經市議會之議決得變更之

第二條 本特別市關於市內住民之權利義務及自治事務得制定市公約但不得與本條例其他法令抵觸

第三條 本特別市因執行市公約及管理使用市之財產營造物與公共設備得制定市規則

第四條 凡住居於本特別市內者均爲市住民依本條例及市公約所定得享受權利並負擔義務

第五條 市住民內有本國國籍之男子年滿二十一歲並接續住居本特別市內一年以上合於左列各款之一者有選舉市議事會會員之權

一 年納直接稅五元以上者

二 有正當之職業及住所者

三 曾在國民學校以上畢業者

第六條 市住民內有本國國籍之男子年滿三十歲並接續住居本特別市內二年以上合於左列各款之一者有被選舉爲市議事會會員之權

一 年納直接稅十元以上者

二 有正當之職業及確定之住所者

三 曾在中等以上學校畢業者

第七條 市住民有左列各款之一者停止其選舉權及被選舉權

一 褫奪公權尙未復權者

二 受禁治產準禁治產或破產之宣告確定後尙未撤銷者

三 僧道及其他宗教師

四 現役軍人

第八條 市住民有左列各款之一者停止其被選舉權

一 現任本地方之官吏

二 現任警察官司法官徵稅官

第九條 凡被選爲市議事會會員或市政廳職員者非有左列事由之一不得謝絕當選或於任內告退

一 確有疾病不能常任職務者

二 確有他項職業不能常居境內者

三 連任至三次以上者

四 其他事由特經市議事會允許者

第十條 本特別市得分爲若干區

第二章 市議事會

第十一條 本特別市設市議事會其會員以三十人爲限

第十二條 市議事會會員爲名譽職由市住民選舉之

前項選舉規則別以教令定之

第十三條 市議事會會員其任期爲二年

第十四條 市議事會設會長一人由會員用記名投票法互選之

第十五條 會長有事故不能執行職務時由會員中推選臨時會長代理

第十六條 會員及會長任滿再被選者得連任

第十七條 會員因事出缺逾定額三分之一者應即補選其補選各員任期以補足前任未滿之期爲限

第十八條 會長因事出缺應即補選其補缺任期準用前條規定

第十九條 市議事會分通常會與臨時會通常會每年二次以四月十月爲會期由市長召集臨時會經市長認爲有必要情事或經會員半數以上之提議由市長召集之

市議事會會議規則由市議會定之

第二十條 市議事會之職權如左

一 議決市公約

二 議決市內應興應革及整理事宜

三 議決以市經費籌辦之自治事務

四 議決市經費之預算決算

五 議決市自治稅規費使用費之征收

六 議決市之募集公債及其他有負擔之契約

七 議決市之不動產買賣及其他處分

八 議決市之財產營造物公共設備之經營及處分

九 答復市政廳及監督官署之諮詢

十 議決其他依法令屬於市議會權限之事項

第二十一條 市議會會議時市長區董均得到會陳述意見但不加入議決之數

第三章 市參事會

第二十二條 本特別市參事會以左列各員組織之

一 市長

二 佐理員

三 區董

四 名譽參事員

第二十三條 名譽參事員定額六名由市議事會就市住民中有被選舉資格者選舉之其選舉事宜及任期改選補選準用關於市議事會會員之規定

第二十四條 市參事會以市長爲會長由市長隨時召集其議事規則由市參事會定之

第二十五條 市參事會之職權如左

一 議決提出於市議事會之議案

二 議決市議事會所委托之事項

三 議定市規則

四 議決其他依法令屬於市參事會之事項

第二十六條 市參事會會議時市議事會會長及會員得到會陳述意見但不參加表決

第四章 市政廳

第二十七條 本特別市設市政廳置市長一人爲市之代表指揮監督所屬職員

市長由市議事會就住民中具有市議事會會員被選舉資格者選舉三人呈請中央政府任命之

第二十八條 市政廳之職權如左

一 執行市議事會議決事項

二 辦理市議事會選舉事項

三 提出議案於市議事會

四 管理或監督市之財產營造物及公共設備

五 管理市之收入與支出

六 管理市之保安及衛生

七 依法令及市議事會之議決征收市自治稅及使用費規費

第二十九條 市長對於市議事會議決事件視爲踰越權限違背法令或妨害公益者得於五日內申

述理由提交覆議市議事會仍執前議時得呈請直接監督官署核准撤銷之

第三十條 市政廳設佐理員五人輔助市長分任財政保安公用工務衛生各課事務
各課辦事細則由市政廳定之

第三十一條 市政廳設水陸警察分置各地由市長直接指揮之

水陸警察編制規則由市政廳定之

第三十二條 市政廳對於本特別市得分設各區每區設區董一人承市長之命辦理區內自治事務
區董由市議事會就市住民中有被選舉資格者選舉之

關於前項選舉事宜準用市議事會會員選舉之規定

第三十三條 市政廳得設辦事員由市長遴選有專門學識者派充不以市住民爲限其辦事細則以
市公約定之

第三十四條 市長及市政廳職員均以三年爲任期任滿再被選者得連任一次

第三十五條 市政廳職員不得兼任市議事會會員若有由市議事會會員被選任者應辭會員之職

第三十六條 市長有事故時以佐理員內年長者代理之年同以抽簽定之

第三十七條 市長及其他市政廳職員因事出缺時應卽補選或補任其補缺各員之任期準用第十

七條之規定

第三十八條 市長及其他市政廳職員均爲有給職其薪額別以教令定之

第三十九條 市長得酌用雇員辦理文牘會計庶務其薪給由市長定之

第五章 經費

第四十條 本特別市經費以左列各款充之

一 本市財產之收入

二 本市各項稅捐

三 本市公共營業之收入

四 規費及使用費

五 過息金

第四十一條 本特別市因救濟災害或經營公共營業得由國家酌給補助費

第四十二條 凡使用市之營造物及其他公共設備者得向之征收使用費

第四十三條 市政廳因個人之請求爲執行事務時得向之征收規費

第四十四條 使用費規費之徵收以市規則定之並得規定十元以下之過息金

第四十五條 本特別市爲剏興必要之公共事業得經監督官署許可募集市公債但市公債之債權

者以中華民國人民爲限

前項市公債之利率及募集償還方法須經內務部財政部核准

第四十六條 市政廳於每一會計年度前應將本市經費之歲出歲入製成預算表於每年四月通常

會期前提交市議事會

第四十七條 市政廳對於既定之預算在同年度之會期內有追加或更正時須請求市議事會議決

第四十八條 預算經市議事會議決後由市政廳呈報監督官署並公佈之

第四十九條 本市之會計或特別會計由市政廳於預算年度終結後編製決算表附具一切證據於每年十月通常會開會時提出於市議事會

前項決算經市議事會承認後呈報監督公署並公佈之

第五十條 市長所發支付命令如違背市公約或預算時市議事會得提出質問

第六章 監督

第五十一條 本特別市之直接監督機關爲中央內務部

第五十二條 直接監督機關因監督之必要得發命令或處分

不服前項命令或處分時得呈訴國務院請求處理

第五十三條 直接監督機關如證明市議事會有違法越權行爲時得呈請元首解散之但於解散後之三個月內須舉行新選舉並召集之

第五十四條 直接監督機關如證明市長有違法越權行爲並因市議事會議決撤換得呈請元首免職但於市長免職後一個月內應依照第二十七條之規定行之

前項市長免職期內得依照第三十六條之規定由佐理員代行其職務

第五十五條 直接監督機關因監督之必要得令市長爲事務之報告並得調取文書簿據或檢查其

出納

第五十六條 市政廳職員懲戒條例別以教令定之

第七章 附則

第五十七條 本特別市未經成立以前由中央政府派大員籌辦一切事宜

第五十八條 本條例自公佈日施行

訂定交通部鐵路職工教育委員會組織大綱民國十四年

第一條 本部爲實施鐵路職工教育設立鐵路職工教育委員會

第二條 本委員會爲職工教育施行機關所有關於鐵路職工教育之一切設施均由本會處理

第三條 本委員會由左列人員組織之

一 委員長一人由交通總長派充總理一切會務

二 委員若干人由委員長呈請派充承委員長之命籌議一切事務

三 總幹事一人由委員長遴選委員兼充承委員長之命執行一切會務

四 幹事若干人由委員長遴選委員兼充承總幹事之指揮分掌各項應行事務

五 事務員若干人由總幹事呈准委員長派充承總幹事及幹事之指揮助理各項應行事務

第四條 本委員會分議事幹事兩部

一 議事部由委員組織討論一切應行事務議決後呈請委員長核准

二 幹事部分總務學務編審統計宣傳五股每股各設幹事二人事務員若干人執行議事部議決事項前項事務員額數之分配視各股事務之繁簡酌定之

第五條 本委員會會議遇必要時由本會函知有關係之路局派員列席

第六條 本委員會議事部議事細則幹事部辦事細則另定之

第七條 本委員會爲助理事務得由總幹事呈准委員長酌用雇員

第八條 本會開辦經常各費經議事部議決由委員長核定請總長令行各路局按照會計則例攤解

第九條 本會各職員薪水由委員長酌擬呈請總長核定但部員及路員經本會調用者祇酌給津貼

不另支薪

第十條 本大綱如有未盡事項得由本會議決呈請總長修正之

第十一條 本大綱自公布日施行

訂定交通部審查鐵路職工資歷委員會規則民國十四年

第一條 本會依交通部給與路員職工獎證規則第八條第九條之規定組織之定名爲交通部審查

路員職工資歷委員會

第二條 本會設於交通部內

第三條 本會設委員長一人副委員長一人委員長九人

第四條 委員長以路政司司長兼充副委員長以參事一人兼充委員以諳練路情之部員兼充

第五條 委員長副委員長委員均由交通總長派充

第六條 本會設事務長一人事務員二人由委員長呈請交通總長派充兼辦本會文件紀錄收發等事另由委員長於路政司指派書記四人助理之

第七條 凡應由本會審查事件經路政司移付到會委員長即交各委員挨次審查

第八條 每一審查事件全體委員審查完竣如有提出疑義者由委員長定期召集會議

第九條 會議以委員長爲主席委員長因事缺席時以副委員長代之委員須有三分之二以上出席始能開議

第十條 會議表決應依多數可否同數時由主席決定之

第十一條 凡已經審查暨會議表決事件由本會移付路政司辦理

第十二條 本規則自公布之日施行

訂正鐵路職工學校通則 民國十四年

第一條 鐵路職工學校之宗旨在增進職工之知識及技能

第二條 各路所設之學校冠以各處地名稱曰某路某處職工學校

第三條 各校按職工之年齡分爲二級三十歲以下者編爲第一級三十歲以上四十五歲以下者編

爲第二級四十五歲以上之職工自願上課者聽

第四條 各級按照職工程度分組教授第一級分爲三組第二級分爲兩組

第五條 各級組教授課目如左

(甲)第一級

(一)第一組 (1)國語 平民讀本 (2)算術 加減 乘除(整數) (3)習字

(4)訓話

(二)第二組 (1)國語 讀本 作文 (2)算術 加減 乘除 小數 分數

(3)習字 (4)職工須知 (5)技術須知

(三)第三組 (1)國語 讀本 作文 (2)算術 加減 乘除 小數 分數

比例 百分法 開方 (3)職工須知 (4)技術須知 (5)外國語(選修)

(6)圖畫(選修)

(乙)第二級

(一)第一組 (1)國語 平民讀本 (2)算術 加減 乘除 (3)職工須知

(4)技術須知 (5)習字(選修)

(二)第二組 (1)國語 讀本 (2)算術 加減 乘除 (3)職工須知

(4)技術須知 (5)習字(選修)

前項所列技術須知科目分機務工務車務三類得依職工之需要選習之

第六條 各校教科用書應用鐵路職工教育委員會編定或審定之本

第七條 各校每週授課時間第一級至少六小時第二級至少四小時星期日照常上課

第八條 各校設左列各員

(1) 校長一人由鐵路職工教育委員會函聘相當之路員或教育專門人員充任總理一切校務

(2) 教務主任一人由鐵路職工教育委員會就講習所畢業人員中選派主持教務及管理事務

(3) 專任教員若干人由鐵路職工教育委員會就講習所畢業人員派充之

(4) 兼任教員若干人由鐵路職工教育委員會就路局請派及自請派充之路員中選任之

第九條 各校庶務會計文牘事宜由校長指定教員兼任之

第十條 各校不收學費凡在校職工所用書籍及各種學科用品均由學校供給

第十一條 各校休假日如左

暑假 兩星期 寒假 一星期 例假 各一日前項寒暑假之起止日期由校長定之

第十二條 各校得組織教務會議協議教務之進行

第十三條 各校得附設定期補習班招收職工子弟入校補習其辦法另定之

第十四條 職工學校經費由各局擔任之

第十五條 職教員服務規則另定之

第十六條 本通則如有未盡事宜由職工教務委員會修正呈請總長核定

第十七條 本通則自公布之日施行

修正鐵路職工教育委員會組織大綱 民國十四年

第一條 本部爲實施鐵路職工教育設立鐵路職工教育委員會

第二條 本委員會爲職工教育施行機關所有關於鐵路職工教育之一切設施由本會處理

第三條 本委員會由左列人員組織之

一 委員長一人由交通總長派充總理一切會務

二 副委員長一人由交通總長派充輔助委員長處理會務

三 委員若干人由委員長呈請派充承委員長之命籌議一切事務

四 總幹事一人由委員長遴選委員兼充承委員長之命執行一切事務

五 副幹事一人由委員長遴選委員兼充襄助總幹事執行一切事務

六 幹事五人由委員長遴選委員兼充分掌各項應行事務

七 視查員四人由委員長派充受總幹事之指示視查各路職工教育狀況

八 出納專員二人由委員長派充受總幹事之指示專管出納會計事務

九 事務員二十二人由委員長派充受總幹事及幹事之指揮助理各項應行事務

第四條 本委員會分議事幹事兩部

一 議事部由委員組織討論一切應行事項議決後呈請委員長核准施行

二 幹事部分總務學務編審統計講義五股每股設幹事一人事務員若干人執行各項事務

前項事務員額數之分配視各股事務之繁簡酌定之

第五條 本委員會設特聘編審員六人由委員長聘充編審一切書籍

第六條 本委員會會議遇必要時得由本會函知有關係之路局派員列席

第七條 本委員會議事部議事細則幹事部辦事細則另定之

第八條 本委員會爲助理事務得由總幹事呈准委員長酌用僱員

第九條 本會開辦經常各費經議事部議決由委員長核定呈請總長令行各路局按照會計則例攤解

第十條 本會各職員薪金由委員長酌擬呈請總長核定但部員及路員經本會調用者祇酌給津貼不另支薪

第十一條 本大綱如有未盡事宜由本會議決修正呈請總長核定

第十二條 本大綱自公布日施行

選派路員前往坎拿大實習呈文民國十四年

竊維鐵路爲專門事業須有專門人才方足以應需要而資佐理恭綽爲造就前項人才起見曾於九年蒞任時由各路選派錢宗淵關荇麟王煥文葛澧郭崇熙唐康泰等六員前赴坎拿大太平洋鐵路公司實習緣各國鐵路事業以該公司爲最稱完備其所轄路線計長二萬餘英里超過我國全國路線四倍以上所有一切組織分門別類各擅其勝於我國借鏡之處實多該員等實習完畢歸國後均經派任重

要職務錢宗淵現在本部充調度車輛事務處副處長關荷麟在京奉路充車務處副處長王煥文充該路總務處副處長葛澧在津浦路充車務處副處長郭崇熙任東省鐵路管理局副局長唐康泰充京奉路新河材料廠副廠長其成績均甚可觀當此整飭路務之時需才孔急更宜廣搜英俊益宏造就恭綽此次蒞任伊始因復令各路繼續選派人員前往分科實習並先擬定選派標準四項一對於車務工務機務會計材料確有實地經驗在路服務五年以上者二擅長英文英語者三天資靈敏才堪深造者四情殷嚮學者苟非具此資格即不能與於被選之列現經由部依照上開標準妥慎遴選計派定京奉路局周慶滿等七員津浦路局鍾桂丹等五員京綏路局王光第等三員已分行各該路局轉飭遵照並定於八月十日一律由滬放洋至其所習何科則悉擇其平時對於某科素有研究或係其向來所經辦者以爲支配收事半功倍之效其實習期間以三年爲限實習期內每月由該員等將實習事項及所有心得報部一次視其成績優劣分別予以獎懲至該員等在路原資原薪則概予保留並另由局酌給留學津貼及川資等費以示優異凡此種種均經由部訂定實習規則庶各員有所遵守勤奮求學而公家亦不致虛糜款項藉裨實用（下略）

聲明交通部借款及吉敦路借款實情民國十五年

恭綽養疴息影兩月於茲久謝世緣不問時事乃閱報載交通部八百萬借款及吉敦路借款兩節顯與事實不符用特聲明以昭真相交部歷年零欠中外小債七百餘萬元利息極重有至一分五六厘者且部中物產抵押罄盡無法周轉恭綽受任後乃疊商債東由部於本年八月間給予借換券化散爲整抽

回押品改以鐵路應收郵件運費作抵年省利息數十萬元事屬整理舊債安有新借八百萬元之事亦無以郵政進款作抵之說所云該借款不知去向更屬可笑至吉敦鐵路係吉長之延長線吉長因路線太短難形發展又吉林物產豐富難以輸出爲救濟兩點起見早有建築之議本年夏間開始與南滿會社接洽部中特加審慎磋商數月始訂立承築辦法以避借款窠臼我國事權極重用款并無分文折扣隨時可以還清且另有附函聲明絕對不能移作軍政等費況又迄未交過分文款項此外并無祕密附件報載墊款以充軍費云云全屬子虛儘可詢之南滿會社竊意此項承築合同如果運用得宜可較以前任何鐵路合同爲足以取益防損至吉會案之存廢係另爲一事與此并不相妨且吉長原合同之改訂及吉會案之作廢或轉可因本合同而有所促進明眼人當能瞭然恭綽從事交通有年自問對於犖犖大端向知慎重第恐遠道傳聞失實用特撮要奉陳尙希公鑒不勝縷縷

北京大學國學研究館致中華教育文化基金董事會陳請書 民國十六年

本館自去秋改組以來仍繼續北京大學研究所國學門之事業而於考古學及明清兩代史料之整理尤爲注重故本館職務除指導研究生作高深研究外實兼有歐美之古物館及檔案局之性質者也研究所國學門前曾有考古學室之組織從事於古器物之搜集以極少數之經費陸續採購在最短時期內略具規模其中關於文字者有殷虛甲骨刻辭商周彝器銘文漢宋之鏡銘歷代錢幣漢石經後記漢黃腸石題字漢代封泥六朝唐宋墓志北魏李相海等造像記漢魏故宮殘瓦古希伯來文字石刻等關於刑制圖像足供參攷者有石器時代之石器三代之銅器兵器及車馬飾漢之畫磚歷代陶器明興

佛像等共約四千餘件使吾人對於古代之文化獲充分之了解又所藏繆氏執風堂金石拓片多至一萬二千餘種蔚爲巨觀此外如各收藏家藏器全形拓片及甸齋藏石六朝唐人造像千餘種雲岡造像數十種均足以考訂古代之歷史與美術甚夥

上述之古器物及金石拓片亟待整理研究編纂成書以廣流傳并宜積極補充以期完備竊念我國四千餘年之文物足供考古學之研究材料者至爲豐富而年來奸商盜竊任意發掘致妨害於科學的研究甚鉅本館擬分別緩急次第進行而尤注意于統系之探檢設計的發掘務使人民了解古蹟古物之科學價值及其對於考古學發展上之貢獻也

至於明清兩代史料之整理本館實責無旁貸本館所藏清代內閣大庫之檔案包括硃諭題本報銷冊實錄起居注等總數約十萬餘件爲明清兩代史料之最完備者數年以年從事整理已有相當之成績分部朝代現已竣事摘錄事由編成目錄亦在進行中並擬招致政治經濟法律歷史各專門學者爲分類之研究倘能次第實行則對於中國近代史上必有無限之發明也

對於上述兩項事業本館數年來已有極確實之成績惟欲實行預定之計劃及發展起見謹求貴會補助三萬元其用途略述如下

一調查及發掘 包括攝影印拓及製造模型等

二整理及研究 包括古器物之考證及說明刊印研究錄及報告保存及修理各項古蹟尤以山西所發現之壁畫爲最

三執風堂金石拓片之整理及補充 包括校正文字編號編目并購置舊拓孤本

四檔案之整理 包括考證編年摘由及刊印目錄等事

本館其他事業如延請導師指導研究生作高深之研究中國風俗之調查歌謠之研究方言之考證及古代佚書之輯錄及索引等事均在着手進行之中惟上述兩項事業關係於全國及東方文化尤爲重要倘能得貴會之補助則可精進不懈次第實行不獨國學之幸亦東方文化之幸也

學術院組織大綱草案民國十六年

第一章 總則

第一條 本院由元首明令組織之

第二條 本院爲全國研究學術之最高機關

第三條 本院以延納賢俊研究高深學術闡揚文化事業爲宗旨

第二章 總裁及院長

第四條 本院設總裁一人主持本院一切行政及設施事項由元首特任

第五條 本院設院長一人執行本院之行政及設施事項由總裁呈請 元首特任

第三章 學館

第六條 本院對於學術之研究暫時擇要分設六館

(一) 自然科學館(凡九系)

(一)物理學系(二)化學系(三)數學系(四)天文學系(五)地質學系(六)生學物系(七)醫學系(八)心理學系(九)農林學系

(二)社會科學館(凡八系)

(一)歷史學系(二)地理學系(三)政治學系(四)法律學系(五)經濟學系(六)教育學系(七)社會學系(八)新聞學系

(三)哲學學館(凡五系)

(一)經學系(二)本國哲學系(三)西洋哲學系(四)印度哲學系(五)宗教學系

(四)文學館(凡三系)

(一)本國文學系(二)西洋文學系(三)語言學系

(五)工學館(凡四系)

(一)工程學系(二)建築學系(三)航馭學系(四)製造學系

(六)藝術館(凡四系)

(一)本國美術系(二)西洋美術系(三)本國音樂系(四)西洋音樂系

以上各館之學系須要增減時得由總裁院長隨時改定之

第七條 學館各系各設教授及助教若干人由總裁及院長依照第四章規定之資格選任主管各該系學術之研究事項

第八條 學館各系各設編撰若干人由總裁及院長依照第四章規定之資格選任擔任各該系學術之研究事項

第九條 學館各設館長一人由總裁院長於教授中選任掌管各該館一切事務

第四章 教授及編撰之資格

第十條 各學館教授須具下列資格之一

- (一) 在國外大學或國內國立大學得有學位而在國內外大學擔任教授五年以上聲望卓著者
- (二) 長於專門學術在社會上有公共尊崇之著作或學術之貢獻而其成績爲社會所公認者
- (三) 在國內外大學擔任教授十年以上成績卓著者
- (四) 曾任政府或社會要職經驗豐富在學術上有著作或貢獻而其成績爲社會所公認者

第十一條 各學館編撰須具下列資格之一

- (一) 國外大學及國內國立大學畢業而有佳良成績者
- (二) 有專門學術在國內外大學曾擔任教授或講師而有相當之成績者
- (三) 研究一種專門學術有佳良之著述者
- (四) 曾任政府或社會要職經驗豐富而有專門學術之著作者

第五章 委員會

第十二條 本院爲對於政府及社會服務起見應設各種委員會擔任服務事項儘現先設立編譯審

核設計三委員會其他則因政府及社會之需要於必要時陸續添設之

第十三條 各委員會由各系教授合組聯席會議選舉會員并選派編撰組織之

第十四條 各委員會會員若干人由院長另定之會長一人由各該會會員開會公推之

第十五條 編譯委員會之職掌如左

(一) 編譯各種書籍及典冊

(二) 編譯政府及社會交辦之文件

(三) 關於編譯上之各項建議

第十六條 審核委員會之職掌如左

(一) 審核各種書籍

(二) 審核各種新著作

(三) 審核各種譯名

(四) 審核各種新發明之事項

(五) 審核政府及社會交辦之事項

第十七條 設計委員會之職掌如左

(一) 計畫各種學術事業之設備

(二) 計畫各項實業之建設

(三) 計畫政府及社會交辦之事項

第六章 事務處

第十八條 本院設事務處置處長一人由總裁呈請元首簡任秉承總裁院長辦理本院一切事務

第十九條 事務處設事務員十二人由處長商承總裁院長以處令派充秉承處長分掌文書註冊會計庶務出版等事務

第二十條 事務處因保管卷宗繕寫文件得酌用雇員

第七章 經費

廿一條 本院之經費由國庫支出之每年預算由總裁院長編製送由財政部核發

第八章 附則

廿二條 本院所屬各機關之組織細則另定之

廿三條 本院各項施行規則另定之

廿四條 本大綱由總裁呈請元首明令頒布之日施行

鐵道部爲杭江鐵路修築令浙江建設廳文民國廿一年一月

爲令遵事案查該廳呈送杭江鐵路各種圖件請備案一案所有各項附件業經本部分別審核該路所用鋼軌重量枕木尺寸鋼條軌接法最大灣度站台高度及路基暨石碴之截面均與部頒標準不符惟既爲減少目前建築經費仍留將來改良地步姑准如擬辦理一俟將來營業稍能發展應即將一切工

程及材料之不合標準者遂步改正其行車動力種類以安全設備未據敘明又該局總工程司及其他高級職員履歷未呈送應仰一并補呈備核他如該路管理狀況客貨等級價目行車時刻次數等項並應隨時報核及該路工程局規程所訂各節核與部頒直轄工程局組織規程多有未符該路係屬省辦固不必盡行依據本部直轄工程局規程辦理但其原則亦宜比照查該局組織上總務處範圍嫌大難免照顧不週而以機車股隸屬總務尤覺欠妥工程司若聘用外國人須將合同草本呈部核准方得簽訂路線工程計劃預算及月報表冊應送查核備案路線工竣應先呈部派員驗收方得通車營業規程章則應先送部備案再由省政府公布施行仰併遵照分別修改呈報再憑核奪

鐵道部令各路局加意訓練專門人員文民國廿一年一月

查鐵路事業係屬專門無一事不依科學之原理即無一事不需專門之人才近來學術昌明分科精益求精尤非埋頭深研難應需要部轄各路歷年招致國內外專門人員及本部交通大學畢業生分發各路任用者人數甚多樸棧菁莪不少手植徒以各路處境不同積習未除各該人員或以留學國別而各爲畛域或擇業不同而意見參差先進者未能盡其指導之責後起者遂亦難收請益之效新智未啓舊學轉荒影響所及意志堅定者固不免望而之他別謀展拓意志薄弱者遂因循怠惰日就銷沉人才損失殆難言喻須知鐵路事務端緒最繁欲期事業完成賴有整個之計畫人員配置貴得其當至若新陳遞嬗繼往開來應如何培植繼起之人才方使事業進行不致中斷此在外國主管事務人員莫不視爲一己之職責用意深遠至堪師法本部長對於人才養成素抱極端之重視當此建設時期尤難置爲緩圖爲

此通令各該路局嗣後對於所有專門人員就其所學加意訓練如有請益各該主管首領應卽虛心指導以冀成才果學有特長辦理勤能并應隨時出具考語陳候擢獎勿事挫抑此外支配人員更應因材器使用其所長俾令有以自見嚴其督責明其賞罰激濁揚清人才輩出本部長實有厚望焉

鐵道部令各鐵路材料應極力使用國產民國廿一年一月

查部轄各路建築之初多利用外資或以合同條件之束縛或以軌範程式之不同以及國內工業未興無可代用之品路用材料不得不採購外貨歷年以來各項損失爲數甚鉅現在各路均早收歸自辦軌範程式亦由部定有標準採用外貨範圍已無若何拘束徒以各路相習已久及使用便利之關係對於國外材料仍多採用漏卮溢出爲害甚鉅近年國內各種工業創辦甚多鐵路材料代用之品爲數不少苟能由各路隨時採用以示提倡不但貨物暢銷促勵生產國民經濟亦將藉此而漸舒發端甚微影響至鉅嗣後各路應用一切材料除合同別有規定及國內尙無出品可代用外應一律採用國貨以示提倡而杜漏卮至部局同人個人服御近歲以來以趨于奢侈亦多競用外貨豪華相羨不以爲異殊非所崇儉德也現當國家困窮外貨充斥每歲現金之流出殆難數計金融枯竭工商交困若不亟圖挽救力予倡用國貨滯銷新興工業將永難發展而現金外溢國民經濟亦將日就破產所望我部局同人念此時艱一矯前非嗣後個人服御所需務就國貨採用不得再購外貨以示倡率而挽利權

鐵道部令各鐵路局注意開源節流民國廿一年一月

近年以來時局多故軍事繁興部轄各路多被摧毀運輸未能暢旺路收因之短絀非僅革興設備不遑

建設卽車輛窳壞亦未補充興言及此可勝慨歎重以各路長官時有更迭在職員司不無增益其中確能稱職者固多而超過事務需要形同冗閒實亦難免此外費用未能撙節效率減退揆之科學管理方法自屬難期適合此種情形若非亟謀整理何以恢復元氣而鞏路基現在統一告成政府改組本部長來綜部務本多年從事經驗所得深以鐵路事業國脈所關處此時機而欲謀整理自非使各路經濟稍有餘裕不爲功發展鐵路經濟其道雖多其大要不外開源節流兩事屬于開源者如寬籌經費補充車輛改善設備聯絡工商業等項當由部統籌辦法次第施行然均非一時可以實現而節流之道更非力節浮費裁汰冗閒不能望有成效現在國勢艱危厲行緊縮尤爲時勢所迫必要之處置爲此令仰該路務各勉體時艱凡非維持路政必須之費用一切應痛加裁減不得稍涉浮濫其在職各員爲事務所必需者自應加以慰勉妥爲安排使其安心工作努力服務其超過事實需要而又未能得力者應卽責成各主管負責首領考核成績酌予裁汰其駢枝機關如非必需應一併量予裁併總期費無虛糜人盡其用勉渡難關徐圖發展本部長有厚望焉

呈報繼續進行完成粵漢鐵路計畫釐定程序民國廿一年

竊查粵漢鐵路綰轂南北爲中國南部重要幹綫其自廣州至韶州及自武昌至株州兩段早已通車營業祇株州韶州之間尙未建築本部迭奉鈞院明令限期完成早經積極進行修築第因工料經費未得充分供給更因時局影響工作每受阻滯以致工程進行稍緩茲由英國庚款項下先行借撥英金八千鎊組織湘境測量隊業已出發補行測立湘境路線樁號俾全段工程得自南北兩端同時並進以期早

日完成現將全段路線暫分十段施工如不發生特殊障礙約至二十四年六月株韶全段當可觀成至廣韶湘鄂已成兩段則以現有工機設備未免簡陋尙不足應付重要幹綫之繁劇運輸亦正籌擬計畫分別改進惟工程進行之遲速每視經費之是否充裕爲轉移關於粵漢完成所需經費指定撥用英國庚款而此款係分年退還猶恐緩不濟急自當設法籌畫期免延誤

粵漢鐵路株韶段工程進行籌序表

| 地 段 | 長 度 | 擬定興工日期 | 約計工竣日期 |
|--------|-------|--------|---------|
| 韶州至樂昌 | 五十公里 | 已在建築中 | 本年八月底 |
| 樂昌至羅家渡 | 三十二公里 | 二十一年四月 | 二十三年九月 |
| 羅家渡至省界 | 三十四公里 | 二十一年九月 | 二十四年二月 |
| 省界至郴州 | 四十二公里 | 二十一年九月 | 二十四年二月 |
| 郴州至公平圩 | 四十八公里 | 二十二年七月 | 二十四年六月 |
| 公平圩至肥田 | 四十八公里 | 二十二年七月 | 二十四年六月 |
| 肥田至衡州 | 四十八公里 | 二十二年七月 | 二十四年六月 |
| 衡州至雷溪市 | 四十八公里 | 二十一年十月 | 二十三年九月 |
| 雷溪市至昭陵 | 四十八公里 | 二十一年十月 | 二十三年九月 |
| 昭陵至株州 | 三十九公里 | 二十一年十月 | 二十二年十二月 |

令所屬努力奉公民國廿一年

查鐵路事業經緯萬端若無適當之人才絕不足以言事業之建設近年科學管理方法方謀推行分工益精需才尤切本部長歷綰部務用人向持人才主義不分畛域苟有一技之長無不在甄錄之列我部局同人或從事有年或研求有素茲當國難正急整理需人務各努力奉公安心服務倘於事業革興有所建議固足助本部長之施設亦可覘我同仁之抱負當虛前席以待嘉猷凡我部局同仁其共勉之

令服務鐵路應注意商業化民國廿一年

查鐵路機關雖屬官營論其性質實屬商業在路服務員司不過如一般公司之職員故凡接待客商承運貨物均應誠懇親切不得稍涉傲慢近年以來時局多故軍運繁忙各路原有成規半被破壞人員之督率未嚴斯路商之隔閡轉甚重以車輛缺乏運輸未暢各路路員若非態度親切更慮難廣招徠故路員服務態度如何小則影響一路之譽望大則阻礙事業之進行良非細故也本部長從事鐵路事業歷數十年深知欲求路務之發達非鐵路完全商業化不爲功爲此通令各該局即便轉飭局內外服務人員務須勉體斯意對於客商應誠懇親切不得稍沾官習以冀鐵路業務完全臻于商業化之境界是爲至要

令各路積貨限期疏運以慰商民案民國廿一年

比年以來國家多故大兵之後繼以大水影響所及路商交困今值隆冬水已暴落而統一政府又依法成立商民整理舊業貨物漸集最近統計各路存站待運之貨達六十萬噸雖經各路竭力應付終屬不

能疏運暢適商民重視成本自不甘於長期淹滯因而相率觀望貨棄於地採辦轉運咸有戒心雖國難期內市面金融種種皆有關係而鐵路亦應分負其責鐵路爲營業機關當此時期絕不能漠視顧客聽其自然應如何殫精竭慮急爲疏運庶可體恤商艱無負職責現在各路責負人員應召集議仰將各路未運積貨按現時各路運輸力於可能範圍內擬具最經濟最敏速之方法各路通力合作限期疏運完竣以慰商民而裕路收本部將尅日采擇施行焉

電直魯鄂浙豫皖湘蘇省府京滬漢津市府維護商貨運輸民國廿一年

河北，山東，湖北，浙江，河南，安徽，湖南，江蘇，省政府主席南京，上海，漢口，天津，青島市政府勸鑒查鐵路貨運之衰旺與國家交通事業之發展及全國商業之振興息息相關比年以來國內兵戈不絕繼復洪水爲災因以影響商業及於路運凋敝情形達於極點路商交困亟待有以昭蘇現幸統一政府成立百度維新鐵路既關交通貨運尤爲鐵路專營事業即須力籌整頓茲查各路存站待運之貨統計達七十餘萬噸較之往年僅得其半除由部通令各路充分調撥車輛限期輸運以通積滯外惟是在路積貨本部固當負責督飭迅籌疏運至若未經運站之貨或因金融喫緊商人資力難於周轉不能盡量營運或因匪患未除運道多梗及其他故障有以阻其發達之機是皆足以病商亦即影響路運此則非本部力所能及不能不恃各地方政府及金融界加以協助隨時查酌情勢力予扶持庶能使商情日趨敏活不惟鐵路運務藉以逐漸發達即地方商業亦必日臻繁榮實於國利民福裨益非淺除分電外用特電達貴省（市）政府查照嗣後對於轄境以內商貨運輸務希飭屬共相維護給予便利俾能盡量發展以紓

商困而維路運實紼公誼

函上海錢業公會等於內地商貨營運力謀互助民國廿一年

查鐵路貨運之衰旺與國家交通事業之發展及全國商業之振興息息相關比年以來國內兵戈不絕繼復洪水爲災因以影響商業及於路運凋敝情形達於極點路商交困亟待有以昭蘇現幸統一政府成立百度維新鐵路既關交通貨運尤爲鐵路專營事業卽須力籌整頓茲查各路存站待運之貨統計雖達七十餘萬噸但較之往年僅得其半除由部通令各路充分調撥車輛限期輸運以通積滯外惟是在路積貨本部固當負責督飭迅籌疏運期無停積以利商情至若未經運站之貨或因金融喫緊商人資力有時難於周轉不能盡量營運或因匪患未除運道多梗及其他故障有以阻其發展之機是皆足以病商亦卽影響路運此則非本部力所能及不能不賴各地方政府及金融界加以協助隨時查酌情勢力予扶持庶能使商情日趨敏活不惟鐵路運輸藉以逐漸發達卽地方商業亦必日臻繁榮實於國利民福裨益非淺除分電各省政府請予維持外相應函達貴會查照通知各同業嗣後對於內地商貨營運力謀互助之策庶社會經濟得資活動實紼公誼此致上海錢業公會上海漢口北平天津銀行公會

咨復新疆省政府限期完成迪化至猩猩峽國道民國廿一年

接准貴省政府咨以准咨開西北國道擬分期分段興築請各省分籌經費并商進行辦法一案查年來甘寧多故道路梗阻新省與內地交通端賴草地大道前曾同綏省共同修築汽車路以利運輸承商分

籌經費各節目爲進行迅速起見極所贊同卽請貴部擬定具體辦法自當照辦等由准此查民國十八年本部召集各省建設廳代表來京出席國道設計委員會制定國道路綫網以部令公布在案迪化至猩猩峽一段係屬國道間新幹綫之一段至關重要應提前興築集中全力完成此綫限期通車俾利交通藉展實業相應檢同圖表及工程規則等件咨請貴省政府查照見復實叙公誼

對於粵漢鐵路完成之感想 民國二十五年

粵漢全路告成矣斯路之成由於株韶段之積極施工而工事之進行則由經濟與人才之相應無可疑也英庚款之撥助自爲此中一大樞紐抑此段工事強半由交通大學出身之本國工程司所擔任費省效速頗有足稱恭綽愧往昔之無成樂後賢之善繼尤喜交大諸生之有所樹立以貢獻於黨國未負區區組立該校之初衷於成功之初宜有所述焉

粵漢全路北連平漢南接歐航爲我國縱行第一幹綫其性質之重要無待多論顧自美合興公司光緒二十七年肇始興築迄今已三十五年此一千零九十六公里之鐵路方始完成其間經過之曲折頗有爲一般人所宜知悉者又此路目下勉告完成其實諸般設備多未齊全又附隨鐵道開通而應興之事業亦至急要故特撮要敘述以餉當局及國人焉

一 粵漢路與政治外交上之關係不可不知也查光緒二十六年前清政府與合興公司訂借款承築之約旋因比國人暗中收買美股大半復有與法俄聯合之迹三省人士紛起爭持旋由湖廣總督張之洞向香港政府借款壹百拾萬鎊贖回該路取銷契約三省人士熱心路事亦攘臂奮呼力主各籌各

款各修各路粵則始終自辦鄂則倡辦賑糴彩票股湘則倡辦米鹽等捐紛擾既久民力已殫而所成之路粵僅二百餘公里湘則長株間百里許鄂則僅有路基數里而已張之洞既入樞廷審枝節舉辦之難成慮贖路前功之盡棄因復思舉借外債以期速成惟時英挾助款贖路之德所開條件甚苛屢商不治乃密與德華銀行謀議已垂成爲英偵悉遂向我抗議我不能拒乃許照德華條件英德各半不久法資本家藉口利益均霑又要求加入於是爲三國協商美怒我之見遺也亦以國電責攝政王乃復加美爲四國而成立粵漢川借款合同蓋距由美合興公司贖回自辦不及十年也當是時張之洞銳意以築路自任擬旨請攝政王任其爲漢粵川鐵路督辦諭旨中有郵傳部不得干預之語蓋出自張之手筆一時傳爲話柄張亦因是與郵傳部尙書陳璧積不相能卒革其職以去而代以盛宣懷盛復納鄭孝胥等之言積極進行謀收各商辦路綫爲實行借款合同地步革命因之而起遂啓肇造民國之局其關係不可謂不大也

民國肇興鐵路國有政策相沿未改當時恭綽實司路政遂一面將湘川各公司收歸國有一面與四國銀團議定開工提款擔保查賬各辦法擬於民國五年底完成武長段旋因歐戰爆發金融阻滯因與銀團商停川漢工程以英法美三國借款存項併營湘鄂綫武長段民國七年始將武長間竣工並與長株銜接焉

歐戰時因我與德宣戰四國銀團之內部根本不能合作我國銀行界屢議補德國之缺未有成說外國銀團間後有令日本加入之商權亦無具體之協定自此以往政潮起伏內亂頻仍加以各國因歐戰影

響瘡痍未復自顧不遑粵漢工程益陷于停頓而已成各段之修養不能不顧已借各款之本息不能不付統由政府騰挪彌補此種支出可稱爲最不經濟者民國十年恭綽再承乏交部念枝節從事猶愈於束之高閣因擬先成株州衡州間一段手定四路協款辦法由京奉京漢津浦北寧每月合籌肆拾萬元爲株衡間工費不久政局一變遂又擱置民國十四年恭綽三長交通其時方積極從事關稅會議恭綽復建議應撥新增關稅十分之三四用於交通建設粵漢完工計畫卽在其內又未果行

首都南遷孫哲生先生長鐵道部時鑒於粵漢地位之重要全綫通車不容再緩遂於民國十八年設株韶工程局於廣州但資金仍然缺乏韶樂一段遷延未成而自樂昌至株州約四百餘公里山路崎嶇工程浩大觀成無日適中英協商庚款辦法解決哲生先生力主以大多數借與粵漢成爲定案英庚款董事會亦竭力相助民廿一鐵道部調凌君鴻勛總其事民廿二年借用中英庚款之議成遷局衡州以便居中策應歷任鐵道當局復進行不懈始得按照預定計畫分期施工（英庚款辦粵漢路其間與教育界曾有數年之爭執蓋教育界主將收入庚款用辦教育而鐵路界則主用辦粵漢路恭綽曾主各半支用或先貸與鐵路而以子金辦教育關君賡麟曾輯各言論爲一書茲事過境遷庚款支配久定恐將來亦無人憶及此事曾有劇烈之爭辯矣）加以凌局長苦心擘劃全體員工黽勉從事卒於今年五月將全線工事告竣論者謂斯路一通北可經俄以達歐洲南可通香港以出南洋一切形勢將頓改觀各國之羣相注目殆意中事目下世界風雲日緊以斯路之地位善用之足自爲謀不善用之或轉成癥結吾人固宜知所以自處而妥爲因應者矣

觀英人急謀廣九路與粵漢之接軌用意可見

一 粵漢路本身之一切以後不可不有通盤籌備也此節請分段述之

(1) 財政 本路以後之財政依本路總稽核高綸瑾君之一說帖似頗可樂觀但高君計算成本只就本路直接應還本息之借款而言其實全路之成本尙應加入下列各項一并計算

(甲) 向合興公司贖路用款

(乙) 湘鄂路公司收歸國有時經承認付還之本息

(丙) 歷年政府撥付各款其性質應屬於成本者(例如所付借款利息本路既未完工自當列入成本支出又歷來湊付新工之款如韶樂段工費等亦應視為成本)

(丁) 全路工程年齡相去懸絕廣韶段如嚴格折舊其財產至少須減去半數湘鄂亦然是借貸兩方均須重行估計方為正確以後如何整理調劑問題實至繁重

(戊) 英庚款用罄後政府尙須續撥數百萬元方能為初步之完工而南北兩段改良設備之費及中段充實設備之費尙不在內此亦皆成本之一部分

此五者如綜合計算不但成本之重為各路所無恐資產負債早不相抵蓋全路未通以前之三十五年無日不在虧耗中也故以後如一日未將以前虧耗填清即一日不能謂之獲利此點深盼當局及有關各方深切明瞭毋涉自欺此其一

(2) 設備 本路目下之所謂完工僅係指三段軌道可以接通而言其通常必須之設備尙多未備至如何方能充分擔任此大動脈對於政治軍事經濟文化諸般之使命則暫恐更說不到以中段固

限於經濟南北兩段則尤感陳舊與缺乏且紛歧也故全路新工暫時不能結束至少應再作一年之計劃以充實與改良庶以前所下之資本不爲虛費此其二

三段均無行車號誌電
話綫亦多缺其他可知

(3) 制度與人事 粵漢各段因創辦歷史不同沿綫習俗各異組織制度更復紛歧爲管理便利及發揮效能計必須重加規定爲統一之組織尤須適合本路環境以利推行本路三段員工既各有其歷史如何使之安心服務人盡其才尤爲應苦心研究之點往者津浦綫因借款故雖分設南北二局而權力固統制於督辦然一旦全綫告成南北合併猶不免發生無窮障礙至十餘年之久而後界限皆融況粵漢複雜情形較津浦爲甚處置稍有不當即易引起糾紛此尤當局所不可輕心以掉者也

一 政府人民對以後應有明切之鑑戒與計畫也此亦可分爲二者言之

(1) 以前遷延作輟之害本路成本之重已如上述此尙爲直接可見之損失其不可見之損失如政治經濟等遲三十餘年之發展復多三十餘年之變化其影響之惡實不可勝言設三十餘年前即能審情度勢統盤計劃本一貫政策迅赴事功則粵漢完成何致留待今日所惜計不出此忽而借款興築忽而贖回自辦贖回未久又再借債舉棋不定枝節橫生今雖勉強完成遺憾已難挽救懲前毖後竊願當局引爲鑑戒以後築路必須經濟人才先爲籌集然後依據確定政策以實幹快幹之精神從事一氣呵成斯粵漢前車或可裨益今後路政之策進者歟

(2) 以後如何利用斯路鐵路之作用及粵漢路成後於吾國各方影響之大無待詳述所欲言者則如何利用斯路以發揮其功用是已小之粵鹽湘米之互市年可減漏卮肆伍千萬元大之揚子江珠

江兩流域之生產銷費可以互爲調劑再大之則國際收支之平衡或亦有企及之餘地而國防政治之運輸亦自在其中私人事業之振興更在當然之列但此皆非專恃鐵道本身之事必須各方預爲計畫施設方可迅赴事機今粵漢即日完成而如何利用此機會之布置尙罕所聞殊深落後之感此尤不能不殷望於各界者也

恭綽侵尋老矣追念纔弱冠時卽參與發起商辦之局中爲當局經二十餘年之努力迄少成就至今日乃克覩其成其憂喜均有逾於常人者故不憚越俎而敷陳如右惟閱者鑒焉

中國建築展覽會上行政院文民國二十六年

竊本會爲喚起國民注意本國建築事業及供給專門學術參考起見特假上海市博物館及上海中國航空協會舉行中國建築展覽并假上海基督教青年會舉行建築演講聘請名人及專家擔任自四月十二日開始至十九日止凡八日綜計出品分模型圖樣材料工具書報五類凡二千餘件觀衆聽衆共三萬二千餘人足徵建築問題已引起國民深切之觀感本會窺度時勢默察未來知我國建築技術方值承先啓後之期而事業亦正逢擴張發揚之會顧有基本數點所不得不急事調整以利其發展者敢爲鈞院陳之

一各學校宜急注重建築教育也 近世科學進步技術精晉專賴專門教育爲之基礎建築之學事非例外近年國內因各項新建設年耗數千萬金從事建築統計需要建築師監工當逾數千而國內養成此類人才年不逾百全國公私大學之設建築科者現僅首都中央大學與廣州勤勤大學等三數處筆

路藍縷設備更多未完其中級專門職員之養成機關更未之見供需之不相應如此無惑乎建築成績之不良因以影響於一般建設之成績也擬懇請鈞院責成中央及地方教育當局推廣建築教育擴充訓練設備或於中央設立建築學院專精從事俾成材較衆得應事實之急需

一國產建築材料亟宜倡導也 查全國公私較新式之建築用料取之外國者殆占十分之七以上每年漏卮不下三數千萬元自十七年國民政府成立以來至今當已數萬萬元實爲驚人之巨額若不急圖補救將致日言建設而貧弱益增可爲憂灼按與建築有關之事業如鍊鋼製鐵製銅造林製木材製油漆顏料玻璃陶磁水泥磚瓦石以及諸般製飾直接間接均與國民生計有關亦卽利權消長所繫默察一般心理未嘗不知漏卮之可懼但國內產物實未足供其需要有時國產雖屬可用而經營不善拙於運銷遂致無從取給而工師與建築業畏難取便轉成習慣因愈以杜塞國產發展之途因果相乘江河日下設值非常之際危險更不堪言應請鈞院速通行京外各機關凡有新建建築務須儘量採用國產材料並飭下財政實業鐵路三部及各省市政府於設計經營運費捐稅各方面竭力扶助上列各項事業使之產生成立發展並監督其產量品質使之敷用合用庶利益可少外溢而運用亦得自如

一建築材料之標準規範應速製定也 查建築材料規範所亟應制定者不外品質與尺寸二點目下國內市場上建築材料品質之標準或依從他國之定制或由商號所自擬等次既極混亂名稱亦復紛歧尺寸號次更欠劃一如南京上海北平諸大都市雖略有規定然亦各自爲政並不統一建築材料品質之標準及名稱尺度乃若有而實無坐是之故不特建築工程之進行時遭困難且人民生命財產之

安全亦缺保障倘政府將各種建築材料如水泥木料鋼鐵磚瓦五金玻璃油漆等一一釐訂品質標準審定名稱劃一尺寸號次則各地制度統一劣貨次貨自難頂替欺蒙而出品商及計劃人與業主均得各蒙其益即工業上之危險亦因載重量任拉力等品質標準之嚴格限制而日益減少可斷言也應請鈞院即飭內政實業兩部從速訂定以示刷新而資應用

一國內各古代名建築應請飭下各省市政府認真保護也 查我國建築在世界上素具特長雖時代習慣現有變遷而可資模範者仍屬不少類如敦煌雲岡之石窟龍門之造象棲霞之舍利塔類皆表現民族之精神成爲文化之結晶且爲探討我民族藝術之重要材料近年我國著力現代建設於往古著名建築未遑多顧重以民間未知愛護毀損實多粵稽泰西古代羅馬競技之場希臘敬神之廟雖頽垣危柱而其民族遠大精神寄焉故建築遺物之保存不僅爲博物之助實以昭民族之德抑我國建築學上之當前問題爲應如何產生一種新作風既不徒事摹仿歐西更不因循自限而求所以適應國民習慣與現實生活並經濟現狀之途則我國固有建築之優點尤急待研究與參考應請鈞院飭行內政教育兩部中央古物保管委員會暨各省市政府對歷代著名建築及其遺物飭官民認真防護講求有效之措置勿得視爲具文庶文化經濟前途交受其益

一各機關關於建築之職務宜一律用建築專家並多予建築師以工作機會也 查建築師與普通工程師相似而實不同蓋建築之要素在安全適用美觀三者夫工程師(Engineer)對建築之責唯在結構安全而已建築師(Architect)則不然必更兼求合用堅固與美觀焉夫結構安全固亦要點但時勢

衍進事類頗繁建築物之必適合其專門用度已無疑義而地位經濟之考慮資金節省之策劃重以建築本屬藝術其格局方式卽所以昭示民族文化故建築師之服務不但供企業者之需於工務行政尤必賴建築師運其學識經驗監督指導一切以冀人民福利之增進今各地公私建築日新月異而詳加研考則衙署等於住宅者有之圖書館類尋常辦公廳者有之於合用堅固美觀之三大要件罕能兼顧又或迷信外籍建築師設計監工唯外人是求其是否適合我國之用及經濟與否固未之計其相因而至之多用外料阻抑專才等事實復爲必然之勢而各機關之主管建築者因乏才之故往往以外行或淺學者勉司工務行政致一切措置多失其宜監督指導更說不到故每年雖耗巨量建築之費而實未能予本國專門人材以充分施展技能之機會且亦無以促進建築事業之進步與改良擬請鈞院通令全國以後凡關於管理建築之職務應一律用專門建築人才不得仍以非此項專門者充數其公家建築更宜給本國建築師以工作機會勿輒用外籍建築師俾得琢磨上進蔚爲通才於一切新事業之發達所關非小

以上五者經本會大會一致通過認爲均屬切要之圖且於勵行新建設之今日尤有貢獻左右以供采擇之必要

中國建築展覽會宣言稿 民國二十六年

住爲民生最大四種問題之一近年我國因力圖建設其地位尤趨重要然自西洋建築輸入以來我國固有建築旣因之感受極大之變動而取長棄短猶未得一最後之結論因是建築格局每依不規則之

路線衍進雖變化繁夥而雜亂愈增求其獨出心裁表現特有之意匠者蓋極稀少至建築原料則由外國湧進源源不絕全國每年所費至少達數千萬元其關係民生問題者尤爲嚴重同人深感於是因有中國建築展覽之發起徵求模型圖樣材料工具書報五大類凡二千餘件假上海市博物館及中國航空協會陳列公开展覽每日並邀請名人及專家假上海青年會演講建築上之各重要問題以期引起國民之警覺與探討自四月十二日至十九日展覽八天每日觀衆輒數千人足證建築問題固已爲國民所深切注意矣本會依據開會之本旨并日來交換意見之結果深覺我國建築界之現狀若不亟圖轉變則時光易過金錢難得徒事浪費而不能創立本色之建築作風實爲國家民族文化之最大危機雖然及今圖之猶未爲晚而切實改革不在大言故特舉其最基本者數點經同人一致認爲要求社會注意政府倡導者申述如下邦人君子幸賜鑒焉（以下自一各學校宜注重建築教育也至於一切新事業之發達所關非小皆與上行政院文相同惟鈞院易爲行政院）以上五者經本會大會通過認爲均屬切要之圖應速呈請政府施行並希望全國同業同志一致贊助期早實現其社會方面應有之設施（如工廠等）並望積極預爲準備與政府之設施相爲呼應以完成建築界所負之使命謹此宣言

祝中國建築展覽會開幕

民國二十六年
代朱桂莘

本日爲中國建築展覽會開幕之期鄙人臥病舊都未能共襄盛典乃承吳鐵城市長葉譽虎會長函電督促以鄙人對吾國建築猥有數十年之研究屬表其所見鄙人固缺建築技能但對吾國建築的史之研究及內容之認識固曾爲長期深切之努力幸遇此機會不敢自祕謹貢獻並求教於諸君

溯清末以來我國受歐西文化之激盪一切制度改弦更張迄今三十餘載求促進各種科學進展之專門展覽會屈指所及寥若晨星不意數千年來素爲士大夫階級鄙夷賤視之建築學經籌備會諸君熱心規劃與各界之贊助竟有今日破天荒之建築展覽會出現洵可謂爲空前偉舉矣逆料此後全國建築界將因此次展覽會所示之優越成績觀摩切磋爲長足之進展鄙人年事衰落問學無成詎敢侈談專門之學然自創辦中國營造學社以來對於學社所負之使命與數年來研究工作之經過以及將來我國建築界亟宜舉辦之重要事項盤蓄胸中已非一日敢爲諸君陳之

曩者光宣之際鄙人廁身仕途適其時庶政維新百度改造凡所於役輒與將作有關因於宮闕衙署以及其他營造藝術之結晶流連謹識引起無窮之興趣以爲古代政教文物與夫社會組織民族生活無不由此可窺其起伏因革之痕迹民元以後日觀公私建設一唯歐風是尙舊式法規薪火不傳行將湮沒矍然引以爲憂嗣於民國七年於南京圖書館得覩宋營造法式一書始知八百餘年前有李明仲先生者曾出其畢生研究所得詔迪後人今日吾輩得以略窺宋代建築之厓岸進而追溯唐代規模者將唯此書是賴因與二三同志集四庫諸本悉心校印以廣流傳其後又以清雍乾二朝頒布之工部工程做法則例一書有法無圖讀者苦之復鳩集匠師依名物種類補繪圖釋至民國十八年受中美庚款會之補助乃由私人講習改爲中國營造學社

學社成立之始其唯一使命卽爲完成我國有史以來之建築史惟我國古今載籍浩如煙海爬梳整理其事至艱而建築爲造形藝術一切程式規模尤有俟乎實物之印證故研究工作分爲文獻法式二組

分途進行又以我國歷史悠久而建築物之本身又以易於腐朽之本架爲骨幹凡年代愈久者其文獻愈殘缺遺物亦愈稀少故無論文獻法式均採取由近及遠之方式先求了解清式建築然後上推元明追溯遼宋依例推求庶無旁鑿附會之弊至於遺物調查因材料保存年代之久暫宜由木造物推及磚石二類依氣候言則首先着手北部諸省然後推及長江流域以及西南諸省數載來社中工作循此方針已將河北山西等省遼宋遺蹟次第調查無慮數十之多結果所示自建築物平面結構外觀下逮裝飾文樣凡年代愈古者大抵簡單雄樸合乎實用而年代愈近者複雜纖弱板滯等病雜然并陳足證宋遼以來之建築時代愈近其流弊亦愈深故居今日而言中國建築似不宜僅以清式爲範也此次本社參加展覽會之出品卽根據數年來調查研究所得之成績誠爲宋遼以來木建築結構之解說尙希國內宏達不吝指正足爲厚幸

雖然我國建築具數千年悠久之歷史而遺物分布東自日本西達蔥嶺南起交趾北絕大漠欲整理此時間空間內之建築系統誠非易易今日吾輩所知宋以來官式建築之系統亦僅此期間內建築之一部就建築史全體言直無異滄海之一勺故同人等深感使命之重與工作之須賡續進行顧近歲國步艱危日增一日外之則強鄰壓境內之則荏苒未靖經濟衰落雖上述學術上之探求固不可一日中輟而關係建築界全體前途比較更爲重要尤宜促具合理之解決與迅速之發展蠡見所及蓋有三端曰建築教育之宜提倡也大凡事業之盛衰以人材爲轉移而人材之涵育又繫乎教育之發達與否際茲科學昌明之時一切建築計畫固賴乎經驗學識俱臻上選之建築師工程師總攬其綱而從事實際

營造事業及助理監工等員尤須受科學之洗禮備工程之常識與責任心然後完美計畫始得依之實現故居今日而言建築教育職業教育殆與大學教育同其重要惟國內大學專設建築系者現僅南京中央大學與廣州勳勤大學二處職業教育亦惟上海一隅較爲發達其餘殆均付之缺如適茲教育機構極不完全狀況之下欲求斯學之上進殆亦戛戛乎其難矣此亟宜提倡者一也

曰國產建築材料之宜獎勵也溯自歐風東漸奇觚日出建築材料幾無一不爲日新月異之科學產物遂至舶來材料充溢市場漏卮外注與年俱增近歲以來國內工業雖漸次勃興乃又無常設機關爲系統之調查普遍之介紹及其他獎勵改良之方策良足扼腕而國產材料強度未經科學試驗亦爲國人不能盡量使用國貨之一原因語云亡羊補牢爲日未晚不能不望政府當局與同業諸君急起直追同圖挽救之策也

曰民居建築之宜改進也建築爲人類生活之所寄託而居民建築又爲大多數人民居息之所一切有形無形之影響波及於國家文化與保健問題者至深至巨竊以爲苟今日而言建設似應爲全國大多數人民謀其福利苟言藝術亦應求藝術之深入民間普及民間不徒供少數階級之欣賞愉樂而已雖然我國幅員遼闊各地風俗習慣與乎經濟狀況懸隔殊甚而氣候材料宜於此者未必宜於彼故事前先爲縝密之調查務求建築之平面外觀及所用材料能適合環境能以最低費用達到改良民衆生活之目的夫然後大多數之國民始能接受科學美術給予之恩惠至於今日經濟制度之下所產生之里弄建築數十年來已由租界波及各地然此種建築無論在精神上或物質上均有改良矯正之餘地不

能任其自由發展又不俟言也

以上僅就偶感所及拉雜陳述無當大雅唯冀嚶鳴之誠幸獲麗澤之益則幸甚矣

擬印行蘇松太著述意見書 民國二十六年

吳越爲吾國文化中心垂及千年而先哲著述之彙刊則吳遜於越此非必有何特因特未及倡行而已近年江浙各地文獻展覽相繼而起先哲著述之未刊行及已刊而絕版者乃湧現羣聚於一區顧閉會之後聚而復散僅留一殘影於吾人之腦中且亦限於究心此道者能知其概略其他觀者目迷五色罔悉內容遑言研究殊可惜也夫今日董理流通先哲著述與玩骨董保殭石其意義迥乎不同已爲有識者所共認近年來本位文化自力更生諸意義播種頗深社會與學校亦痛感研究史地之必要總理遺教所屢屢詔示保存固有文化道德之說更浸漬而形成一種新意識基於此種現象吾人對於往昔文化結晶所遺留之產物之一部分（即文獻）實有助其保存發揮展進之必要先哲著述既占文獻之一重要部分應如何利用此集中機會使得充分供給羣衆之研究實吾人之所當有事邦人君子於此度亦計之熟矣綽曩忝與江浙兩文獻展覽於此感念至深以浙省各舊府屬幾盡有叢書之刊行而蘇省則常州太崑外尙從蓋闕故因蘇屬文獻之展覽而所望於蘇屬者尤切今度上海十二縣文獻之展覽則恰爲舊松太兩屬所屬因此擬合曩日兵備道所管二府一州之各縣輯印其有關著述以兩展覽出品爲基礎而更事蒐羅擇取菁英期成巨帙庶兩展覽會未畢之使命因此告完成豈惟一隅文獻之幸至進行綱要綽粗有計擬茲不揣固陋輒述於下惟同人垂教焉民國二十六年七月上海文獻會始

幕之第三日

印行蘇松太述著進行綱要

(一)名稱——定名蘇松太先哲遺書或蘇松太叢書

(二)範圍——以舊蘇松兩府及太倉直隸州所屬各縣鄉賢遺著或各方人士有關上列各地之著述爲標準

(三)組織——設一蘇松太先哲遺書或蘇松太叢書編行會主持選編輯校印行各務

(四)進行政序——(甲)集合熱心此事之人士先開一討論會研究一切進行方法(乙)推舉數人先就吳中上海兩文獻展覽會之出品加以甄擇編成初步目錄(丙)將此和初步目錄請專家審訂加以增刪其有在兩展覽會出品以外之佳著認爲應列入者一並補列再經若干次討論卽爲定稿(丁)前後所擬目錄均應分縣選編仍酌擬印行次序以爲印行先後標準(戊)印行之一切方法應於歷次討論進行時一並附帶討論俾目錄擬定時卽可將印行辦法同時決定開始進行

(五)關於選印之管見——(甲)遺書或叢書選目擬第一期暫以一百二十種爲限蘇松兩屬各四十五種太屬三十種(乙)印行之法擬分期從事每年三屬各出一集多不逾十冊少必及四冊其實際辦法由負責者決定之(丙)三屬可分別印行惟版式體例必歸一律(丁)原稿本之已清繕者或手書者應用石印餘用排印(戊)選印之標準除內容須確有印行價值外此外選印標準應依下列三項定之(一)未印行之稿本(二)已印行而絕版且印本罕見者(三)稿本或印本與他本

不同有特殊之點者（己）每年出版一集中著述者之籍貫及著述之種類宜略求勻稱（如有困難自不必盡拘）（庚）依上列計畫假定每屬每年印行八種左右三屬共二十四種左右則五年內可印行共一百二十種屆時可預擬第二期計畫永延不斷（辛）此項選印經費似可由省府市府縣府在省市縣之正收入或地方款產收入酌撥若干爲基金益以各該地方人士之捐助其數不必甚大但以確實有著及繼續有效爲最要書印竣後可以發售所得爲第二次印行之費惟青黃恐不相接又第一次必須先支現款故無基金不能動手又鈔校郵遞寄頓等亦不能無所需鄙意三屬各先籌銀一萬元應可敷用（壬）至主管此事鄙意應以各該地之圖書館爲主體例如蘇屬可由蘇州省立圖書館聯合吳縣崑山常熟各圖書館爲一組織松屬可由松江圖書館聯合上海寶山金山等縣圖書館爲一組織太倉則獨立組織或與他方如何聯係（癸）此遺著或叢書之會計出納須別爲一部分不與固有會計出納相混

遐庵詩序一

番禺葉蘭臺先生以雅儒能詩有名余居南昌日有少年數往來余家且從兒輩游則先生之孫字譽甫者也後十餘年見所爲詩有奇氣其合者往往自致於老成吾友梁節庵文芸閣亦數稱其詩吾以爲繼其祖以詩名粵中者必譽甫也又十餘年世異變多故譽甫乘時以功名自奮起曹郎爲大官卓有聲績而節庵方以忠憤致疾殉粵中詩人如麥孺博潘若海曾剛甫羅揆東輩皆先後顛頓窮困以死吾又以爲譽甫將益出其才以與時競當不復以詩人名矣二年前余客海上譽甫亦來南中數相從爲文酒之會譽甫雜儔人中操紙筆顰眉低首哦呻如書生時出奇句壓其曹然後知譽甫雖仕宦未嘗廢學其所儲於胸者固非人世齷齪事業所能盡而將終爲詩人以世其家也今年春余養疴潯陽江上譽甫將刊所爲詩若干卷再以書抵余請爲序回思曩時情事歷歷如雲煙過空不可攀追余旣老病譽甫年亦五十矣夫詩士之窮而不遇者之所爲也譽甫之遇不爲窮而且爲詩人以終然則遇固有時而窮而不窮者其惟詩乎吾又以爲譽甫未嘗遇而所以昌其詩者方無窮也辛未四月義甯陳三立

遐庵詩序二

庚午冬十月遐公且五十同人謀刻其詩不可殫之六七乃授稿蓋公於此事特矜慎恆自有所不足不欲表襮往予居章門聞公十四賦牡丹非美周所及餘詩悉俊妙早爲散原道希諸老稱許旣集楨芸齋所時公始及冠其氣凝寂其神冲穆其言名雋而簡遠私歎魏晉勝流當不是過越日得詩艸呼燈急讀出入八代陶鑄唐宋異采奇聲若孔翠鸞鶴翔舞一室讀至再四字字飛動亦極蕭瑟怪公英特不宜有

是將毋詩能窮人竟爲永例已予入京溷迹西曹公亦踵至入大學感於世變詩益淒異未幾有鄂中之游敝精講席詩漸減偶寄一二舉似社中諸子皆歎異才隲年入郵部有聲都下暇日與剛父堯生漱唐瘵公孝覺諸同社更唱迭和當其得意往往絕叫震屋瓦爲之舞蹈不能已屬有當道忌公才公乃發憤游海邦益究新法爲救國之要同人以詩送行惘惘若失歸國後振刷路政井井有緒泊長交通喜公得行其志將與周之尹吉甫唐之張子壽清之陳午亭李容齋後先輝映而公厪懷民物心未嘗一日少紓間有所作憂多樂少人益莫測其蘊無何兵氛熾烈天地晦冥予欲歸鄉亦勸公買山偕隱公笑謂予天下豈有桃源君勿憲語自茲以往荆棘彌野無一乾淨土乃服公能見遠予惜於世法有所滯有所苦公輒一一爲之釋蓋性命相契不獨在詩比年益感於身世并詩欲廢然舍詩益無生趣憶予舊稿失於廣州造物固若爲予藏拙而重校公詩牡丹之作既不可覓近歲酬和諸篇亦多散失茲集之刻良不可緩雖然子瞻論詩以人所不愛爲難厪厪以此許公擇餘無所聞茲集方刻士多介予乞分餉因知公詩尙未至不爲人愛云何入於無朕遂至人我俱泯政恐子瞻公擇未必共證惟牛頭融見四祖後天人花鳥皆不至宛然此意予鈍根無可言祝公彊健更以定力游於詩外與融相遇亦與融相忘乃至不能名不能讀愛不愛又爲剩語請媛二集歌於無人之境新建楊增榮

遐庵詩序三

友人刊玉甫所爲詩將成屬序於余噫余蓋不能序玉甫之詩也卯角昆季之交而少而壯今垂老矣其間悲歡離合執筆不能不嬋媛牽引雖累萬言猶且莫罄抑徒傷吾兩人心則何爲者無已嚴爲限斷隳

括論詩余於今人詩無所可也而獨重玉甫非阿好也茲緯有云詩者持也持人情性玉甫情性獨真迥越時流詩自與時流異也抑玉甫迭筦要政勳施燦然顧政事之才實多藏而未竟其用乃若其詩洵訝美矣要之自歛其才者仍多猶之其於政事也此意惟余知之度玉甫必不謂謬夫何以如是則亦相與含笑無言而已共和二十年元日萍鄉文永譽

遐菴詞序一

語中國之學術其莫小於詞乎士夫出餘力稍習爲之以陶冶其性情而遠於鄙倍斯亦無愧於大雅之林矣三四十年前佻薄之子見人之能爲古文者則譽其小說人之能爲詩者則譽其詞譽人者其意實相輕受人之譽者非怒於言則怒於色以小說之賈不如古文詞之賈不如詩也自頃歌曲盛行庠序之子非學詞無以卒業此亦足以覘運會之升降矣而又定於一尊驅天下之才智咸趨於質實之一塗而束縛之以四聲此猶作文而專學樊宗師作詩而專學李長吉所詣卽甚深至適足示人以隘焉耳詞家之聖莫聖於柳周樂章清真全集具在其於四聲或此闕與彼闕之不同或前徧與後徧之不同甚至全句平仄互易而律自諧蓋工尺祇有高低無平仄字之平仄則工尺之高低可以融之使聽者之耳與歌者之口訢合而無間焉詞云詞云四聲云乎哉番禺葉裕甫博雅嗜古有名於時其曾祖父蓮裳先生祖南雪先生兩世皆以詞鳴自其垂髫濡染家學卽能爲詞而所爲又輒工中歲從政出而膺國家付託之鉅時或作輟迨流寓江左避兵香江而所作乃精且多新建夏映菴爲選定得如干首顏曰遐菴詞稿刻既竣而以書抵余曰吾詞之平凡丈之所知也於多事之秋而爲此不急之務又無謂也顧念詞學淵源

關係之深無如丈者丈其爲我序之余少時客嶺南從吾師南雪先生學爲詞師所居越華講舍有竹木池亭之勝後堂絲竹余與潘蘭史姚伯懷恆得與聞今潘姚並逝舊時講舍景物已非數年前過廣州輒徘徊布政司後街低徊而不能去初見裕甫才十一二歲余所學百無一就而裕甫亦年過六十矣裕甫平時常病詞家縛於聲病逐末忘本雜乎人而彌遠乎天欲求各地風謠合之今樂別爲新體以接風騷中承樂府後繼詞曲旁紹五七言詩而爲羣衆抒情寫實之用此其識爲甚偉而茲事體大非國家設大晟府得美成者流相與揚挖而徒恃一人手足之烈則終無以觀厥成今茲所存之詞誠不足以盡其百一若更出其所學大之若葉大慶之考古質疑葉適之習學記言次之若先德石林公之避暑錄話又次之若葉盛之水東日記其爲沾溉來學流布更廣盍亦董而理之乎因序遐菴詞一及之欲使世之讀其詞者知裕甫之學無所不闕而詞特其家學云爾癸未正月如皋冒廣生

遐菴詞序二

周止菴論詞謂北宋盛於文士衰於樂工南宋盛於樂工衰於文士余嘗深味其言以爲確論然反覆思之北宋詞非不被諸絃管余於其言又致疑焉夫文士製詞樂工製譜自漢魏樂府以來皆若是製詞者不縛於律故常超妙製譜者不妄竄易斯盡能事東坡不諳音律者固亦有入樂之詞者卿自諳音律者有井水處皆歌之矣其惡濫之語爲世訾警庸非出自樂工之手耶是則製譜者有優劣之判耳止菴之論猶有未盡也近頃余與葉君遐菴推論及此欲溝通今古令宋詞歌法復明於今日今樂且克與之合流而遐菴太息於世無作者製曲至難且以學力不逮爲憾夫以遐庵之才之大何所不可顧此之責不

在文士而在樂工吾曹但當闡明樂學使工知其理可也矧君乃自稼軒進而爲東坡之詞者其趣在得天之籟固毋庸斤斤於較音比律者哉余與君皆曾從萍鄉文芸閣學士游君爲詞最早其詞旨蓋承先世蓮裳南雪兩先生之緒而又多本之學士晚年益洗綺羅薌澤之態浩歌逸思恆傑出塵壒之外而纏綿悱惻又微近東山此甲稿所存少作汰其泰半大抵十數年來退休林下之什也余嘗謂稼軒豪邁師東坡凡言蘇辛者皆知之矣豪而不放稼軒所不能也或知之或不之知其雄姿壯采穠麗婉密學於東山則未有知之者又嘗謂東山詞世無能爲者近世詞人間惟君之才氣爲最近君遜謝未遑昔陳后山謂東坡以詩爲詞如教坊雷大使之舞雖極天下之工要非本色陸務觀亦謂其不喜裁剪以就聲律至於東山則莫不以爲作家者君年六十有二猶若四五十許人精力過於流輩達茲一間猶反掌也豈遑多讓哉然則製詞以合今樂又非君所難矣壬午仲冬新建夏敬觀序

遐菴彙稿

中編 詩文

番禺葉恭綽遐翁

詩

蠶十五歲作

衣被滿天下誰能識其恩一朝功成去飄然遺蛻存
作繭忘軀命辛勞冀少功絲絲雖自縛未足可憐蟲

昭君 以下丙申至丁酉

君恩原不薄妾自誤紅顏惜別戀金闕

此解請行
之誣也

含情臨玉關報漢且無計從胡終未還惟應一青塚終

古動人間

春夜與徐木君談話

孤館黯相對悄然寒氣增鄉心歸夜鴈人語澹秋鐙滌悶餘詩卷忘懷况友朋今宵林外月幾點露殘棧

夜坐

蹤跡翛然野人家漸覺此心盟幽遐異書數卷悶古魄冷水一瓶開野花沈沈秋氣正逗夢謾謾清風宜
煎茶青鐙對我兩無語起見戶外松陰斜

小遊仙

渺渺諸天寄大羅仙娥齊唱紫雲歌滿身風露立無語手結雲梢下絳河

馭氣乘風路不迷，千尋直上有丹梯。如何阿母瑤池會，猶藉周王八駿蹄。
水晶簾外絳霞明，仙侶傳呼下碧城。萬頃紅雲圍不斷，隔河吹徹鳳簫聲。
織女機絲耀彩芒，盡招星斗入文章。銀河萬丈無情碧，叱起銜梭白鳳凰。
聞道嫦娥有秘書，五雲深鎖護樓居。洞天瑤籍何人管，乞與仙家作蠹魚。
丹房雲帳鎖烟霞，色界人天認未差。我厭仙踪還擾擾，獨騎孤鶴踏梅花。

夜起對月不寐

遐思生獨步，却值暮鐘聲。俛首矚墮影，欣然思月明。憑軒正延爽，復此幽蟲鳴。
歷宗據梧想，盈虛心漫驚。

北征

別緒橫塘曲，遊人落葉裝。共誰行萬里，強自醉千觴。病態勞還減，鄉音遠漸忘。
劇談欹席帽，期汝共輝光。

春草

黯黯平蕪入古原，關情還自引王孫。天涯不識春來路，夢冷宮車舊碾痕。

感興

孤吟何太苦，永晝掩荆關。鳥不妨人至，花如對客閒。風光濃淡裏，詩思有無間。
近悟林泉興，尋幽待往還。

夜坐

空庭獨樹隱歸鴉，珠箔無聲濕露華。十二回廊清似水，夜深孤月守梅花。
老樹如烟壓一庭，交枝花影正冥冥。一天詩思涼無語，負手長廊數暮星。

除夕守歲作

流光難挽去如塵珍重臨歧意倍親情到無聊還爾爾事如可例總陳陳深宵燈火兒時影鬧歲人家別樣春更想明朝風雪裏折梅來認去年人

偶述以下戊戌至己亥

寂寞楊雄宅牢愁可奈何蕭蕭黃葉晚清景閉門多冶思窮愈遠秋心夢屢訛通誠應見肯江上有微波

春日感興

新晴十日放猶慳凍合香塵渺莫攀一笛疏風度寒月半簾微雨畫春山夢隨雲水參猶嬾身役鶯花夢倍閑臥對小桃紅欲語爭教狂態不能刪

卽興

弱緒迷春影初機理病關無聲花解語不動鳥同閑草長當新恨烟曉媚曉鬟風光忘異處瑣瑣小庭間

述志篇

幽蘭媚空谷抱秀留餘芬鸞皇處深山毛羽固不羣吾生秉幽奇昭美緣所欣中情役外感哀樂逾衆云俯矚睇橫流惜哉難立懂行藏貴用適休復滋疑鑒亮無黃石期側足樹明勳負笈返田里清風揚典墳喧曦能幾時惜此將斜曛生當爲澗水沒當爲嶺雲閨門深九重狂犬何狺狺采芳重徘徊終冀遺夫君

春事

絮閣凝雲重花梢轉日遲寄言鵲語苦休傍上林枝

言懷寄文公達

東風吹百花紅白各成色娟娟白媚景生機亦云得亭毒似大造伊人豈異力如何一墮地憂患轉相逼
哀樂永無常生機幾云息智能成陷阱文字變蠹賊有若纏絲蠶宛轉不可極世人苦未喻心骨自鐫刻
我欲執混沌七竅爲我塞我欲驅蠹魚六經爲我蝕縱慮理天和冥心全靜域形骸付土木何論知與識
庶以養生生永臥和神國

來日貴如寶去日賤如埽俛首睇流光生機何草草弱齡驚衆志壯緒傾華藻春感而秋悲感然紛在抱
修途悵遐赴象構意先造屏欲崇內觀研心事幽討寧惜十駕功坐致千里道

賈生年十八文采動吳公獻書金馬門三策何隆隆高賢邈談笑指顧生英風嗟予植虛薄率志暫驍雄
強凌丁末運雰雰交寒空城市斥腥羶惡氛逼五戎諒無五餌奇冲天挽長弓掩卷終歎息盛年慚與同
南榮有嘉樹枝蔓大十圍小草附其根美蔭得所歸一朝風折樹草亦亡所依其旁一叢竹青翠何菲菲
勁節固無恙生意凌蒼微寄意依人者立身安所希

艷陽十里郊薜蘿漲空碧大隄多遊女春風盈紫陌採青將貽誰含情各脈脈弱顰傾秀影微塵步香跡
所思殊未來榛苓渺相隔湘波湛千里齊望暮雲碧落絮隕孤春涼鐙照華夕寄語倚樓人殘鶯怨簾隙
一日新相知一日萬相思微波不可極弱顏難通辭豈無鳩媒至風烟安可期引蔓故不長慎勿使離披

紀懷集李義山詩

獨背寒鐙枕手眠樂遊園外斷腸天西樓一夜風箏急祇是當時已惘然

爲有銀屏無限嬌碧潭珍重駐蘭橈春風自共何人笑莫損愁眉與細腰
密鎖重關掩綠苔長眉畫了繡簾開低樓小徑城南道安得好風吹汝來
柳絲相憶定章臺碧沼紅蓮傾倒開見我佯羞頻顧影不知香頸爲誰迴
八字宮眉捧額黃忍寒且欲試梅妝誰言瓊樹朝朝見不信年華有斷腸
玉匣清光不自持相思枝上合歡枝柔腸早被秋眸割莫遣佳期更後期
鸞扇斜分鳳幄開含羞迎夜復臨臺嬌熏蘭破輕輕語不覺猶歌起夜來
對影聞聲已可憐微香冉冉泪涓涓更深欲訴蛾眉斂錦瑟無端五十絃
枉破陽城十萬家不教容易損年華春牕一覺風流夢笑倚牆東梅樹花
杜蘭香去未移時龍護瑤窗鳳掩扉虛爲錯刀留遠客高唐宮館坐迷歸
莫枉陽臺一片雲當壚仍是卓文君更無人處簾垂地兩兩鴛鴦護水紋
香爇燈光奈爾何嚴城清夜斷經過身無彩鳳雙飛翼一夜夫容紅泪多
五更鐘後更回腸不遣當關報早霜惟有夢中相近分雕文羽帳紫金床
碧雲東去雨雲西待得郎來月已低幾日嬌魂尋不得赤簫吹罷好相携
相見時難別亦難豈知孤鳳憶離鸞禿襟小袖相逢道不敢公然仔細看
定子當筵睡態新銀屏不動掩孤嚬誰知一夜秦樓客家近紅蕖曲水濱
珠簾不捲閱江樓同向春風各自愁空留暗記如霞帔好好題詩詠玉鈎

自遣

幽情如柳絮沾着苦難分
了了悲歌意茫茫惜誓文
心肝誰可奉夢寐若爲羣
落日招山鬼騷魂或是君
吾生有奇淚不灑向人間
寸睫交千古雄心落百蠻
三生難換骨一士或移山
大海波濤湧塵鷗惜素顏
適意漁樵狎心閒體轉輕
谿山春掩抑風雨客逢迎
短笛虛廊迴幽花小閣明
應憐避秦者隨分足躬耕
六月鵬搏息千金馬骨寒
幾人看落葉清夢憶長安
露重憐衣溼霜清逼歲闌
夕陽容易下獨立幾回看

自題攝影

舊時顏色見衣冠錯愕還疑夢
裏看十九華年飛電速萬千
心事刦灰殘昂藏獨鶴形空媿
老死枯蟬淚不乾回首東南看
晚景擬將天地入憑闌

人事牽率學殖荒矣偶賦一律以自策

踵息已驚吹野馬文章何意悔雕蟲
自携奇淚臨風拜恥向名場學步工
八表塵昏雙鬢綠百年心事燭光紅
酒闌試撫頭顧看還恐飛揚是夢中

無題

霞慧烟脩憶舊盟素心紅怨澹三生
柔情似水都無迹短夢疑雲恰有情
弱絮空江悲宛轉橫塘舊路怕經行
東欄一樹垂垂老尙憶鄰家早晚鶯

春暮過某氏廢園

平蕪漠漠罨輕陰曲檻重簾望裏深
十里清泉在山志一坏黃土葬花心
新蒲細柳春誰主早燕初鶯怨

不禁曾是昔年歌舞地荒寒池館怕登臨

有譚珠江風景者賦此畱之

黃金消得買華年心字成灰夢儼然一自釵分桃葉渡更無人醉杏花天出泥蓮子偏憐惹學舞楊枝欲
化絲慚愧珠江今夜月二分偏照那人邊

輜輶

輜輶一夕降來訪蔡經家翩爾凌風肇乘之貫月槎此心如木石彼美屬烟霞憶否璇宮裏緋桃一再花

寄懷徐木君

夫子今時彥東華佇佩聲一行今作吏五字尙長城人海徒揮手哀歌不自名向來桃梗意飄泊問浮生

感述示愛甫

閉門十日坐陰雨失喜開門一見君花外夕陽餘短景袖中冰雪得奇文鉗錘共愧機鋒鈍鉛槧仍輸校
錄勤莫上高樓歌惜誦人間風雨正紛紛

彼美翩翩可晤言幾多芳思託蘭蓀偶然世界入吾想剖却微塵誰與論入世周旋甯我法此生憂患亦
天恩多情不作王郎死對此茫茫總夢痕

鷓鴣鳴時草不芳何須詹尹卜行藏露車忍發王尼歎歧路終憐阮籍狂盡道中流能擊楫誰知東海竟
成桑相看却恐人民異華表歸來鶴夢涼

凍蟄吾心慘不春悲哉天氣入蕭辰一身肝膽能酬客絕代嬋娟祇誤人未必出山皆小草從來凡爨惜

勞薪閉門種菜尋常事莫逐青袍誤隱淪

去歲讀玉溪生詩十八年來墮世間一首戚然有感意欲卽其語衍成數篇牽率未果今年十九矣

馬齒徒增衣難整偶檢玉溪集適復見此詩爰卽其語續成四絕

十八年來墮世間消沈青史又青山蓬萊高浪人間是誰向銀河取石還

十八年來墮世間霞光還滿舊松關蓮驍拚費三千注博得靈妃一展顏

十八年來墮世間風花結習未全刪偶然說得消魂偈催起鴛鴦對白鷗

十八年來墮世間些些花鳥笑春慳寒山桂樹三千本不比淮王招隱閑

將之豫章留別諸友

恥將灑淚說分襟環海波濤望眼深漫說魂消當遠別可憐絃急爲知音繁霜有奏寧辭曙明月入懷何處尋夢到郵亭相款語寶刀一握少年心

渺渺河山眼倦開深秋旅思莫登臺孰云燕雀能知志不信驂騑有盡才腐史名山方盡覽楊朱歧路漫成哀祇愁西下牂牁水比似回腸多幾回

過虎門

碧海沉沉水氣渾魚龍怪駭月光吞輕衾殘夢朝初覺一夜驚濤出虎門

香港舟中贈胡枚仙煥

屠釣江湖託興新分明此意在風塵眼中今復見吾子物外何期得此人執手旋爲歧路別論心差比故

交真我行正過君鄉里他日相思互愴神

尊前空覽九州圖消息驚傳一歎吁樂府漫歌新手爪故人誰贈好頭顱清宵蟬奏哀聲急大澤狐鳴夜氣孤潦倒乘風舊雄略昏鐙細雨看陰符

與枚仙登九龍山

滄波落日水沄沄下界樓臺蜃氣昏攜手九龍山頂望忽驚秋色下中原

吳淞

對出青林隱霧疏隔林邨舍點鐙初江流喜得無關鎖淺泛螺舟看打魚

獨酌有感

落葉蕭蕭掩短襟江亭日暮且孤斟分明此意陶潛解獨折寒花過菊陰敗壁昏鐙饑鼠鳴風驅萬馬戰江聲夢中只當風幡動塵世何爲多不平

淹滯九江且將旬日賦此遣懷

孤館霜清惜歲闌梅花慚映遠游冠黃河遠上清歌渺滄海橫流道路難芳徑鳥呼泥滑滑扁舟雪阻夜漫漫郵籤節節程留滯似歷秦山三百盤

乞友人惠箋

主人肯惠好牋紙借問兒童取得無我媿籠鵝王逸少山陰十萬乞官廚十樣似從蠻部造四愁難藉浣花傳明牕髹几相料理待下楞嚴百二籤

自上海至九江途中有作

秋色無多中畫屏
飈輪千里夢中經
三山天外疑招手
五老雲中少定形
環海癡龍愁未醒
遼天白鳥幾揚翎
新詩漫當漁歌讀
恐有鷗夷水上聽

有見

銅街隨伴踏芳塵
魂逐流萍過小津
大道朱樓憐倩影
二分明月借全身
矜持弱態回波語
領略閒愁對鏡顰
無分窺簾同燕子
罨眉光景望難真

寄懷桂東原十丈沈木庵三兄

隆冬凍冱蟄百蟲
蝸居擁鼻吟悲風
此時意驚忽萬里
直落佗城人海之
廬中曲房微微鐙
火紅狎朋三兩圍
鑪烘微言清辯入
無間談天說鬼聲
隆隆丈人顧笑丹
霞容高踞師座摧
元鋒香烟裊裊人
意慵我時魂夢疑
追從宵深月白涼
惺忪人生此樂爲
最濃誰知獨坐抱
孤影離羣遠適今
在東湖東憶別君
行握君手低詠君
詞香在口衣上春
痕化雨雲笛中怨
曲翻楊柳非關行
役難離別祇恐年
華拋擲久竭來邸
舍承懽顏切切烏
私鄰前剖周旋稍
息行李困游衍還
思竹林友長途行
稿頗不惡準擬因
君發荏扣丈人與
君有深契追逐雲
龍渺先後嚴更清
夜相對語儻念我
時相憶否芳邨晚
色濂泉水回首良
緣竟非偶明年丹
荔荐新時待我郊
亭一壺酒

憶白雲山晨景補作

朝寒山館夢難成
開戶欣延野氣清
絕壁烟嵐懸日氣
下方墟市送人聲
縱橫路遠棋枰出
斷續泉爭琴

筑鳴忘却置身高處早倚闌閒看海雲生

聞雪朋病革歌以哀之

人生不祝死況在朋友行吾之與鄭生憂喜何殊常窮冬擁爐坐懷人心旁皇旁晚得家書開牋亟哦將
中言鄭生病兩月不起床醫藥愁無資少婦啼空囊蘭息僅絲屬梗逆還相妨憶我十月時臨歧登君堂
君時病新瘳步履猶未強知我將遠行眷眷言語詳戒我慎行李憐我凌冰霜送我出中門三步猶回望
寧當遂決絕此景何由忘方盼君得男聊紓憂鬱腸誰知珠胎兆翻成金瓠傷圓穹何不情備毒一身嘗
幽冥路憺黯黃沙天茫茫或少得佳趣勝於冠蓋鄉儻其登玉樓趨侍阿嬭旁足慰罔極心懽喜殊未央
君母夫人何不陳微願籲天遣巫陽人世苦狹隘窅阱交籬牆君竟舍之去爲計良相當祇恨旁觀人俛
去歲逝世仰增悽惶我今作此詩息壤留廣桑明年君若在我返珠江航執手一輟然定復驚吾狂達語多苦心吁
嗟朝露光

唐高祖起兵緣私以晉陽宮人入侍此宮人亦開國元勳也而史不表揚戲爲補一律

別殿嬋娟質開唐第一功不因私入侍何以遽興戎枕席機深祕滌涎禍始終可憐陪輦夢秋草老深宮

庚子元旦

是年二十歲 以下庚子至辛丑

鼓吹千家沸鐙花此夕殊舉觴藍尾酒弄筆紫毫書弱冠驚心速新光切眼虛乘除休讀易滄海小酣餘
草草熏風拂孤春破雪來街衢爭雨露草木且根芟佳氣思前路模情失短才餘寒不必歎湖岸有新梅

游仙

赤羽吹簫路青溪蕩槳羣荷衫一身雪梅鬢兩重雲愛尋紅線傳自寫紫泥文手折芙蓉立輕風披畫裙
小喫雕菰飯初停織錦機守牕鸞翮鍛駕輦鶴衣肥偶悵蓬萊淺言尋濛汜歸扶桑三匝繞烏鵲又南飛
別館薔薇起澄波菡萏通微涼猶殿角消息且牆東綵縷邀雙燕雕床閉九龍千年紇干雀一對可憐蟲
十二碧城憑青霓望太清長星無酒氣子夜有歌聲黃鶴樓中見金鼇頂上行天風何意思吹下許飛瓊
三百級丹梯迢迢月又西瑤屏驚犬吠瑣帳怨鸞啼會見銅駝矣誰乘赤豹兮神仙難自遣空有醉如泥
還丹成小劫轉綠惹相思甲帳何時返牙籌徹夜馳青葱嗟玉樹黃竹怨瑤池狡獪偷桃子何因發酒悲
寂寂凌霄殿飄飄入海槎綠章春委曲寶扇夜繁華待漏雲廊杳聽笙月府賒紫宮三十六縹緲白楊花
縮地矜仙躋乘雲縹帝鄉幾聞龍割耳愁見鼠拖腸竊藥虛房冷療饑寫韻忙坤靈天上牒誰是善鴛鴦
玉齒空騰笑黃精剛未休閨風虛縹馬銀漢憶牽牛露隔誰傳語雲深不貯愁好憑龍虎訣重訪鳳麟洲
祕笈徒朱籙輕塵幾黑灰烟霞成市道鷄犬溷仙才五嶽圖難佩三山船引回金莖多露液可賜侍臣杯
玉女三千博銅仙百尺盤蓮壺飛電笑竹屋肅光寒鈿合長生殿靈旗太乙壇蜉蝣知幾輩顛倒相風竿
寶瑟絀朱絃蓬瀛別有天三清塵似霧十賁字如烟滄海難爲水璇宮不計年金童侍香者靈液可能傳
三疊舞黃庭崎嶇下玉京青鸞憐謾語白蝠訝成精烟艇紅螺逝銖衣彩蝶輕丹砂南海少愁絕葛洪行
三晨棲逸地六著往來身馴鹿扶行杖飛鳧認列眞瓊花殘后土璧月老臨春淮海微禽歎吾生郭景純
碧杜紅蘅裏風鬟不可摹洞庭誰叩橘漢浦又遺珠湛湛湘江水盈盈車馬趨未須愁虎豹百字佩神符
哭雪朋焚以視之時值夜午

銅莖颺撼古簾開
蘭燼幢幢絲影來
凍蓮冰箭坐不澈
惱煞街鼓殷沈雷
申章薤歌闋連環
悵無絕紅簷
太古馨紺榭一團雪
霜寒愁重帖胸臆
芙蓉萎死青霓缺
帝扉綿綿闔金鑰
苔荒糾蔓壓秋骨
珠露霏塵
兩明月帑灰白冷
翫翫起妙相翻光
動眸子嶺雲粵樹
二千里絕散紅絲
不能理

和友人詠史

鴻鵠飛將逝蝦蟆跳不羣
巷謠曾雨帝寶籙又天君
狗脚紛綸異龍潛灑落聞上林
楊柳好鄂杜起輕雲

題李易安三十一歲小像

黃花人瘦鏡中顰
可是丹青自寫真

易安能畫

我若妝臺稱侍史
風前應作捲簾人

當時闌語太悠悠
豈有佳篇餉汝舟
一例流傳輕薄甚
更言月上柳梢頭
啼鵲感慨舊山河
漱玉哀音均轉和
吟到衣冠南渡句
風雲氣比女兒多

感事

錦水雙鱗託蹇修
誰言夫婿足封侯
春來怕有新楊柳
遮斷當時燕子樓
裊盡香鑪散曉烟
更無錦瑟數華年
新詞唱遍張三影
天遠藍橋總杳然

聞雁悼雪朋

雪朋一名鴻賓

賓鴻歲還往君去無還期
一夕江南聽經年
泉下悲稻梁嗟瘁羽
增繳痛連絲
何取爲名字
哀音訴阿誰

雜詩

匆匆劍氣赴黃塵
廿載心期悟後春
多少新詞聽不得
天生風雨葬才人

懷鄭雪朋

大夢醒來會有期，鬼門關外浩歌時。
月明寶漢茶寮路，露冷星寒有所思。
聞道孤嫠哭暮天，聲聲辛苦愴啼鵑。
不須幻憶閨房樂，十載牛衣悵昔賢。
堅冰寒月倚聲愁，誰識人間竟暮秋。
鏡裏華顏堪證否，輸君醒眼看橫流。

最無聊賴是才名，兩字頭銜誤隔生。
脂欲消除文字海，天花深處共君行。
世間何物是奇才，邱貉儒風亦可哀。
百載心源習齋接，眼前平立過風雷。

偶感二首

俠氣飛揚未可無，閉門誰擬著潛夫。
明明肝膽光如雪，照見寒花二月枯。
擲碎天南玉一枝，瑤池飛羽動春澌。
詩家總愛斜陽好，古屋荒隄又一時。

送客二首

堅冰如屋塞黃河，玉騎排空敗甲多。
辛苦長年守江浦，北人不奈奈風何。
陽臺雲雨太虛無，楚客荒唐宋大夫。
但向巫山識神女，獻譏原不畏登徒。

有贈三首

機杼依稀認報章，填河虛費鵲爲梁。
料應不憚牽牛妬，二萬金錢肯代償。
剗腸何處覓蝦蟆，慚愧官私一笑譁。
幾日輕雷池上雨，微雲虛掩白蓮花。

旭日條風取次催，一重金粉障樓臺。
東君可奈頑蜂蝶，占取殘香日往回。
難共湘纍哭九閭，且隨廣武望中原。
一林葉落知風急，四野雲歸識暮昏。

有寄

銀燭金樽掩繡幃，四年前事夢依稀。
休言濁世佳公子，且號人間大布衣。
鬱鬱佳城何處埋，安心先署小眠齋。
人生只合春前死，或者游魂化蝶來。

雜書三首

團團幽氣上羅霄，難得巫陽賦大招。
昨夜夢中行跡迴，一雙青鳥扇春潮。

花氣薰成文字禪滿簾香影半罍烟人間樂處剎那過爭得安牀一美眠

留與他人惜少年誦君詩句重潛然空王覺路何從啓未必翻爭塵世緣檢雪朋詩

珍重菱花護少年綴庵詩句亦翩翩傷懷釧動花飛際好月何從得再圓贈孔熹白

塵塵書卷重披尋涕淚臨風惜此心如此江山竟遲暮登臨青眼費沉吟有感

更無奇氣耀蒼旻卻少閒蹤對白雲草草新詞歌淥水未應愁絕顧梁汾懷養原二首

誰言孝伯當情死未信嘉王有酒悲借瑣耗奇偏一法小窗鈔遍治春詞

繞隄花柳洗塵顏羞着綃衣挈野鷗最是烟雲多變態照人明滅有西山春遊二首

憶昨吾過鐵柱宮丹甍傑閣迴浮空江河今日驚濤沸神劍何由制毒龍

飛花飛絮不分明一片津橋杜宇聲馬上何人過鄠杜詩心愁絕玉溪生讀玉谿詩

天涯消息幾知聞裙屐春山念夕曛猶勝稻梁謀食苦雁行相失萬里雲寄道生兄廣東

計車風雪入長安空向紅塵覓冷官太液烟波玉橋柳征衣贏得避春寒寄木君京師

道旁揮手幾風雲佳氣西山日又曛多少英雄窺冷眼舉杯爭拜可兒墳道旁見

從來盜道說莊周漫把行蹤擬竊鈎有道祇今何止五問渠何處覓封侯

季春四日日大吉梅子開樽稱壽觴我似遙天一病鶴翻翻無計舞華堂斐猗生日余以病不克與賀敬贈二絕

同爲天下好兄弟君長於余七月強弱冠蹉跎成一歎萬言空誦漢東方

百言鬱鬱太煩紆蕩氣回腸信有諸過眼煙雲多變易胸中邱壑近何如得劉未霖書却寄三首

胸中邱壑亦煩紓，浩想難平歷劫初。試取山河窺兩戒，一螺紋上走方輿。

新詩一字一夷猶，繫缶鳴鳴古調幽。誰分傷春有臣甫，新蒲細柳曲江頭。

憔悴春魂逐落紅，綠章潛許叩天工。人間多少愁花草，不在羣芳舊譜中。晚春過百花洲

薄暝茶甘破睡時，閑調硯墨寫新詩。西窗恰喜無遮隔，靜看涼風動綃絲。薄暝

輕紅疏雨委深泥，樹樹驚風日又西。撐盡人間漁艇子，祇今何處武陵谿。欲觀三村桃花未果

憔悴江南五月春，不成歌舞但浮塵。請君鄭重爲霖想，帶水拖泥大有人。積雨甚悶連旬不解賦此以訊雨師

偶感

手把碧雲賤寥天，思渺然鳥喧梅子雨。人隱藥罏烟目想，追皇古身閑。愧壯年望雲空欲語，春思費雕鐫。

不寐追懷雪朋時卒後五月矣

虛窻涼月恍知聞，猶似連床坐夜分。每念孤蹤都類我，却憐短夢忽逢君。青衫終古餘殘淚，吟魄何時上

白雲。料得空山寒食苦，春風慚對女兒墳。

晚晴

忽地起看雲，牕光宛宛新。繞階成獨想，薄暝易懷人。天淨虹爭現，風高鳥失羣。驟寒吾未恨，洗盡六街塵。

雨後雜感

積暝天如墨，時時臥讀書。忽疑光大放，忘是晚晴初。

拋書喜出戶，簷溜鳴殘注。負手看行雲，隨風何處去。

樓閣閉紅紗春驕定子家晚霞迷淡月小蝶媚疏花
三樹梅花屋娟娟靜態新高寒誰早起記取折枝人
紅萼爾何言春風三嘆息借問百花魁寒香好標格

春日雜述同公湛

屯陰釀庭戶几簾延淒清却阻芳遊志眷言居室情珍禽止檐上密卉敷中庭憔悴少豔色啁啾成哀聲
恆懷遇物役戰勝何由平自顧一身內留霍洲中萍甯思策當世慷慨請長纓衣食方艱難漆室空儲誠
浮雲閉四野長風振軒楹起立望陽鳥情隨西北征

溝盈有涸流膏晷無餘照悼彼盛年子帷房壯心耗膏粱潤腐骨土木飾妍貌卓犖萬古情不奪一朝好
豈伊毛羽豐嗟貽蜍志誚微聞倚壁刀夜夜興長嘯

園輿九萬里暝念思遐觀羈束塵網中泥塗嗟屈蟠寂寞覽文史遺編寸心殫景行良所殷流光忽我殘
周旋列人海俛仰知艱難田疇缺薄植雲谷渺清懽喬木無安巢當道多巉巖豈不衣狐貉處世心常寒
窮途雖苦饑酖脯甯可餐

痛哭有賈生善哭有唐衢墨翟泣素絲阮生泣窮途古來千點淚珍過鮫人珠我生有微尚涕泣多漣洳
感時並花濺傷遇沾袍裾酒悲發淒感雨泣增煩紆衆生正沸苦一己甯懽愉達觀彼何子行歌方自娛
奉呈義甯陳先生兼送其之江甯

一門羣望德星高去國元龍氣尙豪論史文章唐宦者卜居心事楚離騷帆檣風急翔雙燕滄海波深釣

六鰲誰分白門烟柳裏春風回首念神皋

連雨十二日有作

愁霖人不歡積晦春如病莓苔競牆砌生意一朝盛閉門轉無暇破悶足閒詠娟娟百物態相與助殊靚
愜賞亦區區塵根未云淨翻恐榮悴懷孤光滑和性年來傷物役哀樂未能正悄坐對瓶花淒紅掩華鏡

晚步湖上

此情難共燕鷺言破帽輕衫弄夕昏淺草荒隄行忘遠春風欹檻坐頻溫植援僧種臨湖菜隱樹人開近
水門隨分啼鴉足留戀他時烟雨失橋痕

落花

矮籬西畔破牆根一斛芳塵黯不溫慘綠嬌紅嗟並命冷風寒雨一招魂丹青畫就空顏色茵溷心殊豈
怨恩俠少佳人詞苑客白頭遲暮感同論

得公達寄書却當二律

迢迢湘水碧雲端誰采芳馨寄羽翰嬰武賦禁千載恨鷓鴣居且一枝安漂流梗偶嗟窮薄瑣屑蟲魚感
說難愁寫艱虞添遠感強題璫札勸加餐

當途龍戰何時已咫尺驂駒此意雄跨鳳豈期身有翼屠鯨翻恨海無功虬髯棋局人天感牛角山河謠
諺中太息國殤離首恨楚歌哀怨極蘭叢

無題

敲竹瑤臺夢欲殘
鳳題牢合指禁彈
筌篹有意憐三妹
松菊何緣恨五官
聲咽風簫移舊譜
手攀雲葉下玄壇
如何十萬青城侶
釧動花飛一例看

對月和公達

東海晴開十丈霓
桂宮光逼玉繩低
瑤池漏永銅盤濕
銀浦雲生輦路迷
萬戶星文塵冉冉
一天花氣露淒淒
出門何處聽更點
馬滑霜濃烏夜啼

遣興

日長何計遣幽思
一卷楞伽及楚詞
久分潛虬同謝客
敢云上馬似脩期
干戈海內愁荆棘
哀樂年來付竹枝
寂歷晚蟬高柳外
西風消息太迷離

天涯芳草近如何
愁說淮南木落多
以是因緣花欲語
干卿何事水曾波
流風上苑思人柳
日暮山阿弔女蘿
四百南朝清淨土
忍看刀雨走羣魔

詞希消沈舊握蘭
壯懷猶製遠游冠
曲拋紅豆知音少
篋少黃金結客難
混沌飾眉聊世態
虛空照髮此毫端
若爲客薦雄文者
覆瓿從君志或安

鏡中慚愧看青絲
二十年華眴坐馳
差少文章奇鬼妬
敢彰心事路人知
擎天力弱春無主
斫地悲深酒莫辭
昨夜月明今夜雨
幾時冷暖得時宜

雜感

清時儒俠事難憑
感慨滄江一廢興
樓上東風簾外雨
幽情愁煞李清繩

偶興

柳邊曾作橫塘曲，露冷烟疎又五年。
風物眼中成荏苒，朋游天外各因緣。
心驚烽堠依南斗，夢觸滄浪下釣船。
惆悵西風鳴落葉，枯枝無意庇哀蟬。

偶筆

不須祕乘演三車，草草因緣觸迂差。
道關法門原共貫，心依淨土可爲家。
靈源出谷初難滓，枯幹逢春恐發芽。
怕向眼前論小劫，先生何事數恆沙。

送鄭韶覺往江寧

鬱鬱風塵劍不飛，囚龍笈鳳道還非。
縱心每覺乾坤小，薄宦誰知生事微。
六代浮雲縈短策，三秋斜日上征衣。
罪言上後醒殘夢，潦倒當年杜紫微。

騎鶴豪情事已陳，醉中高語向誰伸。
癯肥不分中腸熱，擁腫空期異俗親。
刼運長風資勁翮，文章窮海有枯鱗。
斜陽照影看歸鳥，愁煞清溪獨立身。

東原丈小極小詩代簡

同心法喜靜忘禪，小結維摩示疾緣。
消滅中年哀樂感，藥罏烟裏見諸天。
足音空谷隔清塵，泉石膏肓亦淨因。
未免被他猿鶴笑，輕携鷄犬下仙雲。
爲憐妙論推莊叟，羅雀人情感翟公。
呼起北窗清睡穩，遣懷一笑對長風。

平生

平生不擬專邱壑手解天弢足自賢
斬馬太行心尙奮屠龍東海志徒堅
萬言儻值一杯水六印寧勝二頃田
消滅心光淬鐙火百明一滅苦相煎

與詹谷人姚東若晤談往事有感而述

落日寒冰感遂聲扁舟惆悵落孤城
浮雲各有三生恨流水虛憐萬里征
失馬閒吟空自解雕蟲小技足逃名
窮交尙有夔龍在敢矢東皋事耦耕
高空鴻鵠動愁吟力負青天恨轉深
故里莼鱸心豈戀隍中蕉鹿夢難尋
頻年已皺觀河面失路難爲蹈海心
莫慢山林視鐘鼎於今箕穎有升沉
經世年年竟若何愁看王道尙干戈
幽蘭自惜當門苦芳草頻傷去日多
匣鏡每憐相對語寶刀空爲不平磨
清光寂照閭浮土誰見風生太液波

壽某君

浮世虛舟觸夢醒池萍空與惜惺惺
愁憐雪幹無奇骨老閱風花亦世情
白眼幾堪高俗態黃精奚事制頽齡
枯槎亦欲觀滄海惆悵恆河路重經

題俞伯惠旦聽瀑圖

寂歷道心風一呖蕭寥詩境鶴尋盟
先生別有忘言趣坐看風雷脚底生
華松鱗甲戰高秋獨立空山最上頭
跳下清冷在何處愁看銀漢向西流
不須神漢駐華顏沈沒精神冰雪間
却謝神龍作雲雨勞歌一曲對青山

入世已無乾淨土溪聲山色夢同孤橫流滄海今何似爭忍看君聽瀑圖

秋宵對月

初霜橫笛浩淒清殘夢依依墮碧城靈藥幾堪延永夜酒杯空自祝長星禁寒玉宇歸何處回照金甌尙有情忍見光明思大地他洲已覩日華生

與木君談有紀兼示玉珩公湛

枯桑海水恨沉沉却跡遺言未可尋細雨疏林成獨往王風蔓草剩微吟歧途人切亡羊感秋氣宵迷去雁音愁向水亭閒話久晚天哀角遍江潯

閉門一夢墮娉婷敢信鈞天亦世情要道縱橫迷奕譜壯懷曄緩厭琴聲洗兵苦憶開天盛結客慵聞汝穎評說與先生官獨冷未應愁煞濁流清

春日得公湛寄近作奉懷

遼天聽長笛哀怨起斜陽既夕披遙素因風念古狂瞻烏驚詠歎啼鴉感年芳昨夢龍山頂豁雲淩八荒刀戈森壯語且爲洗儒酸春色迎人活邊風入袖寒短簾微月古清鏡曉花殘苦憶前秋燕新年壘未安

舟中寄懷公湛南昌

相望不千里別情逾萬重夢猶初見路歡異隔年悵慨想隆中隱沈冥柳下工鉛鋒藏采耀健筆入從容南浦浮舟月春郊試馬風舞雩殊禹子提榘問楊雄文囿羣翔鳳玄譚屢却熊象胥重譯達騶衍九州通賈誼空流涕羅橫竟固窮瑩輝藏璞玉闇淡密堂樅未跨揚州鶴空屠汗漫龍有懷期泮漫無地愬鴻濛

世事屯艱厄孤懷永鬱忡洪波精衛痛景運角端空憶昨貞元際狂招海國鋒妖氛纏禁籞禍水覆吾宮
浩劫嗟何及伊誰實召戎臨朝傷武媚縱博失神叢白馬盟旋訂銅駝運殆終紐疇扶厚軸劍欲倚崆峒
薄植慙蝸寄卑棲困鷄叢江湖空响沫塵堞轉飛蓬日極龍沙遠心隨兔魄東盍簪長路睽尊酒甚時同
章水遲歸鷁廬峯託便鴻未應徐孺子多謝郭林宗

懷公湛

少年憂國有真氣在野聲聞壯此才度量松篁追斐美文章河岳結奇陔思君歲晚令人瘦極日天長無
鴈來幾日高齋尋掩藻亂山殘帙得重開

雜感時在無錫

劍抉浮雲望眼開淒空鴈陣數聲哀斜陽冉冉回殘角鄉夢迢迢冷劫灰望古癡心悲化石懷人清落淚
登臺江南幾日鷺花盛妙舞清歌儘費才

壬寅春日至南昌晤同志諸君有述以下壬寅至癸卯

東風吹夢轉華年忽漫寒瀧下釣船客子單衣驚曉晚美人空谷悵嬋娟中聲多感頻移柱進學吾師願
執鞭管領春光小園角鳴鳩乳燕解相憐

詠懷

魚已忘筌兔守株些些妙略不關渠身行萬里積跬步夢入千巖觀異書繫日長繩情共邈出山小草計
應疏蛛絲碧落風徐遞猶可孤心縱所如

東湖晚泛

回頭忽訝夕陽微
杳靄前途望欲迷
空有閑情付湖水
臨流呼渡慘無歸

春日寄內

春老驚歸夢
愁深惜病身
那堪垂翅客
念爾斷腸人
燕草侵蓬鬢
江波入小顰
登樓各有恨
忽漫柳條新

偶占

愁腸忽漫轉車輪
冷雨疏風各有因
倦倚津橋聽杜宇
十年幽恨在微塵

題百鳥圖爲雲谷

海燕巢危幕
蒙鳩繫葦苕
不堪風雨際
重與詠鷗鴉
安得戰船鳥
一飛四千里
躡足跨其背
遨遊大千裏

贈友人

東風吹袂動微涼
忽漫相逢積感場
無念百年聊此日
空思稅駕竟何方
花開蕭寺垂垂盡
日近浮雲冉冉忙
傳寫舊京篇什好
不須行路恨迷陽

述感

春雨江南夢未醒
空留片土作新亭
天行順軌今猶烈
帝謂無言久不靈
政海波瀾誰抗手
詩壇塊壘失奇兵
觀空心苦終何謂
惆悵飛光萬里情
履迹艱虞繫葦苕
清歌愁聽雨瀟瀟
江湖歲晚鸞皇老
荆棘叢深虎豹驕
無復衣冠盛南海
空聞鐘鼓樂

清朝深山大澤窮焉往日送飛花下鏡潮

癸卯二月出都作

風瀟雨晦易黃昏忽漫驅車出國門塵袂忍看殊素色浮萍何遽引深根長安雲日今何似韋曲鶯花只自繁夢到津橋聞杜宇五噫愁調怯新翻

出都留別昀谷

把袂苦日短分襟今奈何幽春留短夢苦海挹餘波未作十年計翻愁一丈魔登車殊未忍誰誦五噫歌爲友人題心跡雙清圖

胸中少柴棘象外得桃源日月雙丸逝風濤一枕喧安心游畏壘覺意失羲軒高矚星辰外冥冥堪晤言

秋海棠和桂伯華

是誰證此斷腸花恨海飄零未有涯詞客文章供涕淚秋娘風雨送年華天葩璀璨原奇植茂苑淒涼漫歎嗟好比和魂寄櫻蕊萬枝輝映海東霞

邨舍感興

堂堂大日下虞淵恨緒驅人百不言市上漫從屠狗隱枕邊空訝鬪牛喧歸耘下隰驚何日悔讀南華已有年寂歷微吟驚歲晚夢和哀雁過中原

孺子亭

欲回天地孤亭內俛仰乾坤念此才岸拍橫流驚夢醒風摧大樹助人哀棲棲豈分遑寧處鬱鬱終期得

好開惆悵偶然專一壑人間觸熱首重回

寄谷人

日暮空江鳥亂飛新亭風景望依稀何當戰鼓千山外歸及尊前賦素衣

富文公達春日見懷之作以下甲辰至戊申

歲華冉冉夢駸駸空軫窮年作計深瑣屑米鹽勞起廢叢殘鉛槧爲鈎沈千金鴻烈文誰售三日於菟氣未瘖待子雲霄與山海廿年轍迹好追尋

枉緣簡札訊深悲悽愴吳歛接楚詞海上移情愁一往江東獨秀愧相推淒涼燭火傳薪後珍重明珠蘊

積時泉路無聞天又遠山崩川竭待何依時先德道希師歸道山已逾年矣

春心迢遞失芳妍悟後微言弗復傳元豹文章憐隱霧微禽心緒怯游仙高原柯茂時當采下澤車乘計亦便極目海東雲氣起天涯何地不桑田

寄公湛

回腸九轉思千疊別夢三年感萬端每折寒花憐晚歲忽驚古井泛微瀾修途尙軫前車鑒短策終憐遠馭難慚愧秋風欺獨客未能遺世強相寬

忽忽

忽忽思前日冥冥已失期春冰香襲袂寒雪冷辭枝強笑猶連淚頰顏尙怯詞回文何限意分付手中機

甲辰除夕

凍鶴驚寒鵲噪晨漸憐人事百更新天昏可待來銜燭風急何當墮轉輪彈指樓臺驚入夢隔隣燈火暫
生春不應未作華胥想寥落天涯醒醉人

感述兼寄羅癭公

絮亂絲繁事可悲未應閑恨費禁持高樓已分驚風雨歧路偏憐因素縉起視星辰殊昨夜夢延鐘鼓樂
清時歸休豈有乘雲想遙佇蓬萊未可期

萬事終成脉脉啼

用近人句

何當身世感雲泥孤根永痛菱絲弱短翼渾憐枳棘棲日送江河東到海心驚桃

李下成蹊相思合有天涯夢悵望晨光聽曙雞

寄楊雲谷

明河迢遞浩無津忽漫枯槎犯九辰夢醒華胥天欲老書陳靈瑣涕方新偶思魚藻箋詩意愁作鶯花逐
隊人聞道王城尙堪隱好鑄頑石頌天民

晴川閣遠眺

褰衣縱目百憂臻氣壓樓頭燕雀馴游俠事衰天地閉死生夢杳道塗新瓊杯不洗嵯峨氣玉貌方思澹
蕩人愁望大江正東上轉帆無際入迷津

秋夜感懷

幽花慘徇將離態薄酒猶憐向夕醒漫執虛空求解脫起看天地入沉冥千林落木秋無語一笛高樓月
有情愁望銀河堪倚杵好歆危檻數疏星

武昌秋望

黃鶴游仙詩縹緲赤烏圖霸事湮沉風塵未了諸天劫形勢猶熏用世心江上坐愁喬木晚殘陽忽下酒杯深中原萬馬終何際聊與偷閑作越吟

讀世界末日記偶題

孤艇淩風意惘然塵心熱血一時捐茫茫下界愁如漆不覩春光五百年
絲縷風絮絮纏身同向心頭駐好春合與亞當成比例遙遙兩對比肩人
帝網重重劇可哀有情偏向此中來誰知十二萬年後愛海枯時花尙開
莽莽園輿夢不醒山河破碎軸斜傾不知別個星球裏可有人能識此情
待把名山萬卷埋鴻濛有日得重開流連龍漢當時紀好當胡僧話劫灰
祇愁文字太模糊考義諸音儘累渠比似層殭供證古無人知道上清書

寄興

沈沈墜夢經時續落落孤懷與世違淮海微禽哀獨化塵埃野馬莽何歸隨流漸覺天行烈撫事空期物
論齊寥落澗泉行洗耳好回心緒向清谿

寄友

損疾難銷藥一丸枉緣存問到江干情瀾委婉言無竭來日侵尋事大難詰屈羊腸摧勁足徘徊鷄尾惜
文翰森森冷夢成何託一抹天西風雨寒

秋日偶成

生死飛沉各渺然，偶餘殘劫到尊前。
高天鴻雁驚秋早，大澤龍蛇得氣偏。
風雨幽憂非昔日，江湖迢遞入中年。
琵琶聲咽胡沙語，夢醒微聞道可憐。

寄懷昀谷熱河

相望弦朔無南北，二鳥吟成有百哀。
往事已隨隍鹿失，古愁空傍塞鴻來。
窮邊風雨猶淒急，滿地江湖自往迴。
證取華嚴見彈指，斜陽冉冉到深杯。

秋日登樓遣懷

漸覺沈憂不易消，秋來愁滿舊山川。
頽波更軫橫流外，病樹驚依萬木前。
尙擬長繩終繫日，似聞上策在求田。
歸雲飛鳥都成夢，倦倚危闌百惘然。

偶述

天雲作態水生機，杳杳塵根竟是非。
一夢已餘寒月朗，萬山無語夕陽歸。
推排不覺衣冠古，漂泊猶憐梗偶稀。
昨讀靈書三百軸，奇文有地起吾疵。

卽事

隨風各有悲愉境，入世方殊覺夢遭。
誰復中天見明月，忽驚平陸潰奔濤。
瞻烏誰屋言多感，搗麝成塵事已勞。
萬一當空奇相顯，華嚴樓閣五雲高。

會呈建甫師漢陽冬日見寄之作

風葉辭柯樹樹悲飄零寒訊滿天涯窮愁歷劫原彈指急景無端尙費詩蘭佩芳馨從棄取衡門寥落悵
棲遲沈酣試漱長江水冷暖由來只自知

爲楊雲谷題乃祖蓉峯采藥圖

手結夫容上絳霄靈風時復度昏朝虛懷丹竈人間冷頻悵仙龕海上遙黃石衣冠原寄迹青邱圖畫尙
清標餐英合作騷人想俯仰靈脩竟寂寥

曾城青鳥斷知聞將往猶憐夕照曛過眼烟雲妨作達漫山風月自爲羣還丹歷劫終何補蓄艾三年幸
有君終籲神方駐顏景縹函重寫紫芝文

絮絮游仙勿復吟千年鶴語感何深天寒空谷成孤往雲黯蓬萊不可尋往日滋蘭空結佩當時棄杖合
成林縊幽安得來菟草一洗人間憂患心

位業眞靈跡尙新時流遷越幾由旬雲躋已阻昇天路瑤艸知非往日春佳夢華胥成幻想清游禽向隔
前塵徘徊八十年前事留與昇平頌幸民

冉冉

冉冉飛雲着夢思漫漫脩夜感良時百年短景看紅燭一夕遐心寄素絲風雨高樓猶主客波濤中座費
禁持懸知飽食從終日未可逢人賦五噫

贈陳簡持丈

悟後空花粲不言由來世事蟻牛喧沈舟翠羽公無渡歸路驪駒客在門石闕銜碑誰得語迷陽却曲已

愁翻輕陰會散重簾外留向春婆記夢痕

案頭水仙傷寒就萎閨人去其枯荻僅餘殘蕾生意盡矣余傷其奄然不復也爲悼以詩

衆生具知覺微物同憂怡悼彼三珠草瓊質含萎蕤引蔓固良難微尙常自持懷芳鬱未吐顧影心然疑禍福有時會摧落良可悲根荻傷勦絕骨肉嗟離披生意溘焉盡淒痛摧心脾半死方枯桐拔心殊卷施榮悴總前分哀樂甯爾爲不見金光草春釜持作糜浮塵復何戀墜夢忽若遺得失誠無端理蹟何由窺庶冀化蓮蕊託根清淨池

梁函銘先許代乞蓮叔夫人畫余像未之賜也四月十日函銘書與像俱來且云乘世界未破壞以

前送君一自玩賞以歐洲天文家盛傳四月二十八日地球將爲流星所撞壞也悵感交集不能無

詩

以下己酉至癸亥

臣朔空傳是歲星虛空粉碎一相驚圖形詎有身難壞顧影真慚畫不成末日苦教留我相春風翻欲證來生護持歷劫推移際珍重金閨點筆情

春日飲譚篆卿丈宅爲 先祖故居余卽生於此忽忽三十年矣感賦一首

桑弧懸處久成塵再到空驚結構新萬點燕泥迷舊迹一家龍漢感前因飄零已斷來時路憂患知從墮地辰莫怪當筵偏悵惘匆匆回首卅年身

與友人談至云先知先覺皆不祥之事感而有作

尋常行路感迷陽守拙何緣有祕方閱世膏蘭空自惜先鳴鷓鴣本非祥天弢歷歷憑誰解海水沉沉不

可量愁挈名言歸幻覺諸華無語下胡床

庚戌花朝同社游江亭余病未與而不可無作因成此律

一月車塵斷往還病餘聊得破春慳花看別院層陰外夢墮浮雲夕照間相賞弦歌徒爾汝腐心風日儘蕭閑眼前哀樂知難會強揖寒山爲解顏

四月一日曾蟄庵招同王聘三趙堯生江叔濟楊雲谷胡漱堂諸老及羅癭公溫毅夫胡鐵華江翼雲崇效寺看牡丹余病方興扶杖而至歸途得此

悟後芳菲閱幾塵竭來蘭若攬餘春談深屢忘支離態地迴能來澹蕩人應與花間留故實稍從物外得閒身尋思十七年前事采筆重書足怡神

余十四歲賦牡丹四律爲文道希丈所賞今稿已佚

精衛

微尙竟安恃輕身萬里羅已禁銜木石頻遭怯風波瞻屋從鳥止怡堂自燕譚苦辛終剩汝飲啄奈愁何

擬游歐洲趙堯生先生賜詩贈行輒次韵奉答二首

鑿空懸知事大難強持殘淚屬儒冠千山行脚聊茲始萬變驚心到獨看天外江湖虛响沫夢中蓬閱極蕭寒遲回天末孤鴻影消盡風情賦握蘭

慨想人生亦有初感君情重轉愁予南飛是處容棲宿西去何心強著書閱世舟虛原不繫當門蘭弱未憂鋤元亨載酒期他日握槩應從長者車

曾剛父有詩贈別奉和

與君流轉溝中斷歧路還悲陌上塵逐日影形成獨寐憂天歌泣到閒身滄波漸遠餘回首星漢遙看一
問津殘夢宵然江海闊未禁中酒及蕭辰

漫述

祇覺衆生苦艱乘大願船當空見樓閣墮月失嬋娟懷夢誰爲草聞聲有絕絃橫眸睨環海儻覺壯懷寬
病中微雪溫毅夫過訪有作

一雪百端廢多君肯見尋微塵禁一呖高語出重陰凍雀風前淚寒花却後心病間聊此日回首足沈吟
得毅夫和章夜不能寐復和一首

帝網驚繁互端憂不可尋蹉跎成小極迢遞感輕陰短鬢觀河面孤鐙獨夜心病孱矜一壯殘漏富高吟

臥病雜題

霜落寒柯證所悲飄蕭重攬鬢邊絲八年舊夢堪追憶又到空齋臥病時

余壬寅冬日臥病順德館幾瀕於危賴羅揆東調護得痊今忽忽八年矣

嫋嫋涼風轉碧城藥爐烟裏見無生不知往却從何說塵海無波月正明
却曲迷陽感獨深可堪躑躅託微吟尻輪神馬終何際拓地擎天儻不任
鵲噪鴉啼各有情寒窗臥聽獨分明不知昏曉成何事消盡年光是此聲

送楊昀谷官蜀

不信迂疏有百端歧途直到淚闌干相從响沫渾無計顛倒塵埃尙此官冉冉浮雲千劫盡蕭蕭急雨九
衢寒岷峨淒愴應猶賦歷險休歌蜀道難

周岫芝悼亡

無端風絮忽飄茵，賺汝年來歌哭頻。
悟到靈山皈往路，不妨雲水去來身。
悲歡已分歸雙遣，生死猶憐隔幾塵。
說與剎那成大覺，好從透網說知津。

庚戌除夕

惜往晞來暗自驚，暮寒愁見日崢嶸。
乘除百事餘殘臘，斷續孤懷尙短更。
歲暮陰陽爭此夕，高樓風雨送平生。
霜簾樺燭渾如夢，頻悵天長不肯明。

出都前一夕別筵感賦

終竟人間百可哀，提攜歌哭到銜杯。
江花照夢餘荒忽，梁燕窺人有去來。
未死秋心留木石，漸深寒色滿亭臺。
扁舟一往今何世，遲莫相看眼勸開。

淨持歿百日感賦

剩挈千悲向此辰，夢中空間去來因。
皈依君竟歸何處，淪落吾猶有此身。
暫閱風花人已世，枯餘珠淚海終塵。
不堪多難登臨日，愁向西天禮化神。

清華鎮謁孫真人廟有感

起死何心乞禁方，入山心事墮迷茫。
無因更灑登高淚，寄與重泉字數行。
小泚寒碕弔此君，青青十里漾斜曛。
何因去逐清溪水流，出前山作斷雲。

爲淨持覓葬地于西山

萬景蕭蕭照獨尋一坏聊罄此時心亦思神理隨形盡無奈羈愁與日深化碧九原情未已埋憂三徑意
何任年來積毀能消骨便得同歸豈故林

葬 先兄于新建西山龍潭感賦

臨穴重增隔歲悲壓山松吹送將離早移夜壑寧無謂便化流塵更莫疑傷往祇餘形體累制哀空諱鬢
毛衰淒淒歸路成長往從此人間有萬歧

丁巳冬日葬淨持于西山之麓夜宿靈光寺宵長不寐漫紀

偏是華年算死生用前句燈前曾賺淚縱橫誰知煎迫成今日剩我拖泥帶水行

何限愁懷戢一棺舍身容易懺情難金經一卷同歸土所冀心能替汝安
風塵何地覓幽棲偕隱前盟忍重提好向此間來伴汝松窗斜接小墳西
盡挈悲懽付劫灰遺懷空企鶴歸來無情冷月從圓缺乞與流輝照夜臺

寒食展淨持殯宮感賦

一棺如隔萬重山棄擲芳菲祇等閒誤向瑣窗尋斷夢幽花一桁尙人間
未分窮途泣死灰他鄉風物一低回愛河縱有春風到萎盡瓊枝不再開
活人醫國兩無方撫事悲深淚萬行輸與禽言歸去好鬼門關外少滄桑

大連卽事

數峯低壓海天青信美山川入杳冥猶有閒情消未得篝燈重上扇芳亭酒樓名

游巴黎厝骨洞洞凡深七十密達長約二華里兩旁盡堆人骨蓋四五十萬具余偕韓仲曹及法友手油鐙入觀不勝代謝遷流之感歸賦此詩

白骨成林土一邱淒然冥漠幾春秋縋幽已似沉阿鼻爲樂何當問髑髏夢冷前塵虛化碧劫餘大地總虛漚漆鐙暗映藤蘿月還照康衢秉燭遊

己未歐游誌感

死傷二千萬所得兩疲敝蠢爾阿脩羅損衆仍自斃碩儒師造化創闢窮道藝豈料技術精專爲殺人計冤親日報復宇宙盈乖戾干戈雖暫息厝火勢彌厲一朝大禍臨乾坤變顛獮由來物欲盛波委本難制既決滔天浸終成日中斃寒源儻未及捧土誠何濟何況捭闔家東西猶睥睨神州念吾土竦息防吞噬橫流已眇及坐井猶多蔽緬維至人訓止足存深契神光燭昏衢瞑眩絕疵癘良方不自醫束手同淹瘡傷哉此末劫崩潰徒相繼登高試長望恨影來奔皆往哲不可作頽波日東逝彼亦一是非萬語同一嘆安得金剛杵摧破此迷謎息爭趨上策偃武明真諦庶幾見大同羣生荷嘉惠稍紓沈陸憂亦挽流丸勢窺天見雖偶移山力難逮空驚棟榱壓復苦根塵贅仰首視浮雲返顧空流涕

余與公達斐漪同歲生自少過從極密中經闊別不恆聚首回溯締交伊始不覺已廿餘年今夏予在巴黎宴集同席王儒堂顧少川王兆熙夏浮雲錢階平及余六人余年乃最長驚心老大回首前塵率成此章並懷公達斐漪兩兄

推排年事忽龍鍾白香山詩龍鍾三十九舊夢如逋不易逢琴爲彈多甯易柱刀因割鈍合藏鋒山川甚處堪孤往

冰雪渾憐失舊容惆悵百花洲畔路一鷗何日復相從

馬賽滯留山居成詠

海波迢遞送秋聲太息枯槎濟未能閱世已便途九折聽風聊借閣三層徘徊歧路寧窮鳥變徙南溟媿

大鵬何日飛車東訪去鸞輪真駕五雲升

近有擬由歐達亞之飛機隊

馬賽月夜望海

物外千憂絕等夷閑中萬景入霏微月光淡與人同定海色清無地可依如此山川嗟信美却憐塵世竟何歸秋心不分傷搖落閒聽西風夜打幃

寓樓寫望

憑高百景逝駸駸一往名言不可尋倦撫風雲虛昨夢偶專邱壑尙遐心望空濁浪徒今古坐久微波各淺深惆悵良宵成獨覺海山佳處費清吟

馬賽海閣詠懷

漸覺閒身世已經宵來涼月轉虛明極天星火連羣動入座風香失淨名目倦回潮千起伏心移絕壁屢陰晴閉門美睡吾何有夢冷松濤向晚聲

九月歸國經哥倫布以舟有病者禁不得登岸

夢冷人間行路難已灰心處更何安當空月色沉無影照我忘言過錫蘭

舊約迷茫墮海嵐精藍無分得同參

擬遊臥佛寺不果十年前擬遊哥倫布趙堯生送行詩云清吟日日思瓊樹初地心心轉錫蘭餘略

塵勞滿地容收拾

萬頃風波一鏡涵

乖和四大寧生滅逐利千艘自往來似睡靈山呼不醒晚雲殘照若爲開

晚晴見雷音峯頂

酒座偶成

劫後山川失莽蒼夢餘城郭入迷茫塵勞祇自嫌蠶縛風急猶憐共鴈行漸擬逃名終未可似除行樂已無方秋花矜取圍蓬鬢一醉猶堪錦瑟旁

登北太河蓮峯頂

舊傳王質觀棋處石氣松風不世情偶挾浮雲看下界茫茫急劫更心驚

壬戌東游舟中望月

貝闕珠宮不可尋杳冥天地匝重陰此心畢竟明如月照澈寒波萬丈深

一例 民國十一年六月

一例盲翁浪作場休驚舞袖忽郎當窺天未信榆能種開徑應憐菊就荒漸有超觀齊孔跖偶餘高臥傲羲皇城狐邱貉都休問冷眼郵亭又夕陽

送黃元彬王季子歸國

畏路風波不自難將心是處總能安神山東望應回首夢冷金臺夕照寒

聞淨持墳舍籍沒

夢斷空山宿草新傳聞空惹定中塵未知白骨何仇爾苦念重泉不待人大地固知終幻影一坏猶想伴

閒身蕭蕭百感沈
羣盡剩祝飛花脫轉輪

陳羸生遠來話舊卽送其行

不分風霜不輟音
神山千里遠相臨
登場舞袖憐新樣
蹈火勞薪亦夙心
飲水漸堪調冷暖
觀空何止淡升沉
歸舟目斷冥鴻影
一往晴波爾許深

淨持忌日追悼

六載重泉隔孤生
百慮侵傷神仍月色破夢已潮音
何境名深念伊人不可尋
驚心凝寂地豺虎滿秋林

時墓地
籍沒

徐鷺忱鮑聲遠來東小聚卽送其行

風雨蕭蕭黯海村
扶携二士笑臨門
冥鴻聚影聊中澤
疲馬驚心尙短轅
終擬不才全散木
漫將往事例芳蓀
洞垣休與何人解
方已無功藥不存

秋居感興

倚檻雲容幻明鐙
雨氣沉天長過百
景地迴得遐心
溪瀑回涼吹山松
裊夕陰卜居渾戀
此未羨燕巢林漫
話鴻冥事聊爲豹
隱謀補天慙片石
出世已扁舟人事
誰迷復山阿有問
酬酣眠空自放鐘
落五更頭

四十二生日

時在神戶

窮海虞淵返照微
孤雲萬里竟何歸
陸沉詎暇憂年命
坎止翻驚說昨非
逝水滔滔寧已溺
重城杳杳獨愁圍
何時得返姚江棹
一向清流浣素衣

余原籍
餘姚

冷落風霜偃蹇身長繩何計挽奔輪傷心歷劫花如錦破夢經時鏡欲塵
醫竹稍憐生意復溫書聊比故交親海山松色須磨月歸及先生慶此辰

贈善持

婉變天涯意不期清霜零雨一相携安心是藥回羈抱往事如雲足
夢思墜羽漸深同命感看花應鬪耐寒姿蓬萊西望休蕭槭珍重秋閨病起時

韶覺自滬遠餽手植園蔬賦謝

舶來千里解筠籠氣帶風霜傲晚菘辛苦閉門成底事固知種菜未英雄
萬錢久斷何郎饌十甕應儲庾氏虀飽食殘冬無个事一龕燈火鈍闍黎
釘盤俊味壓槎頭小闢田園慶有秋慚愧遐疋舊居士已無肉食更無謀

作交通救國論畢漫題

著書未是吾曹事寫怨難爲兒女顏聊述覆車鑒來軫嗟嗟淚墨滿行間
輪摧輻脫構身危甘苦頻年只自知鈔得神方供駐景敢云折臂是良醫
傳家詎可比弓冶出婦渾難忘米鹽揮手寒窗三萬字勞歌夢語太層層
元和會計爲時範潞水客談期起行誰分識途今老馬一嘶要已概平生

題顏韻伯所携日本女弟子畫軸

二趙名踪近欲攀更驅黛墨染溪山袖中一幅蓬萊影勝向銀河載石還

琳琅妙蹟壓天東餘事猶堪一世雄
範水模山等閒事看君筆底起霜風

壽蔡公湛祖母八十生日

溫余廿年夢祝君八秩親念昔初登堂恍若風中塵
弱齡各跳盪追逐忘昏晨聯鑣復共案歡洽疑前因
頻聞述祖德壺範留霜筠垂慈特及我浹肌溫且醇
晨餐值我來膳羞羅廚珍亭午聞我來果餌紛前陳
爲我置寢具細衾文錦茵贈我篋中書古色彌彬璘
歸輒命車輿寒爲加衣巾置我春風中所化都無垠
一從事奔走萬景含悲辛忽忽皆壯年尋爲半百人
升沉復何有所要存道真我悔不卑飛苦海嗟沉淪
雜廁百鬼間傀儡爲笑顰樹立竟何在摧剝餘孤身
濟物旣良難違己仍非仁豈意圭璧躬徒取供緇磷
苦憶少年行游釣痕猶新摻搏得至樂有似無懷民
而母仍康強大福景然臻孫枝挺物表貞翠涵蒼鱗
海屋得滋濡元氣齊洪鈞滄桑等閑過烟月娛茲辰
光輝動遐邇觴詠羅羣倫始知弱根芟無方比靈椿
神山一西望恂恍空馳神聊寫感舊懷藉以迎嘉賓

韵伯來舍話舊感賦卽贈

美人飛渡三神山丹邱翠水飄微瀾人間隨地卽桑海
卻立顧影愁奔湍釣鼈有餌悲無竿釣天修夜徒漫漫
謫居謬誇蓬萊樂歸路尙阻瓊樓寒千灾五毒亦聊爾
久視劍映同蒲團空谷忽聽足音喜有如羸疾吞還丹
清尊佳話永日夕深談昔昔餘悲歡廟犧溝斷久自悔
合斂光怪娛叢殘盈虛剝復本恆事有淚甯灑雍門彈
不堪灞上論兒戲醫國何當方屢試百鬼公然竟晝行
四維坐見偕天墜棲真蓮社空懷願避世桃源竟安致
期君怒馬還獨出劍舞波瀾應莫二百鍊寧爲繞指柔
一揮定顯吹毛利

神戶新曆度歲感賦

待提百感兼千慮聽逐流塵去不回孤抱祇疑隨臘盡疏花渾喜背春開問天圓缺嗟餘月

元旦適爲陰曆十五日

與世浮沉尙此杯

飲小爆竹辛盤今年此間忽比戶皆放爆竹又日俗置餅果之屬于庭戶以迎神

隨例事可憐羈客獨低徊

疊前韻柬瓢叟

人生何處無青山虛泛苦海衝迴瀾遭回九折百不遂如陟峻嶺凌驚湍豺狼咬人鴟狖嘯玄雲青霧紛
迷漫衆生顛倒落塵網脩羅刀雨風中寒噓枯吹生苦無計空冀劫火消蒲團一身憂樂等閑耳忍見洪
水彌真丹千秋萬歲亦何有眼前取足聊爲歡流行坎止合有道傾耳豈待晨鐘殘大音希聲入無朕絕
調休向巴人彈且看曼衍魚龍戲棄擲鉛刀紛一試決疣會有結痂時負乘徒聞取顛墜已無淨土在娑
婆莫向雲門託高致尋源大路還自覺悟後法門知不二憑君覓取箭鋒機自古善根無鈍利

連日觴詠石耕瓢叟均有和章再用前韻奉柬

閉門窮冬看屋山靜若古井平波瀾有時悲歌適獨坐不數萬玉鳴哀湍人生何緣躡幢竿下視世路空
迷漫鼎烹鼎食兩徒爾曷與蚓竅矜郊寒年來詩腸久湮廢欲淪肝膈無龍團鈞天九奏忽嗶引洗髓無
異三靈丹令我見獵心驟喜恍遇故劍諧新歡哀絃低唱一再鼓焦尾未覺琴音殘自珍敝帚事在已勝
被干涉羅譏彈况復天公方玉戲點綴山川供小試濤聲撼枕捲春回大月如盤向懷墜醉鄉風景本無
盡藝苑勳名非倖致偏師左右試提挈氣過劉伶俠豪二好携佳句壓歸槎莫羨銅山封足利

友人寄戊通公司經過事略感題其後

戊通公司者發起於陳陶遺章縉僧諸君以中俄條約規定黑龍松花兩江在我境者許俄通航在俄境者許我通航我在境內無航業遑論境外俄遂獨擅其利因合同志從事圖挽救焉數年來值境內外兵匪難還新舊開爭艱困萬狀而航線卒越伯力通尼港尼港者外海巨艦所集道白令峽出太平洋吾國唐時隸鎮東都督府屯兵置戍者也公司通航比于探險此實爲近日籌邊一大事余始未與聞其事逮共和十一載公司以屢遭意外困頓不支乞歸國有余時長交通因爲之營畫由政府分肩其累會鮮卑積亂公司迄不能振忌余者遂執爲口說謂有所私至今洶洶然夫爲政者必絕不與商民通而恤其艱乃謂之無私此其說創自吾國近世之所謂清官實則以谿刻助其殘惡不但重反公僕之義充其漠視吾民疾苦之一念持祿保位阿諛逢惡何所不至清季某巨公以介名于世善理財而其長戶部時脩頤和園慶萬壽所用凡數千萬而吾爲交通次長以得罪項城遂有撫其與運商圖減稅捐爲大罪而劾之者辭中凡數稱奸商致爲世譏笑蓋作僞之不能久掩而民本之義之不可終抑也今公司王君綜數年所歷撮舉其略以示于衆閱者庶瞭然于同人之志苦力劬而吾所以助之者庶幾無大失當斯亦播越中所爲欣慰者歟其終能取則列邦力加獎掖毋使或因力之不繼而躓致初茁萌芽既盡遂無能以繼起斯尤不能不有所冀于當局也爰作此以寄友人並示王君

濟川橫海都成夢慘淡中流此一壺誰識籌邊當日意無心惹苒况明珠
黑龍江委及金沙國際航權稍足誇利害百年誰省得空看市舶滿中華
清傳方略平羅刹唐振威稜控苦夷太息于今艱一葦乘槎無地覓支機
波濤中座彼何人風雨同舟亦苦辛至竟恩仇終逝水憑高應惜海揚塵

富柴君小梵見贈之作

歲寒萬竅咽刁調作意松風出後凋世態坐收千劫換幽憂誰遣一丸銷猶憐往事溝中斷相浥微波鏡
裏潮慚愧觸藩成入海知幾無分侶漁樵來詩有知幾語故云

鄭祝三屢有詩篇見屬率畱一首

違天癡夢幻微醒會
有名言印一乘去國光陰迷斷梗移山心緒亂孤鐙
堂怡忍分同殘燕海運何期逐大鵬
難得當時今好我
迓寒山木共峻嶒

偶興

呼天殘夢墮清宵
孤往人間欠一瓢
簣障終看江到海
管窺甯見斗旋杓
埋魂劍氣千人石
選夢簫聲七客寮
隨分疏狂了纏縛
鐙前期與頌逍遙

以盆梅贈石耕承以詩謝輒畱

收拾春光入曲闌
殊鄉冷蕊且相歡
孤根未礙羣芳妬
一空能銷大地寒
好與黃花同晚節
漫教青子帶餘酸
清宵驚覺羅浮夢
烽火連江逼歲殘

時粵中軍事又熾

感述

浩氣塞天地精誠金石開
何因房闥內顧影一徘徊
過去渾如死磨礱久不磷
悲心維此世未慮喪吾真
屠龍手雖縮飼虎身思捨
顧念哲人言施樂于受者
胸中無一事眼底隘千秋
可奈閭浮苦紛然與日謀
殺身偏號怯繞指或爲剛
悲智誰雙運前脩試較量
聖人既罕逢大盜亦不止
強死而弱生苦縣徒深喟

心邁諸星界情隨大海流未能同木石且遣悟風漚
峻坂千盤暗前途倘稍明故鄉猶在望心勿憚孤征
枯桐方半生精金經百鍊獨立此蒼茫後天終不變
寧爲蜂與蠶于世得小補倉鼠與城狐彼哉何足數
肆筵賴庖丁構廈須大匠受者果何功尸居安足尙
山始一坏土雨興膚寸雲莫論收穫量且自事耕耘
寧且種蓬蒿莫漫樹荆棘迷陽傷吾行血淚徒沾臆
混沌何難鑿雖勞恐少功象方迷鹿馬心莫辨雞蟲

憶舊偶題

狼藉春心蕩劫灰夢中茵溷有餘哀披香試視人間世鳳靡鸞吼又幾回
羣芳何力挽春殘淚浥燕支自畫看悟澈華髮明鏡裏輸君醒眼一憑闌
絮影天涯意不任繁霜酸觸隔年心愁雲一抹憑誰理怕逐飛紅化采禽

寄馬退之京師

風雨羅浮幾合并緇衣仍浣太行青終憐好鳥矜同命稍藉清歌掩獨醒
觀象祇今疑剝復謀身所得剩
奇零驚心往事花能語變色何曾爲疾霆

偕柴小梵楊俊明至岡本觀梅方開而未盛漫紀

枯腸聊得漱春光巖壑縈回步履忙誰識含英方破萼天心人事費平章
冷蕊疏疏弄午暄相逢綺袂待何言人間萬事蹉跎了爭惜先留屐齒痕
神山風雨黯年華冷落羅浮處士家一種天香誰管得依稀殘夢幻蟲沙
無主春心颺劫灰過墻蜂蝶足疑猜年來哀樂妨人覺且浥疏香自往回
一物榮衰會有時荒溝殘雪漫然疑待回地老天荒意寫影寒陂三兩枝

易大岸繪蔬果見貽云以作盤飧之奉並賦詩二首漫答

依人並少猪肝累遺物翻嫌兔角多說食由來堪一飽不須愁夢蹴園蔬
詩云未死神已泣醫言萬病從口入未能辟穀且放生咬得菜根吾事畢
由來畫餅充饑好生氣翻翻出指頭更寫倉箱填四壁逕堪持臥故山秋

甲子夏道暑莫干山中長晝無俚輒疏見聞可記者爲五言若干首以下甲子至庚午

白頭翁

此非白頭翁也山中有鳥恆棲竹中喙足皆朱白頭黑身略類
鷓鴣啼聲如貓土人名以貓鳥其真名待攷姑號以白頭翁

有味將焉食何悲遂白頭可能餐竹實長臥故山秋

雲海

山中雲起大地如在絮中諸峯
浮動若萍頃刻千變光景絕奇

浮雲千萬態不變者其性時復匿深巖老僧同入定

澗上瓜棚

山下村落間多於澗上架瓜棚
青蔓若幄水流其下別有韻致

瓜蔓蔭清溪想見寒泉冽村翁閒話時不識人間熱

竹上墨記

山中竹無慮億萬主者例以墨識竹上別所屬遠視有如灑墨

長松解帶量佳石題名刻問名從主人勸君姑守黑

九尾蜂

蜂極毒或爲所螫脛腫如股爲山中獨產

雄虺稱九首爾毒殆似之顧取尾涎涎寧矜爪嘴爲

金老人

老人溫州平陽人來山五十餘年今年八十六多瑰行

念佛金老人藏山年八十傾囊建谿橋恆饑不乞食

韶覺寄示到粵歲一周與諸君子唱酬之作輒答一首

孰遏當塗勢拍張天南羣彥出堂堂已憐往恨彌山海復有閒情適莽蒼逐日光陰終倏忽補天心力不尋常微吟抱膝寧無謂起視清宵斗柄長

題福山王文敏公絕筆

家居孰使纖兒壞大廈終難一木支剩有龍潛知直節倘禁蛙怒洗餘悲人亡國瘁嗟何及物換星移又此時太息民正終是屬眼明廿字鬱蛟螭

一朝文物存天壤百丈哀音激井瀾有徇終堪矜獨行同歸寧復寄微嘆較量余范寧殊致提挈王韓各

不刊誰識王明空受福卅年恨影血光寒

余闕范景文皆投水死者王鐵珊韓紹微則庚子京曹與王同殉者也

爲趙甫臣題雷峯塔藏經

星月不麗天瑱璠墜荆棘夜光闕千年顯隱誠難測雷峯昨歲過孤標撐突兀委地不須臾七級餘殘礫

藏經爭掠取不脛散八極成毀固有時破壞終堪惜斯卷落君手喜伴善知識奉誦三歎餘哀感復盈臆

婆娑丁末劫脩羅肆殘賊廟塔動芟夷象設多摧擊教理既湮晦脩徒任凌藉乃至大寶藏燬佚言歷歷

敦煌二萬卷捆載流異域

敦煌莫高窟所藏六朝唐五代宋經典流入英法德日本各國者殆逾二萬卷余今秋在都與同人設敦煌經典輯存會謀取現存各經典之目錄勒爲一編

然後再考索其存佚異同事將集而出都余在倫敦巴黎窺彼所藏敦煌圖書典籍至精夥吾京師圖書館所藏殆殘餘耳

上方琬公鐫鑿破徒歸壁涿州上方山所藏石經蓋隨靜

琬大師所刊至宋未藏共藏八洞一石室復蘊若干兩塔下近爲京兆尹何人拆洞石運京師以貢當道士論囂然因復運置故處然已損多方矣茲刻實佛教一大偉業吾國人知者尙稀竊謂當亟謀保存

如護頭目也清刻三體經當薪遺已子

清刻蒙藏漢三體佛經板舊存京師天安門端門兩廊庚子後該地駐兵多摧爲薪益以盜散所存不及百分六七今夏教育部中人議遣專

員清理余力贊其成今不知已否從事此經可攷藏文原文于教理關係極大余及陳仲騫並欲攷知當時所根據之藏文原本現存何所取而保存之亦未着手也

藏板留柏林損失亦

日夕清全藏經板存京師東城柏林寺尙齊全民國內務部會定請其餘巨利藏完整定非昔

近日市肆經規則各省時有請頒發者但皮閣不善蟲鼠風濕時時可虞

藏經單本零沽者甚多念此沸中腸痛若被鋒鏑金陵盛剗剗繼志窘資力

仁山先生金陵刻經處近年以窘於資致先生手訂之大

猶未刊成

瘴霧幾時晴煩憂得冰釋願君寶斯卷外護矢諾責不薄文字禪流通先夾冊此雖有漏因

功德固無匹煌煌萃塔波一柱擎空碧三界仰威儀萬靈得安宅何時復舊觀老眼望尤亟因思萬松塔

垂成脩未及前緣儻有定夢華苦追憶

元萬松老人塔在京師西四牌樓磚塔胡同下爲屠肆亡友吳伯宛曾約重修未果今歲余繼前議商地方當道逐屠肆廓其地爲

小園葺而新之事垂就而余出都友人鄧忍堪居鄰塔院會繪禮塔園圖徵名流題句余乃于出都後匆匆爲書六絕句以當息壤此亦乙丑入都之一重公案也

人事極泯莽幻境多傾

仄覺路本平平知歸宜矯翼慈恩定加被解行追深密幸莫忘衣珠開卷將有得

禮塔園圖爲忍庵題塔卽萬松老人塔也

治心治國兩何能萬水千山剩一簷慚愧無謀更無肉鹽齏香裏覓傳燈

浮雲世事費安排，迴出浮雲昨夢齋。辛苦乾坤勞掌握，本無明鏡況非臺。
虎門龍拏尙湛然，彌天何地覓心傳。雷音試聽松風操，火宅蓮開月滿天。
松隣宿草歎淒清，息壤何時續舊盟。待逐屠坊恢淨域，年年花雨聚西城。
報恩已燬雷峯圯，法物消沉劇可哀。留得聚沙殘影在，萬松光裏拜如來。
忍堪禮塔原非塔，葉子題圖儻不圖。提取因緣在文字，一微塵裏逐亡逋。

方叔珏枉贈一律久未屬和重陽日次韻奉富

袖手憑高此一時，疇憐物換竟星移。頽流浩浩驚同盡，脩夜冥冥誰與期。
避世儻歆黃鵠舉，巢阿爭識鳳皇饑。銜杯料有陶潛恨，籬菊欣欣也自私。

梁苴林讀書中有先大父題詞敬綴四絕

秋窗回首一燈青，楹語薪傳各杳冥。剩向丹青懷舊德，短檠寒雨話承平。

兩家故事在樞垣，密記金鑾儻並存。合與三朝添史料，幾多遺策誤神孫。

苴林先生與先大父先後直軍機處，苴林先生曾著樞垣紀略。

石火風輪五十春，咸同朝士漸無人。披圖忍憶生初事，海涸天翻及我辰。

先祖題句時爲光緒元年，距今正五十二年，余尙未生也。

海縣行吟一唱予，幸無鐘鼓溷爰居。叢殘共守先人業，儻許乾坤有腐儒。

近寓天津，與無畏有借書覓句之樂。

釋戡示元日詩次韻一首

貞元消息轉初晨，起蟄猶疑出定身。蛻化苦憐蛇赴壑，嚶鳴微覺鳥親人。
百年縱有時還暫，萬物無私我豈貧。慙媿鐘聲仍到耳，乘流渾未斷根塵。

秦檜書榜嚴經偈殘卷關伯衡丈所藏

元長卅字留胸次天覺巖頭善析疑
治國治心寧二致違心更有了堂詩
東甌亦有三生石宴坐龍湫夢儼然
誤向塵中與人事真成虛費草鞋錢
筆情本是平原出儻有琅邪法乳存
塵土障深及文字摩尼何地澈真源

淨持歿十年矣忌日感賦

刻骨愁絲可得湔微波重展桂風前
濁流久分終同盡膏火何期永獨煎
半死僵蠶虛作繭離羣哀鴈尙驚絃
傷心人月同圓夢觸撥寒灰十二年

生滅

生滅由來付一漚往來何計挾懸疣
春芳祇任騰騰去世諦真成宛宛休
才與不才空幻影住非所住且乘流
青紅刻畫猶兒戲何處層城十二樓

題湯爾和游卷

世間何等幻耶真滿目山川解笑人
誰助詞流成故實空留性海作微塵
清遊已羨閒中福獨往猶思劫外身
隨分打包行腳了斬蛟射虎擬非倫

泛海漫作

慘霧寒潮本夙期壯心銷盡尙餘詩
苦空終感形爲累夢覺彌驚我是誰
萬態坐看蒼狗變孤懷儻遣白鷗知
扁舟一棹層瀾外或者乘流竟得坻

蘇游雜詠

移根未比橘逾淮隨處行窩亦復佳剩取閒身新活計一枝筇竹兩青鞵

久擬出遊未得良伴適冒鶴亭丈及趙叔雍有偕行之約遂訂

七月三日出發孫淵識徐子沈復先後來會是役也至蘇州及常熟者凡五人叔雍自常熟先歸餘皆至鎮揚而返

選勝探幽惜寸陰征途排比費沈吟登山臨水尋常事儻耗先生體國心

未發前商擬行程期於不廢費不耗時頗費經畫顧亭林曰

有體國經野之心而後可登山臨水雖不能至心嚮往之矣

百里金閶一霎經飛車重與試初程爲誰銷盡吳儂氣水輦山溫是此城

三日午至蘇州鶴翁述周季貺先生語謂望見蘇州城牆心懷

都輦

小車如艇出林坳望裏繁雄變沓剩與紀行詞料好梅風虹雨過楓橋

炎暑微雨午過楓橋

長廊曲閣塞榛菅法物何年趙壁還不分風期成鈍置寒山寺裏覓寒山

至寒山寺寺鐘本明代鑄非唐物也日人巧偷掘載以去亦徒

震于其名耳今鐘乃日人別鑄者葉綠督寒山寺志稱陳筱石所鑄新鐘亦未之見

以皮爲紙血爲墨歷劫初難報佛恩堪痛無端輕著糞人天法寶向誰言

至龍壽山房元僧善繼血書華嚴經八十帙今藏於石室俗

子題名塗抹滿紙兼有書于經之行間者

綠水斜通宛轉橋山塘風物夠魂銷五人墓與千人石贏得山川不寂寥

半塘有青山綠水橋五人墓在其側余等入觀荒榛滿徑爲流

連者久之

虎邱金石志騰衝任陸潘應拜下風惆悵毗邪方示疾皋橋無路訪梁鴻

李印泉編虎邱金石經眼錄搜羅極富在陸豫齋任心齋虎阜

志金石及潘麀生虎阜石刻僅存錄之上印泉寓葑門內聞其尙病未往訪

靖園傑構尙巍峨代謝難揮落日戈誰識百年脣齒誼空傳延廣劍橫磨

靖園李少荃祠尙完整

放生魚鰲知咸若得氣池臺尙鬱然爲想西園圖雅集幾多樓閣杏寒烟

西園割而爲二風景尙佳池魚甚夥鰲有大如盆者

八旗會館變茶亭荷氣朝涼解宿醒詩裏山茶無覓處枯籐空發舊時青

四日晨至拙政園壁刻梅村詩寶珠山茶無一老幹文衡山手

植籐猶在戲臺破敗不堪小坐遠香堂賞荷啜茗而去

幼文畫本今諧俗金碧樓臺指顧問收拾名園供市隱可容松石一開顏

獅子林五松園今爲某氏私業獅余見清內府藏徐幼文獅子

林圖精絕

鷗波妙墨鎮精藍不救時流虎視耽更惜開封相國寺一般風劫墮隨嘔

至玄妙觀趙松雪山門記刻石不見記載余訪得之於山門

天王肘下時有拆毀玄妙觀風說汴中大相國寺唐宋古刹聞已改爲市場矣

齊雲新築正登登劫火餘痕滅可曾千古廢興誰管得又聞坏土動長陵

王廢基已改公園矣

濯纓何地詠滄浪幾許名賢質在旁悽絕小同書未續淚痕零亂滿縑緗

遊滄浪亭謁五百名賢祠先祖南雪公以一生精力手自繪

製清代名人象傳數百會取材于此余擬賡續爲之尙未成編

萬壑千巖指掌中一重一掩勢深雄棘猴豆馬論功力巧執還應傲五松

汪氏義莊假山地不盈數丈而有千巖萬壑之勢傳爲戈裕良

所造鶴老盛誇之余以爲足與獅林競爽以此限於地尤因難見巧也

景色琴川一溯洄虞山嵐翠鏡中開尋常三宿能生戀况復清風滿石梅

四日至虞山寓石梅下凡三夕

桃花流水儼疑仙面壁空參石屋禪錯過中峯渾不省可知虛費草鞋錢

五日晨經桃源澗石屋登嶺過中峯寺未入

維摩寺內望江樓江上青山一日收誰分疏風殘照裏偏留冷眼看神州

維摩寺寺與中峯三峯興福爲常熟四大叢林

長壽橋頭謁祖師，絳雲遺跡付迷離。耕烟畫稿分明在，飽看芙渠漾碧漪。祖師山報國寺前長壽橋下，動水中悟石谷畫所自出，與鶴翁苦覓拂水，莊不得，不知莊在巖下相距尚數里也。

劍門何似孟門艱，失笑渠儂下筆謾。一徑天風儻侶下，凌波儻識步虛難。近人遊記盛道劍門之險，目擊過如是耳。翌日自舟中望有男女相攜，步霸王鞭而下者，捷若飛也。

碧天斜入小雲棲，樹密泉香稱隱栖。繞澗朱藤一百尺，新詩誰繼帝師題。小石洞朱藤特異，翁瓶廬曾為題詠。洞有露香泉。

洞門大字泐僊乎，苔蘚縱橫醉筆粗。更有丹魁好孫子，淋漓三廟逞奇觚。大石洞口有篆書「二大字」，石理得陶公醉題四字，則隸書也。洞旁有古今三廟，為季仙尤之裔所立，刻石頗多。

辨異偏煩帝力爭，鏡通才調劇縱橫。宗風掃盡閒言說，大叩寒鐘轉不鳴。三峯寺為漢月法藏和南開山，清雍正之揀魔辨異錄，即為漢月而作。余偕鶴老於寺中，覓得和南所著五宗教亦當時禁書也。寺有臥厓和尚如皋人胸挂禁語牌，不發言。

潭影山光昔臥遊，今朝屐齒數從頭。王祠吳井成分別，恩怨還應付一漚。由三峯至興福寺，即破山寺。余昔見吳墨井與福寺感舊圖，極精此行謁王石谷祠而未果訪墨井。王吳固隙末者，或不以為忤耶。

僧房高揭曼荼羅，顯密同源意若何。聞得木樨香味否，祇應無隱是伽陀。退居密林和尚榜所居曰曼答拉，即曼荼羅也。寺有唐桂大逾合抱，又有宋梅一株，極奇古。

元元遺象已升遐，丹藥空餘舊井華。惆悵樂遊原上地，晚風吹冷石蓮花。由言子墓仲雍墓至公園，訪乾元宮故址，覓宋塑老子象，不得。七檜亦不存，惟丹井及石蓮花在。樂遊原借用。

隱南別館冠辛峯，三影新詞一代工。收得風懷詩案在，彈文日下可能同。張隱南燕園為蔣因培別業，結構至佳。多嘉樹，隱南夙工詞，出

示所藏竹垞風懷
詩稿本中多改乙

誰寫南朝墮淚碑兩朝功罪至今疑我來敢下師門拜海涸山傾又一時
六日至白鵠峯下謁瓶隱廬門題原思環堵泄柳閉門文恭爲

先嚴座師余少爲弔文恭詩有句云無由寫徧傷心史身是南朝墮淚碑

坏土朝雲伴大蘇春風斷夢落靡蕪炎天繭足荒榛道合寫虞山訪墓圖

乘舟至花園浜登岸見錢梅左所書牧齋先生墓道赫然道左

披榛而入荒塚塞途四覓不得卒憑村娃指導乃得東澗老人墓墓爲嘉慶陳雲伯所修尙不極頽敗惟規模甚隘耳志載河東君墓在牧齋墓二十步外覓之良久乃得於二百步外書固不可信也時正午熱甚同人皆揮汗如雨幾中止者數卒乃得之由叔雍攝影志快焉

吾谷蕭條地已童千章何處訪丹楓平泉綠野今誰是恁悅舟人指點中

訪吾谷不得舟子謬指均無佐證依志書地望當在程家橋附

近余等奔走數里汗流如注乃歸舟

孝章舊宅今爲寺持較凡夫意孰多萬法本來無住相午風吹亂一池荷

入城至寧靜寺原趙烈父園嗣歸武進盛氏今舍爲寺

不見詞人曾夢坡山莊明瑟快經過傷心滿地花如錦奈此茫茫擘海何

明瑟山莊訪夢坡不遇

福山寂歷大江西烟樹冥濛望眼迷等是有家歸未得人間何處若耶溪

虞山望福山有感

舊夢迷離鐵甕城滄桑陵谷劇堪驚樓臺天末仍如畫樹影中流已漸更

七日至鎮江余不至鎮江已十九年江南淤淺日甚以今準

昔舊時水步將不可復用欲挽回頽勢非另闢新基不可中山先生物質建設所論固瞻言百里也

梁髯故跡海西庵書藏仍年飽蠹蟬如此江山人第一較量風節阿誰堪

八日遊焦山梁節庵先生寓海西庵時與先祖函札至多

述山中事言書藏事尤夥今書藏失於整理半塵封蠹蝕矣是行觀蘇文忠楊文襄玉帶楊忠愍字卷又如此江山第一圖第二圖僧滌心方繪第三圖未就余促成之松寥閣觀鄭重所繪鉢圖端陶齋

誤書爲劫鉢殆未明本事也

病僧老去無新拓，靈柏枯餘失舊根。成住壞空本如此，勸君休認刻舟痕。僧鶴舟工拓瘞鶴銘，今老病久不知所往。

千古何人繼仲謀，不堪更數李匡州。浪淘豪傑知多少，廣武原頭一哭休。登北固山，稼軒慨想仲謀大亦一時豪傑也。李修甘露寺集，治內諸寺畫壁如顧愷之戴安道陸探微張僧繇展子虔吳道子韓幹等名畫，置之壁間，今了無餘跡，惜哉。李所造鐵塔斷而為二，置草間。

傑閣臨江四望通，華胥兜率思何窮。砭砭連壁非難辨，儻有真龍屬葉公。登多景樓，華胥兜率夢曾遊藏余許，同時有某君亦藏此冊以余者，為偽有葉公之龍語，余不辨也。

雲山依約畫中來，海岳庵頭一溯洄。料得詩魂猶戀此，孤墳三尺野棠開。海岳庵在北固山下，改稱寶晉書院，又改為小學校。元章墓在鶴林寺外。

十年冷夢觸黎渦，遲暮天涯意若何。閬苑會開花頃刻，東陽休歎樹婆娑。筵間有贈

彌天四海敢同論，雲水空期物外身。一笑出門踏花影，妙高臺下更無人。九日晨遊金山，晤青權融通兩師，皆舊識。

修篁一徑訪中冷，至味猶餘水半泓。今日請師天眼看，出山儻比在山清。與蔭屏師步至中冷飲泉。

何限沉疴待藥師，好憑聖手起瘡痍。豐干饒舌從他去，證取維摩示疾時。金山妙善和尚具諸神通善治疾，友人和述其事，跡甚詳。

夾山遺刹喜重興，古宿宗風得未曾。誰料竹枯松未長，打碑空剩六朝僧。鶴林寺為鶴老提倡，新修殿宇，鶴成花木猶稱舊日十三松，杜

鵬花竹林蓮池夾竹桃，概未之見。寺僧聞光苦心搜集，本寺殘碑所得甚富，聞光發願修寺，併食單衣苦行累年，始有今日可敬也。

鶴翁遺鶴鶴林寺，遠勝黃庭換白鵝。太息令威今羽化，華陽銘石重摩挲。鶴老贈寺僧鶴二為何人斃其一鶴亭留鶴于鶴林寺，一好故實也。

天花影裏夢華鬢，黃鵠摩霄去不還。幾度杜鵑樓上望，亂山何處是家山。杜鵑樓新修，登覽有感。

帶郭襟江玉藥亭寥天萬籟入虛明無端脫卻聞思障未聽黃鸝念佛聲至招隱寺登玉藥亭寺以聽黃鸝為勝景惜時已過無所聞
留形儻勝畫凌烟香火空增異地緣漫道長城真自壞怪公無福勒燕然寺有馮子材塑象蓋因施財供養也同光以來對外用兵真
能取勝者無幾馮應居其一

挹江亭下似瀟湘形勝金焦接混茫自是燕都苦無竹宸題矜重賦篋簪竹林寺有康熙竹賦侈述竹之盛蓋北方竹少故驚為稀有耳
十年辛苦記伽藍冷落枯禪共一龕皮裏陽秋應有價井中心史儻無慚繆君述溪辛亥後棄妻子依僧以居專為諸山作志已成者金

焦及鶴林竹林招隱現方為常州天寧寺修志繆為明末繆文忠後人

綠楊白葦近蕪城草木蒼涼似厭兵稍喜臨江新縮地鼉輪卅里御風行十日由鎮江至揚州城新隄汽車道亦平坦

蕃釐觀冷委飛埃象設荒唐更可哈誰識翦風江浪急凌晨端為此花來蕃釐觀雜供娘娘諸象瓊花台亦成荒畦

梅花坏土泣孤臣再閱滄桑氣可伸微念當時閭古古繞朝贈策竟虛陳梅花嶺謁史忠正墓閣事見古集

雙影真成沒奈何紅橋柳曲有微波簫聲嗚咽淮陰市幾許新愁付敗荷泛舟經平山堂法海寺入瘦西湖至倚虹園近日報紙有及彼

處船孃者頗示老大飄零之感

獨憑危檻俯彎碕寥歷閒堂日影移忘卻海東雲氣起披襟來讀顯真碑平山堂小坐讀日本高洲太助所立顯真和尚碑

偉節西行未可非屈伸變化儻時宜我來躑躅康山徑空悵京塵易化緇康山訪對山讀書處園荒不治樹石尙有存者

吳郎好客敞清尊食譜精嚴智略存一代風流看哺啜佳人不媿尺鳧孫揚行以吳孟節為居停孟節為尺鳧先生後吾友董卿哲嗣

到處尋源得導師新知舊好兩情移何時真遂幽棲願招隱山中副所期此行承鄧孝先宗子岱張隱南張進帆李迪彝于小川張貽孫

陸小坡胡健春滕儒清馮和垞吳孟節劉嘯東諸君招待至殷書此志感

海山佳處費清吟月色平開萬里陰今日乘風向何處瓊樓玉宇正蕭森

歸後十日叔雍招遊
淞濱賞月清談竟夕

涼雲滿地照幽探海色天容一鏡涵閱盡千帆過彈指晚風輕護碧羅衫

淞濱夜
涼甚

夙分生涯付打包踏泥鴻燕久辭巢平章風月勞公等老我巖頭一把茅

比年執着漸空益有四海爲家
之况第住是不住不住是住此

中消息正
未易廓然

草草勞歌付竹枝模山範水費言辭一時光景都收拾可缺苕溪畫裏詩

叔雍攝影極精此行佳景都爲所
攝而紀遊詩久未就以此促之

至大連之夕夢中祝先兄五十生日醒方夜闌涼月在窗濤聲如沸惘然有作

祝兄五十恍登堂一覺憑衾百感傷衆苦幸君成解脫獨醒餘我祇淒涼沾帷海色風何際撼枕濤聲夜

正長空判人間與天上四山無語月蒼蒼

至滬與韶覺夜話

滔天何地着冤禽話雨淒生五夜心舊築園亭渾易稿新栽花竹儻成陰障川九曲終歸海刻楮三年好
入林慚媿晨鷄驚短夢壯懷無句贈盧諶

戊辰九日偕翰臣鶴亭兩丈平子韶覺叔雍招客賞菊于非園至者凡三十五人漫賦

雰霧慚滌秋天晶頗訝重九來何卒感時惜逝百無謂且萃朋歡媚茲日始辭峻閣下平野

先應周湘舲
金甸丞姚虞

琴之招登華
安八層樓

繼命壺觴驅楮筆稍披塵障得清明自詭胸襟儕野逸非園花樹甲黃浦衆客簪裾疑鄭驛

排憂遣興今則然遠患避灾誰敢必顧瞻秋英粲如錦頗類鶴林開七七諒哉物類有相感人事天時同
失律復念斯園溷塵市絕乏高標表嶠崕雖非入谷比遷喬未慮登邱殊躋垤固知夷險有一致或者真

妄咸相失我從齊物證超觀姑取其名遺其實

淨持歿十六年每歲中秋輒感懷有作茲來滬濱復屆秋期適鶴丈以虞山訪墓圖屬題中及亡者亡者才謝我聞不佞更遠慚蒙叟儻以鄉親蘇小遂成同傳韓非則茲訪墓之緣何啻生天之券此一日間之冒暑披榛益不虛矣漫書如次

明蟾偏與逝波期失歎浮生鬢欲絲往迹漸空餘說夢百哀無着且留詩山川共切生才感坏土翻懷共穴時誰分望鄉還永別一莊紅豆剩相思

非園秋集和冒鶴亭丈韻

人天誰可語憂樂恐俱非執境終成滯隨緣且當歸閒心臨水定短夢得秋微誤落機鋒裏雲山一衲衣甘翰臣丈招飲非園以陳曼生爲阮文達所刊退思補過石章見贈輒謝一首

寡過吾未能補過恆自勗利物期有濟敢云止與足所補得幾何惟存殆與辱竭來縱游覽有若脫桎梏非園快招尋舊歡喜重續主人隱君子襟抱迴殊俗憐我道多歧提印爲之鵠我媿阮儀徵貴壽備五福昨過文選樓望古增遐矚嘉言等韋佩感篆溢心曲所慚退飛鷁遠遜初生犢大弔竟難殷急管徒相促懺悔意萬千湔祓情回覆微塵壅巨川一繩維大屋姑盡力所能但耕不求熟庶以比學易無咎或可卜

遷居杭州感賦四首

三世仍年作越吟卜居渾喜故山深余原籍越中先祖南雪公先嚴仲鸞公屢有歸鄉之志皆未果偷閒詭縮屠龍手歷險翻灰叱馭心余系出宋石林公前月方至湖州展謁公墓墓在卞山卽石林誰分買田向陽羨不妨誓墓卽山陰卞峯一角猶堪隱慚媿家風舊石林

精舍故址也

人間儻自有華胥辛苦叢殘志過墟一物不知儒可恥百端交集感何如
屢愁風雨花前至無限烟雲夢裏除今日乘流坻待止好收煩惱惜居諸

歷歷情田事力畊流泉仍媿在山清心驚急劫孤虛局淚盡窮檐涕籲聲橫睨八荒人禍亟並包萬派治功呈寸銖積累艱虞甚終冀崇臺峙九成

窮冬萬景入蕭蕭強附青松策後凋狼籍儒風傷蔓草遄迴騷詠感申椒填河已分同微木出世寧煩舍一瓢誰向九州懷鳳德巢林心事等鷓鴣

證剛以四十九生日詩見寄余今年亦恰四十九因和寄一首

五十不知非談空兼說有尹役夢相易甘白兩徒受絲竹眩哀樂筵算亂休咎如畏影而奔迎之安見首返觀獲家寶掃妄賴聖帚夫子無隱乎亡是空唯否歷刼剗無明一庵號離垢法相本俱假破立夫何取證剛昧世法觴作夙不偶耳狎車繞腸齒冷印懸肘吾生久所敬風義兼師友近歲合萍蓬燕塵屢攜手憐余墮風漚前被爲雕朽鉗錘與檟栝揚簸絕前后緣生與感通鈎索何深眴舉隅苦未能疑網差可剖一夢落滄江索居愧徒苟那知蚓竅隘忽聽師王吼流年似電馳心綱振其紐知命好共勗影神相抖擻

余長北大國學館時曾延證剛講易感通義與佛說緣生義之比較精闢透達聽者忘倦

秋雪菴泛舟時蘆始花

曲曲寒溪淺淺流
竭來閒夢逐輕鷗
晚風簾外秋如海
多少蘆花欲白頭

逝水餘香儻少留百年殘夢落扁舟不須遽歎秋如許多少蘆花未白頭
早分勞生付決疣可堪佳夢渺林邱斜陽一抹秋如錦誰信蘆花也白頭
焚艾每嗟蘭並盡拔茅甯有茹同收槐安一枕清如水賺得蘆花白了頭

姚虞琴屬題吳柳堂手書罔極編

在昔詩人傷罔極昊天四國同回惑斯編命意當在茲一誦標題感生臆四夷交侵國已微護人交亂夫
誰責倚廬豈勝風木感禍水終令漢火熄祝宗祈死等閒耳忍見雷風終以革滄桑歷劫膾此卷合與遺
書共深刻夏黃所見我略同敢附辯亡漫加墨

和纓衡移居詩

未殊避世向牆東不分觀棋樂橘中視蔭轉驚千歲促支危還喜半椽同三車儻感形爲累一棒應知苦
亦空剩餌丹砂共鮑靚移家圖寫葛仙翁

再和纓衡韻

閒居巷豈別西東匿采人甘在下中胥宇好偕雙燕至借書渾喜一鷗同未妨梁廡成偕隱更聽商歌出
屢空媿我忘湖猶泛宅段橋無土覆花翁

西湖築路宋詞人孫花翁墓被發事後知之已無及吾友易大岸會繪圖題詞近欲立一碑以存其址劉翰怡周湘齡均樂助其成

題陸丹林紅樹室時賢書畫集

孔翠驚吭滿後塵千形萬態逐時新日中縱自無餘子還我堂堂地做人
十載情移海上琴又從漢上覓題襟攀嵇交呂尋常事終見陰何苦用心

沈昆山約同高夢旦蔣竹莊馮幼偉趙叔雍重陽日游宜興是夕月中泛舟東西汎漫賦

年年依例作重陽秋光棄擲不容惜荆谿久慕始一泛姑應良辰蠟雙屐兩汎二洞爭妍怪選勝縉幽恣
揮斥高空大月不世情肯逐鸕輪娛此夕遙思海市盛文譙廿丈高樓天咫尺更思去歲非園遊塵夢一
醒如過隙雖云作達強自寬得弗刻舟戀陳迹祇今流亡遍區夏更復荏苒溢敷澤救死不贍況遊遨出
戶何方避災厄吾徒逍遙走物外頗類冥鴻張六翮此皆天幸豈偶然况有清輝滿帆席買田陽羨縱未
遂采菊柴桑聊自適斯遊歷歷皆可紀餘事紛紛何足惜罨畫溪與瓔珞巖他日幽棲終此宅

民國十八年一月十一日

酣戰檀槐成底事同焚蘭艾儻前緣遼東鶴與遼東豕何處青山叫杜鵑

民國十八年除夕

中年度歲如登山捫蘿附葛凌諸艱螺旋箭激往不息世運何者爲循環人生有涯智復限羊腸節節窮
躋攀耽留火宅久遊戲貪瞋執着疇能刪譬如昆岡玉化石女媧百鍊翻成頑吾生秉質本甯澹吐棄煩
濁餘清孱廿年束縛兼蹉跎正似冷蕊纏榛菅昨非今是敢自信有淚空爲斯民潛獨絃孤張意誰和飛
鷁倦退宜知還方今剝復際時會天行人事誠相關劫灰會見起沈陸洪水或者淹瀛寰一身憂樂豈足
道所惜萬姓淪痼瘵灰心忍事百無裨往竊高厚真慚顏盡忠補過儻有時大弔挂壁嗟難彎毛錐未中
草露布椎髻奚乃誇風鬟春條初蘇冰雪繁斷壑止水增潺湲遨頭夙已斷塵夢奢願甯冀回春慳狂謀
謬算姑自詭十駕漫恥追天閑晨鐘告我且休矣好袖凍手來花間

趙叔雍家曇花開以一枝見贈

黃泉碧落人何在玉宇瓊樓夢已遐誰分畫簾微雨際一枝珍重見曇花

題陳向元泰甯紀事圖卽送其行

塵霧冒交衝風輪迷廣漠孰是有不爲萬金寶其壁向園功名士縮手謝衡輒遠志不在山迷陽安所適
翻思昔小試冰雪見肝膈獨醒古所難勇退時爲惜空餘易水上高臺頌成績終勝昆岡焚玉石同一阨
窮冬萬象閉南飛有雙翮示我一卷書異同或堅白方今戰劫盛血肉盈川澤境隘脩羅場人吸狂泉液
山崩地維絕獄慘阿鼻闢兒戲聚灞上綰苻枉千百翻覆極雨雲一局成置奕敲朴盡錙銖四海剩枯腊
雖知暴易暴猶期辟止辟謀皮意已愚逆耳語何益終虞火山爆轉眼洪水溢神洲蕩荒墟併命入窰窰
號亡虞亦盡楚失秦何獲兵者儒之精哲言清且赫兵者復猶火語亦在方策所發慎樞機千里毫釐易
我老不曉事談虎心已惕君乃精權奇赴湯應有責所願秉仁術慘怛臨疆場災眚滌瑕穢生氣培萌蘖
脩夜得小暘決川看止石庶收瞑眩功沈疴救危劇飛鉗與捭闔鬼謀空慘覈所宜束高閣萬勿陳前席
海波方浩浩此別意難釋贈策媿繞朝授書異黃石功罪此殊途懷哉愼所擇

題陳巨來安持精舍圖卽送其之遼

何物得總持安心固其要硤硤五千言沈冥賴雙照陳君杜德機齒弱才則劭火宅閱傳舍玄關洞深窅
忽擬逍遙游望空一長嘯邊氛今正惡旅食愁奔慄毛錐竟安用磨礪宜同調白山黑水間稍足窮登眺
解紛君儻能玉貌如黃鶴

篆刻雖一技壯夫且難工子雲昧其難乃妄嗤雕蟲勁腕斲山骨妙與書法通執筆與操刀事異理則同
作者去仟佰境盡術亦窮君其穿天根別施疏鑿功鑱巖師造化一舉超鴻濛關門鬱紫氣斯道吾其東
甯須慕功名棄繻如終童

高閑雲先生枉臨有詩見及敬和一律

大日高雲儼照臨彌天四海共蕭森空羣馬自漸殊相逐侶鴻翻響遠音讀畫春驚霄透漏聞歌長惜夜
深沉門前止水清如許儻爲風幡一動心

奉懷散原丈廬山

望中南嶽絕躋攀物外孤雲去未還一孔身藏心淨土千秋業就地名山探幽老健輕黃犢遺世行吟挈
白鷗誰分傷時晉徵士影形酬贈淚痕斑

附散原丈和作

晚收偉略藏人海鉛槧精嚴莫或先故舊遺書分託命虧成夙業更依禪移情絕藝驚河漢弔影荒山
換歲年孤詠難忘園俊侶蒼蠅聲裏睨飛箋

與組安漢民哲生敬之惠之游棲霞遂歷覽東郊蕭梁諸墓歸贈諸公

遨頭逐隊出江鄉俯仰川原愛景光暫抑塵勞期野獲更扶元化及春長山邱攷古何王壟宰堵齋心古
佛場未分午橋謀卜築論兵纔覺鬢微霜

時有築室
攝山之約

題沈心工鶴歸記鶴歸琴名

手揮叔夜通名理神釋泉明感昨非悟到華嚴彈指意自家機杼好傳衣
亂流幾派失通津萬妄還期見一真誰識無絃琴意好審音終屬過來人

題陳純衷燕都叢考

太平寰宇關形勝洛下園林繁盛衰誰向酒邊尋恨影排雲殿上立多時
如瀉西山送五朝瓊華佳氣黯烟銷武陵遺事從頭述儻勝無裏記板橋

題孫叔盂丈青槐避日圖

吾聞至道無寒暑爍石流金祇等閒政喜南柯醒午睡閉門清夢落冰山
人間詎有恆炎事物外應無觸熱情任爾長空張火傘北窗一枕有餘清

白門寓恪士丈故宅追懷寄散原丈

疏疏春物儼登臺杳杳詩心出劫灰萬變祇餘孤抱在百年空爲一塵哀因依風月情何住寥落山川首
重回永念杜陵茅屋歎竹扉還對草堂開

對門卽散原丈舊宅

題洪太完屺夢圖

疾痛呼父母意迫情則真疾痛無可呼悲定逾常倫洪君傷陟屺哀感忘昏晨作圖託之夢覺夢寤殊因
孤兒忍同覽血淚零鮮民人生自有初去亦同埃塵慈恩逮萬劫所被齊洪鈞揚名而顯親古訓宜書紳
度母返淨域佛化尤無垠二者敢同勉辛苦相持循庶離文字禪盡此一報身翹望海中山落伽何嶙峋
天童與太白靈境開千春夢遊合知歸家山現逡巡慈雲蔭天末永爲忘憂人

壽汪憬吾丈七十

大道無虧成至人忘去住延年緣美意亦自行吾素汪丈今之坊淵穆出天賦窮理穿月脅澄懷裏秋露
一燈照昏衢萬流資景赴不知老將至脩途策遐驚憶我當卅角趨庭習章句早慧荷嘉言奮興積跬步
波流四十載迷津苦難渡德業兩無成蹉跎百俱誤近復鑽故帙十駕窘先路天機緝餘錦纂組焉足數
屢荷惠色絲聲家儼疏附緬維宏獎意百氏歸陶鑄繼軌隨山翁詞林布韶護我媿祖硯傳秋夢不能賦
南交論詞學光氣久沉沍所冀振頽波英聲起指顧百詠踵隨如淵源猶可溯敬當寶衣珠精進勤外護
兩家增故實文沫重相响朱明方布令持觴及初度雲霄老鶴驚海嶠貞松固自慚蒲柳姿空切靈椿慕
敢譜壽星明芳春祝長駐

題馮公度金文研譜

壽金于石昔所無雕鐫刻畫窮形模廉山履園詎足比百硯價越千明珠花農老人不曉事日鑿山骨規
盤孟世間尤物殆萃此更屏質鼎祛康瓠簠齋陶齋合大笑善補我闕真吾徒嗚呼紫雲金星真吾徒何
必薛氏款識宣和圖

與善持及九妹桑女同游麗娃栗姐村村爲旅滬白俄人所營小有水木之勝以遠市囂遂成淨地
惠師漫貌烟波景小米猶多水墨痕彈指樓臺轟七寶可知世有麗娃村
暫忘魑魅橫行地來就犁軒善幻家眼底由旬虛淨土可容摩詰作毗邪

題俞琢吾淞西雅集圖

花如夢裏看警策南泉偈看花似霧中少陵語淒切生滅自如如眩轉勞眼纈諒哉造化手春物現一瞥
三友挈水仙歲寒成四傑更賴石丈人清迴謝磨涅種種出遊戲念念茁萌蘖真相本無有刻畫何言說
激湍挽不駐摩詰歎入滅謂金依例作悲歡可值劍頭映持告卷中人忘懷強分別

酬曹君贈詩即依原韻謝其招飲

暫從熱惱得清涼襟帶蕭然襲老莊兒戲累番忘火宅神曠一式染池香蟠根論雪逾淮枳借箸心驚植
汶篁慚較岐亭詩止殺清吟澆茗強飛觴時軍鋒方達濟南

入病院將中秋矣感賦

病室經時似閉關靈聰無着況冥頑由來寓狗堪求雨豈有靈鼈竟戴山萬事難圓甯守缺九幽長往儻
知還因循證取無生樂雲鶴孤飛意自閑

回思

回思十四年來事水急波翻欲斷魂短夢醒餘成白地暗香銷處失黃昏當頭嶺怯千重險澈底河驚九
曲渾今日虛空憑打碎滿懷明月不留痕

東原十丈重晤海上以卅年前拙作贈詩見示已忘之久矣感舊傷懷復將遠別率占二律奉贈兼
呈浣蘋夫人病中漫與苦不能工聊以述臆云爾

風輪一霎卅年過照影憑誰記故河飲水味應忘冷暖觀空心豈着平陂雲浮朗月沈無滓海闊回瀾靜
不波莫笑東方渾玩世十洲隨地足行窩

童蒙香草墮烟埃斷爛猶承掇拾來一飯壺漿寧得忘五陵裘馬詎相猜虛舟未事驚無極病樹翻期赦
不才更羨還鄉情味好劉樊雙影越王台

壽唐少翁七十

蓋世神功寂若無廿年綠野著潛夫先憂轉覺人難老獨樂還驚叟號迂身列真靈參德業手斟元化醉
屠蘇風流遠邁香山社餘事還成耄耋圖

金鑾密記漸成塵誰識深居意苦辛龍制共資投鉢力燕歸猶向捲簾人微言治亂通三統大運貞元繫
一身慚愧先衰似蒲柳歲寒心事仰嶙峋

十二月月圓感占

人月非前景亦殊偶耽清影立斯須瓊樓玉宇都虛幻何處今吾覓故吾

過虹橋蘭香園悵然口號

泣露啼烟夢欲沈蘭香園畔黯秋陰虹橋一箭回車地輾碎人間萬劫心

張幼華女士餉虎跑泉水

滌穢除煩那有方一尊甘冷試新嘗從今好與安心境咫尺曹溪是故鄉

余癖嗜宣鑪將集成百具病中日摩挲之爲恆課自哂一首

儻知天地爲鑪意差免磨磚作鏡難玩物拚教成喪志寒窗百具傲儒酸

陳師曾詩集印成漫題示吳眉孫

刊集陰功儕掩骼出羣詩筆久低頭清宵斗柄縈情處彈指人間三十秋

清宵斗柄情空越三十年前余送師曾往江甯詞句也

題張幼華女士畫

桑扈

好音良可懷交交弄春日願言從威鳳攬輝餐竹實

虎皮鸚武紫藤

層層帝網間觸物觀其化鳥質而虎皮汝固能言者

桃花白頭翁

同羣漸白頭戢翼良所願孤懷世豈知且喫桃花飯

梅花相思鳥

翠羽羅浮夢綠陰庾嶺詞寒香誰管領空許月明知

黃雀稻

被隴黃雲麗辛勤慶有秋長空矜爪觜嗟爾稻梁謀

灘鰻浮萍水草

蓼溼延秋爽蘋汀款夕涼羽毛應自惜長住水雲鄉

雪竹小鳥

照影冰壺淨幽棲雪竹寒閒心誰與證一片碧琅玕

杏黃鶯

俊賞惜芳時短夢迷晨覺扶醉聽鶯聲轉愁春意鬧

鷓鴣一枝

威鳳翔九霄雲鵬飛萬里何似藩薄間逍遙得名理

戴勝降于桑

陌上羅敷詠瑤池王母妝春風何限意催飼馬頭孃

雨濕春蒲燕子低

微風燕子斜少陵工體物春恨却來時紅襟一披拂

躑躅春深杜宇啼

舊夢鬱寒條春魂不可招幾番風雨後惆悵上津橋

友人自日本來書盛道彼邦愛護舊文物之盛況悼吾國相形而見絀且以鄙薄廿年來拳拳于此
譬爲一葉中流感而有作

生平不擬泛安流急浪滔天望若漚乘興未須謀返棹孤征奚假惜沈舟玄珠赤水終難閱大藥神山儻
可求禮失典忘還道盡驚心橫海載千憂

離燕地四年餘矣春來念幻住園中羣花將發感賦一律

鄰僧屢爲惜芳菲虛約花時久不歸寓賞本來仍幻住孤蹤誰道竟知非閒情逝水春何主作戲逢場意

已微爲告夜台羅揆老驂鸞時爲款荆扉羅揆東卽葬余園中

壽范古農五十范深于佛學矢志宏揚

我法本無生況復計修短范君善知識五十今始滿平生精進志昔席不暇暖宏願溟渤輕積誠單極斷妙筆譬風發忘年方雪簷顧懷昔所經微塵付深莞主行昭耳目淪浹詎能澣所期盡形壽益復堅惓款歷劫永不壞重關洞深窾渺渺恆河流挖挖義輪緩宏利兩無極大道得幽纘龜鶴與蜉蝣彼哉何足算

題李仙根曾祖詩冊

南海明珠氣鬱沈攀嵒交呂幾知音揚芬述德無窮意豈獨區區寶碎金
嶺表騷壇久寂寥百年詩魄可能招君家猿臂從來擅好向中原一射雕

春深感念舊遊撫事懷人悵然成詠

浪擲芳菲又一春可堪歌酒太逡巡孤趨夜壑甯遺世橫攬星河別有津歧路萬端供覆水殘花數點笑陳人山川滿目誰能說狼藉愁紅好悟真

石耕來詩謝寄拙集且祝五十生日因答

天涯相望各稱翁妙句還期角兩雄吟事淒迷上筒井夢痕零亂大槐宮孤蹤敢侈藏山豹一舉方看戲海鴻佇待故人來起廢春郊行藥有新功時余久病居滬郊醫院

用展堂韻寄之五月廿四日

何處層城十二樓用舊句廣寒月色似中秋窮源詎有支機贈積氣空增倚杵憂西去流沙應得度南來烟

水本無愁宵長路迥何時旦躑躅驪駒儻少留

苦舞回風不上枝傷春仍怕落花知一涼到骨甯爲扇萬事饒人豈但碁賦燕未須猜子壽牧羝翻自惜
騫期腐儒事業憑何說滿目山川正欠詩

再答展堂用原韻

萬千哀怨屬瓊枝空擷芳蘭遺所知蟻穴生涯原是夢烏臺公案豈關詩塵勞未息餘空果光景雖佳漫
劇碁苦念嗣宗能大醉韜精還想竹林期

展齋大庵續各來一詩勉和

老樹餘花飾醜枝個中消息遣誰知羞稱無力薔薇句怕讀聲牙石鼎詩機織九張工雜俎甄鳴兩翼失
殘碁聲香別出三千界儻是丹成火熟期

勞山和崔景三韻

佳氣俯青齊遙程七聖迷天開青玉峽人似武陵谿木石忘年古山河入望低勝遊恍重到一夢落雲棲
地迥諸天接霄沈五蘊空禪機流水裏詩夢亂山中海氣愁邊白巖花靜處紅多君擅詞筆玉樹詠青葱

贈沈成章

七月中成章招同胡若愚崔景三陸渭漁遊勞山歷覽勝景兼觀治績賦此贈之

龍伯一釣連六鼈化爲峻嶺標神皋巉巖刺天不可極斗截東海回驚濤成山旅順兩鈴轄有如巨蟹鉗
雙螯年來蓬萊失左股北門鎖鑰權誰操戶庭之守且無計長慮寧免心神勞沈侯獨立人中豪伏波橫
海紆龍韜皋牢列岳作崇鎮蛟鼉不敢窺旌旄已除荆棘清萑苻更栽械櫟出蓬蒿山川餘事獲藻飾梵

宮琳宇同甄陶金椎馳道頌平砥銀榜傑閣施丹毫不須更歎斯民勞還應共賀此丘遭我來登山復臨
水恍挾桂父偕盧敖憑高鬱憤忽一掃頗類繫羽離旋條向陽花樹逞光怪靈異何減綏山桃開筵淨饌
陳伊蒲餐芝法酒凝金膏喬松飛瀑助遐賞但有讚歎無訾警青蓮漫歌蜀道難永叔合賦廬山高我生
濟勝苦無具縋幽腰脚慚猿猱神州五岳未涉一得此已自疑貪饕蓋頭把茅儻見許誓去塵壒如鴻毛
笑人田橫島在望刺船成連情空切歸來旬日苦縈夢傾耳猶似聽雲璈嗚呼沈侯健者真吾曹今茲小
試驚牛刀待爾赤松黃石相翔翱共探地肺窮天弋身與茲山同堅牢

勞山又名牢山

舊曆八月十日追悼

朝露庸非福愁波祇自深百年仍荏苒千慮總湮沈寄命餘刀俎忘懷及履簪安居翻羨汝不似燕巢林
十五年來事迷離覺夢中有身原大患吾道儻中窮已悟真俱幻應知苦亦空成灰香性在不必感西風
青島入夏外艦雲集而近日外字新聞有主張收回青島者蓋指仍歸彼有而言也散策海濱悵念

成詠

巨艦巍峨俯碧潯太平路上氣蕭森山川敢信終吾土海嶽還期照此心趙壁固知原未失楚弓何事更
重尋王公設險由來舊悵聽驚濤澈夜音

青島軍備久廢固無以戒不虞也

世難淪胥生民禍烈感而賦此

黃金白刃及天魔顛倒羣生入網羅苦變清尊成毒鴆誰從紅燄救飛蛾九幽永惜花如海萬劫懸知月
不波災難滿前民病亟毗邪愁煞病維摩

別青島

山海相望送我行暮雲烟樹若爲情滔滔巨浪蕭蕭雨渾似橋頭惜別聲

題文小坡丈遺札

秋聲瑟瑟滿行間一飽傾身信所難比似淮陰龔聖與夕陽愁寫影如山

簾聲無分繼蘋洲楓葉潯陽愴昔遊更憶蟾蜍同泪滴一編殘帖話西樓

先祖曾擬命余學詞于丈某歲遇丈于潯陽江上未深談也丈

家藏西樓蘇帖流入余家又輾轉失之現在徐東海處

遷居苦蓄書畫玩物之累戲賦

結習尙慚空所有生涯或勝飲亡何牽車疲馬搬薑鼠持較勞人得孰多

題張俞淑華夫人秋燈課讀圖

風雨當年憶萃廬總帷零落貌諸孤重泉一去知聞斷忍看空閨課讀圖
辛苦慈烏咽夜啼舊時門巷日銜西楹書一一教兒讀絕勝黔婁正被妻
不數當年駱佩香清宵課女黯虛堂毫端似有秋聲起冷月寒窗幾斷腸
自寫慈恩付剡藤左思嬌女好傳燈玉臺畫史添新樣可得珠江管道昇

題高奇峯畫冊

畫師嶺海今寥寂並世房山有別傳彈壓乾坤開奧窔南交儻自一山川
花鳥寧徒院體工趙子昂王若水徐青藤華秋岳各殊風馬駒蹴踏無餘子一代終推臨濟雄

馮超然五十生日

燕處榮觀不計年更欣供養足雲烟閒情冷笑桃花塢何物人間造孽錢
書苑詩壇各典型未妨馳譽且丹青嵩陽一曲能遺世誰識先生本歲星

題何香凝女士畫虎

疾風吹空林商聲溢天地羽毛自矜惜爪牙安所試雖無在山威肯失渡河意大人象其文肉食非可餌
東海逢黃公相從以爲戲

題何香凝女士寒松積雪圖

積濕重陰遍九區無聲萬木守枯株不知大地平沈後如此山川畫得無

題蔣穀孫遼東訪碑圖圖爲得毋邱儉丸都刻石而作

束馬懸車彼一時箕封猶侈漢官儀龍飛晉水天難問鶴返遼東事可知永念剝膚行及米可堪衛足不
如葵珠厓一棄何時復忍泪看天讀此碑

題馮超然所摹改七薌畫

一卷仙人冰雪姿百年絕藝好相師瑤臺沆瀣虞公帖瘦石澄潭島佛詩洗髓早知丹換骨奪胎應恥相
憑皮金羅汪李堂堂去絕技驚餘白鶴溪

志摩之變酸辛累日聞遺蛻至滬乃勉爲一詩以述其哀世變至此生存本無意義然不料志摩解
脫之速且其遇甚酷也塵世無常生死事大吾徒宜知所警焉

兩儀寒飈殃萬流同一酷豈意吾志摩翻空出奇局焚身委風火血肉迷川谷性命呼吸間一息不可續
哀哉星星燄遂燼昆岡玉趨死有百途何辜此塗毒恨不死沙場稍雪爲奴辱盡不死洪水全歸猶瞑目
天地本不仁禍福相倚伏賦君一何優奪之復何速修短縱有數景命胡太促亂世死亦佳胡效共工觸
飛機觸山御風良快意詎乃趨岱錄地近泰山雲鵬甘低飛何期遇卻曲飛機以低儀容猶在眼緘札赫盈積
遂已判幽明往迹無由復顧增膏蘭感自處窮雁木傷逝益自念萬恨壅胸腹文囿莽蕭蕭月色沈南陸
君于新月雜誌屢有撰述高名雖永在殲良恨難贖殘魂儻歸來望斷開山麓地名開山

慰某君悼亡

強持殘泪別靈山解脫空華事正難爭識海天留斷夢入懷寒月尙人間
我亦愁深簟竟床十年心影墮迷茫青天碧海情如昨何處麟洲聚窟香

題某君不住庵

三十九年留可住百千萬偈說還非忘形儻是伽陀藥喪我誰知杜德機火宅光陰虛捉搦懸厓心事幾
依違道人宴坐諸天上一任長空野馬飛

幼華表女弟哀余手札成冊漫題廿八字

夢影無端費控搏十年楮墨浪剝肝除疑破執養生主可作尋常緘札看

題高奇峯張幼華合作覺蛇圖圖爲一蛇蟠菩提樹上

泥牛入海路成蹊水複山重更不迷誰識陽關西去道毒蛇蟠處卽菩提

題幼華畫梅

微香落人境一樹表冬時雲水渾無住冰霜不自私孤根天儻竺幽夢月能知漫費靈禽語芳華與世遺

題高奇峯畫獅

威力震大千吼聲出三界祇愁身上蟲擾汝大自在

過士敏土廠昔日帥府感賦

高槐疏柳各成陰棄杖當時亦化林丹歷九還成大藥刀經百鍊見精金狂流孰挽方張勢泉路應明後死心開濟祇今愁創繼江頭回望幾悽吟

題幼華畫孤桐小鳥

流亡孰爲巢林地入穀都成爨下材誰識龍門高百尺半生心事祇餘灰

爲官崎齋禕題高望公畫山水

畫苑天南數擅場毫端海印自生光殘山寫出滄桑影中有畸人獨善堂

民國廿一年四月前大本營財政部同人招宴六榕寺感賦一首並贈羣公

藍縷驅馳賴衆賢重來往迹剩雲烟廉泉讓水猶吾志短夢塵勞忽十年報國敢云心似鐵論交終矢直如弦木棉幾樹紅于昔休向高原感逝川

陳景瑗以寄十九路軍詩見示輒次韻有作

東海揚鯨波靈山欬傾側蟻穴潰金堤捧土寧能塞怪哉和我論直尋先枉尺善射有一夫不受羣昏迫

勇懾修羅場夢醒槐安國作氣鼓再衰前羞雪三北忍令一簣虧竟成六月息灑涕望淞流臨風耿相憶
爲陳芑川題其婦翁石星巢姻丈遺墨

徂徠久返真遺迹見礪硯太山餘豪芒況復當初我芑村今李漢韓筆綴頤夥光輝照冰玉因緣續香火
嗟昔荷賞音糠粃失揚簋回首風中漚卅年同一筭收身文字海晚計儻非左撫卷滋眼明忘履吾甯跛

題高奇峯畫柳陰孤棹

帶雨愁絲欲斷迎風醉綠微酣占取六朝烟水扁舟重夢江南

蟹山魚珠礪臺

橫海將軍策國防糜資百萬固金湯青陰滿地魚珠路一箇殘兵守夕陽

黃挺之以所摹王烟客浮嵐暖翠圖求題圖本大癡所繪王亦摹本也

太常畫法漑當時心許前身老畫師更欲真源尋五嶽一峯而後此傳衣

題京滬鐵路一二八事變冊

性命呼吸間幸不失其正見義乃勇爲行險非僥倖緬昔禍端發厝火熾俄頃藏舟跳夜壑虞機脫深阱
落落數十人智勇出天秉位異心則同事往迹愈炳傷哉蜮志輩亦得保其領國憂方未艾綱紀何時整
顧此瘡痍痕臨風萬淒哽

題高奇峯畫桂林花橋烟雨

灘江東畔花橋路虹影波光接月牙閱盡行人千百萬此心無著似恆沙

題高奇峯畫桂林獨秀峯

峨峨獨秀峙城闌萬壑千巖若是班不是畫師揮妙手誰將眞面識廬山

題高奇峯黎工伙合作夫容游魚

臨淵空自歎涉江渾未采獨立望西風遭迴終不悔

題高奇峯黎工伙張坤儀合作花鳥奇石

石質清且奇桂性老而辣一鳥自孤鳴哀歌遣誰答

報載故宮太平花開遊人甚盛感賦

火炎玉石將俱燼風劫隨藍未有涯誰識幽州好風景故宮同賞太平花

題幼華畫灘山水月

水月由來無實相千江迢遞月曾波我來亦有驂鸞意且對空巖發浩歌

題陳樹人高奇峯合作鳴鳩紅杏

占巢苦喚千林雨憂國終凝一點丹寫向毫端應不忘神州風景正淒寒

廿一年四月歸粵省城清遊會同人歡迓余于品南茶肆余不到此四十年矣

出岫雲情閒轉嬾在山泉味老方諳試分一勺曹溪水四十年前舊品南

何漆園爲繪忘湖山莊圖漫題

情景相忘夢可忘斷橋烟柳繫春光何人會得調鉛意一角危樓費夕陽

題松竹梅小軸

風雨頻期共歲寒，冰霜翻爲洗儒酸。曇華僅豔尋常事，愁向丹青一例看。

夏劍丞偕友遊華山歸繪圖屬題

吾衰五嶽僅登一，縋鑿無能憂躓垤。臥遊失喜見茲圖，有若追風策跛鼃。曩者闢道成康莊，突破丸泥勇施設。誰知正爲公等計，縮地不愁馬力竭。潼關勢峻嶽蓮秀，盡納胸中爾饕餮。灑爲大句肆荒怪，韓孟攀追競滕薛。我時正作陽朔遊，駕鶴驂鸞誇斗絕。雕鐫萬景窮一字，乃似白戰無寸鐵。詩才巧拙自高下，寓物興懷豈殊別。方今宙合溢洪水，金輪瀕洞地維裂。避兵藕孔病未能，半死桐材剛尙折。無聲萬籟空噫氣，有口三緘好捫舌。清遊偶遂實天幸，陳迹難尋真電瞥。幸哉詩禁未渠頒，呻語聊應風中呖。

榮兒嫁後謁其母墓于北平作書及撮景命焚之墓前感賦四絕

昔年懷抱臨危屬，今日佳兒挈壻來。十七年間千萬恨，期君姑暫笑顏開。
土木形骸一寫真，臨風非復舊丰神。故吾今我憑君認，告我清宵夢裏聞。
恨無一語表千哀，空撮幽懷告夜臺。孤影祇今愁獨活，玉簫無事說重來。
火宅由來感不禁，傷心大地欲平沈。可憐一樹無情碧，剩有寒蟬抱葉吟。

題潘蘭史西樵攬勝圖

平生萬事多乖蹇，咫尺西樵未一遊。今日名山落吾手，披圖渾感故鄉秋。
黃塵九陌閨瀛寰，爭信巢由得買山。冷抱丹青忘老至，諸天無事羨華鬢。

追和潘蘭史甲子元日詩韵

漫執雄雌論甲辰忘情魚鳥會相親
違時提槩驚終亥幹運回杓失用寅
吟苦儘增塵外想醉吟翻厭劫餘春
一閒中有無窮事老閱貞元卽幸民

挽諦閑法師

四十八年勤說法萬千億衆喜知歸
人天眼目方同仰塵世津梁亦已疲
分擬冥鴻雲外影漫嗤殺馬道旁兒
國清山上明明月愁失荆溪作導師

題友人此君軒著書圖

更無人倚碧琅玕月地雲階各自寒
萬綠如雲秋欲語此中儻亦有邯鄲
未必窮愁始著書百年史跡賴畋漁
勝他載筆虞山客一卷叢殘志過墟

題某君草廬醒醉圖

尙寐慚先覺同昏悵獨醒平生微願在
苦海一揚舲
苦憶湘鄉語千山捉臥龍草廬經略在
好障百川東

新豔秋小景

萼綠風姿儼內家靈臺微養玉根芽
喜從萬紫千紅外見此凌霜九月花
藝苑聲名壓永新翻從婪尾攬餘春
披圖待起癡庵笑添個程門立雪人

題畫

匝地紅雲宴酣春玉蕊臺孤芳渾自惜紙上見微開
雀逐采香蜂忘人伺其羽因果其有無問花花不語

吳湖帆以乃祖伉儷書畫屬題

斷壁零璣出祖庭名書寶繪各芳馨無雙趙管丹青手更喜傳家得彥激
冰雪丰姿自寫真曇華權艷儻前因傷心妙墨飄零盡不見疏香閣裏人
曾畫小鸞祖姑象今已佚

爲吳湖帆題南漢馬二十四娘墓券拓本

月明寶漢茶寮路斷夢消沈忽卅年回首故山成悵望此心長飲在山泉
金塗鐵塔委荒榛片石南天倍可珍誰與伏波纂家乘卷中儻是漢遺民

題某君太夫人遺徽錄

教子一經家法在託孤七尺丈夫難留題莫但尊閨範好與時賢鄭重看
使我披圖淚暗揮卅年斷夢失春暉慈恩百劫從何報慚媿孤兒願力微

樹人餽荔枝花生口號遣興

石闕方銜口邊笳欲斷腸鄉心轉無那一曲荔枝香
春信甯無準風輪儻不停道人微笑處花落見花生

題王仲屏所藏道咸同光名賢手札

百年文獻待徵存薪火風期見本原此亦珠申佳史料好將遺事問光宣

往迹沈吟野史亭，晚蘭山桂各芳馨。淵源流別都休問，文字猶欣聚德星。

題曹君看雲樓覓句圖

此心不共浮雲變，轉識原如返照明。苦叩毘邪慳一語，尋章摘句可憐生。
蔽空本自無根蒂，寂照荒荒此一樓。偶示因緣偶文字，欲從何處現雕鏤。

題高奇峯畫達摩

此是達摩否，還須問達摩。指端空朗月，心上幾恆河。萬劫祇云雲，一絲仍號多。化身千百億，光影滿娑婆。

題高梧軒圖

歷劫浮漚有此圖，筆端何地著潛夫。栽桃種李都閒事，可許先生一據梧。
擅壑專邱儻不任，湖壖小築自遐心。新詞棲鳳休忘却，萬里丹山好嗣音。

題澱湖買夏圖

天池翻後愁難盡，海水車乾事等閒。誰分疏烟殘照裏，筆端留得好湖山。
江山如畫思豪傑，畫裏江山見性真。雨橫風狂都不管，中流擊楫彼何人。
澱湖風景似曾經，佳夢依稀墮杳冥。滿目山川誰是主，烟波何日一揚舲。

題劉海粟畫集

百川東注資疏鑿，萬派西來得獻酬。誰與中流成砥柱，劇憐吾道屬滄洲。行閒意匠難生巧，物外遐心縱不收。寶此一囊佳璞在，丹青元化任追求。

讀稼軒集

芳菲苦助啼鵲淚，蜀豆徒傷仗馬心。剩向九原添叱咤，人間何地着騷吟。

謝疊山夜過稼軒墓，聞大聲呼嘯，祭之乃止。竊意稼軒乃南宋

第一血性男子，其率衆由金歸宋，意將大有所爲，乃平生從未稍伸其志，其不平也固宜。高宗徒廢以祿位，豈稼軒志哉。

藍方九以先友書畫便面索題，中有其先德甲午去臺灣故事，感而賦此。

文字因緣好護持，一編手澤繫人思。揚仁述德留遺史，勝似城南教子詩。

白山迢遞戰塵紅，卅載驚心日再中。玉碎珠還同一夢，可堪家祭告而翁。

十一月十二日用直保聖寺唐塑工畢啓幕，余自滬往參其事，旋赴攝山，勘隋塔工歸車有述。

年來寡所營，萬事付休莫。法門勤外護，矢志非有託。甫里唐塑象神物九鼎若，（用直唐塑佛象僅餘九尊，傳爲楊惠之手造）歷劫蕩烟灰，隨風譬枯籜。我來不自量，辛苦強營度。中邁萬迤邐，危途輕岵嶸。觀成幸有日，茹苦乃成樂。湧現彈指間，華嚴幾樓閣。（保聖寺大殿已毀，今重建古物館，以覆唐代佛象及塑壁，計重裝塑品新建館屋閱時凡三載，乃成其間齟齬乖迕百出不已，余概不之計，卒乃告蒞）因思塑造工歷朝，頗彰灼戴顓稱聖手，惠之多傑作。元代得劉蘭功，堪繼疏鑿所。惜兵火餘遺製，久凋落楊塑。僅此堵亦幾歸冥漠，願力保區區孤懷殊硤硤，有爲固如幻。衛道寧自薄，更作攝嶺遊。兼程踐前約，蔣州舍利塔。隋文侈雕削，八面峙五層。莊嚴越銅雀，嗚呼一千年。樺卯失纏絡，聚沙媿微誠。布金欣宿諾，遂成不日功。儼具擎天略，（何曉生伉儷捐萬金俾余任脩塔，余以年餘之力用科學方法加以脩固，此一千三百餘年之石塔遂得再延壽幾許，余別有文記其事）茲來完一簣，更復嚴扃鑰。進叩白雲菴，徵君所

棲泊（白雲菴明張瑤星故居爲明徵君宅舊址）蓬蒿塞行徑玄風久蕭索緬昔全盛時光華溢丘壑
三論祖庭開（攝山爲三論宗祖庭今知者殆鮮）千佛真容錯大道尙榛蕪門牆空式廓長江望滔滔
涓流恐長涸（棲霞寺近年土木大興而脩持未見精進可慨也）地靈與人傑相倚殊顯燦歸途鬱悲
感覺夢兩無着塵勞方滿胸孤往愧垂橐安得此結茅曹溪分一勺

无畏以漁洋自書詩卷索題卷中評泊各一是非紛然戲爲此解

爰居閣中王詩軸題話分曹幾杼柚諸君邀我試平亭心怯揚湯神踏踉年來萬事例緘口詩案何堪任
推鞠姑憑兩造各傳疑聽我一言供摘伏詩道本以持情性敦厚溫柔同位育末流詞勝骨則亡翦綵爲
花徒簇簇韓歐矯弊文爲詩筋力强梁差少肉才雄氣猛情味減有若雷霆掩絲竹所以風人明月篇妙
悟終推何大復漁洋論詩標神韵細練輕縑審篇幅况乃詩外少事在光景流連語盈目作箋苦累惠紅
豆談龍空怒趙秋谷但思明清遞嬗時文苑榛蕪成慘黷疏花秀石洗荒穢亦等裘葛稱涼燠若云骨幹
未騫騰此天所限何能淑一代正宗材力薄斯論頗公聞已夙況復嗜好殊酸鹹以判是非難折服要之
順康論詩派愛好貪多兩昭穆祖宗親盡有時祧芻狗何期永尸祝江流不廢固未然自鄧無譏亦微酷
抑揚軒輊兩宜屏無取短兵相角逐矧今諸子樹鼓旗各各騷壇車擊轂政當雄霸競齊楚奚事紛爭緣
蓼六衆聞諧說盡頤解因掇成章實斯牘此中儻亦有三昧四座忘言茶正熟

題曾農髯所作畫冊

掃盡浮烟漲墨痕胸中丘壑足天真同名漫祇誇徐郭更與井東作後身

往與无畏公渚訪莫雲卿墓於滬法租界金谷村二人皆有詩徵和余久未成昨忽得雲卿孫葭士遺稿因賦一律

蕃坊曲巷得幽宮想象襟期七子同雲卿與屠緯真王百穀沈嘉則等稱慶歷七才子寫影風前揮白羽雲卿有小影揮羽扇看孔雀論兵湖

上吐長虹威南塘湖上宴集雲卿叱咤聲如裂帛左右皆辟易移情焦尾絃翻絕雲卿歿前所彈琴七絃皆斷斂手枯枰局已終雲卿歿時方愁

見文孫遺著在雲卿孫葭士人清不仕有傍秋庵文集百年滬亂感還逢葭士著滬亂紀略言明末甲申乙酉間事

題夏劍丞映庵填詞圖

映庵習詞卅載前我年未冠相攻錯映庵於光緒中業初爲詞曾作鶯啼序諸詞見商時余年方十餘今忽忽卅餘載矣精金辟灌成大器繁會和

調競天樂王幼遐文道希陳伯弢況夔笙並驅馳更伍彊村儕大鶴置身不落汴宋後況與朱厲爭強弱

堂堂藝苑名久標宛宛佳篇時有作謁來滬社一追從近年在滬同結滬社媿類鉛刀廁霜鏢回思卅歲談藝日才

退心灰興非昨強從玉海薈瑛瑤余近輯後篋中詞又輯清一代詞敢侈玄扃探鐫鑰冷暖自知一杯水佐使相資萬金

藥嗚呼八表此何時空共書叢啜糟粕還君此卷有餘情勝過屠門矜大嚼

舊曆中秋樓居望月追憶廿二年

忍淚登高足自傷天傾倦鳥幾翱翔烟雲到眼都成瘴泉路埋憂可得暘問影祇憐成隔世安心何處覓

吾鄉千門萬戶誰脩補玉斧銀河事渺茫

爲亞農題所藏明鄭超宗元勳山水畫軸

亞農好古還好客讀畫談玄屢前席聽雨同登灌木樓亞農所居樓名開緘忽睹連城壁鄭虔三絕記當年超宗工詩

畫見杭大宗文集畫史彙傳及江都縣志

觴詠風流雜管絃復社陽秋高北部虹橋花木壓平泉名園傑構推三影署榜華亭

親記省

杭大宗影園瑤華集序云勝國時廣陵鄭職方超宗縛茅于蜀岡南華亭董尙書以為在柳影山影水影之間題曰影園勝流過廣陵者以不踣影園戶限為致事

喜同坡老詠

烟江更為癡翁題大嶺

考超宗自作影園記云壬申冬董元宰先生過刊予持諸畫冊請政先生謬賞以予得山水骨性不當以工拙論此軸之作在壬申前一年正躊躇滿志時也越

十年辛巳重題則年已四十四距被難僅三年耳

此軸當時荷賞音畫禪拈筆幾沈吟傳衣偈證堂頭棒鼓情移海上琴琴尊

雅集傾江國廚顧名流競相識狀頭詩選得姚黃萬紫千紅黯無色

崇禎庚辰超宗集海內名流賦黃牡丹詩請錢牧齋評閱吾粵黎美周遂

膺首選一時有牡丹狀元之目黎後殉甲申之難南海梁子春梅有長歌詠其事內云聞道揚州鄭子真殺身亦已共成仁可憐賓主皆奇節祇媿當年校藝人即指此也

換羽移宮事不期

山崩川竭感同悲瑤華空續新心史樗散疇憐老畫師嗚呼世諦真如幻妙繪還成廣陵散當門竟遺葬

芳蘭覆巢差幸留完卵

超宗甲申五月緣城守事以死殉子為星亦有時名

介弟高名重小山滄桑歷盡作殷頑休園多少遺民淚

灑入荆枝尺幅間

畫有鄭俠如圖記俠如字士介超宗弟入清不仕構休園奉母有休園詞

百年興廢紛如電竹西歌吹矜文譙鄉邦文物重

琳瑯又向玲瓏館中見

畫中有小玲瓏馬氏叢書樓二印此畫曾歸半查昆季

玲瓏山館闢臨流絳帳扶風盛貴游即景填詞朝選

譜分曹射覆夜藏鉤賓筵幾許丹青手秋岳華冬心金儕九友後生可信畏前賢祇惜留題付烏有輾轉

流傳逮子雲

畫為楊翰西所藏以贈亞農

夢中割錦復貽君寶章豈第誇雙壁清閨渾堪張一軍我來展卷增悽愴剩

水殘山豈殊狀上河渺矣復誰圖喬木鬱然猶在望誰是江山舊主人空從翰墨話前因結鄰待賃皋橋

庶藝海相從即幸民

余頗有卜居吳門之志

春遊雜詩

梨園往事憶開元一壠松楸儻見存此事千秋無我席不須辛苦事爭墩

游綽墩綽墩在崑山正義鎮距車站約十二里志載乃唐黃幡

綽墓故名余戲謂此墩乃正應爲我有

譎諫餘風寄秉簡廣長舌妙語如環我來欲續伶官傳絕倒灘簧范少山乃幡綽附近居民多善滑稽相傳

灘簧家范少山亦其地人也

差免傾家沈萬三玉山聲伎甲東南淒涼恨血秋墳唱零落東亭硯一函顧阿瑛墓亦在綽墩無封樹相

亭子昔爲玉山草堂之一部今成村落相距凡十餘里可想昔之閭閻余新得小澄泥硯署玉山款殆亦道人遺物也

可憐流毒到亡人激賞龔詩語尙新誰料牛羊上丘壠摸金遺恨及而身至崐山村近爲人盜賣幾被發掘

爲告之官中而止文莊水東日記曾載龔鈍庵詩云可憐流毒到亡人蓋因某名人墓被掘而作文莊以爲佳句不料文莊自身亦遭此劫也

題朱竹垞所藏王漁洋手札今藏遐菴

嗜好貪多任世評主盟南北未相輕填詞老去風懷減獨遣銷魂爲阮亭此冊乃舊歷年函札其籤題猶

詩句爲摘句圖可徵二人交誼

腕底空誇八法豪小亭銀榜怯題糕虞戈省識朱家筆豈獨賡歌有捉刀札中懇朱代筆書亭額漁洋召

曾見前人紀載

題關百益象

生前面目通千劫影外形神淨六根留與人間供考古不須拋却刻舟痕

爲吳敬臣題梁節庵丈所貽俞繪梅花便面

珍重傳師意相期鐵石腸心源餘沆瀣手澤幾星霜末學慚禺麓前塵感武昌丈招余講學武昌楚材終

有用苦語可能忘丈武昌府署門聯云楚材必有用教成君子六千人

爲顧鼎梅題其小象

除妄固知真不滅通今仍與古爲徒有時形影還相贈誰識先生道不孤

呂美蓀女士屬校刊其師蔣觀雲詩集既畢因題

昔從緒論聞襟抱今繹詩篇見道真平挹九流心獨往獨艱一字語還淳脩途在眼甯終古積雪填胸有別春儻欲九原召和緩子餘仍冀活斯民

山行雜紀

峻坂驕陽下輿夫喘汗間慚予亦人子安坐飽看山登靈巖穹隆肩輿者雜男女

肩輿陟層岡村姑足龜裂顧見輿中人淩波耀羅襪

村女今何業肩輿刺繡文寧知貴家女膏首揀羅裙木瀆向以繡工著

館娃忘國仇山川爲失色眼底越來溪敵兵從此入露巖乃館娃故址越來溪卽在山下向傳西施在此望五湖余意或亦如子胥之望越兵耶

法乳衍觀宗東林見遠公何時挈瓶鉢雲水一相從崇報寺晤妙真師乃十年前余請諦閑老宿設觀宗學舍之學徒也今主持靈巖規模式廓條教清整有

法爲之一慰余頗有卜築靈巖之志未知何日得遂也

雲房養子孫歲久還成蠹愁見潰藩籬豈徒判門戶穹隆道院爲子孫制內容頗不整飭無論釋道凡子孫制未有不敗者甚矣家天下之毒也

材大難爲用多藏轉厚亡名園憐晝閉燕雀閑空堂游木瀆某氏園園締構極佳可匹寒碧山莊

題潮陽王顯詔畫稿

嶺海文壇久寂寥高望公張鐵橋黎二樵謝里甫若爲招徧師突起韓江幟好繼英咸奏九韶

彼山飯我木瀆石家飯店和壁間詩韻

萬命徒供匕箸香殘魂愁繞几筵旁鮪羹漫采門生議且試人間般若湯

店以鯉肺著名年殺以萬計

榮兒生女告淨持

誰遣新荑發舊根強纏藤蔓役心魂夢中憧憬廿年事昔汝垂髫今抱孫

題貴陽凌光庭冰髯雪笠圖

傳神笠屐儼眉山雪虐風饕信等閒卜稔每同農樂歲庇寒能使士歡顏雲騰性自根龍德霧隱時猶見
豹斑伯仲鄉賢知不媿柴翁眎叟共躋攀

爲余越園題陳師曾畫梅

師曾風概青田鶴仙翮高翔俯寥廓貌取寒香欲返魂玉骨冰姿動巖壑看君此軸渾入神豈徒能爲竹

寫真朽道人終將不朽

師曾自號朽道人

元章吉金落吾手

李佛客丈雙辛夷樓填詞圖爲拔可題

零鴛哀嘯雜清商佳句江南記斷腸說夢卅年花欲老傾愁百丈海難量相憐紅萼爲誰好何處青山非
故鄉稍喜小山餘韻在家聲輝映玉蘭堂

題金志守雪中失駒圖

圖爲喪其幼子作

眼底生駒踏殺人乘空渾隔幾由旬塞翁妙論翻非福苦縣玄風患有身點雪洪爐原幻影馱經白馬僮
前因服箱罽駕都閒事一夢驚回十劫塵

陳石遺來滬舍午飯感舊賦贈

鄂雲燕樹兩茫茫余與君在鄂始相識時同執教鞭今忽忽三十年矣少日追從鬢已霜客舍五漿渾自失斜街一飯可能忘三峯

永羨游山屐近游華嶽九曲思隨泛海裝余擬游武夷人事祇今銷黯盡儻餘行樂未相妨

石遺答詩附錄譽虎兄枉贈招飲感舊之作舊事被說盡矣勉韻奉答之是日大雪

蒼蒼髮與視茫茫回首前遊近卅霜清景亡逋追已盡生存零落感難忘還山李泌耽殘芋君茹素冒

雪桓溫嬾急裝余自去歲西安翻車頗憚出遊樂趣好憑陶寫出不關兒輩覺能妨譽虎尙無子余子事譽虎有年亦卒近復生子尙幼故云然

鄭午昌爲諸貞長追繪病起樓圖陸丹林屬題

黃州坡老傷頭白東坡黃州詩何殊病少年病起頭已白沙市涪翁感白鬚山谷書伏波神詞詩卷跋尾有山谷老人病起鬚髮盡白語歷劫幾緣同露

電隨波殘夢杳江湖死歸生寄隨通蔽起廢鍼膏定有無餉汝一樓眞實意未妨玉折換蕭敷

晤劉問蜀西湖年七十九矣矍鑠猶昔賦贈一首

平章風月興何窮天遣湖山福此翁雛鳳會看騰萬里孤熊猶自隱深叢久韜黃石匡時術不藉丹砂服

餌功一屋根香勤炳燭豈同寂寞老楊雄少子方五齡新建根香書屋

夏蔚如六十生日

鵷鷺同舍昔相親往日同官郵曹歲晚閒鷗各自馴話舊儻忘天寶事傳疑誰覓武陵人觀碁幾局柯終爛仰屋

千秋帚可珍會遣相從尋洛社白頭還許更如新

以波斯貓贈湖帆承以筆還贈口占

非種空期策大勳管城投老欲何云銜蟬撲蝶渾閒事齒冷人間磔鼠文

北行過天津車站有感

七年不踏津橋路細雨無聲柳減陰冷落人間尋夢地據圖勿頸費沈吟

北平公園花事方盛往觀題此

千紅萬紫逞新裁空省當時闢草萊葵麥祇今非復昔劉郎何意竟重來

公園未闢之前余與徐建侯率先人勘乃定議闢爲公園今建

侯墓有宿草游人千萬度無知當時情事者余今度四到園中情坐柏陰念川流不住及人類熙攘之盲行相襲中懷豁然忽有大地平沈之概但不爲境奪談何容易

題新得萬歷華嶽志

志有馬明卿跋士英之叔也又有大順初年開創邑令曹士掄評三行大順乃張獻忠年號

問天合遣偕狂白遺臭還應恥阿咸失笑脩羅文獻在一行大順寫新銜

與樹人游陵園仰止亭旋至譚墓亭爲余所建

廊落乾坤有此亭同來澗壑攬餘青棲遲始識江山大胖蠻彌驚草樹靈白日在天勞仰止幽局終古闕

悽馨回車返照迷茫裏眼底微塵幾建瓴

題陸丹林紅樹室圖

寄情苦類餘霞綺轉識渾驚返照明誰料山河原白地尋根摘葉可憐生

題焦山歸石圖

江建霞光緒間得揚州潘景伯及唐初淳所續述石焦山圖卷取而還諸焦山書藏以其石本焦山書藏中物也嗣山僧乞題于梁節庵丈未及題而丈歿丈之子劬介余歸之焦山乃爲乞題于建霞翁子小鶴余賦此一律此圖將仍還之焦山書藏永保勿失焉

潘唐佳話接江梁故事焦廬赫有光羽化何年人竝鶴珠還歷劫海先桑九京齋恨天誰補五嶽蟠胸壑
欲藏愁向書林尋舊夢興懷得失到奇礪

去歲游真義顧園賞元代千葉蓮與同人議建亭爲吟息地今夏告成偕虞琴小山小鶴靜山暨彭
縣長及邑中諸君子顧氏遺族于六月二十九日合會落之仍用趙松雪舊題榜曰君子賦此紀事

玉山陳迹委榛荆

玉山佳處諸景悉無沒無考

佳處今欣見此亭良會儻偕金谷友

同遊二

新詩重慰草堂靈花經識

面香終好綵憶同心夢已醒

去歲游此會賦五綵結同心一詞

惆悵荒庵遺蛻在寒瓊誰爲寫幽銘

顧阿瑛墓在邑之綽墩上建金粟庵今爲

鄉人所占余意宜理還顧氏

睇嚮齋授經圖爲陳甘移題

傳經門第幾蒿萊驚見明珠出海隈
緱氏喜聞元禮學鄭鄉彌切小同哀
抱遺至性天應竺起廢孤懷世
所推開卷重增懷土感越華書味美于回

先大父南雪公傳陳東塾先生之學主講廣州越華書院凡十餘年余少日讀書其地

與王秋湄張大千登虎丘啜茗小吳軒縱談廿年來事歸途示二子

冥心所繫本尋常孤往空期適莽蒼
世短春疑隨老至身閒詩轉逐人忙
盡傾肝膈謀何用稍得毫毛意
已荒待挈前塵成史實過秦哀郢語能詳

壽陳蔗青五十

乘桴往跡十年強，失喜金成鬢未霜。
斂手枯枰空急劫，安心泛宅卽吾鄉。
平陂久澹無涯想，礪硌方探不盡藏。
填海障川今正急，可無身手出堂堂。

答陳小蝶

玉炙一鱸情欲闌，此心底處更須安。
鄴侯事業吾何有，且撥寒灰伴嬾殘。
在山泉味清逾冷，出岫雲容澹欲無。
共信茲邱得佳遇，不須更記柳州愚。

陳可鈺索題其石潭自建圖書館

金絲滿壁閤琅函，禹穴龍威不待探。
悟得先生沾溉意，豈徒武庫侈征南。
傳書未慕鑿楹藏，學海相期一葦杭。
莫但知非羨遠叟，禮堂應表石潭鄉。

題蘇州寶積寺某和尚傳燈圖僧爲許笙巢之姪

歷劫宗風得上乘，十年一勺遲南能。
衣珠覓得渾閒事，證取宗風無盡燈。

十月七日游滁州琅琊寺至醉翁亭

半日舟輿恣往還，縑塵空遣犯蒼顏。
何人會得先生意，每到秋來祇看山。

江南清遠北雄奇，範水模山困畫師。
誰料別開生面手，環滁時復一中之。

滁州山水介南北間，幽深而復渾厚，故云爾。

過江人物想瑯琊，一寺今猶屬晉家。
太息夷吾重江左，祇堪彈指話蘭闌。

寺傳晉建時有外賓同游。

風流慨想二賢堂。

寺中堂名祀歐蘇二公。

觴詠消沈帳檻荒，笑燕塗山香一瓣。
真成配食水仙王，龜中象

臨流苦愛讓泉名雷轉空山祇自驚波浪人間虛滿地到頭何處有窪盈

讓泉舊名讓泉不知何時所改

醒園新構峙山隈卜築經營祇費才應念此翁原未醉不須平地起樓臺

醉翁亭側有人建一醒園意與亭敵可哂也

閭里蕭條萬井連窮黎辛苦困沈淵無人可語豐年樂閒望斯亭一愴然

望豐樂亭未及往遊

西澗遺踪不可尋刻舟膠柱意何任傳神好覓松圓叟瘦石寒漪一會心

訪西澗不得永叔苦辨章蘇州西澗詩與其地景物不類實則

海嶽尚有變遷何況陵谷余藏有程松圓西澗圖清逸絕塵但不知是此西澗否

永叔非酒徒稱醉翁時年方四十意蓋有不自得者再賦一絕

深心寧假醉爲鄉憂患如山可得忘試詠春愁撩亂句登臨應是足回腸

永叔守滁在慶歷六年黨論方起時相傳蝶戀花詞亦此時作

重九豁蒙樓雅集未赴纓衡爲拈得歌字韻

良辰佳約屢蹉跎涉想真如馬注坡望遠高樓憐短翼襲人寒籟撫喬柯百年此日名終惜四海彌天意

已多試俯危闌念霜杰豁蒙心事舊如何

都門偶感時將歸滬

鍾山投老意何窮雪竹霜筠苦耐冬終擬虞淵扶落日儻知寒谷有回風昭陵望極心滋戚梁父吟成計

自工辛苦都亭持手版故應王謝不相同

一月二十日組庵忌日爲上塚感賦

幕府元僚記昔時重來靈谷攬餘悲天心剝復渾難卜人事蕭條祇益詩憤憤後人思未已冥冥昭格語

憑誰一坏儻了無窮恨憶向高墳苦致詞

曩歲與組庵共游徐中山墓君徘徊致歎羨語甚哀苦

星火

星火燎原水覆舟大風蘋末海橫流老夫願慎樞機發幾許嘉謨是禍由

卮言

實用不如瓦釜購求乃費千金人世有何真價吁嗟燕石如林
蕭相自汙田宅陶朱屢致千金高明鬼瞰或免慢藏誨盜難任
乍可石碑銜口何堪空谷傳聲太息高岡鳴鳳傷哉蚓竅蒼蠅

蘇州葑門有羊王廟祀羊叔子

身屈典午朝廟食中吳地休傷峴首碑已勝銅雀伎

終愁

終愁語業妨身意誰信高歌有鬼神多種甜瓜刪苦瓠宗風寒拾或前身

周夢坡逝世經年追悼

絮酒重傾有百哀晨風猶憶共銜杯三生片石誰同證百轉溪流念此才清祕藏多憐漸散霜花香好爲
誰開詞流幾輩垂垂盡愁向湖庵一溯洄

夢坡于西溪建兩浙詞人祠今同人附祀夢坡于此

偶集句

未必秋香一夜衰菊殘猶有傲霜枝人生窮達誰能料正是橙黃橘綠時

不寐

短夢寒燈墮杳冥愁聽子夜怨歌聲
泉流欲竭源何在石補難圓恨可平
四國似聞傷罔極一塵空與度無明
朋儕苦祝癡龍起誰識幽懷早若冰

夢游杭州瑪瑙寺

清泉雀舌傾新乳寶帳龍珠弄夕陽
閒煞僧樓一枝筆更無日觀出堂堂
宋溫日觀善畫葡萄瑪瑙寺僧也寺有名泉

病中憶蔡公湛

誰分名駒各老蒼升沈何礙自堂堂
是非不到哦詩處蘊蓄猶多退密藏
相望百年珍此日便飛萬里止何鄉
宵燈掩藻公湛齋名縈懷地病枕依稀舊夢長

網師園秋感寄友

綿邈山川極目收頽陽何語下高邱
相期曠隔終無負誰令當歸復遠游
冷眼逢場千局換腐心入海一塵浮
霜筠雪栝便酣臥遲爾清秋讀畫樓
園中樓名

十一月十二夕病榻見菊影口占

已忍伶俜見一枝秋窗殘照夢回時
十年心事飄蓬盡強供寒花慰敝帷
疏燈殘漏挹淒清歷盡風霜也自榮
誰與此君參慧業湘江彭澤問前生

病中偶見庭樹已黃漫賦

搖落由來合變衰移根翦綵亦奚爲
多情笑煞桓宣武辛苦金城泣涕時

一病

一病連旬日翻成物外人衰顏嫌鏡識孤影與床親涉筆滋新感聞香判夙因
病中親友歿者六人堪傷逝賦刻刻擾根塵

對菊再賦

澹然相對祇盆花不向風塵競物華應是柴桑晉徵士冒寒來訪老夫家

小觀園看菊以疾不赴

無邊瘦影出伶俜萬態千香不自名爭怪先生秋病裏花枝人意太慵生

枚仙書來將刊其詩語多悲苦寄此廣之

長空雁影久無痕怪子書來識浪翻雲澹固知慵出岫蘭芳奚意尙當門
百年終覺昌詩好八座何如乞食尊一卷秋聲滿巖壑故園松菊儻猶存

送幼華歸粵葬其師高奇峯

窮冬陰蟄幾昭蘇隻影愁登萬里途蟻穴有聲天可澈鮫珠和血海先枯
精誠合現生金字餘事應成負土圖宿草九原當稍慰一星臨曙未渠孤

曹纓蘅以樊山翁昔年致余手札見贈感題

問舍猶勞一紙書書因買宅屬代貸費卜居履道意何如海山自昔知歸處人境偏煩重結廬
往迹記聯三世好與翁先大父南雪公先嚴仲鸞公均相契遺詩渾感萬緣虛翁詩逾三萬首殆無刊行之
翁贈余序有三世論交兩番歎逝語還珠苦觸觀河感豈

第區區寶燼餘

聞黃晦聞去世

斯人竟逐殘年去危涕翻成一語無死所稍憐能自擇詩心渾感失亡逋解頤毛鄭箋誰續抗手梁庵節庵曾
庵蟄道不孤可信夷夷侵緣雅廢更堪衢路日榛蕪

凌竹銘總司粵漢鐵路工程來書思慮深長詩以策之

人心萬山海何策可填移已作百年計休傷吾道孤積銖功有屬枉尺世能知試擬長城例堂堂某在斯
不渡

乘風早歲懷微願橫海中年鬱壯圖堪笑堂坳公不渡帆收櫂斂柁還無余少號乘風閣主人

望鍾山

孤忠殘淚溢昭陵凍雨寒巖一撫膺史跡默收千劫去愁波祇爲一人增隨流斷梗前終卻益嶽輕塵老
儻能赫赫照臨前日事白頭誰爲啓金滕

蘇州登山有感

功名滅性事尋常忠孝勞生意可傷忍上高臺思越絕更憑殘壘話韓王書憂值得詩千首懷往空餘淚
數行滿目山川形勝渺媿從袖手策苞桑

蔡女生兒適值日本宣布廢止華盛頓條約之日

廿三年十二月廿八日

懸門弧矢慶今朝淑世承家屬望勞墮地可知憂患始太平洋上湧新潮

題散釋握蘭移裁曲圖詩并序

散釋以握蘭移裁曲圖屬題久未之報也余維謠吟出于天籟諧以節奏而成樂章故古者有韻之文殆無不可歌其音之高下句之長短則一視乎律之需求自五七言詩興又縛于聲病束以功令由唐迄今彌雜以人而遠乎天其究也徒留糟粕存間架伴歡強感牽絲刻木不復能爲羣衆抒情寫實之用詩之道因益衰幸唐代因窮而通有長短句之崛起依永和聲意內言外晚唐五代之文藝惟此足稱逮盛極于兩宋以詞之猶不能盡其變北曲生焉南曲繼焉再變而爲崑曲此其統緒實祧五七言而上接風騷此非有所抑揚其體制則然也（語句之工拙又當別論）宋張功甫曰三百篇當時之歌辭也鄭夾漈曰古之詩今之詞曲也宋之詞曲多即席付之歌唱張鄭二氏能上究厥中消息自詞曲調譜逐漸失傳制辭者不復能歌遂全失韵文原義雖佳作迭出而情韵不充變化亦少致不能窮極能事此皆逐末忘本之故也崑曲之興三百年今成弩末學者棘心鈎吻僅能合樂而佳作亦稀各地風謠頗多獨到以方音各異無以行遠故今日求上接風騷中承樂府後繼詞曲旁紹五七言詩而復能盡其通變應有新體製出焉略沿詞曲之體而聲詞務期合樂所謂樂者汎指音樂而言至今之音樂應採用古今中外何種調譜與器具以成爲較良之樂茲事體大今暫不論但鄙意必決不拘定吾國古昔之樂調樂器以學無國界又吾國舊樂久雜外來無須強分畛域也詞意務求真切一掃千餘年來膚浮雜淪塗飾矯強之病庶韻文一道可卜中興此其體擬名之曰歌以其入樂而兼通雅俗也詩詞曲三字原

幾本非如今自視爲專稱遂別成定義歌之名亦猶是耳

余數年來屢以此義述之友人易大庵龍榆生兩君文字教課中頗衍其說蔡子民蕭友梅兩先生亦深許焉遂先後有歌社及音樂藝文社之設以資闡播近頃四川陳厚庵著宋詞新歌集以宋詞譜入今樂頗合其意然猶嫌強譜就詞設溝通兩者因新譜以作歌或就新歌而制譜期聲情并茂耳目一新一篇甫出即付歌場黃河遠上同茲得意抑亦文壇之快事乎至篇幅語句不限長短而必須押韻韻脚必須合律而不必拘守前此之韻書此又蒙之所主張而期與海內閎達共加商榷者也余三年來懷此欲有所述冗嬾遂未下筆今因散釋之屬遂發所感爲一詩散釋通人于此當有默契也欲究其詳仍俟諸異日

李侯屬題裁曲圖經年不報殊自忤顧我有懷鬱待吐持重趨趨屢前却茲來因病稍得閒仰屋清宵理然諾管中窺豹僅一斑豈有金鑣能刮膜由來歌詠乃心聲言志永言司管鑰依永和聲奏爾能述志抒情寓哀樂短長高下本皆宜協律豈爲聲病縛隱侯四聲強解事從此拘囚一邱貉李杜不限五七言萬

丈光芒應益灼（四聲本無礙于詩歌之發展自限以對偶束以字數變化遂稀此僅就體製言非抹煞千餘年來之作者也在一定聲律中因難生巧固亦有幾許能事在且由四聲以進究音律之微于合樂極有用處閱者幸勿誤會）兼之聲樂簡趨繁繁會參差趣方博晚唐泛聲五代詞駸駸遂乃應時作天水一朝稱極盛令慢犯引紛騰躍末流境界開闢盡曲海波瀾遂增拓傳奇雜劇逮散曲勢若枝條貫花萼賞通雅俗近自然韻合宮商應咸若相沿流變到崑腔各有高文峙衡霍邇來興廢百餘年樂府聲文同寂寞高腔亂彈辭既陋沐猴而冠良可踏吳歛粵謳雖足采苦限方音難式廓物窮則變此其時巨刃何人礪鋒鏑我思絃歌本一事吟唱分途已堪矐校量分寸入微茫如蟹不行徒郭索詩詞曲合親盡祧有類虞賓列三恪別開生面化神奇一一新腔由自度吟成卽與被管絃譜就咸令合斷齟尋聲按拍斯盡善依譜填辭亦不惡宮呂無事限華夷法曲霓裳休菲薄樂器亦漫區新舊簫簫琵琶高夏搏黃河遠上奏旗亭胡沙疏影思京洛擘箋筆與風俱駛擲笛曲終音尙嫋佇看雅樂繼英咸豈但屠門供大嚼我擬此體名曰歌義取清真氣磅礴浮詞浪藻盡刪除挖雅揚風屏穿鑿務與天籟通淵微無取門牆供假託民風藉此觀真相體備衢巷嗤臺閣韻文因之啓新機義取菁英棄糟粕非徒藝苑望中興且冀文源賴疏濬我懷此旨已數載及茲一傾語猶略李侯博雅今周姜辨律審音衡燕雀窮年心力付謳吟苦爲梨園宣木鐸何如于此闢康莊遠蹠新翻鹿盧躋高名定跨方城尉對症方資特健藥數奇猿臂縱不俟羯鼓三郎堪自諱病床寄語難奮飛落月孤呻應寒柝非君奚以發吾狂它山更願相攻錯

盧伯雄妹丈作宰山西凡廿年所至有聲近自大同來詩寄問意若有不自得者寄此廣之

雲中巖邑費邊籌幾許痾瘵待喚咻但使神君稱渤海何妨從事老荊州橫流滿地今安適積土成山汝所優好與春陵繼瞽叟石魚還得事清游來詩引元道州事

勞生束手幾沈吟廢疾無如逐日深敢道文章千古事空懸饑渴一生心登場鮑老寧吾意造却脩羅又互尋慚媿偷閒成坐食鴻嗷悽和有餘音來詩盛譽遐菴稿而有強作詞人語

伯雄頗以貧爲累再寄一首並示六妹

連旬晶毳更無餘寂歷衙齋賦索居行李可曾添一鶴躋堂應合繼三魚伯雄籍平湖故以陸清獻勉之黃標滿屋終何有玉樹生階信不虛勞苦使君同樂歲且師永叔記環滁

廿四年三月十二日聞俄售中東鐵路與日本已簽約回溯十餘年來計劃經營之迹都成夢幻不能無感且以其繫于東陲之大也紀以一律

徙薪早計曾新婦余于民二即對東三省鐵路事切陳當局學稼辛勞枉老農非老馬識途或者耕當問奴然此奴亦早不中用矣堪痛還珠仍異物齊失矣楚未得也誰從墮甑憶前功舊日紆回曲折種種忌醫起廢方空在論奕攻瑕術故通邊事非不可爲但安坐而致斷無其事耳

太息年時心力異欲尋邊瑣已朦朧

又一首

淚點深深到九原經春聊爲訴煩冤金甌永念藩籬固玉座虛餘訓誥存人事翩翻疑剝復聖門迢遞失淵騫滄江一臥成頽散前席彌思造郢言

蔣毅孫以項易庵甲申四月自繪象索題山水純用朱色題詩語至哀痛用原韻賦此

紫色何堪竟奪朱更驚雨雪北風俱聲吞望帝千行淚血浥殘山一角圖極望永憐天異色坐忘誰信谷

成愚

象據石
愁坐

丹心三百年來復還爾堂堂七尺軀

今年乙亥適爲畫後三百年亦
即明思陵殉國後三百年也

圓通寺紹山上人送玉闌

丈室初花也自奇隔牆欣送玉交枝南泉拈出渾如夢誰赴靈山禮本師

胡子靖屬題所藏郭筠仙字冊及荔枝灣話別圖圖爲同治丙寅離廣東巡撫任時所作繪者陳古

樵璞題者陳蘭甫

遭

丁雨生

日昌

王少鶴

吳子登

嘉善

諸人字冊則晚年自述與左季高交惡事

冊載傾心郭養知罪言一卷入肝脾兩賢縱阨猶存直衆醉難醒況已遲蕉荔芳馨遺蔭在椒蘭雜糅昔

賢悲焚膏寫出傷心史兀兀窮年我所師

余十二歲讀罪言存略
爲傾服郭先生之始

游玄墓爲智谷上人題畫

人生到處有青山舊句山我相逢一破顏誰識山河本平地高峯深谷等閒看

贈張善子大千昆季

休嗤夢董米元章不數天池與白陽

大千近多繪
花卉故云

萬派奔流來眼底可知世有大風堂

和友一首

休分獨鶴與昏鴉六十平頭鬢未華倦眼看花成顰蹙枯腸因酒出槎枒發機弩顯千鈞重應却碁爭一
着差暢好養生還濟世玉池甘露鍊丹砂

朱子橋書松風閣詩貽其女屬題

後凋好識而翁意易俗應堅志士心解道參天始萌蘖抽條敷幹自成林

紀夢

夢寐瞻堯顙誰爲四岳倫杳冥天外想淒惻病中身剝象迷當復微言久益新攀髯愁莫及危涕滿蕭晨
病中憶廣州軍府時事念組菴仲凱澤如梯雲少白諸君均已謝人世漫成一律將以展示堂汝爲
益之協和滄白固卿哲生海濱鐵城子文禺生諸君

濫觴疇復循前迹支廈曾經竭衆心永念艱虞今孰共更憐衰謝日相尋神傷燕雀酣堂室夢冷鷓鴣在
泮林誰信雞鳴風雨際五陵佳氣日蕭森

舊曆端陽與亞農善子大千秋湄恭甫小集網師園適傅沅叔游黃山歸同集旣爲圖以志因書此
寫懷

百年一日意何任寥落茲辰感獨深思水魚煩愁吟沫巢林燕瘁幾曉音椒焚孰識行吟痛帆卸空餘競
渡心辛苦醯雞能共舞甕天閒處一相尋

訊謝玉岑病常州

清于野鶴冷于僧讀畫鑒詩病可能惆悵閉門花落盡一樓春雨隔毘陵

題謝月眉畫玉岑之妹

珍重江南謝月眉春風筆底寫燕支瓣香合向甌香好五葉傳燈得本師

日日

日日有明日生生祇隔生不知今夜月宜雨抑宜晴

送榆生之粵講學

寂寞明珠黯海南淵藏川媚儻虛談待從象罔玄中索且向驪龍領下探作苦永憐三食蠶白纏渾感再
眠蠶西江法乳期回哺好挹曹溪一勺甘

繁憂

繁憂積感久亡何吾道翻憐一丈魔世短更羣趨末日瀾狂誰解導先河栽蒿遑計能支廈種豆空期不
改柯枉誦陳編驚百怪年來筆削已無多

舊曆八月十日書感

秋月不能圓愁心溢寥廓傷癥十九載滅痕寡靈藥前塵歎在眼萬有付凋索平生勇銳懷于茲示人弱
通蔽兩無方形神永冥漠脫胎見嬌兒勉謂遺體託根披枝空茁火傳亦云燭年年畏中秋哀至如有約
今年困藥石淚海滋難涸堅力拒無明潛識苦黏縛終期大放下雲開風解籜杳杳幻住園幽棲想盤礴
既幻云何住轉語可能落世途閱萬艱火宅日煎灼汝或稍清涼風輪復漂泊別來倏兩紀一瞬電光掠
汝亦非盛年心緒儻如昨悵撫兩鬢霜幽明共悲愕永念藏舟言吾其水歸壑

有作括俗稱白皮松

老去心情倍惜春看花天遣作勞人頃方自超山喜逢蔣詡開三徑滄浪亭方開更訪琴聰向比鄰結草

元代古刹
與亭鄰近

流水永憐無住相喬柯差稱伴閒身誰能更問平成事老守嫋嫋卽幸民

括大數圍
南中希有

贈括一首

沈石田稱括中古括十尋數百年物
卽指此今又增四百餘歲殆千年物

消得僧房一畝陰彌天髯甲自蕭森拏雲詎盡平生志映月空懸永夜心吟罷風雷供叱咤夢餘陵谷感
平沈破山老桂司徒柏把臂應期共入林

前詩意有未盡再賦四絕

戢影精藍自古今呼風閒作老龍吟德雲前世知應是冒雨來觀翠幄深

菴極幽靜余灑
然有借居意

金縷新詞感覺翁神州遺恨付東風傷心喬木生雲氣不見斜陽返照紅

去年爲子清書夢窗陪吳履齋
滄浪觀梅詞意多感觸今風景

不殊時艱愈棘夢窗所謂後不如今
今非昔者吟諷之餘益難爲懷矣

並世誰爲五百賢行藏勲業儻關天凌雲返日渾餘事輸與幽花一邏妍

過五百名
賢祠未入

葦蘿人作拂菻裝淚滴培翁意可傷我夢蘇歐相對語預愁佳景失滄浪

聞將葺治滄浪亭有議改
西式者引寐叟語示諷

秋閒寄詠

深憂極慮原無我強飯酣眠意可降料檢一身成藥籠

余八年來幾無
日不親藥餌

煎熬百苦入茶鐺獨醒詎敢云今

是孤往翻愁發古狂強挹餘芳調興覺弛弔挂壁可能強

親友逝者日多感詠

不關私感已淒其逝水重增去日悲忍見波流餘斷梗可堪國脈似懸絲萬牛回首誠知重一鶴孤鳴祇
費辭埋碧騎箕都細事不知永命可能祈

題吳湖帆畫梅

萬壑清冰三徑月半灣流水一林霜高寒鶴背無歸處付與幽人住寂光

展堂逝世總角之交存者遂無幾人感悼

鄉關愁夢阻楓林驚覺延園入永陰浩氣可隨光影盡孤悰還共海雲深九回欲折腸應斷一息能存病已沈還汝堂堂自無愧空餘短翼恨難禁

題金陵李清悚畫冊

樗散驚三絕金陵繼八家孤光分翼軫通道出褒斜藝在天寧囿心深聖豈涯高歌屬青眼差喜老無花
李印泉于小王山之陰種松數十萬石遺翁爲題曰松海地多怪石印泉屬余題識因名曰石林取
吾祖石林公弁山舊號也公本籍吳郡晚乃居吳興今蘇城故宅遺址猶在卞山奇石徧巖谷不減
小王山余有意葺治以復兼山碧琳之勝而力不能及迄用無成識此適增媿歎因書四絕以寫我
心

睥睨猶開萬古胸陰厓風雨養髯龍雲帆收罷無餘事且領山中十萬松

小築經營不憚勞聞根渾許習風濤剔除荒穢陳幽曠應爲茲邱賀所遭

怪石欽劄表萬殊先生散策意何如醉談儻及平戎策誇富應增種樹書

舊宅魚城杏道南

石林公蘇城故宅在魚城橋

故山青卞黯烟嵐人生祇合吳門住佳處爲留淨樂菴

淨樂庵亦石林公卞山所居

自嘉興至濮院紅柏連林余夙持柏勝于楓之見秋日游觀因成一絕

冷笑詩人譽晚楓沿流十里錦屏風將身好化光明燭照澈窮檐破屋中

柏子油製燭故鄉人多植之

湖帆以漢匄漏見遺並以憲齋公會遺楊見山漢印邑瓷器媵以和杜韻絕句屬爲繼作

遺製甄官見樸堅斷甑零甓盡堪傳一甌相贈渾閒事未比灣頭別小憐

題展堂手書詩翰

影恨頽波去不還開編贏得淚痕潛高才直節尋常語誰及西江王半山

題海剛峯自書詩卷

海邱雙柱峙瓊臺琨玉原知絕世埃誰分寂寥三百載江山如此不生才

自許高才老更剛用半山句執獲履虎祇尋常一編證取簪花格爭信吳兒木石腸

贈杭州酒肆傭徐嘉才

應記杭州舊酒痕六朝烟水氣猶存春風鬢影琴臺畔雋絕相如犢鼻褌

夢中作

觀河已自傷無狀捧土甯堪塞大悲此道從容曾詔我退能書畫進能碁

大千屬題自畫小象

未妨俊似六朝人陶冶宗工下筆親戒體有時防敗道空囊從古不憂貧填胸五嶽猶行脚極目千秋好
置身異代孫陽知有在漫隨凡馬走埃塵

溥心畬畫嬰兒捉蝶

無言草自芳顧影花增重何來一小兒驚破莊周夢

廿六年一月法寶館落成偶占

華嚴七寶絕纖埃集古藏珍異境開財法施餘無一事不妨平地起樓臺

蓄犬白狼之女白雁復于一月廿八日病歿感志

堪憐清白無遺種母女皆純白却念靈根自隔生送汝孤魂淞水上傷時可得不平鳴

題孫仲瑛歸雲樓圖卽送其赴粵

孫君澹蕩人清襟照雲水揮手六合間蒼茫一樓峙浮沈與聚散冷眼萬恢詭迷復念歸墟寂靜得名理
滄滄本無物積氣以成體蒼狗白衣間因緣生起止固哉彼畫師刻舟粲盈紙妙諦得何曾寄情亦云喜
吾思天蕩蕩帝青三萬里諸星耀光芒晴霄雲表裏奈何烟霧霏偏着許渣滓不如一掃空清光大來只
年來望鄉國氛濛溢城市君今振策歸好爲滌煩靡作霖或未逮抉漢應堪恃所冀杜拾遺能成嚴使美
雲龍相憑依韓孟媿相擬矯首眇天南遐心滿江涘

展堂遺詩刊成有懷往事書示協和卽用集中禁韻

下筆儻參言外意微吟翻擾定中心三生寫夢仍頑石百鍊成柔豈吉金佛法無邊甯斷滅清時有味只
登臨藏山蓋世誰輕重空撫遺編感不禁

以錢牧齋黃陶菴王阮亭趙秋谷字幅同懸室中戲賦

薰蕕矛盾各相成失喜寒齋眼倍明頗恨古人不見我圓融調攝合無爭

題梁荏林官吳時手札

一卷仍叢話開緘似夢餘餘光勤秉燭得退及懸車識洞燎原火憂深竭澤漁千道光時外患之使人當道之庸劣及漕糧水利之

弊端言之痛切可知賢孫珍護意豈第寶楹書釀成大禍非偶然也

家法承梁孟風流接宋湯心殷千萬劫情切兩三行去婦詞誰鑒遺黎感可忘名賢圖象在端合祀滄浪

偶感

獨活翻驚有衆歡盈胸冰雪驗剝肝縞綦尙苦難啼笑裘葛疇能共煖寒事往高厓驚轉石詩成壤道感
哀湍殷憂亦復成彈指七寶樓臺畫不完

中秋前六日爲淨持逝世二十一年之期念墓地淪陷烽火漫天感賦一律

汝骨今何在秋風黯故都沈泉心儻死哀郢意能無霜露催人老河山弔影孤吾生終幻住不必問前途

自題畫竹

脩篁一徑蔽荆榛瘦石寒淙自主賓弄日吟風空得地淩霜耐雪可無人掃除荒穢憑柯葉長養新機待
箭筠轉綠回黃應有意好從空谷爲傳神

便縱

便縱平生百不憂人間何地有虛舟一身況復驚孤寄萬劫終何散亂愁炷冷麝塵香欲滅雪消鴻爪跡
難留纏綿剩有情仍在地覆天翻卒未休

題畫

長柄何勞問虛心祇自知却憐依樣畫紙上得矜奇

胡蘆

關隴縈鄉夢霜風黯客愁一枝空自寄鸚武在前頭

梅花鸚武

戢影猶林下嚶鳴怯小寒爲憐秋寂莫一葉當花看

紅葉小鳥

瘁羽驚愁翠疏花媚小紅年來自開落久不怨西風

芙蓉鷓鴣

二鳥感昌黎饑鳴日向西可憐花底活猶得盡情啼

梨花雙鳥

短夢隨塵盡深情與物留應憐藩落際斥鷃得天游

麻雀

又

古木脩巖帶淺灘風標欲索解人難却憐胸次崢嶸甚如此江山畫裏看

白鷺

聞南開大學爲兵火所燬

一炬昆岡走怒雷天乎誰與拯南開焚坑敢信儒爲罪鍛鍊寧堪骨遂灰豈有著龜能自語從知木雁本無才十年縱欲河清俟野火還愁燼寸荄

哭陳散原丈

氣作山河黯不伸天教臣甫作詩人身支一代風騷局淚盡中原戰伐塵生死儻知隨運會去來原自泯冤親傷心鄢郢城南客入地猶應痛我辰

忍憶盟心四十年高軒吟賞及殘篇辨姦共切千夫指角藝欣爭一着先斷夢可堪成異世孤懷奚計叩重泉沈鱗屈蠖成何事虛望燕雲百黯然

重陽日橐園招同冒鶴汀丈李拔可夏映庵彭醇士湯定之龍榆生宴集滬居各爲詩畫紀事余亦有作

八年黃浦作重陽今日憑高意倍傷
照座災星迷海市入雲兵氣亂秋光
徙薪往論人何恤餐菊佳名象未忘
剩撫霜英期晚節陸沈無事問行藏

和姚虞琴七十於超山營生壙詩用其韻

超觀早覺心無住遺世還欣德有鄰
省識一坏原屬我不妨萬象且爲賓
和光儻會參同意香影微薰入定身
參透歸藏生寄理玉臺金穴固能貧

和陶冷月所畫漢家春色題詞二首

隴頭嗚咽溷胡塵誰識深閨夢裏身
今日長城無界限可堪別寄一枝春
傾城往事久成塵誰識樓東窈窕身
今日繁花空鬬豔可知不是舊時春

題劉禹生詩集卽集其集中句

龍虎動高吟虛堂夜想深風雲一邱足
江海百年心舊世生無淚真機將在林
行歌和洛誦趣理解相尋

題馮母王太夫人授經圖

公度表兄之祖母

辛苦丸熊切引繩百年世業演孤燈
靈源永注流無竭豈第傳家詡一經
深閨亦具回天力解凍嘘枯事等閒
子又生孫孫又子傳書功轉勝移山

輓高奇峯

幽僻稀人事雕鐫損物華汪戈曾衛國張舫本浮家博望星疑犯長沙日遽斜要離穿塚近應共薦黃花
多病文園令經時祇閉關靜能知蟻鬥寒不礙魚鰓白日應相照孤雲豈是閒九閭如可訴應載百罹還
放顛殊海嶽好潔比雲林二妙誰兼擅千秋得嗣音佩弦情本鬱涉筆理能深浩蕩靈脩感天風那可尋
九流艱位置一世耐羈孤白鶴能相守青藤若可呼閒心銷水石逸韻滿江湖封禪休垂問巢居繼阿逋
肺腑誰能語槎枒不可名道心空白神化已丹青逝感秋前蒂悲深曙後星傳衣諸子在應護草堂靈
憶返珠江棹棲遲似夙緣喜懸徐孺榻時泛米家船轉燭時還暫藏舟壑忽遷陽關西去句三復祇淒然
余題君畫有陽關西去句殆識也耶

題林烈敷競西北游程畫冊

余十五年前識烈敷即緣讀其西北游記訪而與談以爲國家大勢終係西陲東南民力將竭東北犄角之局不可久恃如速爲布局
以河湟爲基關隴爲輔進戰退守皆有可憑或且西出突厥南通波斯天竺扼昆侖之脊以左提右挈所謂亞洲自決或將緣是實現
其時烈敷固年事方少抵掌促膝意氣不可一世余亦視天下事應有可爲班超趙充國亦猶人耳爲時未幾劇變迭生烈敷雖任邊
事參省政未得發舒余則絢爛久歸平淡見枯槁敗著方以未執其咎爲幸偶縈心涉想焦憤盈胸究亦徒留印影深宵平旦餘此未
泯之良以自證其無可奈何而已於事實曾有何涉謀議者則方始譁言向西北去不知三年蓄艾一點成蠅談何容易則又似以道
謀不遂視同墮甑嗚呼與人家國固若是之易也耶愁腸九斷誰是解人忍與終古久不獲一傾吐即吾摯愛之烈敷亦不恆相見以
徒增煩悌前以此冊屬題久置案頭思吾與烈敷相識一段因緣不應漫與以辜此好題目致迄未下筆而河山易色冊中所繪似幾
將隨歲月以俱去遂益無可言烈敷乃屢督過之期終留痕迹於此冊內嗚呼烈敷其知余之心意已達於離言說擬議之境也乎既
終無可辭乃姑賦一律以隱括其可言者其諸不盡且待他日或有握手掀髯之會

平生邊瑣經千慮付汝憂虞一冊開心力儻銷無量劫時艱終繫不凡材屠龍東海藏身後立馬昆侖展足纔好挈閭浮歸掌握華嚴樓閣絕氛埃

無題

孤懷早越人天界意緒還超覺夢間領略華鬢歸妙悟本無大地況河山
雙心沈結幾天淵弢解機忘合自賢慚謝入懷舊時月流輝偏向定中圓

題張善子黃山圖

年來萬口說黃山愧我仙緣福地慳今日披圖一彈指蓮花湧現白毫間
搜盡奇峯供草稿天成聖手苦瓜僧脫胎換骨真元在造極登峯老尙能

題萬季野先生祠堂專刊

故國青山尙有村遺民心事不堪論攀髯大節家風遠藏碧孤懷史法存鄞水百年坊表重姚江一脈本
源敦幽情幾輩同思古來補松楸飭墓門

題旅行雜誌

眼底方輿發興深南窮象郡北雞林山川信美從何說銷盡先生體國心
游蹤霞客窮名勝奇氣龍門鬱至文慚愧草鞋錢妄費人間何地著知聞

題畫

嬋娟隔秋水公子見風標想象蒹葭外伊人跡未遙

黑白或同源垢淨本非二荒灣野潑間想見鳥三昧

題章天覺所藏錢江畫山水

山川變色興闌珊老屋荒陂自畫看太息歸耕渾未遂晴川孤冢歎才難

失題

精廬卜築欲忘年丈室維摩足自賢解得毘邪參叩意未妨花雨下諸天
溪聲山籟淨聞根一徑松篁隔俗氛膏雨崇朝彌六合故應閒作在山雲

題某君語錄

芥子須彌無著處本來性相兩俱非影空甚處能留迹說食何方可療饑下筆已憐餘習在刻舟猶想夢
痕微聲音佛事期重理好向靈山一發揮

血淚

血淚痕兼痛暑聲年年催汝過征程憂深夙悔成先覺世短何期樂久生傀儡千場餘自惜滑稽一輩故
難名老來剩遣安眠食襤褸真成負此行

不堪

不堪焦土痛咸陽迢遞兵烽百感傷菊老似慚秋有節葵枯誰與日爭光深憂不遠疑求復大道無名儻
斷常布穀芟荆吾事了未須人海說身藏

滬破南歸至港晤次周叔有詩見及因和

南還依舊作勞人投老羞存後死身國運儻期貞下會鄉愁頻擾定中塵霜筠節苦終無忝雪枯心枯久
不春回幹轉旋應有屬幾時同作太平民

和霞公二疊前韻

解道山花是故人何妨明月認前身禪心未信泥仍絮望眼渾疑海欲塵鑿空幾時通大夏聞歌永夜惜
餘春相憐卻曲成孤寄隱几猶堪號僂民時君足疾

三疊再示霞公

空谷由來喜似人休論放意與收身精魂漫戀三生石夢影驚回十劫塵苦泛絕潢安尺水翻從下里識
陽春巢南越鳥棲無所飽食慚爲沃土民

和霞公四疊前韻

敢期涑水九分人長媿齊嬰四尺身未擬鴻門撞玉斗空從藝海拾珠塵高牙大纛渾何用細柳新蒲祇
自春他日曹溪供勺水好來蓮社訪遺民

五疊韻寄友人

未妨俊似六朝人任彼雄稱九畝身知止有時防躓堦解紛無事竟同塵澄心一白源頭水刺眼千紅劫
裏春慚謝芳鄰貽旨酒醉眠忍作葛天民

六疊韻示友

高歌誰是眼中人獨醒渾疑夢裏身絲盡可憐蠶尙繭香濃愁見翳先塵回車早自驚歧路剪勝終期護

好春淒絕歸來遼鶴語祇餘城郭少人民

七疊韻書感

暗鳴敢道辟千人歌哭聊存獨善身夢逐琵琶彈漢月心隨貂錦喪胡塵扶頭祇自驚長夜婪尾何堪賦
殿春太息哀吟秦婦障新圖誰與繪流民

彌山杜鵑漸爲風雨所敗八疊前韻

惜花天遣困勞人風雨朝來惱病身事往管絃惟有淚香殘車馬漸無塵沈吟孰遣西斜日寫影空忺去
後春倦撫危芳還自忖歸來可似晉遺民

答衡齋九疊前韻

顧影難爲度外人獨行好息樹邊身回車甚地開陶徑障扇經時避庾塵小錄夢餘燕市月哀歌愁譜秣
陵春匡時報國吾何有媿託塵間作一民

題崔伯越是詩移圖

斯移無定在情景合遂名嘯吟偃仰間亦以娛其生主人便憂患早遠世網撙仍歲感居夷深懷疇與明
把茅足自侈所缺非高閼五噫恆浩歌賃廡忘虧成我愧始有廬陷寇繁榛荆身外召纏繫空壤徒傷情
羨君獲安隱樓閣空中呈得失等漚沫耳目增孤清試互絃此詩心其和且寧

又一首

昔見詩龕四五圖詠藻百家景如一又誦謔菴寓山記境所本無寄諸筆今君揭櫟是詩移其地屢更名

不易聲家畫史紛模寫陶徑蕭齋見高逸卜居不事煩筵尊幽棲聊取蔽風日未須呵罵圖蓋茅亦勿高
明驚瞰室戀生三宿豈其然胸有千秋退藏密我思世物何真幻大廈團焦等無實徇名亦爲賢者蔽姑
竊自娛未爲失是移得公作常主永共幽人葆貞吉君得是移似化身是物是人休究詰但期詩境得長
留圖詠亦嫌成贅設君聞我語定迢然我亦爲君說詩畢

題自畫竹

獨立羣芳外何云賤似蓬盤根艱寸土苦節耐西風短夢三生石清陰一畝宮韜精賢可念沈飲不須同

爲李仙根題清初粵中海雲寺六僧遺詩卷

六僧皆天
然弟子

尙餘文字涵憂患長共烟霜歷歲時歧路不驚亡子失深心惟遣覺王知百年事往情猶繫異代愁深意
可師惆悵晴堂尋一脈千華雲影久迷離

馮香泉招游九龍拙園看所植滇產山茶杜鵑

心慘形欲舒意乃在遐曠陟海得名園蘊愁聊一放主人固智者姑以拙自障締構此巖阿制勝各殊狀
山容與海色作態競遺餉珍卉善培植移根機轉鬯清越閼幽馨莊嚴呈寶相足知栽護力人工非天貺
中原黯胡塵百族苦飄蕩流人集五詔舟輶鬱相望生聚兼教訓來軫未可量所冀奏爾能滇池資啓創
懋遷通有無响濡互滋養蔚爲復興基功在莊沐上移花小技耳未足煩哲匠

和劉草衣韻

微願久憐成夢幻沈憂渾未睹津涯驚心陵谷天迢遞照影山河月蔽虧舟泛可禁成不繫花殘誰與語

將離鈴旛綵勝都閒事剩遺東風取次吹

南方

南方草木寒偏茂故國旌旗望已遙各有羈懷隨轉轂劇憐孤注與投驍山河儻任緣塵變雨雪眞愁見
峴消溝瘠燹餘嗟力盡可能無意問黃標

友人以葛某所繪秀孃抱琴遺影屬題潘蘭史故物也

秀孃香
港名妓

鬢影琴臺豔賞音夢回芳榭已秋陰青天碧海禁長恨一曲求凰不可尋
斷夢隨塵谷又陵情波愁淚早成冰白頭才了人間事空剩霜紅伴馬塍
媚香遺跡愴淒迷扇底桃花失舊題愁寫烟花南部記石塘斜日已平西
藏珍閨感殫殘碎璧零璣那忍看差幸瓊枝留倩影無人空谷共幽寒

題簡又文所藏高奇峯畫馬遺作

斜陽衰草若爲留一葉蕭蕭世又秋說與重泉合嗚咽人間誰解重驂騶

三月十二日追悼

回腸遠繞鍾山道蒿日愁看禹域圖拚守殘生歸寂寞却憐短夢未模糊心灰花落春空在淚盡塵凝海
欲枯獨抱孤懷向青史不須歧路泣楊朱

暮春紀事

桃李空期共歲寒翻從葵麥競春殘百年信史從何說一徑穠華祇自看世混梟鸞愁杜甫仙遺雞犬惱

劉安拈花悟得無言意一笑猶堪作止觀

題自畫半截松

空山底事矜鱗甲嘯月臨風若有神自是潛龍無用處不須塵外露全身

五月廿夕大雷雨

憂憤炎蒸若是班宵來雷雨破陰孱藏林霧氣都連海伏澗泉聲儼在山變極每爲斯世懼寇深彌念此身閒繩床皂帽成何事虛擬遼東管幼安

賦得霜葉紅于二月花

誰道疏枝不耐寒經秋猶得冒霜看飄零未分隨流慣清淨終期入土安淚斷緋箋深誓在夢餘脂印晚妝殘回黃轉綠都閒事換骨誰知有大丹

屢欲歸粵未果而寇益深病中感賦

兵塵回匝阻江鄉浩劫浮生付一傷恆晦似陪人抑塞微波渾忘海蒼茫哺餽詎止三年醉嘗藥翻憐舉世狂誰向病痕參妙諦定中銷得返生香

寄答劉禹生廬山

眞面從何識棲賢道儻存夕陽迷舊史急劫滿中原地僻詩能到茶甘味不諼虛堂轟袖海期爾一開尊

題陳寒光詩集

浩鬱千端付一呻風雲如助苦吟身澈天蛩響秋偏雨警戶雞鳴夜不晨合眼華胥塵外想招魂湘浦夢

中人閉門忍道閒歌哭崇雅心情足自珍

末句用陳蘭甫先生以崇雅名樓意

重陽日妙高臺會集

便無風雨奈重陽俯仰浮生百感傷景好漸憐成故國心空微戀尙秋光愛名九日甯除執繫夢千年未斷常極望未須驚日近舉頭吾意自昂藏

再用重陽韻

不堪焦土弔咸陽崩解崇朝太可傷失律早知風不競同昏誰與日爭光待膏溝壑將無地欲驗天人久失常挫銳解紛餘幻想卷懷隨分且深藏

和霞公生朝志感卽用其韻

空傳古井起微瀾絕倒彌天釋道安豈有鷄雛能被嚇從知雁陣不驚寒浮雲永信心無滓來日終傷事大難共撫黃花堅晚節東籬酒殘漫相干

余去年重陽詩有待撫黃花堅晚節句

用韻示希穎季謀

老漁詩心漸不陽繁憂甯止視如傷逢辰各省虛舟意惜往空期炳燭光夢境呼天成儻忽人情行路祇尋常還珠蘊玉期無極誰識中懷不盡藏

悼黃博士自

余數年來有志謀音樂文藝之合流亟思審定適用吾國之音樂合固有與外來者擷其菁英令能合奏多製新譜隨時倚聲爲歌不拘舊格體韻但必協律能唱義取通俗但必有文學上價值友人中如蔡子民蕭友梅易大庵龍榆生諸君多贊其說余以不諳音樂

亟求同志黃君深通西樂復有志撮取國樂優點而發揚之每相探討甚相得也去春余與張仲仁李印泉李芷谷大合樂于蘇州徵取各派僧道樂曲及舊式崑曲奏演凡五日君與中央研究院丁君胡君及上海霄露國樂會諸會友咸蒞焉吳門一時傳爲盛事未幾滬亂起余南下遂不相聞閱報知君于五月九日以疾殞矣運剝才難塗長助寡所懷千萬彌望蕭條今茲音樂文藝之契又喪其一海隅臥病觸緒興悲輒成一律以寫吾痛

浩劫脩羅歎未終更堪飛雹碎春紅吳門觀樂情如昨郢下聞歌感略同談藝更誰商起廢審音疇與策移風惟餘幾闕從軍曲唱徹秋墳作鬼雄

題高奇峯師弟所繪羣力回春圖

不辭憂患滿人間霰雪嚴霜祇等閒翻幸風齊着力吹將大地轉華鬢

題金王無競竹卷

高才直節虛相擬每誦臨川句惘然淡泊固知宜水石昂藏空復養風烟文章已洩中州氣志行愁追大定年一代風流餘尺幅遺山密國儻爲賢

感友人近事

早知明豔是愁端一顧傾城信大難惆悵半山彈指事日邊何處是長安

漫答

風輪火宅憑何住槁木寒灰早自知多謝長條故披拂願君珍重好春時十年幽緒賸伶俜柳宿空期列兩星莫問前因在何許一般飛絮與浮萍

答賓戲

如此清歌可奈何
繫春絲柳影婆娑
相逢花落腸應斷
莫認梨雲鏡裏渦

爲羅原覺題梅花嶺史道隣墓圖詠卷

國亡身死謗猶騰
私乘翻憐信有徵
半嶺寒香垂史筆
一朝結局誤春燈
人間風月寧常主
劫後河山儻
式憑至痛魯公殘
客在卷中血淚點成冰

卷爲道隣嗣子德威屬雲間戈寧所繪中有史之幕僚門生題詠其子之祭文亦錄入

題幼華畫紅梅

銷沈金粉失燕支
淚灑孤山此一時
誰共潛夫記遺事
雪香亭畔草離離
盈胸血點凝寒碧
噴向枝頭作墨華
至痛紇干寒雀語
舊時王謝本無家

聞蘇州寓園近況

世亂終無極
園荒祇自春
燕鶯虛作達
雞犬且成仁
鍵戶知誰屋
尋芳喜似人
流亡今遍地
巢覆不須陳

題自畫竹

亭亭直節挺高枝
瘴雨蠻烟好護持
欲折琅玕誰與贈
分明翠袖倚寒時
顧影宜臨水
凝情迴出塵
瀟湘烟雨裏
何地着閒身

聞蓄犬被戕

救災捍患吾慚汝
殉職忘身理則那
何日一坏封爾骨
塚邊應賺淚痕多

題畫

捕蟬忘顧雀物態類如斯互助不相害忘機汝可知

再用糊字韻一首

香燈執守園官位烟雨愁看石屋圖夢裏烏號如可接刼餘賴壤可能糊炎光永祝中興漢非種何堪再奪朱好祝威靈通肝蠻更傾東海潤焦枯

寄汪婿及榮女

辛苦攜家婦穉偕間關猶得住蓬萊來書云借居翠海旁友人宅地名玉龍堆略同石室開餐舍未信昆明有刼灰史跡好探

金馬祀風光堪詡玉龍堆嗟余異域成孤寄何日天南視汝來

病中口占

人間萬事咄咄說得出時跳不出一朝大地忽平沈長天惟見一輪月

聞黃河決口被災區域甚廣

命豈如螻蟻崇朝百萬終滔天誰主宰殉國祇朦朧累卵生原贅爲魚鬼不雄桑田知可待休障百川東

薛子良爲律師賦贈

風吹雨打人權論反舌無聲響欲沈難得河東薛夫子高岡鳴鳳感余心

湖鄉清夏圖

信美江山付可憐卷中供養杳雲烟湖鄉清夏今何似淪落兵間漸一年
如此山川下筆難愁波慘黛那堪看屠鯨待拂珊瑚樹誰與先生理釣竿

七月一日

斗量車載漸無名猿鶴休防怨與驚誰信金鑾書密記虎鬚跔足是平生

王幼僑以開封博物館館刊寄港至則開封陷已旬餘矣黃河決口死者不可以數計聞幼僑在武漢賦此寄之

夢華宋紀傷心史圍汴明曾錄濕襟爲問橫流今孰障劇憐大地又平沈爲魚詎獲沈菑澹引虎誰知外患深太息累朝文物盡抱殘相望意難任

余服務國家社會將四十年深信任何政綱政策計畫必須有良好組織暨熟練之技術人才能充分利用其實際經驗方能徹底收效否則宣傳裝飾爲洋入股與黨入股而已今國家危難至于此極而病根迄未之除實診斷未明癥結所致港居鬱鬱適滬寄交通史全帙至緡帑所及恍若米鹽淩雜皆竈養心血所凝今且蕩爲飄風棄如土芥而標揭之空中樓閣盲人瞎馬且未知所止而民生舒戚軍機利鈍關鍵出入毫釐千里者轉無人過問蓋非目前宣傳裝飾所可用者概不獲得邀重視也感憤之餘慨然成詠

舊事填胸淚萬絲訐謨盤錯幾然疑簿書寧止關期會籩豆偏艱仗有司甘苦味諳庖漫代寒溫病雜砭難施斜陽又送昏鴉急日倦南窗一角碁

緡公送家園荔枝

兵荒荔賤無人買品貴塗艱許贈嘗

挂綠阿孃鞵皆由羅岡運來

共悵孤根留異域頓令佳果憶吾鄉聞鐘是處資深

省擊鉢經時合坐忘近日多共垂老要須除口業不妨六味得充腸

羅禎符以所藏瘞公感事詩手稿索題中有康南海評語甚夥禎符並告余瘞公有孫生生今寄養族人許

瘞公澹蕩人輕世因肆志晚遇龜鼎移超然遠名位緣情偶有作意乃感興廢雖非佐命徒詎有辨亡事
師門苦牽率心欲張其幟不知老鍊倫詎與遺山類滄桑今再閱各已斯世棄惟餘一紙書因緣見文字
君死于我殯幻住營幽宮瘞公葬余北平幻住園內一集爲刊行聊慰詩人窮意豈在標榜交貫有始終所嗟任西華
葛帔隨飄風遺胤小鳳雛毀齒方童蒙兒孫本疣贅學豈必良弓厥後儻克昌亦庶表孤衷勉旃禮堂孫
其爲鄭小同

朱聘三以四十年清遠茶見贈賦謝

茶新酒舊尋常說陳茗還欣合治生治生用黃庭經意水德未應遭阨運詩城差喜附同盟幽居尙想還鄉樂左

計渾憐問舍情滿壁金絲存孔思豈徒洛社重耆英朱今年七十近在港于孔教學院時相遇從聯吟覓句並時爲余述清遠鄉居之勝

題陳玉蒼先生壁望崑堂奏稿此書爲陳純衷編印余爲之序先生一生事業略具于是

往事重溫有百悲剪裁誰信合時宜先生治事精果識見宏遠所言多合今日需要惜清廷之不能盡用也和羹衆口調非易先生在朝孤立致忌之者

多故用丁晉公故事構廈羣材用不疑蜀亮簡書關相業陶公竹木盡軍資此才今日憑誰繼遺策還堪後事師

張仲仁來港有詩見及輒和

老子胸中富甲兵同仇衆志本成城却憐皂帽遼東住如此風波不可行用舊句

愁共梁鴻賦五噫吳宮花草儘淒迷浮屠三宿終增戀悵憶皋橋賃廡時

余寓蘇四年矣

推杯斂手本無能料理身名付一燈剩似杜陵南斗下哀吟夜夜望中興

來詩期許過當不知余久無進志但冀爲一太平民耳

史傳葛亮知多枉時論荆公夙已紛身後是非終有定發潛還待退之文

來詩及梁燕孫先生生前受謗不可勝計近乃頗有公評

仲仁與先生交久當爲之申論也

胡筆江廿七年八月二十四日乘中國航空公司飛機赴重慶經中山縣境爲日機所襲同乘十二人均死焉詩以弔之

慘淡同歸詠顛危授命身逐流甯任運非戰已成仁薪火虛陳迹沙場異等倫前塵三十載銷得涕沾巾
客屢云世界大戰發港居將不安賦此答之

流徙將何極棲遲本自哀風雲終莽蕩溝壑幾徘徊雪養岩松氣天珍社櫟材澹甯猶可勉吾駕不須回
銜哀羈泊忽又重陽距奇峯先生之逝且五年矣念廣州淪陷天風樓度在燹劫中而棲霞新壠亦未知何如姑爲此以訊冥漠且期互廣

南海珠沈今幾載棲霞宿草韜光采死生契闊兩茫茫華屋山邱欲誰待人間萬事隨飄風落英散雪將
毋同霜天九日倏然至政復把酒思山翁羨君朝露寧非福脫屣塵埃媚幽獨不然流轉向兵間更堪保
此堅牢玉百年一日休殊分卽今寶繪空留存捲擗摹仿得形迹剪花寓馬徒紛紛出藍超乘甯自云何
人妙手張吾軍願君鞭策爲逮羣冥冥供養真烟雲藝苑戰場互策勳更拯溝瘠清寇氛風清月白相知
聞恨血不復哀秋墳

挽空軍張效桓若翼殉國

飛將龍城去不還空留碧血鎮人寰
挈雲苦念風期烈逐日誰知志事艱
夢墮天門傷折翼望窮江海重摧顏
教忠知本趨庭訓一死渾堪重泰山

家園杜鵑花早開較去年爲盛歲時如駛世變方殷慨然有作

刺眼連岡戰血殷海天容易現華鬢
啼烟蜀魄縈新恨得酒吳娃炫舊顏
待表餘春仍自失尙驚斜照偶相關
心知不是閒開謝欲賦殘紅未忍還

朋輩看杜鵑頗多佳作感而續詠

老去看花意欲禪好懷銷盡暮山前
勉期繕性成今我空省違時有獨賢
業在不隨緣共滅生憐誰信死能捐
少陵淚斷雲安道寧止關情爲杜鵑

示雷六竹

余題六竹重得牙撥曰懷玉重溫初不知本事之巧合也既聞其詳乃重賦一絕令君曉夢生春紅黃莘田曾取蘇詩刻硯爲悼亡紀念

箏語零星記不全傷心懷玉總成烟
縈情豈第花開謝說着春紅已惘然

陳節如鄭韶覺姚韻笙詹穀仁周朗山詹仲琇馮仲莊曹伯陶孔熹白徐信符陳芑川小集高齋皆

四十年前老友也賦此呈諸公

敢云憂樂後先同失喜萍逢駭浪中
寥落春光渾負汝因依人事各成翁
敘齒以節如爲最少年五十八揚塵

夢屢經滄海話雨心猶繫泮宮
十二人多秀才是日屢言及應試時事愁望家山憐晚照酒顏聊發舊時紅

三月十五日捷克淪亡

六蓼堪傷竟忽諸廢興從古祇須臾由來趙孟終能賤

捷克復國基于凡爾賽條約今才卅年

誰信荆凡本自殊真見人亡

成國殄

開國總統馬爾克薩歿未三年

忍令玉折換蕭敷捕蟬莫但防黃雀止沸揚湯計已愚

又改定一首

一夕金湯勢驟崩載書惇史盡無憑由來趙孟真能賤寧道荆舒本足懲信有人亡成國殄忍言天廢待誰興教猷升木渾應悔不競終焉痛亦陵

與王庭五樹常論禊序卽題其小象

逸少高世人訐謾具深識貽書規謝殷計動關社稷政役戒繁苛瘡痍待生息其言明且清實古之遺直吾謀旣不用乃放山水域老思入劍門猶希諭蜀績跼蹐棲會稽徘徊沼吳迹春遊集曲水觴詠聊自抑終感情事遷傷懷念今昔世學蘭亭面但與矜翰墨豈知繭紙中哀痛乃盈臆王君卓犖才尙友服無數兼資重文武幾廁瑯琊席百戰隱孤羆退飛同六鷁唱到念家山傷心天水碧同仇起中夜孤憤固無極英姿褒鄂儔儒雅陸羊敵餘事筆陣圖禊帖資得力豈徒佩厥藝胸襟足矜式相去千餘春其儀蓋不忒大海正波翻九流乏安宅正賴轉旋功蕩滌拯饑溺山陰渺何許居夷成久客誓墓且未能求田安所適相遇喜谷音煩憂暫時釋終期揆天手揚戈兼草檄一掃烟塵清陽烏爲西匿煌煌麟閣上圖贊見顏色

爲余仲嘉題其印譜

吾聞先民言用刀如用筆妥貼排纂間能事斯乃畢吾聞西哲言人牛須用手缺翼與之角天意君知否

致用源精義行神出遠空龍翔兼鳳翥休自擬雕蟲
彈指千鈞現從心萬象隨良途宜自闢造化盡吾師

四月八日阿爾巴尼亞淪亡感賦

纔羅虎咽又狼牙弱不禁風祇自嗟覆轍儘循前日路清歌仍唱後庭花東扶西倒虛籌策北伐南征幾
蹈瑕太息抱薪空救火燎原行且歎無家

感事

保衛馬德里歌聲尙未終雨雲翻覆裏刀俎笑談中認賊謀原失依人計易窮蟲沙過百萬一霎付飄風

馬德里淪陷西班牙政府遂傾覆

歷歷鄱湖道兒時數往還迂回師故智倏忽失重關鐵柱妖氛滿龍沙戰血環忍溫游釣夢淚眼望西山

南昌淪陷

爲簡又文題溥心畬畫雪景小卷

千山朔雪綴寒林世外孤蹤那可尋好與王孫添畫稿一壺天地寫冰心

春暮見秋齋元宵詩輒用其韻賦此

餘春渾似欲相尋一覺西窗又綠陰傾國祇如前日事回天幸盡往時心固知風月無常主誰遣江山付
醉吟逝水滔滔時復晚卷懷吾意且冥沈

崔百越遷澳門初度有詩用其韻却寄

滄江一臥甕中天畫餅今知值幾錢獨夜風絃危自語閱時霜竹老能妍昂藏不道馴龍性俛仰猶將視鶴年咫尺他山愁舉足投詩聊當廁賓筵

秋將至矣萬籟爭鳴寫此示諸友

靜觀久悟浮雲態倦旅寧期惡木陰豈有鵲雛歆腐鼠却憐孔雀是家禽居貞已分成長恨枉尺何緣得直尋惆悵魚龍空曼衍好傾東海洗余心

爲吳湖帆題其室人潘靜淑遺作畫集

人間信有情難遣象外空餘跡可尋偶擷芳華都絕代便營齋奠復何心良工孰喻鴛鴦繡逸響猶留絳緯吟惆悵蓮花莊畔路鷗波傷逝又於今

一覺二十韻

緣盡情偏殢恩多怨已臨霧迷三里路星隕一年心感遇空遺襟歌離途濕襟良宵迷蝶夢毀室痛鴉音孰奏圓圓曲翻思叩叩吟秋河憐別夜芳徑障新陰永恨微波隔終成片月沈紫釵留碎玉宮扇褪殘金細雨愁孤館仙山阻碧潯畏途回廣漠列宿類商參腸斷班騅送蹤餘舊燕尋已拚隨墜絮何意覓亡簪淚滴瓊瑰滿聲傷石闕瘖投懷休念鵲識字枉同蟬舞漫疑長袖書難受曲鍼飛英甯墜溷接葉好辭林已罷湘靈瑟空操卓氏琴詞緘紅豆祕緒剝白蕉深苦本都緣愛單情夙匪謔懊儂誰和汝一覺又而今

爲李韶清題高望公畫

嶺南繪事誰殊絕拔戟清初見異軍易代孤懷存剝復截流正法陋聲聞子遺剩有詩能畫獨善

望公詩集名獨

善堂集

翻憐隱用文珍重葵霜添手澤

付爲梁節菴丈所藏

百年氣類感同羣

淨持二十三周忌日

沈吟往事廿三周地下懸知也白頭恨切可隨殘夢斷心傷空撫舊痕留九京永痛天如夜一葉偏驚世
又秋愁望欲圓雲際月清光長照海西流

永訣依依尙目前椎心忽忽幾何年成塵香漫重來燕落井絲偏百丈牽世態已禁成獨活生涯隨分付
閒眠拈花不是無微悟歷劫方知意不傳

偶以矮紙畫巨松大小不相稱戲作

道大莫能容材大難爲用偃蹇尺幅中空侈邱山重斧斤幸見赦風月資吟誦徘徊泉石間野逸天所縱
須彌納芥子墨戲聊自訟吾無隱乎爾永作高齋供

客有謂余自題畫竹詩多過淒厲者姑爲此作庶幾高材直節之詠不知他日有荆文之悔否

肯隨風柳弄柔條知伴霜松策後凋節苦未妨頑石共心虛能使俗塵銷尋芳湯逐春前屐寫韻偏宜月
下簫笑指煙霄容嘯傲干雲直上不辭遙

鍾玉文屬題余越園所繪浮山攬勝圖

眞靈標粵嶽左股支神皋浩蕩南海壖連形如奔濤隨波倏上下溟渤撐斷鼇頗疑巨靈擘毋事愚公勞
風雨倏合離煙霞爭焄蒿棲遁雜仙釋攬勝資賢豪展齒昔罕經眞面誰能描鬱鬱五嶺南盛名殊崧高
畫師得巨手筆力如驃姚落落百里間軒豁無遁逃遂令柳柳州心賀此邱遭鍾君今子期逸韻儕盧敖

泉石生膏育洞壑窮深寥幽潛賴闡發福地成不祧因結文字緣與山相久要吾孱倦登涉朱明慳游鞠
塵憂困百罹流光逝滔滔神州漫寇氛腥垢蒙酥醪一唱念家山毀室傷鴟鴞越園方避兵銷聲如寒蠋
相思苦修阻陟想延昏朝披圖增悵悵劫運何時銷命儔當重陽嘯傲偕松喬避厄兼騁懷佳句同題餽

題陳澄中荀齋讀書圖 一十九年春日

邨齋讀書圖出自王孫筆曹倉與鄴架相望垂典則憶余志學始自號儀荀室瓣香在蘭陵揮思抽乙乙
老大學殖荒鏤冰苦無實回首撝擣際窮搜摺珍逸甄綜媿未宏購取乏資力皇皇石室書縱我恣漁獵
節菴閱所藏頗亦堪追憶遷流數十載所至勤采集貧兒謬炫富但惜罕佳刻顧念眼所經瓌璋却無匹
祇嗟入寶山空手不償失邇來兵禍滋流毒及方冊五厄遍神州四部墜荆棘噩耗每傳來胸懷如結轆
天祿富璽本外侮備凌逼北平圖書館收藏美富為全國冠故以天祿擬之其中大部分陷寇中又一龍
蟠國學書捆載去異域南京龍蟠里國學圖書館以武林丁丙氏善本書魯皖兩書庫聞亦歸掠竊濟南
兩圖書館藏粵滬市新搆不脛忽已佚廣州上海兩市政府之圖南開諸典籍劫火燼方熄天津南開大
書聞悉被掠其餘饕舍藏強半難究詰南京中央大學武昌武漢大學廣州中山大學北平北平私家各珍品一例遭
湊藉嘉業表潯溪別下雄硤石雲間姚石子高天梅倫羊城李文田莫天一系列其餘諸等輩悉數固難畢
或悉化煙灰或去隨海舶搜牢固無幸發壁亦空匿此皆國菁華念之刺心骨猶幸李木齋傳沅叔潘明
訓尙未被波及瞿鐵琴銅劍樓楊海源閣璧略完二家所藏先已散徐信美倫哲如玉虛泣信美藏書八百箱余
如書則散在各芹伯張與博明許縹緲退藏密叔弢新崛起森玉苦奔越顧念董綬經陶蘭泉蔣穀孫鑒
處已亦病廢

儲見淵識陳乃乾鄒百耐工稗販香草每堪拾獨恨丁雨生與韓綠卿鑿楹恐無策更痛王綬珊身命共淪沒楚弓仍楚得稍喜鄧羣碧我言未及終萬感已盈臆終望有心人十一存千百太邱今健者九流探其蹟藏山具宏願菑畚方力穡尤物聚所好擇精乃成癖抱殘詎自誇思誤聊一適遂令舉世人星鳳仰烜赫披圖有深快光影昭楮墨想象牛斗墟高樓峙百尺吾衰困轉徙長物幾錢值饋貧乏餘糧羨君善居積所冀廣徵求琳琅充祕笈玄珠出赤水衆香蔚成國國寶此焉存甯徒古是汲

陸丹林以趙堯老詩卷屬題余與堯老別將三十年矣題此書寄堯老蜀中并示翊雲行嚴禹生履川小石斟玄冀野伯鷹仍用行嚴見和韻

玉貌依然澹蕩人一閒天放苦吟身便耽丘壑文甯喪長往江湖夢欲塵舊事半迷燕市月新陰還滿錦城春清詩隨地成行紀無羨還應號順民列子不逆命何羨壽不矜貴何羨名不要勢何羨位不貪富何羨貨此之謂順民

又一首

天空一鶴今猶昔卅年前堯老見贈詩有世有羣蛙沸天空一鶴閒之句說與丹山老鳳知出手偶同風一映收身甯慮道多歧勞生祇自慚銜石知止何須待得坻稍喜德星明并絡排空頻寄草堂詩

右任來書念余近況以清高相許賦答

平生志本非溫飽守約方慚畏友知墮夢已憐天共老同塵甯惜世能遺拳茭孰挽頽流急息駕翻驚大道歧誰識秋來霜菊好歲寒籬落自忘饑

九日小集

暫撫寒花澹酒悲百年一日費禁持頽流萬派終焉往頑石三生祇自疑多難遑希眞避厄憑高誰省昔
居卑秋聲相約猶能賦且理餘狂付坐馳

翌日有所感再賦

傷秋情緒亦殫殘強對花枝示達觀佳句幾人圖主客餘生何地寄悲歡青山是處能成世皂帽經時祇
戒寒說與尊前應共省萬牛回首雁聲乾

初度志感

勞生銷盡幾殊鄉空睨千秋並八方入地終須存面目違時誰與寄肝腸學荒愧不年俱進智短方知夜
正長差喜冷吟成獨覺餐風微挹嶺梅香

題自畫松

要留梁棟在人間雪虐霜欺祇等閒疇使風雷生聲欬待從塵海振衰孱孤蹤化石誰能識噫氣成濤不
可刪持比巨鰲應自惜猶堪舉首戴靈山

黃屏孫自金華來書云杭州出走衣物蕩盡深以余所書字幅失去爲惜欲求補贈並乞畫松感其
意與之因題

破家猶戀數行書逸事傳聞足起予更爲孤松勤禮請胸中鱗甲儻關渠
嚴霜積雪鬱深根瘴海閒身幸見存持向崑崙山頂望一株儻寄大華魂

唐立菴來港賦此贈之

當年身手壓羣英今日須眉見老成誰使過都還越國不煩倚市卽傾城新詞夙許追三變絕學爭看闡
五明永念夷侵傷雅廢行吟知雜海濤聲

謝玉岑遺稿付印漫題

雁影長空過不留百年身世付浮休人間憂患紛如織說與孤鸞更自愁
鬼才世早推長吉鄉彥名應繼兩當如此清標竟脩夜更誰身手較堂堂

自題畫松

人間何地着潛龍風雨猶存過客蹤節迴未須階寸土心孤寧礙迫窮冬空山顧影身堪隱夜月高吟意
亦慵剩有閒情銷未得獨攜野鶴聽霜鐘

爲張大千畫竹並送其歸蜀

大千八兄還蜀過香港余粵人居滬自滬淪陷卽走香港越兩歲餘無可歸廣州之復未知何日因大千之行彌增旅感用畫竹一
幀題此以送其行

孟門滿世間几席生狂濤巢林處堂啄腥穢不如歸賦巫山高方今蜀道亦云易飛翔縮地如盧敖君平
設肆頗足樂相如滌器甯辭勞鼎烹鼎食兩無益且效仲蔚棲蓬蒿平子金錯刀清河書畫舫天與一間
應自放遊戲人間吾豈妄過眼煙雲資供養不識三公五貴作何狀長歌酒一杯浪游屐幾綳起視星河
影動搖未覺峨岷氣悽愴游吳更入蜀畫筆疑有神豪端無窮出清新髯也超羣還絕倫竭來海嶠一握
手銜石欲語增酸辛斬馬意空驕屠龍手方縮余也頻年寄空谷自擷芳馨媚幽獨待洗閒愁三百斛看
盡春蘭與秋菊偶然弄筆貌貧簪何異梯萑賽嘉穀感子盛意不自慚笑倒家雞同野鷺贈君畫送君行

客中送客難爲情吾鄉咫尺阻煙霧羨君萬里還青城青城高高在天上一家相聚如蓬瀛願君回首望下界矜此蚓竅蒼蠅聲

挽蔡子民先生

三年海嶠同流寓永別真傷氣類孤至竟桑榆催暮景更誰榛莽闢修途回瀾巨識深難喻開國神功寂若無今日乾坤淪慘黷遺規疇探口中珠

偶憶十四年前主設軍校事有作

興廢懸知在一言梗枿荆棘各參天低回宣室當時事重記金鑾益惘然

爲友人題所繪夏蘭子畫卷

香港產此物最多

海上仙山舊夢違唐昌玉蕊認依稀漢家故事君應記印竹還從大夏歸漫山緣谷汎光風點綴春情淡處濃狀得南方佳草木未妨中隱在鱸峯

爲君軾題湖帆所繪溪山無盡圖

大地烽烟黯鬱盤澗嘲峯恥祇辛酸溪山有盡情無盡留向蕭齋自畫看填胸故國萬山川輕別誰知再見難剩有蒼松成舊識苟存幽谷不嫌寒

瓶中杜鵑花殘余不忍棄加意培養至綠葉叢生或笑其無謂作此解嘲

綠陰曾說勝花時倩影猶凝舊日思莫道枉拋心力盡閑情終戀手栽枝人情終古悅紛華幻夢誰知色相差留取眼前生意在不須分別葉還花

眞如迭示近作寄答

廿年涉想超情器歷劫猶堪獨往來暫玩春華仍自惜已淪風絮復何哀唐虞事業浮雲過蠻觸爭端午
夢回撥盡煙灰成起信眼中東海祇如杯

姚君慤陳積餘今年同七十與余皆張長沙及門也慨念淵源遂以此詩合壽之二君或未相識以
此爲介何如

國鬻州學想追從兄事今皆七十翁世諦漸憐無是處鄉懷猶喜此心同洞垣未負良醫教支廈終思哲

匠功積餘好共曹溪分一勺餘甘流潤嶺西東余今年正六十

和千春社黃密弓韻

芋火何心叩嬾殘詩城贏得峙空壇千帆何與沈舟事一榜猶將及第看鐘動每憐心共往盤餐渾痛齒
恆寒逢場未惜從兒戲妙手紛紛削棘端

悼安得臣

襟期侑儻貫酸齋游戲金門歲有涯碧落無塵神獨往青山齋恨骨同埋慈烏永痛憂難忘飛雉偏傷老
不諧君終身未娶母夫人在堂差喜清涼離火宅未須夢戀洛陽街

感夢靈光寺有紀

凝情不與影俱沈寂歷巖阿廿載心初地永憐成幻住孤花猶喜覆新陰三生石在魂安往雙角山高夢
儻臨誰省異時縑素感翠微寒籟襲人深

悼馬君武

親交日零落今復一星沉寂
萬千秋事蕭條異代心
雲雷銷短馭宇宙捲重陰
獨唱今難和吁嗟八桂林

余少日贈君武詩有
陡起聲名八桂林句

李韶清以楊椒山自書獄中詩卷屬題

中朝已無人椒山自有膽
落落茲數行泰山不能撼

孤忠留翰墨勁氣類松筠
妙筆輕餘子誰堪第二人

張善子歷歐美歸國觀其畫虎賦贈余與善子今年皆六十矣

越海橫擔道義歸歐風美雨
墨痕圍山君貌出形如許
神筆何殊卜將揮

顧影休慚畫不成高談猶許
氣縱橫負嶠出桺都休問
同祝人間老復丁

爲黃仲琴題梁節菴爲兩湖書院山長時課卷用紙

梁節菴先生在鄂佐張香濤銳意興學曾榜門聯云楚材必有用教成君子六千人當時教育宗旨方法姑不具論然風氣實賴此而開革命胚胎亦緣於是梁贈張詩有云草木盡憑春長養樓臺全見日光明可誦也余曾教授仁字齋但不久卽出仕時閱卅餘年觀此紙蓋不勝今昔之感節丈遺集散佚盧木齋所刻詩之由余越園紹宋搜輯選定者亦非其全余今春聞有節丈全稿十餘冊在廣州出售亟屬李仙根設法鈎致乃書賈舟過汲水門外爲水雷轟沈全稿遂永淪海底可傷也已

二十九年九月記

學制森森峙兩齋湖堂往事足低徊孤忠詎分延胡運易代猶堪表楚材長養春滋新草木光明日滿舊樓臺文鈔語錄憑誰輯斷簡空欣出劫灰

爲梁效鈞題所藏屈翁山詩卷

登山臨水日沈吟誰識詩人體國心惆悵清風滿林壑神州赤縣太蕭森
三百年來待闡幽零縑碎墨重琳瑯嶺南江左空評伯雄直終推第一流

行嚴兩詩見寄云將還湘因答

新詩健翮屢摩空空郵寄來更喜談經說不窮近時講學一夢蠻荒遺蟻穴千篇蜀道闢蠶叢金鑿祕記憐多忘來詩

有籌策當年有是非之句玉壘清吟祇自工愁望衡雲連嶺雪推排誰料各成翁余與行嚴今年皆正六十

觀瀑圖爲陸丹林題

日日奔流去不還滔滔隨地有驚湍道人宴坐心何似祇作兒曹弄水看

亞子南來有詩見及依韻奉酬

炎島三年感滯淫日歸何地託春心喜看鯤徙來溟海愁聽鴉音出泮林嶺表異聞期互錄吳中舊事悵難尋曲江風度慚焉及且浥天漿手共斟亞子近致力南明史事余亦方考粵中文獻來詩及遠祖石林公公吳籍故宅舊址猶存所謂葉家巷也來詩以曲江見譬非

當所克

題洗玉清自繪海山躑躅卷圖中乃杜鵑花別名躑躅義取雙關寄其羈抱云

三年頻歎負花期逐物渾憐意已卑事往苦繁啼血恨愁深翻戀斷腸時變衰草木春難理報答風光世

儻知一角海山成絕代猶堪自賞出塵姿

夜坐

風香澄夜氣坐久浥微清禪意雲俱定孤懷月共明拊心餘一歎弔夢忽三生悵望滄波外驚濤太不平

爲陳景昭題張大千鄭午昌合作美人

調鉛殺粉賣胭脂妝裏渾憐異昔時猶有春波留倩影天涯珍重柳如絲

歲暮喜得大齊錢乃絕無僅有之品賦寄丁仲祐

夢冷人間造孽錢奇珍突降喜從天貧兒壓歲堪誇富尤物摩挲九百年

浙戴空傳破大齊黃巢制作語無稽天成廣政應相擬泉苑相逢試品題

丁君訂此錢爲徐知誥物甚諦戴以爲黃巢制非也

悼蕭友梅

余昔悼黃自以爲失一研究聲詩合一之友今蕭又逝世同志日稀感惜之深因爲此什

昔傷黃子繼傷蕭聲黨人間感寂寥易俗與誰商國伎

北周合各國之樂謂之國伎

采風空擬集雲謠琴情海上渾無

着笛韻山陽儻可邀剩祝西河諸弟子心傳不共世塵銷

題滄浪亭結草菴巨栝

補錄

及見文唐一輩賢霜筋鐵骨故依然論交應有忘年感顧影難爲倚市妍不分孤蹤成玩世尙餘奇氣欲

參天幽居儻省榮枯事小院疎窗意已禪

爲梁效鈞題艸巾巾門圖圖乃易大菴所作

無端一段荒寒景付與衡齋及大菴丈室似聞花不着須彌渾喜芥能含澄明性海波千頃料理身雲月一函寫出眼前真實意不妨彌勒更同龕

題自藏陳老蓮爲周櫟園作山水長卷

風景依稀似鑑湖八年鄉夢未模糊披圖忍道家山破謝墅柯橋若可呼

時聞紹興諸暨一帶皆被兵

爲馮祝萬題梁節菴丈手書飲食燕樂精義冊

內皆言飲食事

一編舖啜見風流想像清饑不可收醉飽未應成過失饑驅聊遣足冥搜烹鮮老合甘鄉味食肉心終與國謀回首堆盤憐苜蓿可堪重憶舊磯頭

丈昔招余講學武昌恆以余食少爲慮又惜余不能飲酒

行荃灣法院道中感寄真如

誰信沈冥類蜀莊降龍剗咒兩微茫夢窮剩覺天閭迴願苦翻疑火宅涼合眼千齡逾始旦安心萬里卽爲鄉解弢拔本寧無謂相慰惟應道勝常

題黃般若黃石山房圖

欲求滄海士儻有子房心孤抱將何寄沈吟殆至今豹文憐隱霧燕語感巢林莫悵知音少情餘海上琴永持偶云今年手種花豐收矣喜其語頗雋永口占贈之

小試移春曲檻前不妨心遠地尤偏閒中喜聽閨人語今歲庭花大有年

題萬年少畫卷

遯渚遺民畫入禪一燈消息幾山川柴桑寫出歸來意松菊渾無也自賢

百載而還少大師此中升降正堪思連翩畫體崇台閣銷却胸中一段奇

題元僧靜觀畫枯木竹石

飛出胸中枯木禪翻從紙上養風烟傳衣好證鷗波偈六法原從入法傳

德廢皇去世感賦三十年六月

失路英雄可奈何盛衰殘夢醒槐柯獅蟲木蠹滔滔是齒冷人間一丈魔

可讀園登報售所藝蘭花余轉乞得數盆感賦

南陔往事已成塵棣萼相輝儻夙因看到子孫原不易飄零誰念惜花人

法日訂立安南協定感賦三十年八月

劇憐師出太無名瓦解誰云勝土崩四十年間三易主詎知黃雀狎藍鷹美似仍取緩着

寫懷

策蹇艱長路然箕鬱禍媒深憂成諱疾妄念祇餘灰覆轍憑誰改危機不再來愁心嫌境奪無計一鉗槌

題謝里甫山水

筆端囊括幾山川教外應知有別傳若與二樵參位置好教墨井敵耕烟

爲張谷雛題所繪畫卷

妙境澄秋水微吟弄夕涼聞根原自淨不礙受池香
蓮蕙藕絲中別開新世界風水偶相遭出塵殊自在

客星一首贈許靜仁卽祝其六十九生日

客星久作德星看雪竹霜松自屈盤未分雙谿餘醉隱

元耶律鑄有雙谿醉隱集

要令四海少饑寒詩篇共許追裴度

碁局誰知老謝安待輯舊聞成別錄當時密記在金鑾

卅年來自辛亥迄甲子前後君許謨密勿多未爲世所知余具聞梗概

中國旅行社招游銀鑛灣余未赴以詩謝同游者

信美山川足賞心非時儔侶感登臨神州戮力須公等老我新亭事短吟

王竹亭來書謂公曩歲送往哈爾濱中俄工業大學肄業諸生中陳歷坤于十三年前死於政治案今張冲又病死餘劉唐領及陳祖闓與竹亭勉用其所學無大發展然在做人人上未嘗或違公之教略可告慰語甚懇篤寄此慰之

籩豆年來困有司奴耕婢織失因宜逾淮橘詎終成枳入洛衣驚幾化緇繁會好調三部樂亂絲誰理九張機羣材構廈將焉恃辛苦滋培彼一時

弔陳鐸士

鐸士以專門農學服官講學凡三十年精勤正直始終如一近任湖北金口農場開江洩澇變昏墊爲膏腴費八十萬得地九十一萬餘畝值銀四千餘萬元年收農產當銀四百萬元利之所在鬼蜮潛生以鐸士持正無從巧偷豪奪遂謀殺以洩忿肆毒二十七年二月二十三日晨暴徒數百突入農場挺擊鐸士以鐮刀切其腹腸流地上暴徒舉火焚場屋擲鐸士入火中殲焉同被焚殺者副場長楊景真亦專家而忠於職者也並殺職員三傷職工三十六事後獲凶手數人送法庭訊辦今猶未判決蓋事有難言者嗚呼土劣之驕橫民衆之愚昧特別勢力之潛在農村拯濟之不易道德法律專門事業之無可言君之死其一斑耳余

與君爲道義交垂三十年不意君之結局如是噫爾艾同焚昔人所痛況于契好切但何堪挽以此章聊抒結緒

鐸士篤行人鄉邦號先覺含和瑟希聲蘊粹玉藏璞負笈歷瀛海調鼎登臺閣進乃躬如畏退不改其樂
足資梁棟用巨材儼不斷頻年親農事胼胝見堅卓謀國洞本原神奇出糟粕豈徒行其言方將證所學
詎料呼吸間生命墮冥漠昆岡火一然大冶金難躍身心兩灰燼慘劇類炮烙嗚呼等死耳恨不在溝壑
吾聞此跳梁中實具黑幕利藪爲之驅脩羅因肆虐強宗任發蹤冤獄待誰灼可憐蚩蚩衆爲俚且不若
忘恩乃反噬毒手吁可惡君以死勤事志固甘鼎鑊所憾殉區區有如珠抵雀荆榛塞衢路萬彙日相斫
城社一憑陵奸回恣挈攫法且失其效民命復何託遂令鸞鳳姿倏忽化猿鶴江天一長望短翼氣蕭索
搏擊吾未能去且翔寥廓

曇花再開感詠

剎那幾度見開殘光景旋銷足詠歎誰信春回容汝惜一生醒眼過邯鄲

盆竹

錯節盤根幾屈伸噓風吸露景常新不須更說淩雲事便作盆栽也可人

馬

伏櫪誰云勝絕塵更堪芻豆誤閒身世間驥德疇能識良樂由來久失真

壽哲生五十

回頭締造廿年功櫛沐都忘雨與風已匯潮流諸派合更推庭訓萬方同連橫終見摧秦霸制勝還應表

楚雄待祝長年天與健山河重秀日方中

壽蔡公湛六十

君年始滿余過一六十平頭祇剎那戲海魚龍空倏忽乘風鵬鷃轉蹉跎盟心差喜澄泥滓順俗翻憐墮

白科剩有珩璜新論在未妨抱德共煬和

公湛近收古玉余亦頗有所藏

壽傅沅叔七十

博綜裘紀繼前脩珍祕錢徐壓輦流書目中興存館閣科名道古重瀛洲天心早與斯文寄德業還隨大
化游頭白汗青休致慨藏園福地卽丹邱

題黃拜言詩稿

排比鋪張有別才杜陵詩律細堪推陰何學後心良苦莫但輕爲斫地哀
成文風水偶相遭壯觀驚看八月濤待到良工勤洗琢始知珠玉在揮毫

十一月十日鷺花節紀念第一次歐洲大戰者鷺花卽阿芙蓉有麻醉性
人心終未趨平等世運何從見協和喜撫茲花還太息未能沉醉且哀歌

爲洗玉清題黃晦聞遺札

山河成壞苦關情歌哭茫茫遂隔生太息兼葭零落盡無邊蕭艾正敷榮

深憂苦語成彈指雅廢夷侵事益難惆悵飾巾同待盡

札中語

幾多地獄現人間

國亡何事能吟詠念與同歸有古人我誦南園舊詩句不成欣賞祇酸辛

九日

驚過六十一重陽陳迹難瞞兩鬢霜萬感誰言愁有域勞生早辦夢爲鄉禪心儻制羣龍毒影事還隨斷
雁長剩撫黃花增一噉謫居猶得歲寒堂

題翁子光所著潮汕方言

載筆千秋志懷鉛廿載心鈎沈似蕭客補正繼亭林遠溯中原韻休疑下里音南蠻非鳩舌賴爾度金鍼
爲陳孝威題自由無疆圖後上美國羅斯福總統并示世界諸善知識

大道本無涯畛域由心生所以宣尼言太平基昇平晚近道術隘急功還近名萬物供饗吞弱小成犧牲
科學侈萬能誰知適召爭貪瞋及愚妄強自稱文明同類競相殘殺機彌八紘枉號萬物靈醜態日日呈
此實人類恥衆醉乃不醒往者廿年前歐陸纔弭兵吾曾發罪言籲天同哀鳴列邦各求己仁恕爲之程
盡能取所需滿漑虧與盈互助作基本爭端銷未萌庶幾趨大同匕鬯咸不驚寰宇悉銷兵萬邦欣向榮
軍費萬京垓持以周編氓百族爲共和世界垂新型斯乃人類福普及諸有情何圖未幾時西海翻長鯨
軒然起大波宇宙如沸羹死傷日巨萬費更莫與京戰塵囂大地民命輕蚊蟲名曰科學戰科學蒙血腥
此乃人類災風輪何時停大陸得賢豪吐芒如長庚照耀諸暗陬齊政持璣衡手挈兩洋海欲使洪波清
巍巍新憲章吐辭殆爲經雷霆力萬鈞高屋同建瓴扶弱乃抑強民視兼民聽氛翳盡蕩滌日月昭光晶
階級與部落一道平畸形種族與宗教並育無畦町四海皆兄弟協和同膠飭華胥烏托邦久道還化成
襟抱聖且雄一柱真天擎奠定乾坤基永掃羣晦盲將雪人類恥上與天心并高義震五洲舉世頌德馨

此乃人類傑豈徒一國英顧瞻自由神高峙方亭亭願化身億萬決遐還洞冥人類其來蘇品物庶咸亨
我今發此言振響慚咿嚶心心冀相印夢寐通精誠企公鑒厥旨永永留休聲

合田田翠竹勁賜詩奉答

耽隱遘世難守道嗤羣昏不逐高岡鳳灑落甘籬藩盜泉亦何有未厭井水渾遼東棲管寧南交老虞翻
儻許葆幽貞君門仁義存雲鵬已駕稅應龍方泥蟠屈伸寧隨時澹泊慚自尊太息中風走療疾誰探源
吾衰久失用閤默宜無言燕石耀微光瓊玖非所論尙媿爲人知未斷愛欲根感子遠贈句夢影增微痕
伊人溯一方空谷馨蘭蓀文運今方開墾闢多沃原願子其努力耕耨勿憚煩豈徒應聲氣慰我且弗諼

病三月小瘥却詠

已分當春不算春冥鴻屈蠖各前因日營暗室便觀想病中畏明日處關中身付行窩稱隱淪璞在未應同卞泣網
開甯遂感湯仁幽居縱有逃虛意空谷何曾見似人

聞高齋杜鵑花隕盡爲作惡數日書此自懺

經時苦爲杜鵑哀對景難排幾劫灰應念夢中非實相本無平地況樓臺

洗玉清自澳門枉詩見存且商行止賦此答之

武陵豈復在人間相望吞聲且閉關瞰室頓驚炎易滅巢林誰道倦能還浮生老判乘流盡孤抱堅甯與
石頑應念唯心餘淨土風幡靜處卽名山來詩有武陵語故云爾

寄援庵

書種陳夫子鑽研似蠹蟬詠茗心獨苦集蓼味偏甘語孰韓陵共經期魯壁函化胡甯有願彌勒或同龕

送幼偉

君去仍爲客淞流且溯洄艱辛禁百折去住有千哀思沫魚空响巢林燕豈才劇憐漁父問清濁幾低徊
往跡將成史衰時莫問年憂深空惜日身老漸言天萍合知非易蘭薰忍自煎我躬終不閱休說病相憐
共歎謀身拙沈吟縮手時風雲虛睥睨泉石幾周諮待澤龍翻蟄巢阿鳳自饑叩須終有屬既濟待明夷

香港與石六彌話別

情親童稚憶濠南老病眞成七不堪誰信本來無一物白頭空賸一僧龕

憶吳門所居鳳池精舍

鳳池精舍地屬麗娃鄉鄰張士誠女投井殉難處祠井猶在余曾刊小印曰麗娃鄉客以此也池上篇白樂天作鳳池精舍有小池余濬闢之擬名以玉鈎象形也

嘉名湯詡麗娃鄉故事空思慶朔堂誰與樂天相伴住劇憐池上也滄桑

見案上靈芝盆供感賦

余曩以石林公本吳籍宅址猶在今蘇州葑門葉家埭因購汪甘卿宅爲歸老計增蒔花木擬顏曰鳳池精舍以石林公籍鳳池鄉示不忘本又以別于明之鳳池園靈芝二本卽園中所產也人事變遷園已棄置僅此盆供日在心目間春來念往時景物不能忘懷因口占志慨

靈根飄泊剩孤根故宅空期賦小園我比蘭成更蕭瑟菊著魚竹盡無存

幽居偶筆

彌天四海剩匡牀躋埳眈沙試絜量論事敢持高眼孔牽情無那臭皮囊心驚下士偏聞道齒冷盲翁又

作場巢燕茗鳩同一閨却憐殘夢墮榆枋

留聲機重聞綠綺臺曲感賦

新聲嫋嫋足哀思悵憶旗亭畫壁時愁寫琵琶商婦怨天涯淪落幾蛾眉
幾日殷勤唱渭城不堪重賦怨歌行春風一曲供腸斷誰料真成變徵聲

胡君春臺以程松圓手書耦耕堂詩集稿屬題久置行篋被兵後慮失去乃間關還之既爲之跋復
有感於東澗已事賦二絕句以寫余懷嗟乎東澗不幸期頤而艱屯終世遺書蕩盡復被惡名何若
松圓一老之了然來去身名俱泰哉

微願空期遂耦耕卅年辛苦累時名久無本領兼心計誰遣匆匆唱渭城
絳雲樓閣擬神仙太息膏明祇自煎地下相逢應灑淚羨君不見甲申年

謝仙根惠玉蛇珮

李君貽玉環開緘見璀璨屈曲象生肖蜿蜒殊可憚嗟予珉璞姿少小習疏慢稱美婉曲逆比德祖庭贊
余小字冠玉又十三歲時先祖賞所作詩文寄玉珮賞之曰願汝比德于玉也雖琢豈成器屢炙誰相惋荏苒五十年瑤華不堪翫相貺知厚意
勝似青玉案縱非女子祥差免賢人歎光陰驚赴壑形影且相伴

由港之滬貧不能成行以南越王塚黃腸木及漢南海郡銅壺晉太康墓磚售之潘熙湯紀

南天金石本來貧集古何緣逮我身一笑楚弓還楚得悠然脫手及茲辰
黃腸木有甫七甫十字可辨七字與十字書法之殊舊爲羅原

覺關寸草所藏壺則容希白見讓者墓磚乃王叔濟物出土時爲雪澄翁所得者也

卽景

病梨枯柳儘傷懷誰分狂花爛熳開墮地可憐情是劫回春早判夢成灰上陽忍聽新鶯囀華屋空期乳燕來太息幽居仍絕代高樓風雨任蘭摧

說逝

去矣空諸有悠然再不來絲多憑劍斷土淨見花開憫世情猶在彌天劫可哀衆生宜自救火熱莫徘徊

秋深

秋深萬木漸無聲苦語空期覺有情未信三生能化石忍云一顧已傾城月斜早料圓時缺室小何妨閣處明倦歛楸枰成獨覺不須歷劫始心驚

秋日卽景

誰道西風尙有情滿林黃葉閨秋聲白頭勘盡榮枯事閒看窗前竹始萌

病起書懷

調獅馴象老何能濟世安民媿未曾剩有一身閒似贅心光長映佛前燈

讀拔可擲園詩不禁同感作此示拔可

早知明鏡本無臺平陸成江忍自哀陶翟久無偕隱事巢由何計買山來便教毀室甯非福縱擬看花也不栽往迹再休誇廣廈前塵如水那能回

題譚篆卿關詠仁余楚帆沈養原詹谷人及余六人攝影

六人皆出長沙張冶秋先生門下補錄

爲靜山題所攝風景照片

平生夢想大龍湫，咫尺名山阻壯遊。
失喜烟雲今過眼，詩心飛上雁峯頭。
雁宕嘉陵春水漾，微波似箭輕舟蘸。
碧螺莫向長亭還，惜別柳絲人意兩蹉跎。

用韻和愛理

強憑鶯燕賞芳菲，爭信春城有百非。
野火終憂原草盡，回風渾怯檻花飛。
千年景急何人會，八表雲翻那處歸。
剩有虎溪橋畔去，東林蓮社好相依。

爲姚虞琴題所藏唐昭陵姜遐碑舊拓本

村莊河與鄉神跡，沿革差歧待考論。
惆悵羅鄒皆宿草，禮堂寫定亦無存。
羅雪堂鄒適廬褚禮堂三跋考訂甚詳，惟明醴泉縣志謂碑在莊河村，碑文則謂葬於神跡鄉，是一是二，待考。惜三君皆謝世矣。

訪碑寰宇同芳茂，金石蘭泉足並傳。
何事甯松才咫尺，不搜斯本入遺編。
是本爲江甯嚴子進觀舊藏者，與王蘭泉同時，惜王不知此本，乃僅以二百餘字著錄也。此本八百餘字，與明醴泉志所載同，故拓時必在明代。

挽許麟孫表兄

高懷遠塵濁，今遂絕氛埃。
世亂難言志，天高藐此才。
外家聞孰紀，去日挽難回。
何止存亡感，乘流意也灰。

題屠赤水手書園詠六十首

原作皆六言，茲仿之。

一片園林似錦年，日月如梭不使心。
爲境奪未妨餓死，高歌乘時嘯虎吟龍。
感物哀鵲啼鳩，縱饒萬語千言，未抵微風一呖。

高華相與爭高濠，渙悠然意會忽地脫。出藩籬那用別尋境界。
觀海寧云知海寓，山本自無山。悟澈天中天，意何分世出世間。
真言流出胸中大地平，沈眼底不煩打碎虛空。還爾一張白紙。
善易不須言易言，愁我始欲愁依例。春江花月管他華屋山邱。

題東籬采菊圖

靖節千載人所就，豈泉石韜精事。南畝姑與市朝隔，妙繪儼鬚眉。
高風見裙屐，涉想在黃虞。素心樂晨夕，窮居攬絕景觀物。慨形役老圃，粲秋英迎霜顯。
標格孤松節，比秀枯桑影。同隻想當采擷時，麥秀痛難釋。
山川方滿目，游賞特其迹。八表已同昏，魚鳥安所適。邈矣易水歌，遐哉蓮社客。
且自詠停雲，臨觴望三益。

廿載

廿載儉安負，故知河山滿。日剩瘡痕金鑿密，記憑誰證空憶。臨危苦語時。

自遣二首

人表憑何着，此翁商量愚。智聖狂中青雲坐，致甯緣命金穴頻。探不諱窮讀史恍，同人閱世鑒詩難。
比將成功虛將餘，智搜囊底堯舜浮雲一笑空。

人言殘夢感黃梁，我道空門意味長。海大未須憂逝水，石頑終遣發奇光。
忘機弩失千鈞重，轉柁壺期一粟藏。剩有悲心銷未得，閻浮億萬困機槍。

孔熹伯昔贈詩云：珍重菱花護少年，今忽忽四十餘年滬上相逢念。亂驚衰懷抱都盡，作此奉簡。

珍重菱花護少年推排誰信各華顛雲泉早斷還鄉夢火宅空期出世緣
响沫江湖窮可忘銘心金石晚應堅歲寒試寫閒居興後有千秋未必然

馮表兄公度今年七十七寄祝其生日

漢樹燕雲似目前晚成梗偶各華顛縫衣永漬劬勞淚壓線能忘作嫁年
閱世梁炊真是夢藏身橘奕尙疑仙何時握手長安陌與子重尋未了緣

余孩提後於武昌與公度重相見今四十年矣兩人皆已喪母

壽龐萊臣八十

竹窗天籟稱幽居誰似虛齋慶有餘白氏園林坊履道米家虹月氣充閭
清吟每感鵲聲變觀化渾嫌蝶夢遽未分採芝驚世俗延年不藉養生書

爲顧起潛題其族祖俠君秀野草堂第一圖

風流一代辟疆園想象承平寶繪存訪宅舊曾思酒帝傳家今喜得文孫
青瑤孤嶼空遺跡紅豆虛堂剩夙根更有鳳池慚肯構吳中故事漫同論

燕京俠君故宅所謂草堂小秀野者陳石遺昔居之余屢觴詠其間余寄石遺詩所謂斜街一飯可能忘者也俠君豪于飲有

酒帝之目余喜吳門幽靜居之數年平江坊巷歷歷心目間而園林締構之精竊以爲足甲全國會擬爲吳下名園記以紀其盛因循未果星移物換吳市倏爲殷闕之域七寶樓臺拆無片段者不知凡幾此後欲求營造法式及往哲風規恐皆無從措手思之惘然余祖宋石林公故本籍吳鳳池鄉第宅故址猶在乘魚橋其葉家埭一帶則連類而稱者也曩讀夢窗詞楊柳間門屋數間及賀東山昇平橋宅諸詞輒爲神往曾擬卜居楓江漁父故宅不果遂居網師園旋又居汪甘卿宅今棄之矣每念桑下之戀不應留痕況乎亂世甯有安宅故亦不復介介文氏青瑤嶼惠氏紅豆書屋今亦無沒矣

哀譚元博

元博少歧嶷乃翁屬余字之因字曰元博意在師膺滂也前歲冬遇難於赤柱學校翌日爲校役藁葬已失其目時其母與妻先離校越一年母思子死父繼死僅妻存後遂絕

憶民國二十七年秋元博招余賞月于其赤柱校宅燈影杯痕猶在彷彿問事遂至此嗟夫頃檢敝簾得元博所贈赤柱風景圖因題此示追悼

赤柱山頭碧血涼絃歌守死意何長孤行終遣維人紀一瞑誰知是國殤
挾月忍看餘魍魎忘身寧道不綱常望夫石在天涯遠忍憶前塵月滿廊

題曹翼甫山水冊

揮灑丹青出巨觀白頭曹霸獨神完却憐一水盈盈隔如此山川畫裏看

重陽雜感

借人籬落炫秋妝八表同昏事可傷我已千災隨分受不須依俗作重陽

九日示友

相逢何礙在蓬蒿歌嘯猶能一世豪我比衆人還更醉寫張山水當登高

寫字漫興

燈昏腕脫未曾閒久客傭書亦強顏莫訝頻年甘食藜白頭渾恐負鍾山
小時了了老何曾平揖元明尙未能涂徑漸明功力欠一花何處覓傳燈
傳家並少官奴筆乞米方慚餓隸書莫與時賢較優劣盧前王後果何如

再訊孔希白病瘖時患瘖

久客傷俱老乘流未有期對顰惟默好省語與時宜長夜真難旦微波稍自持却憐鵬與鷄一樣困藩籬

題溥雪齋仿李成雪霽圖

王孫妙筆寫荒寒千里江山白地看積雪終南晴色好何人解憶舊長安

題陳弢庵爲梁節庵丈所畫松

風流二老已成塵，勁節喬柯孰與親。吟嘯似聞歸鶴語，摧傷猶見化龍身。集枯苦志終堪敬，要久襟期信

有鄰。更念崇陵圖種樹，歲寒心事比松筠。二公皆以直諫名而奏疏多失傳

周瘦鵑自蘇州五人墓得盆梅古勁蒼肅因名之曰義士梅索題

氣得江山助，心還鐵石同。堪嗤桃與李，開落任東風。

託根五人墓，上傳芳香雪。雪園邊美人，丰度翩若義士鬚眉儼然。

一月廿八日大雪與永持以雪水烹茶圍爐晚餐甚適嚴甥云今日路斃者益增聞之慘然因賦

風簾雪茗助孤清，菽乳黃菰侈大烹。熟不因人窮，漫送寒真至此意。誰明心傷衢路多遺葦，夢冷歡場鬱
歎聲滿目瘡痍民力盡，更堪魑魅尙橫行。

旅寄憂時遂成二什

似除溫飽已無營，壯志摧傷亦可驚。相賀怕聞堂燕語，銜哀彌軫澤鴻聲。同昏甚地尋先覺，衆醉何人爲
解醒。塞向奮飛都謾語，祇今防意已如城。

夢痕拚共劫灰殘，誰信霜筠耐歲寒。每拙身謀成枘鑿，已無鄉在況湖山。三生石老空留偈，九里松孤祇
強顏。堪信浮家終火宅，人間何地覓華鬢。

湖帆爲我寫鳳池精舍圖圖成而園之棄去也久矣漫題

鳳池遺跡久榛蕪，夢想家園有此圖。好與吳中添故事，敢將清閬比倪迂。

由來明鏡本無臺花木平泉恥自哀猶有雲烟堪供養不須料理却餘灰

五妹贈芍藥一叢因憶故都公園芍藥盛概漫賦

壇園千本浩如雲春色依然與衆人惆悵衰翁無分看祇將心事付斜曛
夢痕依約戀豐臺葵麥翻憐去後栽解識春風還有恨黃沙滿地祇蒿萊

題出蟄圖

大澤出潛虬風雲鬱九秋沈霾幾神劍俯仰一虛舟燭火期終息頽波儻小留力耕休問穫呼我或爲牛
永持喜余畫竹有進而憂余體之瘦余謂此殆不可兼也蘇子瞻李竹嬾金冬心皆以竹可醫俗爲
言而三人者皆仍食肉此適形其障重不可爲訓因賦此自解且慰永持

遐菴居士不食肉却有三竿兩竿竹既求醫俗又求肥齒冷貪癡蘇玉局不如一概空所有手寫貧簪聊
悅目小樓弄筆意森然未礙幽居在空谷敢云直節生來瘦一室清風聊自足有時易米人不惜却感因
材天所篤從此餘年證畫禪做個浮山與人屋

食枇杷

近枇杷類值六金昔人曾云枇杷一樹金今應之矣余夙有洞庭瀟
園之志不知何日能遂先石林公原籍洞庭今子孫蕃衍皆本支也

嘉寶真成一樹金林梅董杏儻同心非工不食吾猶可何日先疇復石林
昔人不諱治生林和靖種梅亦
日售一樹之實以自給人但賞
其高
逸耳

關穎仁以郵部舊寮去年宴集攝影見示感詠却寄

卅年華省接襟裾轉眼春明悉夢餘往事覆車成失馬新愁仰屋忍瞻烏碑刊儻續郎官記觴詠還傳主
客圖惆悵落南慳小集空從葵麥認玄都

回頭七十二公堂

鐵路總局庭前有四松余曾擬名曰七十二公堂

阻勉同心作有芒邁往神如含瓦石孤行筆每挾風霜同遊

共憶梁園雪感遇終傷陸氏莊

郵部諸當局之苦心碩畫每不爲人所解可爲深痛

今日萬端同一呖夢中堯桀可全忘

又自歎一首

誰信雲鵬惜羽毛冲天心緒自蕭寥回頭三度經滄海便是麻姑鬢也凋

題蕭屋泉江山漁艇圖

淋漓老筆寫江天渾厚華滋出自然不是須彌歸芥子誰知中有祖師禪

劫運彌天冪戰塵武陵何地問通津翛然風雨孤舟上羨爾江頭獨釣人

余曩者廣搜宣德銅爐所得越四百事因署齋名曰宣室嗣有意廣搜莽器又別署曰新室今宣爐

已悉以易米僅餘吳湖帆所書宣室一額而新室尙存然亦未必能長保也偶占一絕見意云

宣室已傾新室在巨君制作耐尋研休言紫色鼉聲事藝術精能信足傳

宵空告警與永持息燈默坐各有所悟聯成二絕

薜花香過牆蟲響急疑雨萬態夜何歸繁星相媚嫵

水石空相激風雷似有情萬重幽閣裏轉訝夜光生

有以兒童放紙鳶圖求題者漫賦

故事成圖類擬鳶並時飛躍幾天淵

風箏作魚形

絲綸在手曾何濟回憶童心祇爽然

余藏徐天池擬鳶圖頗與此類

爲人題翠亨風景畫

蕩除氛翳現中興人傑何須待地靈
留與神州供史實不同佳氣頌春陵
桃李春風滿國栽依然構廈賴羣材
參天萌蘖非容易珍重新陰屬後來
神峯獨秀鬱嵒嶢春雨犁頭萬象驕
今日烟霞成閔寂空山何處訪人豪
回首神功接混茫釣遊猶自愛斯鄉
洪流萬派須排導莫忘朝宗此濫觴

七月十五日口號

彥回曾未得期頤一笑渾憐竟化緇
太息黃泉無脚力由來清不畏人知

暑夕偶憶謝英伯曾傳軺屢招黃花別館茗談今二人都歿館地亦不復可問感賦

轟雷掣電太堪驚黯黯空林剩落英
愁向黃花談晚節荆榛寒霧滿佗城

爲人題畫鵝

春江水暖孰先知絕倒東坡七字詩
染得新雛黃似酒微風春柳乍稊時
山陰艷說養鵝經撥掌舒翎見典型
我枉披圖慚得筆不能初寫到黃庭

畫馬

駿骨如山欲作灰秋風殘照黯金臺
驍騰顧影空矜寵慚負孫陽一顧來

菱波仕女

春波迢遞柳絲長莫問魚鄉與鷺鄉
催斷采菱歌一曲他年相憶在橫塘

紈扇仕女

由來紈扇易驚秋別夢如雲那自由
惆悵西樓幾風雨柳棉吹盡月池頭

病中哭孔希白

頽波响沫本虛漚貞疾崇朝驟決疣
病苦詎期艱一訣形亡聊免受千愁
廿年美政猶能數五筆遺編孰

與收

君所至多政績又曾著錄
園談薈記遺聞逸事未刊

蒲澗清泉珠海月那堪重憶少年遊

余年十八識君今
舊友凋零殆盡矣

既自署遐翁以字行口占一絕

風月福人慚老鐵山林架子異眉公
遐心金玉知誰是人表還艱着此翁

潘敦菴參學焦山于行送以四絕並呈江天定慧鶴林招隱竹林諸山長老暨滌心師

曠劫脩羅未厭兵相逢惟有說無生
大江人物今同盡羨爾中流自在行

紫金浮玉幾精藍佳處留菴尙有龕
證得宗風些子不妨閒唱望江南

海西書藏已成塵歸石還思話夙因
總是空華一彈指卅年辛苦墨磨人

塵海何鄉始是歸微波輕絮漫依依
家山咫尺分明在好共松寥理衲衣

中秋前五日題自畫蘭

豈有心期似所南孤香寒韻總虛談
空餘幾筆靈均怨點綴殘年罔極菴

與復禮談以此示之

禹域陸沈三百載，餘光猶未極。中興河清信，道真難俟天。問誰云可得，膺欲翻史例。功原鉅，稍拯民生力。儻能惆悵吾，廬風雨亟閉門。多事話傳燈。

吳地產竹有名金，鑲碧嵌者其幹每節青黃相間。余曩從剡曲灌叟，真如園中乞得數株移植吳門。鳳池精舍今兩地，皆不可問矣。秋晨憶及因繪其影貽叟，渭川千畝不能貯之胸中，姑留之筆端而已。亦此君所同爲惆悵者也。

斷夢渾拋枳棘叢，足音空谷亦冥濛。金鑲碧嵌今何在，剩有寒莖傲晚風。

題畫虎

人間偶現出塵姿，谷隱風從本一奇。藜藿採餘荆棘滿，孤懷誰念在山時。

思孝遠寄紅葉一片

一葉隨風遠報秋，重陽風雨儘言愁。芳時未信成長恨，且拾閒情賦御溝。

題蔣兆和後流民圖

一拂圖流民衆方苦新法，今君復爲此世氛。增蕩瀟生民極塗炭，地獄現一霎億萬困倒懸。奔迸類魔魘，想象已悽痛。況乃耳目接誰歟，尸其咎莫漫諉同業毒霧滋。彌天世方獎相殺，殺人稱救人如火乃益烈。脩羅紛滿眼，刀雨何時歇。空盼金輪降八苦，略煎滌感君筆力好描寫。具豪髮同居火宅中，幸未罹剗割。觀者或克興自拔羣，昏窟稍回利濟心。拯此諸凶札，我老淹衰病望治淚久竭。眼明書此卷聊以當七發。

秋湄沒百日其家以遺詩屬訂感題

成灰湔露一何常視汝殘膏意久傷性士懸知終自淨情塵寧遣足相妨兒嬉漫憶前游樂死佚翻驚獨寐長剩撫南園詩卷在兼葭心事印微霜秋澗與黃晦聞最契晦聞所藏南園諸子送黎美周北上詩卷中有陳秋濤及張二喬手跡者晦聞平生最所寶愛晦聞歿後物星散秋澗介以歸余余昔贈晦聞李東陽詩卷亦歸他人矣

題畫秦吉了

能言敢比籠鸚巧知候甯同海燕飛太息羽毛終自惜江湖滿地故山違

又

秦吉了秦吉了搖脣鼓舌爭佻巧頻年空自惜羽毛天寒婉變誰相保鳥畏寒漫羨風鵬張羽翼亦異霜鷹

矜觜爪連雲大廈爾不飛覆車有粟甯堪飽辱爾樊離泥滓間幽棲反覺籠中好欲無言秦吉了

宣古愚之女雅韻以古愚昔畫贈王秋湄桃源立軸索題畫軸乃秋湄之女王智圓還贈與雅韻者

二友已離塵剩此因緣在山水含清輝兒輩同沾漑嗟哉桃花源豈在此世內固惜文字障不免留貪愛幽居偶弄筆餘技終可佩彈指去來今開轡得三昧

秋曉偶題

剩有孤花照海湄淒然吾土獨懷思夢中陵谷尋常變躔外星辰歷亂移萬念儘灰猶未下九原可作定誰師古人來者都難遇來日茫茫祇自疑

爲嚴君題嚴子陵象

釣澤原明志披裘豈避名却憐馮買輩未足伍先生

懷仁却阿諛規友得其正浩氣貌王公此事令人敬

此象不畫雲臺留與世人崇拜我來七里瀧頭明月清風永在

題蕭謙中遺畫

梅花古衲去人間性韻剛疏未易攀爲問披雲峯下客淩雲孤鶴幾時還

仿漸江

冷落江山似禿殘澹烟喬木足荒寒南朝金粉渾無着爭遣蕭郎畫與看

仿石溪

苦瓜淚墨每淋浪舊恨銅駝語不詳頗有未裁狂簡意淒然滌筆寫江鄉

仿石字二樵似二樵未裁狂簡

青卞何方賦隱居王孫心緒日蕭疏無端法乳還相嬾風景依然碧浪湖

仿鷗波

梅花庵主久天仙一脈遙長孰可傳信道江山如有待真靈相遇合欣然

仿圭仲圭

不道黃山勝岱宗好開胸次納奇峯一拳誰與槌黃鶴爭遣龍華會上逢

仿叔明自云似梅壘山

未同李郭寫寒林明豔春山夢可尋一種眼前生意好穉萸紅碧望中深

春林晚靄

杖策尋幽興不孤叢篁曲徑路縈紆此中儻有安心處一曲愚溪卽五湖

石徑寒山

以唐荆川書羅念菴桂源秋景卷贈復禮示以此詩

截海良謀語不刊身殲誰識事辛酸

荆川歿於軍次

兵機信道從儒出易代猶思命將難同調幾人稱沆瀣

荆川與念

菴擊交見明史傳家千字付叢殘

念菴此文乃與其旅桂宗人潘氏季彤聽帆樓所藏

桂源秋景今何似爭忍同君展卷看

以陳鵬年彭鵬字軸貽復禮示以此詩

濁亂貪人多廉遂爲世欽所以包拯海瑞輩尸祝乃至今峭急或失中用法傷刻深清固亦有蔽貴在不

愧衮傷哉此何時氛霧迷千尋百怪方晝行雷霆失其音地獄與餓鬼歎息紛來臨有如黴菌滋秒忽億萬侵攻伐與掃蕩辣手憑慈心瞑眩庶克瘳姑息非所任吾昔論治術所主固異今良藥貴救時烏附同著葭因觀陳彭書景行思入林我老增衰羸無方起狂瘖冀子文武才他日當爲霖出手挽天河一洗此毒淫相貽譬贈策勗哉期斷金

壽朱君五十

世亂道否文復衰讀書種子將何爲朱君仍年事耕耨窮老欲使王屋移剝復顯晦姑不論文中郁離皆吾師參天柱地始萌蘖豈于腐臭矜神奇沈冥閉戶有何好醉鄉往復聊一鴟酒酣宵夢入虞夏醒視塵壻心然疑大言豈顧俗子駮孤往似與幽人期行年半百氣逾王霜鬢四海夫誰知陽回杓轉儻有意海氣濡响寒松姿噓枯吹生悉甲坼佳節醕酹唯其時沈沈永夕祝復旦姑與稚子同歌詩

題王一亭畫桃實

昔人云食綏山桃雖不得仙可以豪上下烟霧同盧敖絳宮紫府方霄霏白龍妙繪窮秋毫一笑擲筆青天高

題祁井西遺畫

荻雨蘆烟似畫屏楓林遙接遠山青何人巧構荒寒意寂歷乾坤此一亭
暮帆斜照入江村老屋寒山弄夕昏記得烟波漁唱好繫船來認去年痕
此是江鄉水墨圖秋風瑟瑟戰菰蒲無人說與襄陽米一抹寒雲雁影孤

舊家池館認雙桐黃月依微約斷蛩苦憶兒時書味好青燈渾不怯西風
空山琴筑不堪彈恍有幽人共歲寒樓閣幾重雲水裏秋來閒煞碧闌干
楓落空江送去舟微波斷雁各悠悠西風不與行人便莫雨偏憐鈿閣頭
此心清證在山泉芋火蒲團意欲禪料得八風澄似水不須供養費雲烟
井西遺筆寫清溪古木澄潭足品題留與人間爭片紙不勞辛苦屏筌蹠

題張伯岸之銘古懽室藏書圖

複壁藏山詎等閒羨君真諦古人懽發潛未畏秦灰燼得寶還同趙璧觀一室掃除寧世隘百城坐擁自
神完他時文獻重收拾好當天南伏勝看君方病風而保存文物之志不衰故祝其長年

題自畫黃竹

黃竹見穆天子傳其來已古余始以之入畫

女兒箱薄慚金縷阿母歌殘感白雲清淨祇餘奇石供瞿曇長受妙香熏

題溥心畬山水卷

極目江山寫大哀濡毫可道上陵回筆涵蓑叔三年碧淚盡陳思八斗才秦苑綠蕪悲霧夕吳宮霜葉黯
寒灰布帆無恙西風緊愁帶昭陽日影來

題畫

寂歷乾坤此草亭望中烟樹眼常青幽溪九曲清如許誰識桐江一客星
由來野性適樵漁不道山居勝水居釣得浮名供一呷濠梁何似賦歸歟

露白葭蒼彼一方伊人相憶水雲鄉烟波深處從君去萬柳當門認草堂
彷彿襄陽撥墨圖雲山經用不模糊偶然露出維摩相枯木寒巖着老夫
林泉幾疊擁柴關杖策尋幽數往還剩有水風能破寂可知琴酒亦投閒
大雪誰操訪戴舟江山一白望中收清標玉骨森相映還汝人間第一流
孤行盡日祇看雲嵐影波光暮不分博得煙霞常供養此生何減武夷君
待回天地入扁舟隨意溪山足小留塵劫滿前生計短此中容否築菟裘

題自畫竹

煙雨江南玉一叢枝枝葉葉總梢空却憐幽谷孤清態不入丹邱舊譜中

柯丹邱有竹譜

黃叟送芍藥妍麗不減北都

誰道看花損道心廿年癡愛久平沈壇園舊事吾能說千本新栽繞綠陰

吾與同人在北平中央公園栽芍藥數千本

好花留與衆人看孤抱平生豈自謾誰信春光欺病榻擁衾餘汝伴春寒

病中感賦

一窩安樂與天游擊壤成吟興不收誰分洛鵲驚午夢堯夫垂死念幽州
本自無心冀得坻乘流誰遣逐鷗夷由來金石方能止斷梗浮萍那得知

聞日本降伏遂書

八年螻屈與鴻冥土室危巢共此情留得此身無垢在嚴霜毒霧不須驚

舉頭憂患尙如山澗底黃花分耐寒晚節秋容都莫論且將貞白與人看
竹松影裏小禪齋葉落歸根好自埋齒冷邯鄲多一夢地爐芋火早成灰
豹皮留處虛增業雁影沈時亦落空好把多生諸結習一齊收拾却塵中

重陽

更無風雨擾重陽氛祲全銷宇宙光衆志終教回浩劫沈疴還遣遇奇方冊年史迹禁回味一臥滄江也
欲狂世局方新憑砥柱回頭在莒慎無忘

湯恩伯戴雨農兩將軍招宴病不能赴賦謝二律並示月笙

淞濱今作受降城氛霧全消斗極明破虜久聞山越隊除倭重見義烏兵八年薪膽成心法萬國衣冠起
頌聲病臥滄江櫓散甚也隨父老祝昇平

望重江東戴若思征南武庫擅當時同偕袍澤參三表各有韜鈴邁六奇銅柱喜看收象郡鐵籠終見復
臨淄衰孱未預軍門宴且效饒歌貢短辭

偶賦

重上青天白日旗千門萬戶好威儀無端卻憶初元事喜淚潄潄雜五噫辛亥歲杪北都易幟余頗與旗

不禁喜
極而涕

軹道降星異子嬰虞賓應與保餘生無端兩度成孤注入獄懸知是此行

張勳復辟鄭孝胥建國一誤再
誤遂不可救皆自命忠君者誤

之也今身家恐遂不保因知民元
條件實爲優待奈其不能守何

爲翁銅士題長沙張冶秋師遺札

長沙救時心所展未百一愛才與養士意本在邦國金輪昔御世不學而有術亡國復敗家忌賢翻自賊
擾攘遂至今陸沈夫誰責回思光緒季新機已洋溢善導或安流衆材希構室吾師丁其會忠懇照肝膈
一繩維千鈞羣昏乃伺隙委曲有萬端鬱伊盈楮墨遂以天天年離騷同正則人亡國亦殄隱痛儕抱石
至今尺幅間血淚疑點滴賢者國之楨理無間今昔紘綱不能開誰與共休戚憂時念哲人饑溺儕禹稷
原才垂偉論管學留懋績二者皆湘賢昭昭如白日後人宜奮起耕耨終獲實吾輩困衰孱每誦增抑塞
峨峨甘石橋黯黯銅駝陌飄蓬此江海魍魎雜羅弋奉手痛無期宮牆渺懸隔貞元未可卜茵溷終應擇
來日已苦短前脩惟自惜眼明見此帙清明在方策薪傳愧何能待旦晦猶夕嗚咽望師門遐心滿藪澤
北平世醫董君精太素脈相法民國卅三年至滬爲余推算董曰公之脈相甚奇依相法公一生應
勳位顯赫且身名俱泰備享世福以秉性強毅操行方嚴不能和光同塵難進易退故凡依相法應
歷之亨衢以公持正不肯苟同往往避而不居遂致轉滋困阨且志行閔遠而思慮縝密不能模稜
遷就故政績昭著而屬下畏多愛少求才若渴用賢滿天下而不肯營私結黨故世被其澤而人不
感其恩質尙虛恬不慕榮利與物無競故所歷皆不能久又性不諧俗厭惡浮華虛情僞態尤所屏
棄故家庭且時扞格綜而言之公之秉性與厥命不兩立恆處相拒之狀公不能爲胡廣之中庸而
頗類靈脩之憔悴此非命也志行爲之也今歲年運方隆卽隨波逐流未必有何災害如堅自韜晦
反恐冲尅致疾此後之命杳冥寥廓不可測度似前境俱化煙雲有類留侯穀城長源衡山爲無結

果之結果蓋見首不見尾之格也余河漢其言然心頗異之既堅臥不出今歲春仲遂病輾轉床蓐已半年董言遂驗然余不悔也比神州復旦人感蘇生病榻難興乃增煩鬱所言後事不知驗否偶憶前語吟之于左

前賢稱俟命我乃與命爭細思日者言推斷一何明庸福汝不享厚利汝不營權位汝不戀憂患汝不驚忍事與灰心言終和且平持情復繕性先民以爲程獨有胸襟杼黑白辨太清嫉惡仍愛才銖寸如秉衡雖云休有容衆醉恆獨醒遂令旃檀香皆如逆風行集枯乃自甘欹器不求盈憂患日如山太行梗崢嶸營衛因失調美疢時相撓歲月去若馳德業夫何成然我心不移悔吝未嘗萌東坡順磨蝎漆園戒爲牲汝皆與背馳五福何由呈汝年過六十晚節終堅貞但恐墮杳漠蓬閬不可名我意亦良得世網寧久縈蓮邦趨極樂佳命誰與京一笑謝董生吾意仍如城

十月晦聞法國伯希和逝世憶自清末與之在北京相識民國九年繼會于巴黎民國廿五年又會于上海今此敦煌專家遂永離人世悼以二絕

驚心文物出遐荒訪逸相從過曲坊聯袂四人今剩我隔鄰聞笛更淒涼

伯希和至北京余與羅叔蘊王

人惟余未有撰述今三人皆逝矣

闡發幽潛會有時不須苦恨壑舟移輯存總目編猶待更向何人借一鷗

余擬編敦煌經典輯存總目將世界所有敦煌文物彙編一目

君極贊成其議因時局多故終未有成今余處尙存各草目不少

曩以卅年前滬上攝影存者僅余與程聽彝狄楚青曾乞二君題詩楚青尋逝前年又乞聽彝題一

截句去年聽彝又卒於是全圖僅剩余一人矣病榻追憶觀河之感不能無動於中因成此律

顧影今成隻吾衰漸自嗟推排餘碩果眩轉幾空華
妄去真應見生微智有涯乘風歸去好塵海本無家
全圖爲王子展梁節庵趙疏菴何詩孫寶子觀等

題新昌呂氏兩代家集

嘉祐東坡遞火傳更欣小集結斜川商量舊學成家學
休恨無人作鄭箋
體製詳華彼一時陽秋人物見欽奇微言自有藏山價
不用文章侈起衰

詠史

雪窖虛懸五國城一身孤注始分明桐宮基地逢伊尹
軹道居然已子嬰歸北早知成謾語征西寧得保
題名料量歷史禁回味慢爲推袁更不平

卅四年十月廿五日臺灣復歸我版圖有作

喜從海外復炎洲百戰功勳筆底收施琅鄭成功朱一貴
藍鼎元都莫問且教呼酒醉唐景崧劉永福
一片青天白日紅旌旗百萬颶東風年年自此成佳節
私祭家家告乃翁
報載臺民是日家家祭祖可想思舊之深

稻苗漫事鋤非種葛藟還期庇本根好與滋培勤灌溉
太平洋上啓家園

歎逝吾傷許地山眼中不見海珠還行吟更痛菽園老海日
嶺雲淚永潛
許地山本臺灣人臺灣失後乃父始籍福建地山教授香港大

學歿於前四年邱菽園亦臺灣人臺灣失後流寓新加坡屢謀恢復不遂佯狂以終著有嶺雲海日樓詩鈔中多悲憤語

掩書彈淚憶兒時忠憤緣何不自知五十年中翻覆事
白頭留此數章詩
甲午戰後國人痛心無計有潮州張羅澄者編集其時國人悲

慨之作爲普天忠憤集雖無深義固可
覘民氣也余少時每誦之不免流涕

追悼姚石子

須臾未見九州同家祭翻傷告放翁誤覺一紙仍可借誰知五蘊已皆空襄陽耆舊書難續幾社風規世
所崇太息鑿楹藏漸佚守山無分繼前蹤

輓楚儉宗兄

同岑相望兩沉冥一擲人間付獨醒惆悵相逢艱一面山河滿目送英靈去冬公東還屢寄聲欲來視余疾不料余尙淹床蓐而公已離世也

响沫江湖廿載前墨痕詩夢已如煙文章交道從何說今日惟餘淚澈泉公主民國日報時艱苦獨絕余以文字之交偶相挹注

保聖遺蹤幾劫灰水東塚墓亦蒿萊懷賢弔古情多少併入山陽遂韻哀余修用直保聖寺古物館保存唐塑公適長江蘇省府主持甚

力後清理先代文莊公墓地及修復墓道皆得公之助

南社琴尊響漸沉劫餘山水幾清音叢殘著述應收拾家學還期繼石林公與余皆系出宋代石林公聞遺著尙待輯印

李協和逝世志悼

閉門日飲正無何一去憑誰挽逝波往記金鑾思密勿新愁銅輦夢蹉跎亡秦恨宛同三戶歸趙心期復
兩河甲馬行空應有語中原將帥幾廉頗民十二余與君同在大元帥大本營曾密商建國軍方案爲肅清中原計國父屬余往各方進行即本此案與東北固極有關係

詠史

昭陵陪葬事難圖金粟堆空鳥自呼堪羨孤山一坏土梅花終古屬林逋

挽觀本法師

曹溪花葉未成塵微笑驚遺露電身閱世津梁同自惜餘生雲水更誰親梵音五會空新譜月影千江幾
故人他日藥山尋往事欲參半偈已無因

示次潛

多病逢黃石君應慕赤松功成談笑頃道在屈伸中萬物原芻狗千山有臥龍癩殘餘半芋好訪祝融峯
徐襲風遠寄一文述其所懷因答

陳陳轍迹孰相因盤錯方知耐斧斤歷刼自憐三換骨捫心原祇九分人覆車往事都成史敝帚餘塵轉
足珍太息迷途應不遠可容大雅與扶輪

爲陸筱丹題張大千作入蜀圖

五丁闢道等蠶叢蜀棧秦關掌握中今日山河歸綰轂披圖還似將成功
大千畫筆濬靈奇範水模山自得師太息吾衰艱入蜀不能添寫杜陵詩

詞

祝英臺近樹影

淺含烟低帶日斜倚畫檐側似葉非花清景自狼藉殷勤幾曲朱欄愁他壓損長只近玉人簾隙 幽夢
寂曾記一徑無人綠陰坐吹笛淺動風枝鎮掃愁無力幾回淡月昏黃迷離滿地扶不起一庭秋色

阮郎歸效花間

樓頭柳色玉驄嘶薄憶轉成癡征人辛苦幾時歸思君千里蹏 閒翠被悵空帷眉痕趁月低東風吹夢

短長隄斷橋西復西

蝶戀花

絲雨黃昏簾半捲瘦盡梨雲夢也如人癡十二碧玲聲近遠愁多燕子尋難遍
怕到蘼蕪西畔院草淺
心深踏著情都軟底事離痕吹又滿東風不繫回腸轉

十六字令

秋淡月依人只半鈎清夢遠和雁度西樓

臨江仙

幾日青陰消歇了滿林芳絮迷漫月明樓上杏花殘探芳啼鴂老失侶燕雛單
刻意怨春春不管辜他
留取輕寒夕陽紅斷小迴欄消魂花落處吹聚更無端

高陽臺

金風扇威倏逢搖落身非蒲柳乃爾悲秋情見乎詞聊成此什時所居
越華書院頗有竹木之勝將以明歲遷去情不能忘聊復及之云爾

鏡檻移雲橋波度月園池俊賞堪憐半畝秋痕柳絲催織愁烟殘荷已賸無多葉映涼波猶護鷗眠試扁
舟飛渡清波佳夢重圓
兒時最憶經行地幾團絲斷逕吹絮晴天短鬢歸來枯枝慵問流年蓬飄已斷
鄉園計效忘懷且語飛仙更堪尋屐齒苔蹤青印窗前

鷓鴣天

不耐園林盡日閑扶持新綠上雕闌蕉因着雨心猶捲燕爲銜春力已殫
臨翠檻寫瓊箋東風影事太
闌珊無端送盡餘香去十二簾櫳剩曉寒

齊天樂

薄遊不暖鴛鴦夢梨雲乍迷清曉冶思扶春癡魂警月占斷春鶯懷抱懽悵卻惱甚爭語嫌人苦彈悽調
露紛空凝一溪心事落紅杏 綿綿芳草遠道綠波催艇子桃葉迎早南浦傷離西樓鎖恨塵黯秋窗詞
稿薦花拍帽甚重省當時倚肩雙笑冷簾疏衾獨眠情味好

摸魚兒

甚無端茫茫情海掀天波浪如許刺船風引三山近清淺蓬萊終古愁萬縷剩欲寫瑤箋青鳥傳言阻銀
河莫渡任槎泛歸來支機問取消息在何處 尋芳侶載酒都無情緒薦紅吹盡休顧流霞一盞難消受
何況碧桃千樹春且住見說道人間鶯燕嗟遲暮鴛鴦不語但飛去飛來柔香占取頭白戀烟雨

蝶戀花 回憶

追憶藥闌閒索句一陣黃昏畫閣微微雨紅燭照心千萬語等閒博得消魂處 絮亂絲繁三月暮感激
東風吹得流紅聚雙燕依依猶解舞夢回可憶閒庭宇

采桑子

猶記舊時明月路玉桂堂東十二珠櫳剗襪人來月影中 梨雲散後誰爲主零落薦紅芳草叢叢雙燕
飛飛畫閣空

月明如水閒階靜人在紅樓笛按紅樓吹出霜天一片秋 淒清調好憑誰記零落伊州一曲伊州金鴈
鈿蟬字字愁

重門一掩經年靜閒煞秋千今日橋邊一樣春寒似去年
幽情淡薄渾如絮休要狂顛重致纏綿不遣
楊花近畫檐

浣溪紗楊柳

楊柳依微隱鈿車軟風徐揭繡簾斜落紅深處卽天涯
不信遙天鴻有信偏因細雨燕還家新愁交與
杜鵑花

寂寞簾櫳駐故香一春愁與落花長不成將息祇淒涼
夢覺翠屏聞暮雨望殘飛絮又斜陽如今只索
不思量

長亭怨慢潯陽客感

鷺迢遞客程驚晚暮色征衣鎖窗寒淺不分懷人孤鐙照夢夜頻翦新愁似水渾不共羅衾展寂寞倚層
樓望烟裏片帆初轉望遠聽秋聲浩渺頓觸琵琶淒怨江亭何許甚高詠而今重遣慢增歎黃蘆苦竹
早換了綠楊絲軟賸茸帽清遊猶寫綰紅吟卷

玉漏遲

冬深旅寄江
壩排悶自遣

暮色河橋柳淺碧垂絲嫩寒添又倦倚西風吹冷天涯吟袖孤館銀屏夢遠鷺去路烟波回首芳信久重
憶梅花小園開後惆悵急鼓催年鎮畫角聲中哀鴻頻奏滿地江湖渾憶翦鐙良友幸有匡廬擢秀餉
詩囊一峯寒岫歸興驟壓輕裝縕袍依舊

卜算子晚春卽事

鏡底失微波靜裏心香裊一枕西窗聽晚鶯碎夢知多少
露重柳依廊風輕萍浮沼欲向青林覓墜芳
一蝶酣春小

滿江紅生日

有限生平且付與燕鶯閒話都休說元規廊廟幼與山野半豹讀書窮可哂八騶擁列緣應假待從頭收
起舊時情東風下誰冀遇鵬溟化更希重龍門價只頭銜依舊傷心人也剩有江山清宴福春花秋月
兼良夜最傷情偏又酒杯深華燈施

鵲橋仙別意

水光蘋葉橫塘路有卅六鴛鴦同住雙漿鷗波二分螺月多少消魂據誰知風笛離亭暮空回首畫簷
低訴別緒千山無情一葉吹送江南去

浪淘沙

除夕用周晉仙明日新年詞韻漫作
二闕末語即仍其舊並邀玉珩作焉

冰溜響苔錢攪破清眠雙聲誰與唱鈿蟬今夜珠江風景好燈火千船夢繞嶺雲邊梅雪前緣紅花燦
喜且懽然收拾閒愁書吉語明日新年
徑擬騁連錢雪飲風眠男兒三十侍中蟬更有雄心探兩戒北馬南船歲暮酒壚邊空自延緣新詩祭
罷一淒然翻藉風光排解好明日新年

鵲橋仙夕景

一重花影一重簾影永晝冰燭人靜拋書淺撥乳鵝灰正試了花蘂新茗暮螢光映噪蟬聲定薄暝追

涼簷徑孤蟾穿樹忽驚鴉鱗雲簇簇秋河冷

鵲踏枝秋雨

小雨秋光池上館記賞殘荷畫靜珠簾捲熨袖畫闌香尙暖無端唱徹還方怨
消歇銀箏兼翠管何限
悲歡歷歷從頭算悄立空庭花露泫夜闌月照淒涼伴

虞美人感舊

年時碧樹吹香雨載酒題紅侶綠陰今怨賞春遲何況綠陰不見見殘枝
枝頭落盡芳雲影袖羅羅屏
冷無人悄悄立苔階愁見一雙粉蝶撲儂懷

山花子紅亭

三面紅亭放日遲小窗斜捲受花枝間却錦棚芳樹底引鶯兒
豔曲初翻餘懊惱夢書閒檢費疑思偏
是尋常行坐處沒心期

金縷曲

歲不盡四日早起嚴寒玩玉珩前日百花洲同游之作輒爲繼聲

憶昨東湖步到荒寒悄無人處一堤橫互破檻孤亭相襯着幾筆雲林枯樹似倩女澹妝幽素一片明漪
平若鏡照秋波柳葉彎眉嫵疑宛在畫中語
東湖遺迹今祠宇算人間浮名值甚也憑遭遇世事原非
吾輩了且可攜鋤荒圃聊僭號百花洲主冷淡生涯平等法問先生知我忘言否三畝宅更何許

更漏子記夢

冰鈿貼雲鬟疊夢斷當時粉靨空宛轉自溫存冷衾香不薰
花前緒窗前語記煞曲廊嬰武櫓溜滴曉

鐘天知卿今可眠

念奴嬌獨遊東湖有感

金翅菟軍想孫郎當日英姿雄發寂寞紫髯人去後閒煞半湖空碧野菜荒畦枯藤敗寺名占高人宅斜陽烟柳眼中多少相識 今日縹杏池臺輕衫破帽選勝聊尋覓恰有西山開冷眼似笑風塵蹤跡獨上危亭當風坐久萬綠森毛髮癭鷗三兩掠波還又飛沒

楊州慢東湖寫望

簇柳遮鴉澄波浴鷺長堤遠照還明望烟蕪款款盡一片車聲漸迢遞輕烟散盡晚天山色飛入重城趁綠陰如水曲闌西閣同登 眼前風景算滄桑一霎難憑便燕麥詞工鶯花訊老苦語誰磨臥看浮雲點點倚畫闌慵賦新晴甚漁舟唱晚蘋波秋意微生

鷓鴣天感事

黯黯金臺落照殘薊門烟樹不堪攀都無下意圍棋局且可橫行受鉞壇 雲黯黯路漫漫忍將歌舞夢長安枕戈擊楫渾何濟江左紛紛事更難 盜寇西山阻路歧蒼茫私詠杜陵詩不堪地轉天回日正是紅紛綠駭時 情感激意悽遲蒼生羣望欲何之虬髯若有扶餘業肯負中原一局棋

高陽臺

木君賦此詞瑰曼可誦爰依其韻更賦秋草

院落無人風霜欲老蓬根儘耐孤清化作螢飛虧他照影分明西園嬾賦新詩句觸愁心蝶夢都醒憶年

時步履空階夜景寒燈 望中舊日銅駝陌甚哀蛩喚遍萬杵寒聲戰馬漫山披圖別樣悽情尋常便到
聽鷓鴣只青袍意氣難平甚天涯一道裙腰翠輦曾經

雙調南歌子夜坐詠懷

暗牖窺饑鼠空階咽斷蛩西風一夕捲梧桐驚覺秋衾殘夢畫堂東 心事三生石年華一杵鍾坐來明
月正中峯照澈蒲團香燼淚痕濃

聲聲慢秋感

病骨支秋微吟向晚詩心暗落斜暉一髮江南有人尋夢依稀流連曉風殘月怕歸來霜雪沾衣重回首
只青蕪欲斷烟柳成圍 蕭寂板橋流水漸冷楓千樹紅上漁磯點筆秋光畫圖風景應非棲鳥夜寒白
喚繞喬林只怎孤飛惆悵處聽庭花新唱遠韻依微

百字令送友人泛海

成連海上怪知音風雨移情如許我自乘空傷墜翼經世杳如烟霧東海珊瑚南都石黛倦寫看花句爲
君起舞湖山恨入尊俎 已矣青眼狂吟天門軼蕩芳訊空相許十載靈修奇服願寂寞高邱何處土積
危岑繩牽大樹微尙驚虛負扁舟往矣丈夫奚事叨絮

蘭陵王題張紅薇女
士百花卷

慢春惜一片花飛褪碧金壺裏依約返生照海千紅鬧裙屐風流溯往日誰識鷗波妙墨瑤臺路撩亂衆
芳春燕秋鴻苦相憶 空中本無色甚海印生光彈指成實雲泥朝市渾如客任丈室輕散梵天微笑華

鬢回首幾過翼好常住常寂 香國夢曾覓奈蕙炷霜清蘿悵塵積吟風泣露都無力剩炫畫桃李弄晴
葵麥青蕪如錦顧恨影粉淚漬

蕙蘭芳引 鶴汀丈追和況夔老昔贈晚華此調詞意甚美輒同作一篇

驚吹海山忍重問舊京坊曲奈月館清商偏引怨歌當哭露華弔影鎮照眼夕霜凋綠似芰荷薜荔半闌

騷吟重續 散雪重題輕塵凝望恨迸簫竹甚天杪靈風寒揉斷絃碎玉湘雲迢遞佇愁幾斛探翠微爭

慰冷香零獨 此詞同作者程子大頌萬林鐵尊慰冷香零獨此詞同作者程子大頌萬林鐵尊

疏影 吳湖帆潘淑靜伉儷以宋槧梅花喜神譜索題

香南雪北儘化身億萬聲影非隔月地重尋天水遺珍雕瓊自湧虛白迦陵永劫同心護禁幾度羅浮輕

謫祇素娥笑證前因稱付玉茗雙翮 休問枝頭幻否未開那有謝行解深密澈骨奇寒殢夢疏香攬鏡

由來無物相看一段西來意好折訊聖湖殘客漫等閒忘了冬深把卷恨縈羌笛

點絳脣 題狄平子畫七幀畫皆寓禪機故詞語云然

月印千江了知不隔秋情性畫橈清鏡水與天同定 鳥影流空極目寒山暝憑誰證一聲孤磬敲得闌

浮淨 潭影孤鴻

浣溪紗

怨絮悽花滿謝橋夢中風雨自蕭蕭可堪鐫恨與瓊簫 逝水儘迷前後浪新霜誰護短長條待尋言說

已魂銷 落花垂柳

好事近

眼底出奇峯一片暗雲如醉彷彿楚江煙雨更秋山蕭寺天公墨戲不尋常住處足真諦誰信齊烟如

夢費憂時清淚烟嵐疊翠

鷓鴣天

收拾秋光入畫囊四山風色動寒芒銷除塵壒千尋瀑淨洗乾坤滿地霜情有會意應忘更無人共此

清涼丹楓占斷天涯路何處江波認故鄉秋山紅葉

菩薩蠻

青松翠竹原無相溪聲山色光明藏似有六朝僧山中喚不應一花留半偈紙上何言說待得石能言

三生舌好捫松竹磐石

清平樂

水流花謝客路相逢乍誰信天桃渾不嫁賺取朝朝夜夜前身我定知魚臨流好賦郊居莫問天涯萍

絮一般漂泊憐渠桃花游魯

蝶戀花

覺後河山原不住彈指聲中幻向毫端聚閱盡人間縑與素舊歡新怨知何據片石三生誰與訴枯木

寒巖好景渾如故烟水通津桃葉渡請君覓取還鄉路喬柯怪石

清平樂壽林子有六十

幔亭開宴上壽方經半倦眼浮雲千萬變且祝此身長健 金荃囊括縹緗名山宛委尊藏共祝詞仙不老鴛湖青浦相望

渡江雲

得公渚海上寄詞依韻和之

大江流日夜佳人空谷千里寄愁心頽波空極目一髮中原蔽日白雲深迷空蜃氣儘進入瀛客悽吟蕩橫流稽天巨浸噉雁不成音 幽尋危峯費屐古剎留衣感歸期無準憑夢想松風解帶蘿月開襟星辰昨夜虛延佇隔銀河遙睇商參時方過七夕 琴韻杳移情海水悵悵

又

秋日自海道游勞山乘軍艦往返望洋興歎倚此寫之

連山青插海畫屏九疊嵐影亂雯華萬松開紺宇依約蓬萊雲外幾人家瀛洲咫尺誰與剪溟渤鯨牙吼怒潮馮夷如訴清籟雜悲笳 堪嗟齊烟氣黯泰岱雲沈送黃流日下問幾時神山重到弄水看花華嚴樓閣憑彈指休悵悵殘照西斜歸路迴源窮八月仙槎勞山有華嚴庵明慈大師之徒所建

惜紅衣

用白石體題吳湖帆所藏七姬權厝志舊拓

霧鎖寒瓊烟銷紫玉恨縈幽窳姊妹花殘花中有七姊妹 餘姿洒傾國同歸白首應媿煞齊雲樓客狼籍盈紙夢痕抵沙場埋碧 山河再易蕭史青門哀歌感重拍南宮往矣碎墨重千壁恨缺舞鸞收影寫照沁園春色好墨華長伴千里夜臺岑寂隋董美人墓誌精拓亦爲吳所藏

漢宮春

戲贈公渚寓遞香本事

珠箔香凝鎖雙烟一氣徧解餘醒銷魂個中別有曲篆初縈瓊漿未飲甚天風吹返雲英乘霧去仙源路

迴碧霄愁問征程 望裏屏山千疊算幽棲佳處小築堪營依依玳梁宿穩勝與鷗盟燒殘心字漫因循
辜負今生憑檢點題襟塵麝眉峯更寫新晴

被花惱

題吳湖帆所藏薛素素馬湘蘭花合卷用宋楊守齋韻

湘皋小刼冷騷魂寥落楚江清曉俠骨紅妝並時少晚芳霜黯濤牋露浥綺夢應新覺 尺素寫孤懷鏡
花幻影成雙照 喚起卷中人空谷遐心動香草聽鷗逸韻走馬豪情餘事偏精到甚蕭條異代不同時
儘一例閒愁爲公惱顧筆底滿幅烟痕秋欲老

浣溪紗

青島野望

散慮尋幽意不違眼中巖壑各依依靈風夢雨幾時歸 海色浮襟增莽宕晨光襲幕儘熹微憑高誰念
昔遊非

芳草渡

病院冬深忽聞燕語悵然有賦依清真體韻及四聲

息瘁羽甚暝色平林聽呼新侶鎖一枝棲處宵長慣感零雨霜枕寒思苦禁堂前愁訴殢夢醒又帶疏鐘
月下歸去 回顧轉蓬萬里歲晚天南同雁路漫提起雕梁舊影仙妝見窺戶海山在望費幾許營巢情
緒似倦客浩蕩輕鷗自舞

浣溪紗

爲友人悼亡

拂面花枝落苑牆回風流雪黯空廊驚鴻何處覓陳芳 曲譜離鸞琴欲碎妝留墮馬鏡毋忘人間銷得
幾回腸

風入松 年來好漫遊賦此
答問者時在青島

人間歧路足千盤心遠地常寬玄都絳闕憑彈指無人處駕鶴驂驚清夢朝飛九水吟懷暮落千山九水
皆地名頻年新製遠游冠楚怨不須彈烟雲供養隨行脚空回首急浪奔湍解語花應含笑無言石已成

頑

石州慢 中秋夜遊虎邱適逢月蝕時星稀露冷萬象沈沈蒼苔薄幽陰疑非人境余呼茗坐千人
石雲破月來笛聲發自林際撫時感事殊難爲懷乃寫此調以寄其鬱仍用方回原韻

夜氣沈山商音換世愁與天闊留人巖桂攀餘夢遠塞榆都折瓊樓影暗忍照破碎河山傷心還話團圓
節涕泪玉川吟剩枯腸如雪 歌發風亭笛弄滄海珠生寄懷渾別恨逐胥濤越網千絲誰結全消虎氣
算有墮粉零香清宵索伴蛩聲絕怕半鏡重圓異當時明月

疏影

題吳湖帆所藏舊拓隋
蜀王秀董美人墓志

武擔片石認春心蜀道鵑淚凝碧瑤軫飄零羽箭凋疏蜀王善製琴及弓箭剩此可憐殘墨驚鴻怨寫陳思賦合纂

入梁臺專集蜀王有文集十卷勝雷塘十畝荒阡莫問玉鈎遺跡 堪歎楊花委地洛川餘墜羽猶伴書客鏡黛

塵凝砌草霜清漫想當時顏色積華朝露庸非福恨少個阿雲同歷阿雲太子之嬖妾祇深情刻骨難銷短夢低

徊今昔

西河 白門新感
用清真韻

歌舞地龍蟠勝勢誰記傾城半面晚妝殘夢雲倦起八公草木未成兵真人遙在天際 凝情處瑟罷倚
曲終柱鳳愁繫一時王謝總尋常燕迷故壘小樓昨夜幾多愁臨江休問春水 漲空蜃氣幻海市其窺

驕惆悵臣里不分閱人成世啼鵲淚斷千紅都盡狼籍春光臺城裏

天香

秋日從汪恨吾丈處見羅浮仙蝶屬爲題詠久而未就冬初偶有所感因成此闕依東山體用夢窗韻

珠泫回潮蓮鬢勝地倩影筠籠清峭浥粉衣輕留香裙皺荏苒壺中天小棲塵未慣禁短翼蓬萊歸早庭
穴愁偕蟻鬪河橋嬾分蛛巧珍叢舊迎綠曉醉東風酒痕多少懊惱絳都迢遞隔牆春開文采空驚蓋
世恨離合家山送人老悵寫新圖游仙夢杳

水調歌頭

程十髮以天台采藥圖屬題旋即謝世爲追賦此闕

世豈有劉阮亦復罕天台烟雲過眼俱幻紙上萬緣灰磊落銘勳鍾鼎竊窵同心敲佩一例總飛埃火宅
儘游戲脫屣漫徘徊頌松筠悲薤祇露癡駸遼天笙鶴一去風景浩無涯目倦蠻爭觸鬪夢斷花明柳
暗鷓鴣更休猜別矣鹿川子長嘯賦歸來

五綵結同心

崑山真義鎮之東亭子爲顧阿瑛玉山佳處故址之一今歲池荷盛開重臺聯萼並蒂至五六花余偕姚虞琴江小鶴郎靜山臨賞以其葉小藕窺而不結蓮房又花瓣疑積捲如蕉心正與吳中華山劉宋造象中所刊千葉蓮同因斷爲卽天竺傳來之千葉蓮蓋花中如海棠海石榴山茶凡舶來種恆現多層此殆同例也元末明初迄今已六百年淪落荒村中今始幸邀吾徒之一顧感賦此闕以屬阿瑛兼示同人

前身金粟俊賞瓊英

小琬英阿瑛姪人今猶葬園中

東亭恨墮風渦園中分東亭子西亭子相距

六百年來事靈根在渾

似記夢春婆濠梁王氣同都消歇

明太祖徙顧于濠梁蓋忌之與沈萬三同

空回首金谷笙歌無人際紅香泣露可堪愁損青

娥棲遲野塘荒漱甚情移洛浦影換恆河追憶龍華會拈花笑禪意待證芬陀五雲深處眠鷗穩任天

外塵劫空過好折供維摩方丈伴他一樹杪羅

余新自吳門得杪羅一小株亦天竺種也

踏莎行

爲李拔可題其妹花影吹笙室填詞圖

淡月幽輝小樓寒澈危絃促柱同淒咽黃花未肯怨西風捲簾消息憑誰說
夢蝶初醒驂鸞遽別曇華石火同飄瞥人間銷得幾回腸偷聲賺盡愁千結

好事近

以董思白畫禪室印章爲吳湖帆四十壽媵以此詞章爲亡友丁闇公所贈

畫派衍華亭衣鉢香光能繼合與石章授蒨證南宗三昧
高齋玄賞喜同心休滴硯山淚願比石交長久共龍華佳會

法曲獻仙音

探梅超山弔吳倉碩墓適方寒雨景物蕭寥感往傷今因成此解時新曆二十三年二月中也

樹逐鸚輪苔侵雨笠望裏疏林輕霧

以汽往

片石三生孤雲一握

倉碩墓門余題聯曰此地卽孤山遶墓恰邀梅萬樹有緣歸淨土前塵應證石三生此度

方見

石刻悽懷嬾共僧語似賀老昇仙後稽山自來去

向誰訴舞回風巧翻妝額愁荏苒佳約翠禽輕誤芳

訊斷江南怕一枝紫恨終古嶺雪淒清儘參橫宵漏未曙甚紅英數點恨鎖江城歸路

時遼局變化急劇粵情不定輾囑亂氛方熾

附和作

法曲獻仙音

廿三年春遐公以近作超山探梅詞見示寄託遙深固不止中仙草窗雪香亭之徒爲憑弔而已也謹依韻賦一解

朱 衣居易

萬樹寒香半山層綠著眼春情如霧冷淡詩腸飄蕭華髮幽懷脈脈誰語任林際鶯啼起依依未能去
最難訴損千紅征衫頻點愁信息茆店野橋都誤笛外又花飛算一例銷沈今古夢杳羅浮儘
凝昨天街未曙便殷勤待折目斷江南無路

木蘭花慢

題林子有詞集

喜詞仙未老依前是舊風神想荒徑幽尋輕藤獨倚調逸腔新煙雲幾番過眼剩滄江一臥寄閒身散髮扁舟弄晚扶頭小閣留春 淞濱吟望共朝昏歌酒憶逡巡問山川滿目鳥心花淚多少愁痕殷勤昔狂漫理儘彌天哀感付清尊惆悵旗亭唱罷可堪急管重陳

水調歌頭 去歲重九掃葉樓盛集纔衛爲拈鑒字韻久而未就茲乃補作一詞晏叔原所謂殷勤理舊狂也

此葉可勿掃留待款重陽美人迢遞秋水露白更葭蒼百輩推排欲盡萬古消沈向此醉睡復何鄉籬菊亦憔悴弄影一絲黃 濟無楫飛無羽渡無梁一樓突兀眼底詩界尙金湯稍喜羣賢畢至非我佳人莫解九辨費篇章寄謝舊時雁寥廓已高翔

鷓鴣天

報載六月三日寶山邵慰祖於赴甯波舟中投海死留遺詩三聯中有云前程放眼如長夜往事回頭等逝波余誦而悲之爲足成此詞

誰向西風護敗荷愁紅怨綠夢中過前程放眼如長夜往事回頭等逝波 山欲睡水添渦不成沈醉已蹉跎剎那中有無窮世且撥寒灰付放歌

浣谿紗

題高奇峯張幼華何漆園合畫木棉藤蘿翠鳥爲黎工飲作

勢壓扶桑大海東江山生色氣葱蘢誰云此樹不英雄 待斬葛藤除衆蔽更栽萌蘖兆新功羽毛自惜意何窮

木蘭花慢

竹山體 夢中得首三句因足成之當是暮春傷逝之作也

漸驚春又去憑誰草瘞花銘悵鵲夢沈酣鳩聲恍巧蝶影伶俜縈情東欄雪色歎人生禁得幾清明飛絮迎風無定游絲落地偏輕 丁寧別緒短長亭忍說卜他生便九轉腸回千絲網結愁問歸程盈盈相望

寄語怕傷春傷別總難名萬一陽關唱後尊前重見雲英

附和作

木蘭花慢

陰雨連番清愁特甚用選公送春韻譜此不自知其聲之怨抑也

朱 衣居易

悵春隨客去幾同寫瘞琴銘縱繡被迷香雕闌選勝依樣伶俜多情雙鴛伴舞但寒烟無語送清明
寂寂燈前誓冷悠悠夢裏緣輕殷勤獨自掃林亭片石忽三生奈匝地榆錢黏天柳絮偏趁江城
盈盈遠山信阻便黃金鑄淚也難名已是涼州拍遍悽懷忍憶瓊英

虞美人

與劉禹生吳靄林同游莫愁湖戲作

湖光一片留人處彷彿青溪路渡江桃葉幾經秋誰識石城烟水本無愁玳梁雙燕來胥宇便擬營巢
住南朝北地漫評量可得幽棲同署鬱金堂

浣溪紗杏

沈醉東風二月時龍樓鳳闕靜罨更無人處燕差池弄影恰怏臨水態吹香愁拗出牆枝滿園春意

費禁持

點絳脣

重陽閣不出門遂失靈岩登高之約賦此見意

菊冷萸荒閉門嬾作登高賦便無風雨佳景憑誰語冷落琴臺遊屐還同聚山如故越來溪樹依樣愁

來路

鷓鴣天題六松圖

髯甲千山翳畫陰入懷空色共平沈蹤孤儘蓄凌雲氣意遠翻增化石心
欣蠟屐幾披襟待扶殘照下
平林定中銷得風雷起冷眼寒烟自古今

菩薩蠻

與秋涓心可由華山
循蓮花峯下至天池

寒山石徑驚巉削松陰夾道幽香發剗襪步蓮花天風一笑譁

秋涓畏徑險
至去履而步

如如參石窟坐斷青山色

休問去來今無言意轉深

寺有石佛

清平樂

壽陳使君六十

元龍風度湖海歸來暮斗轉槎回閒不渡相挈舊盟鷗鷺
期君百尺樓中稱觴豪氣如虹看盡天桃穠

李枝頭自有春風

虞美人

爲徐公肅題季新
所書自作芙蓉詩

千花百草輪顏色臨水渾珍惜拒霜心事與誰言惆悵芳菲裳佩尙當年
對籬金菊依然在未覺秋容

改鏡中雙影試沈吟可信天涯情比昔時深

洞仙歌

慰秋涓悼亡

毗邪丈室儘銷除客慧來往天花本游戲甚鬢絲禪榻輕颺茶烟忘不了十載怨紅顰翠
傷春驚刻骨

我亦愁人斷夢三生費清淚獨繭自纏綿解脫繁絲還倚仗蓮臺香偈好打疊前塵付雙脩漫長簾空房

更傷孤寄

八聲甘州

重陽日挈伴靈巖登高同人繪琴臺秋暢圖記其事越二旬余繼賦此時
秋深霜厲邊氛益惡眼底新愁視重陽時又增幾許宜其聲之掩抑矣

甚憑高抒恨費萸觴風前勸長星儘銷沈今古虛廊廢苑殘堞山城徧灑諸天法雨不洗血花腥空寫登
臨感盈紙秋聲 休問清涼故壘時並上韓悵銷金一例冶夢難醒怕琵琶孤塚山失舊時青泣新亭更
無人在剩南飛哀雁落前汀愁來路聽胥濤起雲黯天平

附和作

八聲甘州

丙子仲秋退公以重陽靈岩登高詞見示感時撫事信爲詞史亦依覺翁韻賦一解

朱 衣居易

指巉巖一角望依稀雲外墜殘星悵琴臺妝閣香銷響寂零落荒城依樣如花越殿苔蝕膩脂腥空
咽當時感蕭颯梧聲 休念鴟夷一舸怕淩波載酒醉眼難醒賸畫圖省識愁失數峯青撫黃花尊
前費淚共唳寒歸雁警遙汀憑高意向斜陽遠恨與秋平

浣谿紗

友人許惠鴛鴦忽隕厥雌余挈雄以歸越夕復殂觀物興懷有賦

碧海青天路總迷幽情誰分忍單棲輕塵一霎好同歸 戢翼自嫌文采露收心早悟世緣違九原泉路
盡交期

菩薩蠻

題昆明監泛圖

橫波打槳欺桃葉風裳水珮鴛鴦纈何處木蘭舟烟波訊莫愁 雲廊三十六倩影驚雙玉往事憶西冷
同心不是萍

卜算子示無畏

苦說幻非真至竟非耶是爲道孤山處士家香影還成贅 夢覺兩俱忘迷悟渾相倚還爾人情紙一張

烏有先生只

臨江仙

舊曆七夕招友人爲李重光作去世
一千年紀念因追和其臨江仙詞韻

天上人間多少恨，千秋雨絕雲飛。
汴京依樣水流西。白門疏柳，烟態又低垂。
彈指佳期經幾劫，玉樓殘夢都迷。
新愁渾似比紅兒。銀河清淺，烏鵲欲何依。

蘭陵王

用清真韻 湖帆出示金吉金紅梅畫軸內有朱古微王右遐諸
公題詞皆感時之作復多及景陽宮井事輒題此闋用遺新愁

錦箋直一片，冬心化碧金臺下。
羈羽未歸，忍話孤山舊時色。
行吟似去國，應識江潭楚客寒香裏。
哀詠郢中聲咽城南去，天尺題襟尙餘迹。
甚淚泫芳尊，歡散前席方諸爭避。
蟾蜍食驚委地紅萼斷腸，青塚楊花依樣，
瘞古驛祇愁滿亭北。添惻夢痕積，更玉筍雲埋瑤軫。
風寂燕支遠，盼山何極。悵隴首春早調翻，
羌笛畫圖重展，恍却火尙點滴。

減蘭

十一月十日感賦

年年此日刻意悲，秋愁澈骨那更東風吹。
盡繁花落鏡中，淚銷香在辛苦連環誰爲解。
墮地休辭悽絕，回風更舞時。

浣谿紗

見展堂和榆生詞
輒用其韻寄之

痼疾繁憂兩不支，餘霞空似夏雲奇。
由來騷怨雜然疑，匪石心情堅孰語。
呼天殘淚老猶詩，此情儻許故人知。

六醜

海角春濃寓園紅鵲怒發壓山成錦遙想曩日
南北花事游賞之盛殊難爲懷倚此以抒羈緒

儘牆花拂面歎倦旅華顏非昔欲題怨紅殘箋迷故拍粉淚還清略記年時事霧中烟裏幾看朱成碧斜陽冉冉無南北夢斷瑤釵歌翻錦瑟游絲尙縈簾隙祇山香舞罷愁換鄰笛歡韶暗擲分蓬飄巷陌苦叫枝頭月誰聽得頰雲又黯如墨使崇桃炫晝怎支春色零脂冷鏡痕空拭忍重話顧影傾城一笑那時妝額芳菲信偏斷來沙怕絳都縱有重尋路仙凡永隔

霓裳中序第一

題洗玉清女士舊京春色圖卷

燕臺黯故國太息春蕪成景物情怨不勝竟夕甚宵蠟漸灰風幡殊色神山咫尺問夢中誰與傳筆人間事輕塵轉轂俯仰萬緣寂虛擲玉樓金勒換幾許紅顰翠泣鵲聲愁滿廣陌舊燕新鶯一例如客亂雲迷直北怕畫裏穠華異昔禁吟望江南花落一醉已頭白

卜算子

宵誦東坡此詞意當時懷賢去國情緒萬端必有不勝其輾轉反側者賦此見意亦宋玉微其有爲我作鄭箋者乎

倦鳥暮孤飛風葉朝難定篆盡爐烟祇自縈屈曲心頭影一水總盈盈寄淚憑誰省悄倚寒枝忍別棲夢逐秋江冷

清平樂

濃雲似織燕語催將息百轉千回還自惜清淚孤絃遙夕閒雲猶戀虛潭白頭歸臥僧庵夢斷六朝烟

水一燈愁話江南

惜餘春慢

六禾丈以留春詞見示依韻奉和

遣恨傳觴凝顰看鏡刺眼春紅休洗彎腰敗柳弄影新蒲銷得板橋重記尋睇斜陽欲闌如練澄江照霞
成綺甚珠沈滄海清宵灰盡炬心殘淚 思往日錯繡樓臺輕陰時節醉倚銀屏多麗傾城一顧頑石三
生儻憶西來微意珍重回文寄時愁玩危芳更歌懽子問誰書花葉忼人無寐故園黃紫

附原作

惜餘春慢

留春詞約
遐菴同作

六 禾

亂電翻空驚雷掀地斷送春痕疑洗漂花逝水換影斜陽零落舊懽誰記蜂蝶無情過牆如此江山
恨羅愁綺念鈿車空約湔羣人遠杜鵑傳泪 曾幾日趁暖粧新衝寒苞坼又作漫天香麗危樓一
夜風雨催芳領略東皇深意迢遞韶華未塵憑借餘暉綠陰青子有鄰鷺能道留春心苦萬千紅紫
好事近答友

墜素與翻紅慘淡更何言說信有人間恨事是牙琴絃絕 傷心不復夢佳期海上剩明月愁見回文錦
字共斷腸千結

淡黃柳

題明吳而待
西樵紀遊圖

秋巒一抹喬木幽人宅寫入丹青好標格想象林泉高致歷歷南園幾裙屐而待爲南園
五子之一 感今昔鄉關
暮雲隔待游賞杏飛翻痛河山盡帶傷心色詞客重來抗風軒畔可有沙鷗能識

浣溪紗

春宵雜憶

寒澈梅邊夜向分舊時月色斷知聞定中銷得戒香熏 久判孤懷同化石終禁冶夢不爲雲恨深愁極

轉憐君

隔浦潮生起怨歌酒醒無奈客塵何三生禁得幾蹉跎
別緒蘋香迷楚客新愁柳色妬秦娥誤人終竟
是橫波

浣谿紗

舊曆四月十六日爲明末張二喬女士生日同人以名香花果祀之方壺並歌余所製百花塚曲爲壽先期由鄧曇殊繪象供養因爲題此嗚呼何世何年此物此志古愁今恨能不依
依喬倩有靈
當與同感

文采風流合二喬百年猶覺殢人嬌白花生日又今朝
蘭笑似聞絃解語蓮香禁得酒同澆兵塵惆悵
滿紅簫

卜算子

爲湖帆題其亡室潘靜淑綠遍池塘草遺墨

半偈世緣空永恨家山繞梅景淒涼祇白看短夢隨春老
調苦曲難終淚灑香盈抱莫問他生與此生
綠遍池塘草

虞美人

爲張君華題其華月移消夏圖

蓮華世界環空碧渾似鷗波宅調冰殺粉助清吟不信人間猶有俗塵侵
家山咫尺今何處離合驚風
雨劫灰平地幾樓臺愁見穠花偏傍戰場開

洞仙歌

余髫年在書齋汪憬吾丈來命對特賞琴韻書聲一聯今四十餘年丈但化澳門余竊棲香港遂成永隔賦此志悼

淩雲一笑鎮斯人遺世塵海仙蹤罷游戲儘平生微尙薄醉閒吟都付與一例鼠肝蟲臂
前塵驚電邁
琴韻書聲回首淒迷卅年事物換更星移如此江山問尋夢槐柯何地算得失文章寸心知剩千古身名

水雲高寄

浣谿紗紀某女
事

歷歷枝頭幾怨恩，天教南陌葬青春。去來休問去來因，換馬詩曾驚惡識，聞鵲淚更感離魂。可憐花影已無痕。

醉蓬萊

依樂章體用東坡韻和
六不鐵夫重九詠懷

甚山川信美，渾似當年華峯重九。欲挽流波，奈萬牛回首，冷落琴尊。逍遙襟帶剩枯株，同守險韻題糕閒。情賽菊，那能依舊。風景不殊，鄉關何處，寂寞寒香臨風三嗅。休向靈和問，那時新柳佳節，空過夕陽無語。鎮石碑街口，沈醉生涯，壺中日月且銷醇酎。

百字令

爲洗玉清題所藏鄺湛若瑪瑙小
冠上有明福洞主四字隸書款

黃冠無分歎倉皇，兵解空留殘蛻。剩此裏頭遺製，在想象狂歌椎結。綠綺聲沈，兵符篆燼，柱後偏無缺。遼東皂帽，算來還遜芳烈。因念再易滄桑，曼殊運去，往恨應消歇。却痛南交天柱折，珠海翻成鯨窟。擲傷心，請纓虛願，日夕循余髮。畸人往矣，蕭條異代，誰說。

漁家傲

和楊鐵夫韻與六
禾霞公芋園同作

悵緝荷衣塵欲浣，爐熏暗遣銷烟朶。冰雪強澆心上火，時又過殘陽滿地山香墮。六憶難忘行與坐，尋幽倦理山居課。午夢微溫花可可，紅萬顆，待回江海供餘唾。

臨江仙

題明林秋香畫芙蓉用沈石
田題秋香畫臨江仙詞韻

寥落秋江誰寫照
鷗鄉愁緒難名傾
城一顧已三生
傷離腸軸斷牽夢
眼波橫
今日丹青留倩影
知君心跡雙清
零脂碎粉轉關情
空林迷故燕幽谷
少啼鶯

鷓鴣天

題楊鐵夫九龍山中所築雙樹居

穿徑誅茅意已深
一庵閒臥日初沈
移根漫悔高原植
息影偏憎惡木陰
花證道月清心
幽居渾似傳雙林
夢中銷得風雷過
傾耳潮音更谷音

浣谿紗

秋感

廿五年來夢欲沈
麝塵蓮寸幾關心
柳絲藤蔓又而今
淨土泥翻培弱絮
愁波海轉惜冤禽
白頭禁得短長吟

采桑子

八月十日題自畫蘭

湘皋遺珮空蕭瑟
倩影疑仙知爲誰
妍滿紙秋痕尙眼前
枯香剩取殘荷伴
泣露啼烟此恨絲
冷月驚看

看韻五圓

菩薩蠻

卅年前與會剛父楊吟谷陳石遺羅漢公章曼仙胡漱唐趙堯生同集詩牌字爲詞衆劇賞上闕銅絃三句余久忘全章今冬偶憶前事因足成此闕雖所感不同而情塵如接真所謂

感慨繫之也同人僅堯生與余在矣

高堂酒醒聞如願
銅絃脈脈秋風怨
收淚把花枝玉櫛
朝去時
評香成宴寂容易
辜芳夕負盡卅年心

山深海更深

浣谿紗

題陳樹棠侯園書藏

二酉藏珍若可攀華嚴湧現指輕彈休誇百宋與千元
抱朴高風傳碌碌鑿楹遺訓重鄉媛芸香多處
卽名山

鵲踏枝 偶感示
永持

誰信人生難解決水自潏洄山自相重疊甚日根塵同斷絕花光鏡影交澄澈
眼底浮雲心上月縹青
樓臺箏笛供淒咽擺脫人間涼與熱千山萬水無拋撇

浣谿紗 新年寓感

誰把新詞寫受辛匆匆六十一年人休誇頃刻與逡巡
眼底暗傷無量劫尊前且護不資身青山青史

兩因循 辛稼軒析辛字爲六
十一其詞中會及之

百字令 題楊鐵夫畫象鐵夫近結茅大嶼
山專脩淨業正刊所作雙樹居詞

頎然一叟算卅年吟弄幾番風月減字偷聲餘事耳未礙蒲團生活過眼空花打頭急浪此境何曾奪裝
成七寶更無遺憾毫髮却念孤嶼棲遲維摩丈室彷彿那延窟兜率海山憑位置終見雲飛大谿七尺
昂藏千秋悵望所向無空闊妍皮癡骨任他摸象人說

高陽臺 娟鏡樓

茗玉鐫名芝泥押篆傳神暗想幽馨逝水寒光依稀猶寫傾城添妝盼斷嬋媛影觸菱枝綺夢都醒等傷
心黛枕霜封釵合塵生風花歷劫知誰主矧舊時明月依例虧盈百尺樓高從他翠委香零開簌待證
相思史奈半泓秋水無聲剩清朝倚檻頻看短鬢偷驚

浣谿紗爲陳公哲題夏蘭子花圖卷

冷豔疑逢萼綠華，瑤臺稱住列仙家。佳名合號海瓊花。

夏蘭子與瓊花實爲同科之物，吾國對外來草木多賦以海名，如海棠、海石榴之類，余以此應號

爲海瓊花也

顧影有時矜疊綵，尋源甚地覓仙槎。披圖珍重玉無瑕。

點絳脣

高齋杜鵑甲香海今春盛發不減曩時幽居末由臨賞且知主人因有所避已都攀折聞之泫然賦此志慨

錦樣芳菲不同吟賞，從拋擲似曾相識。何計相憐惜。月榭風亭今日渾如客。今非昔舊，巢空覓歸去，如

何得

強說春歸，漫天花事何人管。嬌雲滿眼，轉覺東風嬾。剗却珍叢，免惹游蜂釅。腸真斷，千般繾綣，博得芳

筵散

風雨高樓，百年離別須臾事。珠沉玉碎，一晌真如醉。不道淒清，香淚猶凝臂。盟空締，回文錦字，剩得供

憔悴

絕代嬋娟，瑤台自惜千金價。風姿林下，顧影真如畫。幾度飄蓬，茵溷都堪怕。拚衰謝，寸蓮塵爵，任逐鷗

紅化

滿庭芳感事和友人韻

午枕孤呻，宵絃危語，冷吟翻似忘歸。巢林瘁燕，殘夢畫樓西。休訊玄都桃李，便天涯芳草都非。情移際，餘音嗚咽，海上幾鍾期。琉璃驚易脆，丹沈九轉，網失千絲。問中央四角，誰理彈棋。拋剩河梁別淚，空目斷隴首雲飛。傷心客，江潭日暮，凋盡芰荷衣。

臨江仙

用李後主韻 民國廿六年七夕余在滬約諸友爲南唐李後主逝世千年紀念時兵氛方烈風聲鶴唳舉座黯然旋約各賦詞紀事依後主虞美人臨江仙二調體韻看之成卷茲檢

出重讀如見諸故人而大庵已于月前仙去所繪殘杏猶紛披滿眼時艱方棘感痛滋深因再和此闕其爲淒悵殆不止山陽聞笛之悲已也

已分春心灰寸寸更堪一片花飛誰云流水尙能西人間天上愁夢畫簾垂 蠟淚蠶絲通幾劫回頭烟月都迷殘妝猶戀鬪蛾兒無情空恨隄柳總依依

臨江仙

追和前詞復念大庵臨去光景不知若何再用前韻賦此互策

火宅連番游戲罷可堪往跡灰飛此身驚到日平西白頭吟望愁病苦低垂 劫外蓮華根自性不應來路都迷好從慈母戀孤兒彌海四天舍此欲何依

浣谿紗

題胡伯孝湖濱偕隱圖

如此江山再見難淡妝濃抹有無閒不堪把筆志臨安 賃廬永憐同寄迹哦松從古不宜官夢痕猶帶

兩峯寒

眼兒媚

送饒伯子歸里饒海陽人

笛聲吹斷念家山去住兩都難舉頭天外愁烟慘霧那是長安 僊都路阻同心遠誰與解連環鄉關何處巢林瘁鳥忍說知還

附和作

眼兒媚

阻兵滯雨欲歸無舟楫徒有懷土之情依贈別韻

饒宗頤伯子

驚濤拍岸霧沈山歸棹渡良難登樓四望瀟陵回首不見長安 路遙却羨楊朱泣悲結大刀環更

堪殘月時傳哀角只勸人還

眼兒媚

丁柏岩又行賦此送之益難爲懷矣

離亭風笛亂兵笳歸思晚雲遮戲海羣鴻巢阿孤鳳一樣無家
宣南舊夢禁追憶塵世幾搏沙雨砌危

芳江潭枯樹休問年華

永遇樂

因送柏岩行憶京口昔遊忽生懷古之念追和稼軒此調並次其韻

第一江山夢中猶記好登臨處如夢興亡瓊樓玉宇甚地堪歸去
濤翻浪捲風流雲散欲住何曾能住歎
當時長江飛渡南朝空怨擒虎
隆中高臥紆籌分鼎可惜輕酬三顧大地平沈乾坤旋轉應有匡時路
將略非長爭如袖手寂守禪關鐘鼓何須問高吟抱郭究爲龍否

浣谿紗

題陳斯馨女士綴香簪圖

秀茁天南玉一叢三生香色本來空榮枯原不賴東風
寫影湘波餘斷夢傳芳洛浦感高蹤秋心如畫
出蒿蓬

浪淘沙

廣州中秋小樓居不能見月

往事怕回頭舊管新收斜陽如水祇西流海涸天翻閒過了愁煞沙漚
塵世感遲留玉宇瓊樓千門萬
戶野煙稠病榻昏燈愁坐對也算中秋

浪淘沙

翌日用韻再賦

淅米向矛頭此局誰收一壺依約繫中流待挽狂瀾驚望若身世虛漚
叢桂爲誰留風雨高樓清宵還

喜碧雲稠燈火幾家人
雜遝知是中秋

浪淘沙

中秋再詠

越秀舊山頭
佳景誰收
沈沈珠海祇東流
六十年來多少事
都付浮漚
行跡苦淹留
悶倚層樓
清輝頻阻綠陰稠
大地山河渾不見
如此中秋

浣谿紗

爲徐一帆題霜厓歸魂圖爲追悼吳瞿庵作

淒瑟雲車黯大姚
瞿庵歿於滇之大姚吳縣地亦
騷魂萬里若爲招
可堪吳雨正瀟瀟
恨血秋墳添鬼唱
新聲樂府斷仙韶
劇憐人事儘蕭條

誰道人間不可哀
夕陽愁滿舊池臺
遼天何事鶴歸來
斫地歌聲餘抑塞
淩霜詩抱足低回
懷中儻有未然灰

風入松

答客問

棲遲社櫟澗松閒
天任養衰頑
一邱一壑餘殘夢
空回首萬里江山透
網魚甯得所
巢林鳥怎飛還
庭柯何事足怡顏
三徑莽榛菅
樓臺片段渾無地
更休言玉宇高寒
幾葉雲煙畫本一龕香火蒲團

浣谿紗

題張大千自畫象作鍾馗裝束

疇向三千覓大千
掀髯一笑故依然
不知皮骨爲誰妍
衣錦儻爭山薜製
簪花應繼海棠顛
塵中遊戲自年年

鷓鴣天

壽勞敬脩八十

風雨婆娑八十人海濱元自不垂綸掃除入世胸中棘長養淩寒劫後筠 看羽換薦花新壺天依約有
通津坊開履道窩安樂懶向桃源問幾秦

掃花遊

民國十五年余卜居聖湖之濱每來往孤山見道側孫花翁墓埋沒蓬顆間心焉傷之擬爲修葺未果也旋聞湖濱築路墓將被毀方商之周湘舲謀遷葬得易大岸自杭急札云墓

已毀湘舲立遣人往杭道地則僅得束棺之鐵及石碣石案于前實則遺骸已莫知所在矣方事之殷翰怡築塚於道左高阜表曰宋詞人孫花翁墓樹石案于前實則遺骸已莫知所在矣方事之殷大岸爲圖紀之且題詞甚悲久存余所越上餘載余避兵香港大岸病逝於滬所遇之阮甚於花翁及卅一年冬余歸乃借諸友爲營葬於滬之聯義山莊其遺命欲葬西湖終莫之遂可哀也已余檢書笥得大岸圖卷於叢殘中念文人無一重公案噫月泉汐社不必尙在人間玉田碧山亦之卷尾霜花已謝雁影空留留此墨痕徒多一重公案噫月泉汐社不必尙在人間玉田碧山亦復誰爲吟侶後不如今今非昔固不止懷賢傷逝之痛而已後有作者請視斯文

詞心百結付一往沈冥罷歌萋楚怨痕夢縷儘秋墳夜唱鶴衣愁舞坏土飄零莫話西陵風雨逐流去問
塵世那尋堪葬花處 穿塚空自許甚沒分同歸段橋西路菊泉薦俎好蕭條異代共盟幽素滿目江山
誰省騷人意苦漫回佇折冰絃恨深重鼓

浣谿紗舊夢

舊夢依稀幻水雲枯香愁對白頭人萬山深處儻逢君 九畹最宜騷客佩雙煙都爲女兒熏卅年陳事

與誰論

浣谿紗

重陽囊園召客徵詩余無以應因耐不往却成二詞

鎮日秋風祇自忙吟蛩哀雁費平章新來萸菊也都荒 久分殘年無笑口更堪佳景觸愁腸人生銷得

幾重陽

老嬾新詩一字無，寧緣敗興爲催租。秋風病骨幾曾蘇，多難登臨將甚地。閉門歌哭祇如愚，不須菊酒慰潛夫。

浣谿紗

重九又一首

何止詩中一世豪，沈冥翻自怯題糕。胸中秋色漫相高，已分百罹傷斷梗。忍看衆醉更鋪糟，不須痛飲已離騷。

浣谿紗

題竹陰仕女

倦倚瓊簫欲罷難，緘情無奈碧琅玕。秦樓依約霧中看，不分閒庭忘夜永。本來空谷耐天寒，回腸多似舊紅闌。

浣谿紗

殘照西風漾夢痕，高樓銷得幾吟魂。更無人處自黃昏，曉鏡光分猶似月。夕爐香泖漸成雲，人生無事感離羣。

譜盡羣芳懨怨思，千花百草總支離。更無消息祇然疑，不分遙山遮遠目。卻憐暮雨失歸期，勞生無那日斜時。

采桑子

題羅癭公爲浣華玉霜戲書小冊

悠悠三十年前事，四印齋頭。風韻清柔，辛苦寒香影不留。小園幻住誰爲主，零落山邱。一樣虛瀉羨爾，淩雲得自由。
癭公葬余幻住園中忽忽十餘年矣

紅蘭泣露空蕭瑟一樣珍叢玉樹臨風羨爾經霜特地紅
江南劇懊儂 偶然幾句聞鐘偈棖觸衰翁影事重重燕北

采桑子 題張大千畫
東籬醉菊

窮居絕景三徑西風閒顧影尙有柴桑籬菊依然傲衆芳
人間有獨醒 攢眉蓮社八表同昏傷和寡一往沉冥誰信

菩薩蠻 題溥心畬畫
松壑攜琴

煙霞似與幽人約寒巖宴坐增淒索泉響韻松風無弦曲未終
空山祇自深 攜琴寧嘯侶冥想堪千古萬景晝疑陰

菩薩蠻 題畫
仕女

花陰人意慵于蝶閒庭夢影幽香結萬景入支頤沈吟欲語時
含情謝晚風 低鬟還隱几絮亂憑誰理消息落花中

減蘭 題黃蔭普秋
鐙課子圖

槎枒圖色併出一燈秋寂寂有味兒時展卷辛勤阿母知
春暉寸草心 白頭淚盡井水昔盟留取認珍重香蟬莫負

百字令 爲蔣東孚題其香草居
圖蔣工藝蘭無錫人

蕭然物外算托根有地不殊空谷紉佩含香凝楚怨儻比柴桑松菊益徑欣開德鄰在望成就幽棲局閒

居可賦不須詹尹重卜

却念長水詞宗

嘉興李符有香草居詞

吳門琴客

長洲文震亨所居名香草垞

遺構同題目更有高齋

傳十硯

黃莘田有香草齋又名十硯齋即自粵攜十硯與金樓以歸者也

想伊人如玉佳話千秋清標一例永峙龍山麓輞川圖畫裴

王高詠堪續

浣谿紗

題藥兒畫淡紅菊

臉薄微縈一縷霞酡顏宜稱穀屏遮筆端開出傲霜花

酒罷暗憐塵換世燈殘翻怯夢無涯餐英情緒

儻宜家

浣谿紗

題自畫斑竹

誰向湘皋滌舊痕年年風雨閱朝昏幾多騷怨共荃蓀

鈿失文簫情宛續篋捐團扇夢猶溫澈泉聲淚

兩銷魂

望江南

臥牀半載又遇中秋月色清澄未由游賞因念平生屢辜佳節遂追憶中秋往事之可念者爲詞數首以紀夢痕他日或有佳篇增成故實此則打油擊壤而已

中秋好寶漢憶茶寮對月高吟聲裂石傷時殘淚語如潮難忘此清宵

光緒己亥中秋與沈蕢原鄭雪朋及道生先兄夜集廣州郊外寶漢

茶寮劇談達旦今三君皆去世茶寮亦非舊矣

中秋好山寺憶濂泉絕頂煙嵐清到骨下方樓閣望疑仙今夕是何年

光緒辛丑與桂東原沈蕢原宿白雲山濂泉寺玩月至夜午皆不忍

睡將曙下山回望寺中儼似仙山樓閣圖也

中秋好湖泛憶昆明水底魚游吞月色草間蛩語答秋聲御賞可曾經

民國七年與關伯衡劉鐵誠游頤和園夜泛昆明湖水中沙磧皆返

照生光魚游如行鏡中景色殆不能摹寫度清西太后居此有年未賞玩及此也

中秋好罨畫舊溪頭百里清光縈把盞四圍山色裏行舟佳景若爲酬

民國廿年沈昆三約游宜興中秋維舟西沅山光水色明澈如鏡清

麗殆不可名余曾有詩紀之冒鶴亭丈論海山江山谿山各勝概以陽羨爲谿山之美余甚是其說

中秋好最好虎邱山茗椀淡宜寒月共簾聲柔似暮雲閒往事鉤淒潛

民國廿五年寓蘇州中秋余偕允文夜走虎邱由山塘至千人石寂

無一人叩茶肆門呼茗坐劍池上俄笛聲起山半問爲雛僧所奏盤桓久之始歸

中秋好印月賞三潭叢薄暗疑煙墨畫微波澄似水銀涵誰與共幽探

民國十八年居杭州忘湖山莊中秋乘小舟至三潭印月環歷一周

樹影波光真成圖畫恨吾無妙筆寫之

中秋好永夕石湖旁串月每疑天作戲依山仍以水爲鄉何日買滄浪

民國二十三年中秋作石湖串月之游清晨始返地居太湖一曲范

致館所居遺址尙可考

中秋好幾度憶吳淞江海雙光澄晚鏡林邱一曲度晨鐘相約繼游蹤

民國十九年與諸友於吳淞玩月其地江海交會金波萬疊如入瓊樓

中秋好難忘在高齋小閣天風環珮響橫江煙雨畫圖開何減住蓬萊

民國二十一年居高氏廣州天風樓珠江烟景一覽無涯今殆鞠爲

茂草矣

中秋好香港景翻新簫鼓中流凌萬頃簪裙豪氣壓千人碧海正無塵

民國二十七年在香港度中秋高寶森招至汲水門外賞月華燈畫

舫容與碧波間勝概豪情一時稱盛今憶及似記武林遺事也

中秋好孤賞翠微旁小築幽樓原幻住安心是處更無鄉惆悵不能狂

北平西山祕魔崖下幻住園淨持葬地也花木繁翳景殊幽寂余中

秋數宿此

中秋好蟄伏小樓中複壁蝸居難見月危巢燕幕屢驚風愁對一燈紅

民國三十一年由香港至滬經廣州避與某相見匿一小樓值中秋

僅於牆隙見月微聞有爆竹
聲市況蕭條爲向所未有

中秋好舉國正狂歡喜見銀河方淨洗誰云玉宇尙高寒另眼一相看今年中秋風景不殊但心殊異病中惟默祝昇平而已

減字木蘭花題陳萃階百尺樓詞

笙竽萬籟嶺海詞流推幾輩風月平章此事輸君擅勝場微吟擁鼻尙想當年湖海氣隣笛淒清愁聽

陽關煞尾聲

水龍吟時序相催悲愉無定我聞如是言愁欲愁卅四年十月作

幾番風雨雞鳴到頭祇是天難曉曙星無燄繁霜匝地驚濤縈繞今古消沈春燈夢冷晨鐘聲悄甚西園
臨賞彩幡高矗翻送盡花多少休說芳期俊約滯車輪滿街流潦釵分悵憶珠還費淚麝塵愁搗宵徑

藤深沾泥絮亂餘春易老問蓬壺咫尺家山何日把寒煙掃

浣谿紗爲馮文鳳女士題諸名家梅花長卷

誰與梅花譜喜神橫斜寫出夢中身水邊林下亦前因未分寒香增月色祇餘傲骨表霜晨一枝珍重

嶺南春

水龍吟閉門病隱景物非春燈影機聲縈懷象外因成此什以寫我憂

望中勝事園林何緣屢遣芳期誤東風乍過西風又緊長旛空護匝地鵑啼遙天鶴返與誰同語甚隨流
一葉淩波雙槳渾盼斷家山路休仗銜書青鳥羈瑤池滿城飛絮翻階紅藥祇今贏得看花如霧紫玉
烟沈鮫珠淚竭彩雲難駐好三生夢覺返魂香熱覓歸真處

清平樂 遐憶

璇宮夢遠獨夜餘腸斷望極鸢輪千萬轉愧遜淮南鷄犬
劇憐殘照疏林東風碾盡琴心誰分來鴻去
燕都成填海冤禽

鷓鴣天

民國二十四五年余屢游滄浪亭極賞結草菴巨栝曾有詩詠之書院紅梅一株色奪硃砂亦罕見物兵後蔣吟秋來告二物均無恙余乃約蔣合繪蒼栝紅梅圖留蘇州圖書館中以存故事並題此詞

步履隨風欲放顛滄浪一曲共延緣梅新浥露宜臨水栝老禁霜莫問年
憑畫筆寫情笏鬢絲禪榻費
茶烟重來怕祇南園樹能說當時已惘然

論文

太平洋會議鐵路問題意見書 民國十年

此次華盛頓會議關於中國問題莫不注重門戶之開放而門戶開放尤以鐵路問題爲最關重要顧鐵路問題年來聚訟之點因有共同管理統一鐵路共同投資諸說之變化遞嬗而國人研究之理想亦隨以不同前者四國新銀行團成立公佈往來函件及互訂合同然後吾國漸曉然於銀團之真相本會前此迭次開會研究此案復參酌現今之情形僉以我國宜有固定宗旨及確切辦法以免外人之操縱茲分別說明於次

一 宗旨

甲 贊成國際投資

我國建築鐵路能不募外債固屬上策但默察國內經濟現狀似不能不利用外資以便交通就利用外資言之與其借一國資金使其勢力範圍過於增長何若准各國投資使其勢力範圍得以破除且共同投資並非現在之新法實有已往之先例如津浦一路北段爲德國資本南段爲英國資本川粵漢一路係英德法美四國共同投資今昔情形雖不甚相同而其性質則頗相類似其不足爲法者則以條件之未善組織之不良非共同投資之過也今日主張共同投資所應注意之點有二卽（一）以不失管理主權爲前提（二）不可使單獨的勢力範圍變爲統合的勢力範圍何謂不失管理主權卽路線由我自擇運費由我自定材料由我自購管理權由我施行用人由我支配款項由我存儲文字由我訂定是也何謂不使單獨的勢力範圍變爲統合的勢力範圍某國投資某路卽欲管理某路此係一國之單獨的勢力範圍各國投資各路卽欲共管各路此係各國統合的勢力範圍單獨的勢力固不可使之增長統合的勢力尤不可不爲預防設令其得團合一種不可破之勢力則移權一國者尙有收回之望而此則萬劫不復矣凡此皆共同投資之重要前提必須充分考慮而後始能贊成之也

乙 反對共同管理

共同管理之說發動於無責任之外人而國人之憤激時事迷信外人萬能者亦恆鼓吹之其見之前數年外國文報紙者不少茲爲參考起見略述於次一曰萬國鐵路團其職員由英法日美中五國政府各派代表一人辦理中國鐵路一曰國際合資鐵路公司銀行團各派代表一人駐華爲各國鐵路銀公司董事承辦鐵路借款一曰中國交通部設立一中央鐵路司由中英美法日各派委員總持其事各處長

不分國籍一曰仿照鹽務署辦法以中國人爲總管理以歐美人爲輔此外尙有數說類皆大同小異其主張雖各不同而目的不外共同投資亦即共同管理在外人之意以爲非此不足以保障其權利而謀鐵路之發展在我則宜分別研究共同投資祇要條件平允無損主權自可酌量承認若共同管理則於國家人民死生存亡有密接之關係不能不極端反對之也

丙 主張自行統一

鐵路統一原有自動他動之不同外人主張共同管理此係他動之說我國力謀自行統一此係自動之法此種統一問題當然由我國自動已往之統一政策交通部實行者甚多如統一鐵路會計統一鐵路技術統一鐵路法規辦理聯運編製統計等或已完全施行或已訂定草案此皆我政府應辦之事與銀行團完全無涉若夫未來之統一事項我國當然繼續自行訂定以期投資之安全而謀鐵路之進步另有辦法詳後茲姑不贅

二 辦法

甲 共同投資辦法

- 一 各國共同投資以不違背我國鐵路自行統一之辦法爲原則
- 二 各國共同投資不能含有國際共管之意味
- 三 我國銀行團亦可加入各國銀行團共同投資受同等之待遇但另有單獨投資權不能爲各國銀行團所束縛

四 除共同投資之銀行團外如某銀行團條件較優我國當然另行商借不受何等拘束至新銀團某項借款條件他國銀行團如願依樣辦理當然准其加入合爲一團

五 無論共同投資或單獨投資與吾國政府訂立合同均以我國自訂統一辦法爲標準不能絲毫妨害管理主權自訂統一辦法詳後

六 凡現在國有營業各路及興工各路確有建築成績者不在共同投資範圍之內此節曾由美政府聲明經英日法三國政府承認

七 凡已訂合同而未售債券各路或未訂合同而借款優先權已許與某國籍者應由我按我國情勢自行提出路線之分合存廢開辦之先後緩急與新銀團協議決定之原合同除因事實變更經我同意得商酌修改外其餘不能修改其協議決定應行修築之路綫如我國不自行修築可歸入共同投資範圍之內但須規定實行年限逾限得由中國政府另定辦法

依前項廢併之路綫其已墊過款項應由新銀行團以合宜條件借資償還

八 境內外人經營之路得由中國斟酌情形贖回自辦或准新銀行團共同投資惟條件須彼此協定
九 此外應行修築各路綫應由我分別緩急自行籌款興辦新銀團不能要求投資某路綫如我國認爲必須募借外資時可向新銀行團隨時接洽商訂條件總以公正平允不失管理主權爲要旨

乙 自行統一辦法

除已經統一各事已爲交通部實行外茲爲規定共同投資辦法起見當繼續自行統一者逐條擬訂

如左

一 關於選擇路線制定運價計畫工程處理會訂審訂法規任免職員軍事運輸以及機務行車管理暨其他一切有關行政上各項事務中國完全有自主之權

二 關於購買材料稽核款項監理工程并任用洋員各項均應根據國有各路現行有效合同內最有利於中國各條訂定之至抵押品利息折扣佣銀可按金融情形隨時協定

三 鐵路會計須完全獨立除預算決算自應彙送審計院稽核外凡與銀團有關係各路之帳目可由該團派員幫同審核按期公佈以昭大信

四 鐵路借款及每年餘利絕對禁止挪用中國政府允銀團隨時稽核得否認此種款項之挪用

五 我國可組織一銀行經理工務及營業時期之收支款項或由我改組代理國庫之銀行經理其事其重要職員可酌用外國人

六 工程機械運輸材料等可酌聘外國人繼續商權統一之法

七 購料包工先儘中國方面辦理或照各統一規定之標準公開投標并自設鋼鐵車輛等廠

八 如須組織稽核處以稽核共同投資各路之帳目除由中政府選派員司督率辦理外可以就投資各國選用洋員以爲之副

九 爲統籌路線起見所發生之鐵路工程司會議可參用外國人但其提出計畫書須經我政府之核定方得實行

十 鐵路管理行政高級人員須完全用中國有學識經驗之人中級華洋員應一律考試任用惟華洋人數及權限宜詳細規定

十一 下級員司夫役應全用中國人惟須設各種講習所施以相當教育

十二 路警全由中國自行編練管轄

十三 外國文須擇定一國文字以便劃一

十四 因協議路線存廢問題之必要中國政府得選派專門人員前往履行測勘其費用應歸入將來決定之路工項下撥還

十五 中國對於共同投資各銀團祇認爲一個團體關於施工購料及用人上不得有國籍之界限

三 結論

以上各辦法可視爲鐵路政策之大綱亦卽鐵路借款之標準如新銀團條件與此標準相違背則路可不築債可不借誠以彼有蹊田奪牛之心我不能不爲因噎廢食之計萬一舊債亟須償還新路亟須建築尙可設法募集內債或將已成之路及新修之路酌量分配商民辦理以吸收內地之資金而免外人之束縛也

抑更有進者吾國果有拒絕共管之決心同時卽當有整理路政之辦法此二事固相爲表裏可合而不可分者也故鐵路整理之方亦卽爲拒絕共管之手段否則僅以空言抵制微特不能博各友邦之同情而此項問題遲早亦將再現非根本長久之策也整理之法有求之於人者有求之於我者求之人者其

勢逆其事難惟有盡力之所能趨赴事機期有萬一之獲求之我者不難於知而難於行不難於銳進而難於有恆故非堅定志慮上下一心以圖自振拔不可舉其大者則有八端

一 確定特別會計制度 鐵路之宜於特別會計凡學者所皆知而在中國爲尤甚顧論者徒以意見之爭往往以對人的關係而因以攻擊及於此良好之制度此大蔽也夫特別會計本未嘗不與一般會計相通惟鐵路虧多盈少千瘡百孔如今日之現象又復隨意提撥使不能盡量經營則不啻予以摧殘而使之不能發達矣近來每年鐵路款項爲一般會計中所懸欠所挪用者多且千萬少亦不下數百萬假令盡供路用何至有現象之窘故鐵路之確立特別會計制度實爲今日最善之方儻當時能力任維持使之必行庶鐵路自身得以逐漸發展兼可爲國內外投資者信用之保障此有百利而無一害者也

一 嚴定鐵路預決算 交通部每年度雖有預算決算之編製然一以編製不良未嘗寓系統的策畫一以國會中止不能爲有力之監督故編製之始往往後於施行之期而實用時又往往變更出範圍之外竊謂嗣後每年度鐵路預算決算不可不由部按照方針按期編製除送國會或審計院稽核外一一以法定手續頒布嚴重監督其施行非預算上所有之項目不得妄有追加然後鐵路財政可以漸趨軌道

一 整理鐵路舊債 歷年鐵路內外借款不下五六萬萬每年應付內外債之本息最近數年每年約須三四千萬元此後還本愈多則負擔愈重非確有通盤之計畫將何以度此難關故政府於按年償還各路本息必當有妥善辦法或採用減債基金法以爲償款之準備或借內債以償還外債或借輕債以

償還重債或收回積欠清理資產以作還債之補助或將未成之路分別歸併以減少債額或將擬築支綫准商人承辦或將已成之路以一部招入商股騰出資本以爲擴充之用凡此雖非各路所能一一必行而政府之方針既定但能因地制宜即困難可迎刃而解

一 公開借款條件 從前借款條件資本家以不信任吾國之故遂由稽核權而侵入建築權管理權中間以吾國管理不良故近來借款條件將益趨於苛酷顧前此合同大都授權於經理之公司銀行或其代表之總工程司此經理或代表權利之規定徒足以損害吾國之主權而在於出資購買債票者則毫無利益可言公司銀行對於工程管理一切本非所長而必事事司干預之柄此事之不可解亦有識之所不平者也其患在乎當事者經驗既少又守祕密前車既誤則援例紛來或其契約由違反國民之公意而成則其失策更不可問故此後借款辦法宜先行徵集各方面意見就事實上所能行者定爲議決案使投資者得就我範圍以爲從違即或條目少有出入而事前不事祕密事後完全公布亦絕不至招國民之攻擊

一 杜絕濫借路款 曩者當國者以財政困乏之故不惜假鐵路借款之名移作軍事或政治之用債權者一面祇求本息之有着折扣之優厚勢力範圍優先權之確定吾國鐵路之興築與否本非所急墊款之移用亦且明知而故爲不知適遭歐戰之起債票滯銷我同時訂借之款無法進行而年年應付之息則不可或緩日積月累成爲不生產之支出其何能繼此濫借路款之患也自今以後務宜堅決禁絕鐵路借款不得絲毫挪作他項用途尤不得任指本不必興築之線以爲目前藉取墊款之謀及爲外交

上酬應之用否則鐵路破產即在目前甚可懼也

一 預防勢力範圍之潛植及蔓延 打破勢力範圍之說其詞甚美然此爲雙方條約之事必非吾國所能獨行亦非第三者所能勸導假使國際間果不願此勢力範圍之存在則經彼此同意之後凡以前官私有關中國鐵路權利之案據除已成之路外不論係何文件及以何原因成立暨中國與某國所訂抑各國互訂又不論明許暗含單定附定概行聲明無效而代以此後所訂投資辦法之新章則國中因有成約而不能興築諸線其阻力立時消滅豈非甚善更進而要求他有路之收回或以其他方法改變其政治上之性質各國苟不願有國際之特殊勢力亦未必不可行惟此爲求之人的問題其得失殊無確準若求之在我則國中宣示一定之政策以後不允認各國路權之要求以造成特別之勢力一面向各國約明以後不得用獨訂互訂此類辦法俾防勢力之潛植及蔓延度亦爲各國之所許至於已有之勢力如何縮小則在重訂契約嚴定年限取銷其優先權或亦徐圖補救之一術歟

一 確定任用人員之規制 鐵路非吾國所固有故創辦之時高級人員不得不借才異地中下人員既未養成於先援引冗濫在所不免近來專門畢業者日衆而任用之途甚狹蓋需要與供給兩不相謀而用人之法未善故也爲廣張耳目預防徇情起見莫如確定任用人員之規制列舉某種職事非若何之出身資歷不得充任員司等級非有切實之成績不得升轉初進身者一律加以考試安定制度嚴禁援薦已供職者考核能力成績加以證明不如格者須令補習如此則人才得以自奮而辦路政者亦不苦于進之煩矣

一、整理鐵路運價 鐵路運價之當否於鐵路經濟均有重要之關係苟運價得其平運輸事業日以發達鐵路收入因之增加而國貨亦因之暢銷國民經濟亦因之發展此所以現今各國莫不注重鐵路運價政策以謀鐵路自身之利益及國民經濟之發展查中國各路訂定運價之始或因借款關係採彼國之通例或因建築難易定價格之高下此種規定由各路懸擬標準施諸實行草創之初原未計及地理之通塞客貨之多寡國民生活之狀況農工商業之情形是以各路普通運價等級既不免參差貴賤亦不甚平允今後宜仿各國先例設置整理運價機關徵集全國農會商會之意見參酌國民經濟之狀況社會政策之精神規定一有系統有政策之運價以爲標準儻遇有特別情形亦可隨時規定專價以爲招徠總以鼓舞商情暢銷國貨爲主如此則普通運價有統一之良規特別運價有操縱之善道似於鐵路經濟及國民經濟均有莫大之利益也

凡此八端皆可求之自我而爲我國鐵路方針改良革新之表示者至於國有已成之路車輛應如何添配倉庫應如何設置客貨應如何招徠惡稅應如何廢除運貨應如何負責運輸應如何改良運輸次數應如何擴充運輸能力應如何增加免票應如何取締官欠應如何限制皆於鐵路收入有莫大影響員額應如何規定客貨票之進款應如何稽查工程材料及一切不經濟之款項應如何考核皆於鐵路支出有莫大關係交通當局亟應籌所以整理之方而其最足以令人藉口者則爲軍人之損壞鐵路妨害營業此其責不僅在交通當局而在軍務官吏交通部應將鐵路與債權之關係及新銀團過去及將來之計畫通知各軍官曉諭軍人彼等稍具愛國心當必能痛改前非以保護鐵路爲職責此尤我政府所

應特別注意者也

以上所談不過就我國路政應行整理之大綱撮要言之此外應行興革之事未遑縷陳要之源清而流自潔綱舉而目自張舉凡鐵路問題我如有固定之宗旨確切之辦法整理之決心不惟國民無從指責即外人亦無法干預本會謬陳大計其宗旨在協助本國路政之進行保護本國鐵路之權利自應斟酌內外之情形以作平易之主張初不敢爲高遠難行之論蹈空言無補之譏想亦政府所能諒解而容納之者也

本文於民國十年春由全國鐵路協會發表

交通救國論 民國十一年十一月十一日

緒言 著者向罕著書尤惡空談今茲所述蓋幾經審顧而後下筆蓋交通之爲物其與國家前途關係之重要及吾國人對其觀念之不明確概如文中所述而十許年來迄無不避嫌忌深切痛快以言之者著者深慮今後影響於國家之前途者益鉅且重故忘其地位與歷史敢本平日經驗所得抒其管見以餉國人今請先有數端告於讀者

一 著者此文矢志不雜絲毫恩怨派別之見純本自由之意志而發願讀者亦以最超然之眼光讀之

二 今日世界無論何種事業已趨向於社會化以吾國今後情況各種事業尤非賴羣衆之宣導督促援助不可故此書於喚醒國民一層尤注意焉

三 所根據徵引之事實雖大體敢云無誤然因行篋闕書之故或不無些少出入閱者諒之

四 本文論列均係交通事業之治標策至於建設計畫著者另有鐵路交通建設計畫之作希讀者參閱而體會之幸甚

吾國之有交通事業垂二千年其有新式交通事業亦既垂五十年然真知交通事業之性質效用及其在國家或社會上關係之重大者殆屬寥寥非謂國人並此常識而無之也知之而不認爲危急存亡之一大問題合國民之力而奮起以圖之或前賢啓其端而後人不能竟其緒或徒委諸當局而不能爲內行（用俗語）之監督與援助則其結果與不知同李鴻章之設鐵路輪船電報也論者曾以其動機純爲利於軍用從而批評之矣然忽忽三十年至今日求有人因利於軍用之故而稍稍愛護已有之鐵路輪船電報殆不可得則李鴻章且爲神聖盛宣懷之管鐵路輪船電報不能謂有成績然今日求如盛之久於其位以經營締造亦無人能之故光緒十五六年至三十年之間猶如天上以此而論尙何有交通事業之可言交通云者固爲一國之國防經濟及諸般事業之血脈而增加其效力補助其缺陷者也近十年來各國交通漲進之率一日千里而吾國則並其三十年前所已知已行之老派的枝節的新式事業而不能守所謂無線電飛行機苟且爲一二之裝飾點綴其目的效用何在恐並主其事者亦未之知一國之需要於交通果僅如是而已乎國之於交通猶魚之於水也人民之需要當與衣食住並而爲四今吾國同胞是否已感其如此迫切吾未之知然因種種關係當然已至感其必要之程度然究竟用何方法方能達此希望吾恐非經一番之大變革大奮闘正未易言此吾之所以不能不望國民之先有一番澈底的覺悟與確實的研究也

吾所論交通包括各項道路軌道之行車江河海之航行各種郵電之通信水陸之飛行一并在內非祇吾國今日交通部主管之事項已也吾昔年曾主張修正交通部官制爲陸地交通水上交通空中交通通信之四司較現制實爲完整迄未果行附識於此

吾國今後交通事業在國政中所占地位果何等乎吾以爲吾國而欲生存發達必有賴於下列諸條件卽統一完成行政完整軍備整縮教育普及實業發達是也以上數者皆非有賴於交通便利不爲功且時因交通不便之故致上數者均無從措手此其例證不待煩言諸君知吾國統御力薄弱之故乎沿邊萬里曠若窮荒官民往來動須假道而環而伺者則鐵道已逼吾境上或且入吾界中經濟之力緣之而至市場之寬縮物力之舒蹙乃一懸其手至軍事之無幸更不待言而國內航線半屬他人遠洋航路乃竟無之經濟之競爭軍備之輔助直無其事而外人郵電乃縱橫國內此固凡獨立國家所決無之現象而吾國乃一一具備今日言貧困矣而貨物之懋遷荒地之墾闢亂源之止塞兵匪之消納何一不將惟交通是賴然則舉一切政策而較量其輕重區別其後先雖萬事皆從緩而專以擴充交通爲先務可也何也交通不便萬事皆無從下手故也且爲維持治安計凡交通便利之地賴一師之兵力而有餘者若交通不便之地雖二師而不足其他政府之政令社會之事業因延滯而生之損害更僕數之不能盡然則今日之貧正坐交通不便之故以致虛耗日鉅生產不增而人民之智識力量亦未能因團結而發展交互以融和致政象之劣亦爲夢想中所未有

且也勢力範圍之說日騰播於世界今也一變而力圖開放而共管之說復生以吾國之不振極易誘起世界之競爭而吾國之交通事業者又無在不與外交爲緣足爲誘起競爭之導線故吾國之交通事業

其本身先與世界之和平有莫大之關係蘇彝士運河伯格達鐵路皆前車之鑑也此中歷史及其因應補救之策雖累牘不能盡茲姑不以驛入但吾人所宜知者吾國之能否不爲巴爾幹其運命惟吾國能自決之故吾國自己能爭得一口氣乃爲世界造無窮之福否則所謂太平洋問題遠東問題形形色色皆將發生無數輻輳或雖流無量之血而尙不能解決反是者吾國而能確自樹立門戶棣通工商輻輳各國所享利益或反遠勝今茲世界之平和亦庶幾克以永保此詎非吾人應有之希望耶

吾自歐戰發生卽極力主張以吾國之資力補助世界之進取與復元而因以增進吾國之地位及改善吾國與各國之關係（以改正歷來不平等之條約爲目的）然迄未能有大效者原因雖多而吾國之交通機關不完致諸事不能運用如意亦實爲一大關鍵（如出兵赴歐一事商議運送之法歷兩月尙無結果而形勢早變矣美倉卒動員不三月間而出兵一百五十萬雖由種種夙儲而交通之完備亦實爲一大助力）厥後吾國以未實行參戰之故難獲協約國之同情故結果所得甚微而華盛頓會議之精神遂一注於門戶開放機會均等其性質殆全爲被動的國際地位既未增進而條約改正之點不過三五零星其故殆由不能信我有實行改革整理之能力也而交通事業之不振亦正爲其中之一又民元二年間吾徒力主創設貫通亞歐之鐵路新線由新疆通鄂木斯克或西接塔什干以聯固有之鐵路事未果行否則對俄對蒙問題今日不致如此棘手或且進而獲得解決俄蒙問題之資格亦未可知凡此皆事之較易見者也

又如國內統一一事當然與世界關係至大而統一之爲難強半由於交通之不便此亦中外所公認者

（此非謂交通便利易於用兵可用武力統一也交通既便利利害較易調劑畛域較易化除形勢較易聯貫此亦爲當然者讀者幸勿誤會）裁兵爲國民今日唯一之目的而化兵爲工已成最有力之時論其歸納亦以交通事業爲相近（化兵爲工其事極爲繁複決不能如論者之籠統簡單近頃蔣方震所著裁兵計畫書中已略言之然猶未盡吾意兵所能做之工除農墾外祇有挖河川修道路尙可勉行其他不易勝任如曾習某項工業者又當別論）謀國者曷速從事乎

吾國之需要交通既如上述矣而考之吾國交通之現象則復何如吾書至此吾心乃至痛夫以吾國之大其有須於交通事業至少二十倍於現在固也然民國以還吾徒苦心孤詣吞聲泣血犧牲身命財產以至名譽僅求保持清末已有之萌蘖者至今日乃淪陷於萬分失望絕望之域無復有爭此一口氣之餘地其事實與需要相反既如此之極而吾乃復以交通救國之論強聒於衆是直災民而謀食肉寧非大愚雖然吾有至誠懇之衷曲爲一國事業之榮悴國民所公受其影響者也交通事業無論官營私有吾民因休戚關係當然有容喙之權追溯交通事業衰敗之原因固由政客軍人之搗亂然所謂維持交通事業者（連鄙人在內）徒深溝高壘以支柱於政客軍人之際而不知將交通事業之需要及其困難之事實公開集注於一般人之腦以引其同情而爲之後盾而徒委曲遷就乞生命於虎豹之口其亦幸而至今日方圖窮匕首見耳否則何以自解於國人而爲之寬其責乎所謂維持交通事業者雖排萬難受諸苦且伺隙而謀一二之進步其成績比較爲屬殊異然世之人安能周知其蘊方且以爲一邱之貉且汝輩方立身於官僚政客軍人之列而欲奮其智力以與並列之官僚政客軍人鬪安有倖勝之理其

敗也人以爲私鬪而敗未嘗認爲維持交通事業而敗也目標之不存勝者遂悍然處分其戰利之品而前此區區之萌蘖掃地盡矣國民所以容許此種行動半由力薄然對於交通需要之觀念之未瑩澈亦有關係果其真知灼見國民維護交通事業應如捍其頭目則其注重及奮起之程度必有遠過今日者吾等既悔前此用力之無當擇術之多疏用敢以國民資格呼籲陳訴於我同胞之前希望得至大之援應此實本論之所由作而不覺有十數載千百人之冤曲併集於此筆下者也吾國民之對於交通事業果具何觀念乎吾常以國家爲何而需要交通事業問之於人其答語中肯者殆無二三蓋三十年前之新式交通事業雖止知爲利軍用然事由自動故大衆尙能確守此種觀念而不雜其他意味逮甲午前後交通事業大率因外交被動而發生於是國民觀念爲之模糊頑固之論目爲禍根輕剝之徒緣爲奸利朝野間殆幾視爲一種外交而不復知爲內政有清末造憂國之士熱心權利之收回京漢鐵路既購自此公司（此舉著者實始終其事知之獨詳容別爲紀載）各省自辦鐵路如雲而起蓋庶幾知交通爲立國之要者以經營不善成效未臻川路釁端遂以亡祚民國俶始疑障頓消期欲觀成舉歸國有蓋期年間而不動聲色收商路者凡九著者實身當其役其時紀綱尙振百廢漸興規畫經營具有厓略而僉諛之士習傾軋之故智以言利爲階梯獻計項城謀以交通爲左藏復多騰口說謂各國交通事業皆有餘利以補助國庫我國何獨無之若非中飽卽屬把持嗚呼自有此言而交通事業之基礎從茲毀矣蓋自是以後此等言語深入人心京外政府向交通部之挹注需索視爲固然而一般輿論亦未有執持正義爲之反對者吾徒抱殘守缺百方畫策期有以輕減其損害而孤掌難鳴衆咻莫解觀於歷年來各

報之論特別會計能不爲之慙然蓋數年來交通當局若不搜括該部之款以供京外軍人政客之需卽當然不能安於其位且將構成中飽把持之罪而爲之推波助瀾令該部不能藉特別會計之制稍保障其事業之艱危且將因羅掘以供非分之求竭澤而同歸於盡者則我言論界諸公實與有力也當民二三四歲之交交通收入補助政費之說始熾且動引各國爲喻不知政制歷史國各不同且交通贏利能以補助國庫者其在鐵路則惟德日二國爲然餘多虧絀而德日二國又在鐵路網業已密布之後且國庫猶年出鉅金以充新工資本吾國應造鐵路未成二十分之一國庫又不克支出資金所有營業餘利大修取給焉新工資本取給焉借款還本取給焉續增設備品取給焉而舊工資本之清還買收商路之支付以及養警儲才之費凡他國得由國庫支給者在吾國則統恃此少數之鐵路贏餘以爲周轉財部死活不管且囂囂然鳴於衆曰彼爲自有收入之衙門故並交部之行政費亦不之給嗚呼豈自有收入卽爲交部之罪耶一般論者恆謂交部藉口於特別會計故收入不交財部預算決算亦不經財部與審計院此其言每出於有責任者之口不知此全然與事實不符蓋交部之預算決算從未有異於他機關而不提出於財部與審計院此可考之該部院之檔案著者猶憶民國某年（似係二年）交部預算早送財部而財部彙編送院咨國會時乃遺其細冊輿論遂肆攻擊及交部質之財部衆乃無辭至收入不交財部此純與特別會計無關從來不論何國未有特別會計之出納不經國庫者吾國不經國庫之出納頗多如海關鹽務及各省財廳所轄一部分皆並非特別會計也故出納不經國庫本無須藉特別會計之名交部雖係特別會計而其出納不歸財部亦並非因其爲特別會計之故蓋特別會計係財政學上

之一種專用名詞其意義不但斯學典籍及各國成例規定甚明卽我國會計法中亦經規定與金庫顯爲兩事交部出納不歸財部乃金庫事實之問題非會計制度之問題蓋鐵路借款契約恆有收入須存外國銀行之規定而我國金庫制度迄未確定並非如外國之例凡預算額內之支出隨時可向金庫請領故不得不爲權宜之處置期保此一部分之信用且免公務有澀滯之虞並非因有特別會計之制然後如此各國特別會計其出納亦未有不歸國庫者今我國一般人因金庫不統一之事實而攻擊及於會計制度是直等於遷怒抑何不加思索之甚也且論者恆謂交部因有特別會計故出納自由不知交部特別會計之預決算與通常無異前文已言之矣其不在預算之支出乃爲財部及各方之挪移此實爲破壞特別會計制度之精神之至烈者蓋特別會計制度之要義係以此事業之收入供其支出而不作別用今若此則特別會計之根本精神已不存在在交部方苦財部及各方之破壞其特別會計致不能嚴守其規程而一般論者乃謂財部及各方之挪移係因特別會計之故是猶之盜賊破門而入而乃咎主人以設此門也讀者須知自「各國交通事業皆有餘利補助國庫」之語傳播以來各方均擬本此語以躬行其掠奪因造作種種言語以爲掩飾之計若曰彼之錢本應分與我也其不與我殆中飽耳或薄我耳乃從無人一考交通之財政狀況而行其公平之監督與協助者歷任當局其有利乎是者無論矣熱誠之士亦苦於此類環境之劫持日輾轉於漩渦中而無復能有所發展浸漬日久特別會計之名雖在而爲財政及各方挪用之款乃達二萬萬嗚呼交部亦幸而力持此特別會計之名其間有志者猶得藉以略拒各方之求若如頻年衆論所主張不加區限則流用之款恐且倍蓰而交通事業早淪於

九淵諸君恐欲自北京發一電信至上海而不可得矣諸君愛國者或未審其禍之烈至是也

或曰如近日各方截留路電款項之所爲雖有特別會計何益於事曰固也吾所云乃說明挪移之事實與特別會計無干不可誤行歸咎而爲自拆藩籬之計且以證明堅持此種制度者誠實有所見不宜輕加指摘至保此制度誠不足與暴力抗然餽羊芻狗終勝於無不可徇各方之意惡其害已而去其籍也吾國之交通營業（就官營一方面言）既爲上列諸情況所規於是主其事之賢者乃兢兢以贏利爲考成而一般人之腦筋亦遂演成一種之理解試詢以國家爲何而需要交通事業則將直對曰爲獲利也嗚呼自有此種心理而吾國之幼稚交通事業遂以夭折其健全滋長更無望矣夫交通事業之設施容或先擇有利者以從事而充實發達以後亦當然得收贏利然主要之目的決不在是也一國之交通衛國便民決不許單以營利爲目的且不論官營私設國家時賦以獨占或強占權卽爲限制其過分營利而不顧公益之地步（如美德之鐵道運價凡官公各團體得參預制定等是又各國受政府補助之航業例有命令航路是）又因國防或壟斷之關係明知有巨大之損失而政府直出資以經營之或強迫補助大公司以經營之此爲通例若如一般人所云是此類事業將永無舉辦之望然則所謂衛國便民者將安所冀乎吾國交通便利以後積極一方面增加國富充實國防消極一方面節省軍費減少游惰直接間接之利益何可勝計其贏利在此而不在彼也近世之論海陸軍且有以爲係間接生產者何況交通例如河南一省每年由京漢隴海道清三鐵路運出之煤糧食等平均殆值五千萬元（暇當就三路之統計再考之大概係此數）而輸入之糖鹽棉紗等年不過值二千餘萬元是河南之富力年可增

二千餘萬十年卽二萬餘萬設更增數鐵路線或河道通航更修馬路其所增富力至少一倍則年爲四千餘萬矣依此類推二十二行省何難年增十萬萬乎屆時腹地交通事業決無折閱之虞其邊遠者則恃國庫以支辦之國庫收入雖仍人民之擔負但其時人民之力必足以負此不足慮也例如京漢一路經歷年之整理初年歲入五百餘萬元（一九零五）迄一九二一年已達二千五百餘萬元卽云他路何嘗不如此故辦交通事業而主以營利爲目的者誤也辦吾國之交通事業而謂必虧損者亦誤也（以鐵路論吾國營業費之省殆居第一位可參閱交通部出版之歷年鐵路會計統計報告）財部及各方動恃交通機關爲籌餉局至於殺雞以求卵雞命且靡託復何生卵多寡之足問乎

我同胞而翻然有所覺悟也至急之道先分別交通之事項而求所以補救進行之策蓋交通事項依吾國現況有宜督促政府從事者有宜吾民自任其責者有宜官民通力合作者且需要太多亦難同時並舉而清理以前之轆轤確立後此之進程破除四周之障礙其事尤爲艱鉅吾上文所謂恐非經一番之大奮闢大變革正未易言者殆卽指此今請分析言之

第一 關於財政者

近年來交通破產之聲甚囂塵上主其事者殆無日不在束手之中但其致此之原因吾可誓言國民亦當分任其責蓋吾國苟有合法之機關法律國民得行使其正當監督之權則無論如何不致生此現象但此並非專屬交通一部分之關係且其事亦近於責難茲姑不論吾所耿耿者仍爲一般之言論於各方對交部之掠奪崇獎之惟恐不力致各方心理視爲當然之事而交部抵抗之力乃等於零遂不期而

成此巨穴吾此語並非爲歷任之交通當局寬其責任且尤有處心積慮囊括席捲以爲進奉之資者此其罪惡夫豈待言特國民苟知此爲官僚之罪惡衆猶得起而申討之若國民並不知其爲罪惡或且從而贊助焉則此種罪惡雖謂國民亦爲從犯可也以其程度不止放任與默許而已也近年以來論者恆以不肯供給軍費政費責交部且恆藉口於統一出納及宜均苦樂似以移用爲當然者吾同胞之舉動偏於情感而缺於理解大率如此矣故欲清理軫輻非有明晰公允之輿論爲之後援絕對無從下手然欲求輿論之明晰公允又非國民有相當之理解不可此吾所以不憚詞費也然則交通究竟將破產否乎此人人急欲知之問題也吾則敢直應之曰否雖然有條件焉有前提焉而吾則又敢直捷簡單斷之曰

(一) 依現下之辦法而不加改革則其結果必至破產而國家所受之影響則不止交通本身破產而已甚則國家萬事隨之破產

(二) 如國民確有決心毅力則統籌分割挹注釐剔並非無從下手尙不至必須破產之程度惟若非嚴切保障特別會計之獨立並以國民全力爲之後盾則亦徒託空言

此二斷案非貿然出之也今請以事實爲之證明(此事實限於官營各業緣商辦各業除航業尙可勉強支電話無幾不足論外鐵路則大都等於破產且相傳交通破產亦指官營者而言故卽就之推究)

(一) 鐵路

鐵路各線之出納總額(此指出納而言非指會計蓋綜合資本營業二者之財務狀況而言之也

分析過細事屬專門不便讀者故從簡易希注意）自始即收支不能適合（斷自設立專部即郵傳部爲始以便徵引觀此可知二十年來日以鐵路爲有餘資之夢嚮也）但前此收支不適合之故與目下收支不適合之故完全不同前此收支之不能適合原因有三（一）原籌之資本不足而建設設備各項不能中止勢須接濟（二）全線未通或全線初通營業收入不敷支出（三）建造新線未另撥資本恃營業收入爲挹注此數者其撥充資本固非不生產之支出其挹濟營業亦未出鐵路之範圍除挹濟營業一項外其餘特收支之不適合而已非虧耗也（收支不適合與虧耗不同有經濟財政常識者類知之毋待贅述）自時厥後有附屬營業資本之支出（如煤礦有贖路之支出（如贖京漢路）有商路收歸國有之支出有清還積欠之支出（此種積欠即因上列各支出而臨時借貸者也）範圍日廣支出日多凡在他國例由國庫另撥巨資者而在我國均恃各路之進款爲之應付各路進款雖與年俱增然事業之擴充無窮而進款之增加有限此其勢已恆處於不足之境若依嚴格而論則可責交通當局者惟曰國庫既未給的款汝何必辦事以自困而已然以吾國交通事業之需要似無以此責當局之理況資本與營業之協濟強半爲契約上義務的關係固不得不羅掘以完其責也故民一民二之間每年收支不適合之數恆達一二千萬元但分外之擔負其數極稀（如運兵費不能收取之類年數十萬元耳）自項城聽某某之言強迫接濟政費此端一啓支應益艱然迄於洪憲告終數年間所用之款未越四千萬元（民三民四上期較多而民四下期及民五較少外間恆謂交部接濟帝制費若干千萬蓋無其事有帳可查

也）元氣雖傷恢復猶易迨其後沿襲成例不復能有限制移充政費之款遂致逾萬萬元幾全歸交部擔負而此期間交部應有之支出如積欠內債之本息如各路之還本如新工之資本（京綏漢粵川）如設備之資本（車輛枝線房屋機械）如營業費之接濟（廣九道清漢粵川等）新增固有數亦不貲雖各路營業成績日益加增亦安能填此無底之壑及至民九赫赫有名之孚威上將乃不向部中要素而首剽逕行劫奪京漢路款之舉綱紀規例以至手續體面均無可言然後交通乃真淪於破產矣

（二）電政

此包電報電話無線電報而言吾國電報自收歸國有而後擴充線路減輕報費致獲利不如商辦之優（世恆以此爲當局咎不知官營事業不能專爲牟利計）而官軍電費又恆不能支取遂致收支不復適合幸各處電話獲利甚厚得資挹注乃又增加無線電臺之創設維持各費致不敷更鉅然此猶在交通範圍以內也自電信電話無線電各項正續借款爲財政部挪用以充政費數達四千萬元以外其實爲電政本身所用者殆不及十分之二三財產抵押淨盡收入復爲各省截留至今日而利息延期久不克付線路窳敗無法展修殆非宣告破產所能了事也

航業無官營者郵政以委任外人之故會計克保其獨立其餘利歲納於交部者在六七十萬以內無大出入故不論列

依此情形如謂交通事業尙有維持之望寧非謬言雖然此如病人然雖已垂危然苟疾由外邪非虛損

至不能攻補則祇求病之不再加重當可望有轉機固非必死之症也第病既垂危儻非看護極周不再加脰削與感冒則回生勢必絕望故今日者惟視國民欲起此沈疴否耳如有救死之決心吾敢斷言決非無治法也

今試假定財部及各方此後絕對不再流用交部之款項而行政與營業之秩序又得相當之維護則進款及餘利可循序而累進交部得據而爲喘息騰挪之計一面於建設及設備之資本速籌的實之來源於收買商路之欠款應別設長期而較可靠之辦法其借款之實用於軍政兩費者與財部協議善後之策則交部之財政雖屬窘迫固不至於真正破產也

雖然此與虎謀皮之說也上列諸說何一可望之於今之政府者各方對交通收入既實行其勒贖及分贓主義而所以蹂躪之者又無所不至情理勢均無所用其僅得而稍保障者則爲外力較充之處所（如鐵路則滬寧等較能維其秩序是也）致外人日出其嘲笑之態度以臨吾愛國之有衆及專門之學者若曰吾等屢言華人無經營交通事業之能力汝等偏欲爭此一口氣而今竟何如吾勸汝等稍稍減其熱度須知環境固不汝助也念及此則除嘔心束手外尙有何策耶

雖然吾前已言之矣非經一番改革一番奮鬪則事爲無望蓋起死回生本不若斯之易也交通事業其屬官營者本一部分官營而屬交部者又祇一部分謀國者本應統籌全局而定其設施之道又民國之所宜改革者亦不止交通一事然皆非經一場必死之決戰難以挽回補救官營交通事業之困難之舉當然亦莫逃此例固非謂可安坐而致也特國民如非認此爲一種最切迫之事如護其身家性命則此

種奮鬪從何出來此吾所以不憚強聒而冀同胞之蹶起也

以吾之觀察吾國以後之交通事業不論現在何屬將來歸結不外二途不歸國民掌握即歸外人掌握耳蓋以目下政象之不寧諸務之紛亂徒依倚政界自身之力殆無可以革新之望吾人苟因循觀望則彼外人者以保護債權之故或以減少所受惡影響之故不得不進求自衛之道其時之景象當爲何若吾人當自省之吾亦非謂外人必有謀我之野心特慮吾國所造成之境界有偏之使不能不如是者則輾轉以入人手中吾人尙當感幸不遑以爲究竟可冀瓦全不致淪胥俱盡而有賴於此事業者雖明知將受種種苦痛而以比較的爲有秩序之故或且將甘心託命於彼以稍蘇其喘息而不暇顧及其較大之關係及將來之隱患此其悲慘爲何如者交通之不自由較之關稅及其他之不自由害且十倍運輸之遲速運費之高下消息之通塞三者皆動足制人死命而有餘吾國若尙擬留此一線生機則於此萬不宜輕輕放過而其幾希之望則祇懸之同胞之手吾人若不願吾國永淪浩劫則舍求諸己外無他道也

求己之道奈何第一須知吾國之交通事業乃極爲幼稚如欲立國本非力謀發達不可如全國鐵路僅達六千餘英里電線僅達七萬餘英里無線電臺已成者祇十一處力未有過五啓羅瓦特者電話則全國僅五十二處而長途線迄未發達航船則僅達二十八萬七千餘噸航空機僅有十八具郵差發達然制多未備此外國道省道縣道暨江河湖海港及各地地方之交通聯絡或未從事或久廢弛依吾之意見如欲生存與發達至少應有較目下十倍之鐵路（六萬餘英里）三倍之電報線十倍之電話線十倍

之船隻（遠洋內海在內）無線電報除依既定計劃裝置外尙須爲二倍之擴充飛機用於邊疆可以收效應暫定額數爲一百臺此外則黃河揚子江遼河西江白層河淮河串場河直隸五河及洞庭鄱陽寶應諸湖之疏濬連山海州吳淞象山黃埔龍門諸港之修築以及國道省道之建造大概所需資本至少約爲六十五萬二三千萬元以二十年完成則年爲約三萬二千六百五十萬元此其詳細辦法斷非尺幅所能罄但果使認真從事則此目下之所謂不了者誠屬九牛一毛稍一挹注便無所謂不了特其事須有縣密之籌畫並非如此簡單耳如果每類事業均能辦理得宜且力保其會計之獨立則籌集資本亦非難事（外國海港運河強半無不獲利且有由股分公司經營者如蘇彝士河是也）且事非一時非一時其資本可以子母相生而無憂不能供給故積極擴充交通事業乃正所以救其目前之窮此吾所擬積極救濟之辦法也

自各省商辦鐵路之失敗吾人幾不復能自信有經營交通事業之能力故一言及求己似便屬空談雖然以吾之目光視之今日專門人才之增多與一般常識之增進決非十年前之比所慮者無相當之提挈組織及試驗耳且吾亦非主張全國交通事業遂統歸於商辦凡事必有其步驟特吾人若非醒覺而急爲準備則雖千百載亦難有成誠哉今日交通破產之聲最烈之時乃爲喚醒吾人之最好機會也且吾人勿過駭於交通財務之現況以爲無可清理也交通部虧累除移充政費之一部無可言外其他皆非投之於不生產者即如京綏路近以負債過鉅致起風潮京漢津浦亦以所欠料價無法清還陷於極困其實無的款而展造新線（由豐鎮達綏遠）增加設備（各路添購車輛皆屬至急）當然發生困難但

的款所以無者則以各方截索款項之故苟各方無此軌外行動則欠款未始不能應付也故第一要義仍在確保特別會計之獨立及行政營業秩序之不亂苟此關守得住則一切積欠何難公平商榷定一展緩確付之期且未始不可發行新債蓋上列二條件如能辦到則每年交通餘利其可信或將駕關鹽二者而上之交通之進步無限關鹽且非其比也

今試爲分別籌計假定以民九決算大數爲標準（民十事變太多不能爲準）各路營業淨盈實達四千萬元有零（郵電爲數無幾不列）除中有應支之借款還本暨拘於契約不能自由使用外假定爲交通部可支配其半數即有二千萬元儻試發行一種三千萬元之三年短期公債每年抽籤一次年息假定一分則第一年支出本息一千三百萬元路餘（此名爲僕所創所以示等於鹽餘關餘也）尙有七百萬元第二年支出本息一千二百萬元路餘尙有八百萬元第三年支出本息一千一百萬元路餘尙有九百萬元以路餘應付零星支出以公債所得歸還積欠之一部交通財務當頓形鬆動況依歷年餘利增進之級數以後營業淨盈必不止四千萬元耶至未成之路資本應速行另籌已成之路暫時亦可不爲資本之支出（因設備已漸完善也）則經濟之周轉力必能活潑又何破產足慮之有

今漏卮不塞而欲求辦法則雖聖哲無能爲力勿論吾國之交通收入即再加百十倍如英美各國者亦不足以供揮霍也故根本辦法仍在能維持特別會計之獨立行政營業秩序之不亂與否此事絕對不若裁兵等之困難祇須對交通機關權限爲相當之尊重便可辦到無須何等之預備亦無何等之後患宗旨一定立刻見功蓋其困難未非發生於交通事業之自身外感不來病即就癒故也特如何而後能

令各方中止其橫暴之行動以維持特別會計之獨立及交通秩序之不亂此則涉於民國能否真正改革之公共問題吾人而有救國之決心則此類緊要問題決無可以放任之理但視吾人之志力何如耳而要之在令一般人灼知特別會計之必須獨立始也

第二 在於外交者

吾國之交通事業至今已成世界上之問題不獨新銀團問題東清鐵路問題太平洋電線問題等已也即所謂門戶開放機會均等等項何一不與交通事業有極切之關係況吾國交通事業之歷史其動機強半發自外交庚子以前交通事業之主管機關即爲總理衙門沿至今日殆仍無一事可脫離外交之關係者故交通一部實兼有外交財政兩部之職掌其繁難亦即因此蓋吾國之交通事業質言之殆無一事可以有完全措置之自由者然以交通事業需要之亟勢不能以不自由之故而遂不進行故今日之有些小規模亦未始非委曲求全之效果然交通之本能以屈於此種環境之故而不克充量發揮及令吾人多享其利者蓋不可勝計矣其最感苦痛者則吾人不能爲綜合而有統系之計畫每有所圖非受條約之束縛即爲成案所牽掣其結果則枝節從事往往不能根據吾國政治經濟之需要以爲設施即一般外人所得的利益亦至有限結果不過有利於少數之經紀或爲遂行某種之政策（如廣九鐵路暫無建築之必要而不能不造致賠累至今而粵漢幹線乃越二十年未成緩急倒置莫過於此）歐戰以還已訂約借款之路線皆不克進行而例又不得別籌資本其停工待款之直接損耗乃及一千餘萬（利息之虛耗已成工事之損壞）我無如何也一方乘隙急進冒交通事業之名義成立無算借款

於是引起新銀團之組織（新銀團之組織當初内幕之主因在是其精神實偏於消極的）而又以種種原因與各方未能爲相當之諒解故不能爲何等 進行轉眴其內部之契約期滿不知尙擬繼續否國內外之評論新銀團者其說多端然平心論之吾國無論對於鐵路事業進行計畫及新銀團之應付方法均應有成竹在胸以協作之精神提出正大之主張及詳密之計畫其結果或能折衷圓滿而有裨於實際其以前不平等不自由之處亦或能有所挽救吾於民八四月新銀團在巴黎開會之際即曾電北京政府申其意見而未得采納民十復由鐵路協會發表宣言特以國人研究者稀且多蔽於浮議尠少注意而政府除籌餉外皆不認爲政務遂亦等於空言此其所關殆非細故也人之爲我謀必不如我之自爲謀即彼銀團亦何嘗不欲得極好之計畫以爲研究資料我即不因新銀團之故亦何嘗不應有種種計畫預備乃反對贊成者各騰其無量之議論而均無計畫預備新銀團因亦惟疏通接洽之是務而不能實地有所商榷有日焉吾不能不承認此新銀團者而與之接議則一切計畫除拱手受成外尙有何法吾非謂此新銀團者必惟不利於吾之是務然吾之政治經濟之種種關係又有必須參之歷史地理民情風俗而始能洞貫者人亦安能一一爲我設想代籌則其結果將不能執一主觀者之利益爲前提或致國際之紛爭且因之而起則其變化更不可思議矣故吾國此種計畫預備在責任上利害上均所必需吾數年來力謀鐵路會計之統一技術之統一並爲路線及財政上之調查審議廣羅中外專家分別從事何莫非爲此之故（各項經過情形吾當別爲紀載）所惜尙未歲事而已莫爲之繼吾甚慮一旦倉卒從事劫於外勢而一聽其主持將發生上列之現象則殊非世界之福也

至吾國海港河流發生外交關係不止一日吾國今日已無一自開之良港貨物之吐納集散早已失其自由近年以來吳淞浦口龍門海州（浦口龍門海州亦已有外債關係）葫蘆島逐次經營然成績尙少至運河已借外債而揚子江淮河遼河珠江及直隸之五河亦駸駸發生外交關係其松花黑龍烏蘇里金沙揚子西江之通航載在條約者更無論矣航政既不修明航業因而不振水運之利殆等於零然究竟是否純因外力壓迫以致無法可以發展抑吾人亦自甘暴棄不求上進之故著者亦不敢曲爲吾人原諒也

復次吾國無線電及水線電近亦漸爲國際問題而建設與製造且受種種之束縛航空及電話亦因外債關係而生若干之輻輳獨郵政可希望統一然用人一節猶與法蘭西訂有成案焉

以此之故吾國若欲完全恢復交通上之種種自由勢非待各國條約之改正及各項外債之清還不可誠復談何容易然命脈所在有不容不誓死以求者至隨時隨事之挽回及比較伸縮間之取益防損其間出入亦復甚大萬不可視爲小節而稍從疏忽也

吾人今日所應大大努力者凡三曰人才曰資本曰材料而計畫組織事權附焉今分析論之

一種事業必賴一種之人才以剏造維持之固也然此種人才其間必須經若干之陶冶方能成就今吾國之交通事業其人才是否敷用就其大體言似國內外所養成之專門者甚多且時復投閒置散若果善任當無不足不知此但籠統言之耳今世所謂新事業一門一類皆須有相當之學術經驗且其勢不可以假借非若吾國舊官吏之動稱萬能也吾國海通以還所謂交通事業十九以普通官吏主其事而

輔以洋匠用華員者司通譯耳間有專門之士亦沈屈於下僚其數亦復無幾而一般職務以需要之故則雜取粗通外國文者充之亦不復能問其才品學識與所服之職相宜與否此輩所處之環境及其質地既不易有以自見而所辦之養成所等類復程度甚低其偶派出洋留學者亦祇一二十人及其歸也散而之四方而未能有所磨礱砥礪故由光緒初稭以迄三十年殆無交通專門人才之可言厥後詹天佑氏以建築京張路故稍露頭角然唐紹儀氏尙以用施肇基爲郵傳部右參議而因被參劾則其時之風會可知第唐氏權力較充乃力闢學生進用之途鐵路中要職華人亦漸得廁足然其稱職與否亦不能無所遷就大都取其智能相近而止以儲之未豫故也逮梁士詒氏綜司各路乃多設留學生名額民國後朱啓鈴及周自齊二氏更注重分門研習之法選拔已畢業之才俊更專習一門或在各路或至國外於是機械工程車務會計等部分之首領如處長段長廠長之類始十之七八盡爲各該專門之人其後復一方挑選現在職者出洋補習一方挑選已畢業者回國實習以期新舊融貫教學相資電政一門研習電機者亦逾百十而學造船者復踵相接其交通部自設之學校凡土木工機械電機鐵路管理電信諸科之畢業生前後已過千人合之他處所養成計交通部所登進之專門家殆過三千以上（近日部中不悉前此搜采之苦意爲進退致專門家無辜被黜者及三百人爲開國來所未有）成績稍稍著矣但上之乏鈞深致遠體用兼賅足以聳動世界之徒次之乏篤信謹守深造有得之士以求過於供之故不克需歲月以充其經歷亦不克分工求備以極其專精卽就已有之鐵路而言其所缺之專門人才殆猶在三百人以上焉（其間亦有供求不相應者如土木工一類近實供過於求雖亦有因他故而阻抑

者然其大體固如是也）至河海之工程及航業之管理駕駛無線電之製造殆可謂絕無僅有今日之交通人才安可謂之不缺乏乎吾等所定交通部每年育才費六十萬元有奇幾與部之行政費相埒及創設交通大學世論猶多異同然吾寧受疑忌而不之恤何也蓋誠見其需要之急也交通事業約略言之可分爲路工河海工電機機械鐵路會計及管理造船駕駛數類假定各類事業循序漸進恐每類平均年亦須五十人以上則年必有四五百人畢業方敷用也（卽如全國道路及河海工其需要土木工之技師至少猶以千計）此而不預備則他日之困難必過於今雖然所謂養成人才非祇授以應有之知識技能而已頻年以來政府及社會之戕賊人才乃無所不用其極所產既少而又加以極端之戕賊人才安得而不衰交通一部分之人才前此猶未至於戕賊者以尙能服相當之職以用所學故此公言也然無相當之團結而復有諸種之障礙（如借款之路有限制華人不能爲首領者）致少指導觀摩之益（前輩不能指導後輩殆屬通病此華洋員及前後輩均當負責者又缺少灌輸智識之組織故學識日退此不能不怪諸路員之無胸襟志氣也）不能有何等之大發展故今後於職務之訓練學識之補充必須充分設法然後交通事業之新建設及改進方有基點可循而諸種計畫亦可由之實現且此輩才力既經顯著則對內對外當然有相當之勢力則其所益於此事業之維持發展者亦復至大故我國之交通事業誠不願進展則已否則妄黜一人其效卽等於自殺吾不知今之當道其亦曾統籌而熟察之否耶

總之事業非人才不能舉然人才亦非任事不能成主其事者無愛惜造就之誠甚且蔽於地域派別之

私盛行其排抑摧陷之術則其結果有益歸零落而已民六吾長郵政總局時規定高級人員華洋一律升進至今已有一二華員得司一省之郵務（甘肅貴州）而副郵務長且有多人是知果使有意甄陶何嘗不可爲力特患主其事者不以爲意耳

至於資本今當分類論之

先言鐵路

論鐵路資本有應先決之四問題焉曰官營私設內資外資夫以吾國商辦鐵路之失敗及公司集資之爲難似上四者已無列爲問題之必要但吾意若就一時之現象論似乎如此倘爲百年大計則不應徒以一時之現象爲衡且既涉及外資則尤不能不知彼知己依目前世界經濟之現況似亦非遂可專倚外資而不別籌生發者故此四者仍有研求之必要也

吾國應造之路線除甘肅之西北暨新疆又青海四川外蒙古外餘之大幹已皆有計畫然大半皆未施工又已成之線以設備之不完行車次數之少又支線之缺乏殊未盡其輸送之力故路事最急者殆爲下列二點

（甲）幹線之完成

（乙）枝線之增設及設備之改良

依此二點研究幹線中又當分爲三類

（一）已成者（包有外債無外債兩種）

(二) 未成而已訂借外債者

(三) 未成而無外債關係者

此三種情形各有不同然吾意吾國造路其施工之先後當以需要之緩急爲標準不能以有無外債爲衡且已借外債之路之中亦勢不能不分緩急微聞新銀團私議其貸與吾造路之款擬歲以美金四千萬元爲率是外資之可恃者亦僅能以此數爲標準依通常兌換率計約合吾銀九千萬元約可成路一千公里（此係約略標準工有難易料價庸值有漲落難以概論也）如此則二十年方能成路二萬公里（即約四萬中里）豈不太遲即以加一倍言亦未足供吾之需要故造路資本吾國不能不別籌者勢也以吾國後此二十年內各項事業發達所需之資本既鉅勢不能以所有財力悉投之於鐵路故專賴內債勢亦不宜以是之故其結果必出於內外協力但此所謂協力者區分路線而各擔之乎抑吾人於已訂約借款之路而分購其債券乎或變更其已訂之契約而吾人合力或分任其債權乎其以前未訂借約之新線是否亦融合爲一則又一問題也依吾之意造路之先後應以吾之直接利害爲標準而判定之但同時應勿失債權人之希望而資本之所從出則分三途

（甲）外資（限於已訂有借約之路線用之或與已訂借約之路有不可離之關係者）

（乙）內資（可分股本與借款兩項）

（丙）鐵路會計項下之餘資

外資既限於已訂有借約之路線吾人自可以其財力集注於其他幹線及各枝線目下可冀獲利之枝

線約尙有二三千中里而未訂借約之幹線之能獲急利者則恐已無之故引起國民投資之興味恐屬爲難吾之計畫則係將現在業已獲利之幹線歸諸商民手中而騰出此一分之大資本用以建築需要最急而難獲近利之新線或協同趕造已訂借約之幹線之須急造者俟此等幹線可以獲利或契約期滿時則又歸諸商民手中而騰出其資本以造新線如此則國內之緊要線可以陸續造成而用外資所造之路之餘利則用以挹注各路特急之工需（參觀上文丙項）及青黃不接時之虧損至已造未成之路而已及或將及還本期限者（如隴海湖廣）暨因籌辦用去之款而無從付息者（如浦信寧湘等）又假鐵路名義所借之款而流充政費者（如高徐順濟等）一面應與債權者協商展緩借換之方一面應與財部劃清擔負歸還之責庶事業之進行與經濟狀況可以兩兩相應以前輾轉困難亦可截清第以上云云必須各路之秩序可以復元特別會計之獨立可以保障然後可以說及否則皆夢囈耳或曰今日各路已至破產之期而子尙高談遠大之計可謂不識時務此語吾亦承認但恢復各路之秩序保障特別會計之獨立實爲救死之要着否則治標治本均無可言惟有破產而已醫者之治沈疴雖不能高談長壽然病人方日日求死藥將何施苟將致命之由從速去之又安在不能致長壽乎僕之所談實標本兼治之術也否則恐今年尙無法渡過復何有計畫成績之可言哉

抑天下事因果首尾往往相連苟自茲以往時局仍屬不安政治諸種問題依然不決根本大法亦不能立則此一部分之計畫自無可施故前提之中又有前提焉至新銀團問題爲世界所注目吾別有意見其籌集商股之法更當別爲專論茲姑不贅

次論道路

道路之建築國民近頗知爲急務矣吾國本有官設驛路及各州縣固有道路雖不盡修治亦無法令可循然並非毫無基礎者第以吾國應辦事業之多若再同時修造極多之道路恐不論中央地方均無此力量對於此事吾夙有主張卽采用差徭之意而專用之於造路是也吾國自古有力役之征正與近今全民勞動之說相合北方各省差徭之制尙有存者今假定先修國道凡所經之縣在沿線五十中里以內之成年男子均應出任工作其省道縣道村道亦如之數者勢必不能同時並舉卽人民不至過勞其縣道村道該地願先趕辦者聽此等於各治其家門之路民斷不視爲煩苦也如人數不敷則退伍之兵輕罪之囚皆可從事除工師監工及兵應有工資外餘僅酌備飯食宿所如是則工資一部分至少可減去一半沙石可取諸公產工具可數縣合置輪流使用且可轉售路成以後修養之責一任之地方其國道由中央酌貼經費省道由省庫酌貼經費有鄉里之關係有官紳之責成吾以爲不但易成且能持久近日各省注重修路者不少然爲經費所限似未能積極進行若以此法行之必妥且速第監理設計庀財食宿等亦不能無費此則在中央與地方如何協力鄙意如果實心從事雖加賦以給可也道路旣通民生自裕區區擔負於何有焉所慮者地方官借端擾民事又不辦故此事非官民協力不可最好每省能設一道路協會以省長及有德望之紳商主持其事以督促監察各地之進行庶收實效此外如辦善舉者勸其修路有過犯者責其修路種種方法可以不拘如以現役之兵能以爲此則費尤可節全在得人主辦及因地制宜耳

復次河道

河道之要北重於南灌溉通航去害卽以興利第各河應治者過多且枝幹相聯後先緩急未容不加審擇鄙意宜於新增海關稅內年撥二百萬元左右爲勘查研究並擇要測量之費其業經審定應速着手者得發行內外債充用但其會計應絕對獨立如揣度情形可組織一大公司任該河道修治管轄之責者於不抵觸主權及何項行政司法權之範圍內政府不妨特許之其小河道並得由各城鄉鎮爲聯合治水機關任修治管轄之責且得發行公債（此項應限於內債）或許設水利組合其修治管轄之事卽以委之如此則進行必可較速

復次海港

吾國之海港事業已無可言今南北二等以下之港不下十數論者紛紛第經營一海港非有充分之時間人才經濟不可吾國勢不能同時並舉今宜審擇最適宜者二處或三處集全力以從事其一切布置及相聯之設備必須與預計及環境相應大約一海港之告竣至少必須六年以外需款雖鉅但係分年支出又其中有多部分亦可委之民間自辦者又世界大包工公司其願承辦此類工程者甚衆亦非絕無可商議者也

復次電信

電話無線
電統攝

吾國應增電報線路雖不甚多然有待大修及展線者不少近年電報決算迄無餘貲電信借款已爲財部用去十分之九欲救電報之弊惟有積極多設電話以資挹注蓋電話之贏利既有把握而需要又復

孔急故也查電話借款尙有約千萬未經動用亟應積極進行此外各處長途電話亦宜敷設綜計贏利必有可觀即可補助電信之不足至無線電應另有統籌計畫不能如日下之枝節從事並須注重營業之收入以免難於支持（西北西南有線電信阻礙甚多如無線電暢通當然收入不少）

復次航空

航空而有借款借款而條件離奇（條件中最不妥者爲以後吾國購買飛機必須經一公司之手）此爲往事姑不具論今後欲求航空事業之發達不可不先求脫去該條件之束縛各省軍民有力者其有意於是乎此爲國防外交方面之問題不止有關交通本身而已但吾人不可不知者吾國交通機關尙極缺乏安邊馭外飛行之用實宏苟不以此利器用之於內爭勢固當積極籌備也

總之論及資本一層有不可不知者數事

- （一）吾國游資雖多然以秩序不寧法權不固金融機關之欠完整敏活故集合而運用之非甚易事
- （二）同時應知吾國固有之游資現極難運化祇須有較安全之保障無論何事業人民皆樂於投資

- （三）應知世界經濟恐慌尙未回復而吾國應舉辦之交通事業爲數尙多專恃內資或外資均難以集事

- （四）並知籌集資本必須先樹信用如交通秩序不能穩靜會計不能獨立勢必無資本可籌且吾亦不勸任何人之供給此項資本

至需要資本之數既多一切事業之進行務須分類分期以期與財力相應此尤不待煩言者也
人才資本之外吾國有亟應注意者焉材料是也此在各種事業需要各有不同然大別之不外（甲）
金類（乙）土類（丙）木類之三種吾國交通事業所需要之材料殆有七成以上仰給於他國已往
者姑不具論假如依上文所云今後之交通事業資本至少須六十五萬萬三千萬元以六成五爲購料
之費即應合三十九萬萬三千餘萬元其土石木等可取之本國者姑列爲一成則其餘之三十五萬萬
餘元全屬漏卮此於全國命脈所關豈云小事故下列各工廠必須速圖設置

化鐵廠 每日出鐵一千噸以上者

製鐵廠 每日出貨一千噸以上者

鍊鋼廠 每日出貨五百噸以上者

製鋼廠 每日出貨三百噸以上者

化銅製銅廠 每日出貨一百噸以上者

造船廠 每年能做船八萬噸以上並能造七千噸以上之大型船者

造車廠 機車 客貨車 電車

製木材廠

製水泥廠 每日出貨二千桶以上者

製各重要母機廠

製各動力機廠 電 蒸汽 油

製各種線釘廠 每日出貨五十噸以上者

以上僅舉大凡其相聯之關係如銅鐵須開鑛製木須伐林等等避冗不書又各廠之設計組織管理千條萬緒動有毫釐千里之差以事屬專門姑從省略吾之主旨但期此上列數者逐漸成立克以應後此事業之需求而已讀者須知若上列數者能以成立並比較完全已非銀元一萬萬元以上不辦然較上列三十五萬萬餘元不過三十五分之一若謀國者真有明澈之計畫此安得謂爲不可能之事又吾對本節之問題有最注重之一點卽吾之意但期有此若干廠者設於吾國界中且限制先供吾國之需要專用吾國之工人多養吾國之技師儘用吾國之原料而非必限於本國人經營此事是也蓋經營此種大工業新工業本有學術經驗資本之多數關係如過分畛域勢必不能得敏速適宜之發展如能就六十五萬三千萬元之資本總額中抽其六十五分之一以辦此事固策之最上者否則相機吸收中外商民之資本亦未爲失策且不妨以若干成爲限復可定相當之條件其較之前此之料價大半全輸於國外其利害固無從比較也

抑鄙人有所感者十數年來同人感於外國材料之漏卮恆思竭其力以提倡國貨乃其困難一言難盡卽如軌枕之木每年需要不下一百萬枝新工尙在外焉而苦求一能如期如式如數供給之公司終不可得偶委諸試辦其成績輒復劣敗結果終爲外商壟斷夫枕木之供給非必須何等專門之學問經驗也而結果尙如此他更可知交通事業既終不能不進行若材料之供給一無所備則他日之慘况恐必

有十倍今日者此乃國家之憂而非一部之榮悴問題也已亡羊補牢要自有實事求是基於科學之調查組織始

以上述人才資本材料竟

進言計畫吾國萬事皆待計畫而交通尤爲迫切吾所謂計畫非條陳報告之類苟取以壯門面充篇幅者也必根據正確之參考資料羅致熟練之專門人物準諸國防外交經濟之情況以定設施先後之序然後不落於空談今將應急定之計畫列後

全國鐵路網之組成

全國鐵路幹枝必須先行規定並規定孰必官營孰可商營仍定其敷設之序以次第從事此非武斷盲從所能辦吾前此設路線審查會及財政審議會於

路政司並擬以六十萬元爲踏查路線費利用曠閒之工帥及專門學生以從事意即在此今已中輟矣惜哉

國道省道縣道之興造

國道隸於內務部久未進行各省零星分辦收效無幾國政之要此殆首端

各大江河之疏治

此其利固不待言然後先緩急抉擇甚難關於此點亟待研究

各海港之開闢

理由同上

以後十年間航政之施設

以下數項限以十年者因世界日新月異因時變易故祇能以此爲限

以後十年間航業及造船之獎勵方法

以後十年間航空之進行計畫

以後十年間通信之進行計畫

以後十年間交通人才之養成法

以後十年間官營交通事業財務之統籌

以後十年間交通事業材料之取給

以後十年間吾國所應取之交通政策

以後十年間吾國交通行政及官營業務所應取之方針

吾意應計畫者略具於此冀海內外賢哲有以見教焉特任舉其一恐非窮十數年之力不能有較完密之計畫出現需要既亟籌備復遲如慮代庖必先蓄艾吾國人最好爲籠統之文說籠統之話不知辦事未有可籠統的到不能籠統時大家便一撒手了事當然等平日分肌擘理的人拏去辦得頭頭是道此吾國所以凡新事業多倚賴外人也上列各條其子日當有數十亦無一不費研究恐聚有交通學識者千百人未必能一一解答近頃交通界專門家失職者衆吾竊願諸君之以暇日從事於此勝於患失者萬萬焉

雖然獨學無友孤掌難鳴誠欲交通事業之改進有志者不可不有相當之組織此於事業之促進所關匪細吾意目今所亟需者有下列之各種

交通各項行政之調查及講習機關

內應區分至悉切
忌籠統以下同

交通各項業務之調查及講習機關

交通各項學術之調查及講習機關

整理交通財務之研究及預備機關

研究預備較調查講習
爲進一層近於實行的

整理交通技術之研究及預備機關

整理交通業務之研究及預備機關

交通職員之互助的機關

分增進能率 保障職權 救濟不幸各類

此數者固不限其如何發生及何人組織凡以明吾國確實有此需要而已蓋計畫之實行必須有主持運用協助者而欲得人以主持運用協助不可不令多數人明瞭其內容及諸關係暨執行之方法尤須得各方之同情與諒解其措置乃能圓滑此諸機關之組織所以爲不可緩也

至論及事權吾有至痛心之點焉吾國與外債有關之大事業海關鹽務已悉由客卿主持所餘獨鐵路電報耳此中摺拄誠復艱難國民能否知其原因及爲何種精神所集注之效果茲姑不論但時至今日吾國環境之困迫與內容之窳敗國民救死不暇似已無復有問及此點之勇氣其喪氣者或且幾幸於有所倚賴以求旦夕之安若論事業而斤斤於事權殆爲不達時務雖然吾固非爲一時一事設想也交通事業之權應否由本國握之吾人明此者多不再贅述因現象之太惡致一般願望直無法申出此乃吾人之不幸詎可轉以厚誣吾人耶雖然世界權利與義務必期相當不勞而獲殆無此理吾人之學術經驗責任心等等果其已有以表示不弱於彼則事實所在公理寧可終湮否則徒託空言其可藉口者正復無限況吾國民果有憂勤惕厲之象決心以事諸般改革而復持以堅忍則爲利害計彼亦何樂必爲代庖否則萬事不修而惟爭權之是務徒褻其浮惰之習以供人之指斥或且紛亂無紀確有賴於客卿之力以維持一部分之事務則亦何取而多此過望以召一番譏誚耶自來立國爲人應先求己今日

用客卿之既未可以已則應選拔其真正之才俊與以相當之事權責以一定之功效而本國人士則必期有練習競爭之機會並應不恥困辱以獲得相當之經歷譽望庶他日繼起得以措置裕如若前此客卿之非盡真才且無爲我儲才之意及吾人之好爭權位而不求勝任蓋兩失之也

以上述人才資本材料及計畫組織事權竟

以上所述雖不敢謂完全諦當然自信皆經研索而出未嘗故爲高調以炫衆聽若並此而認爲無辦法而一聽其廢壞則國家萬事已無可言又豈止吾之詞費已乎

抑吾更有進者今日世界大通相互之利害日形密切任何國本身之狀況均可影響全球而全球之形勢亦隨在皆能支配何國而使之生內部之變化中國問題之爲世界問題之焦點於今爲烈第二次世界大戰之將在遠東方面已爲人所共認而汲汲謀所以防止及應付吾國而能自立則誘發各國政治經濟野心之機會將由少而至於無而因吾國經濟之開發我復得對世界而供其缺陷以進求真正平等之互助經濟之恐慌與侵略皆無所用世界平和之實現庶可由茲固非止吾國之福而已也特非交通事業之整理與發達則吾國之自立與開發殆終屬無望且吾國交通事業本身之足爲國際戰爭之導火線者且屬不尠爲目的物之吾國詎有餘幸固知交通救國之論絕非一時聳聽之言而急求其維持整理以進謀發達亦非一迂緩不急之見也願世界深識明達之士及與有關係諸賢速熟思而共圖焉幸甚

是書撰竟有友質疑曰方今經濟學說爲避資本家壟斷大致皆主張鐵路礦山等事業歸諸國營今書

中乃有主鐵路歸商辦之舉毋乃不合時宜乎曰固也吾之此書本爲救濟目下交通事業破產而發順次而及夫如何發展之法其目的在使交通事業不至卽行破產且得有相當之發展譬如醫垂斃之小兒使之不至斷氣且爲籌保育長養俾得成人而已非謂人之一生均應爲保育長養時之所有事也使吾國鐵路之維持發展能略如書中所云而目前之種種障礙屆時已不成問題則第二步之種種主張自當應時發生且亦不僅鐵路商辦一事而已其他應因時因事補偏救弊者蓋不知凡幾嫌其過廓故不列入本書範圍內後此或將更有所述焉共和十一年十二月恭綽附志

交通部特別會計之存廢問題 民國十一年

交通部之特別會計成爲問題亦既數載於茲第論者所據以批評之事實多未的確故其所論轉不免有極大之錯誤而交通事業前途因之亦生重大之影響長夏無事因著此篇先發其凡弁之於首（一）交通部所轄交通事業祇路航電郵四項航無官業郵有特別歷史且餘利年僅百萬故茲所述雖冠以交通總名實則指路電二項讀者勿病其偏缺（一）編中事實皆有根據且就事論事毫無成見雜乎其間讀者鑒焉

欲論交通部之特別會計先不可不知特別會計之爲何解及交通部特別會計其事實爲如何今請逐次述之關於特別會計之意義從來學說雖不一致其普通之說卽爲進展某項官營事業計使該事業之會計與一般會計分離設定特殊基金以其收入供其支出而不移作他用是也各國此項制度細目雖不盡同大體殆無出入吾國公布之會計法中亦明列此項但吾人所亟應注意者則各國之所謂特

別會計僅係其豫算決算於總豫算決算案中別自爲一統系一部分且豫算案中準許其將餘款爲循環繼續之支用此皆係會計方面之事至其出納固無不統一於國庫無所謂一般與特別之分也故經國會通過之豫算國庫卽有奉行之義務焉特別會計之大意不過如此乃一般人對於吾國之特別會計之觀念則如何吾國之特別財務機關蓋有海關鹽務烟酒及交通印刷造幣等官業之各種人或皆籠統目之爲特別會計其實海關之預算決算及其出納幾皆超出於我財政範圍之外我之國會及政府或法庭殆無有能過問者乃在官書上始終未賦予特別會計之名鹽務亦然烟酒近年之會計出納情形完全出乎軌道之外大約其爲特別會計與否其本機關亦未曾念及之也印刷造紙等官業則以特別會計隸於財部主管之下凡此複雜狀況吾國人是否卽認爲特別會計吾未之知然忖測一般人之心理似凡財部所不能直接支配其財務之機關之財務則概目之爲特別會計不知特別會計之解釋却不如此一國法律上之定名決不容含糊假用也一般人以此觀念之錯誤又習聞交通部之財務不受財政部之支配而交部又實揭特別會計之名遂以爲交部所謂特別會計者直是無法無天不知如何荒唐黑暗其所指殆分數類（甲）交部豫算向不送財部（乙）交部決算向不送審計院（丙）交部之款交部可在預算外自由支用但以吾人之所知事實確非如此甲乙兩項今不必煩言可詢之國會國務院審計院財政部之經手編製或審查審計預算決算者究竟交通部之豫算向送財政部及審計院與否便可證明此非爲交部辯護蓋議論不衷於事實固將完全失其價值也至凡豫算所無之款吾知交部固未嘗有自由支出以供交部之用者若他機關所移用此又是一事吾當於後縱言之依

此而言是一般人所據以論交部特別會計之事實已完全不確然因真相不明之故致據以非難交部之特別會計者日多而主張取銷之論亦日騰其理由約舉如下（一）交部特別會計辦法之不當如上甲乙丙三項主以取銷爲整理（二）財政困難應當均貧第一種理由之誤緣於一般人始終以爲交通部之弊竇以特別會計爲一大靠山故無人能以過問不知交通部之有弊與否茲姑不談然若以取銷特別會計爲除弊之資則彼不入特別會計之釐局常關海陸軍隊其黑幕何以直無從究詰且財部及審計院之能過問與否完全不在特別會計之有無彼各省軍隊之支出院部從不能過問然軍費非特別會計也交部之豫算決算固完全在院部系統之中並無超乎財務主管機關之舉動至交部近年事業不振其第一致命之傷則在款項之流用於軍政兩費者太多而各方且更誅求無藝遂致無法收拾此爲交通界所最含辛茹苦痛心疾首之事今交通真正之破產已瀕於眉睫矣今日而言續吾國交通事業之命唯有勵行特別會計之一途嚴禁交通事業以外任何機關與人之移用庶幾呼吸可繼生命不至於以此告終否則舍此更無整理之法若有牽於謬見沈淪不返吾敢斷不出一稔所有部轄交通事業勢不得在吾手中屆時海關鹽務式之特別會計必然出現吾國人屆時祇有箝口結舌而交通之財政且爲之頓舒適足反證吾人無管理此部分事業之能力而已嗟何及乎茲爲易於明瞭更摘要以明之（甲）交部財政不了之最大原因是否在軍費政費之移用此種事實吾人應否反對（乙）軍費政費之移用是否因有特別會計之故抑移用卽是破壞特別會計（丙）欲軍費政費之不移用是否保全特別會計抑須更加破壞特別會計甲項之事實吾人既不能不與以公認又軍費政費之移用當然非

因有特別會計之故且其移用卽是破壞特別會計亦復皎然易明則吾人而不贊成交通事業之破產者固無再容許軍費政費之移用之理欲阻止此種移用非僅恃此特別會計之制度所能濟事然吾人固萬無廢棄該部特別會計使此種移用竟成正當行爲之理也乃數年以來一般論者不加思考竟製成廢棄該部特別會計之主張一似軍費政費之移用爲極正當而該部欲保全其特別會計乃犯天下之大不韙者此在一般之營混政蠹或者當爲是言然豈指導國民者所當出此且數年以來該部當局一面刼於此種不健全之輿論一面刼於各方面相壓迫之勢力所移用於政費軍費已逾一萬萬以外何嘗有特別會計之可言其間斷斷欲保全此制度者亦僅告朔餼羊之意乃論者必欲並此名義去之以爲快使該部當局欲持此空名以爲對待營混政蠹之計而有所不能則又不知是何用意也至於均貧之說在行政有系統有組織之國家國庫自應有一種統籌但爲預算上之酌盈劑虛則可爲梁山泊式之刼富濟貧則不可況交通部今日已絕對不成爲富耶今日之冗費莫過於兵不此之務裁而括可以生產之交通事業之膏血以養之且飾爲種種理由以助成其惡得不令世界言論界齒冷矧海關鹽務及種種特殊事業初不能有何等均一之法而獨於交部誅求不已必欲逼之破產而後已斯又何理耶如曰該部易於魚肉則刼掠而已何必標榜何等理由且吾人須知該部之比較的有錢實由改革以來行政與業務之秩序未經破壞祇有進展之故儻如近日之務爲腴削破壞則此項來源亦不難立行斷絕何有於均一國雖貧何至處處務爲絕後之計而輿論且公認之更成何道理斯又各方所亟當覺悟者也抑主均貧者之辦法爲欲以交部特別會計之所餘供一般政費軍費耶抑主將交部之進款隨

時分而用之耶交部特別會計近年並無所餘因各方誅求不已乃舉內外債以供移用此卽今日受累之巨因如限以所餘方供一般之用恐交部方歡迎之不暇特事實上財部將毫無所得耳（近日交通當局於閣席提議取銷特別會計聲明有餘統歸財部不足由財部撥付此似與一部分人士所主張者相合矣而財長婉乞交部從緩實行蓋如照此辦法交部實際上不但無錢助財部尙可要求財部協助財部乃大不了故知交部提議實近於滑稽的抵制的也）至瓜分進款此屬掠奪行爲無可研究之餘地吾人無論如何矢志似不宜贊成此種行爲且若果如此有特別會計可也無特別會計亦可也何必斤斤然論此制度之當不當彼營混政蠹之予取予求何嘗有國家法制在心日中不過留此空文勝於一無後盾耳且卽讓一步言謂論者所指係欲交部進款純歸國庫支配此其理本屬正當特此乃屬統一國庫問題與特別會計無干蓋依各國通例無論何項會計之出納決無不歸國庫之理特別會計亦然吾國國庫之不統一乃屬特殊情形並非爲特別會計之故試觀各省軍費之出納多半不歸國庫各省之軍政費何嘗屬於特別會計是取銷特別會計與統一國庫係屬兩事並非取銷特別會計卽能統一國庫今不惟統一國庫之是求而以爲取銷某項特別會計便可均分其收入不但世界無此種財政學理亦無此種理財方法也（統一國庫如何方可實行不在本篇範圍姑闕）上二者理由之不充事實上之不需要惡影響之重大具如上說一般論者似未必並此而不知於此有三說焉（甲）因財政過窘希冀交部之助故製此理由以逼之（乙）因對於與交通事業關係最深之一派欲施攻擊因以此爲武器（丙）窮極無聊姑謀沾潤是也甲丙二項可勿煩再加辯析至於乙項如果某派有何罪惡

應指實以攻擊之至特別會計乃係一種制度問題無論何派不能以彼爲藏身之具且論事而雜以政爭意味尤不足起人崇信今舍各方之掠奪交通財產者於不問第欲促進交通事業之破產以爲快抑何所見之悖耶今交部特別會計表面上已經取銷矣於財政於交通何嘗有絲毫之裨益其交通秩序之紊亂商民之困苦也較前益甚而羅掘以供軍用也更可暢所欲爲君子以爲主張此事者將有悔心焉甚哉言之不可輕發也如是乎

再論交通部之特別會計 民國十一年

吾前爲文論交通部特別會計自問考查頗爲明確茲讀新聞報所登空谷君交通部特別會計之興廢沿革一文深喜有同聲之雅特空谷君之文與事實仍有不盡符者易滋誤會且因此更觸發鄙人之無窮感想敢再撰此文爲同胞告焉仍願同胞以最超然之眼光讀之也

吾人欲論此事第一須知交通部自前清設部至今收支從來未曾適合其不適合之故則因建造新路（如京綏等）增加設備接濟工需（如滬寧正太等建築費皆非全用借款另有部撥款在內）維持營業（各借款合同皆有營業費不敷由政府擔任之規定）收購商辦電報（此事前清度支部從未撥過分文）及民國後更增收購商路接濟停工待款各路財部移用諸大宗而本部育才行政諸費亦在其列故即使財部分文不移用而交部之收入已不敷支出蓋緣上列各款在他國例應由國庫支出者而吾國皆責之於交部故其收支當然不能適合然此乃財部之責非交部之過也以交部所直轄之路電機關其收入及餘利遞年均有增進也

以財部不能盡其職責以付交通資金之故致以年年收入及餘利均有增加之交部而得收支不適合之結果此在凡交通當局均應爲之愁慮故歷來當局均斤斤然與財部爭其所以爭者非冀財部能以接濟但冀其勿掠用交部之款而已然勢竟不能袁氏以雷霆萬鈞之力首啓其端然猶有節制綜計所用各路餘利不及千萬自後沿襲無藝迄今至移用二萬餘萬元使此二萬餘萬元以之築路幾可得新路二萬華里以之增加設備約可得貨車五萬輛何致破產之聲日騰於外耶故知交部今日之不了完全受財部移用之賜也事實既如此從可知歷來主張嚴行維持交部特別會計其理由是否充足正當矣依交部出版之統計其鐵路之新增資產殆過萬萬元其一切設備較之光緒三十年以前進步爲何如此亦自有公論此區區者恐不得不歸功於厲守特別會計之效果否亦早歸入軍費政費消歸烏有矣空谷君謂（此項特別會計成立以來財交兩部早經厲行分家不相往來）此與事實正復相反蓋財部移用交部之款以民七以後迄今爲最多民七以前固未越三千萬也空谷君謂特別會計制度民八由國會正式通過交部得實行其門羅主義此亦非事實蓋歷年交部之空張特別會計四字頗類吾國之日日表示其領土主權之獨立自由其實已早經極大之侵削但奉此名義及理論以作不得已之抵抗耳何嘗有幾許之實益且不幸而有若干似明實昧之輿論無意中助營混政蠹之大張其目故該部之立場益增其困難雖有賢者內懾於營混政蠹之逼迫外怵於輿論之劫持亦惟有毀其基礎以求旦夕之苟安而已故該部財況在此無可告訴之時間遂浸尋而成一大穴其所謂二萬萬元者蓋十分八九入於軍人政客之手誠不解我同胞何以不願留此二萬萬元令交部爲生產的支出而必令其入

軍人政客之手以爲快此真我國民所當懺悔而不可再執其盲行之主張者也

鄙人非不知論財政者本有不設特別會計之一說特吾國今日凡百政象是否已至採用此說之時此種主張是否適爲不法者所利用詎可不加研究交通部財政從未得特別會計之保障已如上述社會上乃從並其名而消滅之此其心理固無從索解也至交通部預算決算從無因係特別會計遂不提交財部之說前此已縷述之茲不贅述論者如有所疑於交通部但當監督其內容而不應消滅其制度否則如近來該部辦法置內外債及營業必要之費於不顧收入悉以供洛陽之軍費乃一面提出閣議取消特別會計以掩蔽其逢迎軍閥之失論者豈不轉將承認而嘉許之耶吾知如此辦法該部之真正破產固不待十稔也

吾今敢誓言欲救交通部之破產（即救中華民國交通事業之破產）不但該部之特別會計應離一般會計而獨立且應離交部而獨立務使其極端嚴整不與財部之一般政費及交部之其他會計有絲毫之混雜然後可拔吾國交通事業於至險之漩渦否則到破產後債權者來干涉時亦必如此辦法吾深願一般關心吾國交通事業之同胞及國內與交通事業有關係者從早設法爲此種之預備至高氏最近取消特別會計之主張吾早云其爲滑稽的抵制的固了無批評之價值也

關於交通部特別會計之我見民國十一年十月

前著此篇以示友人覘吾說之易喻與否友人謂前篇理論已瑩但交部收支不適合之實況恐仍多未悉且或有謂國庫奇窮國家一部分之機關不能專顧理論而遺事實仍主以一時之通挪爲不得已者

因再爲此篇期共曉焉

交通部之特別會計萬不宜取銷之理由既具前篇但尙有致疑於下二點者

(一) 交部每年所收餘利爲數不資不致竟無所餘可助國庫

(二) 關鹽餘款可助國庫當此國庫奇窮交部所餘似亦無絕對不以助國庫之情理

今請再以事實闡明之

交部鐵路所餘依該部出納之民八鐵路統計約銀三千五百餘萬元(郵電總計不過三百餘萬元左右故從略)但有不可不知者據鄙人確查各路帳上結餘之數並非可以全行提用蓋帳上結餘係表示盈虧之結果其間未收之運費積存之材料(凡未用之材料向作爲存款)暨呆存與預付出之款皆未剔除除此數項外尚須爲各路稍留周轉之費且有借款契約規定不能自由提用之款故交部對於各路每年餘利實際上可提用者殆不及半數今姑假定爲得半數約一千八百萬元而每年支出約數如左

(甲) 買收商路應還之商股

(乙) 以前部中直接撥付各債之本息(此類支出以前大抵爲接濟各路完工及建築時付息與建造新工等用近日則借以接濟軍費政費之款其本息亦在此內讀者須知吾國交通事業之資本在他國年年由國庫支出巨額者在吾國除借大宗外款外皆恃交部自籌至自籌之法除以餘利撥充則惟有零借內外債而已)

(丙) 建造新路

(丁) 已成路增加枝線車輛及各設備

(戊) 接濟停工待款之路（如粵漢之湘鄂線借款早罄而無法停工交部接濟之款聞不下八百萬元）

(己) 本部行政費

(庚) 財部移用款（即指分撥之軍費政費言）

丙丁兩項際此四海困窮或者可以一概不顧即從停頓然技術方面之事恆有欲罷而不能者若概從停頓必損失更大甲乙戊三項近年早已不能如期應付然勢不能毫無點綴已項每年約一百萬元爲數無幾綜是數項此一千八百萬元者早已支配無餘故近年交部所撥之軍費政費實際上皆係另行借來即係以交部名義借錢爲財部用其本息強半仍由交部負擔是也

以有特別會計制度之交部而爲財部移款爲財部負債其制度之有名無實不自今日始前篇所以謂事實上特別會計早經破壞也交部所收之餘利實不足供該部分內之支出徒以其保有不少之資產又有經常之收入尙可恃爲招牌以謀周轉近且並此而不能矣此第一說之與事實不符也該部既自顧不暇則第二說自無從發生顧或者有說焉則如此巨額之出納若加整理未嘗不可增加收入與減少支出其間當不難有數百萬之差額此說無論何人不能否認特此項整理其在積極方面者動須增加資本（如築枝路添車輛倉庫爲增進款之要圖是也）其在消極方面者動須恢復秩序整飭紀綱（

目下各路之爲軍人蹂躪其截留路款等之顯而易見者尙不如干預用人賞罰進退其影響於路務之深且鉅蓋前者乃一時物質關係而後者乃永久精神關係也。苟須以時應可辦到特此皆爲交部自身應辦之事並不必廢除特別會計然後能辦也。卽讓一步言苟整理之結果淨利爲之大增交部自身能稍減於今日之狼狽則姑置交通事業之進展於緩圖而稍移以周國庫之急當否姑不具論亦未嘗不可以如此辦法但此乃一時事實的權宜絕對不足執以爲主張廢除特別會計之論據財部歷來移用之二萬萬元其中有應付之本息亦強半由交部負擔卽年增數百萬之收入亦詎足以支付乎

今我且敬問我親愛之各同胞吾國鐵路僅六千餘哩較各國折中比例不及十分之一航業與海岸線之比例至少須加十倍有奇且絕無遠洋航路電報電話之普及未知何時其他航空等更不待論吾人苟不能認此現象爲滿足且明乎交通事業爲一切事業之樞紐則取以策進之者當無所不用其極至於國庫之困難其咎既不在交部則追窮原本必有應負其責者論者不能加彼以攻擊指導使財政得逐漸合於軌轍而徒一部分之追求似童婢升斗之爭爲之主者乃輒爲左右袒衷甲以與乙且設詞而助之攻是徒增家政之紛亂而已

說者往往狃於各國交通餘利可以補助國庫之說以爲吾國何獨不然此說實不知何所根據各國路電二者普通均有所餘第其事業完備發達大抵已至極端從前設備所用之資金已歷由國庫支出故目下祇有坐收其贏利其與吾國郵則祇能以每年餘利少許撥充資本電則借來資本大半爲財部移用者相去何止天淵至於各國國有鐵路惟德日印度恆有餘利自餘他國並不盡然遽以相衡寧非失

實（此可考諸世界鐵路年鑑）矧各該國年年尙由國庫支出新築及大修資本動數千萬彼所謂營業餘利歸國庫者事實上特賬目之轉移而已論者徒知國庫有餘利之收入而不知國庫須爲資本之支出天下有如是之斷章取義之論據乎若夫竭澤而漁刦奪以去亦無事附以理由吾竊願世之論者稍加澄慮而無取隨聲之附和也

論廣九粵漢接軌問題 民國十一年

近日陳炯明借英款之條件其中聞有廣九鐵路與粵漢鐵路接軌一條在此次反對借款之人或未及注意其關係之鉅也此事在英人一方面係一種多年政策至今日始克貫徹者英之堅忍吾之愚昧兩相照可爲痛心今請披露其內幕以餉國人識者鑑焉

發達香港英之不易政策也認揚子江爲英勢力範圍亦英之不易政策也於此而進謀揚子江與香港之水陸交通聯絡於此而再進謀以香港爲吐納揚子江南北貨物之總樞固皆彼題中應有之義也前清光緒年間我與美合興公司訂立借款建造粵漢鐵路合同英以其路線恰爲揚子江香港間必經之陸路交通線心焉甚之其繼美又擬爲該路於廣州謀一出海之口而調查及於黃埔黃埔常年水深得及二十四尺左右又在海灣之內若加濬治足爲良港而與香港抗否亦必能分香港之利且揚子江南北之貨循京漢粵漢而出口其入口貨亦如之則不但分香港之利而上海亦必爲之減色是英之所大不願也適吾國收回權利之熱盛極一時而贖回粵漢鐵路之運動於焉大起適予英以莫大機會（有人謂贖回之議亦英人暗中主倡疑莫能明以無稽不述）其有無鼓吹誘導不得而知第與美談判之

時聞英人實向北京樞府及湖廣兩粵總督有所懇懇而贖路之款其大部分實借自香港政府而由漢口英領事爲之介紹此事實之不可誣者也夫香港政府非資本家何爲而貸款與一外國政府苟非甚有關係必不肯爲又漢口英領以介紹之勞同時而獲得兩湖境內如果築造鐵路不另借何國之款之酬報由湖廣總督張之洞氏照會爲證（此事民國以後歷由交通當局與英人爭認爲此事係附隨香港政府借款而發生該借款已還清此權利即應銷滅而英人堅執不允至今猶爲懸案）蓋防兩湖境內別有一路線以達廣州而有他國資本在內足分其勢力與權利也贖路未幾英復催訂廣州九龍鐵路合同一面經營九龍之海港倉庫鐵路等不遺餘力廣九鐵路借款合同內復堅持添入一條中途不得設枝路以達水次夫鐵路猶血脈然分枝愈多則愈有益詎有限制不得設枝綫者此條云云蓋以廣九路綫東山一帶逼近黃埔若由此出一枝綫以達黃埔則與香港權利大有衝突故不惜用強力以設此規定也至此而諸門盡塞矣但粵漢鐵路與廣九不相聯則貨物達廣州後雖不出黃埔然亦難出香港故又亟亟於兩路之聯絡通車兩路一通則出口之貨均全以香港爲咽喉而廣州必完全衰敗此可斷言者夫路與路之聯絡本至平常第其間有如許之大關係故歷年來交通當局及粵路公司均始終未予贊成此次如果含糊斷送吾知百十年之後必有悔之無及者又粵漢全路之不貫通吾國時局及官民固均應負責然以束縛於借款合同之故凡續借款均須由原銀行團經手而始因歐戰繼因市面卒無以應吾國維持垂就之工擔付借款之息七八年來政府所支出凡過千萬皆不生產者也而路工進展迄以無期此縱貫之大動脈終難實現直接間接受之影響殆不可勝計所謂國際合作之效不

過如此斯尤吾國一般灰心本國政治希借外力以謀改革者所不可不知也又光緒二十四年張之洞氏在北京議借外債以築粵漢鐵路英人挾助款贖路之德所開條件甚苛張大憤乃密與德華銀行謀議垂成矣英詞知之向張抗議張逼英照德華條件英陽諾之張又無法拒德乃議英德合借不久法資本家又要求加入於是爲三國協商美怒我之見遺也以國電責攝政王載灃始復加美爲四國而成立合同蓋距由美贖回不十年也此借款之範圍路綫則粵漢綫至湖南邊界爲止川漢綫至夔州爲止借款額爲六百萬鎊折扣及還附商股已耗五分二以上用於路工僅過半數荏苒十年觀成無日而粵境之商辦一段則至今幾欲保其殘喘而不可得當日既借外債矣謂稍有預算知此六百萬鎊斷不能成毋寧多借若干則較今日之束手待斃爲猶愈嗚呼一種主張雖出之於正而利害未及窮究遂以釀無窮之禍患迄百十年而未有已如此者可不慎歟

又張之洞議川粵漢借款時英資本家代表爲濮蘭德氏嗣以議不諧而商之於德於是英乃撤濮蘭德以謝張濮蘭德遂去華自此恨華人甚說者謂濮蘭德近年屢發表不利吾華之主張蓋有由焉此亦新聞界所宜知之事實也

五十年來中國之交通

中國自前清同光之際漸次舉行各種新政維時朝野上下莫不拭目以俟富强乃數十年來進步絕鮮事變迭乘强隣四逼貧弱之勢甚於曩昔此豈新政之不可行哉毋亦行而得其法者少耳若其稍有成績可舉者當推交通交通之中尤以鐵路爲首屈一指自光緒七年唐胥線造成而後國人始知鐵路之

有益而無害歲有修築如京奉京漢津浦滬寧諸路皆相繼通車商民稱便近來所成之京綏路完全我國所自造尤爲路界之特色次之爲電報自光緒五年試辦津沽線六年奏辦津滬線並設電報局於天津大沽濟寧清江鎮江蘇州上海七處從此逐漸擴充南朔東西皆可通報至三十一年又有無線電台之設嗣是而後不惟我國全境消息靈通卽世界各國亦可互相呼應他若郵政自開辦至今不滿二十五年火車郵路已達二萬餘里輪船郵路已達三萬餘里民船郵路已達四萬餘里而郵差郵路則已達六十餘萬里辦理之善進行之速先進諸國亦嘗稱許四政之中惟航業尙稱幼稚餘則皆有成績可言然此所謂成績者蓋亦僅就國內比較言之若以與並世列強相提並論則區區者又渺無足數矣溯其原因蓋有種種國家財政困竭萬分交通事業動須鉅款司其事者往往不能稱意施行此其一也我國交通諸政無一不與外交相關連弱國外交因應不易用是更無發展之自由此其二也改制以來元氣未復近經歐戰影響尤多已辦者尙遭蹂躪未辦者益難進行此其三也猶賴當局者不辭勞悴慘澹經營五十年來得以稍著成效吾國人果能萬衆一心以圖擴充以冀發達安知後此五十年中路電郵航以及航空諸事業不與歐美各國相頡頏耶茲特纂輯過去五十年中交通情狀首鐵路次郵政次電政次航業次航空而終之以交通教育各述梗概以爲國人觀感興起之助其詳則非茲篇所能盡也

鐵路第一

我國之有鐵路雖始於同治五年英商所築之淞滬線但不久毀棄且爲外人所經營非我自造鐵路之始也惟光緒七年開平礦務局所修之唐胥鐵路雖全長不過二十里而後來京奉鐵路實以此線爲始

基卽今日全國鐵路亦以此線爲初祖茲將我國國有鐵路之重要者略述梗概以著辦理路政以來之成績

一京奉路 此路初名津榆鐵路後改關內外鐵路自光緒三十三年七月路線接展至奉天始定今名先是有唐景星者當光緒二三年間創辦開平煤礦因運輸不便乃於七年稟准直隸總督李鴻章修築唐山至胥各莊鐵路卽於是歲七月開工十一月竣工計長二十里後因尙不敷用又延長六十五里至閻莊十三年總理衙門奏准復由閻莊延至天津十四年九月竣工最初曾設開平鐵路公司以資管理至是乃改爲中國鐵路公司添招股本預備擴充尋因建築關內外鐵路需款頗鉅二十四年遂由鐵路督辦胡燏棻與匯豐銀行訂借英金二百三十萬鎊是年八月卽大舉興工至二十六年修至新民屯適拳匪肇亂聯軍進京關外鐵路爲俄軍佔據關內鐵路爲英軍佔據事後幾經交涉始得先後收回三十年日俄事起日本經由新民屯至奉天敷設軍用輕便鐵道三十三年三月由外務部與日使議定收回四月二十一日點收清楚五月展寬新奉鐵路以與關內外一律七月始奏改關內外鐵路爲京奉鐵路全長一千八百七十里按本路原爲我國營業最旺關係極鉅之路特以借款合同束縛過甚權利盡失良可慨也

二京漢鐵路 此路初名蘆漢當光緒十五年張之洞爲粵督時倡議建築而未實行二十二年直粵兩督復奏蘆漢辦法力保盛宣懷爲督辦並設鐵路公司以爲督造機關擬籌資金三千萬兩先由部撥一千萬兩南北洋存款撥三百萬兩招商股七百萬兩再由公司籌借洋款一千萬兩以足之計畫既定遂

於二十三二十四兩年先後與比公司議訂借款合同共借比金一萬一千二百五十萬佛郎以洋員李家洛爲勘路總工程司分全路爲南北兩段兩段之中又各分爲若干小段計北段自保定起至詹店止二十五年九月開工三十一年七月竣工南段自漢口玉帶門起至詹店止二十四年十二月開工三十一年四月竣工其間又有工程特大之黃河橋自二十九年六月開工三十二年閏四月竣工全路卽於三十二年三月二十三日通車始定名爲京漢鐵路其中保定至蘆溝橋一段係從前津榆路局所造嗣經售歸本路者蘆溝橋至北京正陽門一段係庚子年法軍所造經我國收回併入本路者計自北京正陽門至漢口玉帶門共長二千四百三十里爲我國現有鐵路最長之幹綫三十四年郵傳部因借款合同已屆滿期奏陳預備收贖籌借度支部規平銀五百萬兩並仿照直隸募債成案集款一千萬元又向匯豐匯理兩銀行借英金五百萬磅以爲贖路之用遂於是歲十二月初六日由駐比公使李盛鐸將所有應交本息各費共法金一萬二千七百四十萬零一千零四十一法郎三十三生丁統在法京全數交清復由部派梁士詒等將比公使經手各項文卷款項材料一併點收並將抵押奏據悉數收回迭次合同亦經塗銷是月初十日收回京漢全路管理權本路至是始爲我國完全國有之路矣

三津浦路 此路修造之議首創於曾公紀澤至光緒二十二年江蘇候補道容闈亦有是說但初議均擬由天津築至鎮江故名津鎮鐵路嗣以是時方修造京漢幹綫勢難兼顧因未實行二十八年始派北洋大臣袁世凱爲督辦鐵路大臣與英德銀行議訂津鎮路借款合同未經就範卅三年德華銀行代表柯達士至武昌謁湖廣總督張之洞催促訂約張督力言借款築路應分爲二事卽款雖借自英德路則

歸我自辦其議乃定遂由外務部左侍郎梁敦彥與德華銀行及華中公司訂立天津浦口鐵路借款合同同款額爲五百萬金鎊而津浦鐵路之名亦至此遂定三十四年六月開工亦分全路爲南北兩段由天津至嶧縣爲北段由嶧縣至浦口爲南段北段歸德工程司承築南段歸英工程司承築宣統二年又畫分南北兩段界綫以黃河橋爲界三年四月淮河橋工告成八月南段路工告成十月北段路工告成民國元年十一月黃河橋工告成二年全路開行直達通車自天津至浦口長一千八百九十三里亦巨幹也按本路雖亦借款築造而全路營業及建築修繕各項工程事務我國尙有完全自主之權蓋訂約之始幾經審慎始克如此我國將來推廣鐵路自非利用外資不可必不獲已亦須以本路爲法庶乎近之四滬甯鐵路 當前清同治五年英商嘗造淞滬鐵路至光緒二年爲我國所購毀自是二十年間未能修復二十二年南洋大臣始援北洋修築軍用鐵路之例奏請仿辦並議先造淞滬後築滬寧尋卽開工二十四年淞滬綫告成嗣以經費無着工程又復停頓至二十九年乃訂借英金三百二十五萬鎊因蘇紳力爭核減取銷一百萬鎊卽於是歲九月開工至三十四年三月滬寧綫告成全路長五百七十九里本路前設總管理處凡事取決會議洋員每佔多數宣統元年更訂辦事章程撤廢總管理處以華人爲總辦並兼議員領袖主權始漸收回焉

五正太鐵路 此路係光緒廿四年山西商務局與華俄道勝銀行璞科第訂約開辦因拳匪之亂延未開工至廿八年另訂新約借法金四千萬佛郎三十一年後始分段動工三十四年全路告成起石家莊至太原省城長四百八十六里本京漢鐵路支綫然借款未清尙難收回故行車事務仍由公司代理云

六道清鐵路 光緒二十四年豫豐公司與福公司訂立開礦合同中有修築鐵路通運礦產一條英人遂援此要求築造經我政府迭與交涉卒於三十一年借款收回工程已先於二十八年着手至三十三年全路告成自濬縣之道口鎮起至河內縣之清化鎮止長二百六十餘里在借款未還期內所有行車事務由福公司代表管理中國政府僅有監督之權而已

七廣九鐵路 此路於光緒二十四年經總理衙門允英使之請准由英商修築三十二年訂借英金一百五十萬鎊三十三年七月興工宣統三年八月工竣起於廣東省會之大沙頭迄於九龍深圳墟計長二百六十七里按本路上接粵漢下通香港將來粵漢告成則長江一帶貨物輸出歐美者必以本路爲樞紐將來營業可望發達

八汴洛鐵路 此路本爲保持京漢利益而設光緒二十五年由盛宣懷奏准築造二十九年會同豫撫向比國電車鐵路合股公司訂借法金二千五百萬法郎後因款仍不足續借一千六百萬法郎三十年正月開始建造三十四年畢工自開封至洛陽長三百七十里按本路全權原在比公司之手自宣統元年經鐵路局長梁士詒通盤籌畫重行編制始得隱收操縱之實

九吉長鐵路 此路起長春迄吉林長二百三十五里自光緒三十一年日俄簽約載長春至吉林鐵路由中國自行籌款築造不敷之數得向日本貸借以半數爲度三十三年我外部因收回新奉鐵路並與訂立吉長路中日協約三十四年遂按照該協約向南滿鐵路公司籌借日金二百十五萬元宣統元年十月開工民國元年十月全路通車惟土們嶺山洞尙無款開鑿乃以輕便鐵軌繞道聯接至民國九年

山洞告成始行開通

十京綏鐵路 此路係分數段建築而成京張一段自光緒三十一年四月奏准開辦九月動工宣統元年八月告竣長三百六十里是歲七月已奏准展修張綏一段二年三月從事修築三年十月修至陽高計成二百二十八里會武漢軍興工程中輟直至民國元年冬始復繼續進行三年九月通至大同計延長一百零四里四年九月至豐鎮又延長八十一里是歲復兼修京師環城枝路二十二里七年又兼修宣化枝路十七里大同枝路三十七里適歐戰方殷物價昂貴幹綫因而停滯至八年秋復議展築九年一月通至蘇集計延長一百二十二里十二月至卓資山計延長一百四十七里十年四月遂由卓資山直抵綏遠城而全路告成矣幹綫自北京至綏遠共一千二百十三里其經費始由京奉路餘利項下撥付繼由交通部籌款接濟後又在本路餘利項下挪節動支不足更募集國內短期公債以竟其功至全路工程始由詹天佑總司其事繼由鄭陳兩工程司續任其勞締造經營堅苦卓絕卒開我國自造鐵路之先聲誠可引爲榮幸者也

以上皆國有已成鐵路之最著者此外或已成而路線甚短或方修造而尙未竣工或決定興築而尙未籌備者均以限於篇幅未及備載惟各省商辦鐵路自鼎革以還元氣未復金融停滯已成者無從繼續未成者益難進行於是讓歸國有之議起政府順從民意自民國元年後以次收回是亦我國鐵路界中一重要事件也特分別紀其大概於次

一湘路 粵漢鐵路自光緒二十四二十六兩年先後與合興公司訂立合同借款成立輿論大譁而湘

中人士尤爲激烈首創收回自辦之議當是時合興公司已成三佛支綫數十里收回自辦非款不行於是借香港政府一百一十萬磅以爲收贖之用此款湘省應攤七分之三而湘省路股名目繁雜收集維艱且又爲收贖路款所挪用故開工三載僅成長沙至株州鐵路一百餘里識者多以爲憂至民國二年遂議將粵漢幹線之在湘境者及湖南所有三佛枝路七分之三均讓歸國有並舉代表羅文璋等到京與交通部議訂合同該省鐵路遂收歸部辦時民國二年七月也

二川路 川漢鐵路自宜昌以至成都原屬四川鐵路公司辦理因集股不易觀成無期川路股東遂於民國元年五月召集股東大會經衆議決將川路全綫讓歸國有並公舉劉聲元等爲代表到京經交通部迭次開議訂定合約七條至三年九月清算完竣始由部正式接收

三鄂路 自粵漢幹綫爭回自辦以後鄂境之粵漢川漢兩路亦歸鄂省商辦未及興工而武昌義師已起自時厥後公私困竭較他省爲尤甚政府有見於此因定一補救之法大要如下其官招商股專因辦路所用者及商招商股向由鄂省鐵路協會經管而用途正當者皆由交通部分期撥還至川漢彩票股一項由部發給民國元年六釐公債票以資結束其餘賑糶捐款則由部將元年六釐公債票如數撥交財政部專案存儲永爲湖北公共事業之不動基金卽以其息充地方公共事業之用此種辦法由交通部於四年一月呈明大總統作爲定案故未另定合約

四皖路 安徽鐵路公司創於光緒三十一年原擬由蕪湖修至廣德州故名蕪廣鐵路後改由蕪湖直達屯溪遂易名蕪屯鐵路全長四百餘里辦理八年用款二百餘萬兩僅築蕪湖至灣沚五十餘里而已

而所負各洋行債款爲數甚多無從籌還幾至釀爲交涉民國二年九月該路米茶各股東遂推舉代表呈請交通部收歸國有經部調查屬實乃與該代表迭次商議訂定合約十一條三年三月由部實行接收

五蘇路 蘇省商辦鐵路滬嘉一綫原在光緒三十四年滬杭甬鐵路借款合同路線之內是時蘇浙士紳力爭拒款乃由政府與蘇浙鐵路公司另訂存款辦法易直接而爲間接然擾攘多年迄無解決之法民國二年四月蘇路公司多數股東議決呈請政府收歸國有並舉楊廷棟爲代表經交通部與之商訂合約十三條是歲七月一日該路遂由部接收辦理

六浙路 浙路甬嘉一綫亦與蘇路均在滬杭甬借款合同之內故其情節與蘇路略同自蘇路收歸國有浙省士紳亦仿照辦法於民國三年三月公推代表虞和德等到京與交通部訂立合約該路遂於是歲六月由部接收

七豫路 豫路先由河南潼洛鐵路公司經營開辦七年而集股不足定額三分之一成路不及全綫十分之四加以外債糾葛成效難期且此路乃隴海幹綫之中樞關係重要政府決意收歸國有經交通部與該省長官議定辦法凡從前民股鹽股一概發還現款民國二年八月實行接收亦未另立合約

八晉路 山西商辦鐵路起大同迄蒲州曰同蒲鐵路惟公司雖經成立實際頗難進行且該路在同成幹綫以內民國二年山西軍民長官因省議會議決將商辦改爲公有復經議會協商將公有改爲國有遂代表全省與交通部訂立合約六條附件二十條於是將同蒲鐵路公司取銷另立清算機關以資結

束至三年一月始由部完全接收焉

郵政第二

我國郵政局開辦於光緒二十二年至民國九年始滿二十五歲故政府特製一種郵票以紀念之志喜也惟以視瑞典等國皆有二百年紀念郵票則我國郵政誠郵界歷史中之最短者矣當未設郵局以前我國通信辦法原有驛站之制但專爲官文書而設民間不能享用雖間有交由驛吏附寄者究係較有權勢而且爲數不多仍非一般平民所能於是始有私設之信局初不過設於沿江沿海各省同光之際乃漸及於內地尤以大江西江兩流域爲最多北方又有鑛局信差亦以送物遞信爲業此等信局鑛局取資頗廉而寄遞穩速故民間甚信任之光緒年間總稅務司英人赫德氏建官立郵局之議而未實行及李鴻章爲直隸總督始于北京天津芝罘上海牛莊等處設立郵政局卽命赫德管理轉遞甚靈商民稱便嗣後九江兩關道又有設郵局於通商各口岸之請於是政府始決定舉辦郵政但開辦之初不惟所需經費不易籌撥而辦事人員亦無從選任後經再三磋商始決定經費由海關提用人員亦由海關徵集於是所謂大清郵政局乃於光緒二十二年二月正式成立矣當是時郵政局雖已開辦而所有員司每日上午八時起下午八時止終日營營勞苦特甚加以經費維艱薪資菲薄故招募用人應者甚尠且各處分局領袖職員必先行訓練俾有郵務智識始不至於貽誤而此項訓練事務亦須由赫氏兼辦因是種種開辦之始進步甚遲且是時驛站仍隸兵部雖議裁撤尙未實行信局分布尤多僻遠省分亦所在皆有甚爲推行郵政之障礙赫氏憂之乃呈請政府飭下各省凡通商口岸之公文函件歸郵局管

理其他各處則以曾經海關註冊之信局暫行代理亦不得已之辦法也

郵政局設立之始隸於總理衙門因其爲稅務處所倡辦故即歸稅務處管理直至三十二年更定官制特設一郵傳部以管理交通事務郵政當然亦在管轄之列要亦僅有虛名實權仍歸總理衙門掌管迨宣統二年陸軍部（兵部所改設）始將驛站移交郵傳部接管於是外交部（總理衙門所改設）亦於宣統三年將郵政局移交郵傳部直轄時郵政已甚發達各省總局支局共得六百餘處又代辦局四千二百餘所且曾與數國訂立往來互寄合同及民國成立改郵傳部爲交通部其於郵務改良擴充尤爲不遺餘力京師總局則仍舊貫而各省局所則稍事改組以歸畫一蓋從前管理郵務之法係因水陸之便分立區域每區設一郵政局或曰郵政分局以管所轄之各支局而聽命於中央之總局後因郵務日漸發達遂又改以行政區域爲標準即以一省爲一區其有例外者僅有兩區即東三省合爲一區上海一埠亦爲一區是也自民國二年夏間開始籌備至三年一月宣布實行計分全國爲二十一區每區各設管理局一所至民國八年將直隸郵區分爲二區於北京天津各設管理局一所十年又將東三省郵區分爲二區北滿管理局設於哈爾濱南滿管理局設於奉天省城其分設於各城鎮而直隸於管理局者曰支局次於支局者曰代理支局總之郵務之盛衰本與郵局之增減爲正比例我國郵政近經辛亥之役癸丑之變外而歐洲戰事內而南北紛爭然以當局者苦心毅力設法維持不惟依舊進行且能日益發達雖郵政總局因慎重經費不肯遽增局所稍涉鋪張而事勢所趨有不得不增者則仍酌量增加以便推廣是故近數年內所增局所爲數甚多現在合計全國所有郵政局所已達一萬以上亦云盛矣

自郵政逐漸發達寄遞公文毫無遺誤驛站遂成贅疣故民國元二年間裁撤殆盡查宣統二年之歲出預算尙列驛站經費二百四十餘萬兩合洋三百餘萬元今則此項支出亦經節減矣

郵件經行之路名曰郵路大別凡四有鐵路可通者曰火車郵路有汽船可通者曰輪船郵路有航船可通者曰民船郵路至無舟車可通必須以人力遞寄者則曰郵差郵路我國路政航業均未發達故四者之中以郵差郵路爲最長而管理郵路亦以郵差郵路爲最難此未可如何者也然因司其事者苦心孤詣力求擴充故每年仍能逐漸延長茲大概計之火車郵路已達二萬餘里輪船郵路已達三萬餘里民船郵路已達四萬餘里而郵差郵路則已達六十餘萬里矣其辦法之善進步之速卽此已可想見郵務未發達以前每歲入不敷出故自光緒三十年起由海關項下年撥協款七十二萬兩民國以來郵費收入逐漸增加此項協款卽行停撥及民國四年尙可盈餘二十四萬八千兩是爲我國郵政獲利之始自是以還歲有增益及至近日每年開發郵票竟達六千萬元以上則獲利之巨更不待言矣歐美各國自郵務通行後卽創立一萬國郵會凡入會者可與同會各國交換遞送郵件法至善也我國自開辦之初卽有意加入於是一面整頓力求完善一面派員參與美國羅馬兩次大會以資聯絡羅馬大會係開於光緒三十二年我國代表已於是時聲明下次加入民國三年又在日斯巴尼亞都城開會各國遂承認我國加入卽於是歲九月一日實行并於是日附入羅馬包裹章程自此國內國外往來郵件皆可與各國郵局互負遞寄之責因派奉天天津上海廣東等埠管理局爲直接互寄局又於京奉津浦兩路車上各設行動郵局三座派敏練員役專理寄往歐洲各國郵件三年十一月並於天津總站開一新局亦爲

專管兩路互換郵件而設也九年十月又在日斯巴尼亞開萬國郵會博議大會我國特派戴劉二全權代表前往與會蓋我國自加入萬國郵會後特派專員實以本屆爲始是會各國提案多至二千餘件其中較爲重要且與各國有密切關係者計有三案一法國提議將國際郵政公約施行細則中關於客郵各款一律刪除二包裹協約第五條我國要求增收額外資費七十五生丁附件第三條要求增收過境包裹費一佛郎二十五生丁三我國提議此次議決各約中皆定有禁止收寄鴉片嗎啡高根等毒質物之專件以上三案均經審查會提付大會議決通過實我國加入斯會後第一次良好成績也

至外國之設郵局於我國境內者始於英國當我國未辦郵政以前英國即有所謂大英書信館之設嗣復於各海關設之則名之曰中國書信館於是法國書信館德國書信館俄國書信館接踵而起自光緒二十二年大清郵政局成立而後外國各書信館亦以次改名郵政局而冠各該國國名於其上二十六年拳匪作亂聯軍入京日本乃設軍事郵便局多處旋改爲日本郵便局或某處駐屯軍郵便局及某處郵便支局等名約計各國設於我國之郵局凡法德俄三國各十四所英國十一所美國一所惟日本爲最多有一百六十餘所其分布地域亦甚廣大如北京天津上海漢口芝罘蘇州杭州福州廈門南京沙市汕頭長沙廣東濟南皆有日本郵便局此其設於我國內地者也此外尙有關東租借地之日本郵便局設於大連旅順柳樹屯金州普蘭店皮子窩等處有南滿鐵路附屬地之日本郵便局設於瓦房店熊岳城蓋平大石橋牛莊海城鞍山立山遼陽蘇家屯新民屯奉天鐵嶺開原昌圖四平街公主嶺范家屯長奉撫順本溪湖橋頭連山雞冠山鳳凰山安東大東溝等處至哈爾濱一二三四等表所列地名以外

之城鎮亦設有日本郵便局但別名之曰出張所耳而二三兩表各地之郵便局且兼收日文電報此又設於北滿之日本郵便局也又青島及膠濟鐵路沿線亦設立日本軍事郵便多處惟德國從前所設之青島郵政局後爲日本所強奪者民國七年經交通部派員前往交涉收回其餘則一概如故所幸九年萬國郵政大會既經法國代表提議刪除國際郵政公約施行細則中關於客郵各項則將來有適當機會我國即可根據此案要求各國自行撤廢也

電政第三

電政應分爲電報電話電報一項又分爲有線電報與無線電報有線電報又有陸線海線之別茲各述大略如左

(甲) 電報

(子) 有線電報

一陸線 我國電報自同治十三年兩江總督沈葆楨即奏陳架設電線之利奉旨飭辦而未施行至光緒五年直督李鴻章始招丹麥人試辦大沽天津間電報嗣又奏辦津滬陸線由軍餉內撥銀十七萬八千七百兩令大北公司承辦並於天津大沽濟寧清江鎮江蘇州上海七處設電報局七年竣工又上海招商股八十萬元至八年三月遂改爲官督商辦自是以降設浙江線以通廣東設長江線以通漢口十年添設京津線十三年滬漢線展至重慶成都而雲南騰越蒙自等處亦相繼通報並由枝線接展貴州是時貴州亦已自設電線通至省內各重要城鎮及兩廣等處此南方之線也至北方若東三省亦於是

時先後設線由奉天吉林寧古塔以至長春十四年設江西線十六年延長保定至山陝線以通甘肅寧夏十七年以後每歲均有增設其重要者有襄陽線以通西安武昌更延長至湘潭萍鄉等處二十年新疆線路亦通二十五年北京至恰克圖線告成二十六年直隸山東東三省等處電線爲拳匪所毀至三十三年始得漸次修復云

二十八年諭旨電報改歸官辦特設電政大臣以管理之惟商股仍舊三十二年九月設立郵傳部電政始歸部直轄三十四年改電報總局爲電政局因商股股東顧全成本不願減輕報費乃議收歸國有共用銀三百九十六萬餘元將商股全數收回宣統二年六月又將各省官線七萬餘里局所三百五十七處收歸部辦是時全國電線統計十二萬里局所共有六百餘處矣及辛亥軍興之際電政頗遭蹂躪民國初年省自爲政不相統一以致進行上頗有停頓交通當局有鑒於此遂於二年參照行政區域就線路之便利分設電政管理局十三處劃一章程於是始復漸有進步焉十三管理局者曰直隸電政管理局管轄直隸山東各電局曰奉吉黑電政管理局管轄東三省各電局曰江蘇電政管理局管轄江蘇全省各電局曰鄂湘電政管理局管轄湖北湖南各電局曰粵桂電政管理局管轄廣東廣西各電局曰晉豫電政管理局管轄山西河南各電局曰閩浙電政管理局管轄福建浙江各電局曰贛皖電政管理局管轄江西安徽各電局曰雲貴電政管理局管轄雲南貴州各電局曰川藏電政管理局管轄四川西藏各電局曰陝甘電政管理局管轄陝西甘肅各電局曰蒙疆電政管理局管轄內外蒙古各電局曰新青電政管理局管轄新疆青海各電局又電報價目之高下與電政之發達關係最鉅我國從前誤謂報價

低廉則收入必較減少光緒三十四年政府派員往萬國電報公會旁聽始知各國均以中國報費爲太昂宣統年間因酌減二成但層累遞加之法仍未取消也民國元年始將報價減爲本省每字六分隔省加倍遠近一律商民稱便拍寄愈多故元年減價之後收入反較宣統三年增十七分之一以後年有增加例如四年之下半期較清季之一年且增十分之四是則報價愈低廉報務愈發達之確證也

我國早有加入萬國電報公會之意而苦無機會至民國九年八月交通部始預備實行加入因按照萬國電報公約第十八條會同外交部照會駐京葡萄牙公使請由彼國政府通知在會各國及瑞京萬國公會聲明中國認繳頭等會費十年五月准葡萄牙郵電總署一月七日函稱中華民國已加入西曆一千八百七十五年在俄京簽訂之萬國電報公約云云自此我國始正式加入萬國電報公會以後與在會各國可享同等之利益矣

二海綫 我國自辦之海底電線只有三綫一徐口綫自廣東徐關起至瓊州之海口止光緒十年由大北公司所代設者二滬烟沽正綫自上海起經烟台至大沽口止二十六年拳匪亂時內地消息不通大北公司乃設此綫事後經我政府收回自辦三烟沽副綫由烟台起至大沽止爲我國借款所建設者至與他國合辦之海底電綫卽中日烟大水綫是也此綫由烟台至大連本爲俄國所設日俄戰後爲日本所得經我政府與之交涉作爲中日合辦在中國領海七哩以內爲中國所有餘則歸日本管轄此外純爲他國所辦而與我國有關係者英國大東公司所經營者有三一由香港至川石山二川石山至上海三由香港至印度丹麥大北公司所經營者有二一由香港至廈門二由廈門經上海至長崎德國所經

營者有二一由上海至太平洋小島葉堡二由上海經青島至烟台此綫中之一部分於民國四年爲日本所奪法國所經營者祇有由鼓浪嶼至越南之海防一綫美國所經營者亦祇由上海經小呂宋至檀香山一綫日本所經營者有三一由上海至長崎二由大連至佐世保三由川石山至台灣此綫本爲我國所建設後以十萬元售歸日本云

（丑）無線電報

無線電報乃意人馬爾氏發明於西曆一千八百九十五年卽我國光緒廿一年也越十年爲光緒卅一年直隸總督袁世凱聘意國葛拉斯等爲教習調選上海電局學生至天津學習無線電報是歲十月畢業而葛氏代購之馬康氏電機亦到因在海圻海容海籌海琛四艦設機令學生實習並於南苑天津保定行營設機通報頗著成績卅二年奏聞賞葛氏寶星卅四年吳淞崇明間海綫毀斷蘇人因設淞崇無線電局宣統元年購回上海英商匯中旅館之無線電台附設於上海電報局內三年德國西門子德律風廠在南京北京借地試驗無線電報我政府見其收發甚靈通報甚遠乃由海軍諮議處收買供用民國成立南京一台吳淞一局均因軍事毀壞而北京一局歸交通部接管並向德國購同式電台設於張家口二年交通海軍陸軍參謀等部會議訂購無線電台八座分設內地邊疆各適中之處如熱河長安重慶成都裏塘西藏塘沽等處電綫偶受風災卽形梗阻令亦次第添設無線電台以靈消息復與麥剛聶無線電報公司訂造無線電台三座又與馬可尼合組中華無線電報公司資本英金廿萬鎊中英各任其半近來更與美商訂設最大無線電台於上海因日本藉口抗議尙未解決以致遲遲甚足惜也

(乙)電話

自光緒七年英商東洋電話公司始設電話於上海租界而各埠外商遂相繼安設如俄國於營口大連哈爾濱旅順德國於膠澳芝罘皆有電話之設迨日俄戰爭以後南滿各地日本所設電話尤多至我國人所自經營者以天津爲最早惜爲拳匪所毀光緒二十五年七月電政大臣盛宣懷奏准於電報局內附設電話是爲官辦電話之始二十六年丹麥人濮爾生乘匪亂未平得公使團之承認安設天津北塘塘沽等處電話二十七年濮氏又設北京電話二十九年政府設電話局於廣東三十年收回濮氏所設之北京電話三十一年又將濮氏所設之天津等處電話收回三十二年上海電報局亦附設電話是歲郵傳部成立電話事業歸其管理三十四年部辦太原上海廣東等處電話並擴充北京天津電話而漢口武昌開封奉天福州廈門諸處電話亦相繼安設宣統元年收回德人所辦津沽電話擴充上海閘北電話並添設水綫接至浦東二年訂定各省電話暫行章程規定部辦省辦商辦權限如京津滬粵等處爲部辦贛皖湘甯蘇黔豫魯及長春安東齊齊哈爾吉林等處爲省辦福州武昌漢口等處爲商辦三年省辦增成都一處商辦增無錫雙城兩處是歲八月武昌軍興各省響應軍馬倥傯之際各處電話極受損傷民國以來改良擴充歲無虛日以故現在各省會各商埠各機關以至商家住戶下及勾欄劇館殆無不設電話以便交通此亦可見我國電話事業日益發達之一斑也

航政第四

我國河川之多航路之廣夙爲各國所驚羨蓋內地各處幾無處不有河流而所有河流又無河不通舟

楫也加以東西沿海數千里更隨處皆有港灣可以航行各國是則我國水運之利在世界各國中殆可首屈一指矣乃海通以來將及百載而航業情狀方始萌芽此其故蓋因前清政府故步自封不能盡提倡獎勵之責人民方面亦無團結之力遠大之圖故不惟海洋航路無可言之價值即內河航路亦爲外人所攘奪言念及之可爲浩歎茲僅就我國現在汽船及航行區域紀其大概所願政府與人民本互助之精神盡補救之責任數年之後或尙有振興發達之一日也

一遠洋航路 我國向無汽船行駛東西各洋喪失海權拋棄大利可恥可惜莫甚於此至民國四年日人以二十一條要挾我國於是旅美華僑力抵日貨日人恨之適美洲太平洋郵船公司因事停航日人遂故高其船價以圖報復華僑益憤乃籌抵制之法而中國郵船公司遂以是歲十月一日成立公司原定資金二百五十萬元但成立之日僅集得五六十萬而已乃以三十萬美金向美洲太平洋郵船公司購船一艘名曰「中國」重一萬零二百噸長四百八十尺即於成立之日由金山開始航行經檀香山日本上海以至香港此實我國汽船通行太平洋之始當是時公司雖僅有船一艘而營業極旺第一次即獲利數十萬元於是國人益形踴躍營業亦愈發達先後添購二輪一名「南京」一名「尼羅」且中美間往來船隻甚少公司三輪均得各國商人之信用每次客貨各艙無不滿載營業之盛傳播一時交通部爲獎勵遠洋航業起見以該公司每年所納噸鈔由部發還移作獎金民國五年已經核准自該公司船隻到關納鈔之日起扣足一年提給補助金五萬元每船即一萬二千五百元核給以三年爲限云

二近海航路 近海航路初亦無船通行始自距今二十年前南洋華僑紛起組織公司購輪行駛南洋

各島原冀稍挽利權卒以無海軍保護虧累甚鉅先後停業現存不過數家而已一新嘉坡和源號林秉祥購置豐遠豐美豐茂豐盛往來新嘉坡檳榔嶼仰光暹羅安南汕頭廈門各埠一爪哇建源號黃仲涵周炳喜黃俊慧李炳耀陳金獅鄭俊卿等購置「物睡」「裨時」「望安」「隨糧」「仰安」「五輪」往來三寶壟泗水井里汶巴達維亞新嘉坡香港汕頭廈門等埠一仰光雙德號林振宗購置「雙春」「雙美」「雙安」「雙福」四輪往來仰光檳榔嶼新嘉坡暹羅安南香港汕頭廈門等埠林振宗又與林國重林桂園等組織廈門分行名曰宗記專理南洋航務此外行於南北洋各埠者尚有招商局創於前清同治十一年係李鴻章所奏辦光緒九年中法之役以銀五百二十五萬兩押與旗昌洋行逾年贖回當成立之始祇有船三隻後承領閩廠八艘向英國續購兩艘嗣是逐年增添現在有大小江海輪船二十六艘矣其資本同治十二年僅有四十七萬六千兩光緒六年增爲一百萬兩八年增爲二百萬兩二十三年增爲四百萬兩自光緒六年歸還官款後純爲商股但四十年來幾經蹉跌均賴官力維持始得漸臻鞏固其航路原定長江上下游南北洋各海岸及日本小呂宋新嘉坡等處後因他故未能按預定計畫實行以現在言之僅上海至牛莊有船四上海至天津有船二上海經芝罘至天津有船四上海至寧波有船一上海至福州有船二上海經甯波至溫州有船一上海至香港廣東有船三上海至廈門汕頭有船一而已招商局以外航行南北洋各海岸者如順義公司有船二艘往來上海青島芝罘天津等處寧紹輪船公司有船二艘往來上海寧波等處圖長公司有船一艘往來上海瓊春等處合安公司有船一艘往來廣州赤坎等處以上皆有一定之班期一定之航綫俗所謂公司船者是也又有稱爲野鷄班者則班期航

綫均無一定如華輪公司有五船或往津沽或往閩浙屆時因客貨之地點而定往來之路者也他若鴻安公司有二船元一船行有三船其行期路綫亦與華輪相同亦皆臨時決定近海航業如此而已以與外商相較殆小巫之見大巫亦可恥矣

三內江航路 內江航路亦以招商局爲最多蓋該局規派航輪之初凡屬江字輪船皆令其駛行長江如「江裕」「江孚」「江新」「江永」「華江」等五輪專往來上海與漢口之間民國五年後又租用沒收之一華大」共計六艘每艘以一星期往來一次嗣因太古怡和兩公司在長江擴充航業該局遂又添造一艘名曰「江安」而前租之「華大」亦由局收購共爲七艘至宜昌重慶一路向僅「江通」一艘近又新造「江慶」一艘加入行駛又有一「固陵」「快利」兩輪亦經指定往來長江各埠誠以長江爲我國航業上主要綫路故該局競爭如此其力也他如川江輪船公司由宜昌至重慶既濟等兩湖公司均由漢口至湘潭泰安公司由漢口至常德道生公司由漢口至湘潭及由南昌至九江祥昌公司由南昌至九江見義公司由九江至饒州志安公司由香港至梧州兆安源安紹安三公司均由香港至廣州各有輪船一二艘至三四艘歐戰以後我國人士鑒於黑龍江爲我國固有航權因組織戊通公司收買俄國遠東船舶二十餘艘據愛琿條約以航駛黑龍江上下游各埠亦我國近來航業中之差強人意者也我國航業界尙有一事可紀卽江南造船廠是也該廠自距今五十年前曾文正公領兩江總督時卽奏請興辦開辦之始專爲國家造船歷時甚多無甚發展後來改爲商辦於是上海及中國各埠凡關於船隻之建造修繕等事務皆歸經理業務始漸發達但廠中一切事權仍歸南京及直隸兩總督直

轄民國成立因造船廠與海軍有密切關係又改歸海軍部管理自是厥後益加擴充進步甚速從前我國所須軍艦商輪多在英美日等國訂購近歲則均由該廠承造總計所造大小船舶將及四百艘亦云盛矣數年前並爲前俄國政府承造船隻堅固適用名譽益著而美國於該廠信任尤堅前年向該廠定造一萬噸以上大汽船四艘以次竣工赴美交貨極爲美政府所贊許嗣復加造一艘近亦造成英報謂該廠一躍而於遠東造船界佔一重要位置中國實足以自豪此固友邦提携之美意而該廠規模宏大技術精工實亦足以當之而無愧也

航空第五

交通事業向僅分水陸二種自飛機飛艇發明以來交通界遂另開一新紀元而有所謂航空事業焉近頃東西各國無不力求進步成績已著惟我國方始萌芽尙無成績可言茲就現在航空情狀述其大略聊備一體而已我國航空事業實始於前清宣統三年是時僅有法國沙麥式雙翼飛機一架在南苑設一飛機試行工場以資演習民國二年添購奧國愛特立克式雙翼飛機二架嗣後參謀部又向法國訂購高德隆單翼式飛機十二架乃改工場爲航空學校招生教練造就飛行人員以爲將來辦理航空事業之用前後畢業者將及百人自是以降政府漸知領空權之不可失且知航空與軍事交通有重要之關係頗有大加擴充之意遂於八年訂購商用維克式飛機百五十架特設航空事務處以丁錦爲處長並改航空學校爲航空教練所而純屬於參謀部當是時交通部亦設一航空事宜籌備處而以丁士源爲處長購備大號飛機六架兩處事權不一時有爭議迨直皖戰後始將交通部所設籌備處撤銷而歸

併於事務處且改隸於國務院焉厥後又改航空事務處爲航空事務署編定官制規模益宏所惜經費不足未能開辦海陸軍飛行遂擬先從商務飛行入手而商務飛行又擬先從京滬航綫入手乃於九年十一月在航空署內設一籌辦京滬航綫委員會分經畫執行兩組以專責任而策進行本綫橫貫黃河長江兩流域計長二千五百四十二里設北京天津濟南徐州南京上海六航站又於馬廠大汶口南沙河任橋板橋鎮江蘇州七處各設一備用飛行場關於各場站建築工程自是歲十二月二十八日起以次開辦至十年五六月間北京至濟南各場站先後告成惟濟南至上海各場站尙未一律竣工乃決於七月一日先辦京濟飛航後因慎重起見於六月二十七日試航一次是日所用飛機爲大鵬號自上午七時五十分由南苑出發至上午十時十五分安抵濟南午後四時五十分復由濟南飛還午後七時三十分安抵南苑此次試航結果頗爲美滿七月一日之正式飛行遂以決定是日所用飛機初擬仍用大鵬臨時又改爲正鵠號由英人培德孫氏任駕駛之責以我國一人爲之副自午後四時三十分開往濟南次日上午遄返北京往來穩速成績尙佳但航空事業當此創辦之際不惟駕駛人員不足於用卽各站管理人員亦形缺乏遂又設一航空管理講習所遴選前航空學校畢業生及航空署職員送入肄業以三個月爲期畢業後將派往各航站服務又另設一航空警察教練隊以爲養成航空警察之用此我國年來辦理航空之大概情形也果能從此益加研究切實擴充將來全國各飛航綫四通八達互相聯絡其爲利於國家人民誠非淺鮮也

交通教育第六

交通事業均係專門學問非特設學校或派遣留學生以資肄習則人才缺乏進步難期此交通教育所以爲主要政務之一也茲將我國歷來交通教育情形分述如左以爲本篇之總結焉

一上海工業專門學校 此校原名南洋公學光緒廿二年盛宣懷所創辦卅年隸於商部卅一年改名商部高等實業學校卅二年移歸郵傳部管理遂又改爲郵傳部高等實業學校民國元年交通部按照教育部新章定名工業專門學校並將高等專門科之鐵路電機兩科正名爲土木工科及電氣機械科自開辦以來辦理畢業至十餘次之多其畢業學生均由部挑選成績最優者每科每年各二三人派赴美各工廠實地練習餘則派往各路各局學習服務九年冬交通部開辦交通大學遂將本校併入辦理

二唐山工業專門學校 此校創於光緒三十一年由津榆路局籌資設立三十二年改歸郵傳部直轄其經費仍由京奉路按月撥解初名唐山路鑛學堂民國元年改爲唐山鐵路學校學科以鐵路工程爲主三年咨商教育部正名爲工業專門學校其高等土木工科課程分預科本科二級預科一年畢業本科四年畢業自宣統三年以來每歲皆有畢業學員均經交通部分別派往各機關學習當民國元年該校曾向美國鐵路公司訂購各種機器儀器故關於實習一層該校辦理尤爲完善九年冬亦經併入交通大學矣

三北京交通傳習所 本所創辦於宣統元年分鐵路管理及郵電兩班民國元年冬得畢業生一百四十九人二年春添設統計班三年九月得畢業生七十七人當二年冬間又曾特設無綫電速成班同時並設一高等電氣工程班分習無綫電及有綫電各種工程三年復添設鐵路專修班及工程班兩班嗣

是陸軍部咨送上下級軍官二十餘員來所研究輕便鐵路乃爲特設一班名曰軍官講習班厥後又將該所大加擴充改爲鐵路管理及郵電兩學校於是學科益備成績愈佳九年亦同時併入交通大學四交通大學。近年以來交通當局以我國交通事業之未能發展實由缺乏專門人才而專門人才所以缺乏又由學制之不統一故欲謀改革而求進步應從統一學制入手遂於民國九年十二月二十一日呈准大總統將上海工業專門學校唐山工業專門學校北京郵電學校北京鐵路管理學校四校合組爲交通大學其呈文略謂查外國大學爲統稱之名詞大學本體爲總攬大綱之學府大學分科乃爲實行教授之機關故大學分科常就適宜之地分別建立而精神上則統屬於大學本體系統至爲分明責任至爲專一現在上海唐山兩處工業專門學校程度略與外國大學初二年級相當根柢尙固成績亦佳北京郵電學校鐵路管理學校雖範圍較狹亦具有高等專門基礎茲爲統一學制起見擬將該四校校制課程悉心釐定分別改良列爲大學分科而以大學總其成名曰交通大學云云於是組織董事會制定大綱而分大學爲經濟理工專門三部部各分科經濟部分交通等二科理工部分土木工程四科專門部分鐵路管理等七科此外尙有附屬中學及附屬特別班其校址及設備多就原有者量爲分配故將經濟部各科設於北京理工部各科分設於上海唐山兩處中學則各依其所附屬之學校至專門各科及特別各班各依臨時之需要而定各學校各設主任一人而直隸於校長校長由出席董事三分之二以上推舉經交通部呈請大總統任命之各校主任則由校長推舉而經董事會之同意再行聘任至各校所有教職員則由各校主任聘任而呈報於校長此交通大學組織之大概情形也乃設交通

大學總辦事處於北京統籌一切而北京上海唐山各處分科大學遂以次成立

五派遣留學生 派遣上海各處學校畢業生前赴東西洋肄習四政自前清郵傳部始學成歸國分往直轄各機關及其他各機關服務者爲數甚多成績頗著鼎革以還其原派在外尙未畢業者均由交通部繼續給費而民國初年每歲亦有增派嗣以所派各生既俱係直轄各校高等專門畢業生則於學理已多有研究出洋以後應專注重練習事務庶事半功倍而費用亦較省乃將派生游學之例停止另定派赴各國修習實務章程二十條以立標準而示限制自是以降遂均按照新章辦理在國家可以節省經費在學生亦可少耗光陰誠公私兩有裨益矣

此外尙有前武昌甲棧鐵路學堂福建船政學堂吳淞商船學堂及近年交通部交通行政講習所以至航空學校航空管理教習所之類亦皆交通教育事項特以篇幅所限不及詳紀

右所述路電郵航教育各項僅就吾國已有之交通事業舉其犖犖大者外此如事業之範圍稍狹或調查所未周者尙未能一一縷述又如鐵路一項已敷設者有廣三潮汕新甯漳廈等綫純爲我國自辦之鐵路主權完全營利亦甚發達其已經開工因款絀中止或業經測勘而未動工者則有川粵漢隴秦豫海株欽甯湘浦信同成等綫爲縱連南北橫貫東西之幹綫關係吾國交通前途至鉅就中以川粵漢隴秦豫海甯湘株欽各綫尤爲重要今後宜以促成此等路線爲吾人之急務此外交通事業愚以爲今後國人應注意者約有數端大戰以還列強對於空中交通器具力圖改良期致實用故各國航空事業駸駸乎有與水陸交通鼎足而三之勢我國對於此種事業素鮮講求製造駕駛管理各項人才尤形缺乏

若不與時偕進空中領域恐非吾有此應注意者一運輸要具鐵路輪船尙矣然港口爲船隻停泊之所
在河道通內地運輸之血脈其重要亦正相等此外如國道縣道鄉道各種公路建築之費既不若鐵路
之高昂學識之需要又無須過於高深比較鐵路興辦尤易況公路一興收容工人必衆方今縮減軍備
之聲浪甚囂塵上裁兵之事早晚必當實行然裁遣軍隊而無收納方法爲國家計亦非萬全政策故公
路之興辦一方面既可以便利交通一方面更可爲裁兵善後實爲兩利之策近聞滬上有全國道路協
會之成立發起贊成者皆當代聞人吾願國人對於此事力予贊助以謀公路之發達更願國人對此港
口河道亟謀所以建築濬導之方以補助陸上交通之不及此應注意者二無線電信一項大戰時期各
國軍隊曾利用之以爲偵察報信指導防禦之攻守戰具甚著成效然平時商船安設無線電報若遭遇
颶風亦可免迷失航程之險故無線電信效用近益彰著其進步亦一日千里我國已設無線電報之處
爲數極少無線電話更復未具規模亟宜從事振興以期收軍事商業之便利此應注意者三余從事交
通事業垂二十年祇以學殖不深毫無建樹居恆自反輒用愧赧今冬申報主人以申報五十週紀念冊
行將出版徵吾國交通歷史於下走固辭不獲謹將吾國交通事業已往成績現在情形與夫將來之希
望參以鄙見拉雜記之貢諸社會以爲研究交通事業之一助邦人君子其有聞而興起者乎恭綽將馨
香以祝之矣

交通與教育民國十四年

我國自改元以還禍變相尋百業凋敝有識之士奮袂急起羣謀所以挽救之方因悟其癥結所在由於

國民之智識薄弱正本清源乃出於促進教育之一途年來國家多故而教育一事支撐於萬難之中獨能振聵發聾轉移風氣進步之速一日千里舉國萎靡就悴之際經此新潮激盪竟如甘雨潤花生機漸轉民國以來之偉大成績無逾於此誠教育家所堪引以自慰者也然迴顧交通事業則在有清末季尙在艱難締造之境自入民國除在初元尙呈發揚氣象外此後頻年爭戰攘奪紛更不僅無發展之可言卽前清已有之萌蘖亦幾幾無從維繫馴致國計民生交受影響主政者心餘力絀挽救無方衡以教育家之偉績有餘愧矣

教育與交通俱爲立國要素以我國現狀而論兩者均苦其幼稚欲蘄民智之發展生計之日裕兩事均有待於發皇而尤貴有均衡之進展年來慮國之士對於教育事業類多努力於學制既圖謀改進於門類更倡闢新途而平民教育與職業教育尤足迎合需要舉爲世重然民智發展而生計疾苦則日甚一日實業之發展無期教育之功效難溥究其樞紐多緣交通濡滯此交通救國之論鄙人所以兢兢自守者也

交通事業之重要爲世界所公認舉凡政治軍事財政經濟文化實業之運用以及一切國家庶政之設施無一不恃交通爲前驅其影響於民生者如土地之墾闢貨物之懋遷人工之消納實業之推廣皆足以增裕國家生產發展國民經濟於社會羣衆之生活問題有莫大之關係現世研究社會經濟者皆認歷史活動之重心在社會進化社會進化之重心在民生發展而民生問題則固無在不與交通相聯屬者也

人生需要最大者莫如生活與智識自原人以來胼手胝足窮心極智以求適存於世界者無非爲求滿足其各種需要需要愈繁欲望愈奢而世界亦愈進步其間因果起伏至堪尋味而相緣以生之中心問題則交通是也先從生活上之需要言之則衣食住三事爲維持生命之要素其中如衣之紡織食之耕種住之建築無論若何簡單均不能不經交通之程序自人羣結合而有共同生活往來頻繁而行之需要亦形顯著近世交通發達瞬息千里時間空間之距離曾不足爲人事之阻礙是生活上之需要交通已占極重要之位置更從知識上之需要言之則人類自有靈識卽生意思之交換而文字之媒介亦非傳遞不爲功近世科學發達同一問題研究者恆隔千里是通訊爲交換知識之利器自知識發達而感獨居之孤陋質疑問難磨礱砥礪不能無往來孔孟周遊列國而道行司馬游覽山川而文暢近自新潮東漸而世界聞人連翩戾止是行旅爲促進知識之利器人類進化之樞機非從羣衆知識中比量之不能得其真相而欲一般羣衆之向上則知識必求普及如書籍之流傳饗舍之講習自古卽爲重視近世學術進步教育發達亦多賴宣傳之力如報紙郵電皆屬推廣之工具是交通實爲灌輸知識之利器更有進者新式交通爲專門事業之一種其規劃組織運用實施皆具有極精密之研究切實之方法與誠篤之精神一般人耳濡目染亦足收潛移默化之效是交通且足以影響知識於無形以上猶就人事需要分析言之今試進而論其相互關係則交通調劑其間尤具莫大之功效蓋人類生活無在不與交通爲緣而改善其生計使有求知識之能力與興趣以及增進其知識使知謀生計之舒展與安樂均非賴交通之輔助不能達凡一國之交通不能遍地皆同其發達之程度必有遲速在通都大邑之區實業發

達教育普及人民之生計與知識自必日有增進生計既裕則求知之心切知識既充則謀生之道廣因果相緣提携競進而進化乃愈無止境然在窮鄉僻壤縱有富源無從啓發生計艱難知識寡陋進化亦必遲緩欲求調劑勢須謀交通之便利蓋輪軌貫通郵電便捷則內地城鎮處處受通都大邑之影響因商業之周轉金融之流通而發生經濟之關係因人民之往來習尚之模倣而促進生活之情況因消息之傳達感情之聯絡而轉移社會之觀念因利害之相關榮悴之與共而引起政治之興味其間民衆心理之改造經濟能力之增加均爲發展教育溝通文化之動力而無一非交通調劑之功也雖然教育固不能離交通而獨存交通亦斷不能舍教育而見效如培植人才教育之事也交通爲專門事業必賴有專門技術人才以創造維持之而此種人才須經多方陶冶始能成就我國自海通以還所謂交通事業十九以普通官吏主其事而輔以客卿間有專門之士或投散四方或沉屈下僚不易有以自見故由光緒初禩以迄三十年殆無專門人才之可言厥後交通部（前清郵傳部）自辦學校成材漸衆留學歸國者亦年有其人於是學生漸有進用之途而交通要職亦漸得廁足其間然上乏鈞深致遠體用兼賅之士下缺篤信謹守深造有得之輩以需用過亟且牽掣太多既不克假以歲月充其經歷亦不克分工求備極其專精凡此皆教育上之問題而足以影響交通事業者又如造成輿論教育之事也交通爲社會事業之一種非賴有羣衆之督促援助不足以發揚維護共策進行我國交通事業除航政外幾全爲國有一切措施因以委諸政府國民袖手旁觀曾未稍研究迭經政潮之波及支離破碎遂致造成今日之景象以休戚相關之事業國民身受痛苦而不恤其不能了解交通之真諦洞悉交通之內容殆已彰然

明顯國家交通猶人身之血脈生死存亡繫於一問其與國民有切膚之關係何假詞費然迴溯四十載以來交通往事當創議之始動受陳腐思想之阻撓開辦之際屢經無知愚蒙之破壞其後艱苦進行既無清正輿論之扶持力圖發展更鮮堅強民意爲後盾主政者偶有觸發奮起圖謀亦感於四周空氣頹然軟化如交部之行政動輒受外力之干預而國民視若無覩特別會計爲救死之要藥而輿論誤會偏多登進專門人才則指以造成黨系計籌新增事業更疑以別有用心孤掌難鳴衆咻莫解在此種情況之下而欲求交通之健全如血脈之通暢其亦幸至今日始圖窮七現耳我國交通事業已瀕破產以現時內政之不寧外力之壓迫恃政府之能力斷無革新之希望將來或屬國際共管或歸國民掌握祇視我國民最後之決心若念及交通之不自由其困苦遠在關稅及租界現狀之上當必有憬覺奮起者然此非徒托空言所能奏效必先有下列之準備一對於交通事業應有明確之知識二研究交通設施應有相當之同情三評判交通是非應有近情之理解四援助交通計劃應有堅忍之決心凡此種種胥視國民教育之程度而交通前途禍福之所繫也由此具見交通與教育在一國行政上呼吸相通不容有所偏倚必須均衡發展互爲呼應始足收車輔相依之效惟從往事觀察雙方似尙少提携之機會如教育界之各種運動及研究多不及交通之技術教育而交通界之各種進行亦未遑多謀教育上之協助（交通部對於教育雖嘗極意維持如協助國立八校輕費減免教育用品運費及發給教育團體免費券等但影響尙小）此種偏枯現象足爲國政上之阻礙是兩界負責者所當深思而努力者也

交通教育略史 民國十四年

交通部當前清郵傳部時對於教育事務卽已見其重要初僅就原有之成規繼續推廣嗣更興辦其他教育以爲補助三十年來成材不下數萬其間經過情形及現在狀況容有爲外間所未深悉者茲述其厓略於後以供當世教育家之參攷

交通部所辦之特殊教育可綜分爲四類一專門教育如部轄大學及留學生之派遣二普通教育如各路之扶輪學校三速成教育如電報學校巡警教練所等四職工教育如各路之職工學校

一專門教育

甲部轄大學

交通部綜理之路電郵航四政皆屬專門事業非豫儲專門人才無以發達前清郵傳部成立之時於奏擬議定官制一摺（光緒三十三年六月）卽首先以造就人才增設學堂爲言且擬附設工廠爲實習之預備其時部轄學校僅有上海實業學堂（今南洋大學）及唐山路礦學堂（今唐山大學）兩所至宣統元年添辦交通傳習所（今北京交通大學）宣統三年開辦吳淞商船學校而育才之事稍具規模此外如四川鐵路學校正太鐵路學校等或停辦已久或規模較狹茲俱從略

一南洋大學 該校初名南洋公學光緒二十三年成立由招商電報兩局資助其初開辦之學科有師範院上院（卽專班）中院（卽中學）小學特班及東文學堂五類均屬普通性質至光緒三十年時改隸商部易名爲商部高等實業學堂三十三年改隸郵傳部易名爲郵傳部高等實業學堂而學科性質漸趨專門因有鐵路電機及航海等專科之設民國元年政局變更復改名爲交通部上海工業專門

學校科目亦重釐定爲土木科及電機科附設專門預科中學普通科及小學民國七年添設鐵路管理科至民國十年與其他部轄專門學校合組爲交通大學更名爲交通大學上海學校將土木科移至唐山鐵路管理科移至北京並接辦唐山之機械科民國十一年交通大學解散更爲今名科目仍舊惟恢復鐵路管理科該校現行學制如下大學部四年畢業分機械電機及鐵路管理三科中學部與小學部均四年畢業現共有學生九百十九人（內大學部四百廿九人中學部三百十五人小學部一百七十五人）截至十四年七月止前後共畢業大學部六百卅七人中學部及預科一千三百四十一人小學部八百零四人經費預算每年廿七萬五千元（近因路款支絀歷年欠發經常費已達廿四萬元）

二唐山大學 該校創辦於光緒三十一年初名鐵路學校假直隸開平鎮武衛前軍學堂爲校舍由關內外鐵路負監管之責旋移唐山與開平礦務公司合辦改名爲唐山路礦學堂分鐵路礦務兩班三十三年改隸郵傳部宣統元年礦務班停辦添設電學班宣統二年添設中學班改元後歸交通部直轄易名爲唐山鐵路學校二年復易名爲交通部唐山工業專門學校仍辦土木科及預科民國八年添辦鐵路機械科十年改組爲交通大學唐山學校將鐵路機械科移往上海歸併南洋之土木科十一年交通大學解散易爲今名科目仍舊該校現行學制如下大學部四年畢業現辦土木一科從十四年起添設市政及衛生工程科預科二年畢業現共有學生二百三十三人（內大學部一百五十四人預科七十九人）截至十四年七月止前後共畢業二百六十八人經費預算每年十六萬七千元（歷年欠發經常費約十萬元）

三北京交通大學 該校於宣統元年創辦初名鐵路管理傳習所繼更名爲交通傳習所先後辦有鐵路高等英文班鐵路高等法文班統計班鐵路專修科中等班鐵路專修科高等補習班無線電速成班郵電高等班高等電氣工程班有綫電工程班等民國三年附設軍官鐵路講習班五年附設海軍部軍官班民國六年改爲鐵路管理及郵電兩校其管理學校之科目分爲高等實習兩科各有英文法文等班郵電學校之科目分爲高等電氣工程班中等工程班有線電工程班等民國十一年兩校復合併爲交通大學北京學校以本校原有及上海遷來之鐵路管理科爲大學部其餘爲專門部及預科十一年交通大學解散更名爲唐山大學分校嗣復更今名該校現行學制如下大學部四年畢業辦有鐵路管理一科預科兩年畢業現共有學生三百六十三人（內大學一百九十一人預科一百七十二人）截至十四年七月止前後共畢業一千六百五十人經費預算每年十四萬四千元（歷年欠發經常費約共二十三萬元）

四吳淞商船學校 該校於宣統元年設立先本附設於南洋大學旋以地點不合造船科之用於宣統三年遷於吳淞分高等中等預科三班學生共一百六十人嗣因經費支絀於民國四年停辦現交通部以航務人才日形缺乏正籌商恢復該校辦法

乙留學生之派遣

我國交通事業以鐵路爲主幹故儲才之議最初亦偏於路政光緒卅三年梁士詒氏綜理借款各路事宜因見鐵路人才之缺乏乃多設留學名額民國後朱啓鈴及周自齊二氏更注重分門研習之法而留

學名額亦漸以擴充計自光緒三十四年起至民國十四年六月止逐年派遣之留學生總額已達六百餘人之多內派赴英國者一百十八人比國五十二人美國二百卅五人日本一百十九人德國三十七人俄國六人奧國四十一人法國廿三人瑞士三人其中視其留學目的分爲三類一留學生赴大學或專門學校以研求高等學術爲主旨二修習實務員赴公司局廠以修習關於交通實務爲主旨三實習生與修習實務員性質略同但待遇有別施行至今頗著成效舉凡鐵路上之工程機械車務會計等之人才漸以齊備十四年七月交部爲整理留學事務起見復頒布管理留學生章程廿四條以確定留學之目的所有學生待遇及管理方法均附焉（內定留學生名額共七十名每年經費約需二十萬元）

二普通教育

民國七年春鐵路同人以我國教育普及無期路員子弟多處僻壤均以失學爲慮因發起鐵路同人教育會籌設各路扶輪學校以資救濟其經費除由各路補助外悉由路員量薪捐助辦理至今成效頗著現共有中學一所高等小學三十一所國民學校三十二所皆沿國有各路設立學生總數計達六千人以上學科均照新學制編訂每年預算總數約二十一萬四千元所有路員子弟入學除中學外概不收費現時管轄機關爲交通部鐵路同人教育委員會

三速成教育

交通部所轄路電各政當開辦伊始即覺服務人員知識缺乏非加以訓練不足擢用除高級人員已另設專門學校養成外所有下級員司職務簡單因擇其性質稍異尋常者辦理速成教育計先後成立之

電報學校車務見習所機廠練習所巡警教練所等不下二十餘處大都就在職員司加以補充教育或招致學徒授以職業智識以能通曉其職務爲止年限極短而待遇頗優其管理之責及經費籌劃均由辦理之路電機關分任之

四職工教育

我國鐵路職工在國內勞動界占極重要之位置其人數亦較繁衆統計各路工人總數在五萬人以上現時勞動問題世界注目對於此等職工自應施以相當之補習教育以資造就民國九年交通部設立鐵路職工教育籌備處規劃進行事宜並開辦職工教育講習會培植師資先後經於京奉京漢京綏及津浦四路各設職工學校三所招收職工入學不僅學費免收即書籍用品亦由校供給故應者踴躍其後因政局更迭停頓兩年有餘去年交通部鐵路職工委員會成立乃恢復原狀賡續進行現已辦有學校十一所入學職工共約四千人經費預算每年每校約六千元

交通大學之迴顧民國十四年

南洋大學爲我國新式教育之前驅成立以來其學科之因革系統之更張溯其原委經過實足以觀察我國教育之演進及思想之變遷若取最近三十年來國家進步社會活動之因果加以分析之研索則南洋必居其主要原素之一而無愧爲造成時代思潮國民精神之動力此誠南洋先後同人所堪引爲忭賀者也

南洋三十年來盛衰之跡象從已往之國家政事觀之無往不可尋其端倪特學校之機體比較微小苟

因政局之變動而得物質上或精神上之助力則此種佳果若能善爲保守每足使其一時之利益伸引于將來綿延不墜卽偶爲政潮波及以致阻礙其發展或一時的停滯其機能亦未易遽使顛覆制其生命此於社會環境教育趨向極有關係故我國近世之政局雖每况愈下而其波瀾起伏中之教育事業並未與有同樣之興衰甚或有逆流而進之現象則固亦我國前途一線生機之所繫矣

南洋自創立以來七易其名五更其制而學科之興廢行政之變遷尤指不勝屈歷程所經不可謂非艱鉅然猶能屹立至今聲光日盛者固其內部之力爲多而外來之影響多屬善性自亦爲促進校務之關鍵如由普通教育躋進至專門教育局部性質轉移爲國立大學每經一度之改革增加一度之聲望洎於今日隱執東南教育之牛耳是政潮果盡爲摧殘教育之具歟抑南洋獨有之幸歟

南洋三十年之歷史中其變動最劇之一頁當無過於交通大學之時代（民國十年春至十一年夏）此事鄙人實躬與其役且爲鄙人整理交通教育計劃之一亦卽爲深愛南洋思爲擴充之表示其經過情形世所共悉特其創立之動機與辦學之計劃知者尙鮮或不無追述之價值值茲南洋卅周紀念之期用誌其概要以當慶祝度爲南洋同志所樂聞也

交通大學者就交通部主管之四校合併組成之大學也此四校爲南洋唐山兩工業專門學校及北京之鐵路管理與郵電學校而以南洋爲其中堅故所受之影響亦最鉅然交通大學究因何而組織在當時情狀確有此種需要乎是不能不先爲陳述也

（一）交通爲專門事業經緯萬端無一不具科學之精義卽無一不需相當之人才交通四校（指合

組大學前之部立四校）之所以分科研習各求其備者即本斯旨。顧交通中之任何事業無論若何簡單均含有多種學術互有關係非一種人才能辦而集多數專家分工合作則求其協調動作必先有其準備及合法之訓練交通四校之學科雖大體皆備而各不相同章制互異無溝通調劑之機會以致彼此隔閡不能互求短長明其倚伏之關係歐美大學之同性學科無不集合於一種組織之下故能斟酌至當分配如意造成各科適用之人才今交通四校之學科性質同屬交通之技術既已因歷史之關係分立數地各不相謀則欲求其真實之人才效率之增進自以劃一統系整理學科爲改進交通教育之初步

（二）交通事業至爲繁複我國雖僅路電兩項稍有基礎然其他交通及有關之事業不能不及早儲才爲將來之預備交通四校雖因經費限制應用學科未能遍設但以歷史關係同一學科亦多重複故爲經濟起見酌盈劑虛自莫若併其相重之科而以騰出之經費舉辦其他科系以應急切之需要此種增減之事牽動各校之組織非謀根本之改造不可

（三）交通四校之情形因各自爲政頗多軒輊如施教之方針學科之程度教師之待遇學生之考核均不一律足爲整理教育之障礙。

（四）一種人才之養成不僅賴高深之教育尤貴有實地之經驗交通四校學生原以國有各路電事業爲練習之所然練習之階段如何支配與學科之內容如何呼應自學生入校起至練習完畢止其經過之時間應如何規劃均非賴一集中機關之調度無以收敏活之效

交通四校經累年努力之結果在我國專門教育中已各占極重要之位置然究以上述之原因或困於經濟或病於組織卒未能盡其所長達其所負之使命民國九年鄙人備位交通思於交通教育有所改進因有擴充四校之提議惟經再三討論覺與其局部改組事倍功半毋寧澈底刷新另立根本之大計因與各方協商決定合組交通大學之計劃自九年冬着手籌備歷時半載始告成立所有辦學方針進行程序以及發展計劃均經根據原有事業斟酌國內需要妥爲釐定儻能假以時日次第施行其造福於交通事業寧有涯涘惜爲時勢所累終不免於半途中輟也

（一）內部之整理

甲組織 交通四校成立各有先後因時勢之轉移性質之各別以至組織章制前後異趣彼此參商雖同隸一部而隱有畛域故爲整理交通教育計必首謀大學之組織及章制之統一此固與一國之憲法無殊而不稍容怠忽者也是以大學成立之始即設董事會爲最高之統轄機關繼由董事會選舉校長爲行政之領袖校長之下於北京設總辦事處綜理一切事業於上海唐山北京三處各就原有之部立學校改組爲交通大學之上海唐山及北京三處爲施教之所每處設主任副主任各科設總教授所有各校各部分之職掌均經妥爲規定以明統系其管理章程教務規則亦經重行釐訂以便推行

乙教務 改組前之交通四校其教科既不完備復多重複程度高下亦參差不齊故大學成立後爲經濟之發展計不得不將各校之學科重爲支配去其重複而添設新科如南洋之管理土木兩科則劃歸京唐兩校唐山之機械科則遷至上海而以擬辦之紡織造船市政營造銀行等科分設三校至各科之

內容亦力加整頓不僅程度提高務使媲美於國外大學且爲適應本國需要及提倡技術研究起見復將每一學科之內容分別門類各極其專精以期養成特種之技術人才如南洋之電機機械唐山之土木北京之管理均各分爲四五門不等每門復延有學識豐富之教授主持一切此殆我國專門教育中之創舉亦即歐美最新之趨勢也至大學各科之教授在改組以後亦略有更動一時延攬者均知名之士所有教授之待遇如專任兼任之分別休假出洋之辦法均經妥爲訂定務從優厚

丙經費 交通四校原有之經費綜計每年不足四十萬元以所辦科目之多實無發展之希望改組大學後因先將各校經常預算一律增加京唐兩校各增爲十六萬四千元南洋增爲二十二萬六千元合共五十五萬餘元較之原來經費計增加百分之廿八並爲籌劃開辦費一百萬元由交部分三期撥付其第一期之卅六萬元則爲各校添建房舍擴充設備之用（二三兩期未經撥付）南洋之工廠建築及其設備卽由應得之開辦費十四萬元內支出者也以上經費均由國有各路電機關分認籌解其領款開支及報銷之各項手續均採用歐美最新制度訂有極嚴密之方法由交通部監督審計院核銷各校之經濟狀況並由主管人員按照規定格式隨時編制統計表冊以明各項收支之盈虧及消長之關係丁設備 學校教育所以異於私人講學者最大差別卽在應用之設備而以技術教育爲尤甚交通四校之設備在大學成立以前業經粗有規模非其他工校所能及然其時各校之資產總計尙不足二百五十萬元內南洋約一百五十萬元唐山約八十萬元京校約二十萬元若按本科學生人數平均計之則每人僅占三千餘元較諸歐美工科大学之情形（據美國統計工科大学之房屋及設備除地畝外

平均每一學生約占華幣一萬六千元）相去何可勝計況我國工程事業尚在幼稚時期學生耳目所接既少觀摩之機會尤不得不賴校中設備爲實地試驗之場所故大學改組伊始即支撥鉅款爲添置各項機械儀器圖書校具等設備之用各科之試驗室及實習工廠亦均酌加修葺以期完善並經擬定計劃另籌一百萬元之基金爲逐年擴充之預備

戊管理 大學成立後各校內部之事務均力加整頓所有應行興革事宜罔不畢舉以求辦事效率之增進各部分之職掌並爲訂立專章俾資遵守其有關學生生活之團體事業而影響於學校行政者如膳食管理消費公社等亦均爲代擬計劃協助進行

以上爲業經實行之計劃雖大學成立未久即歸改組但三校至今典型猶在精神一貫聲譽日隆誠堪引爲忻慰者至已經擬議之計劃尙未實行或進行未久即歸消滅者則尙多有討論之價值茲從校務及推廣兩項分別述之

（二）校務之發展

甲增設學科 大學成立時所辦之學科僅有土木機械電機及鐵路管理四種不特未盡大學之功用即交通事業所需之技術人才亦未能遍爲培植揆諸時事需要實有未當因有增設學科之計劃分年舉辦先將交通所需及與交通有關之學科次第設立再行斟酌情形推及其他科目其業經籌備擬即開辦者有南洋之造船及紡織科唐山之市政及營造科北京之商業及銀行科所有經費設備教授及學生出路均經分別進行頗形順利

乙推廣學額 大學成立時三校原有本科學生總計不足千人分科計之每科僅占二百餘人以我國高等學校之稀少求學者之踴躍實有擴充學額之必要顧其中有困難之點三一各科學生均須住校而宿舍有限不敷應用二我國中等教育諸待改善其畢業學生之程度能與大學銜接者爲數不多若祇圖學額之擴充不計程度之劃一恐有濫竽充數之弊尤足防碍大學之聲譽三照三校已往情形各級學生每年降級或不及格者爲數至夥其首尾兩級人數之差往往達三四倍之鉅非將其中病源探討真切以謀改善之方則學額縱能擴充仍未收廣被春風之效以上諸事原非一時所能解決惟有逐漸進行日就月將冀有成功之一日

丙研究改進 大學三校之教育方法因歷史上之關係均採用美國之制度與歐洲各國迥異是否爲技術教育中最良之制度能否適合我國之情形及需要於我國學生之智能個性是否脗合均有研究改進之必要又三校學生畢業後均在國有之路電事業服務其在校所受之教育於需用學術及立身處世之旨應有若何之關係其服務機關與肄業學校應如何溝通以免隔閡而收合力作育之效均當時討論所及也

丁國外聯絡 爲發展本國教育與國外大學聯絡起見大學成立後曾與美國哈佛及麻省理工大學有一度之接洽擬雙方合作改進我國之工程教育並由雙方各出鉅款以爲實行之準備雖其事因大學改組而消滅但此種精神實可以增進兩國之邦交又法國部分之庚子賠款在民國九年時經兩國名流倡議退回交大成立之次年因有與巴黎大學聯絡之提議以庚款之一部份爲溝通中法文化教

育之用經與彼邦有關係者往返協商已有相當之結果迄大學取銷其議遂寢

(三)推廣之計劃 大學之目的不僅在培育人才其機能功用實足以輔助社會之發達交通大學創立之旨趣既以促進我國交通事業爲前提則除造就應用人才外尤應致力於灌輸學識使一般人民能了解交通之真義而改善其環境庶於事業之發展得有普遍之同情及實力之援助對於此種教育當時所擬之計劃亦有足述者

甲職業教育 此種教育在我國之重要時賢多有論列且經各方提倡亦經辦有成效但今茲所述者乃偏於交通方面而時人所忽也我國交通事業所用人員數近百萬其中除少數特殊階級受有相當教育外其餘大都智識幼稚或僅有普通教育對於所司職務無特別訓練爲輔助之工具大學有見於此曾有職業教育之計劃就三校原有學科之性質開辦與交通有關之職業科目訓練各項業務需用之人才當時所擬之科目計不下五十餘類原擬每類招收卅人爲一期三月畢業則每年造就之人才數達六千之鉅如果實行則其於交通事業之影響何可勝算哉

乙函授計劃 以上之教育方法以能就學者爲限其有志讀書而不能暫離職務者則不得不採用函授之方法故有編輯函授講義實行通信教育之擬議以極廉之代價供適用之課本益予以質疑問難之便利在我國交通界事屬創舉當爲現役員司所歡迎也

丙編輯書報 我國之有新式交通事業雖有半世紀之歷史但一般人民對於交通學術及其事業之經過至爲隔閡卽有身親其事者所知亦多淺薄未能盡督促援助之天職爲改善交通環境計大學爰有書報宣傳之擬議一方灌輸知識一方傳達交通消息庶舉國民衆咸能曉然於交通之真相而協助

其進行於國計民生當至有裨益

丁輔助實業 我國實業之不發達由於處境使然者半由於自身缺乏能力者亦半而實業學校之不能盡學術上之貢獻爲充分之援助亦不無多少之關係如以工業言則關於國產材料之試驗製造方法之改良管理學術之研究以及其他方面之科學應用均賴大規模之研究所爲尋求真理發展學術之地歐美各國實業之振興多由國立及私立之研究局試驗所及各學會之協助故能新理層出利用日宏其重視研究之精神幾引爲工業學府之天職環顧我國瞠乎其後則比較完善之大學詎能放棄責任自封故步是以交大成立之始卽有創設研究院之計劃以應國內工業之需要其時所出之大學月刊多載有價值之論文卽爲此種事業之初步也

以上爲交通大學之經過南洋於此時期內適當二十五週之期迴思當時之勇猛精神及五年以來之積極發展際茲三十週年紀念之期誠有足令人不勝回溯者語云三十年爲一世此第一世之事業已美滿若是矣將來之事業如何是在第二世人物之努力深願我南洋同人共勉之

我國今後急待發展之交通事業 民國十四年八月二日

我國今日交通事業之亟待發展夫人而知之也然以我國土地之遼闊約當歐洲大陸之半苟仍墨守成規不謀變通而欲交通事業之發達誠恐匪易卽如陸路交通若必欲待鐵道之一一普及不第資力有所不逮且復非經長久年月不能爲功夫我國內部河流貫達苟善利用既可以便往來且舊有之普通道路歷歷俱在儻加修築通行汽車亦可以濟鐵道網之不密矣東南濱海促進海洋航業及修築港

灣尤爲發展對外貿易之利器邊陲遙遠通信困難則建設無線電台亦策之善者至若提倡飛行事業平時既可以輔助交通有事復可以補充戰備以自衛也世人囿於習見每斤斤於鐵路電報之屬而不知近世交通事業日新月異斷非舊日固有者所能包括且吾國地形民俗尤有種種特殊之點苟善因據以定設施則事半功倍我國交通事業之完成可計日而待矣茲就鄙見所及對於我國今後所急待發展之交通事業約略述之如下

一河道 我國河流之大者南有珠江中有揚子江北有黃河東北有遼河松花江珠江流域支流四通可以行駛內河汽船揚子江本流巨艦可以往來支流亦夥且通大湖舟楫之便自昔著稱黃河下流淤積常復泛濫惟上游水流平穩可以行船稍加修濬航駛汽船下流與鐵道聯接則北部諸省交通自便東北之遼河流域頗長若加修築行駛大船則南滿交通不必專恃鐵道矣遼河之北卽松花江其上游頗見接近一日開鑿而溝通之則東三省水路交通可以聯貫一氣其便豈不尤大至於貫通南北之大運河爲疇昔南北運輸之重要水路今以津浦鐵路開通之後遂漸廢置夫水路運輸其搭載力既大運費亦較低廉苟無速達必要之粗重貨物與其由鐵道運輸不如利用水路之較爲得策然則南北運河急宜疏濬以資輔助南北之交通也我國湖澤亦頗不少其大焉者如洞庭鄱陽貫通大江河流四達湖南江西兩省內部之往來實深資賴此外閩江之江淮河漢水白河渭水水流蜿蜒可通舟楫惟河形較小間可通行小汽船耳惟揚子江流域以氣候之關係水深時有增減在夏季之增水期外海巨艦可達漢口卽普通巡洋艦亦可溯江而上及入冬季水量漸減惟三千噸內外之內河輪船可以往來滬漢而

已至如遼河白河入冬爲冰凍時期不便通航松花江黑龍江更無論矣故其可以航行時期 *Navigable Season* 不免受天然之限制此遺憾耳

我國揚子江下游東南諸省河道四通水流平穩彷彿歐洲東部苟加修濬以便汽船暢達則水道交通之便亦可媲美歐土我國物質豐富可以獨立自給而有餘但求內部交通益趨便利則往來稱便有無可通國民經濟自易發達故利用河流以便交通事省而效大誠計之上者惟西北西南河流既少而鐵道復未普及則普通道路之修築刻不容緩矣

二普通道路 今日吾國鐵道雖甚完密而普通汽車路尤日見發達以建築鐵道既需鉅資復以資本固定收入未必相抵至於汽車路以多係對於原有道路加以改良爲費甚省卽新闢道路亦非敷設鐵道需費之鉅其建築費用較廉於鐵道而可以代鐵道之用卽鐵道所經沿綫復有汽車路則交通益稱便利且鐵道所達之處尙須以汽車或其他小車以資聯接至於汽車路汽車均可直達此尤較便者也故可以有汽車路而無鐵道不可有鐵道而無汽車路其效用之偉大殆出鐵道之上此汽車路之所以爲世界重視也我國大陸之國幅員廣大陸路交通關係尤大今日鐵道既未普及則急築汽車路以資交通暢達計莫善於此者我國自昔驛路縱橫徒以年代久湮道路漸壞交通亦形不便今後但求稍加修築適合通行汽車則縱鐵道網一時未能完密而交通之便利當不至減少也近年各省試辦省道至今尙未完成中間不能聯貫今後自應竭力促其修築務使我國汽車縱橫發揮我國交通機關之特色不特經費可省陸路交通亦可早日發達矣當歐戰之際德國出兵之所以能如彼迅速者不第係德國

鐵道網之密所賜實以德國全國道路良好均可通行長途汽車故能朝發夕至也我國土地遼闊物產豐富鄉僻之區以交通不便之故往往寶藏蘊沒輸出困難苟汽車路發達則有無易通產業之開發自易爲力也卽由國防上之見地言之除東北鐵道尙貫通外蒙疆滇藏萬里迢遙一旦邊境有事旣不易應付卽在平日邊疆民情均甚隔閡外人稍加挑撥卽懷離異今日蒙藏問題之所以不易解決者豈非交通不便爲之梗乎吾人於此可以覺悟矣

三海洋航業 海洋航業本以自由競爭爲原則然觀諸各國對於海運無不積極援助誠以謀海運之自立不第可以促進國民經濟之發達卽由國防上觀之亦屬必要之圖蓋海洋航業苟不發達一旦有事旣不足以資自衛尤以於海外握有殖民地之國爲聯絡本國與殖民地起見非促進航海事業不可至於對外貿易苟惟外國航船是賴則不僅運費上多一重損失卽欲擴張販路亦不能自由也惟航海與鐵道異各國現制類不直接當經營之任以海運最須敏活且與外國商人關係尤大時易發生交涉苟由國家經營則往往妨礙國交誠非所宜故國家僅能立於援助地位以促進其發展而已夫海洋航業旣係競爭劇烈則資本雄厚者常佔勝利亦自然之理私人經營力多微薄此所以政府援助爲必要也各國政府援助海洋航業大要分爲造船獎勵制度與航海獎勵制度所謂造船獎勵者對於本國造船者與以特別利益使造船事業發達而後海洋航業亦易發展也造船獎勵有間接直接之別其間接者一對於用本國船舶輸入貨物減輕輸入稅二對於本國造船所用材料免除輸入稅使造船業可以減輕造船費用是也此外雖有種種限制外國船舶之法然以往往易招他國之抗議故不多用直接獎

勵云者即對於本國造船業者以一定噸數爲標準而給以一定獎勵金是也惟其條件頗嚴一給與獎勵金之造船廠須確係本國人所辦者二給與獎勵金之船舶限於海洋航駛之鋼鐵船三非一定噸數以上之大船不得給與獎勵金航海獎勵金制度約分兩種一對於本國一般航海者以航海之里數等爲標準而給予獎勵金二對於特定之航海者予之預約規定一定年限給予獎勵金是也前者爲本國一般航海者所適用比較公允後者則限於特定者往往招民間之非難故反對此制者亦不少也或有不以航海里數爲標準而由一定期間與噸數而給予獎勵金者又有不定期間而專以噸數爲標準者雖同爲保護海洋航業者然航海獎勵原以促進遠洋航業苟不以航海里數爲標準則不向遠洋航駛之船舶亦同受獎勵金矣故今日各國均以里數爲標準也夫海洋航業既屬民營事業是在民間有志之士籌集巨資竭力進行政府立於援助地位力所能及宜無不盡心力爲之後盾也

四商港 航路之起點及終點或經過寄泊之處商港生焉商港位置之適宜與否實爲航業盛衰之所繫我國誠欲促進航業期對外貿易之發展獎勵航海固屬要圖而對於商港之開闢及其設備尤爲切要商港位置之適宜與否視自然條件與經濟條件滿足與否而後定（如商港不適於船舶之停泊或旅客之出入貨物之上下不便等）故港內潮水之漲落須相差不大港之水面宜寬闊可以容納多數巨舶港水宜深大船可入風位須適使停泊之船舶安穩苟不適合此等自然條件者殊不足爲良港也惟在今日築港之技術非常發達縱令自然條件略有欠缺尙可以人工補救之故經濟條件實較重要所謂經濟條件者即該港之位置接近於貨物之大生產地或大消費地貨物之出入頻繁足以促進航

業之發達者是也河港以利用河川與生產地或消費地接近較密故河港至今尙稱重要惟以今日船舶之構造益見其大今日海洋往來之輪船一萬噸者實屬普通港內水深至少須三十尺以上者方可容納故河港往往不能適用多於河口近海之處設置第二商港出入貨物轉船搬運或由陸路輸送也今日各國港灣之設備益臻完善碼頭及棧橋之設置務使船舶容易繫泊貨物容易起落爲避風浪起見或有添築防波堤之必要他如浮標倉庫起重機及船舶修理處均一一設置或將鐵道延長直達碼頭使水陸運輸聯絡無缺或以人工增長港灣之海岸線使多數船舶可以碇泊此其大較也今日各國對於港灣所採之方針不外二種卽大港主義或小港主義集中主義或分立主義是也所謂集中主義卽大港主義專恃一二十大港設備完善集中貿易卽以該一二港爲中心而集散物資者也所謂小港主義卽分立主義務求開設多數港灣分散貿易是也究採何種主義爲宜乎須視一國之地形物產工廠之配置及人口之分佈等情形如何而後決定者也例如英國地形港灣衆多爲他國冠其採取分立主義固其宜也我國則不然幅員雖大而海岸線出入不深港灣不多且人口分布亦較爲集中以天然之地勢觀之適爲良港之處並不甚多其具備世界大港之資格者當首推上海其次焉者北則山東之青島南則欽州之龍門島港大水深可容巨艦上海爲揚子江流域之尾閭我國中部諸省對外貿易咸以此爲中心無論矣且自津浦鐵道通後我國北部貿易其一部分亦被上海所吸收上海港改築得宜則黃浦江自吳淞至上海可成爲世界唯一之大港青島港灣以膠濟鐵路之便利爲我國北部對外貿易之重心將來我國西北開闢之後西北部物資之集散將咸萃於此矣其重要當不亞於上海也廣東欽

州之龍門島關爲良港則可以取香港而代之卽不爾亦可以分香港之勢粵漢鐵道一旦聯貫我國中南部對於南洋羣島之貿易咸可出入於此卽自歐州經蘇彝士運河與東亞往來之船舶亦不必專集於香港上海矣

五無綫電信 我國有無綫電信自創設以來頗著成效線路既漸增長通信亦頗稱便惟今日各國無綫電信大見發達應用亦漸推廣以其建設之簡單通信之便利足以輔助有線電信之通信也我國邊陲遼遠架設有綫電信或有不易不如建設無綫電台之較爲便捷以無綫電信正適用於荒漠曠野距離遙遠處所之通信也且以今日國際間通信多用無綫電信我國不能自甘固陋不急從事建設也明矣我國今日無綫電台所已建設者爲北京武昌吳淞上海福州廣州等處其次則迪化與喀什噶爾之電台亦已告竣今後急須推廣更不待言今日無綫電信之應用頗廣凡邊防要害之處均建設之以供軍事之用海上航船及空中飛機之與陸地通信均多利用無綫電信以達其目的是欲航海航空事業之發展則無綫電台之建築尤屬必要也惟無綫電信通信之際容易被竊聽苟屬國家機密之事仍須藉有線電信爲之致達且無綫電信雖不必架設電線然以建築電台爲費頗鉅距離較近之處建築電台頗非良算至於有線電信則近距離之設施工省費廉故近距離仍以有線電信爲宜惟遠距離之通信則用無綫電信較爲適宜耳以近日國際通信應用無綫電信之發達如此將有替代海底電線之趨勢然無綫電信往往以氣候不良通信失於明確故海底電線仍須並存以收輔車之效今日有用無綫電信以測氣象者蓋氣候之如何無論農事航海航空均關係甚大而氣候之將變化空氣必生波動

無線電機受其影響自可以知其大概矣

六飛行事業 飛機飛艇發明以來最初多用於軍事方面即在今日各國軍事方面應用飛機飛艇亦正方興未艾以飛機飛艇逐漸發達之結果於是交通方面應用亦漸推廣最初試用於輸送郵件今則利用飛艇之搭載力及其平穩遂用以搭送旅客惟飛機速力雖大而搭載力仍弱苟用以搭載貨物尙不甚適宜也自來各國雖多設有航空部局及航空學校飛行工廠然多注重於軍事方面對於交通方面雖不怠注意究不如軍事方面之熱烈耳又歐洲大戰之際應用飛機其成績頗著戰事定後一部分遂移用於交通方面輸送郵件最稱得力搭送旅客至今亦漸試辦應用日廣他日必有可驚之成績可預言也我國今日航空事業正在萌芽靜觀世界之趨勢我國對於飛行事業不能不力求進步我國地大物博足以獨立自給但求國民經濟之發展更無侵略他國之必要則獎勵飛行當着眼於交通方面藉以輔助交通事業之發達即萬一有事補充戰備亦不過出於自衛政策而已此後對於飛行事業所急宜着手進行者約有數端一宜培植飛行人才一面派人出洋留學專習航空一面創設航空學校以資養成二宜設立飛行工廠仿倣歐美從事製造其購自他國者亦可時加修繕三獎勵民間飛行事業凡民間有志之士集合同志從事飛行事業者由政府給以獎勵金以資補助四先試辦航空郵政以輔助郵業之發達此其大較也一俟一一著有成效而後用以搭載旅客自可收切實之效矣自意大利飛機橫斷歐亞我國航空界受深刻之影響近則日俄飛機先後來華國人所受刺激既深希望正長則此後發展當未可量日本自近年試辦東京大阪間飛行郵政以來成效頗稱卓著我國能先於北京上海

之間着手試辦以利郵業其便豈不大哉綜觀上述可知今後我國所急待發展之交通事業正多羣策羣力端仗國人之努力而已夫交通機關其道非一要在審所緩急圖經濟的設施而後始不至徒託空言也

怎樣的裁兵民國十七年

裁兵這一件事祇要是稍有智識和良心的人都無不認為切要的所以應該裁兵的一套話我們不用多說

有人說兵之能裁不能裁其關鍵不在兵的本身全在帶兵的人願裁與否這也具有理由但我現在要討論的却不在這一點所要討論的是假定政府實行裁兵而辦法却不妥善那末犧牲無數金錢時間結果達不到目的那可說是最糟不過的事而且頭一回辦不了以後更想不出好補救法子那末這個大題目更沒有實行之望了所以實行的程序方法不可不十分審慎也是一般國民所應該研究並且督促各當局實行的我們最要知道的就是兵本來是一個人不是一個特殊的動物第二要知道的就是凡當過兵的人究竟有許多跟平常人不一致的地方

我們站在超然的地位上想想把一個老百姓憑空的叫他軍隊生活每月給他幾元錢的代價叫他去賣命到用不着的時候却說不能養許多兵把他裁去了裁去以後連每月幾元錢（或者無餉而祇有些給養的）的那種希望都完全沒有了這是何等可歎的事所以我的意思裁去的兵必須令他變回一個好好的老百姓才可以對得住他

但我們不要以爲這句話是容易的事就說兵本來是老百姓到他不當兵仍舊去當老百姓好了恐怕沒有這樣容易吧

我們要知道

(一)軍隊裏過的是一種特殊的生活受的是一種特殊的訓練平日間祇有服從上官的命令個人的自由和個性的發展是絕對不許有的尤其是打過仗的兵士精神上受過絕大的刺激所以常常有變態的行動如果一日叫他們離開軍隊而走向社會裏他們的思想行動便覺得處處都不合宜而且平常受慣嚴厲管束的人忽然任他絕對自由恐怕還不免有軌外的行動這還是就好的說若壞的軍隊更加困難了然國家不能說壞的軍隊反不要裁若要裁的一樣要想得周到辦得妥當方對

(二)兵士們在軍隊裏所學的祇有打仗的方法生活上的工作除了極簡單的勞力以外其他工作是絕對不會做的(除極少數本來已經有相當技能者外)

(三)社會上對於思想行動不合宜和毫無技能的被裁兵士們是不甚歡迎難於合作的

根據上面三點我們可以明白如果顧到兵士們被裁後的生活我們應設法扶助他向社會上立足並且給他們一種訓練和預備所以我提出幾句簡單的話請大家注意及研究

第一我們要知道繳械式的裁兵是最不妥最失算的事試問兵士們拿了十塊八塊錢甚而至於數十塊之後能夠維持他們多少時候的生活錢是容易用得完的他們生活上的工作是沒有訓練和預備的要說他們拿了幾個錢便會自尋工作那敢說是一定沒有的事到了用完了錢工沒有得做的時候

他們除了「等死」和「鋌而走險」二條路以外沒有第三條路好走「等死」固然是他們所必不肯的也是我們所必不願而不忍的那麼讓他們「鋌而走險」罷那時國家所受的影響要比不裁兵還壞

第二我們要知道現在許多人在那裏計畫化兵爲工或遣兵歸農的辦法社會上一般人也認爲這是很滿意的解決方式這當然是不錯的但是說的不論怎樣好實際上怎樣去化法遣法叫他做那種工做什麼農便很少人研究了如果祇用一種籠統的見解籠統的去辦而不去縝密研究進行的方法恐怕亦收不到結果現在我把我的意見寫在下面供諸君參考

我意頂要緊的事是被裁的兵士們萬不可叫他一闕而散仍舊要有統率有紀律有組織的去共同做一種工作就開墾來說罷譬如某軍預算裁去一萬人第一步應將這一萬人仍舊照軍隊的組織選出各級官長去統率他們不過每一級中可少用專門軍事學的人而多用若干有屯墾的知識經驗的人參與其事並且教育民政各種人才也應具備第一步規定開墾地點應該先派若干人前往布置然後從事開拔一切仍舊用軍法來部勒其從事工作也以軍令行之此項兵士不能算做退伍不過他們由戰爭的工作變做一種生產的工作罷了

這種兵士可以稱爲屯墾隊或其他名目這樣一來兵士們既有生活的保障又有工作的訓練更事事有人嚴切指導監督我想他們才可安心工作在開手的時候政府當然要替他們買農具備籽種房屋如果生產不夠政府仍舊要補助些生活費這樣雖然比遣散費稍爲多些然而邊境可以填防荒地可

以開墾兵士們可以生活社會上可以絲毫不受裁兵的壞影響積極消極的益可算不小等到兵士們經過相當的時間和相當的訓練我們便要扶助他自立了假定經過兩年荒地已經墾熟第三年起就可以將這些熟地分給他們耕種讓他們自己去經營不過仍舊要受長官的監督和指導所有兵士屆時應編預備隊一切編制皆從簡略各級軍官亦應照上列辦法授田墾種到這時一律列爲預備軍官僅給俸幾分之幾同時並且鼓勵他們接家眷同住或者就近結婚讓他們有家室的娛樂和精神的安慰就更可以安心工作這個時期內土地儘有收入政府也就不必再來補助了

經過這個預備時期（亦假定兩年）從第五年起就可以實行化兵爲農了這時候兵士們都有了自立的能力已習慣田園的生活並可將分給他們耕種的田地作爲他們的產業同時也應該分些田地給官長們去自己生活從前種種軍隊的組織也就可以完全取消

至於保留團練性質的組織以爲自衛或防邊之用此爲另一問題

照這種辦法才可以算是澈底的裁兵以上所說不過是一個舉例如要化兵爲工我以爲也是要照樣十分斟酌的我們要知道兵士們所能做及肯做的工十分的少（除非在軍隊中先有訓練）所以我主張政府應擇定修河造路兩種工程歸兵士去做起先亦仍用軍隊的組織到一年以後兵士已習慣這種生活便可退伍而令受工資一變而爲普通工人了

如此各種建設的事都可次第舉辦我們要知道建設的事本來要花錢的現在拏一部分應花的錢先辦了裁兵的事而且消弭了無數隱患這是何等便宜的事

全國新建設照總理的計畫差不多要用一百萬萬元吾國可裁之兵假定爲一百五十萬人每人假定

須費一千元綜計須費十五萬萬元此數本係建設應需之費並非另有支出即使不用裁下的兵去做亦一樣要用的不過用裁兵從事可以一舉兩得而且照此辦法並不至如何減少工作效率所以又可說是極經濟的我希望講建設講裁兵的諸公對此加以深切的注意

京漢鐵路之現在及將來序 民國三年三月

語曰耕當問奴織當問婢又曰善易不言易由前之說則事非服習不能言之成理由後之說則神而明之之事又不可以迹象求也然則梓匠輪輿之巧名物象數之奇統不足以與乎著作之林而文章家之推演雕鐫其距乎事實殆終古僂馳而不相入與余治路事十年粗有知解而窅窅鈴鍵之所在終以爲未易發明坊書之言鐵路者連棟相屬余則又漫不省視以爲非其人萬不能遽有述作也旣聞穎人關子恆奮筆有所撰著嘗私佩其勇繼詆其所撰者卽關於京漢鐵路之作則又慮其書之未易成或成而世人或視爲不及坊書之尋行數墨者之易於覽解則又大乖夫著者之初旨而書之爲用終不著也夫鐵路之爲物初非神祕然欲舉足屬目而知癥結之所在事固有非易者京漢鐵路成於外人之手中更委託管理及贖回自辦兩時代情況繁複文卷疏佚湮晦繚曲而莫可究詰者不知凡幾一日貫串斷爛甄綜遺漏使全路之真相軒豁於寸簡上非莊氏所謂目無全牛者初不易辦至夫舉措興革之要本末先後之宜往往機緘極微而關係至鉅事理甚淺而延轉無窮一點一線悉賴專門藝術而又非徒據學理所能奏功一絲一粟皆須析及毫芒而又非墨守準繩所能收效此中甘苦更不足爲外人道關子乃欲本其積年之研索體會墨而問世其不爲世人覆瓿者幾希乃繼觀其所爲文條分縷析於斯路歷史

優劣之所在及改善擴充之要領言之綦備於是始悔所慮之過當而終喜是書之有成而以爲吾穎人之能之終不可及也吾國鐵路不下十餘安所得如穎人者爲一一紀載而參稽之俾益蔚成鉅觀其餉遺世人詎不更盛抑吾更有感者方吾輩勞身焦思昕夕運籌期贖京漢鐵路自謂竭其智力之所及故友鄭杞深恆稱歎以爲其精勤足使吾人觀感者也於是朝野間或謬贊以爲莫大盛業而清攝政王於事竣奏上時獨無一字之報都人士或以爲怪而尙書陳璧氏不久且得罪去以今日盛倡輸入外資之說觀之此贖回一舉或爲多事而近年間斯路掌持之困憊竭精力以徇路事至於濡毫弄墨猶不舍斤斤然殆亟自以爲是吾不知閱是書者之果許君否也吾嘗論今日工師太多人不肯爲匠人圻者致諸事一無所成恆欲卑官沒世自比於鐵路之一工役以爲猶可有小效今是書之所述初不離乎匠人之屬於當代工師固無見賞之望然區區智力之所積注者本於服習而引申之或亦足示匠人圻者之一長以見迹象中之尙有若干層累曲折不可概從懸解也是則耕織必問奴婢之故也歟

文道希先生遺詩敘

廿載前吾師萍鄉文道希先生旣歿恭綽撰挽詩久而不成蓋情緒煩悵哀至于無文遂無以自達也旣乃思輯其遺著詢諸師之子永譽知強半散佚僅晉書藝文志暨雲起軒詞先刊行者猶傳于世爲憮然者久之恭綽卅角從師游師所以撫愛獎進之者甚至常寓書南昌家中任綽縱覽所藏典籍綽得粗通書史者實由于此又庚子謁師海上師教以爲詩之道甚悉且舉自作過祔祠七律爲例又喜綽所爲游仙詩以爲雅麗對人恆稱道之今忽忽將卅載宛在心目而遺書散盡所著亦罕存嗟夫以師之才雄氣

猛事功不就乃並區區簡冊之流播而亦靳之耶乃誓爲蒐集越十載未有所獲久之聞湘中有藏師遺稿者未得見繼乃得詩二卷憶少時曾讀師詩稿審非其全復致力訪求期成完帙凡三載共得詩若干首攜之海上與永譽共校之二人之意以爲人事無常宜先印詩稿徐及其他乃舉付手民餘俟別謀剞劂綽維師匪欲以學術鳴者茲編尤學之鱗爪顧平生襟抱志行可藉窺其大凡昔陳右銘先生讀師水龍吟詞謂非文人所能師之詩何莫不然蓋信乎非世之詩人之作也近論世者恆謂清社之屋西朝寶尸其咎蓋洪楊之役清祚俛失而復得乃臨朝者迄無悔禍憂勤之意徒逞其陰詐猜忌之謀屏棄賢良倚任羣小加以宴安酖毒倒行逆施蓋不待玉步之移已知瓦解之無可挽矣使師當光緒中葉得行其志以其間幹回時運收拾人心開通風氣則戊戌庚子以迄辛亥諸役或竟弭而不發未可知也計不及此徒使論者以人之云亡致慨於邦國殄瘁而師之感時憂世之抱悲憤牢愁之况乃僅流露于紙墨間嗚呼以師爲文人或軒輊于甘陵洛蜀間以師擬于急功近名之列者斯真一孔之見也昔人云誦其詩讀其書不知其人可乎是以論其世也余論及此亦欲後之誦師詩者于清末之時局有所考焉其所得將有出于詩之外者至于師之詩之所以爲工或亦卽因是也是爲序

中國鐵路借款合同全集序 民國五年

語曰知己知彼百戰百勝顧豈惟用兵凡百事業類莫不皆然吾國海通以來政教學術以訖工商靡不相形見絀其病在己之情勢歷史初未能洞察因無所據以爲設施夫己之不知彼於何有欲其不躓蓋亦難矣余從政以來役於路事恆喜搜閱檔案以爲書籍圖籍實精神之所寄不賢識小分所應爲而吾

國鐵路十八人涉於外交則於諸有關之條約合同尤所致力亦以知彼知己之徑非是莫由也顧載籍湮缺摭集爲難荏苒數秋迄未就緒去歲乃屬王君景春爲繼其役王君竭一年之力蒐集鈎稽以成斯編於是吾國鐵路之合同乃有成本其有關鐵路之條約尙須俟諸續集用先將上編付印以餉同人余披覽一周覺有數善自來同類之書如光緒條約軌政紀要等或限於部居或拘於時代此則由昔及今蒐采無遺藏山可觀開卷有得其善一也往者諸編限於本邦文字往往毫釐千里詞是意非學子之研求輿論之評議沿謠疊謬障害叢生茲則一篇之內合璧聯珠匪但存真且以求是不費懷鉛之力足破捫籥之談其善二也校讎之事往哲所矜而近日所刊此類之書脫誤仍然間出茲則始自最錄迄付割人一字之差往返尋勘魯魚亥豕可曰無之其善三也綜是三端足稱完璧尙希王君出其餘暇促成下編庶冀手是篇者知吾國鐵路歷史彼己之內容其煩難複雜蓋如此因以考求因應維持之法而不徒爲一切浮論所蒙是則區區之微意也夫

鐵路辭典序 民國五年

民國二年同人以鐵路名詞迄有待於審定之急集會研討推不佞主其事都專門士凡一百一十人自撰擬大綱從事纂輯迄於參稽商榷審定彙錄校讎印刷前後凡四十閱月大小會以百數用成斯編因爲之引曰浩矣哉學術之無窮也自十九世紀以還科學日新術語因之益繁攬撫搜討窮年莫殫是書篇幅不過七百名詞不及六千直如稊米太倉其不能包羅殫括不待言已夫翻譯文字以信達雅三者相兼爲難此中甘苦凡從事逐譯者類能知之然猶不足以語名詞也翻譯文字限於意而不限於辭故潤

色描摹旁證曲引猶得操翰自如隨心所至若夫名詞每爲字之數所限取精擷華貴乎簡賅但刻意求簡則義多晦澀務於了達則又失冗長此簡之難也英德法文原義未能錙銖悉稱調停衆異折衷國文非穿鑿附會卽削足適履又或名同物異各具妙用望文生訓顧此失彼此又信之難也歐美名詞或借姓氏或襲地名或採俗語各據方聞不必盡有意義這一經轉譯意義卽生求諸字書苦無專字聯綴造意有類銓疏名詞本象至是而失故往往一字推敲數日不決此又達之難也科學應用儀器機械日出不窮灌輸東來詫爲未見以其不可名狀任呼馬牛沿用既久遂成習慣通俗之言固不盡合古訓而深奧之字又難索解今人此又雅之難也不甯惟是本書編輯諸君大都散處各方以其隙餘更迭從事全書之成非出一手故部居條附體例或欠精嚴就簡刪繁去取豈無疏略此又輯譯之難也綜就所述卽此區區成已匪易蓋自屬草以迄殺青稿凡三易閱時三載始克成書雖不足以語夫著作之林或庶幾有裨當世之用繼今以往仍歲纂修尙當有事乎糾補儻海內宏達以是爲正名之梯航而匡其闕失俾臻完善是則本書之榮幸也夫

交通部上海工業專門學校鐵路管理科頭班紀念冊序 民國九年

民國七年交通部上海工業專門學校添設鐵路管理科以期造就鐵路管理各項人才越三年該科第一班畢業並彙集其歷年成績及有心得之作詮次成篇刊爲一冊以資紀念書成請序於余余維交通爲一國之命脈而鐵路尤爲交通之要素故東西各國莫不視爲急務我國興作鐵路亦既有年徒以事實之阻礙或因人材之缺乏乃致進行殊緩歐戰而還各國競謀建設對於交通一道刻意改良我國際

此更應急起直追俾免因循自誤然鐵路事業頭緒紛繁經緯萬端卽就管理一方面而言如會計營業客運貨運經濟運費列車轉運統計工廠及材料管理等等均非有專門之學及經驗宏富者不能勝任邇來已成之路亟須改良規畫各路尤待興築種種措置需材孔殷諸生等績學有年對於路務自當具有心得畢業後苟能再加以實地經驗悉心研究羣策羣力共圖發展則裨益於我國交通前途當非淺鮮也余企望之

漢譯日本鐵道運輸規程解釋序 民國九年十一月

鐵道之爲用運輸而已貨物得之不脛而走人類得之無遠弗届能力至爲偉大而其事業之繁重以視船舶運輸則倍蓰而什伯焉吾國有鐵道四十餘年其初以爲鐵路之難在工程在機械築路既成有車以行夫人能之故運輸事業因路設制自爲風氣未嘗有精密之研究成路漸多運輸日繁深感不便乃漸次制定運輸規則籌辦聯運事宜亦稍稍進步矣七年秋間恭綽被命考察實業兼及交通得以漫游歐美觀其都會勝區通商大埠路密如經貨積如山客多如蟻人不煩勞事不囂雜釐然秩然各得其所以爲西人道德高尚乃能若此進而考察法規調查章制則其運輸規則之繁密乃如牛毛蛛絲其執行規則之人與服從規則之人皆有尊重規則之精神了解規則之智識人人游於規則之中而規則特其筌蹄然後知法律之極卽爲道德也吾國運輸事業之不進步由於對方之不明規則者半由於環境之不守規則者半在路言路不可諉咎以自寬人人有尊重規則之精神人人有了解規則之知識則法律固所以範成道德而促進事業也恭綽不敏謬掌交通方欲於運輸事業有所整理部中同人魏君武英

曹君一敏石君道伊朱君沛梁君世清任君東蕭君仁最適有遯譯日本石井藩所著鐵路運輸規程解釋之作斯所以作尊重之精神導了解之知識者也爰爲序而行之

聶肇靈著鐵路通論序

余研究吾國鐵路垂三十年所標舉之定律曰會計獨立事權統一此二者固世界鐵路之尋常茶飯而吾國則經千回百折迄革命告成此八字者尙未能充分實現可爲浩歎所略可欣慰者前此此八字幾不爲一般人所認識所承認雖日日以其理詔公衆而反對破壞者方百出其技而未有已近日則雖事實未能辦到而對此八字無復非難之聲斯亦公理戰勝之一例也夫鐵路之爲物與國與民之關係先進國之童孺莫不瞭然而吾國士大夫尙多懵焉不解斯實此事業榮悴進退之所繫余昔者所以力勸同志以宣傳爲務者也聶君是冊雖爲泛應之作然提要鉤玄大端輟具以是餉國人爲初步之研究固甚適當余近日遯爲金石文字之學自問於世務無能爲役於鐵路久已不談於是編之出喜其有切於實用也特破例爲序數言冀聶君繼此續有所作其與世人以切磋之益也將益大是則區區之微志也

宋傳驥著鐵路管理學序

宋君傳驥在鐵路服務十餘年近編鐵路管理學一書來要我作序鐵路在我國現今的重要不待煩言簡單的說直接是促進國民經濟力的生產工具間接是維繫本國和國際間的一條戰綫或安全辦現代科學發達舉凡水陸空交通大都學術化而又各有其相互相待的連系作用故控制管理運用此一部分機關與事業皆屬專門的事而在我（萬事落伍的我國）尤其有急速研究迎頭趕上的必要

我國鐵路雖然有六十年歷史但從前清同光時代頑腐派反對築路進一步醞釀成光宣時代一般人盲目向外借債築路引進外人無理干涉及分外朘削損失無限權利以至國民政府統一以前的軍閥干涉鐵路用人行政強提路款藉路舉債破壞部務路事止幾乎無日不在黑暗混戰中我三十多年來身當衝要不僅諸事躬親草創甚而處處牽涉到對外國際糾紛對內軍閥專橫一方面忙得焦頭爛額去弔死扶傷一方面對於各路行政管理權的收回整理技術的統一改進法規教育的制定推行人材職工的培養運用經過若干次的艱苦奮鬥纔粗具現在規模無如每因政局不定大小事務興廢輒隨個人進退爲轉移以致諸種目的難以貫徹卽如民國初年起卽規畫南北東西縱橫幹線與沿江海港岸內外運輸脈絡的連絡直到如今尙未完成自然國民經濟力有限最大原因仍是受人事變化的影響回想民元總理組織鐵路總公司時在歡迎鄙人的席上主賓的雙方演說到今日不禁感慨系之了近來國人也知道交通建設的重要全國公路網逐漸完成晉陝贛皖浙鐵路亦積極修築固然有許多尙待改善之點但各人能自力更生增強細胞活動卽增進全體健康中央有關各部及地方當局亦頗能因勢制宜切實合作比較以前內戰割據四面侵蝕的時代環境難易有天壤之別了而且國際地位究竟比前增高人才取用亦較以前爲易人之愛國誰不如我我不敢期望人人有自己種樹他人乘涼的襟度我只希望人人能自己造路自己走憑本位救國之宗旨認清目標以此爲終身事業努力前進同時分清緩急先後以紓財力免得青黃不接功廢半途我國現當苦幹之時興築及管理鐵路尤其要十分經濟不可徒顧場面裝飾博取虛譽而糟撻實力庶幾繼續不斷可告成功至現在鐵路服務的人

如何研求改進分途的貢獻於國家社會更是不待言的事

我從前常常責備路員不肯執筆著書以爲不肯把我國鐵路的內容介紹於大眾及後進差不多可算一件失職的事近年此風稍改然每年出版物之貧乏仍是不能掩飾的事如此則事實與學術依然是分離的欲求合理化恐怕是南轅北轍罷

宋君此編條目井然雖取材論事尙未十分完善但大體已無差誤以供大眾閱讀俾粗知鐵路全形之輪廓殊爲有益深願宋君能續爲一書取鐵路內務之利害得失精爲探討以供路員之閱讀綽雖病冗將拭目俟之

鐵路協會雜誌百期紀念增刊序 民國十年三月

間嘗潛潛以思以爲宇內事物亦至難亦至不難何也難者作始及其觀成或自其成而漸充於悠久則此義蓋憬然矣比於鐵路協會雜誌百期紀念益顯證之鐵路協會創於民國元年六月越三月而有會報之刊其旨在集思廣益輸誠達情毗佐政綱導揚才雋犖犖標舉乃欲公於天下時不佞忝被選爲副會長發凡起例日與同人共丹鉛裁剪之勞日月不居忽忽十稔其間變故紛乘人事倏擾爲狀至不可殫述顧會員日益衆雜誌之銷行日益廣時節因緣所賦不可謂不厚然其可久可大之道又若有左券可操者則同人以正誼明道相勗勉期以輔助執政者爲職志故也今果有百期紀念增刊之舉辱徵言於不佞不佞敢本平昔所蘊爲同人一言可乎管子有言十年之計樹木百年之計樹人不佞自爲郎官從政郵省十餘年來處于過渡時代習知鐵路專才闕乏非亟培養人材灌輸智識無以爲久遠之計協

會之組立會報之創辦此物此志同人已共見之而共成之鐵路同人教育會及扶輪學校且相繼以起如此其積極也如此其公開也要以達我所希望者爲歸顧或不諒於當世尙有侵及交通行政權之慮夫官吏負執行之責人民有揚權之務歐美先進國弼成強盛此爲要素同人不揣妄欲取師成效雖復判然然亦何嫌何疑以自棄禮運曰大道爲公不佞所欲與同人共勉者在此韓非曰自營爲私不佞所欲與同人共戒者又在此會報之有今日或更賡續以至無窮安知非同人之效果已蒙社會獎勵而許以存在之表示乎同人其終自勉矣

交通大學京唐滬三校壬戌級畢業紀念冊序 民國十一年

實用主義爲現代思潮最有力之一派各國學制歐戰而後尤趨重於實科美利堅職業教育部之創設其明證也交通大學之立非徒養成交通一部分專門人才而已蓋將以其所學推拓闡舒于以應社會之需求鄙人于本大學始業之日曾勗諸君以三事一研究學術當以學術本身爲前提不受外界之迫力二人類生存世界貴在貢獻必能致用方不負此生三學術獨立應用方宏區區之意所蘄于諸君者固至深遠也一年以來諸君孟晉成績燦然具著今茲因有京唐滬三校壬戌級合刊第一期紀念冊之舉余維世界各國經歐戰之教訓經濟之競爭益烈于前吾華天產冠絕環球而實業尙在萌蘖發榮滋長責在吾儕失今不圖則各取所需將合世界經濟之力以臨吾夫豈有幸耶吾交通大學所授諸科皆于社會經濟爲近合大多數優秀分子之精神魄力以運其學而致之利用厚生之途更有所大貢獻于社會則紀念爲之不虛矣豈僅交換智識聯絡情誼云爾哉

東坡樂府箋序 民國十一年

宋人論蘇子瞻詞者曰東坡樂府如教坊雷大使舞雖極工終非本色又曰東坡詞如天仙化人無空無迹綜二者之說似東坡詞不得爲正宗者吾謂古今中外之文學皆以表其心靈故胸襟見識情感興趣觸景而發遂成咏唱初無一定之矩矱也後人艱于創作自縛于窠臼而不能出遂反奉爲金科玉律其合者固亦足趾美前脩下者遂馴致遺神存貌聲病嚴而詩道衰九宮格出而字學壞豈不皆以是歟東坡詞之于律如何今已不能詳析抑亦無事爭辯要其胸襟見識情感興趣非猶夫其時之人之作也前之李重光馮延巳大小晏歐陽永叔後之辛稼軒王碧山胥蠻潛通者僅此而已此數子之作其有當於詞之本色否歟抑別有其本色如詩之墨守聲病字之牢守九宮格然後爲工歟蓋聲病九宮格矩準繩之事也胸襟見識情感興趣神而明之之事也舍神明而拘繩墨斯正軌歟所謂上繼風騷者僅如是歟抑宋代詞家多矣卓然名世者無慮數十擗擗規撫籠罩至今自元迄今仿晏張秦柳周賀姜辛吳王以至花間陽春南唐二主者蓋靡所不有獨未聞有真能學蘇者粗才搖筆稱學蘇辛實則蘇辛真諦毫未夢見此不能稱爲學蘇也豈超絕古今直不容人學步歟蓋東坡之詞純表其胸襟見識情感興趣者也規矩準繩乃其餘事故論者至以爲非本色而不能以學所謂天仙化人殆亦此意爲訶者而不究其胸襟見識感情興趣而徒規矩準繩之是務宜其於蘇門無從問津也（此乃論詞之體格耳倘越者幸勿以爲藉口）張皋聞周保緒頗知此意故所作間涉藩籬近日王幼遐文道希益暢其說緣是詞之體益尊而境益廣斯實詞學興衰一大關鍵論學者所不可不察也治詞者沿此以求其本猶習畫者冥通

摩詰道子復何院本之足云故論詞而尊蘇實爲正法眼藏非旁門左道至力薄者舉鼎絕臙猊取者畫虎類犬則學者之過而非師之咎也東坡詞夙少定本茲龍君莫生萃各本互勘寫定爲東坡樂府箋三卷體例詳瞻搜集廣博于詞之獨到處尤多發微余喜其志之同也漫述所見如右期相印證至編校之精核有目共賞固無事贅言也是爲序

張心澂交通會計序

余往者知百凡事業之成敗於會計關係至鉅力主公私會計應悉用新式並堅持國營事業應用特別會計綜計知之而行之者凡二十餘年今銀行礦業已陸續從余主張而交通會計之鐵道會計於民三釐訂則例綱舉目張郵電繼續仿行雖其中細目多有待於改良然較普通官廳會計似爲遠過此則同寅諸君子努力之成績可告慰於國人者也張君仲清昔助余治是役有年嗣國府交通部有待專才復長其事執掌瞿瞿雅嫻斯業邇日端居多暇爲立信會計叢書編纂交通會計出其夙緒灑然成篇余維交通爲國營事業會計之應專設稽之各國莫不皆然如德捷等國且列之憲法條文國人不察動加譏議遂致與行政出納混合不分虧累了無底止今國人日言建設而對於已成之事業輒聽其敗壞肢削寢成枯臘若此誠不知其意之安在也吾願讀者因是書而悉明經營交通事業之鈐鍵及其已往經過之困難嗣後補救之急要因以促進一功之改良是則仲清是書功固不止在會計一端而已是爲序

李懋勛著鐵路會計學序民國十二年

李君懋勛以所作鐵路會計學求序於我我近因抱病少作文字但這本書却是很願意替他作序的

因爲我國講鐵路會計的書簡直可以說是沒有李君這本書不但是一本破天荒的著作而且字字都根據學理與經驗爲研究經濟與鐵路的必須閱讀的書我們很有替他介紹給羣衆的必要再且說到鐵路會計這件事我不知心中有千言萬語想告訴我國同胞現藉這個機會發表我一番意思或者於我國前途有一點益處所以我便寫出下面這一大段話來

鐵路會計這一件事尋常人都知道在鐵路及國家經濟財政都占很重要的地位但我國則情形更有不同因爲我國的鐵路大半都是借外債做的因爲借外債的緣故大半是一切管理權握於債主的手的尤其是財政權大半都是用債主國的人做總會計所以收支匯劃都要他的認可他一方面做中國政府的雇員一方面做債主的代表權與責都是很重的不要說那個人要靠不住可以受很大的損失但使那個人的能力不夠或會計的辦法不甚高明便可令鐵路受很大的影響諸君要知道鐵路是一件頂複雜的東西其中有建造的工程有修養的工程有車站機器廠還有貨棧碼頭船隻等等種類非凡之多如果不是用最好的會計法來管理馬上就可以變成一團糟我國的鐵路既大半是借外債做的外國雇員的權又是很大如果不是會計法則定得周密那我們所稽查不及的地方不知要出多少毛病到虧了大本我們還不知道呢況且還有一層我們既借了外債一定應該叫債主相信我們的鐵路辦得不錯本利可以有着然後我們在世界信用方可增長這裏頂要緊的辦法就是有好好的會計法統計法可以把鐵路的種種真相據實的用表冊表現出來自然人家可以相信但是這件事說起來似乎很容易辦起來却是繁難我現在不嫌絮煩把我國鐵路會計的歷史敘述一番

我國起初辦鐵路的時候因爲自己不懂鐵路會計是怎麼一回事又財權本在外人之手所以每做一路就任憑洋總會計（此名不諦當姑取其簡便用之）定出各種會計辦法及簿記格式等等平心而論此等會計辦法不論如何總比我國官廳的四柱清冊及假報銷強得多但有一層借的債不止一國用的人亦不止一國這條路借英國的債就用英國鐵路的會計辦法那條路借法國的債就用法國鐵路的會計辦法而且同用英債的鐵路如京奉與滬寧便迥不同如此一來不但各路的真相無從比較且要編一本統計亦非常爲難而且從前各路的會計辦法大概都不免過於簡單比較各國大爲減色因此民國元年我在北京做路政司長的時候便跟一班鐵路財政專家天天考究預備改良我國鐵路的會計後來想了許多辦法又得王景春博士及美國亞當士博士的大幫助而且各路華洋會計員都很出力不到兩年居然把各路會計辦法的大概已經統一這是意料不到的事亞當士博士當時在美國辦統一鐵路會計的事據說辦了十幾年方才辦成我國才辦了年餘總不能不算是成績極好的從此我國便每年有了一本華英文的鐵路會計統計出現這可算我國獨一無二的東西連海關的貿易冊都不能有這麼周密這也算替我國稍稍爭氣的一件事情至於所定的會計辦法的內容現因限於篇幅不再多說大概世界鐵路專門家早有定論了不過我們不應以此自行滿足所以當時便立了一個鐵路會計委員會把各路華洋會計及一班專門家都網羅在內以便隨時研究改良李君當時便是得力的會員之一

但是鐵路會計雖已設法改良諸君要知道的鐵路會計不過是政府全般會計的一種而且會計與財

政是極有關聯的財政與政治又是極有關聯的如政治及財政不良一部分的會計無論辦法怎好亦難收效果民五以後鐵路財政受種種政局的影響至今成一不了之局雖會計辦法規模尙在其最大的用處不過使一切挪移流用的真相可以一望而知罷了

這個緣因就是因爲鐵路會計在政府財政上的地位始終未得何等保障之故說到這事我實傷心已極何以故呢

諸君要知道財政上有一個名詞叫做特別會計這四個字的解釋其說不一但大概可以說是在一般會計中另外抽出一部分的事業把他的收入供他的支出若有餘時仍留爲擴充改良該事業之用簡言之就是不作別用這種辦法在各種新事業未發達的國家爲協助促進各事業的發達實在是必要的以鐵路而論國營鐵路最發達的是德國與日本這兩國的國營鐵路就是用的特別會計我們試想我國的鐵路總共不過六千餘哩比不上人家幾十分之一人家的鐵路已經發達到這地步尙且再厲行特別會計謀充分的進步我國的鐵路十分幼稚人們天天會說交通是一國命脈交通不完備甚麼事業都做不起來但交通機關辦起來是要錢的我國如不把鐵路會計作爲特別會計那鐵路的收入及盈餘隨手就移作別用（政費軍費）試問鐵路那有發達的日子我十幾年來於這層看得很清楚並且認爲是極要緊的一件事所以我十幾年來始終主張確立鐵路特別會計這一句話

諸君要知道這一句話是有許多人不願意的在站在政府一方面的人第一是財政部不願意因爲財政部天天窮得要命眼看着幾百萬幾千萬的收入他不能得到分文自然是很不願意於是便找出種

種理由說特別會計的不對好像交通部因爲倚仗了特別會計便把收入的錢不知都用到那裏去了殊不知正是相反因爲特別會計一樣的要預算決算簿記而且還有比其他官廳精密得多的會計簿記不過收入的錢不能聽財部任便挪用罷了但是普通的人那能知道得這麼清楚而且有一班似是而非的言論幫着財部說話「大家都是國家的機關交通部有錢爲甚麼一定不給財政部用難道是你家裏的錢大概你們把着這些錢總是想留着自己揮霍罷」如此一來交通部要再不送些錢給財政部用好像便犯了天下的大不韙最可歎的就是普通人亦幫着起哄幾幾乎把特別會計成了一個受攻擊的大目標唉也不必多說了

但我要請教請教諸公這幾年來我國的鐵路敗壞到這樣田地其最大的原因是不是路款都挪作別用的緣故交通部不得了的債務大概在二萬萬元以上是不是財政部拿去用的鐵路每年可以盈餘一千五百萬元至二千萬元九成不能用回在鐵路上是不是財政部拿去用的諸君想想這個辦法對不對應該不應該如說是對的應該的我不必多言如果說不對不應該則鐵路確立特別會計制度使收入不作別用是不是對的應該的

諸君要知道前幾年這種反對特別會計的議論至少可使北京政府可以放心拿鐵路的錢來亂用因爲拿鐵路的錢來用彷彿係輿論所贊成的如果反對這事便爲輿論所不容說必定是你們把着這錢來自己預備分肥如此則堅持鐵路特別會計的人八面受敵一點後盾沒有除非像我們這樣獸子才肯去做然像這樣孤掌難鳴的事站在官吏地位的人又安能堅持得許久呢這就是我國鐵路鬧到天

天要破產的總原因了

由後思前我國祇有這一點點鐵路我們辦了多少年今天仍然到了這步田地我們想起來祇有慚愧的但我想起來如果輿論始終堅持鐵路要確立特別會計不稍放鬆無論如何總可補救些少可惜所謂輿論其主張恰恰反背係贊成拿着作別用的因此我們簡直弄得沒有辦法結果祇有自己犧牲了完事

最近北京的整理財政委員會發表的文字費了許多心血又給財政交通兩部間想了許多辦法說某款應該財部擔任某款應該交部擔任我想這不是根本的話如果鐵路的錢從今以後不給財部挪用則每年有一千五百萬至二千萬之的款（且逐年可增）有何債不可清還如其不然正是古語所謂「漏卮」有錢填不了無底的洞何況現在不止是財部挪用簡直是軍人放搶還有甚麼整理可說但可惜輿論方面至今沒有正當的主張出現提醒國民使羣衆都知道這鐵路特別會計是應該極力保持的國民的心理依然墜於昏沉的境地這真是令人痛惜不置的了

我同胞要想想看「鐵路共管」四字大家提起來都驚心動魄可是鐵路的現象再開幾年有甚麼法子不弄到共管

我們要與現在的北京當局說到保持鐵路特別會計未免太過糊塗但對國民是不能不說的而且我以爲祇國民能負此責我忍耐在心裏的話有好幾年沒有說一則一說出來或者仍給一班不明白的人加以反對很是無謂二則希望鐵路現象能以改好何必一定要誇張自己不幸而言中呢

時至今日似乎國民應該有點覺悟而且鐵路現象更壞到不堪所以不得已乘機陳說一番要知道鐵路變成海關鹽務時當然一樣的做了特別會計而且盈餘之款必定留爲擴充改良之用屆時世界上尙要說他們辦得合法如其如此何如自己趕快改良尙有可站的地位這是我實實看到的事不要說是一杞人憂天「啊

我同胞如果想要研究這些情形不論何人何時如去問李君等我想他們都很願意詳細答覆的諸君切莫以爲這是一件小事啊

交通知新小錄序

交通部編譯處迭譯書報不域於交通事業也而關於交通者蓋最多頻年所譯一覽旋棄不復愛護至爲可惜客冬任斯事者搜綴舊稿加以別擇可存釐爲三卷題曰交通知新小錄蓋民國八年十一月以後所譯輯者也歐西新發明之交通事業是錄雖未盡述之亦得其大略矣美國紐約新造第二層地底鐵路英法海峽及直波羅陀海峽地底鐵路是錄詳哉言之我國造路數十年地面應築之路猶未完全竣事遑論地底然而積極進行遲之歲月必有達我希望之時此則我曹應負之責也電報事業是錄言之稍略而如關於無線電之三發明最速之無線電機無線電與日光之聯繫則言無線電者也複式電話避擾電話強聲電話機之新發明則言電話者也海電之自動送信機及現波機軍用回光電信新法則言軍事電信者也治電氣事業者不可不注意也世界海運事業大戰前後之比較英國最近製造商船之統計美國船舶之統計是錄亦詳哉言之持我國航業與世界列強較惡何如惡何如獎勵航業條

例近已公布區區獎勵小補而已擴充商船事業以競海運之利吾不能不深望於我國資本家矣瑞典有三百周年紀念郵票美國有三百周年紀念郵票是錄分別述之亦郵務饒有興味之歷史也我國今將發行二十五年紀念郵票三百年與二十五年較惡何如惡何如夫年期不可驟幾而郵務之整理可以精心果力爲之吾願從事郵務者勿懈勿苟也抑吾更有一言爲讀書者告人之患患不知新和世界有新發明之事業不思利用之或仿效之則知猶不知耳讀者而信吾乎吾國交通事業愈演愈進可以斷言讀者其亦有意歟

凌鴻勛編鐵路工程學序 民國十三年

凌君窮一歲之力草鐵路工程學將付梨棗徵序於余余以國事方殷未遑細窺其全豹然以凌君之精究工程學術于海外熟識路政設施於國內旁搜西籍博考羣書其能採擷歐西學說之精華參酌國中規制之現狀文實並重體用兼賅則余固深信不疑也雖然余不能無感焉輓近潮流激盪學術界多以新文化相標榜入主出奴競尙玄虛侈談主義誰復顧及物質文明工程事業之民生大計哉今凌君獨能於教學之餘潛心著述兩年之內先後出其市政工程學鐵路工程學二書以沾丐後進其內心之深遠精力之優異爲足稱矣十一年冬余有交通救國論之作瘖音嚆舌絮聒陳詞冀促邦人之憬悟讀吾書者儻有信其爲國之良方則鐵路工程學其玉札丹砂青芝赤箭也然則凌君之作豈僅徒供當世考工家之贊賞而已哉

鐵路行政千經萬緯必使治其事者同條共貫人人心目中皆專注乎業務一祛弛緩隔閡之弊然後路政乃可得而理吾國鐵路建設之初無一定軌轍可循其行政事項類皆沿襲官家舊例隨時補苴歷年既久寢成積習卽如文書一端亦復層累周折重疊複沓屬職勞於案牘長官疲於鑑衡而業務所在轉致罅漏不其俱乎余久知其中情況民國十一年在交通總長任內於本部召集鐵路文書會議意欲使內外人員聚於一堂詳加論列折衷至當其與於此次會議者咸能本諸經驗參諸事實窮原竟委舍其舊而新是謀爲期僅旬日開會九次所提議案分別表決堪爲整理鐵路文書之張本董其成者劉司長景山也適以政局更迭路事紛紜表決各案頗有擱置其實行者已皆稱便今余再筦交通劉君仍司路政深維處理文書之良否與路政息息相關上屆會議略具萌牴不宜任其就湮爰命部員吳君昆吾謝君鏡第錢君春祺周君衡陳君震異秦君景阜檢集原案排比銜接刊印成帙用資鏡考凡部局主管之員皆宜手此一編彰既往以察將來於茲事力求齊一芟繁就簡推行盡利藉得殫心竭志發掘業務實事求是急起直追薪以合乎敏政二字而漸與東西各鐵路相頡頏此則望望之思所企望於靡盡者爾

交通部南洋大學乙丑級鐵路管理科畢業紀念冊序 民國十四年

我國地大物博而民不免於困窮其故安在豈非以利用厚生之道有未至乎地大而遼隔物博而不能全其用以便其往來通其有無者未盡然美也民情未能溝通政績爲之不舉曠土未盡闢寶藏莫由出國病分歧民病寡乏交通不便實爲之梗我國大陸之國陸路交通所繫尤重而今日鐵路之已成者未及十一且以經營管理未得其宜民利其用者蓋至微也南洋大學爲我國最高學府之一鐵路管理與

交通事業尤有密切之關係蓋旅客之往來如適其家貨物之輸送如列於肆愉快而便捷有條而不紊他如車輛之調度有方器物之保護經久消費之節約時間之正確胥惟管理得宜是賴諸生學擅專長識精路政當此交通機關亟待整頓之日諸生學業完成必有大造於路政福國利民可預卜也綽忝長交通志切救國平昔所以自期者亦將有待乎諸生也今值諸生屆畢業之期刊印紀念錄遠問於綽乃述所以關係於國家者以爲之勗

吳承洛著中國實業狀況序 民國十四年

中國海通以來經國外商潮激擊之力國人漸知振興實業爲生存競爭必不可少緩之事然數十年來提倡者有人創辦者亦有人卒至著著失敗舉凡一切日用飲食起居必需品稍合今日世界物質文明需要者無不仰給于人言之痛心推求其失敗之故屬于環境不良影響者固居其半然辦理不得其法亦不能辭其咎蓋實業不從科學研究上注意祇知東施效顰安有勝理英美爲製造先進國年來因與德國競爭於商場之故漸覺徒法不足以圖存創辦事業均以學理之研究爲先驅既推行後更以學理之研究爲節制所以一切製造日異月新不爲天演所淘汰且不唯能自圖生存並能奪他人之市場而代替之其國之興也固宜中國地大物博欲興實業當先知本國之天時地利人工原料之性質以作研究之資料然後知西國成法中何者宜引用何者宜改良以他人辦理實業之模範爲師資加以發揮光大成爲中國自己之實業誠能如是以我國天賦之厚加以人事之功不數年間以商戰征服世界非難事也讀吳君承洛新著之中國實業現狀彙編搜求中國實業之資料作研究中國實業者之參考其志

願之正確實有先得我心者爰弁數言以當息壤

骨董瑣記序 民國十五年

績學瑰行之士窮居獨處飲其縱橫無外之氣博心壹志寄興於瑣屑幻眇之間注蟲魚識草木若與天地相忘此或不得志於時者則然然世之自命爲豪雋者窮智力以馳逐聲利之會或規爲遠大中乃枵然無有甚者裨販異說驚聲氣樹標的而一言不智禍且中於天下後世則識小者之所爲豈果可謂之不賢哉吾友文如鄧子嶽崎磊落人也嗜酒工詩富藏書又好蒐羅古器物之殊異者不相晤一年茲訪余天津知其窮困中不廢著述爲骨董瑣記數巨冊將刊以行世問序於余語次若恥爲不足道者余謂事無鉅細致用爲亟果舉國之士人人各奏爾能則積累程功效將不可思議方今俗趨學敝古傳藝術不淪墜者殆稀有心之士搜采殘逸考形象述源流存什一於千百以供後之研索此其用殆遠勝飛鉗捭闔者之所爲卽所以報國亦與今之馳驟壇坫及冒鋒鏑親矢石者何異利濟之道或轉在此不在彼也余近者方輯所藏爲遐庵書畫記亦自懽中之一業意殆有與文如合因文如之來喜發其凡且因以互策焉世其知玩物而不喪志有如是者哉是爲序

周緯著工廠管理法序 民國十六年

居今日中國社會而談階級鬭爭論者殆莫不訾其謬此無他以吾國工業社會之幼稚而遽執與西歐相衡終見其牴牾不相入也然以吾國今日社會之經濟的組織而自滿而誇於人曰吾國無須階級爲也或且幸而免焉是不亦昧於社會進化之歷程而不知歷史上所以詔吾人者從未有一優勢之階級

不受較彼更有力之一新經濟階級之壓迫而放棄其地位者其事實彰彰蓋在人耳目也何也以其歷程之終點乃在經濟階級之推翻與經濟平等之實現也由是以言吾曹苟以穩健平和之見地平心以求其對策之所在勢惟有希望社會中各團體之平行以各展其機能以求一種近似的或比較的經濟平等而已吾曹以爲社會經濟之結構祇能由其機能之正當行使而重新整理之蓋經濟階級與階級衝突若消除則馬克斯之主張爲無據矣然則今日發現於經濟界之工業管理問題苟能使從事於工業者各就其機能而消息調劑之則爲經濟權而起之社會的鬭爭必形消滅又可斷言也斯不亦比較的經濟平等而消除經濟的騷動之良法也歟雖然今日社會主義之各派如集產主義者共產主義者公會的社會主義者工團主義者殆莫不求經濟平等而建其基礎於相反之原理之上此其制度中各有其相當之物質狀況爲基點果時與地與人環境足以相副或遂忻合無間然終不能謂其適於吾國者吾國物質進步之程度固殊抑其社會之歷史的精神與理想亦迥然有不相侔者在也誠如是則吾曹主張社會均平之說之不可以已也昭昭然矣雖然予復有言吾曹夙昔對於社會均平之理想以爲他日苟行之而有效者尤莫尙乎提高勞動階級之智識必使之有自治自理之材與能而後庶乎其可以自存於異日之新經濟社會否則羣衆之心理爲本能的感情的盲動的所驅脫無相當之智識與能以副之則異日社會之騷動必一發而不可復制一亂而不可復治矣治亂之機安危之本端繫乎此事固有造端極微而變化影響極鉅者此其關係人羣之進化社會經濟之將來匪細故也僕自民八之頃罷歐美之游歸國後卽以勞動教育之說進於當軸時平危言莫之能尙也其後累掌交通始倡辦職工

教育猶或遭抨擊然交通界工潮之幸而猶少於其他事業或一發而能旋止其間或亦不無關係歟老友周君於交通界任事甚久余游歐時復過從甚密知其爲好學深思之士近以所著工廠管理法徵序於余余喜其於吾國爲切用之良藥也輒書此遺之周君解人或亦以爲空谷之足音也歟望更有以切磋講貫以衷於是也

蟹庵詩存序 民國十六年

余校刊亡友曾剛甫遺詩竟爲之敍曰余讀剛甫詩蓋不勝友朋死生聚散之感也始余光緒壬寅歲來京師入大學時年方二十頗不爲當世賢豪所棄引爲忘年交其時卽識剛甫厥後屢有江海及國外之行第居京師時爲多今忽忽廿餘年余鬢且斑中經世局人事之變遷柴棘盈胸求如昔者朋儕聚首琴尊跌宕之樂蓋渺如天上而剛甫且以貧病死矣顧念昔時遊侶如梁節庵陳簡持兩丈李亦元丁叔雅黃孝覺羅癭公先後逝趙堯生歸蜀久不通問楊昀谷則窮居京師知交落落如晨星一睽殆不可復合而余流轉人海志業一無所就求附於數公之末以文學名世殆亦無能爲役其懷抱之何若蓋可知也亦元雁影齋詩久已付刊節庵詩爲余越園集刊尙非其全癭公詩近經其弟敷庵編定不日刊刻簡持遺著則殆已散佚叔雅所作余聞在剛甫許乃求之剛甫家不可得孝覺詩則益不可問文人一生心血所聚區區數簡冊求其不卽湮沒蓋尙如是之難也余往者病居癭公所寓順德會館子身無僕臥臥榻上不能起室中寂若僧寮剛甫每日斜下值則來館中冠四品冠衣袍褂躡蹠廚下爲余烹藥情景宛在心目而宣統庚戌余以病南下剛甫輒爲詩送別今集中琨玉秋霜絕世姿一首是也日月易得遂成隔

世思舊之懷其何可任剛甫於友朋風義至篤叔雅節庵癸公之逝傷今悼往一著之篇章其爲詩回曲隱軫芬芳雅逸蓋自詩騷曹陸陶謝李杜王韋韓孟溫李以迄宋明歐梅蘇黃楊姜何李鍾譚之徒暨夫釋家偈句儒宗語錄悉歸融洗而一出以溫厚清遠蓋庶幾古之所謂風人之言尙論近三百年詩者吾知必將有所舉似也剛甫手訂詩自寫爲二冊絲綖中以授余屬爲刊印今得歲事庶不負死友之託而簡持叔雅諸君名具在集中溯念昔遊風流如昨而前塵夢影渺不可追循誦茲編益不禁思之連轡而無極也

癸庵詩序民國十七年

余與任公幼偉慕白旣刊癸公遺詩依其遺志用曾剛甫所選本附以病中諸作又錄曾選外之可存者爲一卷曰癸公集外詩歲戊辰五月告成因爲之序曰癸公遺言以詩人表其墓有旨哉有旨哉詩之境界一超乎人外舉凡高山大川幽林邃谷飛霜疾雹和風甘雨以迄奇花醜石文禽游魚牛死之桐不中繩墨之櫟嬌施蒙嫗之美惡仙佛魅怪之邪正黎邱趾離之變幻無極人世得喪欣戚喜怒哀惡捨執之得其正不得其正皆入乎詩出乎詩詩者人之第二心靈寫其所別造之一境而因而寄焉者也故有詩而人之精神不必定寄于此血肉之軀殼癸公之死余方客海上聞而深慟閱數載而哀未澹旣而思所以永君之精神者乃與諸友謀刊其詩余維君之生未必自意遂終爲詩人而境之所範卒有以成就之使得自達於其域此在君固無所謂幸不幸而掇拾所著使君之精神不至於漸滅則固後死之責也君詩凡三變光緒庚辛前導源溫李于晚唐爲近逮入北京與當代賢儔遊切磋洗伐意蘊深迴復浸淫於

宋之梅蘇王陳間鼎革以還寄情放曠意中亦若有不自得者所爲詩乃轉造淡遠具有蕭然之致此其襟抱未知于古人何如要之其胸中必別有所想象之一境一寓之于詩其詩亦遂因之益進蓋可斷言也君生平論詩最推曾剛甫其手稿曾經剛甫選定故今仍不改余昔喪其所愛廬公爲詩述離合因緣甚悉所謂舊夢吾思四印齋者其詩今不載集中顧念西山之麓幻住之園風清月白中若有聞詩人之吟嘯者其亦恍惚四印齋頭問字時光景否耶是則天地間無時不有廬公之詩在亦不限于此區區之短冊也是爲序

毛詩古音諧讀序 民國十七年

清代注詩家多偏重訓詁而略於音韻穆吾先生潛研音學有年著爲是書專以審音爲主凡古音今音悉依字母韻書考正使一出口而音自諧復將說文引詩異字及假借之正字列於上方以資參證其用力之勤成功之溥足上企陳氏毛詩古音考顧氏詩本音旁及苗氏毛詩韻訂翟氏毛詩證讀傳世不刊可無疑也吾粵自東塾陳氏以還治古學者日益闕寂橫流方酷國學寢衰蒙以疴患餘生勉思炳燭而人事紛沚編摩俱輟今讀是書猶幸鄉賢著述繼美有人欣慰之餘輒復識之如此

海雲閣詩鈔跋 民國十七年

先大父平生所爲詩餘既手定秋夢盒詞付刊詩則未有定本既歿之三十載恭綽乃就當時手寫本及掇拾編入者都爲海雲閣詩一卷授之剞人是否全稿則未敢定也汪美生先生筆記中所載先大父詠鴛鴦一聯謂當時傳爲佳話者以無存稿故茲不見于集中知遺詩之散佚者不少矣憶恭綽六歲時先

大父喜其慧時課以對偶一夕本生先嚴令學爲詩以春雨爲題及成首句云幾夜無明月先大父謂其有思致深獎之忽忽遂已四十餘年有如隔世而綽以迂拙撓世網百無所成求遂終爲詩人之窮焉而不之得海壖吟嘯家國百感紛集于懷永念前塵曷禁涕泗之橫溢也

清代學者象傳序 民國十七年

有清二百餘年學術繁興文儒輩出其言行著作散見公私紀載者不知凡幾其彙爲專書者則有若國史館各列傳暨耆獻類徵國朝先正事略碑傳集漢學師承記等第其間體製不一或限於年代或囿于部居或尙缺翦裁或未遑綜貫卒未有折衷匯萃勒爲一編者易代以還清史待修其有須乎此者尤亟顧遲之又久闕無聞焉余先大父南雪府君於同光之際宦遊北京所交多海內賢豪厥時卽有志乎此並以自古紀述名人事蹟多附畫象俾精神意量得附以傳因廣蒐一代學者之象手自鈎摹凡費三十餘年之力成象一百七十自顧亭林迄魏默深各自爲傳附於象後計徵集資料逮參稽定稿所糜時日精力不可勝計歿時尤殷殷以流傳繼續爲念恭綽無似思承先志因念先大父所輯斷自同治以前同光宣三朝未及列入又同治前諸學者象缺者尙多亟圖賡續期成完帙顧日月易得人事無常慮先人手澤或致湮晦又比歲治國學者於清代學術競致研求此書尤爲一最良之參考品用擬將先大父已輯各象傳編爲第一集印以行世藉副先人之遺屬兼應學苑之需求適商務印書館願成其美因舉以屬之其餘各集以待續出自維年逾強仕志行百無所成今茲忝廁藝林賴祖庭餘蔭布其初基得以附名簡末不禁感幸交并已各象中有爲大興黃小泉氏所繪者小泉從先大父遊凡二十年工人物花卉

歿於光緒中例得附志

俞伯敷水周堂詩詞序 民國十八年

比年朋好凋零時切思舊之念恆思掇拾其遺著使一生心血不致於湮沒日者俞伯敷丈之子人蔚人珏以君之詩詞來屬編校越月畢事人蔚等將取以付刊余維粵東自昔僻在海隅罕通中原故歷代文學著稱頗後他省是非人文獨遜抑無以爲漸摩應求標榜使之然也有清一代粵東文化不能不歸功于惠翁阮張之倡導而他省人士之流寓者亦時有異軍之特起斯亦灌輸演進之效致然也省會中他省新占籍者若徐若汪若胡若沈諸氏皆家學繇衍聲稱藉甚俞丈與吾家舊同爲紹興籍同占籍番禺又與上述諸氏多有連所居復多在城之東北隅故省會言讀書者恆相題目有一小北仔一之稱言及一小北仔一者不問而知爲被服儒素篤志好學之子弟也當光緒中葉時局多艱有志之士多憤發蹈厲思有所變革此小北之徒所潛爲蓄備者甚力其間歌嘯悲咤意氣往復亦好爲文章君年稍長爲詩詞特工朋輩皆推之今存者甚稀殆悔其少作耶庚子余游滬君曾爲詞送之今亦無存厥後余北游君以書抵余謂近晤吳敬恆鈕鐵生也者學識非凡恨君未與把握嗣不通音問者累歲但聞試吏粵中而已民國三載始重晤于北燕則君儼然瘠立無復向時豪態發爲文字亦多幽抑之音爲余述謀食之苦聽之泣下自後回翔郎署者數歲略有山水友朋之樂而君死矣死後家無所有獨有詩詞數卷卽此是也余主不加別擇悉付剞劂以待後人評定蓋君之所作于輓近誠有可以自立者晚年所作尤工蓋非夫一時一地之人之作而可廁于近數十年國之作者之林者也君事功既不能有所表見則留此數冊

以作君之行狀讀庶君之志量猶可隱約見之余駸駸老矣于文章事業無能爲役回溯少年文酒過從之樂恍如隔世遂欲卜居西湖之上優游故鄉以藏其拙而惜君之不及見也

前歲余展上巳于北海畫舫齋君賦詞有脩竹空滿

林山陰故鄉于斯集之刊聊述君之行誼爲志鄉邑文獻者有所考焉

陳師曾詩集序

師曾既歿之三年恭綽從其家得遺詩兩冊以屬吳君眉孫吳君屬其弟婦江南蘋女士手錄付印既歲命綽序其端余維文藝爲人性靈之所現故不論散駢文詩歌長短句以迄書畫戲劇凡以表心胸之蘊蓄而已其能悉量表出與否固視其術之巧拙然苟積于中者無有則雖窮極工巧猶纂繡鉸刻無足以言學也師曾少好爲詩又工畫雖游日本習諸科學然所好獨在文藝燕爲百怪所萃廿餘年來仆興衰盛機牙捭闔奸譎窮奇可愕笑咋舌之事層見疊出雖罄山經齊諧誌之不能盡也君處其間若無所聞見敝衣草食破硯故楮二三良友歌嘯盤礴以自得其樂而藝乃益進世之人亦頗有識君之畫者以性和易能給人之求故流傳者多畫竟輒好題句故君之詩與畫恆相繫屬君少承散原先生之訓又濡染于婦翁范肯堂先生之詩學者至深第所作乃一易其雄傑倔強之概而出以冲和蕭澹嗚呼言爲心聲君之不中壽固朋儕所不及料也斯卷所存其卽爲君所願存者否固不可知使天假之年君之詩必更有進乎是此亦不待論蘇子瞻曰余之畫竹蓋寫胸中逸氣君之詩蓋純乎寫胸中之逸氣者也抑自來畫家之詩恆別有其意境與面目自王摩詰蘇子瞻文與可趙子昂吳仲圭以迄文徵明沈石田唐伯虎惲南田陳老蓮金壽門之徒其詩之谿徑皆若有獨異者又君時主「文人畫」之說曾推闡「文人畫」所

以異于工匠之所在爲文累千百言君以文人之畫而發爲畫家之詩探之胸臆而師乎造化雖無意與苦吟者較其短長要大異乎纂繡鉅刻之徒存形貌則可信也余年十九識君于南昌同盛氣跳盪以詩歌相倡和不輟中更多故君遽攬盛名以去余乃流轉塵壒百無所就視君之蟬蛻世網轉若有所深羨者序君此詩蓋不止傷逝之感矣

大同雲岡石刻毀失記 民國十八年

山西省大同府雲岡山石刻乃拓跋魏時所刻當時傾全國之力以歲入之一半爲之其工匠來自西域故作風含有印度波斯意味其時魏都大同帝后以時臨幸史所稱幸石窟寺是也余昔讀水經注武川卽載此石刻備言其盛民七張綏鐵路勘工工程司爲余言余乃自往訪之同行者陳君援庵曾有詳細之記錄嗣中外人士聞而往遊者不絕於道日人尤有極深之研究且皆以科學眼光從事我國人深愧弗如數年前大同鎮守使張漢幟曾有修葺之議估價約須六七萬元旋竟不果余意修葺非易事蓋該處石質鬆浮極易剝落若如近日各處辦法以細棉土強補其缺致盡失真相則不如不修之爲愈余思欲以科學方法塗注一種液汁使石質增加凝固不易感受氣候之侵襲屢詢之化學專家亦未得其法此石刻尙在洛陽龍門以前實爲我國文化上一大偉績乃無法持久徒付之浩歎而已不料月前友人自燕來云燕市發見大同石佛頭九十餘枚余因電張溥泉氏商之閻百川設法禁阻一面請教部及蔡子民先生合力致電閻氏嗣得張溥泉復函謂派人調查確有其事已商閻嚴禁教部及大學院亦極注重此事今後大約不致再有此類事發生但竊者不可復續且已失之九十七枚不知歸於何所雲岡石

刻完善者本稀今又失九十七枚將益減色以少數無知之人希圖微利致文化上受莫大之損失且令世界人民因此評爲爲蠻族行爲言之實堪痛惜我國此類石刻同一偉大者如天龍響堂礪務龍門等等尙有數十處竊意中央及地方當局應調查表示列爲國寶責成地方官廳及團體同負保護之責庶此文明寶物不致日歸淪喪是則區區所切望也

劉紀澤目錄學序 民國十九年三月

流略之學後起益精輓近列邦學府至以圖學爲耑科蔚成大國凡以甄綜殘佚釐析部居便學子之摭摭保儲藏于不敝用意至善爲法尤周我國比年治斯學者不乏其人因亦有圖協會之組合及圖學季刊之發行而各地圖亦漸多設立更踵事增華保存固業啓迪新知繼往開來其則不遠自今以始吾國斯學之領域其得益漸開拓以副世之所需歟顧冰水青藍雖學苑之成例然山林藍縷賴往哲之開先吾國之有簿錄之學蓋自西京已肇其權輿二千年來官私紀錄殆以千計雖範圍各別義例攸殊而攷淵源辨流別志存佚記鑒藏猶瑤函之萃昆侖夜光之叢碧澥也懷寶猥曰迷邦數典詎宜忘祖今諸家記述粲在簡編或斷爛靡全或散漫無紀狀其披揀類良金之在沙難於貫串等散錢之滿屋千百年來尙未有綜各家之目爲一家之言者邇者周李二氏書目舉要及丁氏叢書書目彙編斐然有作始闢蠶叢以云成章殆猶未達劉君紀澤博學篤志意不憚煩日往月來晨書暝寫以數年之力成書目攷凡若干卷輯各家之要集羣目之成譬夫絲綸組織五色相宣樂律和參八音繁會誠文園之鈐轄書囿之津梁焉語其優越約有數端自九流七略以迄經籍藝文之志崇文中興之目南雍內閣所庋四庫七閣

所藏其分立條科皆基原則茲編既專收書目勢不能從其朔例致啓絲棼故訂正厥名總十有四史志方志釋家道家以其性屬單行不加刊落餘則析爲收藏題跋考訂知見等目以類相從綱理秩然指掌可觀其善一也諸家紀載鉤考多疏或存佚之不分或流傳之失紀雖資覽誦罕補深摯茲則根錫鬯四例益加邃密刊影鈔校以至傳寫經藏莫不窮流溯源條分縷析似墨緣彙觀之體靚書林未有之奇其善二也周李舉要案斷多疏而往者經義小學諸攷舉例又嫌冗贅茲編旁徵曲引仍復以簡馭繁蕪類芟除菁英畢露有疏石尋泉之便無疊床架屋之煩其善三也綜此三長願抒一得方今列國競收漢籍連鱸所載更僕難終又或語涉支那跡窮禹域覘國之論紀遊之篇並借鑑攷資充棟無極凡茲目錄類有刊行倘廣予蒐羅別加刪輯以時發布藉餉士林同慧海之長流似連山之不斷則劉鄭朱紀之業何以加焉余少耽墳典妄亦有志目錄校讐之學中年役於人事遂從荒落炳燭孟晉延念無涯又慮聞多終爲形役還君此卷蓋不勝波流弟靡之感也已溜澠味合海水情移所喜放君出一頭地

明陶南村手寫古刻叢鈔跋民國十九年

明陶南村宗儀手寫古刻叢鈔一冊凡三十八葉內錄古碑刻凡七十四種今夏得於上海余觀其筆勢精健雖未能遂出松雪藩籬而流麗中有渾穆之致似出俞紫芝輩上信佳物也南村著書頗富此第爲輯錄之本然失傳古碑拓多藉此留存首葉有南村之南村處士水印又有涇東草堂四字印與中二字印葉氏藏書四字印各一足證其曾爲吾宗文莊公葉竹堂物又葉伯寅圖書五字印一伯寅文莊之元孫也顧千里跋平津館此書刊本云「嚮白堤錢山人聽默述此書南村手寫者首葉鈐崑山葉文莊藏

書圖記曾在白蓮涇王氏家近始散失不知歸何地爲時不遠宜仍留天地間」此冊末頁恰有一「東吳王蓮涇藏書畫記」九字印（王蓮涇卽王聞遠康熙時人有孝慈堂書目中並列有此書稱爲南村手鈔本葉文莊公所藏）足證此爲南村手寫本無疑此書曾經鮑氏知不足齋孫氏平津館葛氏學古齋三家校刊鮑氏之刻根據李南澗鈔本孫氏之刻不知何所本惟據顧千里各跋知當時係以鮑本及戈小蓮藏本顧抱冲藏本先後互校學古齋刻則純本于平津館竊謂三者相較應以鮑本爲最佳不但次序悉依原本卽字句亦少錯誤蓋鮑所據爲李南澗本而李本似據錢叔寶鈔本（顧千里云顧抱冲小讀書堆所藏本後有錢氏題云己巳冬借崑山葉氏所藏鈔本錄于榮木軒）故鮑本之優點多與錢本同（此所云錢本內容係據顧千里所述）如唐李無慮墓誌入衛天階各本天字下每多一和字而又衍去階字惟錢本不然唐故江南西道各本多衍去西字而錢本有之又故右內率府兵曹各本首多有唐字而錢本獨無前守溜州□平縣尉各本平字上多一水字惟錢本無之墳隴□叶各本均未空格惟錢本空格以上各點鮑本亦正相同足徵其淵源有自也惟以鮑本與南村手稿較則鮑本仍多訛誤如秣陵謝公墓誌父璵此當是璵之缺而鮑本乃逕改爲璵又窀穸于鮑本漏去于字陳詡墓誌榮陽吳氏鮑本榮誤作榮崔府君墓誌殯茶鮑本誤殯茶馮府君墓誌黃鶴鮑本誤落鶴心經黃旃檀智鮑本誤梅檀智周氏墓誌童卯鮑本誤童卯東林題詩清川鮑本誤清州張府君墓誌盜賊未弭鮑本誤朱弭又金夫人墓誌各本多誤爲李翺書又有衍去翺字者檢原稿始知係李翺書此外尙未能枚舉此足徵原本之可貴又足徵鮑淥飲孫淵如顧千里顧抱冲諸君均未見此原稿故校勘多近于摸索也此書由王蓮

涇家散出後流傳之緒現不甚可考書中有長沙陶澍及蘆林審定兩印又有賜書樓陶氏之記七字印似道咸間卽歸陶氏迄今始由湘中散出而此書藏崑山葉氏時吳中藏書家視爲祕笈競相傳錄最著者爲錢叔寶氏其後輾轉傳鈔多本致三家刻本字句多有異同非據原稿不能明瞭也又原書共三十八葉顧千里跋稱五十八葉顯係筆誤（三誤五）碑刻七十四種計西漢一東漢二魏一晉二宋三齊一梁四隋三唐四十八北宋三南宋一年月無紀者五四庫提要及知不足齋本周嘉猷跋所稱數目多誤平津館學古齋二本又標爲五十八種殆由計算方法不同又未及細考之故茲重爲寫定一日于後讀者可以此爲據以免迷惑焉又原書有誤寫處以粉筆塗改今多脫落復有蠹傷多處致成空白幸賴各刻本可以補亡斯則傳刻之功效也

附古刻叢鈔目錄次序未照原稿

西漢刻石

東漢刻石

東漢木簡字

魏鍾繇帖

晉墓刻

晉王濛帖

宋謝

濤墓誌

宋劉襲墓誌

宋張氏墓誌

齊石佛識

梁敬太妃墓誌

梁上清真人

墳碑

梁孝敬寺刹銘

梁孝敬寺志

隋陳詡墓誌

隋陳詡墓碑陰

隋緣果道

場舍利銘

唐汝南公主墓誌銘

唐崔相墓誌銘

唐李無慮墓誌銘

唐徐氏山口

碣石題刻

唐寶林寺題詩

唐瞿令圭墓誌銘

唐李宗卿墓誌銘

唐許氏夫人墓

誌

唐太白禪師塔銘

唐王叔雅墓誌銘

唐馬氏墓誌銘

唐臧君夫人墓誌銘

唐裴昌墓誌銘

唐張公洞題名

唐楊渙公等題名

唐千佛巖題名

唐高璩等

題名 唐杜府君墓誌銘 唐鄭準墓誌銘 唐李君夫人墓誌銘 唐馮倫墓誌銘

唐胡夫人墓誌銘 唐德本寺碑陰 唐吳氏墓誌銘 唐王仕倫墓誌銘 唐陳

墓誌銘 唐姜夫人墓誌銘 唐俊禪和上墓誌銘 唐東林題詩 唐東林題詩

唐東林題詩 唐馬紆墓誌銘 唐陸氏夫人墓誌銘 唐朱氏夫人墓誌銘 唐天台

詩刻 唐陸氏夫人墓誌銘 唐楊氏題名 唐鄭宗道題名 唐李拜題名 唐

司顥題名 唐盧知猷等題名 唐金夫人墓誌銘 唐陳直墓誌銘 唐何俛墓誌

唐張中立墓誌銘 唐黃公俊墓誌 唐戴芳墓誌 唐賈水部墓誌額 宋徐鉉等

題名 宋張稚圭等題名 宋蘇軾題名 宋黃裳墳志 豔陽仙洞刻字 淮西道

院刻字 康王神道碑 韓公井題識 心經 共七十四種

梁代陵墓考跋 民國十九年

右梁代陵墓考一冊華亭張璜撰原爲法蘭西文字上海徐家匯天主堂于民國元年出版張君蓋彼教徒也今春余與中央研究院古物保存所諸君踏勘京城東郊外蕭梁諸墓時衛君聚賢出以示余以其紀載翔實懇懇譯爲國文且以其書當尙有續編行世歸滬訪之徐家匯圖書館始知張君著是書後不久以神經衰弱病去世並無繼作是書附圖蕭憺碑旁所立者卽張君也嗣衛君以譯本來余屬廖君德珍刪其繁複復以中載六朝歷史及帝皇徽稱等多我國人所具知余復爲之刪節如茲冊印行以餉國人余深維我國古跡繁夥皆與文化藝術有極切要之關係國人不知保存研究一任天人物之毀壞而

不之問其間文人墨客偶爾摩挲傳寫亦祇以供賞玩爲止其能穿穴貫串爲深切之學求者蓋不多觀又以昔者交通不便學者每以筋力不給未能窮其要領與纖悉故志名勝紀金石者漏略至多自中外棧通外人蹤跡遍宇內彼挾其強毅之精神深邃之科學充裕之財力所至輒撮其精英以去復加以整理探索公布于世以供學者之參考于是世之見者不期然曰此中國之古跡古物幸而遇某國某氏之費見而貢獻于世否則且毀滅湮沒矣而吾國之欲研究古跡古物者勢且不能不借助于彼以研究資料之缺乏又絕無後援故也一二明達有志之士又感于氣力之未充大時人事之阻格百出不足盡其辭向多廢然而思返雖社會日號于衆反對外人之採取古跡古物其如事實之違反何且以民生之困瘁當局暨民間既乏力爲保存之施設社會又不明此爲文化精華之所寄動揭破除迷信之幟盜毀焉而不之恤故歷代古物若陶若骨若金若石若玉若絹若帛如潮以涌出國外有志之士徒瞠目束手客嗟太息而已私意吾國之古跡古物既不欲外人捆載以去則應自謀保存自謀研究否則國人既日日自毀其寶而責人之不許搜羅非特勢所不能抑亦理有未足卽如此冊成書已久猶藉彼教之力以印行吾徒亦于今年始見之而譯之斯亦彌足自媿者竊欲邦人諸友觀此而有所興起毋徒令張君更太息于九原之下也

跋徐僑邨詞民國十九年

三月前次公以僑邨此帙寄余且述僑村學詞之經過余携示疆邨翁同爲歎異因及次公指授之得法暨次公及門陳文中姜可均諸人詞學之孟晉余曰次公之法無他不令學者讀宋以後詞猶習字者從

篆籀入學詩者從風騷入雖蕪言累句拙體敗筆猶爲風騷篆籀而非俳諧釘鉸館閣體也昔唐之名樂工教其弟子謂須不奏樂十年去盡前習然後可教曹子桓典論所謂願將軍捐棄故技蓋學之云者乃神識間事一經鏤刻深入無間迷途迂道不遠而復蓋猶易于伐毛洗髓也學者一趨末流動成痼疾何如色絲未染之易成章乎故次公之法似遠而實近似拙而實巧翁堯爾曰有是哉子之善于昭晰也因書以爲跋且以券僑村之詞之日進焉

彙合宋本
兩部重印 淮海長短句序 民國十九年

秦少游淮海詞宋刊可考者凡三種一乾道間杭郡所刊淮海全集之淮海長短句三卷本二南宋長沙所刊百家詞中之淮海詞三南宋某處所刊琴趣外篇中之淮海琴趣二三兩種今皆不可得見世所存者祇杭郡本二部而已一爲故宮所藏原藏無一爲吳縣吳湖帆所藏原藏潘氏且皆非全璧世曾兼見此二宋本者殆祇黃蕘圃見後幅汲古閣輯詞至富乃稱淮海詞從無的本其他可知乾隆脩四庫諸臣亦未一見宋本致疑全集分卷爲張繼所亂而非原書之舊說見後幅自秦氏藏本入宮滂喜齋本又秘藏吳下致朱彞尊王幼遐吳印丞陶蘭泉四家刻詞時均未得全見此兩本朱氏跋吳本及陶氏刊詞跋錄均太息引爲憾事余居海上數與湖帆往還因得見滂喜齋一本嗣袁守和同禮寓書謂將景印故宮藏本閱數月而寄滬於是兩本原狀皆得寓目余審諦數四覺宋槧佳處不一而足且可釋明清兩代校刻家無數之疑因取所見淮海詞凡十三種彙而校之編爲四表一淮海詞版本系統表二淮海詞經見各本概要表三淮海詞經見各本字句異同表四現存淮海詞兩宋本比較表條分縷晰自謂頗極詳密蓋前

此固尙無人以此十三種本從事彙校者也。淮海詞經此整理，版本字句之異同變遷，胥可瞭然。因思宋本淮海詞天壤間祇存此二部，而所存原版葉數又不一，既同出一版，似不如真兩本之屬於原版者合而景印，以存其真。因商之袁吳二氏，得其許可，印以行世，並附所撰四表暨校勘隨筆各條。其兩本內序識語之可資考證者，一并附入。至兩本原缺各葉，均經鈔補，而所從出不同。吳本似從張繼本出，且又出朱臥庵手訛，誤較少。故此次凡兩本無原版之葉，則用吳本之鈔補葉，而將故宮本異同注出，庶真相可稽。而淮海詞可據此爲比較最善之本。獨惜康熙時黃子鴻尙及見之淮海琴趣，今已了無蹤跡。長沙本更久不可得見，無從爲最有力之校證，是可歎也。至是書之校勘借錄多賴張菊生、元濟、徐積餘、乃昌、袁守和、同禮、趙蜚雲、萬里、趙叔雍、尊嶽、龍荂、生沐、助吳瞿庵、梅吳湖帆、湖帆諸先生之力，其繕寫則賴何君誌航、時君巽庵合并聲謝。

宋版淮海詞校印隨記 民國十九年

綽按故宮所藏淮海全集，乃錫山秦氏家藏本。其以何因緣入清宮，今不可考。向疑朱古跋內全集存錫山秦氏云云，似秦氏別有一藏本。今午晤詢古老，始知其曩時亦得自傳聞，並未目驗。然則故宮所藏蓋卽秦本之全璧。吳本僅單行長短句而已。淮海全集目錄確係自宋時卽定爲四十卷，又後集六卷長短句三卷，得此可以證明。紀氏四庫全書總目以爲此種分卷由於明嘉靖張繼重編，蓋屬不確。至文獻通考載淮海集三十卷三字或四字之誤，宋史作四十卷或祇舉文集而言，或漏載後集，均未可知。長短句以三卷爲一卷，或因篇帙無多，三卷合裝一冊，故遂以爲一卷。如此解釋，則一切可以貫通無滯。

矣 閒居文集自序在元豐七年時公方三十六歲所編卷數不能以爲定本故不必據以疑四十六卷及三卷之編訂也 直齋書錄解題及李之藻張縉胡民表刊本均係四十卷又後集六卷長短句三卷

以意度之淮海全集目錄確自宋時卽如此編定不過印行時或有單行之舉而文學家記述有時亦欠周密遂致參差卽如故宮本嚴秋水跋稱右淮海集四十卷後集六卷云云竟不提及長短句而長短句固在該帙內詎能因嚴跋漏載遂謂當時未編入耶

故宮本之鈔補葉係根據何本故宮原本未有聲明然臆揣當是根據李之藻本蓋以兩本相校如八六子之紅袂誤作紅社鵲橋仙之傳恨誤作傳恨一落索之空飛作飛空虞美人第三首之夕陽作斜陽兩本皆同而他本均與之不同卽其確證也

兩本同出一版已無可疑惟究係何時何地所刊尙無確證然竊意主乾道間刊於杭郡者爲是蓋兩宋公私書籍刊於杭者最多而南宋尤盛宋亡其版必偕他版同入西湖書院之庫逮明初遂移入南雍其不見於太學經籍志者殆偶然疏漏耳至由南監曾否移於北監張縉序所謂北監舊有集版一語有無根據現已無從考證或者張序之北字乃南字之訛未可知也

吳本鈔補葉出自朱臥庵當係據張縉本較故宮本之鈔補葉爲佳故此次付印凡無宋版之葉卽用吳本之鈔補葉第臥庵鈔手欠整齊故屬何志杭君重爲謄錄而將故宮本之異同悉註於上又故宮本下卷末葉係原宋版而依故宮本及吳本兩鈔補葉之行款至末葉均不能與之脗合余知鈔補葉之行款必與宋本不同致有此病因悉心推敲將各鈔補葉悉照原來宋版排比如下半闕皆提行寫及一調而

有數首者所有其二其三等字均提行寫到末葉恰相銜接一字不差足證兩本之鈔補葉均非照原版而此番重行鈔補爲較得其真也

又吳本調笑令之標題如王昭君及詩曰曲子右一等字其地位之高下亦與原宋版不同今據故宮本下卷第一葉原版格式致歸一律

陳玉蒼尙書奏議序民國二十年

昔日郵傳同曹陳君蒨衷輯陳玉蒼尙書所爲奏稿擇要刊行既歲以書來曰君知尙書深序文非君莫屬余維奏議非一家之言也自來名賢治績往往散見官書末由貫串而其所著作輒不自表襮甚且不欲以文自見遇有大政若兵若財若外交暨夫一切民生休戚之所繫其委曲本末恆僅具於上達之敷奏故奏議者國史之副車而政書之櫟括也尙書仕晚清雖未膺樞軸然所任之務類關興革大計且成績炳異其定法至今猶將持循言近代史者固將有求于其陳迹以期取則今清史未出官書復多散佚若是乎私書之有關大計者固宜流傳之是亟以爲修史之資而非徒爲表章其人計也蒨衷之輯刊尙書奏議寧不以是歟抑尙書一生治事精練卒以孤直寡合失職以去其是非久而始白然論者猶頗以其好親小事爲嫌抑知我國自古六曹治事極於至纖至悉自學者鄙薄吏事以持大體略細務爲能平日一切委之胥吏匠役不加考究浸淫窟穴姦弊百出而無能檢察顧猶以宰相不知錢穀自解不知經緯萬彙提綱挈領爲相者固不必瑣屑是程若夫分曹掌治而疏闊不事事是直失職而已昔人論晉代清談之禍謂在位者以望空爲高而笑勤恪因以致亂而顧甯人謂晉之清談談老莊後以清談談孔孟嗚呼以孔孟爲清談又何怪儒術之爲人詬病也當光緒末季尙書在位不喜用文學之士而繩墨嚴切跡弛疏漫者多弗便致騰爲口說至今未已不知文學之用與趨事赴功者固分途而異效也今觀遺集

諸奏疏論列之精切考覈之詳明規畫之遠大燦然具在讀者當可一雪前疑且今日時流方競言效率觀茲遺範應憬然於效率之增進實有其途徑與方法且非以身作則不能推行而尙書治事之勤慮事之密在在均由經驗而出尤足以藥今日空言政策及理論者之病是此書之刊布不但爲往轍之徵且足稱先路之導論治術者益將有所取焉綽侵尋老矣回溯廿年前爲尙書從事時銜齋抱牘析疑辯難光景如昨而少年郎更忽已華顛媿南能之傳衣缺郭冲之紀事感時惜往百感橫集泚筆序此蓋不僅慚幸交并也已

公性卞急公牘時自具稿於屬吏呈稿復多改削且間加勗帛亦恆有誤者長郵傳部時一日余呈稿公復下筆方數行余徐言此事實如何公瞿然曰余誤矣卽毀之仍用余稿又一日令余改某司長之稿時余方爲其科長逡巡未應公曰是何妨趣爲之勿學趨避惡習觀此可知公之虛公樂受與一往直前之概然世之以公爲剛愎者或卽由此嗚呼世安得復有此賢哉綽附記

重裝甬直保聖寺唐代塑象記 民國廿一年

甬直保聖寺大殿傳爲宋代建築其內唐代塑壁及羅漢象十六尊迭見邑鎮各志近年殿宇傾覆壁象均漸圯壞僅餘東壁一堵羅漢象四尊又先拆存之羅漢五尊及塑壁碎片若干民國十八年教育部江蘇省政府及唐塑保存會同人陳資議修復於大殿趾建古物館以覆之推蔡元培陳去病馬敘倫金家鳳陳萬里陳劍修及葉恭綽等主其事乃請江君新董司修理工工作以東壁年久不固又所塑已毀失過半不能復東西兩壁之舊乃於古物館北壁前築細棉土垣一堵合東西兩壁所塑及布景之折入東北西北兩隅者併移裝於新垣凡夫結構形態色澤務不失其舊無任增改始任塑匠衛國慶及胡某與匠工十餘人所作未善改由監工滑君田友手自布置務令塑壁主要部份得復舊觀羅漢象九尊之毀壞

部份則不加補綴間有爲穩固計須加功者亦僅令足以支柱爲止其羅漢象原來位置已不可考則以意爲聯屬期得俯仰呼應之意凡象之附於壁上者昔用木杙沙土麻搗爲膠連具今則塑壁主要木柱均附於細棉土垣上之鐵筋以期堅實古物館房舍則全體不用木材藉防水火塑象以外原建造之斗拱柱礎石幢及碎甃零磚悉移置館內外以免毀失自民國十九年秋開始至二十一年秋工成共計用款凡二萬零千元主任工師爲江新滑田友房屋建築師爲范文照施嘉幹

重修攝山隋舍利石塔記民國廿一年

自隋仁壽建造歷今已一千三百三十年之攝山石塔以天時人事之侵損石質剝蝕時虞頽圯觀者病焉香港曉生何居士暨德配張蓮覺夫人既興復棲霞寺大殿則益發願以萬金修斯塔而屬余董其事余始未敢承蓋深知斯塔石工之巧殆冠全國非後人所能爲役也抑近代保全古物不主妄加增削以失真相若是乎莊嚴法相與保全古物殆不易兼顧余乃謀之中央大學建築科諸教授盧君樹森暨劉君士能之言曰塔之結構如人之筋骨其雕飾則皮肉也皮肉決不可增補以失真筋骨則宜求充實以持久今察塔石表已漸腐且樺卯多鬆脫施工次第宜用巨纆固束四周上下徐滌除其附緣之沙石草木次則以人力推復各石之原狀使鈎聯如故再環以精鐵並間設撐柱令無枝梧然後注以化學藥液爲西方習用以延古物之壽者使石理浸漬變化而加堅密且錮其隙使無滋植物如此則再千百年可不壞也至外表雕刻及棖桷簷柱欄楯凡非爲保固所必需者概不加增飾以藥液之石色力固將加瑩勝於施彩畫也余曰善因述之何君伉儷暨教育部長蔣君及各專門學者僉是其說遂於民國十九年

□月始工以盧君綜司工作凡□閱月告竣悉依原議從事惟頂上相輪久失雨水易入塔心因加石頂三層其式則仿北魏雲中寺遺製復有一事深足紀者當冀除積土約四尺許始悉塔本有石壇周如塔形而廣約加半大致完好再深掘復得石欄一堵皆隋代遺物埋沒殆數百載且不見於志乘蓋山洪素烈泥沙壅積使之然也而階陛南嚮與梁文惠太子等所造佛象正同階前復有拜石石左有十佛巖皆昔所未知卽乾隆建行宮時亦未發現而已失之焦弱侯竝撰碑後經重刻者其原石亦掘得於土壤中此殊非偶然因擴清積土夷爲廣場修整壇址補建石欄使一如隋式外加鐵柵以期嚴淨塔右及後方多爲石礪以洩水且衛殿基一切經營蓋無遺憾非盧君之力不及此余維攝山名勝焜燿千餘載梁陳隋之際宸遊駐蹕開士幽居三論蔚爲祖庭千佛侈爲靈跡唐宋以降盛況淒衰然古德傳衣繇延未絕騷人歌詠馨逸簡編迄於清代乾隆行宮勅建尤極一時之盛雖屢經兵燹陳迹荒蕪然靈秀所鍾鬱而必發斯或其期會乎今茲以何君伉儷之力古塔重光然山中勝地多委荆榛方外清修未聞殊絕所冀海內縉白共申宏願使名區奧境規復舊觀精舍講壇流風不沫東方靈鷲或在於斯固非止蘊鏡淵林足供遊賞已也是爲記

甬直保聖寺古物館記代

江蘇吳縣甬直鎮保聖寺舊與白蓮寺合爲一稱唐建古刹其塑壁及羅漢象傳爲唐楊惠之手製與崑山慧聚寺天王象並稱自慧聚寺燬於洪楊之役保聖遺物復多隳壞塑壁圯其大半羅漢象亦僅存九邦人士憂之於是教育部有保存唐塑委員會之設合部省及諸善信之力期築新舍存故物使昔賢遺

跡得以不泯亦以昭吾國藝術之卓越振古如茲甚盛事也余維自昔世界文化強半寄於宗教而在吾國則尤然往往微言大義訴合無間非止形質之附託而已而琳宮梵宇祕守之古物其效或等於藏山複壁斯言政與學者所不容漠視也日者中央政府方有古物保存會之設而各地摧毀古跡之報不絕於耳寡學者方自以除迷信爲聳視聽計而不知陷於罪戾適爲文化之障至可歎也今保聖寺古物經各方合力設館儲存余深望各地聞風興起使三代秦漢迄今遺跡不致日就漸滅庶吾國文化之久遠及其精粹得以悉量表露於世界而爲之起衰救弊抑亦有志之士所應樂於從事者也抑古物保存之法有賴於科學與技術今其法方日新月異爲我國所亟應取則此次保聖寺之一切工作悉本於科學原理不強爲增飾此實足爲保存古物者之模範以視他方之無知妄作青紅塗抹其智識之相越遠矣所願地方人士維持愛護使名跡久留天壤爲一方之勝景庶不負同人經始之勞抑亦言自治者所當有事也余於茲役媿無所効而樂觀厥成故聊述所感如此

桂遊半月記序 民國廿一年

傳載大夫九能一曰山川能說而顧亭林氏則云有體國經野之心而後可以登山臨水固知游觀攬勝非徒怡情性侈幽奇而已桂省僻在西南比年以人事關係恆左右時局而敷政之美亦彰灼人耳目間至於桂海虞衡南方草木資以利用厚生者尤覲縷難盡江山如故風景不殊文藻揆張抑其餘事矣今春余與同人欲聯袂往遊卒卒未果延至夏令乃得成行潯暑過征半月而返水陸所歷四千餘里可述之事匪止一端撮爲斯編聊資紀實管中閱豹媿止見斑捫籥之譏庶幾或免今世盛行空中攝影距離

千丈動有毫釐千里之謬其精於此技者方圓罫畫顯露真形然微忽之間終難期湧現則以限於勢故也此行時促天暑迫爲筆錄正如飛行攝影輒得大凡媿乏新知可供揚摧東塗西抹亦聊助臥遊者之參證而已非所語於著作也刊成漫記緣起於右董刊印事者爲趙君君豪合書誌謝

款紅樓詞跋民國廿一年

右梁節庵丈款紅樓詞一卷余今歲還鄉于李芳谷處得其稿是否全璧未敢定也丈歿不十年藏書星散詩之未定稿者亦復多歸散佚僅由親友掇拾付刊余懼此稿亦淪於毀滅故亟付梓人丈少日入燕卽寓先大父南雪公米市胡同宅從南雪公學詞與先伯伯蘧公先嚴仲鸞公本生先嚴叔達公日相唱和今丈詞集中尙有存者獨惜先嚴昆季所作竟無一存遺澤就湮掩卷增痛至先生詞筆清迥極聲烈纏緜之況當世自有定評固毋庸區區重爲揚摧也已

李懋勛再版鐵路會計學序民國廿一年

民國初元我在前北京政府主持路政的時候有鑒於統一鐵路會計的重要所以網羅中外專家來辦理這件事情於僅僅二年之中居然達到目的成效大著那時專家之中李君懋勛便是一個重要人物後來他把研究所得於民國十一年編成鐵路會計學一書問世在我國出版界中研究此項學問的書籍這一本可算是開山之祖我亦樂於替他做了一篇序文這本書很受學界歡迎行銷也很廣那知一二八事變商務印書館廠屋被燬原版亦犧牲於國難之中現在李君把原書修訂重新出版我自然很願意再來寫幾句這幾年來的感想從前我國鐵路財政和會計的紊亂統一鐵路會計的動機和經過

以及鐵路會計獨立的重要我在本書第一版的序文上已經說得很明白的了十幾年來我國鐵路起初受軍事的影響弄到破敗不堪國民政府統一南北以後方要從事整理又遭國難憑空犧牲了東北幾千里的路綫值到近來各已成路辦理很有進步路綫尚未完成的亦在繼續進展所以各路營業也大有起色不過鐵路會計方面大致仍循已往所樹的成規此外應加改進的地方也未見何種顯著的成績這裏頭因果很多我姑且說其大概

第一是各種會計則例未曾改良修正按第一次所定之則例不過是奠立了一種基礎我在前序中已說過不能就此滿足而不再研究改良即如第一次分類的辦法雖然按照當時情形斟酌規定然而學理事實往往難於兼籌並顧舉一個例就如租金一項我國規定則例的時候顧慮事實有的歸入營業賬有的歸入歲計賬勉強把他分成兩個性質不同的東西還有營業用款和營業進款之中都有互用車輛一項亦是租金性質其意義和性質實在不能和其他同列各項來比較所以亞當士博士曾經詳細討論過這個問題覺得從理論方面說起來實在應當一概歸入歲計賬是毫無疑義的此外這一類的事情還有許多可惜這二十年來還沒有十分注意差不多仍是從前的一個輪廓

第二就是會計的事不是僅僅一些理論與方法就可勝任的鐵路尤其是一種很複雜的會計我當初招考一班留學生在亞當士與王景春兩博士之下認真訓練成績很不壞但是當時就感覺全國鐵路會計斷非十餘人所能敷用而且中級下級職員的造就也很需要又查賬的職務與司賬不同又另係一種技能這都是當時打算積極進行的不料二十年來仍不過一個大籠統未能收充分的效果祇係

鐵路的會計比普通官廳總高明不少罷了

還有一點我要說明的就是會計方法無論如何周密要牠能確有實效必定要以會計所得的結果作爲財政上的南針最好要把整個鐵路之收支重任和預算決算全權委之於經管會計人員使全路各部分的用費都直接間接受他們的指揮而會計人員亦能嚴格估計進款之數再行酌定用款之數使各部份都能遵守預算真正實行量入爲出的辦法如我們看看美國這幾年不景氣現象鐵路受到的影響在各種實業中要算最大然而他們的營業進款雖有驚人的低落而營業用款的減低率比較進款方面更大甚至一條鐵路上各部份的經費一次竟減少三分之一之多裁去的人員一次亦以千百計但是一點問題或困難都沒有何以故呢就是因爲鐵路當局完全遵照預算辦理要求收支適合在我們中國常看見進款日減而經常費日增即使要裁減人員的時候未必完全把進款的多少作爲標準亦沒有公平的辦法或是一方裁人一方添人那裏能使人心服所以我覺得我國鐵路會計雖已統一還好像是一種表面文章僅僅在紙面上可以看得見一點成績至於如何能達到會計統制一個名詞的功用如何使會計人員能有指揮全路費用的實權能把收支安放在正當軌道的上面還不知到那一天纔能實現呢倘使竟能辦到這一步那末鐵路情形困難的時候自己欠債尙不能歸還就決不能供給鐵路以外的軍政各費以致欠薪欠債弄到鐵路的名譽地位都趨於低落而且一切收支都趨於緊密鐵路自身亦不至有何重大妄費腐化之處能夠如此那末除真正沒有法子的天災人禍以外鐵路的財政決不至沒有辦法鐵路的名譽地位亦就自然而然的抬高了不過要達到這一步非辦理

鐵路和辦理會計的人員經過極大而長期的努力是不容易實現的

現在再說回到這本鐵路會計學上面我看了李君修正的章目對於近十幾年來鐵路會計方面的新材料都加以搜羅補充比較第一版更爲詳備將來一定可以爲學界路界人士所樂用現在完善的鐵路會計書籍在國內還不易見所以李君既有志把此書修正重刊當然值得我們的贊美並且希望這本書對於我國將來鐵路會計方面的改良進步確能盡他的一部份責任產生相當的成績那就不負李君的一番心血精神了

大至閣詩序

民國廿二年

余年十二隨先君至贛先君爲妙選師友故一時賢俊多得從之遊厥後聚散不常遭遇復各異曩者晨夕談藝之樂一逝不可復得日月易邁往昔盛年各隨塵浪以俱去三十年中哭桂伯華劉玉珩沈筱宜矣繼又哭陳師曾梅斐漪最近復哭諸貞長與劉未林文公達余幸稍識生死無常之理不至以此傷性然情懷則可知也又念諸君以特異之姿閱世數十寒暑所得者惟憂苦疾患此固人類所同然第求稍獲世間名利恭敬以竊自慰其非虛生浪死其事亦至復不易嗚呼人生之多艱文人之無命殆不信耶貞長長於余數歲少好爲詩屢相唱和驚其骨格騰健望之莫及中歲偶讀所作則益轉爲蒼渾駸駸與散原映庵諸公並馳沒後覓所爲詩固哀然成集梁子无畏因獨任剗削之役刊成此帙焉貞長平生知友甚夥今獨得此於无畏於死友可云不負抑貞長異時屢助節使幕府疑然將有以自見固非欲以詩人終者頃歲胥疏無俚買地西湖紅柏山莊葺屋數椽期將隱居以老復遇焚如燬藏書萬數千卷都盡

意氣乃頓衰謀食來海上所爲詩始率易及病以死幾無賞爲殮綜其身世頗類子美樊川與玉溪劍南然歛華就實能用於世復似過之至於詩之與古人挈長較短則未易以一二言盡也余往者曾屬友人吳眉孫刊師曾遺詩伯華以學佛棄其文字玉珩早死無遺稿筱宜斐漪所作皆散佚余比搜輯公達之作尙未成編未林遺稿則貧不能刊嗚呼當今之世貞長之猶得流傳此帙得不謂之厚幸歟抑文字與世諦牽纏至固貞長曾從伯華學佛今茲擺脫落塵鞅將舍其所執而企其所未至區區一詩集之刊布其未必爲貞長之意乎第朋輩之所得而助於貞長者則固止如是也噫

說劍堂詩集序 民國廿三年

今夏潘蘭史先生捐館舍其弟子譚和庵取其手定詩稿若干卷付印期月而歲先是先生持此稿訪姚君虞琴商推數四始定歸而卽夕中風遂不起斯稿去取固可信不失先生意也先生少負才氣弱冠後卽聲名蹀躞所爲詩歌甚富皆取辦俄頃中年以往轉益矜慎然狂歌醉墨猶隨地涌出今所存僅此可見其不苟也矣先生性介而和易不立涯岸詩亦如其人不強樹宗派而有優游自得之趣世變方亟人生多艱先生所處之境或非人所堪而先生不改其樂昔常遇薦剡邀賞音可致通顯矣而先生抑然自退無所冀幸斯其胸襟固非恆常所易測識也昔嘗聞之詩者持也所以持人情性先生之言行固無在不合乎詩教漸漬饜飫而偶發之吟詠之間所謂天人合籟豈矜形飾貌絺章棘句者所得而較論其短長也歟昔先大父南雪公掌教越華書院從受學者及千獨心賞先生先生與冒丈鶴亭姚丈伯懷同學詩詞於南雪公公恆賞先生之作謂可大成恭綽兒時卽習聞之今此集出先生可謂不負公之期許

而公之衡鑒之明亦緣是益見斯又事之可紀者也譚君佳士獨力刊先生遺集風義甚厚故樂爲述之

說劍堂詞集跋民國廿三年

余與夏劍丞姚虞琴編校蘭史詩竟謀並刊所爲詞乃取其已刊及所存各稿由余爲之選定凡得若干首以屬譚和庵附刊於詩後蘭史少時所刊詞曰海山詞花語詞長相思詞曰珠江低唱凡四種厥後所作曰飲瓊漿館詞曰花月詞則皆未付刊今茲綜合選錄名之曰說劍堂詞從其朔也海上詞人爲滬社歲時宴集相唱和恆以齒敍座自彊村謝世蘭史以年最長爲尊宿意興甚豪吾輩方歎爲莫及乃匪久復與夢坡子大先後逝世社事遂稀世宙茫茫三數書生喁於海壖託於春鳥秋蛩求稍澹其民物之抱而聊相慰藉蓋尙如是之不易也抑世道晦盲人情涼薄吾輩今日爲蘭史編其遺著他日誰爲吾輩任此役者循誦再三益不勝生世之感矣

高奇峯遺書跋民國廿三年

奇峯先生既歿之七閱月同人選其遺作之一部印行於世昔人云吾身後子定吾文必乖吾意蓋文藝乃神識中事正如飲水冷暖自知心之精微口不能言況於他人甘苦寧能共喻耶茲編僅就先生作品之留遺京滬間者選印正所謂窺豹一斑其未能盡如先生之意蓋可知也但同人今茲所得而爲者殆限於是夫推先生沾溉藝林之旨及同人所以崇重先生之由僅餘此區區者與世相見或非先生所及自料然卒止此者滋可痛也物以罕而見珍以世之求取之難或轉致其矜貴而因以研窮其蘊奧或亦

吾徒之聊可引以自慰者是先生傳作之僅此未必遂爲先生之不幸也印成聊書所見如此

總理遺墨跋民國廿三年

民國十二年余在神戶膺總理召赴粵時方開大元帥府於廣州余到省日適沈鴻英攻城礮聲殷地總理一見笑曰君乃來觀戰如畏可暫回港余曰如膽怯卽不來矣遠來正冀有所致力總理大喜次日再約深談堅以財政部長及廣東財政廳長相屬再辭不獲乃就部而不兼廳自是相從患難者經年目擊總理之劬心忍性不覺增其奮發然實愧成績鮮少猶憶某日敵兵已入城東余獨居惠福路宅苦思造幣廠辦法竟不知其事向夕友人至訝曰君始終未離此耶敵兵已被擊退矣余始恍然復自哂也厥後總理以種種艱虞欲與段張兩方合作以息民力命予有所進行復扼於某某不能收效總理北上因齎志以沒回憶病榻間積日所言音容如在嗚呼總理於余非有深厚之關係也危急之秋遽信而授以重任國士衆人之說感恩知己之誼均非可語於革命大業然期望者如彼而報者如此斯非令人永永椎心鏤骨者耶際遇如彼而成就如此斯又非綽所永永痛自慚責者耶年來杜門讀書心光湛然每念平生所不能忘之事此殆居首九原杳漠下報何期年年此日淚灑雲霄孤忠無路哭昭陵似宛爲今日詠也茲理篋中得總理手札數通特影印以紀一時之迹餘手迹尙夥已半歸散佚非謂足備史料亦聊表追慕之誠願讀者有以哀其志焉民國二十三年三月總理逝世紀念日

龔氏詞斷跋民國廿四年

詞斷一卷民國二十四年春得於滬肆所選詞爲唐代李白白居易溫庭筠三家五代則南唐二主以次

凡九家宋代則歐陽修晏幾道諸人凡二十五家大體與周保緒詞選略同而微有出入去取間頗具手眼不著選者氏名第鈐印章曰龔宣曰宣侯私印曰羽琤山館全卷皆有朱筆圈識末有字一行曰道光庚子孟冬重錄初五燈下校讀一過記之卷面標曰璿聰館詞選庚子夏日重定卷中有朱筆眉批四處藍筆眉批四處字跡工秀與卷中所選詞似出一手所書余維羽琤山館爲龔定庵居崑山時之別號世所共知此龔宣殆卽選詞之人而其人爲誰無從考證定庵歿於道光辛丑爲庚子之後一歲據吳昌綬所撰定庵年譜定庵共生二子曰橙曰陶無名宣者定庵及橙名號皆累易陶後更名寶琦字念匏然均未聞名宣及字宣侯然則此龔宣究何人耶如謂與定庵無涉則此羽琤山館印章之印泥與龔宣名印色澤全同且鈐印之部位相連況又姓龔決非偶然並列可知矧序文奧麗道勁完全屬定庵家數可信淵源有自如謂係定庵或其家屬則又毫無實證考定庵原配段氏無所出二十四歲續娶何氏橙係何年所生無可考今假定定庵二十五歲生橙則道光庚子橙當二十五歲橙本早慧此詞選或出其手未可知也橙平生著書甚夥多失傳則此書之散佚亦意中事余數年來蒐羅詞集逾千而總集則不少概見此書既無刻本故亦收置遐庵惟以未得主名爲憾深願海內宏雅有以啓余茲將所選詞目暨序文附錄於後以供研考焉

太湖西洞庭山顯慶寺整理藏經并修經樓記

民國廿四年

太湖西洞庭山顯慶古刹舊藏明徑山藏正續又續全部分度各房民國二十四年夏余來遊茲寺力勸住持聞達法師匯集尊藏並任募款修葺經樓凡得款若干庀材施工數月而畢因於夏曆六月十九日

敬奉大藏悉貯樓中緇白共瞻同聲讚歎經聞達法師依原目檢校祇正藏場字函內缺金光明最勝王經二冊墨字函內缺大方便佛報恩經二冊興字函內缺大乘本生心地觀經二冊續藏第三十六函內缺金光明懺占察經懺禮地藏經懺共一冊餘均無缺當設法蒐補以成完璧顯慶肇始唐代代有高人
大德焜燿簡編聞達法師方將廣蒐經典以爲宏法之資於此始基樂爲記載其捐資姓氏並列左方以
後寺內藏經應永貯樓中不得分散以副衆望焉

睫闇詩鈔續集序 民國廿四年

霍邱裴伯謙先生既逝之四年金君子才爲輯所未刊之詩以付剞劂凡若干卷督序於綽綽自少在粵
既得讀先生之詩厥後承賜所刊睫闇詩鈔益得窺其蘊蓄竊以爲先生之詩非猶夫並時之人之詩也
蓋詩之爲物自夫格律聲調風韻興趣以迄骨幹采藻古之作者已莫不肆其力之所至爭奇鬪勝無幽
不闢獨其間有所不易窺之一境 味是也今夫口之於味人所能辨也然甘辛鹹淡所嗜不同其爲人
之所嗜未必爲味之獨優故太牢之烹有時不如昌歠而餒餽腐敗之物無論矣太羹元酒愈淡泊而味
存焉稻粱黍稷餌之終身而靡厭者味真故也昔人論詩謂可驚四筵而不能適獨坐者正謂其不禁咀
嚼蘇子瞻評孟東野詩譬之食蟹持空螯亦正此意故詩之不厭百回讀者必有其真味非九醞之良酒
卽回甘之諫果也否則中冷之泉三危之露也若水中着鹽舌端嘗蜜尙不免拘於迹象非其至焉矣自
來詩家巨刃摩天羣鴻戲海固各有其獨到之境然一言及淵明摩詰雖鮑謝李杜有時不能不避席者
正以其味之深厚挹之無盡他人雖采耀雙鸞力逾九象將悅然自失也有清一代之詩未能度越前軌

第作家林立固已各極其勝無一語夫沈吟反覆可以百讀而不厭者蓋罕其人蓋士生輓近詩之涂徑既隘承學者第務逞其才力以相高而不從性情醞釀以出形枵意僞虛有其表猶之賓筵例席徒眩耳目何益口腹哉蓋斯道之失傳而吾真之喪已久矣先生之詩固已一洗町畦然其佳處尤在字字從性情涵泳而出足以尋味無盡此固非剽竊模擬者所能比附抑謂先生必仿效某家及專工某體者亦謬言也蓋率性以寫胸臆本詩之正義先生平生不爲矯激之行誕慢之言襟懷灑落夷險一致深有蕭然物外之概形中發外稱心而談宜乎感人之深若芻豢之悅口也今先生往矣讀前後諸集猶可彷彿先生之爲人因述先生之詩之特異處爲讀先生詩者發其凡亦冀論近代詩者有所取焉

葉斐軒所刊詞林要韻跋 民國廿四年

葉斐軒所刊詞林要韻不分卷連同所刊詩韻共裝六冊（碧綾紅線裝飾甚華）民國二十三年冬得于滬肆余考葉斐軒詞韻始見稱于厲太鴻論詞絕句云欲呼南渡諸公起韻本重雕葉斐軒注云會見有上去入三聲作平聲者而秦敦夫駁之謂其乃曲韻非詞韻且疑爲元明之季謬託但秦氏詞學全書中則重刊之今考秦本完全與此本同行款字數間有伸縮蓋爲拘於版之尺寸又秦本於清代之諱亦悉照避此因時代關係其實仍一本也惟秦所據之阮雲台藏本是否卽是此本則無由辨識蓋書中絕無阮氏秦氏題記也此書之真價自以其是否宋刊爲斷今考書中中縫悉寫紹興二年刊與厲太鴻所稱同而藏印則有十固一章遠仇一章子固當卽彝齋與山村約略同時其生皆及南宋之末此二印既不似僞作則秦氏謂此書爲元明之季所謬託已可證其非是此外尚有梅花草堂一印當爲明之張大復學海二字印則不知何人惟此書既以詞韻詩韻同刻而詞韻分部之法於前無據證以宋人

各詞亦不盡合其詩韻之分部則完全與現行之本同無絲毫差異按現行詩韻之分部實祖南宋平水劉淵淳祐壬子所刊之禮部韻略元初黃公紹古今韻會因之惟劉黃二氏皆分一百七部現行韻乃分一百六部則以黃公紹之後復經陰氏時中刪去上聲之拯部故黃陰二氏皆元初人不應紹興時已先采刊其分部之法且南宋自高宗至理宗功令用韻皆仍沿用景祐所定之禮部韻略其部爲一百零七從無紹興時詩韻爲一百六部之說此書之非紹興時所編刻已無疑義惟究係何時所編刻尙難臆斷考黃公紹韻會舉要中劉辰翁序文所稱壬辰十月乃元世祖二十九年而編韻府羣玉之陰氏時中乃元初人其書中尙有趙子昂題字此書之出當與之同時或稍後則趙彝齋仇山村自能有之因此或可釋趙彝齋死于宋代之疑亦一趣事也至元初刊物假託紹興則殆亦如其他書籍冒名居奇無足深論故余定此書爲元初刊物或可無誤秦敦夫所云元明之季偶未深考耳至秦氏以此書將入聲分配于上去入三聲因斷其乃曲韻非詞韻近人番禺張德瀛亦謂詞林韻釋爲北曲而設於詞無與余意曲雖無入聲而詞中以入聲分叶餘三聲音者甚多

詳見戈順卿詞林正韻發凡

且曲之無入聲緣其音啞但詞亦本以能

合樂爲原則必謂詞之與曲其間判若鴻溝恐宋末元初事實並不如此故必斷此爲曲韻而非詞韻余未敢贊同暇當博采衆說以證吾說焉至葉斐軒係何地何人已無可考惟知其此外曾刊行宋人詞集數種殆亦陳起之流亞歟病中多暇以此書究不失爲詞韻之祖故略疏所見於上

影印宋藏遺珍序 民國廿四年

中華民國二十四年七月宋藏遺珍既印成凡得釋氏孤存古籍四十六種分一百二十冊隸上中下三

集流通中外謹爲最述印布之因緣以弁於冊首曰初上海影印宋版藏經會屬僧範成訪宋磧砂藏闕本至山西趙城之廣勝寺乃發見此經異之黃裱朱軸悉爲卷式纍纍盈六廚卽邀北平徐森玉居士往勘則夔然向未入著錄之金藏也見存踰五千卷故爲睢州考城縣太平興國禪寺之物據題文考之金皇統時解州天寧寺大藏經版會創雕元初亦有補版每版印一紙積紙成卷卷自十三紙至三十二紙紙自二十二行至三十一行行自十四字至二十八字殊不一致而所刻經論有爲宋磧砂藏所無且爲元明清藏所皆無者亟以各藏所無之卷影印行世名曰宋藏遺珍示不忘所自云嗚呼吾國佛籍之著錄亦富矣何以此藏巍巍鉅工又在金源文化較盛之地而竟屏遺不載歟譬之古僧之入定兀坐於風雲草木之中寂寞不求人知歷數百載而時節因緣相會始以真相示人此其中殆有故焉今自宣揚之後中外人士連袂躡屐向趙城探討者不絕以蔣唯心居士爲尤勤是其影響之所及已廣博矣至於價值若何以關係學術方面甚多一視各人之所須者估定之願恭綽則因此益遐想吾國佛教久闕之衣珠散在山重水複間者固極夥願各本其誠願精力以求之必續續有所發見他日匯輯諸本刪同存異擇善汰拙以刊一民國大藏經裨益法界曷有紀極爰書此以祝之

王竹亭著鐵路選綫及計畫學序

吾國之有鐵路垂七十年其間以外交之掣肘政治之不良與夫人力財力之缺乏迄今已成各路之足以爲國家大動脈者寥寥可數以我國幅員之廣人口之衆寶藏之富此僅有之少數鐵路實絕不足以資運用倘進而與歐美交通先進國之路網密布脈絡貫通者相較則吾人建設之落後更不待言加以

吾國鐵路之建設多緣被動故一切設計往往與其他政策不相應而失其緩急先後之序至於一路綫之選定其間起訖經過對於文化之溝通生產之促進國民經濟之發展人民生活之改良國防之便利及全部交通之聯絡殆無一而不負有重大之責任必須高瞻遠矚通盤籌畫在空間必以整個國家爲前提在時間尤須顧及將來長期之發展至其他關於工程技術上及本身營業上各種問題在選線時亦極須審慎顧慮謀定後動非可好高務遠輕於舉措或因陋就簡轉貽將來以無窮之悔此中消息權衡輕重蓋非學術經驗兩皆豐富者不能判斷曲當各國鐵道專家之爲世推重蓋有由也王君竹亭近本其所學與經驗著爲鐵路選綫及計畫學一書殆卽有鑒於此抑吾重有感者清季吾國政府建築鐵路之始最缺乏者厥爲人才故經始各端多借客卿之力雖亦具有成績惟其對吾國內情究形隔膜故利害每每相半卽就選綫一端而論亦常多失計之處蓋當時興建各路每偏重於沿江沿海各地而忽視西南西北內地之交通又多造浦信道清等不急之綫而南北幹綫之粵漢段乃擱置多年以吾國資本與人才之缺乏而有此重大之錯誤其損失爲何如也又北甯路綫強半爲今日海軍炮程所及勢難資爲軍用卽以平綏一路而論當時因政府力圖省費且冀近功所擇坡度過陡至今關溝一段運輸能力大受限制勢非另選他途不可其於鐵路本身營業之損失尙屬有限其對於沿路生產之限制實覺貽禍無窮又如正太路之選用窄軌平漢路黃河橋之循用舊式技術上之錯誤亦所在多有此其利害動關數十年所謂一着誤滿盤差前車之鑑彰彰可紀吾人非可諱疾忌醫不謀矯正也夫所謂專門人才者非僅須有優良之學識尤須具豐富之經驗欲期造就固非一朝一夕之所能爲功所幸數十年來

因政府之提倡社會之認識暨事實之需要所造就者已大見增加故對於建築及管理各事多不必借材異國此種進步至足樂觀惟挈領提綱高瞻遠矚洪纖畢貫之賢碩今日尙罕遇之語云疾風知勁草吾於今日各專門家之有機遇能深造自得者蓋深期其能副此選也王君勉乎哉

影印宋磧砂版大藏經跋 民國廿四年

民國廿年冬同人發起影印宋磧砂藏經綽從朱子橋先生暨諸君子之後阻勉將事幸於廿四年冬告藏同人屬跋其末綽乃言曰先民曾謂天下無難事無易事洵知言哉磧砂藏經影印之經過其艱困類涉於微瑣似無足述而由經始以迄告藏蓋越四年之久復屢遭險阻而卒底於成不失爲末法中一大事以言夫難則此燦然之數百冊幾燬散於塵劫者今得供養流傳於天壤非猶夫耳目手足之烈歟若云其易則此數百冊之得供養流傳於天壤抑亦幾經況瘁而非安坐而致也前事之不忘後事之師綽恆恨歷代有大興作與營造不備紀其始末爲後來法則則夫述往迹以諗來者寧非常事者之責耶影印磧砂藏經之舉匪爲牟利固不待言然經費出入當數十萬金如計度未周易遭頓挫故自始綽卽主將印裝發行之事委諸著名書肆同人祇任主持監督乃屢商未諧不得已統由會中自辦於是事乃特繁印製之部則由編查攝影彙併校勘採訪以至上版修削購紙裝訂莫不經層疊之曲折煩困之肆應發行之部則由宣傳訂約會計以至收發遞送儲存其勞累亦不可言狀蓋各大書肆之以百十人分工者本會則集之十餘人之身故劬瘁殊甚理事會實司綜理然諸理事勢不克常川到會則艱鉅乃萃於費君範九一人費君無晝夜忘寢食洪纖畢貫者凡踰三載乃得有今日之成績採訪攝影之事奔馳各

地亦歷二年則悉範成法師之力非夫二君固不足以臻此則會內外之公論也故知緣會無定謀之唯人事無鉅細非忍莫濟以已成之巨帙付之影印而難且若是則夫當時之募資刊板成此鉅觀其願與力爲何如斯尤吾徒所應感奮興起不可以區區影印爲滿足者也斯役也影印五百部糜銀凡二十三萬四千三百九十八圓九角內製本費凡銀十八萬八千一百零一圓三角七分推銷費凡銀一萬四千一百十六元一角六分總務費凡銀三萬二千一百八十一元三角七分用紙之數爲五萬三千二十五刀每刀九十五張每張裁爲八葉每十五刀爲一件每件均價銀二十二圓凡遇破損悉爲剔除攝影用玻璃五萬二千一百四十二片製板用石一萬二千四百三塊攝製工資每石合銀四圓四角裝訂工資每萬葉銀四圓六角綜計攝影糜時十二月印裝糜時三十六月收發文電凡一萬九千六百三十件理事會開會凡五十一次合書於此以備後之稽考焉

歷代藏經考略 民國廿五年

佛教經典入吾國凡一千七百餘年其匯集儲存析分經律論而合稱之爲藏蓋始於唐

依呂秋逸說

但其初

止傳寫校錄間有雕板亦止別出單行其全藏之付刊不能不推北宋開寶之蜀刻故論佛教大藏之雕板必以開寶爲鼻祖自時厥後代有繼興然歷史渺綿卷帙淪佚欲詳知諸藏付刊之經過及其內容蓋極不易近歲學風丕變因研求略錄之學漸涉及于佛藏者遂多而以信仰關係知寶衣珠因悉力網羅遺佚從而發見於深山窮谷者亦復不少承學之士感保存之匪易怵他人之我先因亦迭有紀載如羅叔言氏之宋元釋藏刊本考呂秋逸氏之佛典汎論屈萬里氏之明釋藏雕印考蔣唯心氏之金藏雕印

始末考皆考訂甚詳東鄰學者如常磐大定之大藏經雕印考深浦正文之佛教聖典概論橋本凝胤之宋版一切經考等亦蒐求綦備顧欲兼綜共貫巨細靡遺亦正非易事蓋歷代諸藏除清藏外現存者殆無完帙而刻印始末求如徑山藏之有詳細記錄且流存至今者亦復無有僅憑旁搜追溯事極勞費也今茲所考亦僅能就耳目所及甄采而彙釋之以供究心斯事者之參考不足以云著述且有應先說明者三事

- 1、所敘限於刻板之大藏寫本及零刊不列
- 2、所敘以漢字大藏爲主他種僅附述
- 3、所敘以本國刊版者爲主如麗藏卽未列

依此三限益愧宏通學力所囿渴祈匡糾爲幸

今先就歷代所刻大藏列爲二表再依次討究之

歷代大藏經行款字數及版片情況表

| 朝 代 | 相沿名稱 | 裝潢格式 | 每版行數 | 每行字數 | 函 數 卷 數 | 刻版處所 | 版片存佚 | 附 | 註 |
|-----|------|------|------------------|---------|--------------------------------------|-----------|------|---|---|
| 北宋 | 開寶藏 | 卷子 | 每半葉五行 每版共二十五行 | 十五字或十四字 | 因其依開元釋教錄付刻故推定應爲四百八十八卷一千七百六十八部編號始用千字文 | 益州（卽今之成都） | 佚 | | |

| | | | |
|--|--|-----------------------|---|
| 北宋 | 遼 | 北宋至南 | 南宋 |
| 崇甯萬壽 大藏 | 契丹藏 | 毗盧大藏 | 思溪圓覺 藏 |
| 梵夾本 (卽摺疊式) 此爲梵夾 本之始 | 梵夾本 | 梵夾本 | 梵夾本 |
| 每半葉六 行每版三 十行共 | 未詳佛典 汎論所載 文選丹慶 密藏慶讚 大藏輕函 疎云未簡 部輕函未 盈于二百 紙薄字密 冊不滿於 一略見一 斑可略見 | 每半葉六 行每版三 十行共 | 每半葉六 行每版三 十行共 |
| 十七字 | 無考 | 十七字 | 十七字 |
| 據日本橋本宋 版一切經考爲 五百九十五函 六千四百三十 四卷但昭和三 寶東寺目錄則 云編號始天終 號實五百八十 函厥後各藏大 率依此藏編次 | 五百七十九帙 (據王昶金石 萃編一五三) | 五百六十七函 六千一百十七 卷 | 五百四十八函 五千四百八十 卷一千四百二 十部函編號 始天終合 |
| 閩州(卽 今之閩) 侯 | 南京(卽 今之北) 平 | 閩州(卽 今之閩) 侯 | 湖州(卽 今之吳) 興 |
| 佚 | 佚 | 佚 | 佚 |
| | | | |

| 金 | 南宋 | 南宋至元 | 元 | 元 |
|---|---|--|---|---------|
| 趙城藏 | 思溪資福藏 | 磧砂藏 | 普甯藏 | 弘法藏 |
| 卷子本 | 梵夾本 | 梵夾本 | 梵夾本 | 梵夾本 |
| 每版二十 二行至三十 行 | 每半葉六 行每版共 三十行 | 每半葉六 行每版共 三十行 | 每半葉六 行每版共 三十行 | 每半葉五 |
| 十四字至 二十七字 | 十七字 | 十七字 | 十七字 | 約十七字 |
| 六百八十二函 約六千九百數 十卷函編號始 天終幾函據蔣 唯心金藏雕印 始末考 | 五千九百九十四函 五函編號始天 終最函據楊守 敬曾藏之資福 藏目今在北 平圖書館 | 五千九百六十一函 六卷一千五百 三十二部函編 號始天終煩日 本昭和法律寶 列合磧砂藏目 於合字計五百 四十八函乃端 平所編之目餘 蓋入元後所增 | 五千五百八十八函 六千零二十卷 千四百二十二 部又加二十二 函編號始天終 約 | 七千一百八十 |
| 解州（即 今之山西 解縣） | 湖州（即 今之吳興 縣） | 平江路陳 湖磧砂 （即今之 吳縣屬） | 杭州路餘 杭（即今 之餘杭 縣） | 北平或浙 |
| 佚 | 佚 | 佚 | 佚 | 佚 |
| | | 函數卷數部數均 依新印磧砂藏編 目 | 函數卷數部數均 依昭和法寶內普 甯藏目 | 行款係依蔣唯心 |

| | | | | |
|---------|---|--|---|--|
| 明 | 明 | 明 | 明 | |
| 徑山藏 | 武林藏 | 北藏 | 南藏 | |
| 方冊本 | 方冊本 此爲方尺 本之始 | 梵夾本 | 梵夾本 | |
| 每半葉十 | 不詳 | 每半葉六 行每版共 二十五行 | 每半葉六 行每版共 三十行 | 行 |
| 二十字 | 不詳 | 十七字 | 十七字 | |
| 六百七十八函 | 不詳 | 六百三十七函 六千三百六十 一卷一千六百 十五部函編號 始天終石又萬 曆續入藏四十 一函四百十卷 始鉅終史 | 六百三十六函 六千三百三十 一卷一千六百 十部函編號始 天終赤後乃終 石 | 二卷一千六百 五十四部 |
| 始在五臺 | 杭州（今 杭縣）按昭 慶寺之說 慶寺之說 見於佛典 汎論然未 得確據故 不敢肯定 | 北京（今 北平） | 南京（今 首都） | 西地點尙 此有確證 未有確考 依綽所應 弘法寺 在元大都 卽今之北 平 |
| 佚 | 佚 | 佚 | 佚 | |
| 函數卷數部數均 | | 函數卷數部數依 大明三藏目錄 | 函數卷數部數依 大明三藏目錄及 昭和法寶內明南 藏目錄 | 金藏考插圖計算 卷數部數依至元 法寶勘同錄 |

| | | | | | | | | | |
|---|--|--|--|--|--|--|--|--|--|
| 清 | | | | | | | | | |
| 龍藏 | | | | | | | | | |
| 梵夾本 | | | | | | | | | |
| 每半葉五 行每版共 二十五行 | | | | | | | | 行每版共 二十行 | |
| 十七字 | | | | | | | | | |
| 七百一十八函 千一百六十八 卷一千六百六 十二部函編七 始二終機應七 百二十四函乾 隆年撤去六函 故祇七百十八函 | | | | | | | | 六千九百五十 六卷一千六百 五十四部函編 號始天終魚後 復有續刻十九 函又續四十三 函未編號 | |
| 北京（今 北平） | | | | | | | | 後在徑山 | |
| 存全數在北 平柏林寺 歸中央內 政部管理 | | | | | | | | | |
| | | | | | | | | 據嘉興藏目錄及 刻藏緣起 | |

歷代刊刻大藏經主持機關人物及起訖年分表（凡年號下括弧中之數目皆公元曆數）

| | | | | | | | | | |
|---|-------------|--|--|--|--|--|--|--|--|
| 北宋 | 朝 代 | | | | | | | | |
| 開寶藏 | 相沿名稱 | | | | | | | | |
| 益州 | 何地何機 關主辦 | | | | | | | | |
| 宋太祖命張從信 往益州雕板 | 主辦之重要人物 | | | | | | | | |
| 開寶四年（九七 一）至太宗太平興 國八年（九八三） 以依橋本說但廣勝 寺所存同樣殘集有 咸平元年奉勅雕字 樣是否並非於太平 興國刻竣尙待研究 | 始工及竣工年分 | | | | | | | | |
| 全藏久佚祇有單 本流傳現所知者 番禹葉恭綽有第 方等大集經第四 十三卷及中論第 二卷殘集日本中 村不折有十誦尼 律第四十六南禪 寺有佛本行集經 第十九卷 日本所存我國各 藏見京都大藏會 | 目下流傳狀況 | | | | | | | | |
| | 附 註 | | | | | | | | |

| | | | | | | |
|--|--|-----------------------------|-------------------------------|--|---|--------------|
| 南宋 | 金 | 南宋 | 北宋至南宋 | 遼 | 北宋 | |
| 藏 思溪資福 | 趙城藏 (近日沿 用之名) | 藏 思溪圓覺 | 毗盧大藏 | 契丹藏 | 崇寧萬壽 大藏 | |
| 安吉州思 溪法寶資 福禪寺 | 山西解州 天甯寺開 雕大藏經 版會募刻 | 湖州思溪 圓覺禪院 | 福州開元 禪寺 | 勅令雕造 | 福州東禪 寺 | |
| 無考 | 祖圓性湛惠深祥 崇王德吳翼等 | 王永從與弟姪及 眷屬又沙門宗鑑 淨梵懷琛等 | 本明宗鑑行崇丁 靖劉漸馮機等 | 未詳 | 沙門冲眞普明咸 暉等 | |
| 淳熙二年(一一七 五)藏華嚴經合論卷 一百五及一百十一 題一百十三諸卷所 見羅氏宋元藏 | 約由金皇統八年 (一一四八)至大 定十三年(一一七 三)又元初太宗及 其子聽政時補雕 | 紹興二年(一一三 二) | 政和二年(一一一 二)至乾道八年 (一一七二) | 約遼興宗時(一一 三一—四五)迄 道宗時(一一零五 —一六四) | 元豐三年(一一零八 零)至政和二年 (一一一三)南宋 紹興重修乾道八年 尚有增入元至治泰 定間復重修 | |
| 我國現存一部計 四千餘卷(亦不 全)在北平松坡 圖書館乃楊守敬 自日本購回之物 原存日本山城國 | 山西趙城縣廣勝 寺存四千九百五 十七卷爲世界孤 本 | 徐積餘集恭綽各 存有殘本 | 徐積餘丁仲祐均 存有殘本 日本亦有存者 | 無存 | 故宮博物院圖書 館北平圖書館徐 積餘各存有零本 | 陳列目錄下不備 列 |
| 松坡圖書館所藏資福藏 均無年月地址姓名等可 考是否裝潢時截去無從 臆斷 | | | | | | |

| | | | |
|---------------------------------------|-----------------------------------|--|------------------------------|
| 南宋至元 | 元 | 元 | 明 |
| 磧砂藏 | 普甯藏 | 弘法藏 | 南藏 |
| 平江府磧砂延聖院設大藏經局掌管 | 杭州路餘杭縣南山大普甯寺 | 北平或浙西弘法寺 | 明太祖勅修 |
| 藏主法忠功德主清圭又沙門德璋志琛慧琚慧朗清表志易志蓮志昌行一惟總曇瑞惟吉等 | 釋道安如一崇喜如賢等 | 至元勅刊 | 洪武五年集大德于蔣山校刊 |
| 宋紹定四年（一二三）至元至治二年（一二三）計九十一 | 自元至元六年（一二六）迄至元二二（一二八）六（據橋本宋版一切經考） | 由至元十四年（一二七）迄至元三十一（一二九）四（） | 自洪武五年（一二七）迄（）歷年續有刊補成化年萬曆年均有之 |
| 天安寺餘一部據楊守敬云存日本近江國營山寺此有外我國及日本尙有零星存本 | 陝西西安開元臥龍兩寺存全藏十分之八餘零本散存私家者不多 | 康有爲舊藏一千二百餘冊現售與浙王壽山餘各處零存多少不等目錄四卷爲日本增上寺藏本 | 未見 |
| | | | 濟南圖書館藏有四部南北寺院所存零種尙多 |
| | | 天下同文甲集八趙壁大元西域異書種而出帝元西師譯新采舊增廣其文名以元法寶刻在東京邑流在人間一蓋即指弘法藏故謂至元法寶藏之目錄當不至有大差誤 | |

| | | | | | | |
|-----|-------------|-----------------------------|--------------------------|--|-------------------------------------|--|
| 明 | 北藏 | 明成祖勅修 | 未詳 | 自永樂八年（一四一零）迄正統五年（一四三五）版藏（一四四一）版藏內庫萬曆十二年復續刻四百十卷 | 南通狼山廣教寺鐘江超岸寺定慧寺均有全藏餘寺院所藏尚多 | 刻藏緣起內載開募刻大藏文一後浙之武林承德風更造方冊歷世既久其刻遂湮云云可證徑山方冊之前確有武林刻方冊之事至昭慶寺之說係根據葉祺胤華嚴疏鈔凡例但凡例僅言華嚴疏鈔板存武林昭慶寺並無昭慶寺刻藏之說故仍不能決定也 |
| 明 | 武林藏（爲方冊本之始） | 杭州昭慶寺 | 傳昭慶寺募刊 | 約嘉靖時歷時未久遂廢 | 歷考紀錄未有人見過 | |
| 明至清 | 徑山藏 | 始於五臺繼在徑山寂照庵萬壽寺並散在嘉興金壇吳江各地刊版 | 密藏幻余幻居愁山紫柏如奇利根陸光祖漁夢禎袁了凡等 | 明萬曆七年（一五七九）發願萬曆十七年（一五八九）始刊清康熙十六年（一六七七）正藏（一六七七）續藏何完成續藏又續藏何時完成待考 | 北平嘉興寺洞庭西山顯慶寺有正續全部其餘南北各寺院存者尚多但正續往往不齊 | |
| 清 | 龍藏 | 北京 | 雍正勅刊 | 由雍正十三年（一七三三）迄乾隆三年（一七三八）竣工 | 南北各寺院存者尚多 | |

依上列兩表所列可得而言者有

一 刻藏次數以宋代爲最多官私共六次

一 各藏卷數以弘法藏爲最多七千一百八十二卷

一 各藏版式以趙城藏爲最雜緣以各版湊合

一 款式字體以契丹藏爲最小

一 刊刻時日以磧砂藏爲最長凡九十一年

其中向所未知而近日始發見者爲金代之趙城藏（其詳具於蔣唯心氏之金藏雕印始末考茲不具述）向所罕見而近日始翻印流通者爲宋元間之磧砂藏（詳見影印磧砂藏經首冊）向所知名而迄未發見原本者爲遼之契丹藏與元之弘法藏及明之武林藏（方冊本在徑山之前）

漢字本各藏之外用他種文字刊行者有元代所刊藏文大藏約元武宗時蒙文大藏亦元武宗時此經於清初向元裔取得藏於奉

天（今遼甯省城）實勝寺余有其一部分之目西夏文河西大藏近亦散佚北平圖書館及法國所得燬清代所刊滿文大藏

西藏文大藏清藏文大藏乃康熙二十二年所刊聞版存甘肅河州已毀於前數年漢回交關之役滿文大藏乃乾隆五十五年刊成版存北平亦早散佚不全

世間萬事因易於創故刻藏亦必前有所承刻藏緣於寫藏彙寫緣於編集編集緣於譯錄譯錄緣於傳布宋以前無刻藏事隋唐以前無刻經事六朝梁以前無彙編經目事東漢以前無譯經事

人類性習易於沿襲故刻經一切規制往往相承不改如函之標號自開寶依周興嗣千字文爲序迄於清代以暨日本朝鮮未之或易取其便也

分類之法大體分經律論及目錄傳記及此士撰述雖間有出入亦罕差違由開元錄舉要提綱折衷至

當故以後貞元大中祥符天聖景祐至元各錄大體咸相循用也。元至元法寶錄蕃漢對勘體例極爲精入中土後一大整理今學者頗擬多譯藏文經典如能再溝通天竺新舊及蕃漢經典作一度之對勘誠不朽業也又歷代編藏皆以般若居首乃因開元錄之舊自後從無改易

不但此也各藏版式除開寶及徑山等外大抵皆每半葉六行行十七字

字體皆仿歐陽詢或趙孟頫以其峻整或流麗也

以若干卷爲一冊若干冊爲一函雖徑山方冊藏亦然。近日印刷技術日新經濟情況亦異頻伽覆印首用鉛字磧砂覆印亦改石版且以原來數版合爲

一葉磧砂更改成橫闊式有類貝葉經皆變革之大者日本迭印藏經多用西洋裝亦時代關係也西洋文化輸入後東方確受一大衝動此其一徵正續麗藏亦然足徵意識之

流注精神之默貫非偶合也至各藏刊刻歷史近經中外學者研求多資嚮導間亦不無疏舛遺經晚出

推究益精茲綜各家之言撰要敘列間參己見並附異聞要以足資注意者爲斷。仍依年次

- 1、北宋刊藏始於開寶版刻於蜀向無異辭乃前年範成和尚於山西晉城縣青蓮寺見開寶之開封官刻本三十六卷又於河南濬縣大伾山天寧寺見二卷皆黃綿紙卷軸式卷後有年月姓名題識是否開寶曾刻藏二次一在蜀一在開封抑開寶藏本分在兩地刊刻均無從臆斷觀趙城金藏之版其中雜有開寶版似非由蜀地移來又現存之開寶藏殘卷皆印於崇寧大觀年其中有由中書筭印者亦不似遠在蜀中是否此十三萬經版曾由蜀移至汴京或汴京另有一版均未可定姑存此以備討究

- 2、王靜菴氏謂思溪前後兩藏本是一物其說尙乏確證。佛典汎論且誤將兩藏認爲一事茲加研究思溪圓覺藏

版式與思溪資福藏完全相同皆每版三十行行十七字其字體之方勁亦復相類兩藏目錄吾國向少流傳北平圖書館所藏楊惺吾氏舊藏資福藏目錄與資福藏現存北平松坡圖書館同得於日本茲與

日本新近覆印之圓覺藏目錄昭和五年高野山出版相校不但其中經目相同且徑直即是一版所印仿字體蘇

東坡所惜者資福藏目首尾爲日本人所寫補是否本來殘缺故加以寫補抑資福本來無目錄日本

人以其與圓覺藏相同故即用圓覺藏目錄而易其首尾以合事實皆未可知可注意者乃日本人所鈔補之經目恰爲圓覺所無其非由日本人手鈔者則完全即圓覺之舊可知此目中之係刻板者即係圓覺藏目毫無疑義今既未能以現存資福藏之實物一一與目錄對勘而定此目錄之確實性即未由考訂兩藏異同之實際但可得而言者兩藏目錄由天字起至桓公輔合之合字止皆完全相同資福藏目則自合字後至最字止另增五十一函圓覺刻在先如資福即就圓覺版加以增刊亦非不可能之事磧砂端平藏目亦至合字函止且目錄與圓覺同但事實上磧砂藏係刻至煩字止亦係後來增補可爲旁證故謂資福即圓覺之後身其說頗足置信

3、元之弘法藏究爲何物向是一謎且有疑根本無是物者今經考證蔣唯心氏所主張元弘法藏即根據金之弘法藏所增修而金之弘法藏即新近發現之趙城藏其說具有依據又趙璧大藏新增至元法寶記有一至元法寶刻在京邑一之語復證之耶律楚材集中詩文是元在燕京曾刻漢文大藏無可懷疑惟至元法寶錄之經目與趙城藏不同故元對弘法藏中間必經增易今不妨假定至元法寶錄之目即爲弘法藏之目而承認弘法藏之確有是物惜尙無實物可以提證

4、有人謂磧砂藏爲思溪資福之後身故一切多同今經考證磧砂延聖寺與湖州妙嚴寺本有淵源氣脈相通且相距匪遙與圓覺資福或均有多少關係但兩藏雖版式相若而筆畫迥殊近歐一肥挺瘦決非一本况磧砂募刻經過多載卷末其非資福之舊更不待言總之資福磧砂普甯三藏時代相近刊地亦均在數百里之內其彼此發生聯屬自在意中但係各自爲政不可混合也元僧管主八與磧砂普甯二藏均有關係趙璧大藏新增至元法寶記云「至元法寶刻在京邑流布人間此萬里而遙傳持未遍松江僧錄管主八翻梓餘杭凡諸路度經而未有者許自裝印藏教以完」此即指普甯藏言蓋普甯寺本在餘杭也又元僧克己序法寶標目有云「管主八累年發心近平江路磧砂延聖寺大藏經板未完施中統鈔二百定及募緣雕刊未及一年已滿千有餘卷」亦可徵聯屬之一事管主八之歷史余將別有所考蓋其人亦殊非恆泛也

5、近日濟南圖書館屈君萬里作明釋藏雕印考見山東圖書館出版之國學彙編第二冊謂明南藏實因磧砂舊版而補修歷舉四證其中惟南藏傳法正宗記卷一題云「平江路磧砂延聖寺大藏經局今依福州開元寺校定元本重新刊板流通」一節爲比較有力之證但考之南藏目錄與磧砂藏相異處甚多且明太祖自命通了佛法又好創制顯庸復多集諸山大德于南京未必仍沿舊版不事新製其磧砂舊版之傳法正宗記以何因緣屢入南藏無從臆斷但如全藏祇此一卷有磧砂題記恐適足爲非根據磧砂舊版之反證蓋磧砂全藏固幾無不有磧砂題記不應併入南藏後竟全行削去也且考南藏目錄據昭和法寶本與磧砂目錄殊異處甚多尤可怪者傳法正宗記南藏列在綺字函（即有磧砂題記者）其版上明有一「綺」一字樣而磧砂目錄卻將傳法正宗記列入「約」字函其「綺」函乃係宗鏡錄除非南藏湊雜各經板且將原編函號一律挖改否則此疑不能解也

6、趙城藏經蔣唯心氏斷爲金刻而元補且謂係崔法珍在晉所刻嗣輸版入京歸於弘法元代因蛻化爲弘法藏至崔刻多覆北宋官版云云余不否認趙城藏即金之弘法藏及元之弘法藏即據金藏增修但謂金藏全爲崔法珍所刻尙未敢完全肯定蓋趙城藏版式之雜爲諸藏所無此必利用舊版使然如屬覆刻亦無須全依原式致全藏版式轉致參差考北宋開寶蜀刻以外既尙有開封官版藏之刊行而祥符景祐復迭有譯經及驛取經版之舉見祥符景祐二法寶錄是北宋在汴經版本甚繁夥金得汴後合崔版而成藏本意中事元藏本係補雕亦迭見記載蔣氏所說言之成理但金藏覆刻北宋官本及金藏悉由崔刻兩說未敢苟同耳趙子砥燕雲錄金人既破京城金帛子女盡爲虜寺取經板一千七百片是金取北宋經板以歸于燕確有其事宋亡吳越而取其經板金亡宋又取之元亡金又取之此中有循環報復焉

敘述既竟有深足致慨者則歷朝所刻大藏凡十餘次迄於今茲全國之內惟清藏尙存原版惟明南北藏及清藏尙存印本數十部明南北藏亦多不全餘則版片早歸烏有且如何毀失亦從無詳確之記載印本更稀如星鳳其偶有發現多自鄰邦流入積砂趙城統爲例外其寫本及單行零刻之銷沈散落者益無論矣人言吾國爲佛教國吾亦侈言固有文化之宏偉此其證耶抑歷代皆有編刻大藏之舉非止表一朝之鴻業著述日增研究之範圍日廣非加甄采將虞放失也今民國二十五年矣於此尙無所聞當局之失學者之責歟謹於篇末揭櫟二義

- 一、求當局對僅存之清代大藏經版之在北平柏林寺者加爲充分之保護
- 二、望當局於相當時期編纂中華大藏並依至元勘同之例就各種文字加以勘定

最末對曾書寫全藏之金粟山廣惠禪院所屬之海鹽縣所產生之文化界尊宿張菊生先生表其敬意並以金粟藏寫本之一攝影上張先生

此文雖簡陋但採集資料承範成法師歐陽竟無徐森玉王獻唐屈萬里趙萬里費範九諸先生之助經月始就合書志愧並表謝忱又此文因急於付刊極多疏漏他日更補正

程松圓耦耕堂詩手稿跋 民國廿五年

程松圓手書耦耕堂詩集三卷今爲嘉定胡春臺士熙所藏余維松圓詩文今傳世者惟松圓浪淘集此詩三卷皆不在內錢牧齋有學集十八有耦耕堂詩序內云嘉定二金子治文渭師從其壻孫介繕寫松圓集以後詩文曰耦耕堂集者鏤板行世是此本應已付刊但世無傳本是否悉歸毀滅抑未果剞劂均未可知日前余至吳門知潘君博山亦藏有一本索觀之正孫介所手寫與此相校則彼有文兩卷而此無之詩則亦分上中下三卷而多次韻答李茂初見懷一首在第一卷除夕比玉在仲和家守歲一首之後密行蹙格顯係從他處補入其詩云春歸一別又秋朝門外何時繫短橈獨鶴無心偏警露亂蛩多事亦終宵喜因家遠離塵滓肯向山空歎沈寥臥把君詩閒諷詠與君相對未成遙亦佳作也彼卷中夾有浮籤云孫介字石父明末庠生程山人嘉燧之壻錢宗伯稱其詩酷似婦翁有雨齋近稿見明練音續集卷八此籤不知何人所書卷端有香雪草堂印卷末有雲章漢瞻印雲章張氏嘉定人陸清獻之高弟籤或其所書外籤隸書耦耕堂詩稿孫石甫先生手鈔十二字頗似朱竹垞或亦張漢瞻手跡綜考全稿可信彼本實從此底稿鈔錄而此係手書尤爲可寶但惜無文集耳余意孫石甫既係過錄則文集亦必有

手稿惜不知遺佚何所若得爲延津之合亦佳事也因書所見以覆拙君

書畢再勘則答李茂初一首此亦有之但在履之四十自序七古一首之後非遺漏也合併附記 遐翁

余去冬爲春臺跋此書惜金氏刻本之未見茲因上海開文獻展覽會常熟瞿氏出品赫然金刻在焉卷

首牧齋序文次卽自序余校其文前半與手稿同因爲補錄於此編因手稿序文有殘缺後半則文字不同蓋金本

序末書癸未冬十月偈庵老人書松圓歿於是年十二月此序蓋絕筆也此手稿之序末則署崇禎己卯相差蓋四年金本

序文必經改削故前後不同耳茲將後半異文亦附錄卷末庶此詩集克成完璧中華民國二十六年六

月葉恭綽再識

耦耕堂集自序

天啓乙丑五月由新安至嘉定居香浮閣宋比玉庚申度歲於此梅花時所題也庚午四月攜琴書至拂水比玉適偕錢受之屬宋作八分書耦耕堂自爲之記壬申春二子移居西城余偶歸而唐兄叔達適至因取杜詩相逢成二老來往亦風流之句顏西齋曰成老亭先是辛未冬婁兄物故已不及見移居甲戌冬余展閔氏妹墓于京口五州山下過江還則已逼除因感老成之無幾相見遂留此日夕與唐兄尋花問柳東鄰西圃如是者二年而唐兄亦仙去丁丑受之以誣奏逮繫予待之湖上戊寅秋放歸廬居丙舍館予于東偏之花信樓復相從者二年庚辰春主人移居入城予將歸新安仲冬過半野堂方有文酒之燕留連惜別欣慨交集且約偕遊黃山而予適後期辛巳春受之過松圓山居題詩壁上歸舟相值於桐江篝燈永夕泫然而別余旣歸山中暇日追錄遺忘輯數年來詩文爲二帙會虞山

刻初學集將就書來索序甚亟自念衰病不復能東下就見終老遂以是編寓之而略序數年蹤跡於卷端使故人見之庶可當一夕面談而因以見予老年轉徙愁寂筆墨之零落如此或爲之慨然而太息也崇禎癸未冬十月偈菴老人書

此從金氏刻本鈔出恭綽註

吳都法乘序 民國廿五年

余嘗憾釋氏文苑自宏明集以外無薈萃以成巨觀者佛教真諦本不在語言文字況于章句聲調抑尤糟粕雖然處此情器世間一切意義舍言文固無所附麗觀感研味胥必假是爲涂徑而破邪顯正藏往察來爲用尤著故三藏十六部之結集非得已也末流崇僞競浮稗販文藻爲生活於真締固全沒交涉然披沙揀金其價自在吾人今日幸稍具知與力于古德碩學單詞片句以訖巨著鴻篇存護流通以冀其傳之永廣抑亦非異人任歟周永年所輯吳都法乘向無刊本此鈔稿凡三十卷有潢川吳氏收藏圖印蓋乾隆以前物流轉於荒山破刹中有年矣茲者以範成和尚及李印泉居士之因緣獲現於世殊非偶然磧砂全藏印行旣畢役同人因歡喜踴躍以從事於此凡八閱月告藏於是吳中梵刹文獻得廣播於凡民之心目處此大道晦盲之際其功德將不可思議卽編中諸人無專集者其文字賴是而傳以世法論發潛闡幽力豈下於掩骼埋胔橫流滿地寰宇荆榛血肉搏噬戾氣盈溢吾徒方生死顯晦不知所可顧猶得于劫灰之隙奏此區區之績或亦得竊比於風雨雞鳴之一細響也歟春和景明百昌蘇茁天時人事或有翼于一陽之復然固未可券也摩挲此冊念吳中山水清響猶存蘼庵蒼雪或有繼而起者

三生石在請事斯語

清名家詞序 民國廿五年

余嘗論清代學術有數事超軼明代而詞居其一蓋詞學濫觴於唐滋衍於五代極於宋而剝於明至清乃復興朱陳導其流沈厲振其波二張周譚尊其體王文鄭朱續其緒二百八十年中高才輩出異曲同工並軌揚芬標新領異迄於易代猶綺餘霞今之作者固強半在同光宣諸名家籠罩中斯不可不謂之極盛也已顧篇章流播散在羣書甄綜貫串有待賢哲百十年來以地望結集者如粵西詞見湖州詞錄之類以聲氣結集者如薇省同聲集題襟集之類以品類結集者如閨秀詞鈔百花詩餘之類或蒐羅雖富而抉擇未遑或執德未宏而規模較隘於摛華擷秀之道尙或未逮余曩者有清詞鈔之輯欲網羅有清一代之詞擇尤選錄經營五載所集蓋五千餘家以矜慎從事猶未勒成復欲選其最者爲清六十家詞以確有本原能自立門戶者爲限牽於人事亦未成書海寧陳乃乾先生承學好古今之汲古閣知聖道齋也頃出其清閨所藏清詞擬付印廣傳先以百家爲一集詞宗碩匠大致無遺表一代之宏規存百年之文獻與吾所擬者正復相去無幾後生可畏先我著鞭此書出而余之清六十家詞殆欲焚筆硯矣方今聲家競起萬派爭流余恆持通變之說謂後將創爲新體之歌以應時會顧體製必有所承以資蛻化而胸襟意境與技巧之誠中形外則固歷劫而不能剗者學者欲究知二百餘年斯道之蕃變以期能自得師則此書固司其肩輿也是爲序

江上晚晴樓詩稿序 民國廿五年

民國二十五年余爲胡兄眉仙刊所爲詩凡四卷既成爲之敘曰余之刊友朋之詩屢矣然往往刊之身後不得及其生前一自省覽其情殊可悲眉仙年六十矣余堅督以詩集授余因成斯編余意君必引以爲喜而又重增慨歎也余始識君時年十八應廣州童子試君方從學使張文達師按試余趨學院聽唱名睨學使座後有英俊少年軒翥秀拔目光撲人陰識之以關防嚴末由晉接不知爲何人也既按試潮州相遇於海舶君自通姓名余既夙知君因大喜是爲訂交之始劇談一晝夜而別辛丑復遇於滬君隨文達北上余亦入上庠肄業即今之北京大學當時稱京師大學堂始常過從時文達以倡導新學負海內重望賢僂就之如雲多假君爲介君亦傾襟延接意度灑然視爾時京僚之溝猶拘愁佔畢齷齪若神龍之翔天半而下顧蜚蜉蝣蚯蚓也嗣同僚不相中忌文達者亦恆引君相指目遂被彈而去君自放江海間文達歿余講學武昌君念余貧介余賣文助薪水不久余仕郵部君往吉林自是不相聞者十餘年逮民國始重相見燕京君歛華就實豪氣寢減而余亦侵尋老矣始余於海舶贈君詩厥後唱和不絕辛丑余爲游仙詩廿首文道希丈深賞之君至今能舉其辭及後相見余方牽於政務不復能爲吟事而君顧時時爲詩且益工自後而滬而廣州而復歸燕京又南徂而滬而新京數數得聚首君詩既日富余亦復理舊業爲詩漸多郵遞頻煩繼乃君詩旬日一至或間日一至甚且每日一至余不復能應和則姑置之篋篋且滿誦其詩則天風海濤之氣雲霞丹青之狀充溢口耳間與二三十時無異也而骨益堅格益蒼蒼論道論治論學與文皆深切著明多獨得之語迥非二三十時之詩也余不意君之遇漸窮而詩乃與年俱進若此視余之竊高位攫世網事功學業兩無所就者其得失賢否抑轉似在彼而不在此矣君既移用世之志與力以

專於詩其可得而致者天時人事固無得而限則雖謂君之志力本伸而未嘗詘可也伸于此而詘於彼亦可也西江社裏既足參君位置而磊磊落落開徑獨行之概視今之絺章棘句尋聲逐影者殆一若蠶之處衆京僚中如神龍之翔天半而下顧蜣螂蚯蚓則雖謂君之年雖老而詩方益壯可也君雖六十而意氣顧若此抑康強逢吉若且於詩券之矣版成因書此爲君壽且備志吾兩人交誼者有所考焉抑余與眉仙方究心出世法欲了脫魔障以斷生死則此筌蹄糟粕本不足重輕留此迹象亦聊證世諦中有此一段因緣而已眉仙與余當交勉毋受文字纏縛以除結習詩云乎哉眉仙於意云何請下一轉語

梁定蜀著農村建設序 民國廿五年

以農村破產情形嚴重如今日之我國欲求一切實救濟之方此如治病然患者身染沉疴百病交集求治固急但若不診斷明確因以定治療之方法與程序恐顛倒凌亂或反以促其生命此今日論農村救濟者所應具有同感者也夫我國農村破產其最表面之現象或與各國有相類之點而實際原因則迥乎不同蓋我國數千年來雖號稱以農立國而以民權向不發展政治尤罕清明農民從未能形成一階級與社會歷史所詔惟見億萬鄉村男女老幼血汗之狼籍而已以占國民全額百分七十八之農民其情況乃如此是豈待他人之種種侵略而後不能自立故知我國農村問題不能從頭解答與解決則一切其他問題都可以不談我的意思農村問題應列爲今日諸種問題之中心之前提待此問題決定大體方針方案之時然後別種問題的方案方針出發而隨之設定其他方針方案庶幾可以應付目前之環境不然就都是白費

今日調查討論農村問題之文字不爲不多但真正鞭辟入裏能把各種病源和盤托出者尙不多見蓋我國執筆爲文的人真能到農村去者並不甚多而且我國幅員遼闊風土異宜畛域攸分形格勢禁若要澈底明瞭談何容易故言之者疏略模糊舛誤皆勢所難免惟希望以其觀察力之超勝能一針見血搔著癢處庶幾可據爲進一步之研究而不致迷其方向耳余嘗謂研究農村有應注意之點三（一）應明瞭各種直接間接之因果（二）應熟諳各地農村苦痛之差等（三）應就其所以衰落之種種原因爲研究對象而不可先存成見盡此三者而後設計籌畫庶幾可以中肯而不託空言

試舉一例年來我國農村破產之直接原因最顯而易見者厥爲農產價格日益慘落生產費用繼續高漲而農家需要品之支出則毫末未見減省農民身受數重壓迫苟延殘喘已難爲力遑論發展顧此直接原因又爲間接原因之果間接原因中之最重要者厥爲租稅之複雜與不定夫農田納租稅固古今中外所同而我國租稅則徵收機關竭澤而漁橫征暴斂敲骨吮髓更有僕隸公役地痞惡棍奸商土豪助紂爲虐層層剝削哀哀小民乃無死所卽如某省田賦附加多至百有五種某省田賦預征至民國六十一年以我國農民經濟能力之薄弱遇此寧有生機故賣妻鬻子輕生自殺者有之游行請願抗租暴動者有之棄田他往流爲餓殍盜賊者有之今日現象乃將成有田無人耕之趨勢地主佃農同歸破產有人言不久必致產生國營集體農場或者可期解決斯厄所言良有見也

或者謂政治未盡澄清官邪未盡整肅欲謀農村建設將成南轅北轍斯說亦具有理由但吾人應知農村問題再不解決則一切政治行政均無所託其變化恐將不忍言故不得不希望各當局上中下三級

人員趕緊覺悟從事改進不可再爲豕身之蟲苟延殘喘而終致同歸於盡也

抑退一步言吾人今日應先提倡農村自治令農民之知識技能及經濟力量與組織同時並進以謀農村問題相當之解決迨一般農民既有相當之自治知識與力量雖政治未盡副吾人所望或差足減少農民之痛苦焉

梁君定蜀燕孫先生之肖子也留英習農學有年專攻我國農業經濟雖生長華臘而劬業如寒素近者服務農村復興委員會乃著農村建設一書致力甚勤以稿示余所言十九與余意合迥非時下率爾操觚者比屬余爲序乃述關於農村之感想如右以覆之昔徐文定公有言中原之民不耕久矣不耕之民易與爲非難與爲善君之職固以復興農村爲志者也今者現象如斯君之診斷既明如何從事治療乃責之不可免者其毋僅以空言問世徒令圖書館多一小冊子是則余之所望也夫

吳江葉氏詩錄序 民國廿五年

吾宗葉氏自宋室南渡石林公以文章政事承先啓後聲譽赫然後嗣散居江浙閩皖粵贛湘鄂諸省鬱爲望族迄今子孫繁衍逾數萬人其間之以文章政事著者蓋指不勝數余童時見 先大父南雪公手寫返生香付刻卽訓余曰此明末吳江閨秀葉小鸞之作也小鸞與吾派同出石林公全家昆弟姊妹皆負清才因示以午夢堂全集余敬識之越廿餘年屢晤宗人煥彬知其與修吳中族譜於七百年來派系研考綦詳且力蒐歷代葉氏著作將陸續付刊以永其傳余因屢與商榷且相約互助期成煥彬因爲言宗人印濂之賢引爲同志復以黃婁生之介將修謁於吳門而印濂適應官北上僅通函而已繼印濂謝

事歸余往來吳門屢約晤輒相左余以爲旦夕可圖面遂不汲汲而不意印濂遽以疾逝遂終不得一握手至今引爲憾事日者印濂哲嗣山民以吳江葉氏詩錄見示乃印濂香錄未竟而山民繼成之者余閱其體例精嚴蒐羅廣博雖限於一姓一地而累朝文獻粲然簡內固非一家之言也因促其付之剞劂抑印濂父子懃懃累載一以揚芬述德爲志惇宗收族之誼與發潛闡幽之懷相引而彌長其用心實有足多者山民篤雅敦慤能讀父書固吾宗後起之秀余深企其兼繼煥彬之志由吳江一邑推之而至各地將南陽文獻勒爲成書且於吳中族譜失收各派謀爲增纂期於脈絡聯貫不至疏漏牴牾此非但印濂煥彬之所冥契抑石林公之靈寶式憑之余雖陋將濡毫以竣爲之序焉

陽羨砂壺圖考序 民國廿五年

吾夙持玩物不喪志之論欲爲古今藝事家張目蓋若而人者殫其天工人巧以前民用其極至於贅澤爲止非必如古之所謂淫巧也抑世人疲精竭力縱欲以敗度殺人放火之具方層見迭出吾不知其有益人羣與否迺論者似方揚此而抑彼誠哉一孔之見難語乎通方之識也吾國歷代所稱聲明文物之盛如周如漢唐如宋明如清皆賴實物以證明且承學者往往緣此而得悉當時政教風俗之情狀故考古之學實操歷史之鈐鍵非夫游閒之士僅以賞鑒觀玩爲已足也惜歷來士夫於格物致知之道懵然不講一切委之匠役間有一二豪傑奮起有所制作又不爲世所重且恆易代而失其傳復無人爲之紀述以致聲沈響絕尙何改進之可言此其媿情中於人心空疏形於士習固無怪出與世界相見萬事之相形見絀也曩者黃賓虹先生有美術叢書之輯關於一藝之著作如製印刻竹陶瓷刺繡紙筆墨諸類

網羅甚備然始終條理有系統之著作極爲罕觀蓋時至今日不但求制器者之難求知之而能述之者亦正不易文化之消沉士風之頹敝其所由來者漸矣日者李君鳳坡張君谷雛合編陽羨砂壺圖考先以序例見寄屬識其端觀其所斷制謹嚴敘次明晰已足徵其不苟夫砂壺一微物耳而制作良窳實與文化升沉具有關係故初於正德盛於嘉靖乾隆而衰於道咸以後其體製則由樸而工而巧而率且俗今雖稍稍振起而欲求復古尙未易言也吾國好推尊古人論者以爲萬事不進之徵實因果倒置蓋惟今人之墮廢乃益見古人之不可及耳加以物質關係已不復能令吾人閉戶研求不計糜財失日與否而務達所蘄向故極深研幾之事不可復見斯亦絕藝難繼之一因也吾因砂壺一事而感及其他略書所懷如此期與好學深思者共證焉度李張二君之必相視而笑也

壯陶閣書畫錄序民國廿五年

金子才丈編訂裴伯謙氏壯陶閣書畫錄而付之印既成督恭綽爲敘蓋距裴氏之歿已數載矣恭綽曰清季宦吾粵號能吏而有書畫金石之癖者凡四人曰巴陵方柳橋功惠曰仁和王子展存善曰華陽王雪丞秉恩曰霍邱裴伯謙景福四人者皆以敏幹爲當局倚重其力足以吸致諸珍祕會其時潘氏海山仙館孔氏嶽雪樓伍氏粵雅堂葉氏風滿樓吳氏筠清館諸藏物陸續散出遂強半歸於四家故謂此四家者爲吾粵數百載藏珍之匯可也時會變遷不及三十年此四家之藏復又陸續散出今惟仁和王氏尙保有幾許餘已強半易主方氏之書更無存一世間尤物非可私據蓋顯白如此執著之士方窮盡氣力以圖玩好之永爲已有其可笑歎豈止如歐陽永叔所述者乎抑藏家方盛時極巧偷豪奪之能日譁

增益所有往往不暇有所紀載其既也輾轉四散數傳之後有不復能辨曾爲某氏所藏者夫始也貪取如彼而繼也淪落如此盛衰倚伏之理多藏厚亡之道姑不深論抑藏家之自爲計卽亦太拙矣夫明知形壽之有盡子孫之未必可恃珍物之聚必有散乃勞苦畢生而不能及身有所紀載使物散以後令人猶按籍而稽以留殘影且供後賢之研索於初心豈不大相刺謬此其故正坐不能打穿後壁自欺因以自誤誠智者所不爲而達者所深爲竊笑者矣上述四家之中二王一方所藏皆無編目此故不必盡如吾之所言然物一散不可復聚今日求一藏目不可得斯誠不能不謂之可惜獨裴氏書畫生前曾自編目哀然成集可稱幸事第及身迄未付印遺稿幾飽蟬蠹雖有殆等於無微金君之力其存否傳否均尙在不可知之數也金君此舉不徒克盡親友之誼且使吾粵近數百載藏物之曾歸裴氏者藉是而爲之籍其有關吾粵之文獻者甚大故樂敘其凡亦竊願與世之言藝術與鑑藏者一揚摧焉

簡琴齋甲骨集古詩聯序 民國廿五年

余曩者序狄平子所印漢晉木簡曾示木簡與甲骨爲吾國近年二大發見蓋此二者之發見實與吾國考古學歷史學文字學文藝學以極大之衝動與補助非直守叢殘供賞玩而已吾國字體之構造特殊故書法自古卽成爲藝術然近者此道衰落余恆以爲此由拘於積習不但不能推陳出新且並古人長處亦未夢見第流轉於形骸糟粕相與絮長較短而不知其全沒交涉也自漢晉木簡出而吾人得明隸分章草之真相因以窺其結構筆法而知行楷之所從出自甲骨出而吾人得悉籀書以前字體書法而知大小篆之所從出此不第於字學有裨抑習書者欲循流溯源以探奧竅茲亦實司其管鑰也簡君琴

齊揮思幼學尤耽書法窮究歷代碑碣彝鼎璽印之屬者亦既有年近乃篤嗜甲骨文字凡書之楮刊之印者非此不愉習之久因就其文字用合昔人詩句以爲笑樂道暑山居遂成此帙友好爭頌言其巧余以爲纂組成文和聲合律本非甚難事此亦不足以重琴齋獨琴齋書法浸漬於古者日以深其點畫神態間不期然而上追三代之遺其既也將融會貫通別啓涂轍不復爲往者之楹桎所限於書法寔有推陳出新之望將緣是而啓其端此則吾人所爲深企者於此冊付印之始特爲發其凡焉

陳文忠公練要堂集序 民國廿六年

李君鳳坡得鈔本陳文忠公詩集將謀刊行屬恭綽爲序恭綽曰古人云詩言志又云詩者持也所以持人性情依此二說豈不以含生之屬莫不有其憂愉哀樂向背愛惡卽莫不思有所寄以舒其蘊其繼乃相競以極其工故體格技巧悉後起之事其初但以抒情紀事而已自聲病之說起而詩體漓泊科舉之制興而詩質壞言不由中強爲塗附遺神存貌等於寓馬芻靈識者厭焉有志之士舍僞而求真開徑以獨行於是詞曲繼興而里諺歌謠亦恆爲文壇之所欣賞蓋凡以取其言之有物固未暇計其體格技巧之高下工拙也詩之離實際蓋遠則其可取之性亦愈希於是論詩者亦往往以真性情爲歸文文山之正氣歌岳鵬舉之滿江紅詞令人感興觸發豈遽不若李杜韓柳固知文學之真價在此不在彼也吾粵明末當桑海之交授命致身者至夥其間多真誠磊落之士風流節概輝映一時陳文忠公卽其尤矯矯者易代以還所著書沈蕤榛莽時有顯晦獨其詩訖無刊本余曩獲南園諸子送黎美周北上卷子亦僅得詩一首茲鳳坡乃獲鈔本詩至三百餘首之多殆歐陽永叔所謂文章光氣自有不可磨滅者余意古

今詩人無慮若干萬其體格技巧邁於文忠者亦難儂指然爲學無本則修詞不誠往往藻發鯨鏗而不能令人感興觸發此則人之過而詩不任咎也文忠之詩雖不能超越一時獨其雄邁英毅之氣洋溢行間又湛深法海事理雙融了脫死生無畏無礙知人尙友舍此誰歸蓋惟其人之有真斯詩之所以不虛作也方今國難日深士風頹靡懷賢表微使往哲精神得灌輸於羣衆固吾徒之所當有事鳳坡此舉其知所先務歟其知所先務歟讀是集者幸勿僅作詩讀也抑以言志而論則謂必此乃可以爲詩也可識者當不訝余言

廣東旅滬同鄉會第一屆會員錄序

自人事繁生事艱旅食異地者衆求所以互扶持通情愫則必有會焉爲之綱紀此同鄉會之立所爲無間省邑之鉅細而通邑大都爲尤盛者也上海之爲市五方萬國之會也流品雜遝不可勝紀而以工商業隱持其間惟寧波與吾鄉人最然自關埠至今吾鄉人來者殆廿萬人雖亦嘗以府縣爲界而關會館公所之屬以謀公益而聯情誼若夫統全省而合爲一體則自今歲始斯蓋上海開港後殆百年而始有之舉也非甚易事同人既刊布第一屆會員錄屬余一言余惟會所爲立與所爲用無足論獨嘗以爲近數十年吾鄉傑出之士奮起獨出以奔走國家之急大繫民族重輕其剛毅明決效死赴義百折不回之慨國人既具知之而滬又世所稱國內敵俗之尤者也民性之剛懦繫俗之隆污俗之升降又國家盛衰存亡之會也返偷墮汰靡以歸於正非異人任也炎黃之胄皆與有責焉者也一二人倡之千萬人和之蒸而爲風習而成性非至艱之事也一氣機所鼓動而已然則吾鄉聚廿萬人於此豈僅以通情愫互扶

持已哉意必別有所事習之既久其將本其剛毅明決之性與之磨厲不爲之波靡流蕩邪抑將奮其百折不回之概期以易其俗感以誠行以漸持以久以大化其偷墮汰靡之天邪是在鄉人君子自力而已余蓋將以斯會之立斯錄之布徐以覘之也

李國欽譯羅斯福自述我怎樣改造美國序民國廿七年

一國執政本歷來發表的政見把如何實施的經過及所發生的影響臚列出來供一般的批評和印證即拿來做民意向背的根據這是憲政國家很通行的辦法或者亦可說是近代政治上一種好習慣近年來法西斯及布爾雪維克兩大主義之政團出現偏於中心集權制度人民幾不復有贊否從違之餘地然爲宣傳塗飾起見所發布之文字亦復至多雖真實性如何又當別論其求判別於大眾之意固未盡消失也羣衆程度雖至不齊但大端的取舍愛憎不失其正幾乎爲良知良能故古今中外聖賢豪傑對於此點莫不兢兢業業期孚衆望人羣權益的維繫國際競爭的消弭亦幸多賴此論政者不可不知也此書蓋係美羅斯福總統報告於國人而求其評判的一種作品其中的事實及其每一問題的是非利害我們不容易加以判斷但每遇一種大施設必有其所以然的理由令國人不致盲從瞎贊即反對者亦必根據理解和事實以表其態度這即是政治有軌道的國家的一種好現象李君國欽旅美多年洞明彼方一切事物譯印此書以供我們參考用心極可佩服當這世界火線伏滿一擊即發的晨光美國雄視兩洋舉足可以輕重對其當局的言論行動我們尤其應當特別重視特別研究願讀者不要辜負李君這一番介紹譯印的意思

翁占秋著菊集序 民國廿七年

吾國藝菊之技甲於世界能變易新種轉移氣色無慮萬數北平揚州尤稱絕勝北平越五千種揚州越三千種歲有新產雖老圃與碩學未之能窮也吾國文學家對菊素致欽重以爲芳潔耿介之徵故數千年詠歌不絕畫家亦喜繪之翁君占秋工繪事居京時撮取總理陵園菊畦之特種凡百爲之寫真俾色揣稱至極工能深爲子超先生所稱許可謂黃花知己頃將付之印行因爲題數言以詒與屈原陶潛有同好者

陳孝威抗戰論文選集再版序 民國廿八年

吾國自古以立言爲三不朽之一故凡有著作必取信今傳後矜慎特甚往往有將畢生所著付之一炬者推其意豈不以吾言而苟爲世所信從一有差誤流毒至烈故兢兢焉不敢輕以問世歟第天下事物之發生無窮往者所持循之情與理法往往不足以資範率且世變旣劇末流波盪恆致滔天之果僅持區區原理原則不足以爲因應故一事一物之演化亦必有其與內容環境相爲接構之因緣與規律其如何瞭解及運用此因緣與規律使之爲最宜適應而不與吾所需要者相違實爲現代羣衆所應具之知能故教育普及之說騰於宙合應爲鐵案凡以此也第學校限於時空所能賦與吾人之知能實未極其量故報紙圖繪樂劇種種所以儲能益智者乃如雲湧爲隨時隨地之供給而粗製濫造之病生焉其下者乃徒供市儈之射利政客之投機其有益于事實否不問也大道多歧下流所歸遂爲世詬然因噎卒難廢食十步必有芳草以立言而論固亦不乏出類拔萃足以藥瞑眩而示方來者吾嘗言世間萬事

之進程必由渾而之畫吾國出版物雖日益夥而專門性質之典籍乃較稀是實文化水準尙低之證而報章雜誌爲尤然陳子向元曩哀所爲關於軍事之文集以問世吾曾慫恿之以爲此類專門之作吾國需要至亟陳子之作既多獨特之見足以餉遺讀者不宜祕而不宣既刊行乃風靡一時今乃再版是足徵羣衆讀此類典籍者之多而向元所作之克副所需亦可從而證實是不但僅爲向元喜己也雖然吾固曾言古人立言之矜慎今雖古今異宜其理抑不可沒向元所作多專門之學理與經驗固非粗製濫造比以言信今傳後如往所謂無疑不惑者自不能不有待於陶冶則以時空關係故也向元今後以其傑出之能於澹靜中加以澄慮必有益進乎是者此其珉與璞焉耳他日卞和之獻吾更當三薰三沐之

陳公哲著行草書例序 民國廿八年

書無所謂例也文字之構造原於各地造字時歷史所孳乳而造字必有其原則與規範以資循守（如象形拼音之屬）故文字必有例焉至書寫之法變化隨時屈伸任意事屬藝術非可以形象拘如必列舉點畫撇捺以爲當如是不當如是抑已僨矣雖然文字之爲用非僅限於藝術故凡某一時代一區域內之文字必須此一時代一區域內之人皆易於運用與了解然後其用乃弘效乃著而吾國文字以單音之字少故多經轉注易讀書法上又歷籀篆隸草真行之遞嬗復以藝術家之從心所欲錯綜演變因而點畫撇捺之增減排比皆無一定之矩矱不但辨識非易而且無所適從於知識普及諸種功能之增進皆受其阻所關誠非細故也陳君公哲多材好學於所習皆思窮其奧比年篤好書法患習者之難進而多歧且慮吾國書法因不適於用而失其固有之功能將並藝術上之價值亦受其影響因發憤多所

闡述爲匡翼吾國書法之助茲編之作卽其一也余維吾國文字由籀而小篆篆而隸與八分再變而章草而草而眞行其間每百十年而一變或數十年而一變至多亦數百年而一變蓋時代愈後則變亦愈速（篆隸八分章草草眞行每一類之變不過數十年間）世間一切事物求與環境適應必須善爲改易方克存其最宜吾國往昔書法之遞嬗蓋亦緣是獨怪魏晉以後至今已屆千有餘年一切事物之大小變遷不知凡幾獨書變至眞行而止未之再改而社會沿用亦從未有議及改造者偶創一二新字如武墨劉龔世且以爲怪誕而帖寫減筆且致懸爲厲禁思想之受錮知行之被遏不前所關於國家社會非細故也近歲以來吾國百端奮進因而文字改造之論不絕於耳其書寫方法之議改進者若右行橫行減筆縮寫加標點等等亦散然繁興第人自爲政其不便於辨識也同在此小階段中抑未能至極其功用因是欲爲整齊畫一之法者亦復不少于右任先生編標準草書卽其一事也公哲此書用意大抵與于先生同而闡述較詳於此時代中殊堪爲研求字學書學者之良助公哲聰睿多啓悟倘能於吾國文字根本上之改造有所創獲或協進以應此時代之要需抑更余之所望也因喜而爲之序

明清畫家印鑑序 民國廿八年

以印章表示符證成爲普通習尚本屬吾國特有之俗故錄印章關防鈐記朱記條記諸名稱多至不可勝數此稍研吾國歷史藝術者所具知也因是印章之研究頗成爲考據學之一鈐鍵言經史學者取資焉言文字學古物學者取資焉又吾國習慣姓名以外別字別號與時俱增在文人爲尤夥故鈎稽事實辨別手迹印章尤爲一大物證至於書畫之收藏玩賞作者與藏家殆亦皆以是爲信據故物之眞贋時

之先後胥可憑以判斷焉

清代以前言鑒藏書畫者對此頗爲忽略間有記載亦祇錄其文不著形象以是難於依據清初書畫著錄則卞永譽吳□□之屬已摹寫綦詳顯示進步自時厥後記載者互有詳略工拙第以技術關係卒未能傳寫原形美猶有憾言藝術者恆致惜焉康達博士來華研究書畫之歷史亦既有年精進不懈年前乃着手於畫家印鑑之編輯與吳縣王季遷先生合力從事不憚煩瑣經三年之久成此初編余維此事厥有數難不加標揭無以知良工之心苦吾國印章多爲古篆博士以異籍人求其辨識審察頗屬不易一也畫幅之中作者及鑒藏家之印章混列其中須加考訂方免訛誤二也畫之真贋與印章相聯欲印章之真確先須對該畫有明晰之鑒定始免沿誤三也一人之印章既多遺作又散在各地蒐采甄擇極耗時間與精神四也一人之別字別號既多選取時易於錯漏五也吾國有真畫補贋印之習或真印而爲後人鈐之贋作之上其間隱祕諸費推敲六也有此六難幸皆爲博士所克服足徵用力之勤設計之善足爲吾國藝林一大好工具抑吾深有感者吾國藝術馳名世界亦既有定評特考訂之事多形疏闊而工具之書尤尠今以博士與王君之努力具此初基尤望有志之士推而廣之對吾國藝術史上之重要問題及所須要之工具多所致力以供世界及國民之用同時直接間接即於吾國藝術克以宣揚與促進是乃吾國國民之責抑亦博士與王君及余之所深喜者也民國二十八年六月書將出版因書此爲序時余方居香港因時局關係不克與博士及王君面爲商榷並此誌憾

陳公哲香港考古發掘記序民國廿八年

余自前歲南歸卽主倡研究西南民族文化一時智識界頗受衝動而有所言行第茲事體大離綜合貫串判斷之期尙遠目下僅能先從研究資料之搜集保存入手並假設若干輪廓系統以爲標的期涂徑不致大誤而已余曩者幻想西南民族既有苗族漢族南移之史實復有印度波斯等人東來之事蹟其原有之民衆復有其特色蹤跡之可尋故研究西南民族實可以幾種民族混合而產生的文化爲其着眼之點此種工作應從何處下手本難懸斷日者陳君公哲以所編香港考古發掘一書見示並詳述工作之經過余維陳君之工作與芬神父之在香港及馬可昂尼神父之在海豐實不約而同而其成績亦頗能相仿第陳君非地質學考古學專家故其所貢獻多期以所得實物供大衆之參考而罕所論斷此正陳君之撝謙忠實處亦卽學者應具之態度也以陳君之書與芬神父及馬可昂尼神父二人之書相較其可互相印證之處甚多而玦之發明尤爲前此所未有（陳君親從掘得骸骨之耳上得見昔人所謂玉玦形狀之物以爲昔人所謂玦非盡佩物或昔人所謂玦別有其形狀而非如相傳之環有缺形○其如環之有缺形者乃係耳飾至賜環則還賜玦則決之說恐出漢人附會）香港是否可爲考證西南民族文化之樞紐今固未能猝決然經三君之著作披露以後香港一地固非僅如世人所想象昔爲沙漠今亦僅屬商場則固毫無疑義三君發潛闡幽之力抑已鉅矣香港不乏好學深思之士余意應繼之而有所興起也抑吾國沿海由浙而閩而粵而南洋印度洋各地於民族學考古學暨人種物產諸端皆應有所組織與聯繫庶源流本末因攻錯而益明此固非一人一時所能爲力第積銖累寸必有觀成之日有志之士盍起而共圖之

廣東文物展覽會緣起 民國廿八年

一國之盛衰強弱不徒以兵力財力爲斷往往取決于文化程度之高下深淺廣狹此已成近今一致之定論吾國向以文化最早自詡然千百年來爲暴主迂儒所利用販運與掩蔽其實際多遭埋沒菁英渣滓糅雜不分拘督者奉腐臭爲神奇浮薄者詆金玉爲草芥益無以紹聞祖德發揚國光人失自信之心學乏復興之望其所關於抗建大業亦已鉅矣比年國中鴻碩極力提倡史地之研究復屢有文獻展覽會之設令一般人士對於先民貽衍之文化有真切之認識從而進一步加以檢討與改估收效業已甚宏徒以戎馬紛紜未遑普及廣東文化見於史籍者雖較中原爲略後然比年地下之發掘實物之參稽已證明此邦文化之進程具有深長特殊之歷史由秦漢以迄明清民國握中外交通之樞紐結東西文化之胚胎神州舊德多賴留貽寰宇新機端資創闢其間端人烈士名將通儒藝者逸民高僧列女雲興霧涌璧合珠聯任舉一長每堪千古故都喬木南海明珠言念流風蔚爲大國高山仰止景行維賢剩馥殘膏都成馨逸矣比者烽烟遍野市井爲墟人競流亡劫同水火凡諸文物或捆隨蕃舶或蕩作灰灰並碩果而難存似名花之無主搜窮複壁藏乏名山聞者痛心救誰援手念物稀之爲貴思厥愛之尤臧凡先民手澤之所留皆民族精神之所寄尤宜及時采集共策保存一以表文獻之菁華一以動羣倫之觀感中國文化協進會同人有見及此因發起斯會期與愛國愛鄉諸君子相觀而善相與有成藉此名區共圖良會凡諸規則別具左方所企石室精儲祖庭遺物或球圖重器或璣壁餘珍各出所藏以光盛舉庶稍盡後方之使命兼以期同氣之相求五嶺以南文章冠冕當有不下于黃河長江兩流域者山輝川

媚照耀離明企予望之

廣東文物展覽會出品目錄序 民國廿九年

中國文化協進會發起在香港組設廣東文物展覽會所有宗旨及簡則我已經在緣起上說得很明白現在各方出品業已陸續齊集會中將編目以便觀衆因此要我再說幾句話諸君看這目錄的時候必是已經身到會中而且一面在參觀各出品與以前僅在報紙上看見發起和籌備的經過那感想必然兩樣所以趁這機會我再貢獻幾句話

第一係諸位來到這會千萬不要祇當是一件玩賞或娛樂的事這會所以組設的緣故在簡則中已明明標出係研究鄉邦文化發揚民族精神十二個大字所以徵求收集出品皆以此爲標準凡與此十二個字無干的不論甚麼貴重希罕的東西我們一概不要凡合乎這十二個字的標準的東西一草一木片紙隻字會中都極其歡迎直到現在會中所有的東西敢說全都合乎這個標準的（至各出品之概略與批評另詳下文）會中承諸位出品人之熱心協力星夜從事不憚辛勞其用意即係爲到會觀衆服務令觀衆可以根據各出品而達到十二個字的目標在各職員個人毫無所圖而且糜財費事亦無非爲完成本會的使命起見如觀衆僅當爲一種消遣娛樂那就大失本會的期望而且辜負出品人及各職員的一番辛苦了

因爲上列的緣故會中出品毫無比賽競爭的性質譬如黎二樵的畫當然不少我們並不要十分注重分別黎二樵的畫頂好的是那一個的出品稍次的是那一個的出品祇須知道黎二樵有這樣頂好次

好的畫黎二樵係那時代的人其作品在全國各時代各畫派中可以占一個較高位置就夠了因爲這不是一個藝術展覽會那過於專門的評判並非必要而且陳列的目的在表示全省暨某地某人文物的全貌與特色而並不是爲私人表示其鑑藏的美富所以不論出品的多寡及精粗我們都一律歡迎但以本會所需要者爲斷那出品的聲價亦全視關係人的歷史及文物的本身在文化上的價值而不是根據古玩商場的市價

研究的事本不是恩促的期間和這樣沒有很好系統的資料可以着手的又港地各種環境當然尙有不少的困難但本會的希望至少可以因此引起觀衆研究的興趣和植立研究的基礎直接間接使觀衆的精神思想發生一種刺激與變化第二步自然產生何項實際的研究計劃與行動那時候這研究鄉邦文化的事業便可逐漸大衆化了（至少亦易得大衆助力）所以本會很希望這個會不但有第一次第三次以至於若干次而且希望這類的會還有第二個第三個以至於無數個因爲天下任何事物任何組織都是愈後愈細密愈複雜的或愈健全的

至於民族精神的發揚這是一種結果而且關乎每一個人內心的演變的可以無須細講

這次徵集的時間雖有兩月有餘但因爲環境的關係（尤其是交通不便）其成績實未能滿意在縱的方面近代的物品較多而遠年古代的較少（尤其是宋元以前）在橫的方面雖極力注意廣州府屬以外的各屬文物而數量終不能相稱在出品種類方面各種之出品亦多寡精粗不等本會不敢說可以徵得之出品僅止於此而事實如此的緣故概不外二種一徵求的方法尙未十分得當二一般人

對本會的宗旨與需要尙未十分明瞭關乎前者本會今後自當積極改良關乎後者則不能不望旅港僑胞及閩省父老青年共同努力使此後這類的工作得以日進無疆這是我所急要附帶聲請的末了我應該代本會向編這目錄的李景康先生及同人特別致謝

廣東文物跋 民國二十九年

廣東文物展覽會所輯錄之「廣東文物」既編成印竣距開會展覽之期已數閱月矣當時觀衆之所記憶已漸模糊藉此編之遺留得以爲參考研究之資編印者之勞勩爲不可沒也又異地之鄉人暨同情于廣東文物者因時地所限不克到會參觀手此一編有如目驗度亦爲之欣慰至本會同人以數月之辛勤畢此最後之工作使展覽會之使命予以完成尤區區所應感謝者雖其中編纂種種多未達乎理想程度讀者當能致其原諒也顧鄙意尙有欲申說者以普通之經驗凡欲集中一地域或一時代之文物使之成爲一個有系統有意義之表現以供吾人之考索與觀感此非僅恃臨時之努力所能奏功展覽會暨此編之用其極至于考索觀感之效得較伸展與延長爲止若圖持久與普及固不易也欲確切完成對于文物之使命以應時勢之需要而輔其他文化教育事業之所不及竊以爲廣東省之急務蓋有四焉曰設圖書館曰設博物院曰編印叢書曰纂修方志此四者久爲主持文化教育事業所應有事而在吾粵則尤爲急要者也蓋握東南政治軍事經濟之樞要與近代交通暨歷史之轉變有重要之關係如吾粵者其文化教育上之設施比年乃轉遜于各省此實爲全省人士之恥此雖或有甚多不得已之故然吾人不應以之自欺自恕而終聽其落後也粵人于政治經濟時以創業者自負且事實亦

實克副之若夫文化教育上之設施吾人感覺實尙須有甚大之努力吾人試觀以粵省之大而性屬全省之圖書館無有焉博物館更無有焉全省通志近年屢修而未成地方叢書年來方始從事其貧乏寥寂爲何若雖善辯者無以諱飾也中央之資助地方之擔負耗于破壞及設建者蓋數十萬萬而確文化教育之進展有關係與實效者殆不及十之一也應負其責者蓋爲誰歟而所以補救之者將何道歟往者黨國諸碩彥于此或不無忽略乃今者則政策之注重法令之頒布其趨向已甚顯著若倡而不應則非復主持大計者之責而奉行不力者之咎矣文化教育爲凡百之基幹舍本逐末吾未見末之能勝也今軍民長官余李二君與諸執事皆當代賢能能見其大者故緣此機會附貢其臆凡百君子其亟圖之邦家之光閭里之榮抗建之略殆皆繫于是焉倘能有成則斯編興起之功亦爲不小矣是爲跋

擬編印廣東文獻叢編啓民國廿九年

五嶺以南山川人物所繫於地理歷史者向極鉅大尤其近數百年國際國內所生關於吾國重要變化之突起類皆與吾粵有密切關係爲任何人所不能否認然則徵存史實檢查往跡研求因果推測方來爲生此時代者應有之工作蓋無疑義吾粵有關文獻之典籍方志以外私家輯刻向不乏人如嶺南遺書粵十三家集之倫頗極其盛第自比歲轉形寥寂固緣時局多故倡導無人毋亦以抗建大業日不暇給此類工作被視爲次要之務以致未遑兼顧歟不知地方文獻正爲抗建一切工作所必需參考之物往昔視爲藝文之一乃社會之一種錯覺于文獻實際有認識不足之感比者各地人士于方志纂錄已有不少精切之見解令其本身加增重量惟已往各地之紀述資料或浩博無涖或斷爛不全若不亟

謀整理保存他日將有杞宋無徵之憾此非止圖書本身之損失而已于知今知古知彼知己皆無所藉等於航海失其舵險孰甚焉竊意應仿畿輔叢書武林掌故叢編等書之例編纂廣東文獻叢編甄搜遺逸摭拾叢殘期以若干年蔚成巨帙其辦法務以簡而易舉爲主所采錄務以切而有用爲宗謹擬計劃如下方資爲喟引非敢云悉臻愜當也如承海內賢達嶺表英豪惠賜指南相爲邪許非第一人私幸也已

一、全書專輯印有關廣東文獻之著述不論作者是否本省人

二、全書如何刊印暫緩決定擬每年至少出書十冊以約二十冊至三十冊爲一集由第一集以至無盡

三、擬先籌集銀二三萬元爲第一批校印之費出書後將售資陸續收回爲第二批資本如是遞推以至無盡

二三兩條爲較低限度之計劃如機緣湊泊可更作大規模之計劃

四、第一步茲擬徵求發起同志同時編一暫定之擬印書目敬希各方惠予贊助俾得順利進行至有關廣東文獻各書或先人遺著經後裔之珍藏或碩望精研爲學林所寶視不論其未刊原稿或已刊孤本或雖刊而板片近經燬失或一書而鈔校多有異同或巨著鴻文或零篇斷簡甚或譯從異國采自流沙概所歡迎期無闕漏尙乞不吝指示俾作準繩至輯印辦法本屬一種理想如荷賜教更爲詳適之法尤深禱盼

五、各方寫示應刊書目務懇詳附說明如著作人編譯人之姓名籍貫年代及其他小史又本書之卷數冊數內容大概暨現存何處爲何人所有通信處之詳細地名門牌號數等等以便商榷一切其通信人之住址及門牌號數尤盼詳示

旅港北大同學錄序 民國廿九年

北大成爲講政治與教育的一個很重要的目標已經多年北大的內容和他對國家社會的貢獻一般人也都有相當的認識用不着我再代說

但是依生物學的原理凡是一種有機體的東西必須內部健全然後可以充分向外活動而內部之健全又必賴每一個細胞均備具相當能力復能依其需要集合爲有規律之活動然後其用乃著又全體細胞照例是新陳代謝的必須新生的細胞時時與環境適宜然後功用乃聯續不斷可以發揮出一種特殊效果

北大的歷史無疑地如上所說有很好的基礎與名譽但歷史是無情的三十年來很熾赫的北大當這個大時代的來臨是否不至做時代的落伍者這是很沒有把握的事所以一個店鋪決不是祇靠字號老就可以賣錢的

北大的人們現在應當如何前進這問題頗重大而不簡單當然更不是我一個人所能代表來解答的不過每一個與北大有關係人們都有維護北大以往名譽的責任和努力於北大的將來及北大所應貢獻於國家社會的各種義務這是毫無疑義的

日下散在各地的先後北大同學不下數千人大概都站在自己的立場各別有所活動這對於北大兩個字自然有相當的影響但尙不能說就是北大的活動或爲北大而活動因爲北大的先後同學比較散漫而缺組織因形式的缺乏精神無所寄托所以共同的活動近年也不無減色近三年來我國因抗戰關係一切進於新生的境界我北大同學自然也不能例外香港一地同學就常有將近百人這就是以前所未有的同學會的組設同學錄的編印這不過係很形式很初步的一種工作我們對同學的期望當然不止於此但此種工作的進行自然可認爲一種好現象所以我不憚煩的說幾句話盼望因此可以引起以後更多更重要的工作末了我替同人致謝編印這本同學錄的同學

旅港交通大學校友慶祝母校四十五週年紀念特刊發刊辭 民國三十年

吾國大學中歷史較久遠而聲譽卓著凡二焉曰北京曰交通皆成材徧國內爲衆所推重與樂道二者著稱之學科雖不同顧其施教致用之得法則同以至教授之得人與學生之能自立皆同又其自身之演進由積年形式設備不甚完善第以其機關爲朝野所注重因遞演而成一組織相稱之大學又無不同斯二者溯創立之始迄今固皆已逾四十年矣畢業生散在國內外固無慮千萬年輩不盡相及顧偶相詢悉則輒相顧曰此某同學同學儼有昆弟親戚之歡此其故固重可思也向者以時局關係旅港兩大學的同學日益衆遂各有其會所之設而交大以今年爲創校四十五年之期復議出特刊而屬余爲之序余維本校四十年來由南洋公學而郵傳部高等學堂唐山路鑛學校交通傳習所以迄統一爲一交通大學以至於今雖形式迭有變遷而求學致用爲國服務之精神固始終如一雖謂之前後無界限

之分可也譬之一家由祖父以至孫曾面目雖殊血統相貫譬之一人由弱少以至壯大年齡雖異歷史相承所應注重者表著之事實是否足爲人推重而已吾交大經累年諸先進暨教職員之努力今已爲國內言交通學術技術者唯一之最高學府卅年來應時勢之需要所貢獻於國家社會者爲何若此固不待贅說舉其犖犖大者如近年鐵路公路之建設有線無線電報之廣敷以及諸水利機械工程之新興經濟財務管理之改進舉凡平時戰時之措置能施之裕如者吾人試一考其負責之人趨事赴功之輩有非出自交大者乎蓋無幾也然則交大固可云無負於國家社會而累年苦心孤詣養成此輩以供國家社會之用者其始願可云已達往者可以瞑目存者可以伸眉卽曾與有關係之人抑亦可以同深欣快矣顧一念及百年樹人之訓吾國今後欲自立於此大時代其急要之建設必百倍今茲卽所需之人材亦必相等又世界學術之進步方興未艾吾不知朝野間對於此類專家之培養曾否有所準備及其所準備能充分及適合將來之用否若猶未也則如何師法前修益勵來軫毋令有蓄艾不及之憾當爲朝野間有力者之責抑亦先後同學之所應努力者吾老矣而太倉唐先生尙健在交大創立前後之情況吾兩人知之最悉諸君試語唐先生當不以吾言爲謬歟因書所見以爲諸同學告

廣東叢書序 民國三十年

余自民國二十六年冬避難南來感民族精神之有賴發揚廣大盛勸諸人士研求西南文化以明其真價於是諸社集聞風興起雲騰霧涌盛極一時未幾復有廣東文物展覽會之設予海內外以甚大之刺激繼同人思永其續擴其效遂有編輯廣東文物一書之舉而廣東叢書之編印亦緣以發生焉始余於

展覽會期間有感於地方文獻保存之需要曾爲文公表編印廣東文獻叢編之意見贊成者甚衆廣東省政府主席伯豪李公聞知其事由省庫慨斥巨資以爲之倡余以始基既建又事屬大衆不如歸之公營遂商由中國文化協進會主持其事別組一會訂名廣東叢書編印委員會延請諸鴻碩分任選擇校勘全書遂定今名仍擬每年至少出書一集適商務印書館願任印行之役因舉以屬之茲第一集將出版具如別目余維先民著作行誼皆吾民族精神之所寄吾人後死不克繼述闡揚乃至並其遺跡而湮沒之習尙家族主義地方觀念者言行之不相顧乃如是可恥也已抑余恆言知己之義以爲吾人非先知已難言知彼吾國內一切事物之蒙昧疎略自山川形勢以至民情物產任舉其一皆缺精深之考察與紀載而他人之覘我者於此殆洞若觀火此其病影響於國家民族之前途者至深且鉅先民處科學未發達時代致用之具遠遜今日然求知殊切故凡所考察紀載雖不免爲學識方法所限然胚胎所朕菁英寓焉事實所詳因果繫焉況舍此更無以爲探索之資故吾人不必侈言繼述卽爲致用計其有賴於舊日之圖籍也明甚及今未盡放失收拾而整理之以供大衆之需固吾人今日之責也同人此舉固可謂知所先務抑伯豪主席之導助豈徒博提倡文化之虛名其有裨於實用也至大又非如往者地方長官之緣飾吏治宏獎風流而已方今科學益明致用之具視前大備而國際之競爭方烈所需於自知者較昔倍增吾人不應蔑古自限尤賴知今以自存其如何融會貫通感奮興起則又讀是書者之責也因是書之出喜而發其凡如此余老矣勉從諸君子之後與於斯役庶幾年刊一集以成巨編蔚爲大觀一振南海衣冠之氣是則區區之微願也

過庭百錄後記 民國卅一年

恭綽年十一奉先大父南雪公之命爲先君嗣隨侍入京赴贛依膝下者六年吾父所以啓迪訓導者備極臻至年十七入京應試旋往來京滬粵之間然恆歸侍及就學京師大學講學武昌旋服官郵曹始多離膝下然書牘垂訓未有間也民國二年迎養北上載承色笑越三載遽棄養今又二十六年矣自維迂拙百事無成忽忽垂暮回溯趨庭受誨如在目前世局波翻人心百譎以愚執應萬變輒滋乖迕憂憤回惑時不能自克又無可告語者則僅恃遺訓之追憶不諉者爲準繩與藥石以稍淡吾旁皇屯鬱之況三十年來雖深愧無所建樹然立身治事躬躬如畏幸尙未爲當代賢哲之所棄又皆賴遺訓之深印於心者默爲之矩度藉免於大過端居追憶體驗而詳味焉益憬然於吾父抱蘊之宏深指引之詳切而深以往者之疏略未能躬行實踐爲媿惜也吾父未大用於世世之知吾父者亦希然輒私謂吾父言行之可爲人範者蓋難縷計滬居養疾因就遺訓之較要者錄以傳世以示吾父之言行非僅私於一家一人而不肖於無可顯揚之中取吾父至言公之於世使後生小子進德修業知所取則庶不背吾父誨人不倦之旨抑亦困阨流離中所稍可引以自慰者歟書凡百則故命名過庭百錄云爾

節庵先生遺詩續編序 民國卅二年

梁節庵丈遺詩爲余越園輯刊者凡八百餘首以丈詩無定稿故不免遺漏次序亦有淆亂然幸得此本以流傳固猶勝於散佚隱晦也然丈之著作實不止此十餘年來綽屢欲從事輯補以人事萬變卒無所成僅輯印丈款紅樓詞一卷其他片段都不成編病廢以還慮此願終乖乃謀之丈之子思孝取所存詩

稿及在楊子遠與綽所者彙加訂勘始意綜余氏輯本及新輯本加以抉擇編次期合丈指且供讀者知人論世之資以物價庸值日夕飛騰朋儕散處四方艱於商榷時與力之所限又恐稍縱卽逝後此益無把握不得已姑就新輯所得稍去其不經意者詮序之得詩三百首付之剗闕其全功俟之他人或異日其全稿之編印亦俟之他人與異日衰年末劫所得爲者僅此而已嗚呼世變之烈將百十倍於前求如丈之冥行孤往呻吟舒嘯以寫其抑鬱且恐不可得而徘徊景光寄情於雲霞山海復幾無其地則丈之所受固猶是昔人想象所及而有可以自慰者歟窮居病榻寤寐若相應和念少日追從之景遂成隔世斯又俯仰百罹則不徒爲死生契闊之感者矣印竟因記顛末於首

寒家與丈累代摯交丈光緒庚辰入都卽寓先祖南雪公宅繼乃遷棲鳳樓卽丈詩所稱獨憶葉園三友事詩成如虎酒如龍者也（又見丈題上元夜飲圖詩注）余輯丈詩卷二有碧螺春盃夜宴詩碧螺春盃本生先考叔達公書齋名丈與先伯伯蘧公先考仲鸞公本生先考叔達公皆至契款紅樓詞中屢有倡和詩丈尊稱南雪公爲三伯函札皆然不稱字與號也光緒之季綽教授武昌謁丈於武昌府解旋以書來云違別廿年相見悲喜聞太夫人葬日文從卽歸爲之愴惻嗣令講學於兩湖師範及西路小學撫愛甚至會歲暮綽題門永嘉學派荆楚歲時丈大賞之逢人爲之延譽且以事功相勗乃蹉跎卅載迄無所成視息儉生重慚期許矣

蔡公湛詩集序 民國卅二年

吾友新建蔡公湛哀其數十年所作詩付刊自燕京以書至屬序曰吾兩人自髫年卽相唱和宜序余詩

莫子若也綽曰吾之序良友之詩屢矣若陳師曾曾剛父羅癭公潘蘭史以迄諸貞壯胡眉仙皆不勝其死生聚散之感抑吾人一生萃其精力結集於此區區之簡冊其事本不爲世之所重而人生數十寒暑其精力耗於婚宦衣食者且強半學之成否本無一定詩又學之末焉幸而有成流傳而吟誦而古今作詩而傳者毋慮數萬能自拔於衆者幾何其艱辛可歎既如此有知之屬顧前後蹈藉奔迸於此途者終相望則又何也人世憂愉哀樂既不能無所發而志學之與際遇十九不相副默而思焉藝而游焉託而寄焉澹悒鬱而寫所懷以是爲吾生之別一宇宙斯亦人之恆情而爲橄欖繩檢之所不忍苛責者耶吾少隨先君子至贛學爲詩首得劉未霖玉珩昆仲又介其甥是爲吾識公湛之始繼而交師曾貞壯眉山及桂伯華楊雲谷歐陽竟無夏劍丞文公達皆年少好爲詩者今獨公湛劍丞眉山與余存當諸人盛氣跳盪時殆皆不欲以詩人終世事遷流諸人於世之所獲終亦有限而詩之傳否且不可料於是吾乃發憤必刊諸人之詩且自刊其詩其工否且置之度外若必欲爲諸詩人平所憾者顧其事亦非甚易今未霖昆季及伯華公達之遺稿皆不可問矣存者劍丞眉山與余詩皆已刊獨公湛窮老宣南嘯歌不輟曩爲陳散原翁所賞之散帙終未授之梓余恆惜之今聞其詩之刊行喜可知也公湛詩少學涪翁得其勁淡而蒼渾中有簡易冲和之氣一肖其爲人可稱西江本色朋輩中知之者多固不待余之稱道聊敘兩人交誼之始附於元白皮陸之列以見詩之所謂史固不僅爲論世知人之用亦以識其人一時離合欣戚之迹焉卽作其人之史讀之也可足爲序

丁氏藏瓷圖錄序

丁子惠康以所輯藏瓷圖錄付印既成問序於余余以吾國言國瓷之書極稀聞之而喜因叩丁子輯印之旨丁子之言曰余非敢侈言藏瓷也大地藝術之菁英神州化工業之元祖光輝垂範于世宙者亦既千百載中經變亂重器之流出海外者夥頤難數吾國存物轉有遜色曩者英人開吾國美術展覽會於倫敦吾國擇公私所藏往陳期以自表然亦僅以量勝而已一人之資力學力有限比以兵燹及交通阻隔采選益難康所藏僅能供研究國瓷之參考非謂與諸大藏家絜較長短欲列於大雅之林也抑康之輯印此圖錄亦謂一人所藏雖不足道然欲提供藝術家之研究則非此無以傳世行遠故貿然從事非謂足與世之鑑藏家著述家抗衡而揚摧也一人之心力有限藝術之蘊奧無窮見仁見智河漢無極故不敢別有撰述謹編目繪形而已然定名寫實抑至兢兢印刷之未致其精固亦限於環境居今日而爲此其不能盡善固自知之矣然卒爲之者不得不謂基於專且摯之一念是非得失抑不暇論亦聊勝於深自閉匿與徒供玩賞市易者耳其能邀識者之一顧則幸也非所敢望也余曰有是哉子言之慙而當也今卽述子言爲序以示余言之誠他日子之藏珍益富而所研究者益精則所應述以告大衆者益不同余將繼此而更有所貢焉是爲序

舊題謝靈運古詩帖跋

此書庾信步虛詞殘冊未題名後附豐道生跋謂舊題謝靈運作不可信疑爲賀知章書又萬曆中張補

跋則以爲張旭作亦未能決定也余按此帖首見於宣和書譜宋時曾兩次入石

友人凌宴池藏晉書樓帖宋拓本卽有此帖其

帖上蓋賈似道印章故可定爲宋刻又豐道生跋云世有石本而其據與以初學記校勘之字句似係另一石本非晉書樓帖又卞合書畫彙考亦載此書附項子京跋內云余嘗藏宋嘉祐年不全拓墨本不知

卽指晉書樓帖否然據此可斷爲至少有兩石刻也

明代又見於眞賞齋賦可謂烜赫已甚但其中疑問迭出一謝靈運不應書庾

信之詩有明板康熙字典之疑二但晉書樓帖明標謝名末又有謝自書之名殊不可解三據書畫彙考此書本有榮僧津項元汴二跋而此冊無之四此冊既入眞賞齋却無華氏隻字與一印五項氏各印皆不類僞造但宣和雙龍璽及宣和長印却未敢確定爲眞六豐道生字跡迢逸淵懿此冊之跋筆意稚弱且有誤字似非出其手七以此冊與晉書樓帖所刻者較有數字顯有疑竇如詩中同來訪蔡家之訪字此冊乃作方字且並非燬去偏旁方蔡家三字於文理爲不詞又東明之明字起筆石刻作𠂇而此冊作𠂇春泉下玉雷之泉字玉字雷字石刻明晰而此冊字形牽強齊候問棘花之侯字石刻侯字作𠂇而此冊作𠂇又北闕臨丹水石刻無丹水而此冊有之水又作又龍泥印玉簡玉簡二字石刻作𠂇而此冊作𠂇既非簡字亦非策字如謂石刻係從此出不應乖異若此故可斷晉書樓帖必別有底本非從此鈎模上石也八王子愛清曠之愛字清字此冊作𠂇以衡山采藥人之采字此冊作𠂇皆自來無此寫法雖石刻原缺無從對證然可決非係原本九晉書樓帖雖因用濃墨故轉折處不甚明晰然筆勢固自飛舞此冊則筆雖圓勁然較爲純滯必非石刻所自出依此九疑可得如下之判斷

此詩原底當係唐人所書

謝靈運固不能書庾信之詩石刻末行謝靈運王四字王下當係子晉口口等字乃係錄者之辭意謂謝靈運所作王子晉詩緣其筆勢

頗類唐草故疑爲賀知章及張旭所書均非無因玩晉書樓帖自明楊風子能及此否尙是疑問宋人無此體勢與韻味也

此冊擬爲明中葉人依石刻或石刻之底本所模寫其理由如下一項子京各印皆非僞造故必項

氏以前之人所爲二豐氏跋既非自書而其跋後紙上又有項氏之印故斷爲豐氏以後之人所爲

三字雖非原本然筆頗圓勁非清代人所能爲

或此書即豐氏所爲因見真賞齋藏物而仿之再加一跋後人又截其跋別仿而書之皆未可定

因此二者此帖雖非原本

即非晉書樓帖之底本

然亦非毫無可取者出自玉田袁氏無近日藏印殆已沈霾數百

載矣

陳巨來古印舉式序

陳君巨來余所許爲今之程穆倩巴予籍者也余之印多爲所治巨來年方壯而游於斯藝者且三十年所治印融會古近諸家奄取衆長而一出以渾雅其得名海內外非幸致也日者以所輯古印舉式見示且曰學不敏學不敢濫且性之所篤今後且以印人老矣余受而讀之則全編分正續兩集正集爲一面印以每印一式爲主續集爲兩面印則文字是尙凡程荔江陳簠齋吳憲齋吳平齋高南鄭及羅叔言陳仲恕龔懷西黃賓虹諸家所藏以暨各地新出土物咸歸搜采且悉就原揚摹寫不取刊版者故格式筆畫不爽毫釐精矣備矣余維古今治印之書毋慮數百然多偏於理解諸家印譜之傳於今者或侈蒐羅或資玩賞或域於時地或限於部門求其統系分明博觀約取以專供印人之取則者蓋未之有蓋吾國藝術家每不喜與人以規矩且往往憚於著述藏家則多以觀賞爲主於治印之技能法則或不及多所論列若夫包合異代綜貫羣書條分縷晰勒爲一編以爲治印者之楷模並示收藏家以途徑既簡且當允推此書焉自來藝事必有準繩然後神明緣以附麗往者工師自矜其祕遂恆并形式而失其傳致後學無所資以改進故所業窳落能者益稀凡百皆然所關良非細故巨來此作其足彌往者之憾乎余嘉

其用力之勤且專而又不以所能私之於己也故樂爲揚推焉此序

鳳池精舍圖跋民國卅三年

余既棄吳門寓園之明年屬吳湖帆圖其景物越三年圖成園固未定名也乃名之曰鳳池精舍圖將自爲之記客曰固矣哉君之爲此也君從政數十年今乃無半椽片瓦於北都及津滬既屢棄其宅所儲亦不恆厥居君之拙於計久矣晚居吳門辛勤以有此廬復不能守平素既不求田問舍爲意不治產業於此園固宜視若傳舍而胡戀之爲抑世方泯莽有產非佳名以世諦之無常人生之多艱君且不樂乎有家卽又奚取乎圖已棄之園而名之記之令人與已皆多此一物而滋其障執耶余曰此非君之所知也夫形者神所寓也然形之所在神不必定寄焉名者實所附也然名之所昭實未必果副焉古之平泉金谷今皆何有不但地久易主卽泉石草木且罕遺跡所存者獨其名而已余之有是園本以備幽栖遠塵事非如他人侈游觀建築之盛今既不能有則天地之大何處非吾之園園必斤斤焉某街某宅乃爲吾之所營斯已隘矣其圖之也正示不必定是地乃爲是園昔沈石田爲友圖神樓乃本無是樓而名之王謔菴爲寓山志謂山皆寓耳余本不必有是園然後圖之今既曾有一園則謂卽圖是園也固無不可非有所戀而始圖之以存其蹟也客曰然則曰鳳池精舍也何居曰余固吳人也先石林公籍吳之鳳池鄉今故居之址猶在乘魚橋西余數典不敢忘祖亦猶世系之稱南陽云爾客曰有是哉子之辨也斯圖之傳子其永有是園湖帆之貺子也厚矣今後園果何屬圖又何屬殆均不必計余曰然遂錄以爲記他日志平江坊巷者謂吳中之曾有是園卽以斯圖爲證可也

王秋齋攝堂詩選序 民國卅三年

民國三十三年三月番禺王秋齋遠以疾卒於滬越五月朋舊刊其所爲詩屬同邑葉恭綽爲之序曰余自少識秋齋父鶴隣先生而未識秋齋嗣讀兼葭樓詩屢及秋齋以晦聞之不安許人知秋齋之賢且能詩而未見其詩十七年前余居滬秋齋始與余游間有倡和乃諗其詩不凡而秋齋固深自諱匿與余亦極罕言詩當世品詩者遂竟亦罕及蓋其性不諧俗治學取友皆至慎視世之譁炫干譽者蔑如也其論詩獨與晦聞契所作亦相似獨秋齋深佛法晦聞好詮詩經爲小異耳晦聞歿秋齋有牙琴之痛余勸理所作乃稍編集之既卒得其手稿一卷曰攝堂詩選者去取至嚴有塗乙數四未定者所存尙不及兼葭樓詩之半秋齋其不自意遂止於是抑矜慎過當勇於刪削都未可料但覩其所存其獲晦聞之知賞識不爲媿秋齋生前既過於自晦若不爲傳播則或竟至湮沒斯實吾徒之責也因合諸朋舊爲審刊之以存其真他日與晦聞詩並行比之郊島之於韓未觀之於蘇其殆庶幾乎斯亦秋齋之志也已秋齋復工章草世殆無與匹著有章草例一卷又輯北周造象二卷皆待刊

罔極菴記

葉子蟄居海濱榜所居曰罔極菴或曰罔極何義也曰詩三百篇言罔極者六焉其在蓼莪與氓之什孝子思婦抒其哀鬱之懷致歎于昊天莫叩士行之無良辭至悲苦然所關者一家一人之事而已小雅青蠅之什讒人罔極由構我二人薦至交亂四國其所感已大至小旻之什曰有覲面目視人罔極則傷時感世致慨民德之衰非止一時一地之憂樂矣至大雅蕩之什柔桑十六章傷國步之頻至曰民廢有

黎其禍以燼曰我生不辰逢天憊怒曰其何能淑載胥及溺曰自有肺腸俾民卒狂曰人亦有言進退維谷曰民之貪亂寧爲荼毒曰貪人敗類誦言如醉而卒曰民之罔極職諒善背爲民不利如之不克民之回遹職竟用力釋其義爲不求善人而用之其所顧念垂後而不已者乃忍心不仁之人民不堪命所以肆行貪亂而安爲荼毒又民之所以貪罪而不知所止者專由此人名爲直諫而實善背又爲民所不利之事如恐不勝而力爲之也其大聲疾呼抉發指斥可云無隱固知罔極之痛其著於家與國者爲獨切人生不幸遭逢喪亂然後知詩人所詠歎固非虛語也余無似屢從大夫之後今衰病退隱閒以詩歌自據其抱自棄所宅艱於一椽之庇本無所謂庵名以罔極亦昔人行窩之例且以示今已爲民其所感或與古詩人無異而不待煩言者也抑余老矣回溯數十年來所處拂逆艱虞之境百端交集其得以持循不墜勉告無罪於國人者皆本之庭訓爲多報德何從呼天無路斯又永刻心臆而時以自詔者矣又莊周云如河漢之無極無極者罔極也余曾自號無極當時亦參取無極太極之義但非今所以名菴之故云

祭別書畫作者文

維年月日遐庵居士謹以奇花清茗名香佳墨祭於所藏書畫諸作者之靈曰嗚呼余將與諸君之作品別矣諸君形體久化爲埃塵而作品留貽之爲精神所寄者一日在天壤間則諸君爲不死余得有諸君之作品卽謂日與諸君爲師友相晤對可也然諸君之作品是否能永存天壤間乃不可知之數諸君作品之毀滅者多矣此僅存者偶然得入余手此亦非可預期之事然設余而不好此或時與地及其他不

恰合焉則亦不得入余手故余之獲之也不謂之緣也不可然則諸君與余或亦有其因緣也歟然何因而有此緣固不可知抑人生祇數十年余之獲有諸君作品爲時甚暫況憂患疾困余之獲與諸作品晤對賞玩爲時更尠然未得也思慕焉求索焉既得也裝飾焉庋藏焉加以流離顛沛歷甚艱危風雲氣稜之中炮火炸彈之下護持之勞苦甚於子女相依之親切尙逾妻妾余之於諸君也可謂無負也矣而余之所得祇片時之賞玩故諸君實智而余甚愚況諸君以身後之片紙博收藏者無窮之珍視雖屢易主而皆然然則收藏者焉能爲主諸君乃其真主耳過眼烟雲誰非逆旅物之成壞亦更有主之者窮人力之所至必有其限故吾人精神之寄於物者亦終不能長在余年寢老不久將乘雲霞游極樂以與諸君相見於清淨之域無罣礙之鄉視僅憑此區區作品以與諸君之精神相接者當又不同抑余於書畫未深造何敢與諸君並論然設余之作品能爲後人寶愛一如余之寶愛諸君之作品則余之所獲與諸君等故由藏者一轉而爲作者似尙爲余之所能視今之極其艱苦以護持諸君之作品其爲事似尙稍易以較可求之於己也以是之故余將爲諸君之作品求其得所以不沒諸君精神之所寄余將以護持諸君作品之時與力從事於余之作品或別求精神之所以不死者而不必寄之於物余與諸君精神仍可相接將不繫於物之去留諸君將亦嘉孺子之可教而引爲同調也今將次第與諸作品爲別用告諸君來格來享一笑

余之厭棄政治生活而爲藝術生活業將廿年今後將並棄其藝術生活而爲純精神生活故從事藝術爲時恐亦甚暫茲因斥賣書畫而爲此文雖稍滑稽亦真實語也六祖云本來無一物然則物

於我何與乎此文贅矣遐菴居士自記

宣爐詩序

余於民國九十年間思研究宣德鼎彝因廣爲搜集廿年來所得逾三百具體製款識多不相同海內同好如宣子野曹理齋

二君皆已歿

邵伯綱陳仲恕張綱伯余戟門諸君所藏各有所長而數之多則僉推余也。

後方擬編製圖說以供世人之考索民廿六年滬戰後余歸粵經港遂成久客中經家難滬居文玩多失此宣爐者幸致之於港而港戰又起所居在炮火中者兩旬事定謀歸滬而物重難運不得已棄其次者六十餘中途受潮濕至滬後鏽蝕不少所居偏仄復無地展置以易米故竟以二百五十具售與某君僅留其鏽蝕者如干慮得者不明端委有不滿也於是積年所蓄如距斯脫編製圖說之願固未之償卽精神所寄亦棄同敝屣矣私疑浩劫如斯勢無獨免余苦苦與造物爭謬欲保存百一其爲計本甚愚今則并此愚計亦不復能自持一切委心任運成爲頑石不知邵陳諸君以余爲是歟非歟達歟執歟亦祇可不計特此微塵緣影終未能拋滌淨盡故爲此一詩以志之庶幾淡然灑然爲不放下之放下耳

嘉言類纂序 民國卅三年

儒者不朽在立德功與言孔氏之教至以言語爲一科夫言而可以不朽而可以與德行政事並列其故亦深可思矣蓋言之克立必恃誠中形外昔人所謂言之有物儒術之所以成爲儒效莫不由此壽縣許潤生先生今之長老曩者有嘉言類纂之輯意謂古今述作浩如烟海然求切理鑒心修身淑世之作百不得一其人生之規爲矩則又多爲昔賢所已道與其侈言撰著而無補於世不如撝昔賢所作之菁華

爲之流傳於廣遠其事爲易而收效轉宏也邇近功利之說深入人心處世接物斤斤然惟此是務舉凡天理民彝道義廉恥棄置不復道一切政教無所據以爲設施放僻邪侈之事日接於目盈於耳其漸漬以釀成禍亂非偶然也夫剝極則易復貞下能起元今者其起元克復之會歟非夫嘉言懿行以導其流而綰其樞末流之挽夫豈易事吾國儒先遺訓最重克己誠以行爲必本於思想衺影之惕厲師友之切磋載籍之鑒飫優遊所謂立身行己者先植其基其見之行事成爲慣習樹之模楷蒸爲風俗本立道生斯固然也潤生先生所輯嘉言類纂能注切於斯可謂握其樞要其有關於儒術儒效可知其言不朽卽其人不朽而先生亦與之不朽益可知矣語曰仁人之言其利溥又曰仁者壽先生仁者也所輯之言暨輯言之意皆仁者之所表見今年正七十蒿日時艱拒不稱慶哲嗣曉初蜚聲工商兩業卓然有所建樹逾期始敬以刊布是書爲請先生許之是所以壽世者方世窮而先生之示教抑亦可知矣抑曉初方業藥斯編之爲世藥石蓋遠過於苓朮先生初度曉初不以丹餌爲獻而以是編爲承歡養志之具其所見亦有獨卓者傳之名山不必再叩思邈千金之方稚川九還之術矣余滬居養疾蕭然自放欽先生之志又喜曉初之能養也因序而歸之

陳子和百葉畫冊序 民國卅五年二月

陳子子和吾鄉安雅士嫻文藝習吏事今方宰劇邑一日以所集當代百葉畫冊乞余爲序余曰噫此誠今之畫史也歟當代畫家無慮千數然傑出者或盡於是彙諸家佳作印爲一集精且備如是者前此蓋未之有也陳子之用心豈非恫世諦之無常藝術之有真欲爲傳之久遠抑凡畫固史也古今天人萬彙

悉可納吾胸而達之腕下故古之畫人恆稱畫史與記言記事同蓋不僅其畫爲史其人亦爲史抑其人之史亦寄於畫故觀畫者可知人論世焉今代吾國之畫於古今中外藝術中將列何等固有待論定其爲今代之畫則無疑陳君此集可稱今之畫史儻更得其人之籍貫行誼而著於錄將較之畫人畫徵諸錄爲尤勝抑說者謂方今瘡痍滿目民困倒懸陳子當撫綏之不暇爲此似鄰於玩物余曰人勞不能無所息今陳子悠然獨息於是正所謂賢於博奕且文藝揆發靈襟能導人於高華之域陳子年未強仕方不免爲世用其澄瑩心性長養其澹泊寧靜之操以成大器或轉將此是賴昔人所謂文詞終與道相妨亦一孔之見古之韓白歐蘇曷常因文事而荒吏事哉視其志行如何而已書此並以爲陳君勗

陸丹林著革命史譚序 民國卅五年三月

民國成立卅有五年溯革命之肇始則五十年矣經過之事實不知凡幾然國史既未編定私家紀錄亦復寥寥蓋吾國史學本未發達益以清代文字獄之餘威深入腦髓又民國多難史才消乏綜成此果然往者不述來者難明無以爲彰瘡之資且致沒因果之迹斯實民國一大缺失也丹林陸子究心史事以餘暇爲革命史譚一冊雖體非正史而所記頗多異聞實錄誠史家所必錄而學者之所應有事也余維吾國古以直筆爲良史雖在專制淫威之下時有伉儷之士別是非明功罪以與之抗歷代起居注及實錄且有不許帝王取覽之例其紀載應有真價乃卒罕滿人意者直筆難逢見聞不易精確故也丹林此書紀述詳慎又宗旨無所偏倚信可爲斯類佳著固宜公之於世且願丹林繼此續有所作爲國史之副車庶革命真相瞭然於民衆心目其有助於建國大業當非淺尠丹林其有意乎

磧砂延聖院小志

磧砂延聖院宋乾道八年僧寂堂建在平江府陳湖中清屬蘇州府長洲縣二十六都今爲江蘇省吳縣

轄境

甫里志謂梁創宋修

寂堂姓祝氏名師元又名道原華亭人嘗學於水菴一公

師有語錄一卷見續古尊宿語要卷六

密菴傑公

咸傑有語錄尊宿語二卷見續古要卷四

多靈德異迹初承湖中費氏施地曰磧砂洲遂建菴其上遠近翕然信仰穹殿涌堂

日有增拓寂堂歿其徒立塔以祀其舍利

元僧圓至撰平江府陳湖磧砂延聖院記姑胥以水爲國民廬皆岸溝港濱泖涇而居畎畝之間有漕
漕無涂徑雖東阡越西陌非舟不通荒村下聚菰葦魚鳥之鄉陂湖浸淫塗鹵滲溢至於水之不及人
乃以爲桑爲田猶必隄其外以備水之爭環州四疆其東爲海北西南爲具區婁松之江貫其內土耕
民與食於水者戶相半猾商游販出疆入境之舟岸牽港刺夜歌晝行大抵一州之間民里往來以水
爲徑不獨資之以生而已然其險不測非如蹈土駕陸之安故遠涉者必恃中流有避患之地乃敢無
恐而濟陳湖在長洲東四十里當華亭吳江之間兩界民舟之東西行者魚銜而蟻接然其水混江際
海以雲爲涯旦而放舟日昃而後至岸其浪波潮汐之壯足以敗舟帆而宿姦宄宋乾道八年寂堂禪
師來自華亭得湖中費氏之洲曰磧砂乃菴其上爲中流之鎮民利其留而惜其勢之猶小也更爲大
招提宮室居之於是穹殿涌堂屹流颯興據津瞰沚碇泊溱附旣成因所請故額曰延聖院而定其傳
爲甲乙之居寂堂歿其子孫立浮圖以祀其舍利又刻三藏之經而棲其板於院北之坊其後磧砂四
面沙益延而水日却東北皆爲田屬於岸延聖子孫益蕃衍富盛其才賢者爭以學術自緣飾時節衆

會文物術粲然矣。寶祐六年延聖大火，獨懺殿與寂堂之塔不火。咸淳初，住山可樞按火所毀，募其徒分而構之，益爲壯麗，以加舊觀。迨今，吉公之世，延聖院復成，吉爲六世之勤，未能有記以留不朽。使其老清懋買石以請於余，蓋自宋之季年，郡國兵饑，大姓貧而施予之家，少名山大川化佛靈僧，鼓鐘香火之宮，福民壽國之祀，其棟宇不幸而壞廢，則無以勸豪傑之財力而復於成能，自植立於灰燼之中，以存其舊者少矣。獨延聖益有餘力以增鉅麗，爲崇侈其勃興決定之勢，非獨不撓於時之難，而屋室之盛，貲聚之贏，方且擅強於今，而加富於昔。雖其嗣繼材智能爭翔競奮，以大其門，亦寂堂養培積種以遺其後者，豐堅根碩葉之蔭茂也。嗚呼盛哉！寂堂祝氏諱師元，華亭人，嘗學於水庵一公，密庵傑公，有名孝宗時，多靈德異迹。既老，又爲白蓮寺於弁山之下，而歸終於磧砂。其言有錄而行有銘，故不繁載於記。見牧潛集卷三

明僧道衍撰淨土善人詠第六十四寂堂師元，禪師密菴會裏得單傳佛制毗尼，守愈堅，自向十州行化，徧好看陸地出紅蓮，師元禪師姓祝氏，華亭人，嘗學禪於密菴傑公，戒律甚嚴，篤行念佛三昧，感全甲神自天而降，夢紅蓮花從地而出，由是十州行化，大闡蓮宗，普勸一切人念佛往生，感驗者不可算數。剏白蓮寺於湖之弁山，又剏延聖院於蘇之陳湖，磧砂遂終磧砂焉。見續藏經史傳部

宋理宗時於本院之北設經坊一，稱大藏經局，開雕藏經。嘉熙淳祐間，衆緣會集所刻經卷甚盛。厥後以時爲多見刊刻年表寶祐六年大火，獨懺殿圓至記云懺殿或即經坊也與寂堂之塔不燬。咸淳初，僧可樞按火所毀，募構益爲鉅麗。傳至六世，惟吉建刻經堂。元至元二十四年，興工，明年七月告成。又明年續建觀音殿，其祖文雅曾

建殿於院北廡南因燬於寶祐之火吉乃復成其志是時院屋已百有餘室而觀音殿特宏

元僧圓至撰延聖院觀音殿記余記延聖院逾月其大浮圖惟吉來曰院有刻經室有白衣菩薩之殿我所爲也請復得記刻經室之役始至元二十四年六月成於明年七月成之明年然後舉殿所宜有畢備役於下者曰清宇曰志琛實凡其事相於旁者曰清仰清懋志明志頤實飲其費殿之中菩薩西嚮天王侍於前南北相嚮立凡二十軀其髹形刻飾工材之價又若干則出於里豪顧氏蓋湖濱之壯招提延聖爲甲而延聖之屋百有餘室無能與殿比隆者則其勢之大作之難不見而可知也夫聖人之出必有地固將假境以表其教也教不一方得不一門觀音氏之道以耳爲門以聞爲修以應爲形故其神島處於海水之中水無窮而一目皆入應之智象焉海無聲而假潮以鳴聞之性顯焉使凡至其室者目擊而道得不言而教行此聖人導惑之冥權也今夫陳湖之大姑蘇之水以是爲歸霆奔雪躑躅洞百里半濟而後磧砂屹焉其境之所肖固有冥示於人者而又當二邑之會舟車襁褓之衝險足以揚靈要足以拯物是故菩薩所擇處以行其教者也然剛吉之成此其假物以諭於人者爲道至大豈苟以崇材鉅璧之觀爲一壑之飾哉初殿在院北廡南住山文雅所建也寶祐火禍毀焉吉於雅公爲冢孫卒復殿以繼其先人之志

見牧潛集卷三

倪瓚生於大德五年卒於洪武七年嘗賦詩送霞外師過磧砂寺因寄鄭博士毅長老

倪瓚詩湖水東邊磧砂寺繙經室裏看爭碁食馴沙鳥巢當戶坐愛汀雲影入帷惠遠何修爲律縛康成終老只書癡寄語山靈莫疑怪松陰好護中興碑

元末法城募修經坊

元至正時僧智及有法城禪人化緣修磧砂經坊詩城禪切忌墮疑城施受論功只礙膺大法本來無一字釋尊方便說三乘輝天鑑地光明藏塞壑填溝爛葛藤隨順世緣平等化道人行處火燒冰

明永樂十五年智端重修領集福集慶迎福三庵

按王鑒姑蘇志集福庵在長洲縣十九都元至正間僧古銘建集慶庵在長洲縣十九都元至正間僧

迎福庵在長洲縣二十都宋淳祐間僧性順建

迨明中葉漸即頽廢沈周

生於宜德三年卒於正德四年

吳寬

生於弘治十七年卒

卒於隆慶五年

均有遊磧砂寺詩可見荒宇頽垣之狀清康熙初元獅侶即其舊址構數椽居之至同治時又盡

圯此本院興廢之大略也

磧砂禪寺舊名延聖禪院在二十六都陳湖之北宋乾道間僧道原建中有大藏經版明永樂十五年

僧智端重修寺因濱湖歲久頽廢

見清康熙蘇州府志卷三十九寺觀

磧砂寺舊名延聖禪院在二十六都陳湖之北宋乾道間僧道原建元僧圓至記寺有大藏經版明永

樂十五年僧智端重修領庵三日集福曰集慶曰迎福

見清康熙長洲縣志卷十六寺觀

磧砂寺舊名延聖禪院在陳湖之北宋乾道間僧道原建詩僧天紀嘗註周伯弼所選三體詩名磧砂

唐詩中有大藏經版明永樂十五年僧智端重修建

見清乾隆元和縣志寺觀

磧砂寺在甫里之南陳湖之北舊名延聖禪院梁創宋乾道間僧道原重修復圯康熙初年僧獅侶復

創數椽於舊址

見吳郡甫里志卷十五

沈周詩雙幢落日倚魚汀北下孤舟此暫停野客偶驚雲外犬老僧隨掩石邊經沙洲古樹籐蘿紫古

殿遺基薺麥青今夜試留湖上枕疎鐘高浪不堪聽

吳寬詩日斜湖上過野寺倦登臨老樹風聲合頽垣雨跡深蛟龍潛近浦鳥雀避叢林

寺西蛟龍浦中有藏經坊僧云

鳥雀不入坊中不見筠溪叟元詩僧至自江右來詩壇久絕音

李應禎和吳寬詩放舟出郭秋雨晴好風半日到姚城故人天上新霑祿衲子山中舊識名春樹暮雲

無限思薰爐茗椀有餘清一夜寒生眠未穩夢間時聽海潮聲

歸有光詩望見石柱立知是招提址蓮宇已燹蕩土牆何迤邐淡淡遠天色梅花帶寒雨溪回竹樹交

風吹鳥雀起日暮湖波深蒼茫白雲裏

其刻經事業以大藏經局掌管之同治蘇州府志謂經坊中相傳鳥雀不入藏主名法忠具載於端平目錄之題文

大宋國平江府長洲縣依仁鄉第十九都前戴墟庾王土地境界居住奉三寶女弟子吳氏八娘情旨

自身本命壬寅五十三歲九月二十一日建生謹發誠心指施已財五十一貫刷百二十四文官會恭

入陳湖心磧砂延聖院大藏經坊就命工者刊造經律論總目錄上卷印板永遠流通聖教所集功德

專用祝獻三界諸天一切聖賢壬寅本命元辰星君行年大小二運星官衆堂所侍香火福德神聖乞

回聖力保佑身宮安泰福壽增延三世業障從此銷除上答四恩下資三有法界有情同成種智者端

平元年四月自奉三寶女弟子吳氏八娘謹題幹緣僧善成可南法澄法如法昇法超志圓同募本院

藏主法忠化到小比丘善源書勸緣大檀越成忠郎趙安國都勸緣住持釋法音

見日本昭和法寶磧砂新雕大藏經律論

今校磧砂藏諸題之最早者紹定四年七月崑山范顯刻寶積經然文中尙未載延聖院之名同五年五月吳江僧文戒刻無量壽經則明載延聖院雕造此距刻目錄時僅越一年記文有徵人事罕變則所謂藏主者自屬可信

大宋國平江府崑山縣市邑進賢橋西水南面北居住奉三寶弟子范顯同男應成施財命工刊造寶積經一卷集茲善利資薦范氏門中祖禰宗親闔屬神儀仗此勝因超升淨域紹定四年七月解制日范顯題

見磧砂藏文一寶
積經卷第一百一

大宋國吳江華嚴寶塔賢首敎院今寄久詠鄉南印黑輯善庵僧文戒徒弟僧宗顯情旨發心回施長財九十五貫文恭入延聖院雕造佛說無量壽經上下二卷所生功德先用上答四恩下資三有法界有情齊造佛道仍用莊嚴先和尚密講師徒弟茂閣黎亡考王大承事淨日妣杜氏二娘子淨月繼考陸三五承事覺希繼妣太君李氏十三娘覺度亡過梅二道人了德金二道人妙行兄王卅一郎門中先遠三代宗親承茲善利懺滌罪愆俱出苦輪同登彼岸然願文戒袞袞之下道果圓成他世之中二嚴克備紹定五年五月輯善庵僧文戒謹題勸緣僧善成法澄法如法昇法超志圓謹募

見磧砂藏乃
八無量壽經

上卷

但明萬曆十二年五臺陸光祖爲徑山撰募刻藏經序謂昔有女子崔法珍斷臂募刻藏經三十年始就緒當時檀越有破產鬻兒應之者萬曆十四年秀水馮夢禎撰刻藏緣起謂磧砂藏板弘道尼斷臂募化弘道化後其徒復斷臂繼之更三世其願始滿吳羣王世貞撰序亦謂做弘道比丘尼磧砂故事按崔法

珍之名曾別見金史紀事本末法忠與法珍字音略同豈卽爲一人而傳述有歧歟抑或共同發願由法忠主刊而崔法珍先爲苦行勸募歟姑附一說以存軼事

陸光祖馮夢禎王世貞三文均見明徑山方冊本刻藏緣起

大定十八年潞州崔進女法珍印經一藏進於朝命聖安寺設壇爲法珍受戒爲比丘尼二十三年賜

紫衣宏教大師明昌四年立碑石祕書丞兼翰林修撰趙渢記翰林侍講黨懷英篆額

見金史紀事本末卷三十

當宋元之際公私匱乏成事艱苦故刻經之進行亦甚遲自紹定四年起迄至治二年止共歷九十一年始克成功茲檢題文編爲刊刻年表如左

磧砂藏刊刻年表

| 刊年 | 經名 | 及卷次 | 題名 |
|----|----|-----|----|
|----|----|-----|----|

| | | | |
|--------|-----------|--|----|
| 紹定四年七月 | 大寶積經卷第一百一 | | 范顯 |
|--------|-----------|--|----|

| |
|----|
| 范顯 |
|----|

| | | | |
|--------|----------|--|----|
| 紹定五年五月 | 佛說無量壽經卷上 | | 文顯 |
|--------|----------|--|----|

| |
|----|
| 文顯 |
|----|

| | | | |
|--------|----------|--|----|
| 紹定五年九月 | 大方廣三戒經卷中 | | 宗顯 |
|--------|----------|--|----|

| |
|----|
| 宗顯 |
|----|

| | | | |
|--------|---------|--|------|
| 紹定六年四月 | 法苑珠林卷第一 | | 張元度等 |
|--------|---------|--|------|

| |
|------|
| 張元度等 |
|------|

| | | | |
|--------|--------------|--|-----|
| 紹定六年九月 | 文殊師利所說般若波羅蜜經 | | 王顯忠 |
|--------|--------------|--|-----|

| |
|-----|
| 王顯忠 |
|-----|

| | | | |
|--------|----------------|--|-----|
| 端平元年三月 | 文殊師利所說摩訶般若波羅蜜經 | | 錢勝等 |
|--------|----------------|--|-----|

| |
|-----|
| 錢勝等 |
|-----|

| | | | |
|--------|----------|--|-----|
| 端平元年四月 | 佛說觀無量壽佛經 | | 張應麟 |
|--------|----------|--|-----|

| |
|-----|
| 張應麟 |
|-----|

| | | | |
|--------|-----------|--|-----|
| 端平元年十月 | 法苑珠林卷第二十二 | | 管行臻 |
|--------|-----------|--|-----|

| |
|-----|
| 管行臻 |
|-----|

| |
|-----|
| 阮大異 |
|-----|

端平二年三月 如來莊嚴智慧光明入一切佛境界經

端平二年三月 稱讚淨土佛攝受經

嘉熙元年二月 法苑珠林卷第五

嘉熙二年五月 度一切諸佛境界智嚴經

嘉熙二年五月 佛說睺子經

嘉熙二年五月 太子慕魄經

嘉熙二年八月 正法華經卷等一

嘉熙二年九月 大乘遍照光明藏無字法門經

嘉熙二年九月 老女人經

嘉熙二年九月 老母經

嘉熙二年九月 老母女六英經

嘉熙二年九月 佛說決定總持經

嘉熙二年十月 佛說懷子經

嘉熙二年十月 佛說乳光佛經

嘉熙二年十月 無垢賢女經

嘉熙二年十月 腹中女聽經

嘉熙二年十月 大乘百福莊嚴相

嘉熙二年十月 大乘四法經

范傳家

耿氏千八娘

王顯忠

孫氏十娘

張道明

張氏七娘

錢林

馬俊

盧德

曹端

丘氏十五娘

師安

慧如

陸成

金椿

朱銓

祖盛

志盛

嘉熙二年十月

佛說菩薩修行四法經

楊道堅

嘉熙二年

善恭敬經

張崇

嘉熙三年正月

佛說德護長者經卷上

張氏十七娘

嘉熙三年二月

佛說未曾有經

祖達

嘉熙三年二月

佛說無上依經卷下

妙實

嘉熙三年四月

佛說前世三轉經

張氏六娘

嘉熙三年五月

金剛般若波羅蜜經

徐子通

嘉熙三年六月

摩訶般若波羅蜜大明呪經

王可暹

嘉熙三年六月

般若波羅蜜多心經

張氏十四娘子

嘉熙三年六月

佛說仁王護國般若波羅蜜多經卷下

朱氏百八娘

嘉熙三年六月

佛說報恩奉盆經

沈進德

嘉熙三年七月

佛說大淨法門品經

邵二承事

嘉熙三年七月

佛說菩薩逝經

夏俊等

嘉熙三年七月

甚希有經

唐思敬

嘉熙三年七月

佛說作佛形像經

葉伯安

嘉熙三年八月

佛說龍施女經

葉伯安

嘉熙三年八月

金剛般若波羅蜜經

康氏三八娘

嘉熙三年八月

能斷金剛般若波羅蜜多經

邵富

嘉熙三年八月

了本生死經

楊普清等

嘉熙三年八月

佛說龍施菩薩本起經

胡五十八娘

嘉熙三年八月

佛說八吉祥神呪經

褚伯達

嘉熙三年八月

轉有經

康德新

嘉熙三年八月

佛說文殊師利巡行經

楚文

嘉熙三年九月

能斷金剛般若波羅蜜多經

須妙明

嘉熙三年九月

佛說九色鹿經

陳寶

嘉熙三年九月

文殊尸利行經

衛涓

嘉熙三年十月

一切法高王經

唐佑

嘉熙三年十月

佛說寶積三昧文殊師利菩薩問法身經

陶氏六四娘

嘉熙三年十月

佛說自誓三昧經

葉全

嘉熙三年

大莊嚴法門經卷上

王氏一娘

嘉熙三年

入法界體性經

唐思明

嘉熙四年三月

佛說普門品經

沈一鶚

嘉熙四年三月

菩薩藏子經

魯永年

嘉熙四年三月

曼殊室利呪藏中校量數珠功德經

褚妙興

嘉熙四年三月

金剛能斷般若波羅蜜經

陳文之

嘉熙四年六月

銀色女經

王氏千二娘等

嘉熙四年七月

大方廣師子吼經

得照

嘉熙四年七月

大乘百福相經

普信

嘉熙四年八月

申日兜本經

顧林

嘉熙四年八月

如來師子吼經

智旋

嘉熙四年九月

佛說彌勒下生成佛經

倪詢

嘉熙四年

大威燈光仙人問疑經

會時中

淳祐元年正月

彌勒成佛經

王思璣

淳祐元年二月

象頭精舍經

丁德

淳祐元年三月

菩薩修行經

宗僅

淳祐元年五月

大乘伽耶山頂經

可涓

淳祐元年五月

緣起聖道經

陳普興

淳祐元年五月

演道俗業經

可涓

淳祐元年五月

百佛名經

大慧晚

淳祐元年六月

小品般若波羅蜜經卷第一

張璿

淳祐元年八月

佛說稻芊經

張道明等

淳祐元年十月

佛說貝多樹下思惟十二因緣經

夏楠

淳祐元年

持世經卷第一

方必先

淳祐二年三月

佛說濡首菩薩無上清淨分衛經卷上

須四乙

淳祐二年八月

法苑珠林卷第三十九

張氏百七娘

淳祐三年

放光摩訶般若波羅蜜經卷第四

顧霆發

淳祐三年三月

大乘無量壽決定光明王如來陀羅尼經

方崇祖

淳祐三年四月

楞伽阿跋多羅寶經卷第二

如坦

淳祐三年五月

大方廣總持寶光明經卷第一

陳鎔

淳祐三年八月

放光摩訶般若波羅蜜經卷第七

善成

淳祐三年

放光摩訶般若波羅蜜經卷第五

金鏞

淳祐三年

佛說大乘無量壽莊嚴經卷上

葉賁

淳祐四年四月

千眼千臂觀世音菩薩陀羅尼神呪經

周康年

淳祐四年五月

法苑珠林卷第三十二

季禮

淳祐五年正月

放光摩訶般若波羅蜜經卷第十九

沈興祐

淳祐五年七月

佛說罪業報應教化地獄經

魯妙清

淳祐五年七月

佛說龍王兄弟經

朱氏八娘

淳祐五年七月

長者音悅經

吳淨滿

淳祐五年

佛說光明童子因緣經卷第四

葉茂

淳祐六年四月

道行摩訶般若波羅蜜經卷第十

張悅院

淳祐六年五月

金色王經

陸德輝

淳祐八年三月

法苑珠林卷第二十六

宗鑑

淳祐九年

藥師琉璃光七佛本願功德經卷上

呂頤正

淳祐十一年

法苑珠林卷第五十四

鄭宗強

淳祐十一年

法苑珠林卷第五十七

楊氏四娘

寶祐元年正月

法苑珠林卷第六十一

莫師旦

寶祐元年正月

法苑珠林卷第六十二

莫師旦

寶祐元年六月

法苑珠林卷第七十

高氏二十娘

寶祐元年七月

法苑珠林卷第六十六

徐氏六三娘

寶祐元年八月

法苑珠林卷第五十二

盛璿

寶祐元年八月

法苑珠林卷第六十七

盛璿

寶祐元年八月

法苑珠林卷第六十八

盛璿

寶祐元年九月

法苑珠林卷第六十三

莫師旦

寶祐二年

法苑珠林卷第七十四

劉氏八三娘

寶祐四年正月

法苑珠林卷第九十二

張彥琦

寶祐四年五月

法苑珠林卷第三十

正圭

寶祐六年四月

佛說阿彌陀經卷上

惟勉

景定五年臘月

佛說大乘戒經

戴文昌

咸淳元年孟夏

放光摩訶般若波羅蜜經卷第八

呂頤仲

咸淳元年六月

佛說五蘊皆空經

勞了愿

咸淳元年六月

迦葉仙人說醫女人經

項妙清

咸淳二年二月

摩訶般若波羅蜜經卷第十七

周氏二娘

咸淳三年仲冬

摩訶般若波羅蜜經卷第三十

惟勉巖

咸淳五年八月

大般涅槃經卷第十六

張伯成

咸淳五年

摩訶般若波羅蜜經卷第二十八

惟展

咸淳六年三月

摩訶般若波羅蜜經卷第三

周氏十四娘

咸淳六年六月

摩訶般若波羅蜜經卷第二十五

張氏妙因

咸淳七年三月

勝天王般若波羅蜜經卷第二

行康

咸淳七年十月

大明度無極經卷第二

惟勉巖

咸淳八年六月

大明度無極經卷第一

丁道元

咸淳八年六月

大明度無極經卷第三

道戒

咸淳八年

大明度無極經卷第四

惟勉

大德元年

大方等大集經卷第二十一

慧福

大德二年

大乘本生心地觀經卷第一

沈氏守真

大德二年七月

入楞伽經卷第十

志頤

大德三年良月

阿毗達磨大毗婆沙論卷第九

崇智

大德三年

大乘大方等日藏經卷第四

清圭

大德三年

大乘大集地藏十輪經卷第七

清圭

大德五年九月

大方廣佛華嚴經卷第三十

朱文清

大德五年九月

佛說華手經卷第七

朱文清

大德五年九月

觀佛三昧海經卷第八

朱文清

大德五年九月

大乘密嚴經卷下

朱文清

大德五年九月

廣大寶樓閣善住秘密陀羅尼經卷下

朱文清

大德五年九月

一字佛頂輪王經卷第五

朱文清

大德五年九月

起世因本經卷第四

朱文清

大德五年九月

樓炭經卷第六

朱文清

大德五年九月

中本起經卷上

朱文清

大德五年九月

正法念處經卷第五十

朱文清

大德五年九月

佛所行讚經卷第一

朱文清

大德五年九月

佛所行讚經卷第四

朱文清

大德五年九月

撰集百緣經卷第八

朱文清

大德五年九月

阿育王傳卷第四

朱文清

大德五年九月

四阿含暮抄解卷下

朱文清

大德五年九月

經律異相卷第四十一

朱文清

大德五年九月

經律異相卷第四十六

朱文清

大德五年九月

廣弘明集卷第十七

朱文清

大德五年九月

大樂金剛不空真實三昧邪經般若波羅蜜多理趣釋卷上

朱文清

大德五年九月

佛說祕密三昧大教王經卷第一

朱文清

大德五年九月

大乘中觀釋論卷第四

朱文清

大德五年九月

聖八千頌般若波羅蜜多一百八名真實圖義陀羅尼經

朱文清

大德六年二月

大方等大集賢護經卷第三

張文虎

大德六年二月

信力入印法門經卷第二

張文虎

大德六年二月

稱揚諸佛功德經卷下

張文虎

大德六年二月

十住斷結經卷第七

張文虎

大德六年二月

妙法蓮華經優波提舍卷上

張文虎

大德六年二月

大宋高僧傳卷第三十

張文虎

大德十年正月

瑜伽師地論卷第六十四

張文虎

大德十年正月

瑜伽師地論卷第七十一

張文虎

大德十年正月

瑜伽師地論卷第八十三

張文虎

大德十年正月

瑜伽師地論卷第九十八

張文虎

大德十年正月

顯揚聖教論卷第一

張文虎

大德十年正月

顯揚聖教論卷第十六

張文虎

大德十年正月

大乘阿毗達磨集論卷第二

張文虎

大德十年正月

大乘阿毗達磨雜集論卷第一

張文虎

大德十年正月

中論卷第一

張 閻

大德十年正月

般若燈論卷第二

張 閻

大德十年正月

四分律藏卷第十

張 閻

大德十年正月

般若燈論卷第十五

管 主 八

大德十年二月

廣白論釋論卷第一

管 主 八

大德十年二月

大莊嚴經論卷第一

管 主 八

大德十年二月

大莊嚴經論卷第十一

管 主 八

大德十年二月

攝大乘論釋卷第七

管 主 八

大德十年二月

攝大乘論卷第一

管 主 八

大德十年二月

雜阿含經卷第二十六

管 主 八

大德十年二月

根本薩婆多部律攝卷第十一

管 主 八

大德十年二月

佛說未曾有正法經卷第一

管 主 八

大德十年二月

佛說未曾有正法經卷第四

管 主 八

大德十年二月

佛吉祥德讚卷下

管 主 八

大德十年二月

大乘二十頌論

管 主 八

大德十年二月

佛說祕密相經卷下

管 主 八

大德十年二月

大乘莊嚴經論卷第十三

義 璠

大德十年二月

順中論卷下

海 雲

大德十年二月 攝大乘論釋卷第五

大德十年二月 攝大乘論釋卷第七

大德十年二月 辯中邊論卷第二

大德十年二月 因明正理門論

大德十年二月 迴諍論

大德十年二月 佛說賢者五福德經

大德十年二月 摩訶僧祇律卷第十二

大德十年二月 摩訶僧祇律卷第三十六

大德十年二月 十誦律卷第十二

大德十年二月 十誦律卷第二十九

大德十年二月 十誦律卷第三十三

大德十年二月 十誦律卷第四十二

大德十年二月 根本說一切有部毗奈耶卷第二十三

大德十年二月 根本說一切有部毗奈耶卷第四十二

大德十年二月 根本說一切有部苾芻尼毗奈耶卷第二

大德十年二月 根本說一切有部苾芻毗尼耶奈卷第十

大德十年二月 根本說一切有部毗奈耶雜事卷第十五

大德十年二月 根本說一切有部毗奈耶雜事卷第三十

海雲

海雲

志願

志願

志願

志願

志願

志願

志願

志願

志願

志願

志願

志願

志願

志願

志願

志願

大德十年二月

彌沙塞部和醯五分律卷第一

志 頤

大德十年二月

四分律藏卷第三十一

志 頤

大德十年二月

四分律藏卷第五十九

海 雲

大德十年二月

十誦律比丘尼戒本

海 雲

大德十年二月

四分比丘戒本

志 頤

大德十年二月

根本說一切有部百一羯磨卷第二

志 頤

大德十年三月

阿遯達經

清 表

大德十年三月

佛本行集經卷第四十六

清 表

大德十年三月

佛本行集經卷第五十

清 表

大德十年三月

景德傳燈錄卷第十一

惟 一

大德十年四月

大莊嚴經論卷第十二

慧 周

大德十年五月

攝大乘論釋卷第二

慧 臯

大德十年五月

攝大乘論釋卷第三

清 宇

大德十年五月

攝大乘論釋卷第十

清 表

大德十年五月

攝大乘論釋卷第十四

行 詢

大德十年五月

攝大乘論釋卷第四

志 明

大德十年五月

攝大乘論釋卷第六

志 垓

大德十年五月

發菩提心論卷下

志 明

| | | |
|--------|---------------|------|
| 大德十年五月 | 三無性論卷下 | 志明 |
| 大德十年五月 | 中阿含經卷第三十五 | 志明 |
| 大德十年五月 | 摩訶僧祇律卷第二十 | 德障 |
| 大德十年五月 | 摩訶僧祇律卷第二十一 | 志明 |
| 大德十年五月 | 十誦律卷第十六 | 荊義成 |
| 大德十年五月 | 根本說一切有部毗奈耶卷第十 | 孫氏淨觀 |
| 大德十年五月 | 根本說一切有部尼陀那卷第五 | 加瓦八 |
| 大德十年五月 | 根本說一切有部目得迦卷第八 | 杜道昌 |
| 大德十年五月 | 彌沙塞部和醯五分律卷第三 | 慧天 |
| 大德十年五月 | 彌沙塞部和醯五分律卷第七 | 慧光 |
| 大德十年五月 | 彌沙塞部和醯五分律卷第十三 | 行隆 |
| 大德十年五月 | 彌沙塞部和醯五分律卷第十四 | 行慈 |
| 大德十年五月 | 彌沙塞部和醯五分律卷第十五 | 志臨 |
| 大德十年五月 | 四分律藏卷第十三 | 柳大使 |
| 大德十年五月 | 四分律藏卷第十九 | 顧氏 |
| 大德十年五月 | 四分律藏卷第五十四 | 處林 |
| 大德十年六月 | 攝大乘論釋卷第四 | 行森 |
| 大德十年六月 | 四分律藏卷第五十七 | 曇現 |

大德十年七月

景德傳燈錄卷第十四

月林庵
昌院主

大德十年七月

摩登女解形中六事經

德安

大德十年七月

根本薩婆多部律攝卷第九

志垓

大德十年七月

薩婆多部毗尼摩得勒伽卷第一

志垓

大德十年七月

戒因緣經卷第一

志垓

大德十年七月

善見毗婆沙律卷第二

志垓

大德十年七月

善見毗婆沙律卷第十一

志垓

大德十年七月

毗尼母經卷第一

志垓

大德十年七月

薩婆多毗尼毗婆沙卷第二

志垓

大德十年七月

衆事分阿毗曇論卷第二

曇現

大德十年七月

衆事分阿毗曇論卷第四

管主八

大德十年七月

衆事分阿毗曇論卷第五

伯玉

大德十年七月

阿毗達磨集異門足論卷第十五

管主八

大德十年七月

阿毗達磨集異門足論卷第十八

管主八

大德十年七月

阿毗達磨品類足論卷第五

管主八

大德十年七月

阿毗達磨品類足論卷第六

管主八

大德十年七月

衆事分阿毗曇論卷第三

管主八

大德十年七月

衆事分阿毗曇論卷第十

管主八

| | | |
|--------|---------------|-------|
| 大德十年七月 | 衆事分阿毗曇論卷第十二 | 管主八 |
| 大德十年七月 | 阿毗曇毗婆沙論卷第二 | 管主八 |
| 大德十年七月 | 阿毗曇毗婆沙論卷第八 | 管主八 |
| 大德十年七月 | 阿毗曇毗婆沙論卷第九 | 管主八 |
| 大德十年八月 | 四分律藏卷第十一 | 伯玉 |
| 大德十年八月 | 根本薩婆多部律攝卷第二 | 宗海 |
| 大德十年八月 | 阿毗曇八犍度論卷第一 | 正解 |
| 大德十年九月 | 善見毗婆沙律卷第十四 | 清宇 |
| 大德十年九月 | 善見毗婆沙律卷第十八 | 清宇 |
| 大德十年九月 | 阿毗曇八犍度論卷第十一 | 元湛 |
| 大德十年九月 | 阿毗達磨發智論卷第一 | 蕭氏德柔 |
| 大德十年九月 | 阿毗達磨發智論卷第十一 | 蕭氏德柔 |
| 大德十年九月 | 阿毗達磨法蘊足論卷第一 | 蕭氏德柔 |
| 大德十年十月 | 彌沙塞部和醯五分律卷第八 | 楊智惠 |
| 大德十年十月 | 彌沙塞部和醯五分律卷第十二 | 李吉那實巴 |
| 大德十年十月 | 四分律藏卷第二十二 | 楊智惠 |
| 大德十年十月 | 四分律藏卷第三十八 | 楊智惠 |
| 大德十年十月 | 四分比丘尼戒本 | 李吉那實巴 |

大德十年十月

四分僧羯磨卷上

行 隆

大德十年十月

根本說一切有部毗柰耶雜事攝頌

智 蓋

大德十年十月

阿毗達磨識身足論卷第十二

高 長老

大德十年十月

阿毗達磨品類足論卷第一

高 長老

大德十年十月

四分律藏卷第七

慧 臯

大德十年十月

阿毗達磨集異門足論卷第十四

周 善 祥

大德十年十月

阿毗達磨集異門足論卷第十六

吳 廣 杞

大德十年十月

阿毗達磨品類足論卷第十三

周 善 祥

大德十年十月

衆事分阿毗曇論卷第九

李 元 燾

大德十年十月

衆事分阿毗曇論卷第十一

不 倫 納

大德十年

善見毗婆沙律卷第十

智 達

大德十年

阿毗達磨發智論卷第十六

智 清

大德十一年

阿毗曇毗婆沙論卷第十三

志 臨

大德十一年

阿毗曇毗婆沙論卷第十四

志 臨

大德十一年

阿毗曇毗婆沙論卷第十六

志 臨

大德十一年

阿毗曇毗婆沙論卷第十七

志 臨

大德十一年

阿毗曇毗婆沙論卷第十八

志 臨

大德十一年

阿毗曇毗婆沙論卷第九

志 臨

大德十一年

阿毗曇毗婆沙論卷第二十四

志

臨

大德十一年

阿毗曇毗婆沙論卷第三十五

志

臨

大德十一年

阿毗曇毗婆沙論卷第三十九

志

臨

大德十一年

阿毗曇毗婆沙論卷第二十

志

臨

至大元年

阿毗曇毗婆沙論卷第六十五

本

行寺

僧

至大元年

阿毗曇毗婆沙論卷第六十九

本

行寺

僧

至大元年

阿毗曇毗婆沙論卷第七十

臨

行寺

人

至大二年

阿毗曇毗婆沙論卷第七十二

志

臨

至大二年

阿毗曇毗婆沙論卷第七十三

志

臨

至大三年六月

阿毗達磨大毗婆沙論卷第十一

行

慧

聯

至大三年六月

阿毗達磨大毗婆沙論卷第三十

行

慧

堅

至大三年六月

阿毗達磨大毗婆沙論卷第八十

堅

慧

瑞

至大三年六月

阿毗達磨大毗婆沙論卷第一百四十四

堅

慧

瑞

至大三年六月

阿毗達磨大毗婆沙論卷第一百五十一

堅

慧

瑞

至大三年六月

阿毗達磨大毗婆沙論卷第一百八十一

堅

慧

瑞

至大三年六月

阿毗達磨大毗婆沙論卷第一百九十一

堅

慧

瑞

至大四年四月

阿毗達磨俱舍釋論卷第三

德

行

實

至大四年十月

阿毗達磨俱舍釋論卷第一

臨行人

至大四年十月

阿毗達磨俱舍論卷第一

慧德聯瑞行

至大四年十月

阿毗達磨俱舍論卷第二十

慧德聯瑞行

延祐二年良月

尊婆須蜜菩薩所集論卷第二

行馨

延祐二年八月

尊婆須蜜菩薩所集論卷第三

明了

延祐二年八月

佛說聖最上燈明如來陀羅尼經

明了

延祐二年八月

妙法聖念處經卷第二

明了

延祐二年八月

妙法聖念處經卷第三

明了

延祐二年八月

妙法聖念處經卷第四

明了

延祐二年八月

妙法聖念處經卷第六

明了

延祐二年八月

妙法聖念處經卷第八

明了

延祐二年八月

佛母出生三法藏般若波羅蜜多經卷第十

明了

延祐二年八月

佛母出生三法藏般若波羅蜜多經卷第十一

明了

延祐二年八月

佛母出生三法藏般若波羅蜜多經卷第十二

明了

延祐二年八月

佛母出生三法藏般若波羅蜜多經卷第十四

明了

延祐二年八月

佛母出生三法藏般若波羅蜜多經卷第十六

明了

延祐二年八月

佛母出生三法藏般若波羅蜜多經卷第十七

明了

延祐二年八月

佛說大方廣善巧方便經卷第一

明了

延祐二年八月

佛說大方廣善巧方便經卷第二

明

了

延祐二年八月

佛說給孤長者女得度因緣經卷上

明

了

延祐二年八月

佛說給孤長者女得度因緣經卷下

明

了

延祐二年八月

佛說一切如來真實攝大乘現證三昧大教王經卷第二十三

明

了

延祐二年八月

佛說一切如來真實攝大乘現證三昧大教王經卷第二十四

明

了

延祐二年八月

佛說一切如來真實攝大乘現證三昧大教王經卷第二十六

明

了

延祐二年八月

佛說大集會正法經卷第一

了

堂

延祐二年八月

宗鏡錄卷第四十三

明

了

延祐二年八月

宗鏡錄卷第四十五

明

了

延祐二年八月

宗鏡錄卷第四十六

明

了

延祐二年八月

宗鏡錄卷第四十七

明

了

延祐二年八月

宗鏡錄卷第四十九

明

了

延祐二年八月

宗鏡錄卷第六十一

明

了

延祐二年八月

宗鏡錄卷第六十三

明

了

延祐二年八月

宗鏡錄卷第六十四

明

了

延祐二年八月

宗鏡錄卷第六十六

了

堂

延祐二年八月

宗鏡錄卷第六十八

明

了

延祐二年八月

宗鏡錄卷第七十一

了

堂

延祐二年八月

宗鏡錄卷第七十四

明丁

延祐二年八月

宗鏡錄卷第七十六

明丁

延祐二年八月

宗鏡錄卷第七十八

明丁

延祐二年八月

宗鏡錄卷第九十二

明丁

延祐二年八月

宗鏡錄卷第九十三

明丁

延祐二年八月

宗鏡錄卷第九十五

明丁

延祐二年八月

宗鏡錄卷第九十六

明丁

延祐二年八月

佛道教經

周桂

延祐二年八月

最上根本大樂金剛不空三昧大教王經

行銛

至治二年九月

大周刊定偽經目錄

臨行人

至治二年十月

大般涅槃經卷第三十五

錢氏妙慧

大藏經局之組織有功德主對經點樣管局提調等職頗覺縝密

己亥大德三年十一月 日掌管大藏經局功德主清圭題平江路磧砂延聖寺大藏經局沙門德璋

志琛對經平江路磧砂延聖寺大藏經局沙門慧琚慧朗點樣平江路磧砂延聖寺頭首沙門清表志

明管局平江路磧砂延聖寺頭首沙門志蓮志昌管局平江路磧砂延聖寺前本路僧錄司提控案牘

圓明大師行一管局平江路磧砂延聖寺前住持天台文殊教院講主惟總提調平江路嘉定州法昌

寺傳天台教講主曇瑞提調平江路磧砂延聖寺前住持今掌管大藏經局沙門惟吉平江路磧砂延

聖寺住持兼掌大藏經局沙門清圭大檀越前湖廣安南等處行中書省參知政事張文虎見磧砂藏
經卷
第四

刻經人寫經人繪佛像人皆有姓名可考刻經者得孫仁等四百二十三人附詳寫經者得清滿等五十

三人附詳繪佛像者得陳昇楊德春二人

磧砂藏中所題刻經人名如下

孫仁孫漢甫孫允中何可裕何仲寬何永言何津何通何浩何九万何佶何祖何君實何屋何光大何
宗何信之何俊何永源何子敬何信朱珍朱君實朱梓朱寶山朱杞朱志道朱義朱新朱明朱子成朱
正義朱輝朱起朱勝朱仲安朱秀岩朱君才朱文陳大昌陳大用陳仲卿陳義陳世亨陳大義陳祐之
陳俊卿陳文貴陳元亨陳杞才陳仁甫陳文陳振老陳用和陳閏老陳明陳仁中陳一清陳伯華陳生
陳秀陳雷陳侑甫陳君錫陳小郎陳敬之陳邦卿陳國才陳榮陳新之陳東陳閏才陳德甫陳正甫陳
厚陳子厚陳日陳君采陳觀仁陳太原陳子仁陳桂孫陳芳陳仕陳政陳衡甫陳吉阮嶧阮生阮子陽
阮賓阮明阮寅施澤之施信之施元禮施澤姚師修姚友益葉埜葉子華葉德榮葉濟榮葉元葉歸生
葉茂成黃埜黃昇黃文斌黃云王子文王古賢王生王壽眉王桂王祥王阿關王文貴王介王森王元
之王志王興王啓王之通王榮王埜王富王高王君仲王子芳王子壽王寧王森王子祥王祥陳王之
遇謝君明謝茂之謝天記沈天錫沈起宗沈成沈珍沈道沈秀宋杞傅方傅必方傅盛傅玉方傅必上
游謙游和游仁李奇李文卿李君祥李德英李寶李永甫李壽李生高才高益之高桂丁辛丁日新丁

椿年劉仁仲劉孚詹榮項文安桂陵張鎮張文鎮張仁張千張珍張全張阿壽張宗信張壽張子后張
仁父張奔張文張子良張羿范椿范榮范華甫沈茂卿范華范仲良虞桐虞良應子華應庭熙應執善
應有應明卿應云卿應仲斌應仲卿應德應擇之應俊卿應茂之應貴卿應大有滕吉甫滕秀滕文榮
邵宗良邵德昭姜成之姜文茂弓日華弓君壽弓師吉弓仁之龔華徐友山徐友岩徐信之徐仁徐玉
徐侁徐大有徐堅徐秀徐君寶徐清之徐進徐成徐仲文徐泳徐侏徐和甫徐友益徐壽徐夢龍徐進
卿徐囿徐子徐正徐德卿徐卿徐夢徐禹玉徐堅金友金大明金珍金德明金真曾壽之曾元亨汪明
正汪德亮汪惠任存忠婁拱章可山章德祥章文桂章文郁章著章明章文章芾楊益之楊明楊椿楊
青楊秀岩楊秀楊川楊采楊清之楊清云楊石山鄭壽鄭林鄭益鄭不器鄭大壽鄭堯鄭國才吳才吳
良吳道翁隱之翁信之翁勝之翁子和翁阮之翁實甫翁遂翁仍老翁榮蘇潤蘇秀周忠周濟周秀周
和周良方東方桂山方榮方琇方景明方云趙必堅趙良富趙堅趙良趙聖趙良甫明喆明沈仲文熊
賡熊道瓊余濟俞盛俞信俞明俞甫盛秀盛富盛元吉盛道尹一清尹秀之尹秀涯蔣保蔣秀蔣可蔣
无礙蔣富蔣達曹子清陶桂岩魏秀季日新史伯泰賈成于良歸伯通時忠中同壽中安胡慶胡仁胡
昶胡塏胡詵胡惠胡祐胡徐董大有潘君玉潘用龐信甫茅文龍蔡泳之羅茂之任韋莫祖盧子方唐
可敬孟文俊尤文光錢潤大八德君南山張成玉明義占成占潤蘭浸三山鄭陵桂斐南海人小中宗
榮風牛紹遠良進毅甫得甫榮甫處道裕明崇玘文玉文益惠日佛老申公有常婺仁婺滿婺潘齊明
齊德茂齊明二召文道達思義福鄭瑞大師忠大師持上人刺真玘大師公文

磧砂藏中所題寫經人名如下

比丘 清滿清仰志開志顏志琛慧田慧徹如坦如圓師安師習可閑可恩行基行棻惟拱元一祖茂
智贊智白靖恭善從壽介若珍克己明戒普會良祐

居士 王初朱元呂頤沈茂沈衍周昌孫倪皆中郁憲夫時宗源陳先陳道厚陳鉅卿張适張億張敷
張昌宗張氏千六娘黃祐黃堯壽鄒穎葉榮顏庭玉顏顯祖顧勝漢雲谷曜庵

全藏所雕原缺祕密部此不僅爲磧砂之憾思溪普寧各藏亦然賴大德時管主八於大都弘法寺取祕
密經律論數百卷刊雕完備其年月及卷數今就藏中可考者別爲列表故元僧克己序法寶標目贊其續集祕密經文刊圓

藏典

上師三寶加持之德皇帝太子福蔭之恩管主八累年發心印施漢本河西字大藏經八十餘藏華嚴
諸經懺佛圖等西蕃字三十餘件經文外近平江路磧砂延聖寺大藏經板未完施中統鈔貳佰定及
募緣雕刊未及一年已滿千有餘卷再發心於大都弘法寺取祕密經律論數百餘卷施財叁佰定仍
募緣於杭州路刊雕完備續天下藏經悉令圓滿集於功德回向西方導師阿彌陀佛觀音勢至海衆
菩薩祝延皇帝萬歲太子諸王福壽千春佛日增輝法輪常轉者大德十年丙午臘八日宣授松江府
僧錄廣福大師管主八謹題見磧砂藏遵九法寶標目卷第九

磧砂藏武至遵二十八字刊刻年表

| 刊 | 年 | 經 | 名 | 及 | 卷 | 次 | 題 | 名 |
|---|---|---|---|---|---|---|---|---|
|---|---|---|---|---|---|---|---|---|

大德十年

大乘瑜伽金剛性海曼殊室利千臂千鉢大教王經卷第十

管主八

大德十年

大乘理趣六波羅蜜多經卷第十

管主八

大德十年

佛說大悲空智金剛大教王儀軌卷第五

管主八

大德十年

大藏聖教法寶標目卷第九

管主八

大德十一年

文殊師利菩薩及諸仙所說吉凶時日善惡宿曜經卷上

師瑀

大德十一年

大樂金剛不空真實三摩耶般若波羅蜜多理趣經

維宙

大德十一年

聖迦柅忿怒金剛童子菩薩成就儀軌經

鹿普贊

大德十一年

金剛頂經一切如來真實攝大乘現證大教王經卷第一

文玉

大德十一年

佛說大乘菩薩藏正法經卷第四

湯之純

大德十一年

大乘理趣六波羅蜜多經卷第四

周善祥

大德十一年

聖妙吉祥真實名經

管主八

大德十一年

妙吉祥平等祕密最上觀門大教王經卷第一

管卓星吉

大德十一年

佛說大悲空智金剛大教王儀軌卷第四

永怡

大德十一年

守護國界主陀羅尼經卷第四

思賢

大德十一年

守護國界主陀羅尼經卷第八

大祐

大德十一年

大乘理趣六波羅蜜多經卷一

一知

大德十一年

佛說大悲空智金剛大教王儀軌卷第一

韓禮

大德十一年

佛說大悲空智金剛大教王儀軌卷第三

可以

大德十一年

佛說巨力長者所同大乘經卷中

吳錫同

大德十一年

普徧光明焰鬘清淨熾盛如意寶印心無能勝大明王大隨求陀羅尼經卷上

封雲濟

大德十一年

事師法五十頌

明蘭

大德十一年

金剛手光明灌頂經最勝立印聖無動尊大威怒王念誦儀軌法品

中山寶

此版於管主入歿後至正二十三年二月十六日由其子管輦真吃刺施入本院流通然後磧砂藏始成爲獨完之法典

杭州路東北錄事司安國坊太平巷居住奉佛管永興大師輦真吃刺發心將故父管僧錄遺下祕密

經版一部捨入平江路磧砂寺大藏經坊一處安頓永遠印造流通祝延聖壽願大吉祥如意者至正

二十三年二月十六日奉佛管輦真吃刺謹施

見磧砂藏多七大乘六波羅蜜經卷第七

茲所據之陝西開元臥龍二寺遺本有爲元時印者有爲明洪武二十三年印者其建首之大般若經乃元至順三年吳興妙嚴寺依磧砂等藏復加校刊之本其時僅後於磧砂藏告成九年且前於管輦真吃刺施版三十一年乃請印者卽舍磧砂般若原版而用此殆以其校訂精嚴有可取歟

曩因華嚴板行於世繼刊涅槃寶積般若等經慮其文繁義廣不無魯魚亥豕之訛謹按大都弘法南山普寧思溪法寶古閩東禪磧砂延聖之大藏重複校讎已畢而況此經難信解品者所謂法數文句增損不定只如白般若波羅蜜多乃至諸佛無上正等菩提之文分八十四頭爲使頭頭避其本位非闕文也○又初分四百卷八十五品說二十空○二分七十八卷八十五品說十八空○三分五十九卷三十一品說十六空斯亦廣略不同耳或謂略者闕然不究其源擅以二十空補之實乖其文抑違

佛意得無咎乎今改而正諸庶幾後賢讀之當以自勉毋忽焉至順三年龍集壬申七月 日吳興妙

嚴寺經坊謹誌

見磧砂藏天一大般若經卷第一

湖州妙嚴寺記前朝奉大夫大理少卿牟巖撰中順大夫揚州路泰州尹兼勸農事趙孟頫書並篆額妙嚴寺本名東際距吳興郡城七十里而近曰徐林東接烏戍南對涵山西傍洪澤北臨洪城映帶清流而離絕囂塵誠一方勝境也先是宋嘉熙間是菴信上人於焉創始結茅爲廬舍板行華嚴法華宗鏡諸大部經適雙徑佛智偃溪聞禪師飛錫至止遂以妙嚴易東際之名深有旨哉其徒古山道安同志合慮募緣建前後殿堂翼以兩廡莊嚴佛像置大藏經琅函貝牒布瓦森羅念里民之遺骨無所於藏遂浚蓮池以歸之寶祐丁巳是菴旣化安公繼之安素受知徐忠惠公維持翊助給部符爲甲乙流傳朱殿院應元實爲之記中更世故劫火洞然安公乃聚瓦礫掃煨燼一新舊觀至元間兩詣闕廷凡申陳皆爲法門及刊大藏經板悉滿所願安公之將北行也以院事勤重付囑如寧後果示寂于燕之大延壽寺蓋一念明了洞視死生不間毫髮寧履踐真實追述前志再度一大藏命衆繙閱剏圓覺期會建僧堂圓通殿以安像設備極殊勝壬辰受法旨陞院爲寺扁今額焉繼寧者如妙重闢三門兩廡庖湍等屋繼如妙者如消幻十八開士于後殿兩廡金碧絢耀復增置良田架洪鐘繼如渭者明照方將竭蹶作興未幾而逝衆以明倫繼之乃能力承弘願大闡前規重新佛殿建毗盧千佛閣及方丈凡寺之諸役皆訖於成顧未有以記也都寺明秀狀其事因余友文心之來求余記若夫檀施之名氏剏建之歲月載於碑陰聞能仁氏集無邊開士於七處九會演唱雜華以世主妙嚴冠於品目之首者良

有以也余老於儒業獨未暇備殫其蘊奧以理約之世主卽佛心也妙嚴乃佛心中所現之事相也今重重邃宇廣博殊麗苟非佛心所現就能有是哉使推廣此心一切時中饒益有情大作佛事則上鄰日月下絕空輪皆所謂妙莊嚴域者也不則吾何取焉乃爲說偈 妙莊嚴域與世殊非意所造離精粗佛心幻出真範模清淨宛若摩尼珠光明洞洞含十虛殿堂樓閣并廊廡天人降下黃金都地神捧出青芙蕖萬善萬德均開敷廣推祖道充實區警發品類空泥塗曰福曰壽資皇圖尙何爾佛并吾儒世出世異惟道俱功侔造化超有無其不爾者胡爲乎

本院宋元時僧徒從磧砂藏中求得五十七人茲按其字派列爲九世蓋上溯寂堂已十三傳矣院有詩僧天紀註周伯弼所選三體詩名磧砂唐詩余於滬市得之

宋善成 宋可暉 宋法澄

宋善從 宋可閑 宋法昇

宋可南 宋法來

宋可涓 宋法超

宋可恩 宋法如

宋清訓 宋志圓 宋惟晟

宋清滿 元志琛 宋惟勉

宋清月 元志明 宋惟巖

宋清仰 元志蓮 宋惟國

元清圭 元志昌 宋惟親

元清表 元志頤 宋惟拱

元清宇 元志垓 元惟吉

元志臨 元惟總

宋行廉 宋慧靜 元德璋

元行一 元慧福 元德瑞

元行森 元慧琚 元德實

元行詢 元慧朗

元行隆 元慧田

元行慈 元慧周

元行堅 元慧皐

元行馨 元慧天

元行銛 元慧光

元慧聯

今陳湖猶存院址破屋數間與雲水相映往修甬直保聖寺時一再屬人攝影歸院供古造象一尊已不

完具空地中得石塔頂石礎瓦脊似宋元遺物暫皮甬直保聖寺古物館中他日有緣將爲規建精舍三五楹以影印磧砂藏經付一賢僧保守庶勝跡留存玄風因之丕振也乎

王懿姑蘇志保聖教寺在長洲縣二十都甫里唐大中間建宋祥符中僧惟吉重建歸併庵五按惟吉爲延聖院寂堂六世孫曾於本院築刻經室及觀音殿是保聖與延聖固聲息相通也

民十四長交通部時任內度支情形電民國十五年由上海發

（銜略）頃閱報載孫馨遠齊電稱云云此電未見原文不知確否第其中語涉交通部恭綽責任所在不能不有所聲明查恭綽此次重長交部適在秩序破壞債務山積之秋一年以來謬思有所挽救整理以環境之不我與程功甚僅深切痛心而夙昔主張之特別會計獨立一端終亦難行其志旁皇憂灼內疚不遑引退之由實緣於此但齊電所列六款祇國內銀行借款八百萬元一事屬實惟係歷年積欠經綽手化散爲整內有一分五六厘之息改爲九厘之息公家每年所省息款卽六七十萬並非新借之款此外所稱鐵路借款一千八百萬交通銀行郵餘借款九百萬絕無其事天津電料款係購買天津自動電話材料未付之價津滬電話料款亦然乃係應支出而未支出之款並非收入安能謂之借款至鐵路收入一千萬一節查各鐵路性質不同盈虧各別除廣九滬甯杭甬正太道清隴海等路或尙在虧本或無提撥之自由外其餘各路年本可贏千萬無如去歲軍興以後車輛多爲軍隊支配收入多爲軍隊截留致各路薪工多賴借款支付商貨積至百萬噸政府商民交受其困其間因希望地方協助不能不委曲求全勉任協餉計恭綽任內國民軍一二軍截扣及部撥之款約八百萬奉軍連直魯兩省部撥之款約

五百數十萬鄂省截留及部撥之款約一百四五十萬皆有帳冊可憑所有收入早已羅掘無餘致部管各局經常開支無一不須借貸恭綽於其間尙勉付本部各校經費留學費等及財部零星借用統計殆及百萬所云用於奉張者約二三千萬用於國民軍者不過數百萬其餘全部均已揮霍淨盡等語其屬於財部者綽無從置喙至交部大宗支出祇有上列三款數均與傳聞者不符舍此而外早已無餘何從揮霍自維從事交通廿有餘載其間斤斤信守惟在維持特別會計發展交通事業以冀有裨國計民生徒以處境不良無論如何委曲求全卒難伸其素願且交通收入應留辦交通事業不應提借政費之說歷年雖如何強聒於衆卒未得大多數輿論之應援恭綽既慚駑駘復鮮強權孤弦獨張於事何補茲者養疴伏處誓謝塵緣每懺昨非益思來軫此後惟望邦人君子知交通事業與國民關係之切及已往受累之深一致維持交通事權之統一及會計之獨立以救此垂斃之機關僕亦國民實拜其賜否則紛紜割截掠奪爭先歲月幾何必成枯腦綽亦不忍多言矣

勸張漢卿等服從三民主義電 民國十六年

南遊兩月消息沉沉對北方情形苦不明瞭近聞噩耗感歎彌襟一年以來以公等事忙鄙人性懶且形格勢禁有懷莫吐踪跡遂疏不審公等能相諒否茲竊有欲忠告者道路傳言謂公等所部尙徘徊灤榆之間用意所在末由懸揣顧區區之愚以爲潮流大勢所趨決無局部可以孤立之理且國際困難又復無從應付倘不從速變計後患將不忍言尙望諸公會商當機立斷並速與國府諸公暨蔣馮閻三公商洽建設禦侮各方略以赴事機其枝節利害可勿計及弟在滬杜門與任何人並無接洽所以吐此悃款

者以數年前有承 先總理之命與兩帥結合一段因緣猶望握手九原凌雲一笑憶去夏弟主張易幟及表示服從三民主義並對晉豫不宜開釁兩帥對三民主義已無異說但堅持不肯易幟復中僉壬之說兵連禍結致有今日言之痛心今者事過境遷正宜賡續前議以副羣衆之望而慰在天之靈再有磋砣悔將無及坦途荆棘請自擇之翹首東陲不勝悽盼

籌辦鐵路團體教育募捐啓民國二年

國家之所以啓發國民先達之所以誘掖後進父兄之所以詔勉子弟惟一術焉曰教育而已蓋教育者人類生存之本社會進化之源而國際競爭之要素也是故東西各國無事不學無人不教無處不設學校教學之功愈周卽致用之效愈大國盛民強基於此耳我國教育完備莫如周制國郊鄉遂庠序雍雍邶治之隆度越千古漢世崇本興學尙近古風人厲從師之志家競專門之術故藝重一時儒林輩出下此則學術日漓人才寢退雖代各有學而立教不宏如晉范甯之豫章學臺宋胡瑗之蘇湖學齋朱文公之白鹿書院明顧憲成之東林學派遂各以部分之教化存學術之正宗挽救頹風藉培國脈近世鬬志競思更爲繁劇天精地蘊人力爭衡美化歐風日新月異反觀我國則地方尙未開通文化漫無進步學校之精神日減教育之計畫日微時勢使然杞憂曷極卽以各路交通便利之處學校亦寥若晨星甚至職員子弟且多求學無所此尤我路界同人所日擊而興歎者也然以時事孔艱財用窮困教育普及勢非一蹴可幾欲處處依賴國家實難兼顧審時度勢惟有仿昔賢講學之意各爲部分教育之謀集團體以圖功庶引類而興起同人等從事路界夙具此懷興學培才責所應盡爰卽不揣棉薄組織同人教育

會暫附設於鐵路協會本部以專司鐵路團體教育事務擬先於適當地方籌設小學校漸推而中學而高等並徐圖擴充於各路俾路員子弟就傅有資登進有路業經訂有教育會及分會章程及教育計畫書呈奉交通部核准作爲定案惟辦理貴求實際慎始方克圖終欲期久遠持循必須款項充裕除請部另撥基金的款外尙須募求捐助量力圖維集腋成裘衆擎易辦想各處同人或爲當世知名或係士林特達先知先覺以式以矜務祈樂予捐資共襄義舉並請各會員分途勸募任便輸將一俟集有成數卽隨時彙交本會分別具收一面由本會將學校會務次第進行並將籌辦情形及收入款項隨時核實公布總期事有實效款不虛糜在學校則陶鑄人才在鐵路則灌輸文化是則吾人之所以啓發國民誘掖後進與夫詔勉子弟者端在此舉熱心贊助是所賴於羣公毅力經營應責成於本會事關公益諒荷同情敢布緣由伏維惠教

乞言略啓民國三年

敬啓者今年爲家嚴六十一歲生日以高堂喜懼之年智效一官無所建白虛負庭訓多矣顧家嚴績學篤行不敢不以事蹟之昭著者呈述於大人先生之前倘如椽之筆賜以鴻文則奉觴稱壽光寵何極家嚴自少刻意劬學鏤而不舍文史之外靡所不究嘗習西算沉浸十年至於咯血先大父蘭台公居京師以文學引掖後進所交名流如張幼樵張孝達黃漱蘭盛伯希王可莊翁叔平文道希沈子培易實甫譚仲脩諸先生皆一時之彥家嚴傾襟款接濡染沆瀣譽望寢隆既壯出佐孫子授先生及張勤果公之幕勤果任東撫領海軍嘗擬奏進北洋海軍要塞圖說家嚴獨任纂錄夜以繼日每夕率燼二燭以爲常勤

果恆稱歎之以勤果疊薦旌擢知府需次江西屢因直言忤當道二十年不補一官中間屢主權賦不妄索一錢比較不足輒以己財附益之己財又不給至於稱貸以益公帑而負累乃益重性素豁達不斤斤於財賄而取與辭受間不稍苟先世父伯遠公出都債臺高建家嚴館於趙氏月入四金自奉數緡外悉舉代償債家應試金臺書院跨驢以往歸則徒步不浪費束脩一文親郇賢之交友尙誠篤其方之欺受而不悔至貸先慈簪珥以周貧乏泊如也家嚴論治持大體不尙苛細其講學則主開放在二十年前即主張設學校用新學科教授之法著言治論學數十篇已而悉燔之謂學識以時而進不可以此誤後人少工詞賦及篆隸亦不苟作謂士君子職在正俗濟物數十年來風尙獵華而不毗實不宜再加倡導其謙退若此辛亥革命全國震蕩恭綽居京師於宣布共和事密有贊畫時南北尙未統一謠譏紛起雙方均指目及之而邏察嚴切消息不通者累月親友多爲之危力主命恭綽避地家嚴不爲一動曰項城在彼必能默運良籌鎮寧大局不可遽以形迹相斷吾兒既留都正宜竭誠爲國翊贊共和以胥時機庶達平素之薪尙何自擾爲未及三月事果大定親友始服家嚴之先見既以恭綽性慤不諧於俗力戒以謹身居卑之旨恭綽以是兢業自持幸免大戾是知家嚴雖未能大有所試而究其澄觀世變洞練物情根於平素之蓄養者爲不可及也如承巨人長德錫以文辭俾得闡揚一二匪惟家嚴感紉恭綽抑拜賜至優至渥也

漪瀾雅集東民國十四年

北海漪瀾堂者帝子離宮仙人舊館蓬萊縹緲霧閣千尋禁苑迴環風廊百折朱欄倚眺興亡太液之波

翠輦曾經蕭瑟瓊華之島竚想中秋之夕長天一碧湖光欲飛皓月千里露氣微覺中流容與當筵之燈燭可移掬水逍遙此夕之風光忍負所願帷燈初上巾車偕臨十分潋灩共泛清尊一醉沉冥小抒雅興窮人天之樂事浣襟袖之緇塵將使京華冠蓋疑是神仙上界笙歌娛茲賓侶此生此夕傳佳句於南樓來日來年續清游於北海謹馳短簡敬迓高軒

赴歐過日本時通訊 民國七年

諸君左右別兩旬餘矣此行到東僅半月又忙於道途酬應於覬國殆毫無所得然窺豹一斑或亦有可供參考者溪聲山色中聊述所懷幸賜教焉日地小而瘠固矣然能知其短而善用之補救之故全國殆無曠土游民近頃堅苦耐勞之風稍遜矣其生活猶非我同等者所能堪也年來物價增昂傭值奇漲此實經濟發達之結果我尙求之而不得者蓋此乃富貴人之病非貧家所有也然物價調節問題勞動問題戰後復業問題皆朝野日日所焦思其結果之影響於吾國殆所必然第此影響之良否則又全在吾之自處吾本農國地味之沃固不待言然未有講求農業輸出者致並販運之益我亦不得享且供求之理不知種植之方不講寢假而我之所供不足用或不合用外人不得已而別自爲謀則我之末日至矣向在國中逢人便勸速爲農產輸出之圖卽如米禁一事與各官廳商榷文電約已盈尺時經數載迄無良果吾國號稱信古乃獨於穀賤傷農四字信之不堅寧非怪事諸君苟真心愛國者於此中真理宜切實探討之只實行所信勿束手坐待徒爲臆筴探囊者之利也日本自歐戰後日求工業自給之策其發達數倍於昔鋼鐵業尤盛吾國大工業非無根基獨進步太遲且輔業太稀致難收效此次觀察所及覺

鋼鐵業多爲各工業中之根本事業日不產鐵而二十年前已爲年鍊三十萬噸之計畫返觀我國何如者鐵鑛遍地工廠亦自不乏而製鋼鐵者僅一漢陽今且阨於債務不得自由他何論焉我國現有造車船之力非大遜於日所缺者已製之熟料耳製造熟料一事切望諸君提倡（鑄鐵鑄鋼鑄銅及伸鋼伸鐵伸銅）以爲工業之母此等熟料世界需要均急不患其無銷路也（日本銅有銷澳洲印度者）日本技術較前亦有進步僕雖非專門學者然窺其外表二萬噸以外之船新式加熱之機車均取諸國中築海港開隧道之工程暨銀行劇場宏大之建築亦未有假手外人者此實吾國土木工程學者諸君所宜取則今交通至便如或來此一遊必能有所觸發昔人云所知有餘而其守不足吾國學者往往極深研幾而不肯輕於一試卽蹈此弊願諸君一矯之也日本鐵路因限於地勢建築上困難甚多因此之故對於運輸力不肯浪費些須此實吾國所不及日鐵路係狹軌諸君固旣聞之矣此次考察所及知其坡度有三分之一者又每列車至大牽引力不過五百噸每輛貨車至大者載重不過三十噸似較之吾國正太綫尙較困難然其每日列車開行次數及運輸總量迥非吾國比又客貨均得種種便利其管理上實有一種精神且各般建築之設計時均與運輸上之設計聯絡故虛費不適用處較少此實吾國鐵路同人所不可不知也日本郵便貯金極形發達然設局不過五大處利息月不過四厘此則全由政府信用之佳又其所經理者不祇貯金一事如代政府買賣證券代國庫支付政費等均有之此亦吾國開辦儲金所應參考者也此行所見中心人物甚多政治方面如山縣公松方侯犬養毅加藤高明暨原內閣各閣員等經濟方面如澁澤三井大倉古河住友藤田等均披襟相與優待逾恆藉此得窺各方中心

人物之能力意向且交換意見實至有益事也日本好自誇所長故全日本可稱爲廣告的此與歐美人亦有相類之點吾國於此乃正相反論者或以爲大國民應爾不知諸君於此點作何感想也日人極注意於吾國內爭吾離國二十餘日近情殊不了了僅於遲到之報章上窺見一二但默觀世界之大勢似已無容我內爭之餘地且近日我國人心對於政爭似厭惡已極若不誘起其希望必致全國陷於等候亡國之一途萬事墮廢沉溺末由振起此精神的亡國較事實的亡國爲尤烈欲誘起其希望非開出一種新生活之機局不可糾紛不息諸事均無可言如有好音望速告我此行所私欲注意者二事一地方制度二國民教育到東時間太促無暇及此將來到歐美各國或能有所研察然吾國普通教育及補習教育需要之急不待贅言近年教育一事直無從說起言之可歎此次時局解決後諸君能首先注重及此則國家之福也至地方制度爲吾國政治上一大問題將來憲法上如無相當之解決不但政爭永不能息且國家之組織亦永不能完善萬事皆不能發達僕平日頗主以縣爲單位之說以消除省界省制此次於解決時局後於此等大端應秉公商榷定一方針勿惑於現象而爲姑息之計此則區區之所望也日本無論何階級男女均有一種奮發之氣且忠於所事此殆教育使然返觀吾國除縈繞於謀私利及希望投機外有幾何爲相當之勞力以得報酬者此種狀況似無於此世紀存在之餘地哀何可言日本河道無舟楫之利故海運甚盛吾國江河海之利均有之然海運業日衰江河失修水害遍地直無人理會不知人方欲求者江河而不可得我有而不知利用之豈非大可惜事向常有整治黃河之意以爲吾國近日文文明移於揚子珠江二流域實緣黃河失修之故吾國利源未闢者北多於南欲控制邊疆開

拓利源水陸交通均所宜亟欲令黃河有灌溉運輸之利須開辦費逾萬萬銀元常年費數百萬元然該款決不至無所出儻有精確之工事會計起內外債而從事均所不難所惜無人主持耳此等事非有十年八年之籌畫百數十人之研究不能得具體之辦法吾國政象公等謂能舉此類事耶亦付之空論而已日本近日朝野間最注意者數事一民主之潮流各方對此事力講堤防之法結果或不至遂行潰決我國幸居先覺可省一種紛擾以此知順應潮流與否所關係之大也二人種歧待問題近日歐美方面之宣言間有對於有色人種加以區別之處日本以參戰及多年宿願之故近極端鼓吹應爭得平等待遇（如移民不應限制等等）此意吾國人自必贊同惟彼此有何聯絡組織則尙無所知吾國新聞界無一重要人在此直無法可以交換意見中日兩國不論如何關係自必密切吾國對於日本乃似無人研究及之者反觀日本研究吾華之機關以數百計出版物以數萬計經費以千萬計兩兩相較豈有不失敗之理僕昔年嘗見一日本調查中國物產之書祇糞桶一項圖說至數十頁此猶是二十年前今更可知吾國人之任天性質真不可及奈何奈何三勞動問題日本儲值激增前既言之矣儲值增而原料不敷則工廠敗工廠敗則工人失業而亂源生反是而工人之需要過多則資本家與勞動者之間種種相互問題隨之發生謀國者尤不能不預爲之地吾國儲值近稍增加然尙未至日本地步但鄙意此後數年內各國將竭其資力以利用吾國之原料屆時工人之需要既急則此種文明國之問題當然發生此數十年間若普通教育不亟改良普及則屆時一團糟之景象必已由俄而及我（我不能比於德近聞德國內部秩序仍甚整齊此實普及教育之故報紙所傳德亂等等皆協約國張大之詞不甚合於事實

（即大亂之兆也吾國此次時局解決必然裁兵然此次裁兵之得法與否正吾國生死問題蓋設不得法者多數之頑情不期而與社會之失業者結合則勞兵會瞬即發現山縣公對僕言中日兩國應共同防止此類事項之發生其言頗爲深切不知吾國人曾稍稍遠慮而顧及此否也四物價問題上節亦既言之矣近安南已解米輸出之禁並云可輸出三百萬石至日本日之歡迎固不待言然安南之解禁固非專爲日本蓋安南產米之國也收穫豐則當然須謀輸出以增國富此乃經濟上平淺之理又藉此以聯絡日本何憚不爲吾國當局及地方長官乃無見及此而爲之者可嘆可嘆公等試一詢江浙贛等省米之滯銷其人民之痛苦爲奚若今地方長官不爲多數耕作之農民謀利益而必爲少數無業之游民防枵腹殊不可解吾國荒地未盡闢地力未盡竭不知衰衰諸君所懼何事而堅執若此此等情形正與道咸間之通商相等彼時當局以閉關爲得策及力不能禦則一聽客所爲定種種不平等之條約流毒至今供給原料一事我若不順應而預爲準備設施其結果必與以前之所謂通商等則經濟亡國之說竟實現矣此乃自召之乎抑他人爲之乎吾斷之曰自召也此禍福之轉移間不容再誤願諸君深察而而及早從事焉吾國外部與駐外使館間之欠聯絡實有改善之必要昔在北京時略知梗概茲到東京始知駐使不悉本國情形之苦至於僑商更不待言以外交及僑民之關係此節非大加改良不可望諸君之有意爲之也日本公署房屋多悶整而私居極簡樸交際甚冠冕而個人生活殊簡單交通機關雖不精良而能普遍專門科學雖非獨到而善於運用此均係我應師法之處（山縣公以元帥之資格僅用一副官原總理之宅汽車不能入）以暇時曾至東京證券交易所一觀（日名株式取引所）每日分

前後場各分四區仲買人以百計忽霍駭疾變化須臾北京之證券交易所規模僅及其十分之一耳滬澤男云該所創始時反對之者甚多然爲各株式會社易於發生發達計力排衆議今四十年雖害隨利生然祇有以法防止之法欲求國內株式會社之發達非有此項機關不可今北京證券交易所基礎已立尙望諸君善於應用津滬漢三處更宜設法組織從速成立以爲中樞此與金融機關之銀行同其作用者也尙有一事爲諸公告者吾國辦實業垂五十年矣而效果如何不能諱言原因雖多但有一事鄙意認爲最切者則至今吾國實業家不信用科學是也因不信用科學故一切原理原則新法新人均可不信不用或用而不信此種大病深入人心真不知何故外國姑不論曾胡左李何嘗不用洋員用新法何至今而反退步耶日本自大銀行會社至小商店大概無不用學生者乃至人家給役亦苦學生也拉人力車亦苦學生也鄉僻商店之簿記殆均新式者有關技術之工事斷無不用工科出身之人者吾國數千萬數百萬之公司用專門人員不及其半新發生之事業尙多無聊之廢官冗員雜廁其間此斷不能有所進步尙何待論經驗固所宜重然須令有學之人增其經驗或令經驗之人補充學識不能專憑經驗便謂足以勝任也吾國不信用科學之觀念如不改革則無爲辦新事業亦無爲辦實業此三語可爲一種信條以上係就到東半月所感觸推想者拉雜書此諸君有居東有年者有未履此間者不知其感想視僕何如然語無條貫初未足爲外人道或更有所商榷舉以見教不勝幸甚

辭壽啓事民國九年

修名不立吾生有涯四十之年駸駸將至猥嬰世網久負初衣軫來日之大難念我辰之安在準擬清齋

件佛曷敢多儀累人比聞道路傳言朋儔愛好將充庭以備物當歲晏而華予何德以堪撫衷先愧綽早
耽禪悅坐凜淪肯永懷勞瘁之詩莫駐飛騰之景漸多哀樂敢事歡娛重以四郊多壘天災流行方當推
食解衣未用投瓊報李請完趙璧願移照於逃亡更屏山庖免臨觴而太息挹彼俾歸實用却之恕我不
恭下走行其所安君子愛人以德不作無益害有益倘許同情羣公求仁而得仁譬之反手謹爲再三瀆
擬學魯賢泄柳之閉門偶活數萬人待續吾祖石林之佳話僭布惻忱伏希涵察

留別交通部同人啓事 民國十四年

恭綽忝領郵傳條將匝歲茲者決然引退實緣體孱力薄志切讓賢顧念從事斯曹忽經廿載撫衙齋之
槐柏漸長孫枝念同舍之鵷鸞頻傷短翼證空桑于三宿怪石能言覩燕麥于重來春風如昨重以扶輪
之雅端資構廈之材剖璞則玉萃崑岡擷秀而蘭馨湘畹譬壘篋之合奏亦攻錯之相資敢云參佐之皆
賢且喜朋僚之稱盛拂衣往矣判襜愴然尙期爪迹之留藉作心香之熱敬乞惠頒玉照兼賜鴻題合阿
堵之傳神作一堂之晤對庶幾龍華集會重增初地之因緣水部題名更續宣南之掌故

敦皇經籍輯存會緣起

夫真諦亡言而有待於言說法相無住而必資乎住持故道由人弘義緣名顯鹿苑金河之垂教王舍鐵
圍之結集彼彼悉檀咸假文字者蓋離名言曷從流布哉粵稽漢魏而還迄於唐世象教東漸玄演雲興
清會議調之儔提什安遠之屬獎基光沼之輩善一智空之徒或舉宏綱或衍奧緒或開密要或析玄文
著述綦繁宣傳滋廣慧日光華可謂盛已然而道大莫容過猶不及履霜堅冰智者慮焉是以韜祕藏於

蘭臺寶真言於龍塔蓋防魔外之侵毀而待愚學之鑽尋涼州敦皇莫高窟石室之經典卽其事也考敦皇自東漢以來恆爲印支宿德安般之地梵胡原來傳譯初文乃至支那撰述旁及儒道文獻多存乎是故經典寫本富冠諸方五季之世全州爲流沙所沒莫高窟窟遂同幽閼降至清末始以緣會剖塵而出而當時學士眇復顧察迨歐西諸國盡擷精英携渡重海我方覺而求之則已皆遺餘而莫由窺其全豹矣夫以百王下之末學而究千歲上之微言僅此舊藏足資徵討其於闡述固已甚難乃復緣運乖舛世變紛乘方晦迹於鳴沙倏散流於外域晦迹則塵淹千載散流則瓜剖一旦遂使聖言乍章而旋闇環寶才識而遽亡斯文之喪至於茲極吁嗟噫嘻不亦酷乎昔者墳典散佚而周京覆圖籍收聚而漢室興況茲法寶尤關隆替有智之士苟不取鑒前修及時掇拾廣咨博采引爲己任妙典不存法運焉轉無道而欲興邦豈可得之數哉某等旣慚慧淺更生法季懔茲緣遇敢復蹉跎用特集智侶啓法會共杼軸於諏訪誓崎嶇而纂錄冀得悉索石室散逸之文薈萃印支珍祕之本以審覈古異而補苴闕亡故標旨於輯存託事於傳寫先徵海內家藏進求歐西祕帙其卷軸完整則表爲司南卽帙幅畸零亦文存蓋闕更取法僧祐撰原始之緣記將宗本劉向作綱要之銓錄庶幾會石室寶笈集涼藏大成存古代文獻之真究聖量名言之實俾世學者得以交徵旨趣審覈名相勘其踳駁辨其紛糅以舉一而反三各因指而見月則慧日重光萬物悉覩胥基乎是所謂大寶在斯含識資焉者其此之謂歟某等井識管窺知無當於智海蜩蜚鳩鷖竊有慕於溟鵬儼玄覽高賢明達開士予以智力助其圓成是所馨香勸請禱籲無盡者也

徵求有清學人象傳啓事

先大父南雪公輯集有清一代學人之象自顧亭林迄魏默深凡得百八十人手自摹繪各繫以小傳選擇至精慎恆有一象而重撫三四一傳而屢易稿者蓋耗三十年之精力稿本盈兩笥歿時尙以未得大成爲憾恭綽不敏思承先志以日月易得世變無常謹將遺稿付之影印以廣流傳竊意有清一代學術蓋極古今之蓄變其間魁碩輩出迄於易代尙未有薈萃而揚權之者 先大父所編象傳實足爲有清學術史之先河及縮景其有助于學術之研究者不尠顧同光以後未及蒐錄又同光前攝影術未入中土畫象頗稀其間尙有求而未得者茲擬繼續訪求以期完備謹具已有各象氏名及待訪各象氏名各一分奉呈照察敬乞賜助采集蔚成巨觀豈惟葉氏一家之幸謹啓

代中英庚款會爲粵漢鐵路借款事致鐵道部函

粵漢鐵路告成實爲中國近年一大建設本會得從中盡力助成其事同深欣幸惟一向該路回顧與前瞻及念及本會因借款與該路所生之責任亦殊有應加熟慮者謹本始終協助該路之旨暨本會所處之地位向貴部貢其意見如下

一英庚款本息之支付應力求有着

此爲本會應有之希求但如何方能永遠確保此項本息之有着自應於全路通車以前先行（一）安定會計出納制度（二）安定處理各債務方法而規定本會借款本息在該路各項支出中之地位使其程序爲固定的自尤爲其中之要着按該路以前所欠債務甚多於全路正式通車以前應由貴部綜合清算一次先明真相次訂辦法至於本會借款因賴其以竟全功之故不啻爲該路延續其生命亦實

爲以前各債增其保障故本會借款本息應得優先還付似無疑義但本會亦無抹煞其他債權者之意應由貴部與本會即行商定以後每年如何歸付本息之詳細辦法或進求更加切實辦法補充原合同所未備藉資依據此爲本會之根本希望

二全路資產負債應重加估計並安定會計出納方法

欲求明瞭該路經濟實況及計算每年營業盈絀能充分確實起見於正式通車以前必須將該路之資產負債重行估計一次查政府以前爲該路支用之款數目固鉅來源性質亦各不同此刻應全數查明俾知因該路所用總額已達若干同時應將全路各產業依折舊通例重加估計俾知其現在價值應得若干卽爲全路正式通車時全路產業之第一次估價以後有改估時卽以此爲基礎

以產業折實之價與以前用過各款相比其差額卽爲已經虧損之數應自某一月日起劃爲一新時期將資本折實令與資產實值相等此爲壹本新帳以後每年營業收入除營業費外應卽轉入歲計帳用以支付借息再次則還本再次則攤還舊帳之虧（但此款仍可部撥與該路充新建設用爲新資本）至還本付息之種類與次序應由貴部擬一清單經各方之同意定之

復次會計方面之組織應使之健全俾總稽核可據以執行職務其最要者爲全路會計職權及簿記格式登記手續之悉歸統一其現金出納手續尤須十分嚴密

三全路必要設備應求完善

該路雖經接軌但因舊有南北二段設備本屬簡單年齡復漸衰老株韶一段新工預算太緊以故一切

必要設備尙多缺略於業務發展及客貨安全均大有妨害若不於此時決定辦法一氣呵成將來枝節增添反多虛耗且運輸能力必不充足反失建設該路爲大幹之本意本會之意粵漢乃南北大幹目下雖不克過求美備然有限度之必須設備如客貨車橋梁加固軌道改善機車水塔轉盤天橋雨棚電話電氣號誌風閘倉庫碼頭車站裝配修理廠等必須一同建設如工款已罄寧可再籌數百萬元積極從事方免功虧一簣

四全路組織管理應力求統一集中以期經濟與敏活

該路因歷史關係形成三段業已有年但粵漢是整個的從前暫分三段管理本係權宜之局深感割截隔閡之苦其不經濟更不待言鐵路之機能與利益蓋全在貫通敏活今全路工竣自更無仍設三局之理且一切章制必須畫一方能運用自如其犖犖大者如（一）全路職掌系統及員額（二）全路員工之任用及養成（三）全路出納預算（四）全路運價及各項運輸規則任舉一事皆與前途榮悴有至大之關係故亟盼貴部督同該路妥速從事勿失良機本會亦深願竭其所能以相匡助此中尤要則望該路用行政極端合理化爲各路之新模範南北兩段原有員工甚多須秉公甄用勿徇情面每年用費必須確守預算如收入有減少之趨向則支出亦須隨之緊縮如目下各路總務費之澎脹爲世界各國鐵路所無者尤應懸爲大戒

抑本會更有進者本會對該路處債權地位其唯一責任與希望固在保本息之安全因此對該路種種設施不免多所責備但本會究非單純放款機關祇知將本求利故合同雖經訂定而凡可以補助促進

該路之完成者殆無不勉爲設法諒亦悉在貴部洞鑒之中此後自仍願本此精神永謀互助但本會對運用息款以供文化教育之需責任甚重故每年息款之收入如何方免遲誤實爲本會所極焦慮至借本歸還後仍須借與貴部故還本之確實仍不啻爲貴部建設資本保一永久不斷之來源諒貴部早經鑒及以上所陳各節蓋均本休戚相關之誼爲通力合作之圖如貴部有何高見極願開誠商榷期臻至善卽合同所定條款如實有窒礙難行之處亦不妨補充修訂惟本會以新債權關係必冀能得較優之公平待遇不致向隅尤望其他債權亦以同一精神促進該路於安全統一之域庶各方咸得其所則非止本會之幸也

代段芝泉致蔣主席函

中國佛教會開辦數載會章早經黨政機關核准依據奉行雖環境牽阻收效未宏乃屬事實關係于會章無與乃目前中央黨部民訓部交下擬修改會章草案據云係執事飭交訪問乃太虛所具草在執事公務叢集自難細察內容且執事于護法夙具盛心促進一切自緣善意但諸方縉素於此頗深惶惑蓋該會各項章則循行數載尙無流弊本無修改之必要今草案所提表面亦似甚動聽但其中重要之點如全國僧尼皆強制入會否則勒令還俗佛教會不許居士爲會員等皆根本推翻舊制足以惹起無窮紛擾減少許多力量且依該草案說明用意無非覬覦寺產欲集中爲運用之資導方外于競爭權利之途視佛教爲個人活動之具流毒固不可思議反動尤恐在意中方今邊患日深人心不定紅黃密教方撫循之不暇對全國數十萬之僧侶似不可令其缺望致怨毒歸於黨國現中央黨部限令本年十月開

全國代表大會解決此事且有強令如何推出代表之事衆情尤形恐慌可否告知中央黨部各同志本屆佛教會大會可以從緩開會且不必提議修改會章以息紛紜而杜枝節實於政教均有裨益

致董鼎三函

一病兩月餘朋輩往還多疎闊時增歉悵承示各建議甚佩卓見惟水利機關之組織鄙意如下水利應設專部隸行政院另設水利會議仿日本鐵道會議之例由財政內政交通水利暨其他有關係之部署長等組織專決定治水各問題其性質爲立法的執行之責則部負之其一切工作則組設黃河運河各督辦或委員會如稱督辦則以經由各省之省主席爲會辦如設委員會則以經由各省之省主席爲委員而以中央所派者爲會主席此機關專司執行治導防救一切工程及工作上之設計其計畫則由部決定並監督之部不能決者開會議決之同時關於專門之研究部應組設各種委員會（以水道分）平日專司調查研究凡治導防救之計畫及工作上設計之大者皆必須經該會之同意此各種委員會得聘中外各專家爲顧問或委託各學術機關或合作從事研究至經費則除部之經費應由一般政費支出外其各種委員會應各有專款作爲治水會之一部分如黃河委員以期貫徹必如此尊議纔能實現否則仍空談耳蓋吾國治水有二大原則（一）不可與地方官脫離關係（二）技術工作須采新法而水道沿革必明歷史近年努力此事而往往失敗者皆因違反此二原則之故至近日水患之多之烈固係積年失治必然之果然使當事者稍有良心稍具常識總可補救些須此則人事及官方問題必待根治者此而無辦法則不必言其他辦法矣然此最起碼之希望在吾國似尙杳茫更遑言其他君如

不信吾言可一查漢口水利局長楊某之事及綏遠民生渠用款百廿萬時閱三年纔發覺渠身高於黃河之事便可爲證故今日萬事先求辦事者有良心有常識專門之學尙可外求也

致顧孟餘函

暑熱益甚敬想履候清和弟離羣索居於交通事業近少過問茲有二事似于貴部前途頗有關係敢貢其芻蕘幸祈省察其一近聞貴部於交大畢業生分發實習事有停置之議不知確否按交大之所以不屬教部而屬貴部雖緣歷史關係然亦因供需聯屬使然猶航空學校之屬軍部商船學校之屬交部也此類專材之養成學校教科祇能收一半之效後此之琢磨訓練爲功尤重於學校故必實地研習始能成材如學校畢業聽其所之不但盡棄前功於部於校爲不經濟抑養成專材之目的固并未達到也年來貴部於交大畢業生之待遇不惟沿例分發而已念其生活之艱而增津貼策其才力之實而嚴考較復爲之規定資歷使才者得保障而不肖者無由濫竽皆已見於章制此實深明育才之義現各路重要職務漸多由交大學生自荷而成績亦頗彰灼爲社會所稱許其間間有不能滿意之處強半由環境使然而非交大畢業生之有負於部也且拔十得五古以爲難訓練琢磨是在當局今未揣其本而轉塞其流似乖向日儲材之意且機構既弛他日缺用何從取給或謂目下各路冗員浮費方待裁減欲以此爲節流之計不知此類冗員浮費疏通撙節爲道正多縱不能去蕭艾以養芳蘭似無須助驚駘而抑騏驥凡此種種度公計之已熟不至爲浮議所動不過姑一提請注意耳倘荷示以尊意俾釋羣疑庶衆情於公益增傾向曷勝企荷又交大歷屆畢業生前列者向皆有部派出洋之舉近年部派留學雖衆而交

大畢業生頗感向隅因是不無缺望竊念鐵道事業方今日新月異國內新路線亦方式廊有待於研習之門類尚多表面雖似感積薪實際仍亟須蓄艾倘承一考成規使仍舊貫他年桃李盡屬公門抑不止路政之幸而已並望鑒裁所及斷而行之盼甚禱甚

與黃漸磐書 民國廿三年

奉示祇悉前承示大詞恩恩未能有所貢獻茲垂寄新作叔雍評騭已極精細弟本無庸費辭惟以兄在詩壇之資格而從事於詞此非可以尋常看待至少等於心餘之長教育如別無特出手眼根本失其需要且弟信兄從事於此必能獨闢境界且必能將弟所懷之理想爲他人所未能實現者使之實現故不憚詞繁奉讀左右焉詞與詩文相通之點卽至要在有胸襟意境而以必須按律之故修辭造句復有其特殊技術然專工修辭造句未可卽謂爲佳詞故詞之推尊五代北宋者理也亦勢也

南宋亦儘有有胸襟意境者然終遜

於北

宋 北宋詞意境胸襟之高邁莫過於東坡歐陽大小晏次之然歷代詞家學各家者紛紛而能學蘇歐

陽大小晏者極少此不止天姿學力關係實胸襟意境之不如故爲詞必須從胸襟意境着重而技術又足以達之兄擬學清真此已可云取法乎上蓋清真之用筆正如昔人評右軍字之佳處曰雄秀固不必如稼軒後村之張眉努目而筋搖脈轉乃如天馬行空以清真之法度寫東坡之胸襟意境於詞之道至矣盡矣兄詩筆之精鍊業已九轉丹成一轉而用之於詞祇須注意於其規矩準繩其神而明之之處可一以詩之法行之便萬無一失近作數首細讀之下似才情爲聲韻所縛略有怯場狀態尤以齊天樂爲遜

綺寮怨最完善還京樂

此殆因機杼稍生之故多做後自然純熟至技術方面似用字之軟硬生熟深

淺不盡勻稱又音節尙須講求

類如層瓊硬兩等字叔雍已標出

詞之必講音律與否在今日頗成疑問但弟有一偏見

卽以爲音律可不必過嚴而音節必須諧協蓋有韻之文不論頌贊詩歌詞曲必須讀詠之餘鏗鏘宛轉

然後情味曲包弟嘗離開詞律而誦近人之詞往往覺其拗口處一檢詞律卽恰係失律處又有時四聲

不錯而清濁偶誤誦之卽不能順口

類如齊天樂凝怨瓊梳之疏字必用清平設改爲瓊樓則直讀不下去

此則隨時留意自能合拍也近

人論律過嚴弟不甚謂然以爲不差分秒亦不能唱出何必如此自討苦喫但頗有意做一種可以合今

樂之韻文或依新譜填製或製後再依編新譜求其可以照唱其體裁則在歌謠之間多用白描使之通

俗而却須有文學上之價值

以元曲爲例而再變之

竊以爲由樂府而變五七言加以四聲實使文學發展受其束

縛故詞乃應運而生詞之窮而曲復出焉元曲至今亦百年而尙未有代興之物

崑曲仍元曲之支流餘裔二黃梆子復無文學

價值所略有文學價值者獨各地之歌謠

如粵謳南詞等

然未有整齊之而令成爲具體化者此弟之所以主張應

發生此物也民國二十年來定一國歌不出各地之校歌皆無足觀殆卽因無人注意之故不知兄有意

從事於此否耶久欲爲一文發揮此旨因懶漫未成此函所言毫無倫序不足示人暇當敘次所懷成章

奉請商榷焉

致蔣主席函民國卅五年二月

主席鈞鑒竊恭綽臥病經年等於廢疾致大肺來滬竟不獲與父老兒童一覲清光曷勝悵悵謹以一函述其最近胸臆敬祈撥冗賜覽無任感盼廣東東北西三江水患爲全省生死關頭多年枝節補脩迄未根本治理至民廿六已擬定整個計畫綜計須費五百萬元適會軍興未能着手數年來上游泛濫下流

淤塞情形嚴重加以匪多歲歉民困益深以致餓殍載途瘡痍滿目其倒懸之待解不下於豫浙等省徒以地偏南服當局或未深知竊念廣東省衣食二者皆不能自給本非財富之區稍恃僑匯返哺貌似豐贍近則外米罕至僑匯復艱加以貪污土劣遍地橫行游兵雜牌恃符胡鬧水深火熱益甚往時一縷生機惟待中央之拯濟而已竊意治本之計惟有趕治三江水患使其轉爲水利前者所定脩治計畫本甚詳確不須多所變更惟戰後工料奇昂依普通物價漲一千倍推算今卽須法幣五十萬萬元左右數似頗鉅但合之美金亦祇五百萬元之譜又南方缺乏煤礦已成定論今如望其工業化惟有專恃水力發電三江水力蓋均有發電可能如取較小規模大約美金五百萬元亦可敷用兩者統籌並舉共約須美金一千萬元卽可將全省三千萬人生命爲之復甦且受益田地復可收費爲養護及發展之用施工時以工代賑更可免坐食之虛耗又此款並不須全用現金凡合用之材料如水泥等糧食均可作價茲擬陳請國際善後救濟總署設法撥予此款俾得成功風聞該署雖無此現成之款但騰挪勻撥尙有可能可否請鈞座飭下行政院轉知該署速行設法救此災黎兼謀永利則粵人三千萬仰戴德功有同神禹較之任何方法爲得民心尙乞睿斷施行大局幸甚

致劉天行函 民國卅五年二月

天行先生道席前奉一月五日書稽復甚歉弟自去年三月患病今已十一閱月精神萎頓百事俱廢尊函久擬奉答竟不能一氣呵成實則弟十年來無一日不在病中故廣篋中詞之刊行自己亦不能滿意今述其編選經過如下

弟曰少習詞承先祖秋夢老人及文道希先生王夢湘先生之教泛覽清詞卽不滿於王蘭泉陶堯鄉等所選故得誦譚氏篋中詞而喜然同光間人譚選固多遺漏且閱其工作似由詞綜續詞綜等選本而加以選拔繼以諸並時朋好之作糅雜成編其清初名家專集頗多遺珠又所采並時作品亦多非其至者殆以清初專集譚氏多未之見及采集時作者尙未成家刊集之故因此欲繼譚氏之後而補其缺失從事十餘載所得不少嗣因從政擱置廿年民十七後居滬始再着手一切體例仍從其朔同時並有清詞鈔之纂輯網羅一代作品凡四千餘家意欲糾補以前各選家之缺失成一斷代而完善之選本以造端宏大至今猶未卒業愚之日力精神自此遂皆集中於此反視篋中詞之續編頗覺其不足稱道特以多年心血不忍棄之而已且其間現存作家不少不能列之清詞遂姑以爲倉庫逮民廿七避地香港對清詞鈔仍行從事遂不能兼顧譚氏續編將全部底稿置之滬寓詎到港後仍復多病且滬上已成風鶴之區私念世難日殷孱軀不保旦夕清詞鈔既觀成無日若廣篋中詞又復湮沒未免可惜因託滬友將廣篋中詞底稿加以詮次付之印行其編校一切鄙人全無法躬親結果錯誤之處甚多然旣已成書則亦聽人之指摘而已私意或猶稍勝於毀滅不久敝寓罹意外書件損失不可數計此稿因已印而幸免國難中一切一切祇能作如是觀不敢求全責備矣承示各節大體可以上列各情爲之解答蓋此書一則自始卽備爲譚氏之續故不免爲原書體例所拘又采葺凡十餘年往往作者新詞不及追列且時人寫示所作以其自鳴得意難以嚴芟而讀者見仁見智正難相強此亦不能盡滿人意之故也現清詞鈔將次成編其中體例正略如尊悁祇作者歷史一種已費了八年心力尙未就緒其編次先後亦極繁難而不易無疵至所選之詞是否

能爲其人代表之作則更不敢言若詞中本事之詮釋各詞家派別授受之源流正變本將有所紀述但茲事似無人可以代理而鄙人病中已無法着筆故全書久未完成目下印刷工料奇昂鄙人經濟久非昔比覓一人鈔寫均非易事而病軀不知能苟延幾時故清詞鈔（大概四十冊）之出版已與愚平生志行同付杳茫恐尙不及廣篋中詞猶得以四冊書供人批評也書至此爲之黯然清代詞家可徵者殆六千人而可取者不及三千或亦有佳作失傳者故清詞鈔之外本擬編清詞存目一書聊存梗概亦經着手及半第此事恐亦無完工之日又清詞鈔本請朱古微先生主政當時斟酌體例煞費苦心其定名詞鈔亦係朱先生意旨蓋既不同詞綜之寬泛亦有異詞選之專嚴逮朱先生去世弟不忍不繼其志遂沿以爲例本意如時力許可將別出清詞選及清代百家詞錄（與陳乃乾者不同）二書相輔而行然恐衰孱無能爲役當留待賢者矣執事廣學甄微遠承賜教同聲之應不任欽遲春煦就晴窗奉復已三輟而後就尙未傾盡所懷惟亮之是企

募修天童寺啓 民國廿五年

四明太白山天童寺者鄞水精藍寶幢勝地苑伽河畔宏開鹿苑之風靈鷲峯頭肇啓龍宮之祕夫惟大德代有傳人迄乎密祖降臨益令宗風丕振萬流競匯欣法海之無波二曜齊明幸昏衢之有耀甘雨徧傳乎江左慧命遙接於天西維此名區鬱爲傑構檀欒金碧宛七寶之莊嚴神化丹青寫雙林之殊勝亦旣名標海澨跡著閭浮共太白以爭高與落迦而永峙乃者鬱攸不戒烈炤忽張毛羽燎於洪鱸蓮花轉成火宅幸獲反風之應未成焦土之災綜計被燬天王殿迴光樓返炤樓東禪堂新新堂鐘樓穀倉東西

客堂共計五十餘間而大殿伽藍堂祖師堂以上各殿堂均幸無恙茲者住持圓瑛法師與各方善信僉議重興殿宇藉復舊觀以云聖跡所關非侈輪奐之美惟需資甚鉅籌措維艱所望福地仙人毗邪長者咸茲喜捨各沛財施庶程功得賴於布金妙術無勞乎點鐵華嚴樓閣彈指現於當前京洛伽藍著記不能專美此啓

編印中華大藏議 民國卅四年

佛教入中國後萃經律論而稱之爲藏付之刊行者凡十有五次多數皆累朝開國之始所從事蓋以佛教實占吾國文化之中心而文化與政治又有不可分離之關係也元之法寶勘同兼用西夏文別刊於河西清亦有蒙藏滿文大藏之刻其義尤著民國肇建卅載於茲亦曾注意人文而刊印佛教大藏一事顧未之及宗風寥寂藩部乖離數典多忘補牢宜亟吾於民國十四五載卽屢議從事編刻民國二十五年於所著歷代藏經考略中更標明望當局編纂中華大藏誠以茲事體大非假國力難以有成也前歲上海有刊行普慧大藏之舉獨力輕舉遂致絕牘欲爲王永從之續誠非易事竊意此舉仍宜朝野合力慎定初基廣延鴻碩精研體例需以時日寬籌資力不涉偏見不求近功庶能不廢半途歲斯盛舉至於編輯綱要依管窺所及略如下述

一、歷代編輯大藏每由帝王宰官意爲去取非以純宗教學術立場爲標準如明太祖之抽去元藏中之密宗某部分清世宗之抽去禪宗某部分等皆是且間有僧侶因派別之爭借勢挾私從而上下其手者此誠爲佛教光明之玷今既爲民國首須革除舊習將歷代帝王宰官因懷挾私見

而不許入藏及撤出藏內之經籍訪求入藏以副民國革新之真諦而揚民國開創之精神且符佛教平等之真義兼示佛教歷史之全貌

二、歷代刻藏采納已宏但其中遺漏必尙不少例如苦行力學不驚聲華之佛教徒所作單行孤本未傳世行遠致迄未入藏者又印度不丹西藏青海緬甸暹羅之經籍尙未經漢譯者又雍正以後之支那撰述其著作時在清代刻藏之後者（此類撰述日本已採刊不少）均應廣爲撰集翻譯庶蔚爲大觀近年國難頻繁各地文物損失不可數計且以經濟關係以後私家流通刊印必感困難如不及時蒐集深恐漸歸湮滅尤爲不可補之損失

三、元清兩代刻藏皆經通蒙藏文者加以校勘（元代參與校勘恐尙不止通此兩種文字者）故頗能是正譯述音義之訛今中外棣通有越元清兩代而在家出家學者鑽研亞洲各地文字者（如巴利古文不丹文緬甸文暹羅文西藏文蒙古文等）亦漸不乏（如陳君寅恪卽曾攷得唐代譯經之誤）應乘此采訪遺逸之際將以前譯述之本加以精詳之校勘庶至元法寶勘同之績復見於今而大正五藏合勘之功不能專美

以上三者皆吾國今日應負其責之工作且信必須朝野合力方可完成蓋其間資料之蒐集人才之培養經濟之運用皆非羣策羣力不能收效而體例之商榷事務之管理千端萬緒尤非易事深願吾國賢哲勿逸此重要之機會而有以貢獻其能力而此結合全部亞洲之唯一文化（佛教）之刊物如能於此時開花結果於吾國在世界之文化地位必益增進故尤願吾國諸當局勿以爲不急之務而輕視之

也謹議

陳玉蒼尙書七十壽序 民國十年

閩縣陳公謝政居京之十三年歲辛酉公年政七十維時公之不問世事已久而當代玉步之改且十稔矣郵曹舊吏謀爲公稱觴諉士詒一言余維晚近二三十年政教墮地人情惡賢而尊不肖公道之不彰也久矣士君子立朝處世矯然有以異於恆流之所爲非舐排以去則叢謗於厥身其勢蓋非使人盡弟靡以合於汙濁不止此國中憂先天下之士所爲痛恨太息者也雖然直道之公不能絕於天壤而士君子憑其自信之力不顧利害犯難獨行終克有所建樹者亦恆十人而九或橫被誣譏隱晦不彰遲之又久終已大白於天下而人生福德若康強逢吉若林泉游衍之樂後嗣之賢隱以實作善降祥之說者又時或遇之以堅其志而因以自壯如公者亦論世者所不可不察也公自通籍成進士由部署洊擢卿貳繼長部曹中間凡數十年其間如會辦五城事宜及任府尹時創五城學堂與順天中學堂弘獎學術開京師各校之先長度支時覈出納杜侵漁整飭幣制祛銅元病民之弊善政仁聞匪可殫述顧其功績最騰蹕流播於士民之口使交通四政至今受其賜而公實不顧一己禍福排萬難以赴之者尤莫若庚子變後辦理京師善後及長郵傳時之所施爲其遺聞逸事故老多能道者徒以公性直伉疾惡過嚴遂卒得罪以去要其精神所注雖屢經變易摧敗而繩矩猶在迄今猶將以能持循與否爲得失此豈惡公者所及料而公之志量抑亦自此遠矣公任郵傳部尙書兩載餘規畫張弛士詒實嘗承事觀夫公之計度初無一不爲根本久遠計其犖犖大者若京漢鐵路之收贖交通銀行之建立電信之統一其迂迴曲折

艱苦煩懣，倥倥敗起伏萬端。其卒以有成殆未始不由於人事。方殷之會，機牙險急，商榷籌策，動延昏朝，或宵半公以片楮相屬，往返討論，剖析豪芒，至曙未息，或徘徊未決，公斷以一語頓解積疑。士詒性懃其所不可，或時斷斷公亦不以爲忤。此識度豈易望之今之士大夫哉？公之出處於公望實殆無加損而影響之論至今未已。民國三年春，公以何事滋謗，議士詒曾於閣議，縱論公之爲人而決之曰：公家之利知無不爲公之謂也。時項城袁公深然其說，因并歷舉任北洋時與公在官時沆瀣切磋諸端相告。嗟夫，蜉蝣烏足知焉？郵傳一部自成立迄茲，諸視爲貨利之藪，漫浪之士乃環伺左右，蹈瑕抵隙，以思染指於其間。一二心乎爲國之君子，因緣湊泊，斧柯在手，思有所建樹，表見不肯枉道干譽，則往往爲人擠而去之，或冒清議之名，售其相傾之術，非存養至深，心志堅定，其不中道易轍，侃侃自全者鮮矣。是故京師政權所集，號稱告惡之所，從出而郵傳一部尤始終無是非曲直之可言。公則更爲受抑之最酷者，致交通四政鐵路較爲發達者，而以中土幅員之廣已成之綫，猶且不逾二萬里，不然設部十餘年所可視爲交通之成績，又何至若是之僅耶？雖然，賢厚與耆壽固恆人之所最不易致者也。就公之一身言之，公自通籍當官而行，深無媿。今日所謂負其責任之語，乃卒以微罪行而盲從者，并且以前此之黜措律諸其他可爲世悼然。公年登古稀，精力彊固，孫子繞鄰多遠大之器，公左右顧盼悠然，自怡懌視，彼顯赫一世而無所逃罪於厥心，其得失之相去寧可以道里計，而以彼易此，又豈公之所願與？莊生所謂人之小人天之君子，正公之謂。士詒無文不足發揚斯旨，特以辱公知久，用敢就公生平有所陳述，以詒當世冀人咸知處茲汶汶之世，君子之未始不可爲區區之志如斯而已。

三水梁保三先生壽序 民國十二年

儒家向不言長生久視之術第歷代魁碩長德以敦龐耆艾師表人倫爲時祥瑞者恆不絕於書積久流光天之所竺理固然也輓近儒術寢衰海內大師不能以十數吾粵三水梁保三先生以積學孤詣親承九江朱先生之教傳其微言大義沈酣講貫者凡數十年盤桓利居闇然日章爲鄉閭後學津梁楷式今年八十矣聰強如故猶日誦習纂述有定程以其暇蒔花養竹翛然塵壒之外若不知世之有名利愛惡攻取事者嗚呼自功利之說盛行自夫修己接物以暨治國平天下之道斷斷焉惟此是求論學與政者至相率以爲挈矩之準同於金科玉律天理民彝一不復顧歐戰以後此癥結之病已一發莫禦矣而吾國末學方刳持於曖昧之說鋪啜糟醢奔迸以蹈於坑阱噫其亦幸而毒之流於吾國者尙淺也十載以還百端解紐人恣睢於無等之欲罔有恤忌綱紀繩檢蕩越已盡政教風俗無所藉以維繫大亂以滋儒術之不脩士夫倡導之無人其有關風會之移轉蓋亦大矣先生貞不絕俗而履蹈一以正誼明道爲歸哲嗣燕孫總揆負時重望所表襮震一世先生乃蕭然若無所與遺經獨抱矻矻忘年此其襟度真昔人所謂儒者氣象也經曰天行健君子以自強不息又曰仁者壽儒者不朽在立德功與言脩短本不足計第美意延年所以致洪算者亦恆有若符券近頃習尙澆漓淳散樸人生憧擾聲色財貨鑠乎外得失利害攻乎內雖攝生者或詭言必壽百餘然卒無售者蓋昔所謂莊敬日強積善餘慶和氣致祥諸說似皆爲今人所不屑道則期頤亦安爲福先生以名世碩德皤然爲嶺海儒宗淵默鮒桓負固難老其足以壽世必有非尋常所能幾及者九江先生之論變化氣質也曰鴻範曰沈潛剛克高明柔克變化之道也

能自克而勝氣質則剛柔濟事是攸好德攸好德則宜在五福不能自克而氣質勝則剛柔害事是弱也弱則宜在六極此學者之元龜也以斯而言美意延年如先生者詎非有必至之符者耶恭綽從長公游久患難甘苦他人所不能喻者知之爲悉長公秉性強毅不以暴風疾霆稍失尺度獨言及承歡養志俛仰津津有餘味歲必一歸省雖以是屢致危疑勿顧也卽先生之示教從可知矣歲己未恭綽游歐洲觀其戰禍之烈愴造物之不仁息爭之不可以已已頗意救之之藥或有賴於儒術及歸途拜先生於可讀園鬚眉警歎粹然罔然益感所念之不謬惜恭綽蹇薄無能爲役獨與海內外諸友圖設中國學院於列國冀以授學之介得闡播其淵微比得友書知翕然贊許者已十餘國以此報先生抑先生之喜可知也他日者貞下起元得覩禮運大同之盛更爲先生進百年之歌古之彭錢衛武公伏生之倫猶若遇之焉先生其必嚮然曰嘻孺子可教乎

清遠朱聘三先生七十生日詩序

吾粵科名之盛向遜於他省有清一代入詞館者纔二百二十餘人至末祚始稍稍振起而人才亦輩出今科舉之廢且三十載矣耆舊凋零木天先達存者殆不及二十人清遠朱隘園先生乃以碩德清望巍然爲其坊表今年亦七十矣先生含和履中不驚聲利自其授書應試以迄登科入仕治事治學待人接物一以忠純篤實爲歸雖掇巍科歷清要而曩日京曹奔競馳逐標榜之習超然一無所與其視世途愛惡攻取若浮雲之過太空獨兢兢于言信行果取與辭受一介不苟其平素溫和平坦易發一語若恐傷人至於志節所關絲毫不肯假借運經桑海窮居絕景甘與園闌爲伍而復不以此自翹於衆常屢著書矣

而謙抑自下謂於學海曾未窺其涯涘不足以信今傳後蓋其淵襟宏量恆以昔之賢僞爲標的所養既粹言動輒合準繩非夫世之矜情飾貌以獵取名利恭敬者所得而相衡較也比年退處香江日以裁成後進爲職志所立孔教學院成材甚衆復以其暇講學香港大學及孔教會闡明聖學啓導羣倫於挽救人心轉移風氣所係至鉅先生一不自表襮如其服官從政時庶幾古之卿大夫退而設教於其鄉者而敦厚密栗若珠玉之蘊懷於山淵其光輝若隱若見使人望而神往斯又天賦獨厚爲康強耆艾之徵非止足爲朝野矜式已也比歲以外患日深流人鬻集斯地時有文酒之會咸推先生爲祭酒先生於陶寫之餘繫懷民物亦時若有不自得者蓋世變日亟靡知所屆而人心之陷溺民生之憔悴隨在接於耳目間杜老憂時管寧避地非復尋常歌嘯而山河風景時役夢魂異鄉之樂又有足增其怫鬱者先生天懷澹定固不恆形之辭色抑春秋佳日壺觴跌宕分曹角勝聊相慰於流徙困頓間亦賴先生貞固之操冲夷之度有以噢咻之而令吾人引以自解也時維九月先生誕降之辰同人乃競爲詩歌以表頌禱之誠而屬余敘其事余維壽言非古而香山社集盛事流傳序齒題詩昔人不廢抑鄉黨莫如齒又古誼也吾人雖去其鄉而疆圻密邇落落十餘子託足海隅猶得對夙所崇敬之達尊於其生日而奉觴上壽斯固事之可念者故漫述所懷如此抑昔人曾云非科舉之能得人才乃人才自出於科舉先生以高年雅度丁貞元之會盤桓利居以一身隱繫斯文之重天下想望丰采固不恃科名以自顯而科舉垂廢之頃得鴻儒鉅子如先生者以爲後勁如昏夜將闌景星復現使論清代科舉及吾鄉掌故者恆得引以爲重如吾徒之得親警欬相响沫以仰附風雅之末亦咸與有榮焉斯亦事之足紀者中宿之江二禺之峽山水

欽奇而涵衍篤生賢哲蓋非偶然他日道路清夷先生扶杖觀風與德配區夫人鹿車共挽覩賢郎之歧疑競爽婆婆風月更有足樂而忘年者斯又吾人所可引爲預祝者爾是爲序

徐氏姑九十壽序 民國廿六年

民國二十六年四月廿五日爲徐氏姑生日蓋吾姑於是年九十矣出入百艱以自躋於康樂老壽斯豈徐氏一家之慶實二門之光焉其子若孫將爲稱觴於故都海內名公碩彥揆藻摛詞以揚懿美祝難老必極一時盛可逆臆也恭綽於太夫人爲猶子媿不文徒飾浮文以同俗世將疑爲阿所親反無以播揚盛德然舍是又無以將敬且太夫人苦節高行堅不自表暴獨恭綽猶能知其略及今不述後將無聞故以質詞敘其犖犖大者以侑賓筵且爲兩家子弟告焉恭綽少與先兄道繩先生俱失母保抱噢咻實維太夫人是賴五六歲稍有知恆以爲世之親我者莫吾姑若也是時太夫人已嫠居無子而徐氏家中落遺產蕩析還鄉營居委巷中窘乏獨絕非人所堪太夫人處之夷然獨百計謀所以復徐氏產者恭綽髫髻不解事但見太夫人口營營稱貸爲挹注銖寸累積數歲而贖一廛焉又數載而復一屋焉憂瘁困辱非可以舉狀而終不悔逮以木君表兄嗣以教以養至木君登仕版疑然有所樹立始得稍息其肩而太夫人則垂垂老矣夫家猶國也當統緒幾斬之會若無人焉奮起以光復故物則其祀之不至滅絕者幾希矣士君子之以身許人也激於恩私有萬死以薪達所向者矣商賈之逐利有節衣食屏嗜欲泯寒燠以謀倍稱之息者矣彼蓋有所爲而然也若太夫人之於徐氏吾姑丈早世非有甚深之恩義也其先業非喪於太夫人之手也太夫人之秉吾祖蘭臺公之訓薄榮利視世事無足措意顧獨以吾爲徐氏婦而

先業不復者吾責也神窮知索不餒不悔卒使之其胤絕而復續家毀而寢昌子孫繩繩光日以大噫其堅苦卓絕之行存亡繼絕之功以大有造於徐氏者雖一女子不謂之豪傑之士得乎太夫人爲木君娶吾從姊生五子皆嶄嶄見頭角恭綽三十年以還遷徙不常然於贛於杭於故都皆得數數侍言笑太夫人於恭綽饑飽興寢憂愉悲喜所以撫視之者一若恭綽五六歲時人事萬變而太夫人於吾家人顧念之周摯曾未少忒嗚乎斯誠兩家子弟所宜奉爲法式而永永不忘者也夫形壽有盡時而康寧老壽所以爲人世之瑞者其言行足以爲楷模其動止足以爲坊表承其色笑以忭樂於無窮斯豈第兩家子弟之私願抑亦里黨族戚所同企者也恭綽無似用本兩家子弟之意著之於文因以爲祝明非一人之私言亦以備采風者有所考焉

周母梅夫人六十壽序 民國卅二年

先友周君紫珊之德配梅夫人以今歲某月壽登六十賓客子姓謀諸恭綽思發其潛德而爲式燕之辭且曰吾子勤治文字而夙習於兩家凡夫人世澤之厚與積慶之長其知之深而言之信於人者非子莫屬余聞命惶愧而惓惓之誠亦有不宣自匿者乃揚聲以稱曰古之言婦職者酒食絲枲筐篚柔盛之事而已其言恆不及於惓外世俗日變情僞繁複所遇不幸則婦人女子有時不得不挺身以應其變而亦因此以顯其德慧智術此世運之遷流而婦行之所以多可紀也然新說旣興坤道不安於貞順狂馳騖外一失其固有之涂轍則又無復婦職之可言以余所知如夫人者擷其懿行蓋遠非如歸太僕諸壽文中所紀王子敬母顧文康夫人之所及故陳厥盛美以續南山天保之歌宜也非諛也南昌梅氏爲江右

世族夫人之祖考筱巖中丞受學於湘鄉曾文正公有大名於時萍鄉文道希先生以高才績學雄當代則夫人之舅氏也余幼侍先君官江西以文氏與先君雅故因得識夫人之兄頡雲斐猗昆季兩君少孤事母謹已而同登賢書負時望鄉里中蓋無不知文太夫人持家教子中興梅氏有爲健男子所不及者也余登堂拜母荷飲食教誨如諸兒夫人時方垂髻亦視余如諸兄余竊忖此端莊靜好者誠淑女之典型也嗣余去贛則聞夫人已嬪於紫珊爲佳偶旋與紫珊遇審其沈潛溫厚絕無紈袴氣陰爲梅氏得佳婿賀時紫珊王父扶九先生心愛家孫爲納貲作郡守需次江寧與夫人伉儷相莊扶九先生顧而樂之歲在辛亥國體變易號稱共和余方從政於京師頡雲斐漪亦先後來會風晨月夕倚裳聯袂相與縱談少年時家門豫順琴歌酒賦之樂知紫珊已移家於滬滬市民物殷闐習尙奢侈周氏利擅鹽筴飛英騰茂馳譽一時而夫人躬躬如畏釵荆裙布不踰矩度見者咸謂林下風規心形俱服不異濟尼劉柳之贊謝夫人也旣而兵事疊興九州龍戰余亦南北奔馳不遑寧處積勞日久遂乃竄居海曲暫避塵氛重與紫珊結淨緣談名理知扶九先生捐館舍後所營各業悉遭折閱紫珊諸叔能治事者復相繼謝世索逋者往往謬爲牽引責償於紫珊紫珊性慈無以拒之幾有破巢覆卵之懼幸夫人嚮往其間盤根錯節折以理衡以法始解其紛方事之殷也幾於萬弩齊發夫人從容肆應令黠者莫得逞弱者得所依一時戚郇靡不翕服夫人之才智緣是始顯蓋非夫趨庭舉案婉順謹默恆常閨闈之所能也矣而紫珊已以憂憤致疾子女咸幼夫人入則侍奉湯藥出則支持門戶間出平日私蓄以禦外侮而濟緩急如是者歷五載紫珊竟不起夫人銜哀茹痛凡附身附棺之事必誠必敬更率精堪輿者遠赴廬山躬卜窆所既獲佳

壤期而會弔者百餘人感歎彌襟嘉其盡禮焉既中日事變起烽燧及於南服夫人則又出入兵間爲扶九先生夫婦及紫珊諸叔之柩厝丙舍者莫其幽宮安其魂魄間關千里任人所難復以其間整飭家業教養諸兒女婚嫁以畢子曾樛讀書習業皆有成就是夫人對於周氏之能盡婦職固非止酒食絲枲筐篚桑盛間事其肩任艱鉅殆一如其母夫人之於梅氏斯誠可謂後先濟美者矣且樂善之忱秉於天性滬上濟生會佛教會孤兒院諸慈善處所莫不慨捨巨貲助其發展扶傷救病俾鰥寡孤獨皆有所養他如築道路建橋梁修寺觀諸義舉有求必應絕無吝色尤以民國壬申夏秋泮水爲災輸金無算爲功匪細至於睦嫻任恤之誼興學育才之智掩骼埋胔之仁則皆其餘事尤不可以僂數蓋夫人秉文太夫人之教具乾健之德操危慮深以自振於孤惻之際更以餘力拯濟諸無告斯誠偉丈夫之所爲足以愧今之空言女學而行不相副者也憶文太夫人年五十時余方在武昌爲文以祝時與頡雲兄弟及夫人伉儷皆甫逾冠今遂越三十餘載獨夫人與頡雲及余在頡雲病廢余連蹇自放愧負諸尊長之所期每憶前塵徒增悵惘睹夫人之康強逢吉由困而亨子女皆歧嶷成立其欣忭有過於尋常親知什百者故不辭爲之稱祝且欲以詔今之閨禱而示之範焉夫人異日儲庥迪吉壽方未艾余雖無狀猶願繼此而有所揚摧也是爲序

包母馮夫人誄言民國十年

包君培哉之賢配馮夫人示疾生西印光諦閑兩師及徐君蔚如於臨終瑞應亦既紀之特詳余維人生憬憧畢世而性命呼吸之際平日所百出其智力辯勇以爭之者茫然若飄風之不可稍留所謂萬般將

不去惟有業隨身非甚凡夫能無醒覺然一世之士沉沒顛頓於坑阱波濤之下載胥及溺而不之返者其爲有所蔽固然第未究乎生死之故因果之循環往復故悠忽而不克自振亦大較然也今之世泯禁極矣有識之士怵於人類相殺之不可免若求其息止之法而不可得不知百年來世界之所謂富強實受一種流行學說之所鼓盪漸摩而致然其末流之弊自始卽含育於內今不此之變易而徒欲其弊之不現正所謂畏影而奔諸政教之力既不足以爲隄障則夫所以挽頽流而息狂飈者其必有賴夫廣大圓通足破舉世之執一種宗教之力夫可斷言也生死之故其明顯彰灼既有如古德之所紀述而如馮夫人之了然去來一心不亂其足令人興起更所謂真實不虛世之瞽儒自詡科學萬能於其所不知概斷爲無不知根塵和合萬象斯呈有固非真無於何立執人類智識之所能及與否以爲判斷有無之標準其可憫嘆夫豈待言吾人破纏鎖而復自由正在此日豈可追隨復轍下喬入幽懷衣珠而不覺哉輒因馮夫人之事跡而述其凡見於此以爲出世救世之哲士發其凡焉

先君仲鸞公家傳

先君諱佩瑜字雲坡號仲鸞籍廣東番禺人原籍浙江餘姚高祖楓溪公墓游粵中遂家焉曾祖簡堂公潛德不耀祖蓮裳公以文學名世著有斜月杏花屋詩鈔花影吹笙詞錄莊嚴館隨筆諸書父南雪公咸豐壬子科舉人丙辰科進士翰林院庶吉士戶部江西司主事貴州司員外郎雲南司郎中軍機章京少師陳蘭浦先生以金石書畫文藝倡導後進凡數十年一時僂彥如潘伯寅張孝達景劍泉吳清卿譚仲脩樊雲門張公束汪芙生廖澤羣金芭堂皆交契至深復喜獎掖後進如盛伯希周蒼生于晦若梁星海

易實甫文道希康長素諸君皆爲忘年交晚主講越華書院成材尤衆先君濡染家學少卽勤講貫勵志節南雪公歸里先君居京師賣文自給先伯伯遽公負債多無以償先君授徒趙氏月束脩四金以二金爲先伯償逋二金供薪水久之債主不復再索旋佐孫子授先生直隸學幕孫先生清勤素著府君爲襄校試卷兼司簡牘隨軺周歷各屬車中構腹稿入逆旅繕發以爲常子授先生大賞之介入山東巡撫張勤果公幕府時張公方會辦北洋海軍復從事河工先君昕夕爲治官書及圖說先君素習中外算法多所糾繩勤果因悉以委之每夕率盡二燭方休書成勤果委司鹿邑鹽務旋應光緒戊子科順天鄉試中式舉人以河工勞勩由同知保升以知府候補分發江西當道重其品學累令筦權政十餘年間曾歷瑞洪河口涂家埠神岡山諸地先君務恤商困不肯爲一切之行故官課恆短私況亦益困更不得一任實職辛亥政變遂不再仕恭綽奉養京邸凡四年餘民國五年以先兄道繩逝世感傷觸發痰喘舊疾以五月二十三日卒於天津時年六十四以先君宦轅久夙有朱邑桐鄉之意因奉葬於新建縣龍潭之桃花山先妣汪夫人餘杭文端公諱元方之女先府君九年卒至是合窆焉府君先四十無子因承祖命以恭綽爲嗣後生子恭徽妾簡氏出女四長適四川王以桐次適浙江盧宗孚三適廣西關祖光四適福建黃植祥皆簡氏出五未字江氏出先君寬和豁達能自刻苦其律身教人恆以行己有恥及事無不可對人言二者爲大閑少劬于學至老不衰故詩文篆隸以迄聲音訓詁性理歷史掌故歷算之學靡不精究恭綽少時猶見算草盈數篋尤邃于幾何圓錐曲線諸學意欲求制器尙象之原故坊間機械學之新譯本靡不窮覓顧不肯有所述作曰立言非易事一不慎則貽患無窮故終身不著書先伯伯遽公本生父叔

達公皆先卒先君教養諸孤一如親生適徐氏姑母早寡先君視甥紹桀如己出以迄成立此皆言之較大者其他瑣屑不具書伏乞錫之鴻文俾光泉壤謹九叩以謝

淨持墓碣

自淨持之死余懼徑情傷生違俗以取譏力制其心思耳目勿爲淨持是屬至不敢孤行獨坐迄今凡十四閱月乃得執筆以紀其墓嗚乎尙何言哉淨持張氏常熟人生而奇慧特孤亢視天下人舉若不屑意通書善畫蘭姿致散朗樂山水又能鼓琴至纂繡雜藝靡不工歸余三年生一女以病卒年二十耳自始之遇以迄病以死中經多故幽奇恂悅頗有足述者余旣爲遐庵夢憶四千七百言其不盡之懷冀與金石俱永者復以刊之於此嗚呼世不我與求保一知己之淨持而不可得淨持已矣余則何爲者自淨持之生已忽忽視塵世之若馳有別期不與同盡之思余方引之相策庶幾求所以不朽及超然於生死之域者以余今日自拔於塵網之難而偃蹇無所成就其淨持之死之係於余之重抑可知也世方亂淨持少美遽死不爲非福西山之麓草樹芊蒨精藍凡八九余小廬在焉所爲稱汝意而息汝之體於是者庶乎昔始夢寐偕遊之樂他日相從於此蕭寥澹寂之一境或克有以自慰而不至終淪於無涯之戚以賊其天斯亦淨持之所冥契者歟淨持葬之一月其所愛念者乃爲櫛此碣並繫以銘銘曰
山水之窟彼美之骨石不可泐哀其有極

太歲在強圉大荒落涂月刊石

外舅孫虎峯先生外姑陳夫人合葬墓表 民國十八年七月

外舅虎峯先生既葬之二十九年子保圻等欲礱石表墓而以文見屬嗚呼綽始見先生時方卅角猥承賞愛申之以婚姻孰意今者執筆表墓而綽之齒已越先生在世之年耶余維先生才高而未大試體壯而慳中壽學豐而靡及述作三者皆世人之所謂遺憾今所紀述倘得先生精神志意之萬一則亦先生之所詔也先生少濡染家學體性強毅茹苦益甘爲仁和夏子松先生拔入邑庠既復受知於順德李若農閩縣王可莊兩先生中式光緒戊子科舉人三君皆當代學林宗匠先生親承指授以是所學益進洎遊京師杜門讀書不妄交遊官內閣中書猶自親炊事忍饑力學卓然有古人風而尤懃懃於經世既需次江右劬學如故恭綽始謁先生南昌旅邸先生殷殷以戒浮華敦實學爲命既復贈以其鄉秦氏蕙田五禮通考曰是書體大思精彌綸萬有宜尋繹其旨意所在斯爲學之鈐鍵也先生既與先大夫同年舉於鄉復同以知府官江西時過從甚歡論學亦至相契而不事著述乃相同故歿而不得其遺稿斯乃綽與諸內兄弟之所同恫者先大夫不好親吏事而先生治事極精核累司軍庫典權稅剔姦除弊不畏強禦治文書晝夜不少倦嘗走數十里外失寢食節而意氣宴如蓋其蘊蓄宏遠似欲窮歷艱困以養其志節而胥大受者中道棄人世不得發舒所抱可紀者僅此是豈先生所及自料者耶先生名祖烈字寅清別號虎峯以光緒二十五年三月二十三日卒年四十六配陳夫人江陰縉雲公女溫恭明惠治家整肅有法度先生之得一意勤於學敏於事夫人之力爲多後先生一年十二月四日卒遂合葬於無錫開原鄉周家橋村之原子三保圻復圻鞏圻皆克自立有聲於時女一敏莊壻卽恭綽保圻娶蔣氏許氏復圻娶曾氏鞏圻娶陳氏凡生孫四人秉銓毓銓燮銓理銓孫女八人獻銓德銓淑銓燕華筱華珊華季華婉

華曾孫二人本炎本淳

清故郵傳部尙書陳公玉蒼墓誌銘 民國十九年

清末興革大事之卓卓可紀者若整理各省銅幣若統一電政贖回京漢鐵路皆關國家至計其成規爲迄今所不能易而其事皆閩縣陳公玉蒼實主之京漢鐵路之贖回也以光緒三十四年十一月奏上清廷無一字之褒不三月於宣統元年正月十八日以人言革公職越二年而清祚移又越十七年而公以疾卒於燕嗚呼人之云亡邦國殄瘁巨人長德出處之繫於時運固不重哉又二年公之子綸緘繹等將葬公於燕之阜成門外田村具狀乞誌公墓恭綽少謬承識拔日擊公之忠勤國事孤行邁進橫被誣抑爲鬱鬱者凡二十年雖甚愧無以伸公之抱而繼其志然不敢謂非知公之深者抑國之大政是非利害所在昭其真相以示矩矱而壯直道者之氣固士大夫之責其敢緣感恩而引嫌以辭謹按公諱璧字玉蒼晚號蘇齋福建閩縣人曾祖登祖春芳父鴻英潛德不耀公少慧弱冠以廩生舉於鄉中光緒三年進士授內閣中書十五年任湖北鄉試正考官十九年任貴州鄉試副考官得人稱盛尋遷宗人府主事禮部員外郎轉御史二十二年丁母夫人憂回籍主講鳳池書院公察世變方亟則務以實學課士復創設蒼霞學堂教諸科學閩有學校始此服闋補河南道監察御史鯁直敢言疏請辦印花稅禁開礦規費整頓船政皆切中肯綮巡視中城革蠹役清積案設善堂粥廠行保甲團練復以餘力治道路植樹木通溝洫隱然具市政規範其尤爲人稱道者拳亂伊始公首疏陳拳民之不可用與邪教之宜懲後拳燄大張又疏陳教民宜許自新不宜多事誅殺詞婉而諷所保全甚衆逮外兵入京兩宮出走各國分地而治公

挺身出要其統帥由我國官憲出示撫民復嚴懲諸不法士庶賴之李公鴻章奉命議和次於保定公密使紱書履底達李言外情無他李乃北上論者謂時局之轉旋公有力焉於時上知公之有爲特簡順天府府丞轉大僕寺少卿未幾升尹京兆公忘身奉公開工藝局農工學堂織紡局以倡實業改金臺書院爲校士館以儲俊秀闢五城學堂及順天中學爲北都有官立中學之始廢吏胥選士人分科治事爲京外衙署革除書吏之始限制錢商濫發紙幣定五家聯保法爲整飭幣制之始蓋爲數十年來諸京尹冠時新設政務處綰樞新政以公爲總辦復充財政處提調二十九年新設商部授右侍郎旋轉左侍郎公幼身柴立一如尹京兆時忌者益多惟太后知其能因轉戶部侍郎公自提調財政處卽佐戶部開辦天津造幣總廠及大清銀行至是益得發舒先是各省不明圓法競鑄銅圓牟利設局至二十二所錢貨充斥物價騰踊商民苦之得旨命公考覈公周歷七省主留七局餘並勒停且革追侵款二道員海內肅然切齒者亦衆然所奏訂整理幣制辦法十六條主統一鑄模劃定成色重量限鑄額訂價值化畛域以資流通定簿記以憑考核並力陳金本位既未易驟行應急鑄新式銀幣以銅幣爲輔並限制銅幣鑄造以維法價蓋均與貨幣原則相合至今日無以易其說者也繼立郵傳部以公任尙書在職歲餘每味爽興夜午未寢精神所注洪纖畢貫勞累非隸役所堪時諸事草創無成法時論又視部爲利藪尋瑕隙者百端公恃得主知一往直前旁觀鑒其孤危以模稜之說進者均屏不納公蓋以爲大臣致身之道固當如是也及兩宮崩公已自度無全理然諸設施之犖犖大者猶未竟其緒不忍決然舍去至開辦粵漢鐵路特下詔令郵傳部不得干預公猶未去遂終有宣統元年正月十八日之事公旣去位繼之者竟以川漢

路事召全國士崩之禍始知公之徘徊隱軫其用心有爲獨苦者公雖不保其位綜所表襮事實咸莫可磨滅又論世者所不徒爲公惜者矣京漢鐵路之收贖也樞府以斯路綰轂中原與比商所訂合同損失權利至鉅宜謀補救公殫精熟慮折衝凡十閱月並發國內公債一千萬元信用昭著爲今日各公債模範卒以銀五千五百餘萬兩贖回斯路利賴至今又吾國電報分省辦商辦紛歧錯雜政府議將商綫歸國有公乃商公平估價之法委曲周至卒每股以增給十之八定議電報始得統一復以交通事業出納綦鉅特設交通銀行筦之今與中國銀行同爲國中金融二鎮嗚呼公之行詣強毅密栗發一策務底於成蓋劉晏李德裕之流而復具前識遠略所施設主張動與中外古今賢碩暗合乃僅止於是豈第公之不幸歟公性長綜核好營造所至輒興土木而矩度有法財無虛費政府有大建築悉以命公若六陵七園寢之修理惠陵景陵裕陵及正陽門樓之恢復所費皆倍省於昔向主其事者深甚焉及兩宮崩命公估計陵工公猶徇前事估計甚廉遂有人騰說謂公薄待大行皇帝而佔建攝政王府第亦以費省不中王意公之去職未嘗不因此是公受禍之酷不逮劉李猶公之可以自慰者歟公旣罷仍居燕關小園蒔花木課諸孫翛然忘世嗣患風痹足不良於行以民國十七年二月口日卒於家年七十七子六綸緘繹組紀綿女六長適官孔圖次適史式珍三適張炳文四適李百蔭五六未字孫十三曾孫八奏稿凡二十八卷藏於家銘曰

維函牛之薦廟兮莫或使之折也積蹞步而達千里兮或猶幸其躓於垓也抑崑崗之揚巨燄兮沉檀翻發其馨烈也寧慕義之不可爲徒子子也渾河湯湯兮太行巖巖也吁嗟永寧懷寂寂也萬歲千秋兮眎

此石也

三水梁保三先生墓表

吾粵有明體達用之大儒曰朱九江先生以崇尚名節躬行實踐爲教名動海內高足弟子凡數十人若三水梁保三先生其尤著也先生諱知鑑先世自宋播遷三水累代潛德不曜迄先德麗川府君幼學尙志爲名茂才先生承父志敦品力學弱冠遊九江門服膺義理經世之學砥礪廉隅言行中矩事親篤孝居喪造次必本於禮講學卅年一以九江之教爲教門人率刻苦自勵斤斤以踰繩墨爲恥先生既負鄉望因以自治爲任興師範立鄉校舉平糶聯團保開水利繕堤防禁煙賭械鬪率規久遠巖其定制務在必行而待人一以公誠故多樂爲用以諸生中式光緒

科舉人不仕嘗任廉州欽州北海商董主持市政調節金融周旋折衝州郡及外賓間動中肯綮商民至今感念不衰晚年居香港鍵戶著書起居誦述有定程乃撰四書日課三十卷網羅二千年來朝野政俗之得失以聖言矩而律之合焉者興不合焉者廢合焉者治不合焉者亂積數十年之體驗參究一歸於是書長子士詒秉承庭訓累參國政鬱爲時棟亦多負疑謗先生一不措意惟勗以爲國家盡瘁勿受非義之財而已先生律已敬以方而待人則公以恕訓子嚴而約而卹親則惠而寬如是者六十年以去歲夏曆二月初九日卒年八十六德配潘太夫人溫恭勤惠逮事舅姑以孝聞於閭里友於小姑逾於姊妹卒時逾三旬小姑夜深哭之猶不成聲其情誼之篤可知已卒年六十一於清光緒三十二年夏曆七月十八日先先生卒葬南海麥君岡之原及是乃啓窆合葬子三士詒光緒甲午年進士歷官郵傳大臣國務大臣國務總理士訐諸生習武任陸軍少

將士訢諸生先卒女四適區瀛生林星海陸頌眉區尺君孫定薊定蜀定閩定鄂定粵定皖定齊定隴孫女七適關祖章區紹安郭錦坤容顯勳餘未字曾孫國瑞國璜中華民國 年月日葉恭綽謹表

三水梁公神道碑 民國廿二年

中華民國二十二年三月三水梁公以國難北行至上海而病越月以四月九日病劇遂薨公以身綰國內經濟財政之樞凡廿餘年體質又素強及是知與不知莫不爲之驚悼焉謹按公諱士詒字燕孫廣東三水縣人曾祖考大駟妣蘇夫人祖考汝楫妣周夫人公考受學於朱九江先生粹然儒者世稱保三先生公少承庭訓爲經世之學以縣學生中式清光緒己丑科舉人甲午科成進士時值與日本戰公上書言事卽爲時人注目乙未年留館授職翰林院編脩公以時會艱危益講求實學聲譽寢隆癸卯清廷開經濟特科廷臣交章論薦及試膺首選會太后誤以公爲梁啓超昆弟甚焉遂不再試尋居北洋幕府於新政多所贊益小站新軍編制及操典多出其手既唐公紹儀使印度邀爲參贊公殫心佐理以建議多爲清廷所格遂隨唐公歸唐公督辦各鐵路繼長郵傳皆倚公如左右手光緒三十三年先後爲岑公春煊陳公璧薦任郵傳部承參專主鐵路事並參外部機要蓋當局以公主辦日俄戰時中立要務饒有機智故傾心任之也其成績之犖犖大者如收贖京漢鐵路完成美退庚子賠款訂定禁烟條約皆彰彰人耳目尤可紀者各國據辛丑條約駐兵北京衛其使館爲國恥辱公承當局意磋商經年各國悉允撤兵由我國警察代之已定期矣以樞部易人阻不行遂相沿至今知者惜焉宣統初某迎朝旨以公久綰財賄意不能無少出入窮究無所獲事得白辛亥革命公知事不可爲密聯唐公紹儀段

公祺瑞張公錫鑾運籌南北遂成共和之局方事之殷手草文牘盈尺累夕不眠入對清廷力陳歸政國
民之要及討究優待條件恆十數刻始罷民國初元政府移北公長總統府祕書實兼司外交財政交通
百務填委公忘身徇職內外井然然默察時機審大局之未易寧謐遂懷退志逮籌安議起而公遂出公
府矣既洪憲事敗某方聒當局以公負其責公南歸侍親終不一辯其素性然也既當局審其誣迭引參
政事公以民生爲國脈所寄願籌策關稅金融幣制農礦諸大政不欲居官自是回翔平津滬港者數年
先是歐戰突起公謂大勢所趨主助協約各國期戰後得藉增國際地位解除一切束縛曾數建大計今
灼知者惟勞工參戰一事時我未與德決裂不便顯助公乃承當局旨設公司任其先役後赴法勞工凡
二十五萬人方事之殷阻謗百出至有誣爲販奴者公千方委曲卒成其事巴黎和會中我因未實行參
戰僅賴此取得各權利衆始恍然然公未嘗一自表襮也民國七八九年之交南北兵役屢起公以民亦
勞只期以和平斡旋大局屢調護其間乃終鮮成議逮民國十年奉直間齟齬方烈公復欲解其紛遂被
強之組閣公支絀因應戰卒不免且以身爲之的逮公去而賄選遂成其所關抑亦匪細矣公既思慮深
長又名久播海外因數游歐美日本與其名流碩學相往還所至傾襟披豁彼此知無不言其大旨主國
際經濟爲平等之互助以弭世界戰爭並自固吾圉且以世界經濟變化日劇我國非復可以常法應之
因日集學者深求改進之策昕夕無倦世人每稱公往績如創設交通金城諸銀行興辦各公債規定幣
制等事公則一笑置之謂此何足道今後當務其遠大然歷次政府所定幣制及公債條例與關稅會議
大綱皆不越公所擬範圍所創各銀行及銀行公會迄今猶屹爲重鎮事實所在不得而沒也又公任事

時所施設如完成京張鐵路收管商辦電報改訂滬甯鐵路管理權限減免機製土貨稅則國茶出洋稅則及整理廣東紙幣發行救濟絲業債款救濟北方水災之屬皆於國計民生關涉至鉅然於公殆爲末節公以保三公年高遂恆侍居香港民國十八年保三公捐館公哀毀致疾體寢衰二十年九月遠東變起公憂甚旋應國難會議之召欲有所建白抵滬而聞北戰發既知事無可爲乃歸二十二年春熱河事急公又投袂起至滬而承德失公嗒然遂病百計療治以心房潰卒不起享年六十五嗚呼以公之強毅密栗一往無前使遇得其時李文饒張太岳何足多讓乃因緣不偶所成就僅此且強半出之伺隙乘便幸而獲伸其志之百一其懷抱之湮鬱不遂無可告語或經營慘淡輒橫遭破壞者固不知凡幾且以遷就圖成之故往往形迹不盡爲人所諒其衷曲因亦無以白於天下噫人生事業之成敗利鈍有關於時會而志與學不能操其權固若是耶固若是耶何公之適丁此局也公既歿其家以喪歸越月葬於三水岡頭卿象洲沙之原不擇日不用堪輿從公志也公出身翰苑而不尙文藝晚乃間爲小詩自奉儉約而用財不吝教諸子各執一藝以自給流俗有傳公豪侈無紀者聞之但莞爾而已公配高夫人柔嘉維則內政克脩子四定薊定蜀定閩皆負笈海內外習農工商學歸而從事專門之業定吳幼殤女五適關祖章區紹安郭錦坤容顯勳一未字孫國瑞孫女四瀛環海環蘇環冀環

關伯衡先生墓碑

民國二十二年三月十日關先生伯衡以疾卒於北平綽與君數世交妹又君之子祖光婦也於君性行知之稔重以諸孤請其能無辭君諱冕鈞字耀芹伯衡其號也少承尊公樹三先生之訓又嘗從吾鄉大

儒簡竹居先生遊能溺苦於學以諸生中光緒癸巳科舉人甲午成進士入翰林與同榜梁文燕孫陳丈簡持李丈柳溪以道義相切劘當是時士夫習於宴安京曹清謹拘繩尺多厭厭無生氣君獨廣交游好談讌究心經世之略流輩頗驚笑之君不顧也嘗於甲辰年一爲會試同考官所得多知名士清末立憲議作命五大臣使各國考憲政君隨戴公鴻慈端公方歷聘九國肇悉歐美政法微意歸國以本官調郵傳部綰總務時議建鐵路首京張以詹天佑總其事而君副之詹專工務餘悉君肩其責萬端靡列前無襲因隨宜肆應一出澄慮路成工堅費省事速國際覘觀者皆歎詫出意外焉豐台捐稅病商損路君力爭於部免之勒其文於石後有主復者卒格不行商旅至今德之君嘗言一生心力瘁於是路惜國家多故規爲不能閱遠苟斯路北達庫哈西通隴新邊疆何致多事乎其遠識多類此厥後歷任南北和議代表約法會議議員參政院參政殺虎塞北多倫諸關監督暨晉北推運局長皆稱其職然非志之所在也晚居北平既飽歷世變有終焉之志君亦垂垂老今者變愈亟而君遂一瞑不之視矣綜君生平豪邁縱橫類杜牧之秦少游而幹略深識過之世僅以風流倜儻目君未爲知君深也君於古器物書畫精鑒別收藏宏富先後同好若盛伯希翁弢夫顏韻伯唐少川楊蔭北諸先生賞奇析疑數十年如一日外人履吾土者每以得一見爲幸故宮博物院且禮聘爲專門委員其見重於世如此顧君自敘乃託於玩物喪志卽君志事可知矣君籍廣西蒼梧以清同治七年九月四日生卒年六十有三以民國二十二年七月葬於故鄉長洲竹山村之原祖謙妣李夫人本生祖端妣李夫人考廣槐仕終雷州府知府妣吳夫人君配鄒夫人皆先君卒子八癸生丙生幼殤祖章祖光皆負笈國內外學業有成能自立祖壽祖豐祖京祖

寅均幼女八秀梧適南海招鍾繁碧梧適紹興宋兆晉鳳梧適中山馬康耀錦梧適順德麥鼎華玉梧適長沙陳樹人瑞梧適中山鄭林莊海梧雪梧俱未字孫震華定華靖華漢華女孫安華粵華貴華濟華並幼學銘曰

繫夫子牧觀儔沸聲歌鬱煩憂奮大翮橫九州導先路操厥轉嗟無女登高邱莽煙雲恣臥遊倏孤征驂龍蚪赫赫光靈沈幽靈兮娛竹山陬銘鏘風非雕鏤式來者千萬秋

紹興朱子橋先生墓誌銘 民國三十年

吾人處泯棼之世痛運會之遷流人心之陷溺恆思得一二大仁大勇者出當大任以幹旋風氣挽回浩劫藉拯生民之苦否亦資其德望爲吾人之楹栝與準繩顧其人恆不易得得或未能竟厥施徒令知人論世者追惜而深慕如吾友朱公子橋者其不在斯世豈止一時一地之損失而已公諱慶瀾字子橋籍浙江之紹興父星橋公爲山東刑幕有陰德晚生公旋逝公孤貧力學少而果毅開敏十九歲爲小吏於山東繼調奉天洊擢知縣所至搏擊豪強肅清匪盜不辭勞怨爲長官所賞命任綏靖營統領是爲公統兵之始嘗於牛莊夜捕盜誤死美國領事上官謂可諉罪曹屬公不從慨然以自承因革職留任聞者壯之旋以勦蒙匪功開復以道員候補任前路防營統領兼奉天鄉鎮巡警局總辦東三省營務處會辦部曲勦匪誤殺日兵無所屈撓獲窩盜虐民之宗室洪其文立斬之爲御史所劾奉旨免議聲震朝野時朝議方練新軍乃自請任軍職授第二標標統駐錦州銳意練兵所部精整爲諸軍冠宣統元年四川總督趙爾巽奏充陸軍協統旋擢第十七鎮統制廣選專才置戲下隱爲西南軍隊楨幹武昌起義川軍響應

公被舉爲四川副都督因反對增兵引退北行說馮段諸將領翊贊共和國二年任黑龍江督署參謀長嗣轉護軍使兼民政長尋除鎮安右將軍兼巡按使首營國防工事於邊界收回松花航權商民名其初航之船曰慶瀾以志焉時百廢具興四境安謐政府迭頒勳章俄皇東巡亦以寶星爲贈逮洪憲事起袁氏封公一等子爵拒不受遂以去職帝制覆兩粵尙相持公奉命長粵說龍濟光退出乃安撫滇軍使之用命復澄清吏治嚴掃貪污整理幣制倡建朱九江祠爲士林矜式會陸榮廷踞粵公約程璧光率海軍南下與滇軍偕對陸陸去乃迎國父回粵以所部數萬人聽指揮軍政府之建立實基於是旋踐粵人治粵之議以省長印交省議會隻身北行公自此專注意於民生大計創設華○鹽墾公司於蘇北射陽河北岸化斥鹵爲膏腴附近百萬居民賴以饒給公荷鋤帶笠日與竈丁佃農伍嘗日走百里僅一食不以爲苦當道屢徵不起越五年俄國革命我國謀收回中東鐵路權利關東省特別行政區以公爲長官兼護路軍總司令公以其關係之大也諾焉至則釐收沿路俄人所占地百十萬畝設廣益崇德男女兩中學及俄文學校平息綏芬河滿洲里匪患強鄰懾服焉旋調膠澳督辦不拜益致力於社會事業先後勦辦平津關外義振移山東難民十餘萬至東北耕作陝旱成災公又倡募三元活一命之急振時糧運阻於內戰公乃乞車一列循津浦鐵路轉洛陽入陝公露立車首馳行開道軍士見者咸曰此朱將軍也無阻之者至陝所存活無算次年長江大水災公親歷災區四出籌振集公私款至七千萬元標本兼治其施工之鉅獲救之衆前所未有黨國初定徵公爲黃河水利委員長暨監察院監察委員皆未就繼任爲振務委員會委員長乃不辭手訂各救濟事業之根本大計次第實施旋奉命出玉門關宣慰蒙番並

施甘青之振於各縣設育幼所殆徧初奉天變起繼以上海盧溝各戰公受三省民衆後援會之託援助地方軍民甚力嗣形勢復變乃專力振務主持第五救濟區事於西安扶風先設災童教養院規畫黃龍山墾區安插難民奔走指揮慘淡經營心力交瘁遂咯血心弱氣喘脛大於股醫言須節勞靜攝不顧也既力疾赴渝復扶病歸陝遂卒前取親友乞書聯軸悉書之復書遺教四幅處分蘇陝農墾及教養院事甚悉無一語及私嗚呼公可謂盡瘁事國忘身殉道者矣公平生果決強忍知而必行從不計較成敗利鈍不知人間有趨避事最惡巧滑畏蒞及欺飾故所至皆以勤廉正直率所屬爲衆敬憚僉王歛跡間亦受人之欺然論者無不諒其心跡也始在黑龍江官銀號例年納大吏二十萬元公却之以設蒙文學校及女子教養院在粵復却借款回扣數十萬元及嚴禁賭稅其救災也聞卽行無間寒暑晝夜夷險通阻躬與災民共寢食所至以工代振兼施教養所構工程如陝之涇惠渠豫之伊洛沙各河隄皖之廣成等墟堤湘鄂之湖堤暨長江兩岸長隄及西安大小雁塔興教寺寶雞大橋皆堅緻如法中外翕頌焉素服大雄教義深達宏慈普度之旨故勇於任事不憚不悚久廢肉食持戒綦嚴凡弘法利生之事無役不與不能備舉如創興極樂寺印行磧砂宋藏設立菩提學會恢復慈恩宗密宗各祖庭籌辦僧伽療病院皆其著者可謂難能也矣卒時爲民國三十年一月十三日世壽六十八元配戴夫人繼配徐夫人皆相公致力社會有賢稱子八榕桐杞樺模樹權松女一德君榕陸軍步兵少將任軍職東北身被俘禁去秋艦致東京中途蹈海死德君有才德恆從公左右贊襄奉侍餘諸子亦歧嶷穎發孫男女十四人嗚呼以公之體魄強固乃勞瘁過度未享中壽真所謂以死勤事者矣推公舍身利羣之素願於此固無所憾但

千萬煢煢無告及吾徒後死致無窮之望於公者今日溘然而止得不令人痛且惜乎其家將以今年六月葬公於西安終南山之原從公志也徐夫人以人乞銘墓乃爲銘曰

道術湮闕綱維裂闢茸腥羶百萌孽隨波鋪糟叢狙猾凌藉蚩蚩盡其血噉天搶地無處活惟公雄慈實人傑誓掃氛翳謝磷涅冰雪瑩清雷電掣一生赴義咸若熱奮起孤窮樹旌節兼資文武工斷截撫民乃若春煦接豺狼狐鼠皆縮慄掉頭竟去意不屑傾身盡智拯災劫精誠所注天爲奪百千萬命救之澈教養生聚殫施設燠寒宵晝勞且結顯宏力殫傷蹟埏遂以生命殉職業雖歸淨土大解脫下視塵寰定傷別公之志誼日月揭勛績煌煌在方牒敢書貞珉告來葉禹墨之行誰比烈

周榕墓碣銘

吳縣周榕字仲美性行淑均嗜學能文稱於師友以民國二十六年三月十七日失足沒於水年方十六碎茲國器戚鄙惜焉越一月卜葬於繡谷公墓其父之友葉恭綽爲之碣系以銘曰

哀周子世之英臨深池隕厥生脫五濁歸沈冥欲勿殤愁怔營依靈巖卜佳城息汝體安汝靈更萬禩爲日星

諦閑法師杭州衣鉢塔銘

猗與諦公乘願度世說法卅年僦西悠逝師子之吼震動大千泱遐洞冥無能名焉白日棲雲千江見月山容永鎮泉流靡竭式是窳堵詎曰行窩赤城餘霞長耀嵯峨

凌光廷墓表民國三十年

黔有敦敏正直之隱君子曰淩光廷先生勞身率衆爲鄉里救難解紛施教者凡數十年以民國二十九年四月疾卒於避難之貴陽村舍遠近驚悼越三月將葬其孤鍾釗鍾樞乃詳述君生平行誼屬表於墓余維君之志行浹於衆心無待彰襮顧其品詣之卓犖者宜有所揭櫟爲天下後世所矜式故不辭謹按狀君諱煒字彤軒號光廷原籍廣東南海清乾隆間六世祖滄淪公宦黔遂爲貴州人祖必貴妣陳氏父峻美妣氏陳世有清德生子三君其長也少貧父病乃讀且賈以養親教弟其勞瘁非恆人所堪君固甘之丁父憂適困甚百方羅掘以給喪葬必誠必敬鄉里敬焉卒教弟有成而已所業亦日益發舒遂出所餘從事教育慈善諸業兄弟相提挈倚助以開風氣任勞怨爲職志羣望益歸性敏幹而豁達民國成立後地方公益事無役不從綱維肆應不失分寸息爭弭患之舉不可縷數當道與羣衆遇艱鉅事輒倚以辦遂隱爲鄉黨中堅者數十年自奉素約而用財不吝體強毅喜習勞嘗因勘災至鄉村冒大雨雪歸衣冠積雪盈寸堅冰在鬚家人驚視君方引爲笑樂以爲豐年兆也素服膺顏習齋言紙墨上多一分斯實踐上少一分故遇事務躬行厭表襮復以獨善其身爲恥故其歿也識與不識咸痛悼焉君卒時年六十以國難渴葬萬松嶺之原配曰夫人伉儷相莊能成君之志子三鍾釗鍾樞皆能自樹立有聲於時鍾基幼殤女子子四王愼餘劉方岳陳稚和其壻也孫二毓熙毓華曾孫四鳳琴喜明有秋致祥余與鍾樞爲文字道義之交知其家學淵源有自謹敘次如右爲考志乘崇明德者告焉

高奇峯先生象贊

嗟夫若士藝苑翹材卓爲霜杰不染氛埃在簡之儔夫惟大雅淩黃轢徐抑然自下名馳海寓績懋墨林

良才沾漑東箭南金藝成而上靖獻於國不以自私爲邦人式維摩示疾遽捨毗邪機深露電景黯煙霞
有睟其容不滯於相陋彼雲臺銘勳畫象

明道法師象贊

民國廿四年秋余久病疑世緣將盡乃邀明道法師爲豁蒙破執期得安隱心爲坦然乃不數月師遽以
疾西歸斯道晦盲平素所期於師者方無限量而乃止此豈徒吾輩之不幸抑懷亡輟斤亦世情所不能
免者乃於遺象爲之贊曰

法源殆竭孰潛其流天鼓逢逢乃傷衆咻唯吾與子及溺是憂力穡雖微方企有秋倏西長往形舍神留
吾道之孤孰賦同仇適彼樂邦式好無尤鳳舉鸞騫下視蚍蜉媿吾獨行提挈安求睇瞻遺範涕下不收

題鄺海雪象贊

猗惟若士騷魂冰骨奮作國殤見危盡節志決身殲海枯雪竭綠綺之琴聲淒百粵琨玉斯焚浩歌未闕
勗哉毋忘庚寅六月

自題象贊

旋乾轉坤歸於一靜拏雲捕風凝於一定自誠而明以虛善聽縱月印於千江譬水流之不競惜世諦之
未空增繁憂於俄頃噫此是何許人耶垂老而不知自靖

雪贊

覩庭雪之積素兮念汝心之潔兮測地氣之上騰兮遜汝情之熱兮吁嗟雪兮汝其泯天下之不平而使

之無窠凸也歟抑情緒之交凝如冰與水之靡絕也一睇冰柱之澄瑩兮想汝之聰明兮撫桐柯之蕭槭兮悵汝形之子兮吁乎世何不幸而有山川日月兮二我心廣大不滯於物兮清淨圓明胡爲境奪兮人之電子本無生滅兮根塵之幻如火眴瞥兮一白茫茫那是雪兮三

題觀世音象關伯衡家爲其祝冥福所繪

夫惟大雅伊人不作續命無方安心有藥破妄返真背塵合覺皈命雄慈是生極樂

題黃叔偉所自繪象

黃習密宗

卽心卽佛卽身卽佛身心兩忘本無一物祖意西來何顯何密強以名之妍皮癡骨

楊母象贊

猗歟楊母爲家之楨爲世之衡爲善爲樂而不近名訓子義方而不求榮自處於困而貽人以亨不務表暴而致力於行積德累仁而不自盈備歷艱厄而一通以誠吁此真閨壺之典型也何遽返太清而不長爲女教之干城

諦閑法師象贊

天台胤嗣觀宗棟梁法源宏濬慧日開光四十八年圓音徧演論澈中邊感均冥顯等身著作性相雙融破執抉障砭愚訂蒙宏法社開傳薪火寄伊唯謝薄實參末議根株壅漑花果扶疏緬維大德今也則無示疾返真自知時至赤縣同悲金臺表異遺容宛在非相何觀式瞻滿月永鎮回瀾

卜魁之彥實爲世傑拔俗辭榮橫刀比烈禪月增輝蓮池與潔返照澄觀培根護藥黃羊養道永明衍脈
舍生弘法罔恤身力勇歷百戰無懈一息智括千籌不遺一策大願未竟玄風遽寂雷霆震吼山川易色
金容儼若威音難滅銜碑在口驚茲火宅可得再來拯諸饑溺

汪表姪婦張夫人象贊

清河盛族禹航高門是曰佳偶垂裕後昆婦德方播儷唱俄分茹荼晝荻典範斯敦撫育二雛奮起孤根
春條始茂冰蘖才溫乃慳中壽遽歛營魂追維母儀永感慈恩遂寫圖象家乘同存我爲詠言以詔弗諼

國父孫公象贊 民國卅五年四月

茫茫禹甸燁燁皇墳維粵離明毓生世尊道標先覺智啓羣倫開物成務知幾其神湯武革命應天順人
掃除帝制蕩滌垢氛三民五權溫故知新期世大同肫肫其仁博愛平等宙合和鈞木壞山頽謨誥永存
堯眉舜目瞻視如親經天緯地是謂之文

爲顧起潛題顧衙復泉贊 泉有宋紹定井闌

山下出泉不遠而復是汲是漑復我邦族俯仰桔槔左右脩竹樂石刊文納於大麓桑海再更發潛散馥
夫惟大雅其曰可讀世德惟馨澤流滲漑甘不慮竭生匪使獨栗里柴桑南陽杞菊是爲老泉宜其遐福

祭丁叔雅文

嗚呼叔雅以貴公子爲名下士一病不起竟止於此千秋未卜平生已矣又况憂傷憔悴飄泊無家噤齟
中腸結轆槎枒實積沈痼實此芳華一去無還吁不痛耶我初識君爲歲丁未大隱宣南撫塵結契把酒

黃壚看花蕭寺每附後車從聯吟袂戊申之夏彗星經天君疾南歸倉皇車船既顧懷寶不忍舍焉終已決去遁之海壖強遮不可素性則然亦既寧家累月而返我嘆謂君復果不遠豈期炎厄終丁乃身詎有數存吉凶由人君既多憂因而善病又不自忖強與天競窮冬不裘實反恆性詎以此故竟隕厥命京師人海九流所歸君處其間不忤不違內方外圓就癯却肥志節皎然素璧明璣孰謂斯人遽渺容徽君所作詩琳瑯百軸倒海穿天橋舌駭日片羽空留碎金誰錄鬼唱秋墳同聲一哭含識之生適然去來孰修而喜孰短而衣維子之死同類崩摧若痛被躬悲恨難裁素悵風淒青琴響絕霧掩星河雲昏落月弃器飄流藏書散缺種樹空陰蒔花孰擷嗚呼此景遂爲長別白日昭昭狀此人哲睠念前塵心焉如結維子之生赫赫高門被服儒素比物荃蓀孤鶴霞舉應龍泥蟠竟以詩窮百罹煩冤以阨以沒疇究其原死別吞聲昔聞傷逝曾幾何時金石同敝涉想猶存歸魂空滯奠此一觴人間何世嗚呼哀哉尙饗

祭胡展堂先生文

烏乎我公命世之傑開蒙康屯其施赫赫革命初張俗駭衆驚大義發皇一世所傾既奠南都羣雄奮厲鄉國是鎮以濡以煦元愍盜國顛覆神州鯤鵬擊水九萬之游靈霧騰騰黯黯大宙手攜皎日以燭昏瞶嘗論立國惟法式依況在民治匪憲奚威新國肇啓皇皇愈素疲氓之囂武夫之橫苟無大法以紀以綱揚古推今樹此大防嗟我有衆曷違曷適若陟峻坂幾何不躡西陸之游洪濤漲天我倡子和抵几扣舷微言相喻惟子與我橫覽寰區奚適而可茫茫巨陸森森驚波醉舞漏舟國命則那忍事論兵盤桓綠野苦志劬心鍥而不舍東山碁局獨樂詩篇許身稷契道在則然叢子孱軀百憂千患嗟我哲人損命一旦

幽宮載闕永絕交期文以告哀鑒此顛危尙鑒

祭蔡子民先生文 民國廿九年三月

嗚呼先生●生命世之英道函萬有智啓羣盲性和而介意誠乃明具賁育之勇而泊如無物廣河海之量而川不辭盈堅貞宏毅博大深閔持此志節行誼芟夷荆棘蕩滌瑕穢以開禹域之光明者蓋凡三十載全國後進之被其澤者若化工雨露之潤而滲漉于無形學術之賴夫倡導者類左藏之啓而入珍畢呈譬康衢之騁而六轡不驚蓋道之喪文之喪久矣至先生而始闢巨大之門庭立精進之儀型鴻規茂矩炳如日星斯誠國之寶天之經也妖氛晦冥神州羶腥和璧不瑩崇蘭不馨盧扁不靈一柱西傾永失機衡誰爲長城悲纏八溟哀號同聲懿此鼎錙不延修齡斯固一世之損失也豈第吾徒之愴悼而悲嗚嗚呼先生乘雲遐征魂氣固無所不之形體遂永隔乎重扃先生之精神所注固將灌輸乎每一人之心脈吾徒後死將何以答先生之苦志與深情日月易逝百卉敷榮黃茅白葦糝雜園塍將何以擇種留良拯弱扶嬰大敵當前魑魅橫行將何以保疆固圉剿虎剪鯨嗟大時代之來臨賴哲人以爲之程奚吾徒之不幸乃長別乎九京念來軫之方適驚急刳于楸枰隕涕淚之如糜人蓋莫能與命爭海山峨峨海波沸騰願精露之不昧續照世之明燈痛持觴而不御似夢奠于兩楹嗚呼先生伏惟尙鑒

祭蔡子民先生文 民國廿九年代北大同學會

嗚呼先生與北京大學之因緣其竟從此中止耶北京大學非自先生而產生然實自先生而確立大學之規模與基礎北京大學亦未與先生同失其生命然與先生之關係不得不因此而告終然則先生之

沒與北京大學之影響爲何如耶抑北京大學之同人由師逮生對先生之沒其感想爲何如耶先生之沒所繫于世運及國家民族者至大固非僅一大學之損失先生之精神意量充塞宇宙亦不因先生之逝世而有所伸屈然事實則既如是矣同人之哀悼非因有所私而始然故所感爲獨真且摯卽所言爲獨誠且切先生爲時代之先驅者學術之並育者道德之標準者言之將累紙不能盡然所貽留於吾人者則既止於是吾人其能服膺持守以勿失否耶發揚光大以益進否耶後死之責既不易以負則吾人所愧對先生者將無窮期卽所哀悼先生者將無止境蓋吾人盱衡當世求學術道德如先生者以爲師資實至不易先生之沒令吾徒有失南針之懼其舍吾徒而去抑亦先生所至不忍也然事實則既如是矣因今日之會謹述所哀念者告之几筵不敢爲繁文浮辭蓋亦秉先生之遺教也嗚呼尙饗

代香港各文化團體公祭許地山先生文民國三十年

維中華民國三十年九月二十一日謹以香花清酒之奠致其衷悃於許地山先生之靈曰嗚呼先生維昔賢之痛語人不可以無年惟哲人與志士冀人定之勝天瘁心力之所及圖征服乎自然卒修短之有定皆奔迸于沈淵信造物之所限寧科學之無權翳先生之穎達早擢秀于蘭荃傷故國之榛蕪益勵志于淵騫尋珠兮赤水採玉兮藍田顧開繼之使命遂駢集于雙肩培千章之樞杵窮四部之丹鉛譬良金之躍冶綿薪火以相傳邈海上之移情追琴韻於成連惟道藏之淵宏喜提要而鈎玄抑文字之改革見沈慮於幾先伊妙筆之翔華類鸞鳳之高騫闢伏莽於修塗恥蕭艾之競妍啓朝華與夕秀如挺植而陶甄方惟日之孜孜侈乞乞而自賢胡激湍之不駐遂膏蘭之燒煎棄五濁之氛塵曰君子乃息焉慘學府

之蕭條彌痛結而哀纏念世界之尙同際文運之推遷謀百川之合流賴大力之回旋航一葦于洪濤望彼岸而延緣驚篙師之隕絕歎前功之棄捐悼前途之茫茫徒相顧而涕漣勉繼志之是矢誓不息於涓涓惕斯文之在茲陳微忱於几筵嗚呼哀哉尙鑒

對於泰戈爾逝世的感悼民國三十年

泰戈爾已永辭此濁世而去了泰戈爾之死爲全人類之一大損失不止文藝界學術界之損失尤其不止東方與印度吾國人知泰戈爾之名者甚多於其死當然表示悼惜而與之有接觸及契合者自必尤然今祇敘余之經歷及感覺

十年前余居滬時老友姚弗堂（華）自北平以所譯『飛鳥集』屬爲作序將原作悉變爲五言絕句而情理曲盡余因是益有感于泰戈爾之爲人其襟抱淵深在在表現東方哲學之特色尤足吸引同清未幾泰戈爾東來滬徐志摩招致于其寓所款以極美之華筵時滬上文藝家多列席談敘甚歡泰戈爾不多言言則出口成章殆若詩歌余叩以佛學則遜謝未研究亦不願談政治其儀觀俊偉褒衣長髯實令人過目不忘時筆會同人亦歡迎之甚熱烈顧吾國政府似未有何表示或偶未注意也既泰戈爾返印于其所辦國際大學設中國學院又欲爲我國學生專闢宿舍其自捐款達百萬盧比欲我國有所捐助以示提倡屬譚雲山回華商之戴季陶先生及余戴與余爲之部署籌集圖書款項雲山奔走多次迄未能滿吾等初願而九一八事起矣余避地香港泰戈爾與余等尙書問不絕並贈一攝影親自署名卽上刊者是也泰戈爾爲我國之良友人多知之無待闡揚顧念中印文化之灌輸融化閱千餘年占

世界文化史之特殊位置其間並非偶然謂吾國任何人之精神上皆有印度文化之結晶良非過論今茲世界第二次大戰後全世界文化將發生劇變應如何定向以適應今後之需要而弭將來之禍患此正哲人鴻儒所當努力從事者而東方固有文化之精髓如何方能鍊冶以提供于世界此亦深有待于精識如泰戈爾者共相探討茲一旦溘逝真令人不能不興高才淩替天地悠悠之感也（姚徐二君亦先數年逝世）吾國文化所浸漬于印度者至深而印度文化經吾國之咀嚼融化復自呈其特色論理吾國應有反哺之誼但今日吾國所能貢獻于印度者爲何物乎賴何人乎此又可爲太息者也國際大學有吾國學生數人其程度及成績何若余不之知深望其間有人崛起也

汪賢婦張夫人傳 民國卅四年

夫人姓張氏江蘇銅山縣人清諡惠肅公亮基之曾孫女年二十一歸余外祖汪文端公之曾孫松濤兩姓皆世族然家規清謹夫人尤溫慧善承內外諸尊長歡舅氏建新公以綬卿表兄早世喜得賢孫婦尤愛憐之先後生二子莖瀏松濤任職津浦鐵路繼筦安徽烟酒公賣事皆不得展所長中歲遽卒時夫人方侍母同寓蘇州勉營喪葬畢依母撫孤閒仍省姑氏于餘杭備極勞瘁二子就學攻讀復延師補習散學歸必嚴覈一日程課以其勤惰爲欣戚每漏三鼓小樓燈火熒熒書聲與刀尺聲猶不稍輟如是者越十年迨二子卒業就職心始稍舒而姑氏及母兄迭逝復爲莖娶婦勞感交并因以成疾二子方各以所學自見而夫人逝矣余因國難播越數年及至滬莖瀏每來謁必絮絮述母恩勤狀曰莖等無母無以有今日莖等之略有知識稟度皆母教也又曰母嘗詔莖等曰吾家產本微薄賢子孫承祖宗餘蔭必能自

立否則雖擁厚資徒益其過昔汝曾祖父去世戚郇集議析產汝父獨不願汝等當效之塋等今雖饑困然第自食其力澠雖淪陷未嘗敢越恆軌懼違母教辱先德也余嘉二子因益賢夫人爰爲之傳俾附家乘

贊曰自功利之說熾簞食豆羹見于色往往閨閫爲尤然所謂婦德者蓋難言之夫人之訓子不析產可謂深明大義難能而可貴矣余不及拜文端公僅見建新舅氏松濤任職鐵路余實爲之介及其沒也余方亡命不及恤其家亦不知其婦之賢也今見塋瀏始悔失之眉睫然夫人之賢德播于族里不必以余之知否爲重獨余對母家事多疏隔不能如洪稚存之爲外家紀聞方深愧咎今爲此傳亦聊以補余過云

記李烈婦

吾友番禺李達叔兼善今歲七月病死於北平其妾黃居廣州知達叔病危先十日投海死聞者惜焉黃蘇之吳縣人家業漁生而棄之流轉至天津年十六達叔與之遇矢非達叔不嫁遂歸達叔執事勤事大婦謹待人婉而有禮達叔好道家言黃從習焉有所得達叔字之曰隱真生一女遂長齋達叔居北平貧甚遺眷屬歸粵黃躬自操作口不言勞達叔夙病喘今歲六月病發甚劇黃知之曰是不可爲也欲奔視念大婦等同往則無貲獨往又傷義躊躇久之於七月十日言往香港舟過虎門躍入水死距生於二十九年前八月二十四日年正三十後三日得其屍葬焉微聞黃與達叔有同生死之約故出此云
論曰烈婦余昔見之溫和有則爲余泣語必嫁達叔之意余因促其成今若此爲余負黃耶抑達叔負黃

耶若黃之於達叔可謂不負矣

四十年求知的經過 民國廿六年

我國有句舊話叫做「知彼知己」又說「人生得一知己可以無恨」這兩句話同用知己兩字意義却不一樣因爲前一個知己是說自己知道自己後一個知己是說人家知道自己知的一個字自然指了解和認識而言人在世界上求有人能了解認識自己固然不易恐怕自己能了解認識自己亦不是容易的事所以又有句話叫「人苦不自知」又說「有自知之明」可見自知是很需要的近年出版界很提倡人們的自傳自傳固不一定是可靠但這個趨向我並不反對因爲比較可提倡人們的忠實自白至少可令人們對自己的思想行爲時時有一番檢討於矯正錯誤紀載事實有不少的幫助不過此類的文字見諸刊物的究竟尙不多

一二十年來明友勸我做自傳的實在太多了我終於未曾下筆因爲過於慎重與矜持之故又許多資料漸漸遺忘不能貫串成爲一種有系統的紀錄所以更加懶慢日前宇宙風又要我寫一篇這一類的東西正所謂一部十七史不知從何說起我個人的歷史雖說複雜還不及我的思想複雜的利害思想是說不盡的歷史說起來話亦很長大概形成我的歷史及發生與轉變我的思想都與我的知識有很大關係所以把我四十年來求知的經過略述一番亦可做我的思想與歷史的一套縮影來看

要說我的求知經過先要略說我的思想行爲的大概我知道我的思想行爲頗有幾個特點第一是矛盾而相容的平常人的個性往往偏於一方如歡喜靜的就不喜歡動歡喜圓融的就不歡喜拘執講事

功的就不談哲理就藝術的就忽略實務這是大抵皆然的不過我却不然我一方面在討論工業上技術問題同時却可以談談宗教哲學一方面研究一個公司要怎樣組織同時又會想到音樂書畫上的問題而且似乎不會混亂與偏頗所以老友冒鶴亭常說葉某的腦子大概像一個貨倉把各種貨物分類的存儲要用時一樣一樣的取出第二是實際而超脫的平常人於所專注的事情每執而不舍反之則一切皆不認真我對於一切的事情來到面前從來沒有忽略過絲毫但從來沒有執滯過絲毫祇是盡心竭力去做到不得已的時候我却會全盤割捨拋棄一無留戀這大概多少有點道德哲學上的修養之故明白這兩點就可拿以下所說的來證明了

余少承家學先曾祖蓮裳公先祖南雪公先父叔達公均爲文學家承繼之先父仲鸞公則喜研究性理歷史聲音訓詁算術余以遺傳兼少侍仲鸞公膝下薰陶有自自六歲迄今未嘗一日廢書不讀兼好采訪詢問從政之後因職務與專門技術關係極密不能不知其概要故勉從事以免爲下所蒙又自少時卽喜考求外交財務農田水利服膺管仲孫武張良范滂李膺孔融諸葛亮祖逖溫嶠卞壺王通陸贄劉晏李德裕裴度王安石耶律楚材劉基張居正諸人以爲辦事必根於學學必期於實用尤須與個人的精神打成一片不然知識亦可中毒今年將六十雖沒有甚麼大成就但在社會上尙不致完全成爲廢物不斷的尙希望有所貢獻或者原來的底子尙沒有打的太差的緣故罷

我七歲時叔達公令學做詩以春雨爲題余思雨夜必無月故首句云幾夕無明月公甚賞之余因問下雨何以無月輾轉窮究不得真諦因悟致知格物與吟風弄月爲兩事文學家的話亦祇成其爲文學家

的話而已

十二歲隨仲鸞公至江西十七歲離贛其間六年所得益友甚多最先識文君永譽梅君光羲光遠昆仲後又識桂君伯華木仲昆季楊昀谷夏劍丞歐陽竟無劉未霖玉珩昆仲諸貞壯蔡公湛亦皆於是時相識文氏道希先生藏書最富任余檢閱余乃日盡十冊以爲常時以公達（卽永譽）之切磋於史部喜談清代掌故子部則獨好荀子曾有儀荀室之號並擬爲淮南子集注經部則研究釋名爲詩則汎濫唐宋由蘇黃而趨溫李又好爲駢體文大致宗徐庾以達任沈曾與公達約爲經解及駢體文均不許查任何書籍余之經解遜公達公達之駢文亦遜於余焉其時以桂伯華之啓迪歐陽竟無梅光羲之切磋於佛教大感興趣遂開始研究又其時當戊戌前後所謂新學方極蓬勃余等則自製造局廣學會以迄南洋公學諸譯籍無所不觀復開始學日本文頗自負淹博亦大受官吏及篤舊者之猜忌現在回想那時的輕淺幼稚真是可笑的

十七歲我到北京又到廣州又到上海識的人更不少在上海同沈小沂等辦廣雅書局在廣州同胡漢民鄭韶覺家兄道繩等辦萃廬書社儼然以新人物自命旋入北京大學堂的仕學館習法政一門這個時期我很歡喜研究法律又曾編新出版各書的提要

後來因家事的關係到湖北武昌當教習前後五年所擔任的功課係中外歷史地理國文那時學生年長於我的很多我恐怕丟臉不能不自己用功所以那個時期對上列三門認真研究頗有一些心得又同時擔任時報的論撰和通訊於時事更加注意所以於新聞的智識亦可說於那時獲得不少

光緒末年北京郵傳部新組織成立調我去當部員那時的郵傳部管轄的係郵電路航我樣樣都不懂的不過辦文書罷了或者短中取長的緣故長官却很說我不錯我自己覺得應當奮勉而且應當力求在行因此選定一門特別用心從此便與鐵路爲緣了

講起鐵路的內容本來就很複雜我國的鐵路則更爲複雜連外交軍事警察等等都有很重要的關係那時却是實權在外國債權的手裏表面在國內糊塗官吏手裏我見這樣的情形深爲憂懼因此覺得非培養專門人才造成特別風氣不可從此便下了決心從事廿餘年這不是講鐵路歷史的地方可不必多說不過自己若對於各項專門事務和技術太不明瞭如何可以講培養人才及監督部下所以當時因此虛心考究從行政及事務以迄技術包括門類三四十其中的綱要大概都曉得些而且有些細微曲折的地方或比之專門家更明白而透澈自然講到專門學術的基礎如力學數學的我是沒分的但全般鐵路的綱要或每一部門內的綱要或每一件事情發生時應當分別的緩急輕重我敢說比任何人爲明瞭我自稱這爲專門內的常識這可說是中年求知的一大結果

我的方法是這樣的每天必騰出一二小時請服務的專家陳述他對於職務上的專門意見然後加以詢問及辯論或提出一個問題令幾個專家各抒所見同時又令與該項職務有關係者提出意見綜合討論有時並實地考查到得到相當結論時自己亦自然將此事弄明白了專家之意見每偏於理論職員之主張又恆囿於局部我則以理論與事實交互比較以全盤與局部兼顧統籌故見解與判斷恆得其宜以應事實之需要而人亦得盡其才蓋所有一切職員之所長皆成爲我之所長故知識不期而豐

富余往歐美參觀各工廠與其人問答皆疑余爲工程司出身蓋緣此耳

余治事守秩序重然諾惜時惜力人以爲具近代新人物之精神其實吾國本皆有古訓余特知其急要而加效法耳余每前一夕卽已將次日一日治事之程序排好故不急遽亦不弛緩其應存記者則自告自曰此應存記於是遂入倉庫之某類中他日可隨時取出人謂余之記性特好亦是事實特善用此法耳然余關於鍊鍛心性澄瑩神識時則排除一切空時觀念無一事可束縛余故因世間不甚高尚之關係致個人受其影響者在余可謂極稀至於赴湯蹈火之舉余平生亦屢爲之則係知其不可避而坦然爲之非昧於是非利害也

鐵路以外余於外交財政實業教育文化暨其他有關管理與技術之事亦深感趣味且自謂所知者能獨深至卽謂近十餘年一切設施皆早在余之計畫中或亦非誇且如善於運用其效能當不止此此則虛心求知與否之別耳

余對文藝藝術本有先天之遺傳故書畫古物之鑑別似頗具隻眼且余恆秉愛憎與是非不能並行之說如人好酸味不能謂酸乃正味故品評一切頗得虛心之譽此外土木竹骨玉石漆之雕刻搏塑絲棉麻之織繡音樂戲劇歌謠金石碑帖建築營造詩歌詞曲篆隸真草雖未敢云悉有心得亦庶幾具體而微蓋四十年精力至少三分之一耗於是矣

博而不專世之通病余固不能免近年頗擬注全力於文化事業及考古事業然環境是否許可尙有問題

文化事業中余對國外文化宣傳及圖書館博物館三者致力較深必謂余於此有何真知灼見殊未敢言不過或不致太外行耳其不致太外行殆亦由虛心求知之故余向不贊成學術有國界之說亦不反對本位文化論但以爲人生一切基於誠不誠則無物學術文化亦何莫不然故第一要知己第二要知彼如不研究則己且不知何有於彼至於判斷選擇乃另爲一事並非研究則必須效法也世人往往將研究與效法并爲一談於是結果一面閉聽塞明一面却會盲從輕聽這是最危險而可惜的事我平生好研求國內一切事物除很概略的知識係從小得來之外其餘差不多都是因受外來之刺戟返轉而從事於國內之研究的此種刺戟不外事實之需要及因比較而衝動兩種例如甚麼叫做協定關稅你做了關稅會議委員還可以不明白麼又全國的地圖人家比你考查得明白得多甚至你中國的聲音訓話以至書畫陶瓷人家會研究得頭頭是道你如果連人家已知道的你尚在茫然這實在是太可恥了其實把全國一切事物充分認識亦並不夠應付現今的環境的因爲要應付現今的環境必須把環境中的事物透底了然（即所謂知彼）不過第一步應該先知己罷了我近廿年來求知的方法除詢問討論及實地考察外於各種雜誌得益不少我每日至少以一小時以上的功夫用在看雜誌上雖雜誌不一定都好且種類亦極龐雜但年過五十以上不能各處奔跑的人除此而外似乎不易找得更好的供給智識的機關人事無窮因此需要的智識亦永無限量人要吸盡海水係不可能的（莊子所謂以有涯逐無涯殆矣）我所涉獵的門類太多近年已深覺其不經濟實有集中時間精力於二三點之必要但此二三點尙未選擇得妥當於是有限的時間精力仍泛濫於無涯之境但任何門類均乏精深

的探討自己亦很覺得可惜

西洋的學藝怎樣移植於東方這是我國當前的大問題亦可說係我國現代國民的責任我的意思應該先研究自己的體質和胃力怎樣可以吸收消化這一批食物以爲營養資料（即所謂知己）不然就是勉強吞食亦不會養成精氣神的或者還會中毒同時肚子裏本來不消化的糟粕應該痛快的排洩掉就大瀉三天也不要緊我國人肚子裏的積滯實在太多了

總理說行易知難四個字我起初不甚謂然而且也同總理辯論過但十年來細細體驗覺得此四字極有道理譬如上海居民有三百五十萬人究竟可稱爲知道上海的不知有萬分之一與否（即三百五十人）又夫妻相處數十年竟究彼此深知與否恐任問一人亦必啞然故終身竭力求知而能知與所知之分量亦不過如是而已

記金老人 民國十三年

甲子夏余來莫千山山之人殆無不知有金老人者老人年八十六矣誅茅竹林中方病足不能行余往視之贈以資不受餽藥則受曰無故受人金非義也老人自二十四歲來此迄今凡六十二年其始至也以避洪楊之亂日縛帚給食好施與得錢隨手散盡常積銀圓四百矣會山下大水橋圯老人傾其資治之今梅家塢龍門橋是也卒貧如故好施與如故曾七日不能舉火幾餓死周之者恆瞰其極困少助之以多則不受受亦輒贈人仍恆餓也老人茹素念佛既恆以施與罄其資故終身鰥居未嘗娶妻亦不得歸鄉老人之言曰余平生未嘗敢爲絲毫不善事窮固余分終不重受人惠以增歉咎聞者益賢之人有

向市肆購物者詢知爲餽老人則不受值老人名亦孟浙之平陽人少曾讀書隨其兄宦閩問之平陽人猶有知其族里者云

重修元萬松老人塔記 民國十四年

北京西四牌樓南路西磚塔爲元萬松老人藏蛻之所具載諸志乘中余比年僦居西城日夕經過見環塔皆塵肆而屠羊者適居其下腥污狼籍不堪屬目盡然傷之因謀之同人鳩貲集材遷羊肆於他所以其地歸萬松精舍所有種樹建垣葺治塔如其舊凡糜銀三千元有奇以其事具呈內務部及京兆尹警察廳立案用杜輻輳考之紀載距乾隆十八年重脩之歲爲一百七十六年距明萬歷三十四年重脩之歲則爲三百二十四年距元建塔之歲則殆爲六百年有奇也余維象教衰微於今爲烈而禪宗古德尤不絕如縷萬松爲北方大師從容請益二衆炳焉天壤湛然居士乘其緒餘治心治國所成就甚偉當今之世求如彼師若弟之自他兩利者豈易可得於斯塔之脩復不能不重增感歎也

卞山謁石林公墓記 民國十七年十一月

遠祖石林公墓在吳興縣卞山之陽久載志乘余頻年往來蘇浙間恆思展謁而卒未果今年既修紹興山陰下謝墅子安公諸墓則益欲繼往吳興以人事牽率十一月乃得成行十二日船發黃浦先期約吳興族人守源爲導十三日至吳興舍於鹽局晤許君文濬玉農邱君鐘駿松存則周君夢坡所介也旋吳君槐卿來乃前此託其訪尋途徑者因會商戒行是夜大雨不止僉主從緩余意不爲沮翌晨天乃大晴余六時起別買小舟曳以輪舶以地當往長興孔道適乘其便也行一時許到展橋（橋名家譜均稱磚

橋乃音誤）舍舟登陸經牛術村舍細石犖犖而霜林如畫步乃忘疲約五里至佑聖宮小憩旋登山約四里至資福寺殿宇頽壞無一僧祖師牌位委土間蓋禪宗故刹也至寺後披榛而上余先期令人芟蘿故徑路依稀可行至山半見石華表僅一存翁仲存項以下石馬石羊石虎存六而多損墳圈悉塌墓碣祭台猶在此外建築靡有存者碣爲清康熙五十四年二十二世孫枚功及志鰲重立余肅拜之下徘徊瞻眺萬山環合氣象鬱然神爲之悚因朱填墓碣以便辨識旋至積善寺晤僧□□魯而苦行導余等至道卿公墓復於百步外得臥碑四一宋刑部侍郎造玄葉公之墓一宋本郡太守廷瑞葉公之墓一宋祕閣修撰君式葉公之墓一宋司封郎中筠葉公之墓皆不知何年所立審爲鄉民私移念墓必在附近而余爲君式公之後尤欲得其墓所周覓良久於百步外得三家但不能臆斷他日當再確考樹碑否則將四碑總樹於三塚間以存其跡亦一法也余維石林公賜塋地廣至八百畝當時族人繼葬界內者必不尠今皆不可考而石林精舍內諸勝迹如兼山堂承詔堂負日軒躋雲軒巖居亭知止亭等皆無可蹤跡僅積善寺前一池似爲碧琳之舊而涵空橋復毀於今夏玉澗之水琤琮斷續亦無復如避暑錄所云之浩瀚蓋天時人事之變遷抑已久矣漫山喬木無一存者蓬蒿沒徑幾不可以步僅洞庭派子孫歲猶一至祭掃其墓址不至湮沒殆幸也民國元二年間宗人學海等清理山地正名爲葉石林墳山祭產分別登記永杜侵佔其功甚偉異日就此經營合族公墓或恢復寺宇植樹疏泉以還石林舊觀乃吾宗同人所當努力者至譜載吳縣寶華山石林公之先塋及吳江崑山上海慈谿諸派以暨吾餘姚先代諸塋地他日得間當次第訪之是行也以陰歷十月初二日翌日謁墓適爲余生日亦事之巧合者合併附誌焉

我國雕塑漫話 民國十八年

我久已想做一篇論我國雕塑的文字但因有關係的資料未曾搜集完整故未下筆後來看見日本大村西厓支那美術史雕塑篇編得很好要想超過他的極不容易因此更懶於動手此次全國美展要我說些關於雕塑的話我想這個題目恐怕說的人很少因此爲供給需要起見不得不將我的意見寫出這一篇來其實無甚專門的價值不過大概說說罷了現在把雕與塑分開來說雕自然就是雕刻我國的雕刻大約可分三大類一類是崇奉用的（如佛像聖賢像之類）一類係裝飾用的（如刻桷之類）一類係留傳用的（如刻印之類）其物約分爲金銀銅鐵錫玉石木竹骨革漆十二種

最早的雕刻自然要算禹的峴嶼碑（雖原物無存但當時當是確有此物）以後商有刻角（彰德殷虛發見殷代刻角花紋極細見羅氏傳古別錄）刻銅（古彝器皆鑄成而銘辭則多刀刻）刻玉（圭璧之屬）周秦漢依次而有刻鐵刻木刻革刻錫最後乃有刻漆刻竹（刻漆始宋刻竹始明）

我國古代文字本刻於木簡（因此亦稱刀筆）故古時習慣用刀因此雕刻一門可說係發明及利用都是很早的又古代無攝影之術文字又簡所以一件事與物要留存於後非靠雕刻不可所以古代刻的圖畫等等必比文字爲多到後來文字愈完備許多圖畫并入文字之內圖畫便減少了祇有爲崇奉留傳裝飾三者才用得着雕刻（如子貢手刻孔子像及武梁祠石刻之類都是爲崇奉留傳用的）再後文字繁衍圖畫便幾乎專變爲妝飾品所以宋以後的雕刻圖畫其資格漸漸的減輕了

但這其間宗教之雕刻要說是例外的到於今我國雕刻的價值（除刻書）可以說全靠宗教的力量

來維持（尤其是佛教）（我國刻書亦始於刻佛像及刻經咒後乃施之其他書籍詳見王國維雕板考）

雕刻的發達又與好幾代的帝皇極有關係一禹二秦始皇三漢武帝四北魏孝文五唐太宗六唐武則天七宋徽宗八明宣宗九清高宗由此可知雕刻的本身和一代及歷代的文化政治宗教風俗等等都是極有關的不但由他可以表現那一時代的文化政治宗教風俗等等而且文化政治宗教風俗有時亦可以說受着雕刻的大影響（如刻書爲我國文化史上一重要事蹟是也）我國的文化許多受了國外的影響而生變化的雕刻自然亦是其中的一種所以就刻石而論魏晉後所刻人的形貌舉止及普通花紋圖案多帶西方亞細亞風至南北朝時尤其蓋其時西方文化（大部是佛教）之輸入一切思想物質多受薰染所有雕刻不止模仿外國且多有爲外國人所作者（如大同雲岡顯爲印度犍陀羅派之雕刻是）我國從前因無攝影所以許多雕刻以不能留影遂致無從研究極爲可惜（刻石之字尙可椎拓故拓本較多若圖畫或刻象不易模拓又我國習慣往往不拓圖畫刻象故留傳極稀）余希望以後研究古器物者多注重花紋形象等尤須多爲攝影庶可行遠而兼持久

現在所存古雕刻最多而最值得研究者仍是刻石此可分爲碑碣及造象兩大類舊存之碑碣拓本推繆小山所藏爲最完備共計一萬一千餘種現存北大國學研究所新出土之碑近年統計不下三百方逆料將層出不窮造象則龍門雖歸地方保護而損壞日甚（民國七八年間地方官調查猶存九萬數千尊聞近又少去數千矣）其他若雲岡天龍風峪響堂千佛雲峯巓愁大伾廣元棲霞新昌等等悉數

之不能盡比來日本人調查最力且發表印刷品甚多願我國人千萬努力不要落後爲是至於塑象或者可說是我國特有的藝術（雖西洋有類似之物但方法不同）大別爲泥塑夾紵兩種皆極難保存故昔日名物傳世至稀土偶雖見於戰國策其形製已無可考夾紵象似創自晉戴顒久已無存武則天所作夾紵大象亦無蹤影今海內能製此者雖有其人但是否尙有藝術上之價值殊難臆斷若泥塑則似未完全失傳但不過僅具形式未足以言深造也

大約我國塑象亦與雕象同受國外之影響而生變化世傳之羅漢塑象多具印度人形神卽其一例塑象除爲崇奉之用外以備留傳者頗稀此外皆妝飾品也（如老學庵筆記所載鄧時田氏所製泥偶一床值三十千是）余意此項藝術我國應特別注意使之發展因爲塑象可說是我國創造的獨有的又以手搏捏而能顯出他人之形神這實是一種特別的技能（聞說天津張氏「俗稱泥人張」能目注對方而手捏其象不一省視及成乃逼真）我國今日應以科學的基礎及方法（如人體生理學等）應用於此道上融化新舊中外成爲一種新有之藝術我想倒是藝術家一條新路

泥塑的象從前最有名的是唐代的楊惠之現在全國祇有江蘇吳縣甪直鎮保聖寺尙有他的作品但亦敗壞將盡前此我同蔡子民吳稚暉褚民誼幾位先生去看都不勝嗟歎主張趕緊修理此外元朝的劉元也是赫赫有名的一個他先拜青州杞道錄爲師後跟西域人阿爾尼格去學論理他的作品應該總有受國外影響的地方但我照書上有他的作品各處一一查訪如北平的東嶽廟元都勝境聖因寺甘露寺關帝廟等都依稀彷彿無從確指最後訪到他的家鄉寶坻縣有一所廟照志書上說所有觀

遐菴集稿

下編 演講

番禺葉恭綽選錄

鐵路協會成立會演詞 民國元年

頃聞鄙人宣布此會爲全國的非一方的永久的非暫時的本會既爲全國的則內之對於全國有擔當路事之責外之對於世界有代表全國之責其間應盡之義務應辦之事業則不能不望之全國會員之身諸君須知組織團體不在形式而在精神至精神必根於學養學養應爲沈著的而非虛浮的此會既由有鐵路學識經驗諸君集合而成其根基本較他團體爲易於鞏固發達諸君既負此資格亟應厲行會中事業以盡本會應有之責此會既爲永久的則會中人人皆有維持之責鄙意凡我同人無論何時何地心目中皆應專注本會所有省界黨見種種皆應悉數捐除以達共同進行之目的目下一般社會鐵路智識苦難普遍本會亟應設法將鐵路普通智識灌輸於一般社會庶將來一切路事易於推行

中國鐵路之過去及未來

民國元年四月廿七日
在鐵路協會演講

昔人有言曰一切境界最可惜者過去最有望者未來最悠忽者現在又曰一切境界祇有過去未來而無現在蓋遷流變化息息不停覺其爲現在時已屬過去矣鄙人今天製此演題誠以目下當新陳代謝之交從前辦理鐵路所失之機會已多今日不容再蹈其覆轍且時局緊迫不進則退更無玩愒觀望之餘地故推究既往以測將來凡以爲熱心路事者告焉今以言論上之便宜姑以前清與民國爲過去未來之界限亡清之起點實緣於鐵路然此不過革命手段之一非果鐵路國有之足以致亡也前清辦路

之失敗實在自上至下均無一定之方針政府辦事固種種失宜而吾民之知識眼光亦殊未高於政府因是政府中有一二明達者轉因敷衍大多數人之故使其一知半解之政策亦復散落不成片段餘則東拉西扯更無是處此實爲路事失敗之一總因須知吾國鐵路無一不與外交外債爲緣而應付無方自始至終乃無一不出於被動似此安有幸全之望今試舉過去之事實約可分爲四期其始全國上下不知鐵路爲何物造路之爲何事偶有主張造路者輒爲清議所不容（此非如後來之拒款直根本反對造路）此屬頑固閉關時代爲第一期其後國中一二明達已略知鐵路之爲要矣徒以鐵路之知識太形缺乏其辦法一若其練兵之凌亂又以財力困竭不得不藉助外資當事者復不知外債之爲何物借債之爲何事鹵莽滅裂以經濟關係而牽入國際交涉大誘起各國之競爭此爲大借外債時代爲第二期其間因發生兩大弊害（甲）外交失敗則以鐵路爲報酬之具如東清膠濟（乙）當事營私則以鐵路爲發財之具因此人民憤激拒款之燄大張復以激於感情之故不略研察真理之所存徒快一時之意氣此爲力拒外款時代爲第三期人民反抗之聲既高政府不得不從事於遷就而外交之成約又無從毀棄政府困難已達極點終之仍出調停之一策一方以若干路許與國民自造一方以若干路借用外資政府但求息事寧人至該路是否應造及造路後之影響如何不暇計及也上舍事實而重敷衍下舍事實而爭意氣上下相欺皆別懸一方向以爲的於造路之本旨不復顧及其結果則糜耗國民血汗之金錢造成少數不關緊要之鐵路而外人所得之權利絲毫未能減損徒使舉國上下互相牽掣互相衝突以迄於亡兩造之是非今姑不論但因此又發明一大公例則凡一國之內無論辦理何事無論宗

旨如何若不明世界大勢國家現狀社會內容斷無可收良果者而辦事不規事實尤爲失敗之總因蓋以吾國趨勢而論建造鐵路及造路而用外資皆爲事實上之所不能免而吾國上下前此乃生心害政不真正攷究造路及借債之法一若希冀一旦別有良法即可不造路不借債此在他人則竭力研究析及毫厘者我則茫然不知卒之事急遂仍聽他人之指揮受他人之盤剝試問此種辦法爲利耶爲害耶吾國鐵路借債之歷史諸君當必具知舉其大要所訂契約蓋愈後愈勝於前此其原因無非恃當事者歷經失敗積經驗而復加救正至其大體因困於前此之成格無從挽回者尙多設最初辦路之時吾國上下卽能同心一致確知路之必應辦債之必須借因以詳究造路借債之法則最初之契約必勝於現訂之本嗣後自更易於改良且當時無外交上經濟上種種之影響借債本極自由不患不能定出最優之條件今因始基不善竭若干年若干人之力僅得補救些須言之可歎推原其故何莫非上下隔閡及智識未開之故足見專制時代無事可以有爲此鐵路過去時代之最可痛心者也民國肇興積污頓掃真理亦漸發現鐵路之希望亦與日俱新惟以列強均勢野心及成案之束縛等局勢頗不如前（所謂前者指十年前後而言）以言借債幾無自由伸展之餘地故此時而利用外資已迴不如前此之穩而易論者以爲一言借債便可得若干資本者然鄙意前此看得借債太難目下又看得借債太易前此孫中山先生主張外人批辦此法最可速成乃頗不爲社會所許其他借債造路之法亦尙有持異議者似一般社會於民國今日鐵路需要之真況尙未盡明鄙人向主張鐵路建設政策誠以一切政策不能不根據交通狀況而定例如軍區之分割其交通便者區域可稍寬否則區域卽當縮小其他多數類此故

鐵路問題乃民國建設上第一應先決之問題加以外患駸駸他人路線四面圍迫我已無從容布置之隙故今日第一在趕急造路其他皆不成問題類如國有民有之爭內債外債之別此皆枝葉上事總之全國上下應以促進鐵路之成功爲主凡足阻礙鐵路之進行者皆當痛與排除至於一部分權利之犧牲更其餘事否則直接阻鐵路之進行者卽間接阻國家之進行揆之吾人愛國之初心當不如是至進行次第第一速定路線計劃第二速定籌款方針第三組定機關第四分途並進至借債方法中所最應研究者一路綫情形二投資者及代理人之心理三歐美市況四吾國各外債歷史及慣例五新生事實至後此之希望一直接向歐美市場募集巨款還清舊債以去種種之束縛二逐漸結合新舊各路爲有統系之組織以完全其作用三依鐵路線以圖經濟力之發展而實行有限制的開放門戶以維大局之和平四注意世界交通綫以變外交之機局至其他事務之整理人才之養成條目尙多茲不具論總之吾國今日之鐵路乃國家的社會的乃兼屬於間接生產的而非純屬於直接生產的明乎此而造路之方針及進行之方法皆可明瞭矣鄙人之希望於未來者在此惟諸君教之

鐵路協會懇親大會演詞 民國二年一月

今日本會係懇親會鄙人參居其末得與諸君握手非常慶幸顧今日爲改用陽曆第一週歲此中尙有與有鐵路關係之一段故實可爲諸君解頤者民國政府改用陽歷實以采用世界大同主義爲最有力最之理由從前鐵路因有借款交涉關係久已兼用陽曆就事實上所不得不然乃外間莫名其妙至訾爲不奉正朔挂諸彈章騰諸報紙由今思之從前所謂不奉正朔者今日適爲奉正朔昨是今非不亦大

可笑乎從前辦理鐵路諸多阻力此亦一端今值陽歷元旦姑述鐵路與陽曆關係之小歷史如此此外路事之進步會務之計畫同人皆與有責尙幸各出其所學以匡予之不逮則鄙人所馨香禱祀以求之者也

民二在全國鐵路總公司孫總理歡迎會演詞

此次鄙人南下承孫中山先生特開盛大之會歡迎鄙人實不敢當顧鄙人職務與先生最近所主張之事業關係極密孫先生以革命元首獻身於我鐵路界願以畢生精力集中於鐵路交通之建設事業其眼光之遠大計畫之精詳使人無限欽仰適纔孫先生演說關於鐵路交通建設之必要闡發已無餘蘊而孫先生尙欲鄙人講演鄙人只好將最近的感想稍爲講講

我國現在處於列強競爭之下今當改革伊始國內凡百事業亟待興發但農工商礦一切事業之振興實如一部廿四史不知從何講起無他國內無相當之交通機關猶之一病人纏綿牀褥日久其血液循環已失其序而吾人尙望以一針一藥起其膏肓斷無此理故鄙意以爲一切生產事業實以交通事業爲其根本而交通事業之中尤以鐵路建設爲其根本之根本我國今日若不從此方面着力一切計畫均必落空一切努力均無意義而所謂國家之建設事業亦一切歸於空談由此可知鐵路交通事業關係之重大及其在今日國家政策上所處地位之重要

惟是鐵路交通在經濟上何以占如是重要之位置一般人或尙未十分明瞭吾人又可以前喻爲譬吾人血液在生理學上之功用（一）爲輸送人體新吸收之養分於各個細胞組織之內以供細胞之營養

發達（一）將人體內各細胞間之殘餘物質輸之於肺部則發生養化作用輸之於腎部則發生排洩作用（二）血液內之白血球爲人體內之抗毒素遇有他毒害人體細胞之黴菌侵入則此白血球立起抗毒作用而與黴菌作殊死戰務使之消滅而後已此凡稍諳生理學者類能知之鐵路交通之作用亦猶是耳國內各地之生產的貨物得鐵路運輸始能迅速分配於各地而各地以交通之便利生產亦日以增加其地方上亦以商貨貿易之繁盛而因以日趨於繁榮此有類於血液之營養作用者一鐵路之建設愈多國內交通愈便一切文化之傳播愈速而易達人民之教育知識亦因之日漸提高此有類於血液之養化作用者二軍事上以交通爲利器兵機萬變所爭者瞬息之時間而已而鐵路交通實足以縮短各地方之距離使戰事愈趨於有利故在國防上交通實爲必要又鐵路之運率其高下之定額國家有權酌定此與稅率質異而用同其結果足以調節外貨之輸入使之不致爲無制限之大量輸入以奪我國民之生計反之國貨之輸出亦可以運率低減而獎勵國民之生產事業此其關於國民經濟之作用甚大此又有類於血液內白血球之作用者三由上所言鐵路交通與經濟上國防上之關係其密切重要如此我國今日急圖建設實已無可再緩今幸清室顛覆革命告成前此一切之障礙一掃而空譬如荆棘已除吾人正可從容展步今藉此時機從事建設實爲千載一時不可多得之良好機會且又得千載一時之人傑如孫先生者出而主持其事凡事一有良好之首腦諸事自可順利進行此可謂民國之幸亦國民之幸也惟依鄙見

（甲）關於路線之計劃今日首要之圖（一）對於國際上宜設法縮短歐亞交通之途程使吾國得

直接與西比利亞鐵路聯接此有兩線一可由庫倫恰克圖以趨俄國之上烏丁斯克一可由庫倫唐努烏梁海以趨俄之阿木斯克（二）對於國內宜迅速建築縱橫兩大幹線一爲橫斷亞陸之隴海線一爲縱斷中國之粵漢線使之早日接通京粵此均爲今日急待興辦者也

（乙）關於鐵路建設之資金問題依鄙見今日宜先擇一二路線較短程功較易而又極有贏利之路募集國內資金積極興築使國人咸曉然知興築鐵路爲一極有利之事業然後逐漸使之負擔資本較巨路線較長諸路資金之籌措自無若何之困難此爲國資建設計畫之根本辦法至若外資築路吾人亦不反對惟吾國須先有一借用外資之標準條件內須維護國家主權外須保持債務之信用其有合我條件者我始許其投資否則飲鴆止渴毋甯作罷也

（丙）今日鐵路本身之業務亦有急須整理以樹他日大規模建築新路時之範疇者如統一會計技術文字軌制以及釐訂鐵路法令等項均爲今日之先決問題否則他日各處興築新路漫無準繩人自爲政必有紛紜錯亂之弊此實爲目前可慮之問題未雨綢繆端在今日鄙見願當局加以十分之注意鄙人所見大略如此匆卒未遑多談尙望諸君不吝見教幸甚

特別會計之理由 民國二年

特別會計者國家官有營業之會計與行政費之普通會計劃分另行計算以期營業發達無阻之意非於一切法制範圍以外可自由收入任意開支完全脫離國家財政統系之謂也特別會計辦法應較普通會計尤爲嚴密非可以放任者官營業之會計所以必須與普通會計劃分爲特別會計者例如人民

● 開設商店營業其商店之款項帳目必與家中普通日用之款項帳目分別處理若混淆不分家用店用無別不但無正確之贏虧或因家事浪費累及商店破產或因商店虧損暗耗家財均未可知在商人所設商店如是若與人合資開店更不得不另行立帳計算此即特別會計之意也路電郵航事業屬營業性質其款項帳目自不能不與國家普通政費劃分且吉長路附有商股廣三路商股占七分之三漳廈路係商人產業由政府代管將來辦路或辦航業政府資本不足或招商附股亦未可定是亦無異與人合資營業則款項帳目更非與普通會計劃立不可此特別會計之所以必需設立也

特別會計之主旨有二一與普通會計劃分如前所述一以其收入供其支出有餘解政府不足由政府撥補如政府投資於一事業則此事業指定政府所投之資及其收入以供支出其資本及收入不能挪作他用如此則此事業有可恃之款基礎穩固可安全進行否則政府今日撥來之款明日又復撥去事業必因而停頓失利無算以學理言固有設立特別會計之必要以目前之事實言交通不發達國家財政異常困難各方羅掘以供政費交通事業若非得有保障指定專款辦理不受羅掘影響不但永無發達之望且已成之業亦將日就頹敗故特別會計更不容不維持也

今之不滿意於特別會計者其理由大致有四一謂其自由收支有礙財政之統一二謂妨礙國庫之統
一三謂其自由借款四謂其濫費不易稽查四說均不免稍有誤會假令四說俱確亦屬辦理之不善並非特別會計本質上之過況以上四說之不確乎今辯正四說如下一特別會計事前有預算事後有決算皆送財政部提出國會每月有計算書送審計院收支各款隨時皆可稽查於財政之統一毫無妨礙

特別會計自身有一完全統系仍隸屬於國家財政統系之內者也若資本及收入不挪供政費基礎穩固事業發達且有盈餘足補財政之不足或爲國家興辦他種事業於財政實有益無損也二特別會計並非與國庫脫離關係收入仍可存國庫支出再由國庫取出國庫能統一與否本屬另一問題非因特別會計而生阻礙若有借款合同之限制如京奉滬寧等路進款須存匯豐銀行雖國庫統一卽無特別會計亦不能存國庫也三若謂自由借款則除臨時財政上運轉不靈暫挪借短期款項或長支銀行之款隨時由特別會計歸還外凡大宗借款皆財政交通兩部會同辦理經國會通過大總統批准兩部總長會同簽字斷不能因特別會計而可自由借款者特別會計不但不能自由借款若制度完善反可限制政府不得自由以實業借款挪供政費則又特別會計之有益無損也四若云浪費不易稽核亦不在乎特別會計之存與廢若國會若政府置特別會計於度外聽其自生自滅不加監督不加稽核則浪費與否亦不得知若嚴加稽核且有預算決算何從浪費如特別會計制度完善則一切均照正當營業辦法如商人之將本求利其費用祇有較普通政費爲儉者是在辦理如何未可因噎廢食也

若因種種誤會於特別會計方有始基尙未完善之時遽然取消交通前途實有大大不利者日後收入歸政府提用開支及還本付息日向政府討索辦路者必日困於索款諸事不遑進行應需之款不能應付則交通斷絕郵電不通等恐慌咎將誰任若國家有軍務或重大事件隨時向路電郵取出路電郵無資本營運坐失巨利日就枯槁事業失敗咎將誰歸況交通事業多外債關係與關稅鹽稅之在財政界另爲系統者相似然路權幸未盡落外人之手尙不至如關稅之有總稅務司鹽務之有外國總稽核主權

仍自我操者亦恃借款本息應付如期有特別會計指定的款專營路事足資取信耳郵政雖由外人辦理主權仍持自我者亦恃不紊亂其定章不挪移其款項耳設與普通會計相混有借款合同制限者亦不過徒有取消特別會計之名耳外國借款公司投資於我國交通事業者豈能任我紊亂會計失其借款之保障乎恐不待外債本息之愆期外人將有不入耳之言或竟藉口債權之保障以攘奪路權郵政亦將不受指揮永無完全自辦之日矣且近日各國共同管理我國鐵路之議頗盛吾將謀抵制之不暇必自有鞏固之基礎方足以拒人之不我干涉設我正當共同管理說盛行之時自廢特別會計使其混入一切普通軍政費之列以危交通事業之基礎是適使外人得以藉口唯恐其共同管理之不速耳與其聽外人援關稅鹽稅之例共同管理且恐變本加厲影響及於國家之存亡曷若自定範圍自循軌道之爲愈乎此又特別會計之存廢關係國權有不可忽視者也若遽言取消恐彼時思復設立特別會計已悔之晚矣

鐵路協會懇親會演辭 民國三年

回顧第一次開懇親會倏已一年一年中本會經過一切情形有歷次評議會大會以及發行會報均已分別報告無須贅說今有簡單奉白者本會既爲鐵路協會自以鐵路爲唯一事業欲知本會發達情形但觀路事進行到如何程度便知本會會務進行到如何程度路事進行可分二種即鐵路本身之發達及一般人對於鐵路心理之變遷是也鐵路本身雖無大好之成績然所差強人意者光復至今各地機關多遭破壞公私掃地兩年以來並未復元惟有各路至今不但未有破壞而且接續進行營業成績繼

長增高年勝一年收入增多爲向年來所未有此雖不足以概辦路之成績然亦足見其一端至辦路職志以謀客貨之便利爲唯一宗旨各路從前因設備不足故多缺點現在改良設備改良規章期合乎交通行政之本旨復分別排除種種障礙此中甘苦有非常局不能詳言者此種成績非鐵路自身所能舉也純粹屬人主義殆非路員不辦民國成立綱紀蕩廢凡百進行非常遲鈍環顧各方面從比較上看來益覺辦事之不易鐵路成績之尙有今日實係各路員之精神製造而成此製造成績之路員本會會員實居多數所以方才說要看本會成績請就已成路事看之即是此意本會會務進行最重灌輸鐵路知識一事凡辦一事非得多數輿論之輔助其利益必不能多效果必不能大困難阻礙必不能減少凡辦事之阻力皆發自局外人譬如今日社會一般人民大概都知道鐵路之重要此種輿論多一人主張即少一分阻力當年李合肥因主張辦路所受輿論之攻擊爲最多李氏雖不灰心而路事進行却不免遲滯本會宗旨在使局中局外皆知鐵路爲何物具何等之作用關係何等方面然後當局方能着手進行至於人民智識現經遞進從前聽見鐵路二字即便反對此等人現已甚少然亦不免生無謂之阻撓所可喜者社會人民大都知鐵路需要非常之急以前客氣用事不知辦法曾經恭綽多次苦口力勸乃不以爲德反加以欺壓商辦之名此類情形今幸漸次消滅並多知錯誤欲速變更辦法且渴望早一日有路即早一日享受交通之益此即人民觀念之變遷却與全國路政關係甚鉅因其與政府方針符合一切事實可望進行不致徒託空言也灌輸知識以增進路界之發達本會同人皆負同一之責任蓋交通既經便利不論官營商辦但能本身繁盛其附帶事業均可相伴發達至於增加進款祇可謂自然之結

果而非最初之目的故交通事業但就營業着想殊未洞見本源必須先謀交通再計收入方得體要現有一方面人雖知鐵路之需要而仍專以增加收入爲目的此種誤解實不宜有譬如有一不生利之路而於軍事實業上均極有關係者如果單顧收入不知擴張延長因陋就簡在交通上卽不收圓滿之作用此種輿論上之誤點非速爲解釋清楚不可本會同人對於灌輸責任非常重大看今輿論變遷如此之速未始非本會同人鼓吹之力今後必須按此方針接續進行庶無愧本會同人之天職也

鐵路協會評議會演詞 民國六年

今日爲第四次大會後第一次評議會前在大會時各會員所提議案未及討論且按其性質應在評議會研究者居多故今特提出請諸君討論本席曩者曾以一言爲大會諸君告惜爲時倉卒欲陳之而未罄所言謂何卽願同會諸君以新學識應新潮流是也近世科學昌明凡諸事業月異而歲不同攷其所以進步之由莫不有相當之學識以與之相副鐵路事業尤爲繁複錯雜諸君研究有素當亦知之較詳故欲力謀路事之進步更非有相當之知識不爲功且處此競爭時代無論何事我不自謀則人且越俎而代之治路務亦然局中之人不自謀則必有局外之人出而代謀之繁複錯雜之路務其所進行之方策必至無益而有損者無待著龜矣吾儕今日身處局中對於路務前途不能隨世界之潮流急起疾追以求正當之進步然所謂進步者非可坐以待之而期其有成也亦非可泛言刷新而不求諸事實也以相當之學識由正當之軌道羣策羣力循序進行是匪直有裨於路務而已其影響於國家前途者寧有涯耶近日我國路務進行之速度較諸世界各國則誠覺其濡滯不前而以視國內他種事業則路事

之發皇未始非嶄然獨出較有進步之一端然吾儕萬不能故步自封以爲能是已足也凡事不進則退我國鐵路事業尙在幼稚積極進行寧有底止默觀近年以來社會對鐵路不負責任之督過已漸見其少實爲鐵路真象已表襮於世之結果然欲望真正之輿論以爲吾人之監督則必先去其隔閡使人人易得有鐵路之知識而後可而爲之輸入知識之郵者則鐵路會報時報叢報之責也本會會報言論較醇調查較真推行較廣其於造成今日之輿論不爲無功故本席希望本會會報增加資料以益謀鐵路知識之發展而後吾人辦事之阻力可以稍減且夫言論事實之母也本會盡其言責職在建議而已顧本會所建之議不必其果行於今日也但能建議於先以供當世研究之資料一旦時會可乘即可見諸實行若必俟時至後爲之備臨渴掘井急不暇擇卽幸而成必不能盡善盡美況以現今大勢而論金融緊迫路用材料又甚難得萬非鐵路事業積極進行之時及此暇豫之會正可就已成之路力圖改良並一面從容討論以爲將來發展之準備故本席又望在會諸君各本經驗學識隨時多提議案以供參考使我鐵路事業亦得隨世界之潮流繼長而增高焉此又本會之光榮也

出席國會說明交通四政預算案演說詞 民國七年

今日開始提出交通部所管路電郵航四政特別會計預算案政府特派本員說明本案之內容茲有一言不能不先爲貴院聲明者卽交通部所管四政爲國家生產之事業并非國家消耗之事業政府對於此項事業當日冀其發展不能僅求維持現狀致礙進行卽以鐵路一項而論日本路綫之長幾倍吾國營業發達亦日進未已而四年度預算案尙擬募債數千萬吾國土地之大物產之富而全國路綫不過

萬餘里他如郵電兩項窮陬僻壤未盡推行航業官營亦未舉辦此皆足阻文化之啓發礙諸政之施展政府從經濟上國防上着想覺吾國交通行政實不容不力策進行惟內審政府之財力外察社會之金融過事擴充力有不逮不得不於整飭之中仍寓儉約之意就路政一項言交通部年來增設新綫買收商路固已著著進行乃自歐戰發生金融停滯一切計畫都遭停頓現在未成各路除漢粵局勉強繼續建築隴海本屆擬募短期債款五百萬元權資接濟外餘如同成浦信甯湘諸路均以借款爽約悉予停輟至已成各路政府續投之資金亦經斟酌緩急均以維持營業爲範圍其擴充改良之費概從儉計故本案提出資本支出之數均屬事實上萬不容已之款且償還外債占資本支出金額過半事關國信尤難稍涉游移至於營業進款及用費交通部前經分飭主管各機關極力增收減支故本案提出之數支出一項已爲充量之核減收入一項已爲充量之增加蓋交通事業純屬營業性質增減範圍須徵諸實際情形未可漫爲寬計至與事實背馳轉失編製預算之本義以上各節均係本預算案與普通預算殊異情形謹先向貴院聲明至其內容謹分爲兩項說明之第一編製方法查交通部所管四政按照會計法第三十三條應列爲特別會計本預算案之編製即將四政特別會計之收支區爲部內收支資本收支與營業及歲計收支三項凡關於四政營業各項進款及用費屬於營業及歲計收支關於四政建設擴充改良諸費政府所投之資金暨借入債款與債款還本屬於資本收支關於部內調撥增補之款特別行政經費歸還歷年積欠各款以及交通部特別負擔之款屬於部內收支其營業及歲計一項係照交通部頒訂統一鐵路會計則例辦理凡屬營業之收支統列入營業項下其營業以外之收支如債款

付息存款生息借款折扣分期之消除等均屬於歲計項下故惟路政一項有歲計收支其電郵兩項均僅列營業收支至以上三項雖係分列而其間則有互相銜接之處且均以部內收支一項爲歸宿按照本預算一案所列營業及歲計收支相抵尙有盈餘卽以轉入資本項下彌補資本不敷彌補之後仍有不足卽由部內收支項下劃撥增補故部內收支項下所列借入款彌補不敷之數卽四政特別會計全部不敷之數此本預算案編製之大概情形也第二收支情形查本屆預算營業及歲計項下路政一項收入五千六百三十二萬元支出四千七百四十八萬餘元兩抵盈餘八百八十四萬餘元除提廣九債券紅利及京漢公積金等款淨盈七百五十六萬餘元此就其全體而言至各路營業收支之盈絀繫乎各地商務之盛衰物產之多寡運輸之衰旺及興辦之先後不能強爲一致如京奉京漢正太京張廣三五路約盈一千四百七十六萬餘元津浦道清滬甯廣九吉長株萍張綏滬杭甬漳廈九路約虧五百九十二萬餘元盈虧相抵尙可盈餘如上數電政一項收入七百七十五萬餘元支出五百六十四萬餘元內計電報盈餘二百零二萬餘元電話九萬餘元郵政一項收入約七百十三萬元支出七百二十九萬餘元不敷約十六萬餘元其不敷之原因則因西北各省如新疆等局交通否塞郵資收入其數甚微出納相衡折閱太多至東南各省局則收入固無甚出入但此不敷之款尙有迪化官庫協撥九萬餘元且仰待政府協撥者不過七萬餘元統計五年度預算營業及歲計項下收入七千一百二十一萬餘元支出六千零四十二萬餘元盈餘約一千零七十九萬元除政府應提出各款外尙可轉入資本項下彌補不敷者九百五十萬餘元參照三年度預算則本屆盈餘之數增加甚多查三年度路政原列收入四千

九百五十餘萬元支出三千八百二十五萬餘元惟當時鐵路會計統一科目尙未頒行各路會計辦法未盡適當致其中尙有少列各路產業折舊消除借款折扣等款約二百六十萬元該款五年度均照列支出又各路解部官本利息除京漢道清列支外餘均未照列該款比較五年度計又少列一百八十三萬餘元以上均應加入三年度原列支出數內方可比較故三年度支出應爲四千二百六十八萬餘元與收入相抵約盈六百八十二萬餘元而五年度與之比較則增二百零二萬餘元電政三年度盈餘一百十三萬餘元五年度與之比較則增加八十八萬餘元郵政三年度不敷七十四萬餘元五年度與之比較則不敷之數減少五十七萬餘元至五年度營業支出較之歷屆略有增蓋營業收支相爲消長進款增多則應需用費亦不能過事撙節但本屆支出之數亦非與收入等量增加此營業及歲計收支之大概情形也資本項下除營業與部內收支項下撥補外收入僅三百十九萬餘元支出則二千二百七十二萬餘元其中占額最巨爲償還債款及鐵路收歸國有歷年攤還股額計約一千一百七十七萬餘元至關於諸路改良及補充工程之費僅有一千零九十四萬餘元且此種支出純爲政府一種之投資一方支若干卽一方增加資產若干與營業用費又絕然不同也至於部內收支項下收入僅二百七十萬餘元支出之數則有五千零七十九萬餘元之多致相抵不敷四千八百萬餘元其不敷之原因則因歷年積欠均未能籌款償還積至五年度致達二千三百餘萬元又本部特別負擔如軍需局用款三年內國公債利息等又有六百六十萬元合計以上兩項應付之數計三千萬元實占支款總額五分之三至其他各款屬於交通部本部本年應行支付者不過二千餘萬元內計撥付資本項下不敷一千餘

萬元借款還本付息九百六十五萬餘元特別行政經費一百餘萬元此本預算案收支之大概情形也此外尚有須聲明者即航政一項歷屆均分列資本及營業兩項支出但實際並未動支茲將航政應需之管理補助獎勵等費彙列部內收支項下作為特別行政經費以昭核實本員對於本預算案應行說明之件大略如此謹請貴院提付審查俾資公決

鐵路協會電汽協會餞別席上演說詞 民國七年

鄙人此次奉命赴歐美考察交通實業兩方面之事業責任重大自當審慎將事作表裏細密之考察以期不負此行溯自歐戰停止以後各國恢復舊日之狀況及對德之方針此後種種經營必注意於遠東諸事業夫以各種事業綜合成為一種事業不外乎以下之五種原素一資本二器械三技術四原料五勞力查五種原素第一第二第三三種為歐美各國所固有而我國所缺乏第四第五二種為我國所固有而歐美各國所缺乏各國既缺乏原料與勞力勢必至利用其固有之三種以就其缺之二種自不待言此實為全國將來之禍福利害一大問題亦即吾人身家性命之關繫也各方面宜趁此時機急圖猛醒從速派人赴外洋考察各國國內之一切情形以備將來對待之方法查交通事業於各種事業中實佔一最重要之地位故目下第一應注意者即國內交通事業國內交通事業可別為二曰水運曰陸運我國水運事業多抱悲觀無可諱言若與各國在我國之航業相比較誠不及十分之一故各國現在我國之水運事業已極發達現在所注意者在謀得我國陸運上之便利此時若不急圖國內交通事業之發展則將來之禍患何堪設想適聞關先生所云此後歐洲之經營必注意於遠東之鐵路所見誠然在

座諒亦深悉現在國家非昔日閉關時代可比對外政策決非空言泛論所能競爭而抵禦者但徒抱悲觀不求辦法亦復於事無濟在目下惟一之要務宜速求進行之方針吾人凡辦一事計畫不厭精詳當思所以起點以及第一步第二步第三步如何進行結果如何此種準備急應籌畫周密以備他日對待之具古人有云知彼知己百戰百勝有備無患固一定之理也近日實業界發起一會專以討論恢復關稅自由夫我國關稅固由各國所協定者也在此時期力謀恢復固應時勢之需亦爲目前急要之圖否則既受各國之束縛於前更加以此次戰後之種種經營勢必至吾國無論何種實業均無立足之地而後已工商界人物創此議論良足欽佩因其所佔地位最有關係故見解格外明瞭深知此爲我國工商事業之生死關鍵但鄙人以爲我國之生死關鍵尙不止關稅之一種交通事業亦其一也夫關稅之自由迄今已數十年矣現雖有人提倡恢復果能達到自由之目的與否尙未敢預斷然既遇此種機會凡爲國民者自當同盡心力以期其成今吾人既居於交通地位則交通上之各種事業固應格外注意雖交通事業亦有陷於外人勢力之中者然尙未至於顯明不自由之時代彼關稅之不自由由來已久今猶欲竭力恢復其自由則未失其自由者更當設法保全其自由而冀其永遠鞏固此種責任本會同人悉當引爲己任適聞關先生所謂現在第一須表白我國自己有辦路之能力第二宜疏通外人對於我國鐵路之誤解第三應顯示我國對於鐵路之希望鄙人將來到外洋時必圖各種方法以表示國內交通之狀況及吾經營之鐵路已達於何等地位使外人得盡知其中真相則向日所有隔膜之處自能一旦融洽矣雖然空言表白無所憑藉終難取信於人必得一種實在證據以爲表示之信用證據何在

交通成績是也所謂成績卽是進步我國國內交通之進步果能一日千里比較往日有加無已則將來對於外人表白時有此種優美之成績以爲證據更足以取人之信用此鄙人今日希望於本會同人者一也鄙人此次出洋定期爲六閱月但可慮者未及六閱月之期外人已在我國有種種之經營並早提出各項重要問題矣屆時鄙人既不在本國自難參預國內之事故於此時期之內對於各國應作如何準備及應付之方法惟有希望本會同人盡心竭力從速研究一具體之辦法以供政府之參考頃間關先生所述種種情形恐難免不成事實如果趨避無術則舍我在座同人引爲己責共圖應付之方外其他方面之人物決不能辦以其所處之地位不同故無論如何其辨別終難十分明瞭本會同人既富有交通學術與經驗且職責所在甚盼從速覺悟克盡心力輔助政府以謀發展國家之交通事業使以上所述種種情形不致成爲事實卽不幸竟成事實而平日已早有準備可無大患此鄙人今日希望於本會同人者二也鄙人出洋之期雖假定爲半年臨時或因事再展長亦未可知查交換知識原爲本會之一種精神鄙人在外洋得有餘暇必盡力與各國之鐵路協會聯絡可以彼此交換知識並可採取他人之良善辦法及各種圖書報章以供本會之參考再者現在內外交通狀況之變遷一日千里鄙人爲維持交通事業及發展本會會務起見遇有發生各事須研究考察者請諸君與鄙人隨時通信若緊要之事並可電告如此內外合力維持進步則會務發達定可預期此鄙人今日希望本會同人者三也今再就國外戰後之經營言之各國此後注意於遠東之鐵路自不待言而電汽事業之趨勢頃間所云之五種原素各國利其所有以就所無之辦法當然亦在此潮流之中所謂電汽事業包括極廣非僅指電信

電話電燈已也此種營業其來勢極猛烈我國自應特別注意作一種準備並可利用此潮流相機利導未嘗不可造就一種事業留一將來立足之地凡我同人宜速預備他日應付之方法從長研究先行布置非徒持悲觀或主張排外所能息事也誠以今日世界軍隊之戰爭雖告終而經濟之戰爭方開始在此時期欲求可以生存非有一種覺悟之辦法不可故設法保持國際之地位及發達國家之利源爲目今惟一之要務否則空言競爭固無益於事而束手待斃又何補於國處此門戶開放之時代聽人來去自由試問其來者爲客耶盜耶抑反賓爲主耶此等結果一視吾人著手時預期之辦法如何可以轉移實爲國家禍福強弱利害之一樞紐也所謂樞紐應分作兩面觀若何可以轉禍爲福變弱爲強避害就利全賴持樞紐者之進行如何耳可不慎哉抑有說焉吾人之知能總能追隨人後或參贊一部分方能立足於今日世界之上譬如權度必兩面之重量相等方無高低之差若一面重數斤一面重數兩則一端必分外高上一端必分外低下故兩方面之重量相差不可太遠雖然培養學術固非一朝一夕之功能所能至但不幸至此時代處此地位急起直追猶恐不及焉能從容培養學術惟有一分才力先盡一分才力以應時勢之要需鄙人甚盼此數月中我全國國民能猛醒憤發以對待此經濟大戰爭而保全自己立足之地步尤盼兩協會引爲己責力求抵禦之方頃間關蔣二先生期望鄙人各節鄙人固二會一分子自應追隨於諸君之後此次出洋苟能增加知能有以貢獻於祖國方不負此行尤盼二會全體同人一面注意頃間所述種種情形力求抵禦之策一面指導全國人民知國家之禍福卽個人之禍福共圖正當之競爭庶可補救於萬一鄙人今日尙有他約不克與諸君作長久之譚話且行期已迫更不及

至諸君府上拜辭今日承兩會同人之招感謝之至卽此拜別尙望諸君見原是幸

交通研究會開會演詞 民國七年

今日本部開交通研究會辱承諸君子光臨實在莫大之榮幸此次開會係根據於國務會議議決案因我國自對德奧宣戰後凡財政外交農商交通諸要政事務既百倍從前出入之關係尤鉅均須詳細調查措置始有把握故決定各部均設立特別機關專事研究本部交通研究卽因此而發生名稱雖與他部不同大體要屬相仿本部尤認爲設立此會之必要者蓋本部管轄四政附屬機關太多日行事件沓至紛來因規章未盡完備支配未盡分明是以當局者精神材力日消耗於日行案牘之中自朝至夕幾無餘暇對於重要之準備遠大之企圖反不能從容籌劃著手進行交通事業無形中實受其極大之損失前清郵傳部時代曾設有交通研究所此次因宣戰機會得以賡續前緒集合與有關係之各方面經驗宏富學識深邃之人才共同研究則在宣戰期內以迄將來宣戰終止之時所有應行措辦之各種事宜既可周密完備毫無舛漏之虞又可使重要之準備遠大之企圖得以從容籌劃搜集材料討論利病成立各種議案以備施行藉補當局者所不及則自有此會之後交通事業亦必將放異樣之光彩雖謂今日開會之日爲中國交通歷史另闢一新紀元也可交通不過爲國家行政之一然鄙人敢斷言交通事業爲國家根本事業中國幅員廣漠凡交通便利之區教育農商工礦各政均易於改進易於展布反之雖有良好之計劃完美之組織往往因交通阻滯之故束手無策不能進行卽以軍事言之軍隊無論如何精強餉械無論如何完備然非有輪船鐵路供給運輸郵政電報傳遞消息則戰事上之能力作用

必減少其十之五六論航路郵電之自身本無戰鬥及攻擊之能然其輔助軍隊效力之大尤在戰鬥品之上故欲決兩爭之勝負當先覘其交通機關爲如何換言之今日戰爭非以士卒及槍炮戰爭實以交通戰爭則交通事業之重要爲何如也交通事業之重要既如前所述則上而政府下而社會當完全注重此點以求交通發達顧政府因財力之束縛既不能積極進行而一般社會因未明交通之真相並未諒交通當局之苦力徒觀其每年所報資本之多支出之鉅羣情疑訝造爲種種揣測之詞或且見諸事實以阻礙交通之前進不知交通事業需要資本太多此爲萬難避免之事實且人人咸以交通部爲國家謀利機關尤屬誤會如果顧名思義一審度交通二字之真諦且認清交通行政之責任當不致有此誤會交通行政之責任在謀交通之便利因便利之結果營業乃由此發達收入由此增加此乃一種附屬利益非其主要責任蓋國家舉辦交通事業之目的不同民間往往築一鐵路沿線出產異常稀少人民亦復無多成路之後非特無利可圖且每年必籌備大宗養路費供其虧耗然斷不能因無利之故遂停頓不前西伯利亞鐵路自開車以迄今日尙無餘利可言人終不以此爲該路病者其故亦大可知矣特此中原委曲折從前苦無適當之機會使局外人周知現本會所延聘之各會員均各行政機關重要人物且爲一般社會所信仰此後當可將交通內部情形爲局外人詳告使外間之誤會因之解除當局之困難得以減少此則本會所深爲希望者也諸君之名譽學術均屬駕越尋常關於交通事業亦均確有心得此後研究所得必有良好之結果以裨助本部已可斷言惟研究二字範圍大廓鄙意當先立一標準標準維何第一曰融合學問經驗爲一致吾人治事之方所賴者爲學問經驗然學問經驗斷不能

劃分爲兩事學問之中亦有經驗經驗所積卽爲學問猶之乎理想與事實不容偏重一端理想爲事實之母然理想亦有時根據事實事實以理想爲範圍然綜合許多事實又可另結一新理想辦理交通事務之人偏重事實似應以經驗爲主然有學問植其先基研究交通技術之人偏重理想似應以學問爲先然貴以經驗爲之後盾本會研究之宗旨當使經驗學術互相調劑即使理想事實互相貫通庶乎事均歸實際不落空談時時濬發新機不封故步此本會所應列爲標準者一也交通範圍包括甚廣世界之交通事業亦日新月異而歲不同本部所辦之郵電路航四政就目前狀況言之尙未能盡交通二字之意義例如高線鐵路地下鐵路汽車電車等均屬路政範圍以內今則未有也潛艇造船造鵠等事均屬航政範圍以內今則未聞也國家因財力人才有限僅能就目前之狀況按實做去若在本會研究則範圍不妨放寬取各最新之交通器具最精之交通技能詳加討論分別緩急後先其能見施行者固要搜集資料講求利病以供各路之取求卽暫時不能施行日後終不可缺者亦請先時預備以爲將來採擇之資此本會所應列爲標準者二也本會分設四股每股之中又分爲數類如第一股則分爲八類所掌者爲交通行政及與交通有關係之外交財政軍事教育水利等事項第二股至第四股所掌爲陸路交通水上交通通信及電氣事項各類之中又分細目此後擬請諸君自行選擇視何種細目爲研究有素者自行擔任庶於會務有益研究時亦較有興味至研究方法則用通信方法本部隨時通知由各會員答復又本會性質限於研究無時時敍會之必要以後大會擬不常開如有意見請照辦事規則第七條擬具說明書送至本會如有必需開會審查或討論者臨時再行通知

調查英國鐵路時之談話 民國八年

吾儕來英專爲調查鐵路轉運之事期以六月畢事因在巴黎和會耽擱在此不能久留自來此間研究各種鐵路辦理之法對於大中鐵道之馬利本站尤爲注意吾儕在彼考察裝貨卸貨之法在西夫爾得亦研究此事京漢鐵路欲推廣其主幹之交通至輕便鐵道將來自有人投資建築目今尙非其時合計此路營業六成運貨四成載人吾儕極欲使農業家知鐵路爲最廉最便之銷貨方法吾儕曾備一種子陳列車往來南北並使人對農民宣講新種子農業改良法及陳設出產於市場之法聽者頗衆車上有電影片及各種新式陳列法如鄉民多以火車運貨則農人及普通社會皆受其利是以吾儕對於裝貨及運貨之方極欲細加研究也對於劃一列車及裝備之法亦頗注意我國慣用美國重車能載四十噸者與貴國迥異吾儕無特別運客車多用法式後當力圖劃一現依習慣暫不一律目下車輛大半爲客車小半爲餐車我等對橋梁方事劃一我國黃河鐵橋雖欲謀改良者甚多其實堅固異常二三年前大水毫無動搖然每年仍竭力鞏固橋基以防不測所惜者我國橋梁不能受過重之機關車將來改良所費甚鉅軌道現亦力求劃一吾人來此參觀鐵廠亦正爲此今日國有鐵道共二十餘條爲數甚短將來全國鐵路將歸國有今日我國推廣鐵路政府已買得萬餘英里官督商辦粵漢鐵路兩頭修築中有八十英里之地基址尙未完工吾人來此既調查鐵路之管理法亦研究建築之工程幸此間鐵路皆歸國有頗易從事我輩曾往革立比及易明漢考查碼頭之設備及魚類之轉運甚爲發達由此往柏明漢沙爾突來之首善路車輛局研究列車之造法在此尙有五日逗留即往歐陸調查然後回國報告一切

或以戰後非調查鐵路製備及設施之時然吾輩來此深訝此間設備之齊全所得良非淺鮮將來對於我國統一改良鐵道計畫不無有補且軌間距離二國相仿亦易爲力更有一心得者即鐵路與港灣之關係今日我國僅有秦皇島近煤鑛處火車與輪船可以平行起卸貨物將來宜加擴充總之我國鐵路既可通行不可不力圖發展也

美國鮑爾溫機車廠中國學生會歡迎會訓詞 民國八年一月

茲承諸君招觀工廠藉圖歡敘原擬前往以副雅意祇以行期匆促未克如願聊致數言以代面談愚以爲學分體用中外皆同所謂體者即理所寄所謂用者即法所施重理而輕法其弊每至架空而乏實果重法而輕理其害偏於貪慾致失天真此學者不可不熟省者也吾國談理之學唐虞以降千百家計然可施於實用者每不多見歐美各國注重科學科學之本首推算法算法之成起於奇零而成正負試問奇零之解負號之源歐洲算學巨子皆爲茫然不特美國已也夫理既不明其法必及於弊於是學子公然私其科學甚至以之殺人而不惜良可慨也是以諸君之來此邦研究科學固爲初旨而攷求真理尤屬緊要以科學之法其利固多衡以至理害亦不尠行之西方已有不可持久之勢況更推行於吾國乎然則諸君所學未可摹倣形式要能判斷是非非僅練習技能要能善其運用惟望諸君勉力行之以爲國人標式國家前途有關係焉旅次冗忙不盡欲言尙請原諒

鐵路協會電氣協會技術委員會工程師學會聯合歡迎會上演詞 民國八年

今日承四會盛召又承沈先生代致歡迎詞迭聽之餘且感且慚光陰駒過溯話別時將近一年此一年

中所歷之地雖多然匆匆亦無甚心得舉凡各國現在之大勢及交通之狀況報紙所載諸君想早瀏覽茲僅就見聞偶有感想者略述梗概以作談話諸君祇能視爲重閱報紙可也此次奉命考察原限於交通方面今就交通方面之感想略述於諸君之前歐戰發生以來各國交通事業變動甚大其主要原因卽係受軍事之影響以致事業失其常度技術進步無多然各國當此時其經營各業之精神與法則尙斑斑可考今略述之交通事業有廣狹之分廣義交通凡人類相互間之關係均包括在內狹義交通不外人之交通貨物之交通音信之交通三種質言之卽所謂運輸與通信是也茲僅就運輸言之亦有陸地交通水上交通空中交通三部分陸地交通各國不僅恃鐵路除鐵路外於普通道路亦甚注重其里數較鐵路爲長大別之不外國道省道縣道三種類皆整齊完備足補助鐵道所不及我國則因鐵路之設而忘卻道路之關係曾憶前清郵政漸發達時卽有人倡廢驛站之說當時郵傳部尙書卽今徐大總統主張驛站不可廢以爲廢驛站卽廢驛道中國將無國道鄙人當時頗不謂然由今思之徐總統眼光之遠大迥非吾人所能及我國人士現應於研究鐵路外注意普通道路蓋以經濟狀況論治普通道路易治鐵路難故此時改變方針籌畫普通道路以與鐵路相聯絡鐵路已通之地以原有鐵路爲幹路以新修馬路爲支路鐵路未通之地先修馬路以備與鐵路相聯絡鄙人對於此事之計畫甚多非短期時間所得詳述也水上交通事業亦爲我國近來不甚注意者其區分有二一內地水路交通一爲海路交通我國航業四十餘年來祇有內地水運而無國外海運歐戰甫息各國航業尙無暇整理我國宜趁此時機以發展海外航業而謀工商業之進步然必須先有良好之海港爲根據試問我國有設備完全之

港口乎曰無有也如英之利華浦美之紐約法之馬賽等均係著名海港有碼頭六十餘所馬賽海港有十八法里之長我國海岸線之長世界所罕有竟不能指出一完善之港口殊屬遺恨國無港口猶人無咽喉既不能吐又不能納海外工商業從何發展歐戰告終以後各國爲恢復元氣起見均注意於中國而對於中國之海港亦多有論及之者此亦同人所極宜研究之事也至於內地江河最著者爲揚子江比年上游淤塞已改舊觀外人每議我國不注意水利卽如黃河只有水患而無水利是中國江河雖多而能利用之以發展工商業者甚少殊覺可惜將來江河事業如何經營固大有價值之問題也此外空中交通空中交通有二一曰飛機一曰飛船飛機我國已有飛船尙無但飛船用處不多且不如飛機之靈便現在之飛機進步甚速有所謂郵政飛機定期往來飛機其形式日新月異他日空中交通必能漸次進步與今日船車無異我國航空事業現尙幼稚但能切實研究其製造及駕駛之方法則三年蓄艾尙不爲遲以上所述從前皆不甚注意現在則須視爲重要事業提前研究海港應如何開闢江河水利應如何振興全國道路應如何修造飛行事業應如何研究均應劃出一部份之精神切實考求以應時勢之需要而助交通之發展凡此所談皆交通界有形之事業茲更就其無形之精神及法則可爲我國仿效而吾國今日實當務之急者略爲諸君言之第一交通事業須完全置於科學基礎之上不但技術爲然卽管理亦然蓋今日各國之新事業發達無限全恃善於運用科學幾幾乎事實與學理聯成一貫吾國日言新事業而知識習慣完全是舊式的欲求各種事業之進步烏可得耶第二科學之運用必須有相當人才鄙人此次歷觀各國培養人才之方法及職員成績之優美實有令人欣羨者其培養人才

之方法或注重實務教育或兼施學理教育各體教育機關或由政府設立或由公司及團體經營兼營並進宜其事業之日臻完善職員之富於經驗此種經驗非普通之經驗乃爲一種類或一部份之專長及實地之經驗也各鐵路大公司之職員多有在任三四十年者此等職員類皆幼年時代卽入鐵路公司公司或因其職務以涵養其知識迨位置穩固因經驗之增長而進於高等之地位所以無論擔任何事均能措置裕如現今各國鐵路公司之管理者概多係從前之生徒而漸次遞升於現在之位置者也凡充當重要職守者固應精通鐵路之實地作業尤須養成鐵路之全般知識此所以多數鐵路公司設立特種學校及講習所或由鐵路職員共同設立學校公司稍稍補助俾後進得以增長知識爲異日升階之地步培養人才方法之密既如彼培養人才機關之多又如此所以人才輩起新舊蟬接各種事業均得以收良好結果而不致有才難之歎中國數十年來創辦新事業甚多卽路郵電航四事之創始者亦皆極有眼光極有魄力惟對於培養人才一事不甚注意就現在招商局論之其事業較二十年前尙覺退化其能維持現狀者全恃二十年前遺留之根基譬如人之家庭祖父有遺產子孫縱不肖亦可支持數年若祖父未能盡教導於先使其子孫向善則其咎不全在子孫矣外人作事則不然自創業之日起卽預備接替之人故事業能一線相承日臻完善不甯惟是外人凡從事一部份之職務卽終身爲之絕不半途而廢而政府與公司又能施設種種方法使人樂於終身從事此則與中國情形大不相侔也第三習慣之宜改良外國社會習慣善良較多我國則不然一時間不經濟二金錢不經濟試問我國人每日之精神能用於正事者幾何終日忙碌大都皆非正務又皆互相依賴其結果必至於互相牽累不

惟國家於社會毫無裨益於個人之損失亦甚大試問事業從何進步國家從何富強耶此皆時間不經濟之害也至金錢之不經濟尤爲各國所罕見外人對於金錢固不甚吝惜亦絕不肯浪費凡普通自立之人類皆量入爲出或限入款之幾分爲出款以備不虞現見我國皆以奢侈爲娛樂視金錢爲土芥故社會份子極不健全各種事業無從舉辦卽如此次歐戰乃人民戰爭非軍隊戰爭各國之所以能禦外患能支持五年之久者其原因雖甚多而社會習慣之良善份子之健全人民之勤儉實爲其重要原因總之世界多事非吾人安居遊樂之日測彼蒼深意方以遺大投艱試驗吾國民之實力若何凡我同人可不勉哉此外尙有所謂人口問題者各國人口均有減少之傾向法國爲尤甚吾國地廣民衆何不利用人口之要素以圖經濟之發展乎至於各國現在之大勢以美國與日本爲最有借鏡之價值美爲大陸國原料豐富工藝發達情形與我國略同日本地小民窮竟能一躍而爲一等強國莫之敢侮者其朝野之經營亦非一朝一夕我國對於美日之現象均應隨時研究以爲摹仿地步他若勞動問題亦爲世界最大之潮流此種思想之發生及其蔓延之原因甚爲複雜不遑詳述中國若受其煽動傳播甚易必須預防於未形之先則事半而功倍猶之吾人欲防疫病之傳染宜先研究衛生以免疫症之發生與蔓延固非僅希望政府當局之盡其責任乃欲社會一般之民衆咸澈底覺悟懍然於勞動問題之重大而共圖救濟之策大抵此種政策宜由政府社會個人三方面共同預防共同救濟方不致有何種危險吾觀現時全國人心因時局之紊亂抱消極者甚多一若舉國之大無一事可爲抑知人人如存一求己之思想發展個人之能力盡其所當盡之職辦其所當辦之事則社會之革新國家之隆盛固非難事若仍

因循泄沓怠於進取則此隱伏於社會之禍根如厝火積薪終有爆發之一日環顧各國未有如中國人民幸福之厚者我輩尙其趁此時機努力前進勿稍因循以貽後悔也以上所述各種事業及感想不過就所見所聞者略爲陳述諸君多有遊歷各國者對於鄙人所述各事尙望有以教之

交通校友會演說詞 民國九年

今日爲交通校友會秋季大會之期又與諸君歡聚一堂曷勝欣忭鄙人忝任會長已歷兩年正愧無以貢益於諸君今日原擬藉此縱談惟時間短促恐言之不能詳晰姑就平日之所感觸覺有不能已於言者與諸君一商權之近百年來科學大昌物質文明遂爲一般人所注重發明創造接踵而起實業日益發達交通日益便利國力民生胥賴以臻強盛繁榮之境然使極端提倡物質文明而輕忽精神文明其流弊必至驅誘人類盡入競爭私利之途此則事實昭然可以覆按者也鄙人游歐時親聞各國遠識之士多以爲此次大戰當歸咎於極端物質文明之弊害紛紛集會著書研究此項問題即如新近來華之羅素氏即主持此說最力者在吾國科學本極幼稚即側重物質文明之提倡亦尙不虞遽致大弊然吾輩既已親見他人之覆轍正宜預事防杜保持二者之平衡善變法者貴乎能取他人之經驗以爲吾用避害就利則事半功倍而無後患若膠柱鼓瑟惟知循他人過去之塗徑而不加以別擇必致他人已越過終點而我猶彷徨歧路永無與人並駕齊驅之一日也諸君在鐵路郵電兩校或方肄業或已先後畢業所習爲應用科學諸君本身之職責在乎出其學識與技能爲利用厚生之工具簡言之諸君所學所用即重在物質文明然諸君勿以爲一有科學之知識與技能即可應付一切而無假他求也須知學識

與技能譬猶飲食之於人身雖有齒牙以供咀嚼尤須以強健之胃挾其菁英遺其糟粕運用之於各部分俾咸盡其營養之效能不然徒如狼虎之大嚼無補於體且足致疾吾人既有相當之學識與技能則尤貴有清明強固之精神爲之主宰以資運用否則泯泯棼棼隨人俯仰充其量亦不過盡機械之能事決非所望於諸君者也所謂精神文明可概括於宗教道德哲學三者物質文明不過人生之工具而已至於人生根本之修養必有賴於宗教之信仰道德之範圍哲學之學理宗教信仰議者或疑爲迷信然亦視宗教之性質信仰之界限何如耳宇宙之現象科學足以解釋之科學所不能解釋者哲學足以解釋之至於宇宙之本原始不得不從宗教之解釋人類皆有求知之本能復有信仰之慣性宗教信仰誠有確乎其不可廢者況各教教義皆含至理中人以下得而涵濡詠味之足以爲處世持身之指導未可忽也道德之爲物準之倫理學誠有時代地域之不同然道德自有其標準所不同者特輕重廣狹之程度若標準則在人類範圍以內舉莫能易也卽如舊說之仁義禮智信五德與希儒亞里斯多德所標之智惠仁惠節制中正四德何以大異特人與人相接之關係昔偏重於家族方面今當加以恢拓而稍重社會方面此自不能拘泥成見至於哲學學理萬緒千端自非專門名家不能盡其源委諸君研究科學之暇亦僅能以餘力及之顧鄙人所欲諸君注意者卽人生觀是也當思我生爲何而存在必如何而後不負此一生具體言之人之得年不一以六十年之中率計之當思此六十年中應作何種事業除十五歲以下智識未充足外自十五歲以至六十歲每年應作何事如何進行皆應自定計畫循序漸進以底於成苟中國盡人皆有一計畫則中國爲一有計畫之國家圖富求強皆不難致不然人人無一定之計

畫隨波逐流虛耗光陰是之謂醉生夢死已不能立遂不能立人於公於私皆爲有害吾之所謂計畫非謂謀己之利益須公私兼顧有益於國家社會始爲正當之計畫也世間不乏畢生犧牲爲社會服務者矣諸君將來投身交通界責任綦重應於入社會之前預定方針自策進行將來交通事業之有進步與否胥視諸君之計畫何若矣鄙人在交通部辦事已十餘年雖亦嘗有所謀畫深媿百不一成蓋皆爲環境所牽掣阻撓因思彼力犯萬難隻手造成事業者殆爲英雄豪傑諸君中或不無英雄豪傑惟論事衡人須以中人爲率中人處世只能抱定計畫漸進不懈今之社會一惡社會耳吾人日與惡社會周旋情勢險巇望諸君力自振拔戰勝惡社會毋爲惡社會所淘汰也諸君在校學習專門學問嚴格論之在中國初無專門之可言吾二校之性質亦注意應用方面而非純粹科學學府須知經驗亦學問之一體無相當經驗不得謂之全才譬如鐵路管理科目極繁如車務運輸如工程機務等在在皆與社會有關係一舉一動影響甚鉅卽以一站長言之除車務運輸等事外當地商務狀況以及風土民情直接或間接與交通事業有關係者皆在須知之列皆應留意考查如此始足以言應用鄙人以爲在今日之中國辦事極難然亦極易曷謂夫難風氣未開動遭反對曷謂夫易百端待理需才孔殷故終不失爲成功之良好機會總而言之欲求建樹應先謀智識之充富益之以精神修養導之以預定計畫隨時留心多求經驗斯不難所向有功矣中國交通事業言之極爲可恥稍有成效者皆外人所創辦鄙人十年來每有所規畫不克覩其成效考其原因多由缺乏相當人才爲之輔翼進行故亟盼二校廣儲人才以備任使夫國家一有機體也人才之發育自幼而壯而壯而老端賴吸新祛舊以資維持國家亦若是其能

久存不敝實得力於新陳代謝若人才輩起前後相繼孟晉不已始有自幼而壯之趨勢無自壯而老之衰象故欲保國家之發達莫要於教育所幸今之主其事者咸同此心極力經營人才蔚起直意中事鄙人之長交通部務亦非敢謂有所建白不過欲期用此地位達到培養人才之目的庶幾去職後繼起有人可資付託蓋重大之職責須公開而付託於賢才猶須假以時日養成其資格方能勝任愉快諸君即繼吾輩而起者也交通事業自己往至今日其責任我輩負之自今日以至將來則諸君負之將來之事業則諸君之後進當負其責若是則繩繩相繼若一家祖孫父子之世其業始足以維持久遠天下事之收效每遠至數十百年後故一種計畫必須一氣呵成不能斷斷續續而爲之諸君當深思國家所以相需者之重大勿令交通事業有中斷之虞斯鄙人之所不憚往復丁寧者也

技術委員會第三次工程會議訓詞 民國九年九月十三日

鐵路技術委員會成立於民國六年其時恭綽任交通次長之職實主持之今度由歐美各國考察交通狀況歸來被總長交通之命又適值本會第三次工程會議正式開會之期恭綽重得與諸君晤言一堂誠深慶幸竊思中國之有鐵路三十年矣迄於今日綜京漢津浦京奉京綏隴海正太道清粵漢廣九南潯東清吉長以及雲南南滿諸路線而合計之軌路通行七千公里運用車輛萬六千輛縱橫四至脈絡已通織緯補經事工未艾方其開辦之始國內風氣未開工業幼稚舉凡鐵路所需人才資本材料三者悉須賴友邦之佐助於是或英或法或美或日或俄或德各爲指定線路分頭進行以速事功而均利益當時各路技術人員乃亦各秉其素有之經驗先進之良規議計施工聚精會粹并能顧全大局採取通

用軌制同式接鈎俾各路車輛可以通行無阻凡今日交通之便利工商之發展歷來之辦路諸君悉與有功焉惟是事權一分辦法必異源流既別支派乃繁而路務貴能貫通設備宜求畫一技術一方關係尤巨歷考東西各國除日比諸邦鐵路悉歸國有計畫集於中央而外其餘各國在英則有工程標準會在法則有鐵路技術統一會在德則有鐵路聯合會在美則有材料試驗會鐵路統一會等等大都聚鐵路技術人員以及製造專家合訂統一之辦法料件之標準前年美國鐵路收歸國辦之際更有統一車輛式樣之根本辦法以便利製造減輕成本法至良意至善也返觀我國鐵路技術上之紛歧較各國爲尤甚蓋不啻集各國向來種種未能統一之習慣而兼承之以成一大不統一之局面以言橋梁軌路則有承力強弱之不同以言機車車輛則有式樣載重之不同以言行車號誌則有用法種類之不同甚或一路之中軌路情形此段與彼段不同車輛式樣多至數十種者況中國鐵路應有合于中國山川特狀之設計合于中國運輸事業之車輛縱各路主管人員力祛積習以研求盡善而用力既分成功必寡甚或愈研求而愈紊亂凡此種種若不及今補救將來路線擴張勢將益滋糾紛欲求統一其艱鉅爲何如恭綽有鑑於此乃遠仿歐美先進之成法近循本部統一會計辦法之前例而於會計統一會法規委員會以外另行創立鐵路技術委員會成立迄今兩載有餘在會諸君自前會長現會長副會長各顧問各主任以至各專任各會員或經驗宏富或學識優長而大都曾在國內外鐵路久任要職恭綽於本會之始對於諸君早具有無窮之希望現在本會經諸君慘淡經營對於總務行車工程機械各方應行統一事項均已籌有具體辦法又歷開正式會議集各路主管人員公同討論將來技術統一全案告成推行

全國俾得破除界限消滅成見定已成各路管理上之方針立未成各路設計上之標準實于路政前途裨益匪淺抑恭綽對於本會以後之進行尙有三種希望

一、統一標準之應適合國情也 吾國鐵路工程設計車輛式樣行車向祇襲取歐美成例於國內山川形勢商業狀況未必盡能符合現在對於各種標準應集合衆善折衷一是務求設備之適合於國情而仍與本部交通事業國際大同之素願不相反背此所希望於本會者一也

一、材料規範之應普合於世界市情也 吾國鐵路材料往往彼此不相通用定購規範每多偏一市場膠守一國之習慣即指絕各國之競爭既無比較又失公平此後各種材料畫一之規範應將各國製造上之習慣互相參證於兼收並蓄之中寓嚴格取締之意以免偏重一方之詬病而使各路得以最低廉之代價採取最上乘之物品此希望於本會者又一也

一、一切計畫應顧及國內工業狀況也 凡本會所定橋梁鋼軌車輛料件種種標準式樣在國內工業未發達以前總須徵諸國外郵船往返費事費時加以各國自經大戰原料缺乏儲值騰貴物價之昂數倍往昔凡此種種影響於鐵路經濟者甚巨吾國物產豐富工業低廉及時組織廠場實於工業路務兩有裨益國內外不乏資力雄厚之工業大家知必有投袂而興者我政府無不竭誠協助期底於成是應於一切計畫之中寓提倡之意此則希望於本會而兼爲國內工業前途深切企禱者也

凡此種種敢望在會諸君妥慎研求各路主管人員推誠協助以竟本會垂成之功而爲中國技術上立空前之偉績則非惟本會之榮恭綽之幸實爲吾國之光也已

交通部交通行政講習所開學訓詞 民國九年

今日爲交通行政講習所開講之期，教員與講習諸君濟濟一堂，蔚然始業，鄙人得與盛會，良用欣然。按本所章程所定畢業期限頗短，或慮時間迫促，恐事實上裨益無多，此則鄙人尤願乘此時機，一與諸君申明其微意者。交通事業關係中國大局前途至大，此固夫人而知之。近年以來，全國交通事業實介在有進步無進步之間，路線亦曾推廣，電郵亦已增設，理論上不能謂之絕無進步，但以與東西各國相比較，其遲速之程度相去乃不可以道里計，比較上亦直可謂等於無進步。夫以吾國值此世界經濟潮流衝盪外交變化急劇之時，欲希望維持國家之生存，發達國家之能力，雖急起直追，猶恐不能應時勢之急，試思豈復長此因循所能度日？且居今日而言興辦國家社會各種事業，交通不完備，決不能下手。姑以軍事論之，我國東北西南邊界皆與他國毗連，應如何佈置防維以防患於萬一？乃以距離之過遠，交通之不便，政令每每不能直達，呼應每每不能敏捷，國防上之設施遂全然無從着手。觀此情形，誠不能不覺交通各種事業之關係切要，以廣義而言，全國國民均應有扶助交通事業進行之責任；以狹義而言，則交通部應負惟一之責任。夫交通事業應如何而可使之發達，此問題甚大，頭緒極繁，誠非片言單詞所能解答。顧交通事業之推行要而言之不外行政技術業務三方面，於此三方面者，須平均注重，平均發展，然後交通事業得立於鞏固之地位而進行，不致阻窒。此實各種問題中之最重要一問題。吾人對於技術方面，則於部中設立技術委員會籌備統一鐵路井多方搜羅專門人才；對於業務方面，則推廣線路擴充營業釐定運輸章程種種皆不可謂未曾盡力。因此而此二項人才亦尙不虞缺乏。然溯自

前清設立郵傳部以來有在部服務二三十年之人祇以前此未能將三部分畫分明晰分程并進故常有行政地位之資格已深而平日所注重者仍爲技術業務兩方面之事於行政之自身問題仍多未暇研及者以此遞相沿襲行政人才自覺日少遂致爲一切中樞之交通行政轉覺以未加重視而不見起色自有交通歷史以來此實一大缺點殆無可諱本來行政技術業務三者理論上不能絕對分離必須互相爲用例如一切設施之根本在於法規苟法規尚不完備則根本未定進行何所依據本部路電郵航各種法規多尙從闕雖陸續制定而挂漏仍多此爲辦事上一大阻礙卽行政方面未能充分進行之明徵將來事業益趨發展情形尤爲繁複必非單純之知識所能應付彼從事於交通技術交通業務者固非各具其專門知識無由從事諸君從事於交通行政者何獨不然且諸君試思不論作何事業對於其事之意義範圍統系責任心均須明瞭教育有教育行政司法有司法行政交通有交通行政諸君對於交通行政已有具體之觀念乎鄙人因交通事業需要此種行政人才因有交通行政講習所之設立期以最短時間俱能明瞭本身行政範圍及所負之責任並期以二三年間全部份人均可輪流獲得此項知識所以畢業期限較短者微意在此其爲諸君所已知耶則可資以印證其爲諸君所未知耶則可資以啓發學問無窮應用極廣諸君從事於此雖復深淺不齊要皆已積有經驗經此一番講習之後於實際上格外多一層印證卽學理經驗更可融合鄙人無似從政有年雖自幸無大隕越而遇事常覺有不能立下判斷之時自知皆由學識之未能充足想諸君或亦有感受此苦痛者以前諸君卽或見及於此而欲補充其學問亦必率皆苦於無機會現在庶可騰出時暇專心講習適張所長謂學問係精神上

之事鄙人深望諸教授與講習諸君本教學相長之精神互相淬勵尤望諸君於此三月之內盡獲各種應用之學識今日所學期於異日行之不但於諸君前途有益交通事業之將來無窮發展皆將於此卜之矣

吉長路土們嶺隧道開通典禮演詞 民國九年

事無鉅細力行乃舉工無難易謀定乃成具有堅卓之精神始成永久之偉業凡百事功其揆一也鐵路事業計畫偉大尤應本此宗旨積極進行迺克有濟吉長鐵路築自前清成於民國通車迄今將及九稔而正式開通典禮遲未舉行則以土們嶺山洞尚未鑿通之故也土們嶺山勢逶迤無法繞越施工設計着手殊難本部爲慎重工事樽節經費起見迭經派員履勘估價繪圖妥爲籌劃或主開挖山洞或議改道挖深優劣所在驟難決定最後由曲尾工程司詳加核議採用開挖山洞之法爾時該路營業伊始收支未裕工鉅款絀不敢冒昧以行荏苒數年實行未果惟是暫設便道建築不堅軌綫欹斜異常峻急車輛行馳受損既多客貨往來危險尤甚長此以往影響無窮隧道工程之建築確爲刻不容緩之圖爰於民國六年令飭路局准照開挖山洞辦法辦理確實估計備款興修造具標式招工承辦七年冬間開始興工洞長計一千六百英尺用款約二十四萬元凡閱二十餘月而工竣是悉賴兼領局長權督辦暨三本代表督率有方各工程司規劃周妥地方官力爲協助故能循序漸進如期蒞事經營締造艱苦備嘗本總長多年願望今日竟觀厥成曷勝欣幸自茲以往路綫平坦障礙悉除客貨安全運輸迅速營業發展指日可期況吉林土地肥沃物產富饒貿易盛興商旅輻輳該路綰轂其間內通都會外達鄰國國計

民生均繫緊要所盼在事員司熱心毅力共策進行俾古長鐵路之效用日益助長地方之開發此又本總長所深爲期望者也茲值開通典禮正式舉行之日爰誌數語藉慰諸君平日辦事之勤願共勉之

鐵路協會懇親會演詞 民國九年

本會自成立以來年年舉行懇親會一次成爲慣例本會是一種公團與人無異有思想有動作逐年增進亦猶人之由少而壯比較不同於人之處人有由壯而老之境會不應有老至之日且應永遠前進長生不老耳本會成立已歷十年全恃我全體會員有特別精神以維持之是以得能久立日有進步曩日曾論及本會在國內各團體中比較實爲壽命最長之一團體但以本會現在而論纔如數齡之小兒尤應盼望其能長久就已往視將來壽命必須日長一日譬如一人不但盼望其壽命長並應盼望其身體健康可以作一番大事業團體何獨不然想本會應爲之事業極多就其本身之能力以發達其前途之事業而完其擔負之責任是全在我全體會員有特別精神獨力前進也前人不云乎人生境界不外三種一已往一將來一現在大約最繫戀是已往最渺茫是將來最悠忽是現在本會已往之成績比較各團體獨占優勝但應有回想之地步不可令後數年不如前數年之有進步是卽對於已往之事實而言也至於將來本會事業係鐵路中華民國鐵路事業固極遠大應思若何擔當及輔助鐵路事業之進步須放開眼光看去是卽對於將來之希望而言也現在解釋此二字可云沒有因時間一過卽成已往卽如今日本會開懇親大會而論會事一畢卽成已往可見現在是容易過去往日本會會員散處各地不能晤言一室今日因開會之便全體會員可以見面如會章云交換知識聯絡感情正可利用今日之機

會深盼諸君莫將今日之好機會悠忽過去是卽今日開會之宗旨也

第九次國有鐵路聯運會議開會頌詞 民國十年三月

今日爲第九次聯運會議開會之期各路代表聯袂偕來曷勝歡幸迴憶七年前鄙人任交通次長時始召集第一次聯運會議於天津頻年以來聯運事業日益發達今則互通車輛及貨物聯運均已實行其所裨於公衆者爲何如也吾人既服務於鐵路宜爲公衆盡力以謀行旅往來之便利工商實業之振興今以諸君之致力於聯運事業者言之自創始以來迄於歷歲之進行咸足見諸君之克盡厥職曩在民國四年聯運旅客不過十四萬四千餘人進款不過百有八萬餘元至民國九年則旅客凡十九萬四千餘人進款至二百三十六萬餘元五年之間旅客增多之數凡五萬人進款則增多一百二十餘萬元矣設更合貨物聯運及車輛互通言之則民國九年各路聯運項下之收入已四百八十餘萬比於民國四年蓋四倍有半矣設非近來迭遭事變運輸多阻所得當尙不止此也吾人觀此成效實不禁感念往事益勵將來在昔鐵路初興各自爲政莫相扶持諸君當皆能憶之此雖各國鐵路必經之階級然而鐵路之爲用宜互助不宜獨立宜聯絡不宜分馳必彼此通力合作而後收效乃宏甚望諸君共喻此義凡服務各路者不惟爲本路計而已更宜對於他路保此互助之精神以謀公衆之利益觀於今日一堂濟濟與夫前此聯運之優良成績知諸君之能互助鄙人無任欣慰且今日在會之人有未經參加聯運者亦皆來此與會愈信鄙言之不謬也諸君勉乎哉其益圖後此之進行諸君既植其基當求所以恢弘而光大之今貨物聯運創行未久不敢謂已臻完善宜如何興利除弊使貨運得以發達實今日一重要問題

也至於車輛之互通宜求便捷更足表各路互助之精神尤爲諸君所宜留意者也諸君前此之成效既已昭著則後此必能收美滿之結果完此偉業唯諸君是賴鄙人有厚望焉

鐵路技術委員會第三次機械會議訓詞

往歲九月鐵路技術委員會招集工程會議曾蒞會致詞以三事爲規定標準之鵠三事也者一適合國情二普合世界市情三顧及國內工業此意度已爲各路技術人員所共喻今者復有機械會議之舉恭綽不敏所望於此會議者初與曩昔無異惟期於斯三者一爲留意耳抑更有進者鐵路技術以機械爲至繁繁則統一綦難東西列邦經驗既久攻治亦專幾經討論乃有今日吾國築路也晚學社無多以故經驗有限研究之人遽言統一標準其難固不待言所幸他山之石假助孔多凡列邦之已事皆吾國之前車舍短取長何患不事半功倍矧全國路長僅七千公里此時而言統一自必易於他邦蓋設備未豐雖新制與舊者微異不難以漸更易所費必不甚鉅是故國內雖乏資考國外尙可借鑒及此時機定立標準一以適合國情普合世界市情顧及國內工業爲指歸坐而言者不難起而行恭綽願與諸君子共觀厥成焉

中華全國道路建設協會開幕演詞 民國十年十月

今日貴會開幕承會長暨諸君見招非常榮幸奈因職務羈身不克南下親與盛會歉甚悵甚特託上海造幣廠長薩福懋代表到會陳述鄙意以資貢獻惟諸君教政

吾國道路之制講求最早遠在三千五百年前成周時代各種制度已甚美備其時中國一家衆建諸侯

半係宗親甥舅之國會盟朝聘車轍往來道路之用偏重於聯結感情交換知識懋遷物產等事洵可稱爲美滿卽今江浙兩省地方僻居江表亦已感受中原文化後來吳越強盛通於上國北方文物且漸漸移過江南非藉道路交通之力安能收此良果及秦始皇統一宇內築馳道於國中起長城於邊徼一面力求內地交通之便利一面限阻敵人侵掠之途徑其精神已一變而注重於軍事自是以後吾國歷史全入於戰爭狀態所有建設皆從軍事上著想趙宋之軍州朱明之衛所無不以兵備爲先前清盛時驛站制度極爲完備自京師至各省以迄蒙藏滇黔有官路四五萬英里步行之路十萬餘英里設驛站一萬四千餘處四通六闢無遠弗屆屬管理權於兵部所有調兵轉餉飛書布檄皆馳驛傳達其不關軍務之事須奉特旨乃能遵驛道而行可以證明其純爲軍事設備之意民國成立此種驛道漸就廢弛殊爲可惜淺識者每謂鐵路代興已無用此種道路之必要貴會乃獨放眼光排此謬論謀江浙兩省道路之改良期爲全國道路改良之先導復前代之良制盛業至可佩也設置道路獨偏注於軍事此種思想自不能見容於今日灌輸文化促進實業獨用鐵路而不用普通道路此種理論亦無復成立之餘地故前年大總統明令頒布之國道條例實爲政府與人民共負之責不過當局者怵於籌款之難不敢輕於舉辦耳然鄙意以爲籌款雖難尙非絕對無可設法前清驛道並未消滅就原有規模加以整理與完全創造不同則所需款項亦少若將驛站經費澈底清釐撥充修繕之用未嘗不得多少之補助又募用人夫辦法有可以利用者兩途（一）災民國內連年告災卽豐稔之年一二省偏災亦所不免此爲極不幸之事若在被災地域舉行修路容納饑民作工祇給食糧不予工資所省費用當得十之三四則荒政路政

兩受其益去年北五省旱災交通部修築滄石煙灘兩鐵路路基美國紅十字會修築自山東德縣至山西太原貫通直魯晉三省之汽車路均用此項災民著有成效考之歐洲歷史巴黎某馬路係大革命時聚百萬待食之人所築至今未經再修堅實著於世界皆先例之可仿者也（二）工兵吾國養兵過多不必諱言遽言裁減或生窒礙若將各省常駐軍隊於承平時抽撥工輜各營士卒使任路工可省修路之費可代訓練之用豈非一舉兩得昔左文襄公通道新疆自陝西之潼關至新疆之伊犁長六七千里寬廣坦平道旁植柳數百萬株皆用湘軍爲之至今稱便南京儀鳳門內馬路路工堅整兩旁林木葱蘢爲吾國都會有數之馬路亦某提督率其部卒所爲也

由此觀之可知能設法利用當可減少費用若干且因修路而別方面所受利益亦復不少至全國道路貫通以後鐵路尤獲互助之利郵件之遞送電工之巡察又必同收迅捷之功恭綽職掌交通鐵路郵電之管理是其專責故對於貴會之成立不啻得一良友慶幸之至深願竭盡棉薄贊助貴會發展並祝貴會提倡之力將使全國踵起共躋平平蕩蕩之途也

交通大學開幕演詞 民國十年

今日爲交通大學成立後第一次始業之日京唐三校同時開學踴躍濟濟異地同門鄙人目擊其成不勝欣幸我國革新事業惟交通最盛然多爲外人經營揆諸國民自治之義相去尙遠鄙人籌劃交通事業十有餘載雖有略著成效爲國人共見者而欲發展懷抱有所設施每因人才缺乏事半而廢撫念國事阡危重寄無託培育人才之思非一日矣今者交通大學完全成立往者教育之事結晶於此交通前

途誠堪慶賀匪獨一人之私幸已也惟是此番改組幾經波折其中如輿論之揣測經費之缺乏合併之困難統一之障礙均迭經排解得以進行設非三校人員協力同心亦難有今日之氣象斯則鄙人對於三校人員不得不表示感謝者此外三校學生亦多加以精神之援助鄙人對於諸君往昔少接觸之機會今則略事談論至快積念諸君皆學問中人請先言學問之事鄙人前自歐美歸來目擊其新潮頗有思感嘗以爲諸君修學當以三事爲準衡第一研究學術當以學術本身爲前提不受外力支配以達於學術獨立境界第二人類生存世界貴有貢獻必能盡力致用方不負一生歲月第三學術獨立斯不難應用學術愈精應用愈廣試申言之夫學術之事自有其精神與範圍非以外力逼迫而得善果者我國積習以衡文爲進取之階於是百藝均廢惟儒術僅存雖科舉之制爲其厲階亦由學者不察不能辨科名學術爲兩事也美國工藝之盛甲於世界然說者謂其偏重出品之量及成功利益以致學術之精神不敵歐陸此又不辨利祿與學術爲兩事是故求學術造詣之深必先以學術爲獨立之事不受外界之利誘而後讀書真樂此所謂學術獨立非必與致用分離方今科學昌明無處不有學問小如砌牆連鐵大如行車造路莫不含有至理蓄有精義非如往昔但計成功不拘效率者此所以研究學術在人類之虛慾言之當獨立而在人類之幸福言之貴致用也以上言諸君求學之旨趣及應有之觀念然使無適當學府爲培育修養之地亦且徒勞無獲所謂適當學府其義甚泛必分析言之方知棄取鄙人以爲學校如一有機體倘取其組合之要素逐一研究之則全體呈露試以交通大學言之其創學宗旨爲培植技術人才其已辦科目爲工程及管理其教員爲宏儒碩彥其學生爲俊髦優秀其管理師法歐美其設

備融合中西其地點爲分散其精神爲團結益以往昔之名譽將來之希望以視適當學府相差微矣我交通大學自成立以來積極改良已爲有目共見雖因出世甚晚較之歐美先進相形見絀然退而言之彼之祕密我得窺見彼之失敗我未身嘗倘以最新最後之方法猛晉追求未必無同趨一軌之日是在我大學同人之努力矣將來全校之計劃進行方針程序斷非片言能盡茲姑以鄙人對於辦學之期望略爲陳述想亦爲諸君所樂聞也鄙人深信學校之目的在培育人才而其機能則並足輔佐社會之發達今我國之工程智識及設備至爲淺陋雖有鉅大實業之提携亦患未能普遍瞻彼外國大學之功用誠有足令人興奮者惟是內部未臻完善效用難期遠大發展學校之機能亦非一手一足之力所能奏效蓋學校如一商店僅有如肆主之職員操縱一切未有能成事者必也如顧學之客生如技師之教員互相諒解同德一心羣以大學之利害爲前提社會服務爲原則雖各有其個性各有其計劃各有其精神而行動一致心同一理斯則鄙人所切盼者矣現在大學根基初固應行興廢之事不勝枚舉所願諸君探學之餘共念創業艱難予以匡助大學幸甚

對於裁撤鐵路同人教育會的意見民國十一年

鄙人今天謹以個人資格及前此鐵路同人教育會會長的資格對我各路同人及有關係諸君發表幾句話鐵路同人教育會這個會現在已經被交通部消滅掉了交通部爲什麼要消滅這個會呢傳聞有兩種原故第一種他們以爲這個會係鄙人的一個私機關並且教職員學生都是我的黨羽故不但要消滅這個會並且要消滅這一分的教育事業第二種他們因會中歷年省儉儲蓄現尙存十幾萬元打

算拏去做甚麼用因有這兩種原故所以下此辣手但這兩種原故說起來都很可笑第一種這個會是各路公共辦理同人教育的總機關會長不外替各路同人辦事的一個頭目凡事均須依照章程去辦這個會又不是會長一個人的如何能夠就是會長的機關如果他們與會長不對儘可換過會長不應該消滅這個會而且這分教育事業完全是各路幾萬人大家公共的大家都出過辛苦得來的錢而且教育自己子弟大家都認為極要緊的如何可以聽憑部裏的喜怒便輕輕廢掉至會中存款既列入本會名下且有極嚴重的出納手續及按期的報告無論何人決不能胡亂拏作別用啊因此外間議論紛紛部中才祇把這辦事的總會廢掉而沒把這分教育事業消滅至會中存款因向來一切帳目均極清楚故此馬上全數交與部中要了收條以後如何辦法就不知道了以上雖有傳聞之辭或者不無出入但我因此事很有一番感慨及希望不能不對各位說說的這鐵路同人教育一事總算是由我發起籌辦的一切經過情形有歷屆報告及該會所印的職員解職宣言都已說過不必再贅我當初因為辦路事多年總想替各路人員做一件切已有益的事因此想到路員最為難的事就是散在各地子弟設法去念書這在各國的鐵路都有一定的辦法不是公家開設學堂來教路員的子弟就是路員自己組織請公家幫助這本是安慰路員叫他安心辦事的一種好法子也可說是路員應有之權利但我國鐵路辦了四十幾年從沒有想到這一着路員亦沒有要求過雖有一兩處私塾亦沒多大益處故此我才想發起這事到現在不覺四年有餘此四年中我敢說無日不籌畫這同人教育的事其中第一困難即是預備入學的子弟太多而學校不夠依原定計畫先就京奉京漢津浦京綏四路辦起打算開初等小學

一百處高小二十處中學二處後來因各站大半找不出相當房屋若概從新建花費太多實非本會所能擔負不得已商之各路代爲建造但購地運料等等動須時日至今未能辦到原定數目致各路同人年年出款而子弟仍無地就學者不少這是鄙人第一抱愧的事至於款項照原定的辦法雖籌得不少但各款非出自公家即納自同人且當此時局維艱說不定那一天款項即接濟不上故一切用款非凡謹慎及省節諸位試看一覽表內之宣化國民學校全年用款祇六百三十元便可知道尙有一事爲同人所未知者會中各位理事向未支過分文薪津從前財務理事何君瑞章在丁憂治喪時有一個幹事員塗改支票向銀行朦混多支了三千多元旋即發覺其時一般人尙不深知本會辦事之認真何君恐此事傳揚有人故意藉來污蔑本會的名譽便暗中自己賠了出來何君其時正在窘鄉有一輛馬車就是因此賣掉的其實這是那個幹事員的私罪何君本無責任的就此可略知本會同人辦事的苦心了依我的意思本想儘五年內將原有計畫一律辦好且籌定持久的款項就把這同人教育的事交與路員自管因爲我事情較多終久不能兼顧恐有疏忽反負了初心且這件事要靠部局上級的人去辦終久不甚穩當因爲部局上級的人時常會更動做事必不能貫串故數年以來天天要想養成路員自管的預備第一便是令同人知道這事的要緊可發出一種真正的熱心第二令同人多幫忙各校去做事可得一種經驗及趣味到那時同人教育會就可再行改組爲一種堅實的組織以實驗我各路同人自治的能力俾鄙人可卸了各路推舉的一番責任鄙人的一番心願就算達到了不料事與願違今天反而完全歸到部管部管的一件事不說其他單說各處初級小學需用物品一層往往兩三毛錢的東西

亦要會中購買寄送（因當地無之）此等事亦照部務一樣去辦如何能夠簡捷又各校散處無人考核故視學一層極關緊要從前本會均係聘請專家出外視察此外定制儲才等等亦均非普通部員所能辦至於本會結存之存款及現金十二萬一千二百餘元又九年公債額面四萬四千五百餘元以後如何支用帳目能否公開此是部中的事鄙人亦不願多言但同人教育的計畫現在辦得尙未到一半且這事是無窮無盡的若照現在情形恐怕要想進步極不容易且保不定以前這一點根基亦一并敗壞所以希望我各路同人趕緊想一個維持補救的法子才好各路同人如果真正當一件緊要事去力謀進行事關公益我想部中亦不能簡直置之不理如果專靠部中提倡此刻恐怕不是這種時候就難免不一天一天廢弛下來了這一番教育事業敗壞的豈不可惜卽鄙人出過這點小小心血想起來亦難過所以今天不嫌瑣碎把鄙見申說一番俗語說得好前人種樹後人乘涼鄙人向來做事抱定種因不望結果的宗旨前此鄙人所種之樹雖費了些氣力現在尙未長大成陰總望大家再加栽培等他發榮滋長無論何人在那乘涼都好我不望人家說我所栽之樹好比召伯的甘棠挂上我的名兒却盼不要像陽虎一樣因爲孔子在一棵檀樹下坐過便連檀樹都斫了其實這棵樹何礙于你呢我現在雖與同人教育脫離關係但因爲歷來心神所注至今胸中仍有深深的印象藍白二色的旗子短褲軟帽的校裝不時現于夢寐中我想我與各校四千多的學生精神仍未間隔啊我但望諸生能按着校訓的精神學成致用庶不負諸生的父兄的期望至各校教職員等都係相知有素的人尙望不必因局面之轉移致灰從事神聖教育事業之心以期貫徹初志則我路界同胞受惠不少矣至於近日社會習慣沒有絲

毫「與人爲善」之心無論人家做甚麼好事總以爲你必有所圖必有甚麼作用不然你何以肯做呢因此弄到天下的人索性甚麼好事都不肯做結果就剩了獎勵人家爲惡了卽如這鐵路同人教育一事就因爲辦得有點規模並且積下了幾個錢大家便禁不住眼紅天天在那打主意不是說某人藉此結黨就說某人把錢拏去做什麼用了始終我當自己的事一樣費了多少事才攬過幾次的風潮此次部裏勒逼把這分錢交出去雖爲同人教育計不知是好是壞然在我及理事諸人則自可證明款項之一絲不苟倒也覺着愉快自今以後利用這分錢來做甚麼的謠言可說不到我們的身上了但願以後大家監督嚴些不要這分錢真個不知去向的時候大家反倒不知或知道而故意不響那就有些欠公道了啊（從前出入款項之手續何等嚴重同人不妨一查且看此刻尙能照舊否亦要事也）至於藉此結黨一層我老實說了吧不要說我沒有這心腸就是真有這心真有這事恐怕也比那連這件同人教育的事不做的好況且我若不做這件事倒反受不着這種意外的苛求這豈不是真真獎勵人家不要做事嗎唉這種社會還有甚麼可說的這並不是我爲個人發此牢騷實在爲社會覺得可歎這就是我觸起一番感慨也請大衆平心靜氣想一想啊至于同人教育應辦的事尙有許多第一是天津的中學雖房屋已有規模然其中設備尙未完善又教課等等應該整頓的不少我本意因我國辦得好的中學不多有意把這個中學辦成國內一個完美的中學照現在情形辦兩個中學的計畫當然是難望了祇有把這一個認真辦好令他照原定計畫能容六百個學生也就勉強可供給需要但要辦到這地步也就不是易事啊第二是四路中未開的高小初小很多京漢津浦更形缺乏必須趕緊進行因此連帶而

生的校舍問題師資問題也很要一番預備以上二者我不能不希望各路同人之自行努力本來這是同人切己的事從前我不過是替同人辦事的現在既有人誤會以爲是我的事因此生了許多枝節以後祇有請同人自己擔當起來去辦的好要說我不管這事這事就沒法子去辦這就錯了且進一步說要說部裏既管這事同人便不應再管這事也是錯了同人總要明白這事不是部裏的事亦不是鄙人的事乃是同人切己的事啊再有一層要奉告同人的同人教育辦理四年有餘不敢說有甚麼特長但有兩點請同人注意的第一是職業的教育本會因爲同人子弟將來生計上的關係所以在中學及高小初小的功課裏頭帶有木工金工打字等等科目爲的有學生畢業後如無力量升學亦可略學一點謀生的本事這是現在講教育所最注重的亦是我們這同人教育所最注重的第二是平等的精神古語說得好「有教無類」因爲一國的人不論地位高低都應該有受教育的權利現在同人教育不論是員司或工役的子弟都可入學而且入學以後同學們很相親愛毫無階級思想而且有好幾次畢業的前列都是工役的子弟居多不但證明人的能力不因家境而區分而且可令所有青年無意中化除了舊日門第階級種種遺傳的惡習慣這個影響也很大的以上兩層敢說是同人教育所得的好成績千萬望同人不可令他消滅掉的我現在再本我的至誠拜求同人及與同人教育有關係的各位我國萬事破產已到了這個地位惟有教育可冀救亡這一點小小的鐵路同人教育又祇有這點萌芽總求諸君可憐他保護他長大了能這可不是爲我更不是專爲鐵路同人教育啊

查本部管轄四政負交通行政之任此人人所知者也然就業務上言則完全屬於營業性質此亦人人所共知者也但一考及本部之以特別會計處理財務輒色然動國人之疑夫官營業之會計與行政費之普通會計不能不劃分猶之人民開設商店其商店之款項帳目不能與家中日用之款項帳目相混此理至明無不解者然則國人所以致疑之故必有誤會於其間而其原因又由於未明本部收支真相蓋人民開設商店其帳目雖不能與家中相混但於年終造年結後仍可將盈餘款項提供家中日用之需乃本部竟不能以每年四政盈餘之款提解國庫以此動國人之疑誠無足怪雖然本部歷年營業是否確有餘款可提此國人所亟當查考者也即讓一步言有餘款可提矣而試問吾國交通事業與世界各國較其程度之幼稚爲何如縱有餘款自應以之擴充資本增加產業俾國家施政便利之益與年俱進非如人民設一商店苟求有若干紅利而已足不須爲增設各都市支店之計畫也然而立國以來變故紛乘影響至鉅本部盈餘款項之處分誠未能盡合此原則以本部鑄銖之積供各處泥沙之用其事固足痛心其責則豈本部所能獨負耶近來又新增額外之負擔如整理公債款每月五十萬元北京學校經費每月二十二萬元本部事前幾經籌度東拚西湊始敢承諾國人不諒尙有謂爲故意矜持者寧非未明本部收支真相之故有以致之乎茲特撮本部以前收支之實況及此後經濟之危機告我國人共同研究非僅求諒而已破產之禍迫於目前挽救之責人人同負典守者不敢不及時報告矣

甲、上年以前收支之實況

（一）路政 本國各路多係借款修築每年到期償款本息有盈餘之路自能依期償還若無盈餘或

虧折之路則須由他路協濟民國以來各路進款雖遞年增加而資本之補充營業費之支出亦成爲並進之比例近以歐戰關係未成各路皆因借款停付無從動工所致損失已逾千萬然苟能自由措置將已成各路之淨餘款項撥充工費輾轉生利當亦有成效可言奈歷年意外虧耗數額之鉅殊足驚人本部雖疾首痛心固亦挽回無術其犖犖大者如京鈔虧蝕數三千七百餘萬元軍事運輸記帳數三千一百餘萬元廣三路歸廣東管理後每年減少解款三四十萬元株萍路因湘段歸湖南自管遂致經費不敷每月由部撥助二萬元祇此數端已達七千萬元以上查九年以來各路淨餘不過二萬萬元而虧耗已如是之鉅此外則贖回漢粵川路之費（除去以借款支付之一千三百二十萬餘元計）收回各省商路之費提儲改修京漢路黃河橋之費墊付漢粵川路工款之費維持中東路之費郵政車租轉帳之數聯運轉帳之數共約佔四千五百萬元所餘以爲各路還本付息暨增加資本填補虧折諸項之用者綜計九年之間爲數僅七八千萬元耳然試就上年一年內償還內外債本息考之總數已及一千八百餘萬元又增加資本如改良擴充工程等費達一千四百萬元無盈餘各路之虧折共一百六十餘萬元是路政本身之不敷情形已瞭如指掌國人所認爲銅山金穴之鐵路收入其真相乃如此誰不爲之失望耶據上年年終截算鐵路收入項下不敷四百六十餘萬元而各路因合同拘束餘款不能逕提者有之因歷年積虧須以本年盈餘挪填者有之核其實數不敷實在一千一百萬元上下此以前路政收支之實況也

（二）電政 電政收入自元年至九年年終共計八千四百零一萬元支出營業資本兩項共六千二

百四十萬元除官報欠費及各省提用共一千五百十二萬元外僅盈餘六百四十九萬元耳此項盈餘祇有二十餘萬元分存全國九百餘局其餘則已悉數提部爲協濟路政虧耗及供他項墊撥之用矣此以前電政收支之實況也

（三）郵政 吾國郵政最爲幼稚故歷年皆在創造之中所有收款除開支外悉數納於購置建築開闢郵站增設支局信櫃等項用途按盈餘之多寡定建設之程序僅求其收支適合而已計九年中其全年支出之最多者超過收入總額千分之八十六弱最少者盈餘收入總額千分之百二十四弱是支出最多最少之差不過千分之三十八平均僅爲千分之十九之盈餘耳查上年本爲收入最多之歲其總額爲一千三百三十三萬餘元而收支相抵反不敷十六萬餘元其實際已可概見蓋吾國郵政不獨須逐年增加資本從事建設且須按年籌還開辦時海關墊支之經費又業已舉辦郵政儲金自當逐漸推廣凡此皆不能希望盈餘之原因也此以前郵政收支之實況也

綜路郵電三項之收支實際上本尙有虧耗然姑就數目上比較亦可勉強認爲適合似尙不生何等問題而抑知有大謬不然者蓋以上所列僅就收支款項之屬於路電郵三項者分別而鈎稽之耳若更將本部代財政部墊撥各項政費一併算入則所虧尤鉅去年恭綽就職後借入短期新公債七百七十五萬餘元卽爲填補前虧之用此項債款又卽上年截計不敷之實在數目也雖然已往之虧耗究屬有限而後來之拖累愈多隱憂請再詳比而表出之

乙、本年以後經濟之危機

依以前之比例及本年之預算觀之路政盈餘可得四千二百餘萬元而本年到期外債本息因金價陡漲之故需款至四千一百餘萬元則所餘者僅一百萬元耳電政盈餘可得一百餘萬元而到期外債本息乃爲三百十餘萬元則虧去一百餘萬元矣路電合計舉其盈餘全數僅僅足償外債此外尙需償還內債商股等項約一千一百餘萬元協濟漢粵川路工款三百二十萬元擴充改良工程增加資本等費路政約一千四百萬元（此數係照上年比例）電政約六百萬元（此數係依本年預算）撥付各虧折不敷之路及部轄各機關各項經費二百餘萬元代財政部墊撥北京學校經費二百萬元再合之各項轉帳之款債券紅利之款零星撥用折扣之款共七八十萬元統計本部內所虧折直達四千五百萬元之鉅卽此一年中支持之難殊當不減於財政部矣況繼此以往到期外債之逐年增加應還商股之未能延宕舉辦新債之有加無已（本年虧四千五百萬非舉債不能填補遞年積累本利滾進可爲寒心）區區進款非至圖窮七見不止殊未易謀自拔之方也姑舉一漢粵川路爲例以論已成之線收入僅足維持若無款繼續修通至粵每年約耗去本息及未成各段之保管等費共五百萬元按借款合同三十年還清之期限計之共應墊款一萬五千萬元加以三十年之複利損失之數合計八九萬萬元此種奇險平時每易忽視若一揭破不寒而慄本部今年定議協濟該路工款辦法誠欲補救於萬一仍未敢謂必收良果也

交通事業既伏此重大之危機本部自當力求避免之法不得不於增加收入與減少支出兩途爲精密的計度而赴以銳厲的奮鬥但支出之能減少者祇營業上極少數之一部份耳殊無濟於大局至欲求

收入增加更須先增加資本之支出此後購置車輛改良工程等事需款之多必倍蓰於昔日殆無可疑又如京漢路黃河橋之改修中東路收管後之責任維持均須籌備鉅款以爲因應凡此皆足使本部於經濟艱難之中愈不能不舉債以闢生路者其結果或益陷於困境且未可知也

夫僅爲增加收入計而有擴充資本之必要其結果何至便陷於困境非常局負責任者恐不易了解此義今試換言之曰挪用借款之危險則人人可以了然矣蓋擴充資本支出大約必舉債以資補充而交通事業之尙能舉債者以信用未損失故信用之能不損失以比較尙能保持自由故所以能保持自由以其特別會計故若國人誤認本部可以任意借款時時強本部以他項政費之負擔則本部借來之款一轉手卽入於財政部庫藏司而支付以去矣又何擴充資本之可言寢假此種技倆爲銀行界及資本家所窺破本部信用卽不能保持欲再圖舉債而不可得則惟有束手待斃同歸於盡而已度非國人所忍出也

本部之爲此言非好爲鯁鯁過慮也往者整理公債款及教育費之負擔固已聲明仍須舉債以相應矣卽數年來京漢路黃河橋工費之籌備亦既集有成數幸非由舉債而來者卒竟爲大力者挈之而去徵之往事安得不令人寒心苟此後各方有所誅求本部偶未能以多財爲容悅必不得國人之諒解可斷言矣若再發生意外強力的摧殘爲本部之力所不能拒者交通事業大勢之去其在斯乎其在斯乎本部典守無狀謹先告罪於國人深望言而不中受危言聳聽之責則幸甚矣

詹天佑技監銅像開幕典禮演詞 民國十一年

今日爲本部詹技監銅像舉行開幕典禮本部長以事弗克蒞止委托顏會辦德慶代表共襄盛舉溯詹公於光緒十四年經天津鐵路公司派充工程司是爲從事路政之始自是歷充各路工程司工程參議總理會辦技監督辦協約共管西比利亞及中東鐵路技術部代表民國八年四月二十四日因病出缺綜計在路三十二年功績卓絕其最著爲京張鐵路不用客卿一人俾底於成爲吾國路界空前未有之特色亦爲吾國專門人才與歐美技術專家抗衡之先聲當京張鐵路開工之日外國報紙竊竊議之謂完全擔任路工之人才中國尙未誕生也乃未幾京張告成外人咋舌始信中國尙大有人在今建詹公銅像於青龍橋以全路工程推青龍橋爲最難施工闢峽艱苦備嘗並鑿峒三千五百尺而路以通佐其事者爲顏會辦德慶深知底蘊是以本部長委託爲代表俾將詹公締造艱辛之功可縷舉於諸君之前也抑更有進者吾國鐵路自歐戰均歸停頓所有鐵路專門人才以學無所用有就普通職務者有改圖他項事業者有自國內外路校畢業無所事事者路界人才日見消乏本部長深爲殷憂現在世界金融日形活潑吾國鐵路必有復興之日所望繼詹公而起者對於鐵路人才勤爲指導俾於工程學術精益求精有以應日後造路之選安見將來鐵路技術各家其功績不與詹公後先相輝映乎是卽詹公之遺志亦本部長所厚望也

中國科學社第十次年會演辭 民國十四年

今日中國科學社在北京開第十次的年會科學社爲我們中國絕無僅有研究科學的機關諸位都是中國有數的研究學者相聚一堂可稱盛事鄙人現在所辦的是交通事業對於交通行政自謂亦有點

經驗但是在這裏頭經驗愈多愈覺得科學的重要科學之關係于他種事業不必說科學與交通實有一種不可分離的狀況不但交通器具如輪船火車電報電話飛機無線電話等等都是科學研究的結晶體就是維持已發達的交通事業除去科學亦就沒有把握譬如就鐵路說枕木的保護方法鋼軌壽命的問題燃料的經濟研究等等非利用科學一轉眼間損失幾十萬幾百萬是很容易的事所以講到交通事業普通人祇以爲聲聞相通一息千里乘風破浪朝發夕至這就是科學的功勞殊不知就是一根鋼絲一根螺絲釘都是從前的人絞過許多的腦漿纔有現在適用的狀況現在世界交通愈便利則交通事業愈複雜交通事業愈複雜則交通器具種類亦愈多故運用維持這種交通器具的方法不能不倚賴科學的補救且科學的價值能使人做事思想都變成有秩序有組織的並能使人尙實際不尙空想常有樂觀而無悲觀做事思想缺少秩序缺少組織並且尙空想不尙實際正是我們中國人的通病所以我們科學社不但有發展我們中國科學的責任並且有改造我們國人思想的責任這兩層就是鄙人所最希望于諸位先生者並以祝科學社之前途焉

第六次中國鐵路運輸會議訓詞 民國十四年

本屆第六次運輸會議上年已經定期開會旋因戰事中止今始重行召集今日國有各路代表諸君咸集一堂本總長曷勝欣慰回憶民國七年本會議第一次開會時本總長適在次長任內即殷殷以統一客貨運輸規章及負責運輸兩事期望各路及早施行至民國十年本總長長部時遂即公佈中華國有鐵路客車貨車運輸通則暨貨車負責運輸通則以期鐵路行政日進大同乃年復一年各路業務仍未

能邁往直前此次本總長受事於軍務未盡肅清之際各路運輸方極停頓迭飭積極整理經數月之久始有成效可觀惟客貨營業仍以環境關係未能充分發展亟應籌根本救濟之法以策方來此則本屆會議所亟應注意者也鐵路運貨負責本爲各國之通例我國鐵路因種種設備如貨棧之類驟難周全故尙未完全負責商民報運負責之貨亦未十分踴躍以致提單押匯等事未能施行此於鐵路貨運之發展國內實業之振興均有莫大之障礙應如何猛進籌設尤望諸君共商完善之辦法以便推行盡利各國運輸通則大率根據專門之學術服務之經驗並參以本邦工商之狀況物產之情形屢經討論方始編訂然尤多方參察隨時修正故能施行無礙攸往咸宜我國現在客車貨車運輸通則施行以來雖迭次會議修改仍未盡善尤應彙集素有經驗之人員羣策羣力詳細修正以期有完善規章鐵路營業全賴車輛調度靈敏運用得宜而調度之法尤以用長途電話最爲敏捷國有各路現因採用長途電話調車制度雖積極進行一時尙未能辦到亟應注意於車輛登記車輛報告等事以期車輛無延擱虛糜之虞現行支配車輛規則對於登記報告均欠完備是以亟應修正俾合實用此次會議各處所提議案計有七拾餘件之多在在均與路政有重大關係與會議諸君多爲主管辦事人員當能本其學識經驗各抒所見商定完滿之解決辦法本總長實有厚望焉

交通部國音電報會議演詞 民國十四年

研究提倡注音字母鄙人素具此心惟以鮮暇未能獨立進行今四洮路譚君耀宗研究試行注音字母電報成績極佳殊堪嘉慰今日開會同人應注意之點有二一注音字母不但可利用於電報且於文化

極有關係同人試用注音字母電報如能推行於社會至有裨益是推行國音電報實爲吾國語文統一之機將來國語普及則提倡之功吾交通界與有榮焉二各省方音不同將來實行上自不免發生困難或誤會之處是須設法不使文字因言語而歧異鄙意應亟編一國音詞典俾於應用上有所遵循而免疑誤尙望諸君於此注意及之也

唐山大學演詞 民國十四年

今天來到此地與校長和諸位教職員學生相見鄙人很有點感觸想起二十年前鄙人也是教育界中的人近來因爲在政治上忙碌許久沒接近教育界了不過鄙人閱歷多親眼看出教育與實業是極要緊的兩件事在社會處處需要人才時時急求人才所以鄙人對於人才的養成是非常注意的但是因爲政局不定鄙人素來的願望和計劃所能達到的還沒有到三分之一這實在是極可遺憾的事鄙人底一件痛心的事就是關於交通大學的一件事那時候我們正要發展這個大學後來因爲時局的關係忽然中止了弄到現在能有的建設是很少很少如果照着從前的計劃按步就班認真做下來那末直到現在成績一定會極好的了可是有一層到了現在這地步大家祇能維持維持便算是好現象而本校非但能穀維持現狀並且又有了一點進步這是鄙人對於諸位教職員底辦事能力很加欽佩的至於本校的畢業學生在外面的名譽也很好社會上對於他們也極肯信任這一點却又是欣慰的事因爲一個學校底成績的良否並不是看那學校畢業生多寡也不是照那畢業學生所得學位的高下而定那些都是學校底假成績真正的學校成績是那學校畢業學生在社會上服務的效果和社會對

於那學校學生的信用這兩層本校都有了所以可以說本校有了真成績了鄙人自從就職以來因為身體不好所以精神不能貫徹以後稍微有了頭緒對於本校的進行方面好比說經濟問題等等應當辦到的事情都一定要極力去辦的而且希望諸位教職員也要振作精神同去進行這些事這有幾層意思現在要對各位學生講講的本校是研究一種專門的學問一種專門的技術鄙人對於專門技術是門外漢此地教員們當然對於諸君底知識方面天天在教導時時有幫助不過有兩件事或者是他們平時沒有機會提醒諸位的現在不妨讓鄙人來說一說第一件一個人立身處世一定要有一個宗旨有一個方針諸位在此地攻求學問絕對不是把所求的學問知道了明白了就算完事學問必有致用之道試問我們為什麼要求學問求學問是為己呢是為人呢我們往往把這個問題忘掉了好像我們入了學校就應該求學的但是究竟為的是什麼呢固然個人的見解各有不同不過自己總該有一番考察研究纔是道理不然自己祇好算個隱士可是隱士無非養身我們要養身是要生存但是又為什麼要生存呢這樣問下去就知道隱士是不對的求學問這件事也是這樣我們不能求得學問便算完事固然有那般大學問家一天到晚專求知識不管旁事不過那是特殊的不是普遍的我們應當自己知道我們現在求學是為己的或是為國家的如果我們像隱士似的沒有一個宗旨那末我們底人生就沒有什麼價值了所以鄙人要提醒諸位第一要精神修養鄙人猜想諸位在此地專心研究科學工程之外很少有精神上修養的機會但是人生沒有了精神上的修養就變成了機械的恐怕比機械還不如呢因為機械利人的地方很多害人的地方很少一般沒有宗旨的游民必是有很大的害處轉

回來說像諸位這樣有新知識新學問的青年應該有一個很好的宗旨很遠的方針因爲諸位要知道諸位將來對於社會有大半的責任呢近來一般留學生他們都是有爲的青年何以回國來看見國家危險社會墮落就完全失望了呢這是他們在少年求學時代沒有正當的精神修養的緣故他們現在以爲青年在這種紊亂政治不良社會裏大可不必陷入漩渦去爲同流所染最好是自潔其身這實在是自已太沒有獨立的勇氣了其實青年乃是國家的中堅他們將來有很大的責任他們既然有了這等大責任如果沒有修養和準備那末他們決不能負擔得起那個責任結果就會變爲「國家之蠹」好比一宅大屋外表內容都很好不過地基下了蛀蟲那宅大屋終久是不堅固的國家也是如此因爲我們自己不好國家也就不好起來了有許多失望青年常說「環境不好環境不好」但是環境一大半是人爲的一小半是天然的青年們向「環境」訴苦真是大錯誤呵鄙人常用兩句話勸告許多青年朋友說是「自己開路自己走」這怎麼講呢我們看中國各處有不好走的路但是不能因爲現在的路不好走就永遠不肯走路了各國的大路發展到現在並不是天然造成的我們中國人想走好路自己又不肯去做路祇管我等你你等我難道還要等外國人來替我們造路不成現在許多留學生看慣了外國人橡皮造的平路回到中國來看看那一條路都看不上眼便索性不希望走路了試問又要走平路坐穩車又想自己不去動手天下那裏有這樣便宜的事所以鄙人說各位一入了學校自己就應當先有預備去走一條路不問是有人沒有人去造那條路總起來說最高尙的是一「我造路讓人家走」自己不求報答只看作那是自己的責任這樣才是最高尙的其次是一「自己造路自己走」

而最下的是一等人家造路來自己走——我們試想衣食住是人人一天到晚所離不開的自己以為這樣不好那樣也不好可是一方面又要讓人家來供給自己自己儘想坐等着去穿去吃去住那兒有這樣的好事呢現在一般青年無形中都有了這種概念差不多都是一樣的不是悲觀便是墮落以至於一無所爲無所不爲好事是一無所爲壞事是無所不爲往往有留學生吸大煙的故事這實在不是好的現象如果全國人人因爲環境不好都悲觀墮落了那末中國就一點沒有希望了所以諸位現在正在爬山爬了一半就等着要登峯造極了如果牛山中因爲沒有了前路不努力爬上去那豈不是可惜呢故此諸位在這時候的精神修養是必要的了第二件鄙人要提醒諸位的是一學問與經驗——學問如比飯食飯食固然能夠充饑但是吃多了不消化是會成積鬱病的學問得多了不致用也是一樣有害我們知道事實是理論的根據理論是事實的準則也可說經驗是學問的根據學問是經驗的準則所以學問不能離開經驗經驗不能離開學問沒有經驗的學問是無用的學問沒有學問的經驗是片斷的經驗最好的一方面準則學問去增進新經驗一方再根據那經驗去增進新學問這才是獲得了有用的學問和全部的經驗呢我們中國人幾千年的文明古國因爲地廣人稠各地情形不能統一好比說廣東和新疆兩處地方的物產風俗是完全不同的黃河流域的情形不能和西北諸省的情形相提並論因爲各地的情形有時不能相符的緣故現在許多外國留學生回到中國來看見地方不合情形不適就不出去辦事了因此他們祇有理論沒有事實祇有學問沒有經驗這真正是無用的了不過若是專靠武斷的經驗不去悉心研究各地不同的情形那末這樁事的失敗是必定的了我們看外國

人在中國經營最久成功最多的要算是英國人何以英國人會這樣成功發展呢因爲他們把中國的情形研究得十分清楚所以失敗的事很少更因爲他們能用理論去遷就事實所以收效的事很多我們中國人做中國的事只稍熟悉本國各地的情形當然是更無困難的祇要能久遠努力去幹就成功了以上幾句話無論諸位將來在交通機關或是不在交通機關裏辦事對於諸位總是非常要緊的話可以算是幾句成功祕訣了等到諸位一入社會便可以信以爲真的總而言之要在社會上辦事得見效果自己一定要有責任心而大部分的責任心是在預備時期內訓練成的精神修養就是責任心的訓練有了責任心再根據學問去得經驗那末辦事是無往不利了所怕的是沒有精神修養將來的結果是一無所成的這裏兩方面相連的關係想諸位現在已經清楚了這是鄙人所見到的幾點意思趁這時候輔助諸位提醒諸位至於諸位底將來志願還是不能被人強迫不過最好衆位要在求學時代早晚立下志願纔是「立志」兩個字是中國的古語倒也是一句最要緊的話是必先有了一番志願然後能有達到那志願的成功至於達到志願的工具就是以前所說的根據經驗的學問與準則學問的經驗這是諸位已經很明白的了今天因爲時間很少又因爲病後精神還沒十分復原所以不再多說了這是很抱歉的

東方大學週年紀念訓詞 民國十四年六月二十日

今天是貴校第一次行畢業禮鄙人今天能夠躬逢其盛而且能夠藉這個機會同諸君談話實在是非常的榮幸鄙人二十年來與教育界的關係時斷時續第對於教育事業向有甚深的興味諒爲諸君所

夙知所以這二十年來對於學生的一切事情我非常注意總想對於一般青年的學生盡我一分力量來扶助他們使得他們成功一個國家有用的國民所以貴校余校長苦心毅力的辦這個學校鄙人也盡力扶助他今天能夠有這樣的成績大約在座諸君都是很滿意的而且在座諸君一定也跟鄙人一樣對於今天畢業這幾位同抱着一種很大的希望所以鄙人願意將我的意見最誠懇向各位說說吧大凡天地間的學問事理是沒有窮盡的聚了世界上全數的人類來研究了幾千年也不過略為知道了幾千萬分之一那末一個人或且少數人的智力所能夠得到的學問更加是有限所以今天諸位在大學畢業不過是求學問所必經之一種過程並非求學問的一種止境譬如諸位從前在小學幾年就升到中學中學畢業就升到大學現在大學畢業就要升到社會裏面在社會裏頭諸位就可以拿從前所學的來實地試驗一番還有諸位從前在學校裏面所學不到的可以在社會裏面學得到而且一個人在社會裏面是永遠學不完的永遠不會畢業的不過平常在學校裏頭祇有有益的科學沒有有害的科學所以諸位在學校的時候無論如何祇有學好的機會沒有學壞的機會可是在社會裏頭就天天不同好的壞的時時刻刻都有機會可以學而且壞的事情的吸引力非常的大這是一種很危險的事情諸位在學校的時候天天有師長來指導應該走的道路警告和阻止諸位去走那不應該走的路所以自己可以不必十分留心不過一到了社會裏頭從前的師長就不能天天再來指導爾們以後一切都全靠自己去辨別自己去定自己的路還有種種的壞勢力時常來引誘這個時候就得自己十分的留神第一就是要立志立定了志向要做那一等人以後就照着這個志向去做不要時常更改因為

一個人有了一定的志向就像船在大海中有一個一定的目的地如果沒有目的地若目的地時常更換這隻船就要在大海中轉來轉去永遠不會達到什麼地方所以一個人的志向是最要緊的至於一個人在社會當中奮鬥總會遇着極困難的時候到這個時候就要靠着平常精神上的修養來輔助我們所定的志向好像一隻船要靠着多量的煤水來航海上不然這個船就要停在海中永遠不會到他的目的地了孟子說吾善養吾浩然之氣這就是精神上的修養如果一個人有了一定的志向又能夠注意修養的工夫就可以勇往直前不怕艱苦就無論如何的困難終久必定要成功的這是個人立身的一種很要緊條件至於諸君出了學校之後想拿出所學來做一番事業不過世界上的事情永遠是活動的諸位在課堂所學的是一種理論的固定的如果拿書本上的理論死板的來做不但不會把事情做好並且結果必定會失敗總要將學術上的理解來分析事實然後將學理活用出來纔可以希望將事情辦好而且在辦事的時候必有各種的困難應該設種種的法子來除去或者避免這種的困難如果這條路走不通就轉灣了再走過去避開這種障礙自然有將事情辦好的那一天這就是致用的一種方法諸位今日是從學校裏畢業將要到社會上的時候鄙人對於諸君希望很大所以約略的舉出幾條立身致用的要件來貢獻給諸君不過社會上的事業變化很多所以立身致用的條件也很繁雜今日因為時間不多所以只舉出要緊的幾條將來諸位在社會裏頭自然慢慢的會體察出來鄙人希望諸位以後隨時留心領會自然得益不少現在鄙人借這個機會來祝賀諸位將來在社會上奮鬥成功更希望各位還沒有畢業的也預備就他們將來到社會上去的基礎能夠繼續他們的同志

去奮鬥

北京大學國學研究館開學演詞 民國十六年

以今日吾國之擾攘紛亂干戈遽起流亡載道而諸君子猶得聚首都下以相與討論吾國之學術此實是幸事凡人之生學而已而必別以國者是蓋一國必有其特殊或專長之學術爲民族所寄苟吾人而完全破除國界則已否則對於本國之一種結晶必須加以葆愛發揮光大布之無垠傳之無極以揚我國光昔人所謂文教廣被今人所謂文化運動其責在諸君子無可與讓者也鄙人自束髮受書於國學亦嘗略窺一二自從政以來日就荒落曾何能有所發揮惟憶於民國九年時爲宣傳文化事曾臚舉多端陳諸當局雖未必盡見實行而鄙人得以退休之時與諸君子一堂晤對商量舊學實爲莫大榮幸受事以來已將半歲平居苦於俗冗未得悉盡所懷故特分別三項於本季始業日爲諸君子言之蓋諸君子今日所處地位勝於前人者有六始學之要所當知者三而所當戒者四奚以明其勝於前人者邪在昔山川阻絕求師不易而得書尤難往往閉門造車不能合轍而師說孤本遂爲珍異今則諸君子居吾國文化最高之地萃全國名儒碩彥於一堂欲究何學皆得所依歸指導有師切磋有友則尊師取友易於前人者一也學術爲物後來居上古人考證典章文物皆累數千百年集聚代之精英萃羣儒之心力而後訓詁明制度定蓋學術而至有清一代雖未臻極點而經史考證校勘蒐輯諸學實能爲吾人省精神節日力老輩爲之甚勞吾人用之甚易此繼長增高易於前人者二也前代檔冊禁書每爲一朝史事之實錄而在專制之下每不易得自共和成立忌諱悉除前清檔案明末禁書或出內府或出民間他若

龜甲之文燉煌之寶皆足以資考證是徵文考獻易於前人者三也海宇大通而種族進化次第及政教演進種種情狀皆有互相印證之處至於智識之交換尤不待言因彼知己此今之易於古人者四也自昔制舉盛行士驚於功名俗學士率以其餘力而治舊學時過後學所得甚微卽有特出而日力不免虛擲今則諸君子大學始基已得門徑窮深極幾爲事至易時日不廢而學問早觀其成業專功倍此易於前人者五也自漢武而後學術定於一尊歷代相承雖崇尚不同要以功令爲之主以淪智導民之事而有蔽聰錮明之舉故學術視戰國不逮遠甚今則五洲棣通新知日啓而吾國學術亦得所解放恣意發揮諸君子生當今日爭雄競長此又易於前人者六也總是六端則諸君子雖苦於離亂而治學之易較前人爲幸已多抑諸君子之責亦較前人爲重則治學之要所以異於前人者要有不可不注意者三端古人爲箋注考證之學者以爲疏釋本文已耳其抱殘守缺之旨率爲時代所限考其治學方法蓋完全爲消極的無可諱言今則不然自科學發明治學方法殆無不採科學之精神立一義創一論必自有其根本之條理與統系蓋歸納演繹互相爲用始能在學術界占相當之地位此其治學方法完全爲積極的固迥然與前人不同至於國學尤然苟不採科學上之方法則整治國故之一語殆屬毫無意義此鄙人所以主張採科學之精神發揚國故斯實爲今日治國學之第一義也學問一途茫無際涯博學專精士林所重惟非博則不能通非約則不能精而博學專精固釐然兩途博學而無所歸與執一而蔽於所守其失正同古今學者未免此弊此其故蓋未深諗由博返約之義而比較研究之方法尤其所短故也此鄙意由博返約之說所以爲今日治學之要者二也夫學以分類研究而益精以正反相證而愈明近

世邏輯之學類種之判析辨綦精印度因明同異兩喻宗因是依治學之道舍此末由我國國學搜遺補佚前人之工作已多緝熙光明其責端在我輩本館爲研究國故最高學府分類研究之精神蓋不僅在乎科目抑在一科一日之中分析愈細研理愈精此今日治學之要者三也爲學之要本不只此三端茲姑舉其要者云耳至鄙人所期於諸君子者爲學之道疑似之際厥有四蔽近今學者之病莫大於附會自融會中外之說興而治學者每以詩書文句偶合譯名遂以爲孔子前知比於巫師不知古今中外可通貫者其理而不必其迹苟惟其迹則求真之念忘而學術益入迷罔矣此一蔽也近今稗販之流或纂輯古書遙譯外籍妄摭文義倉卒成書者不知凡幾爲學當以發明爲主苟襲外人之成書拾前人之餘唾欺人欺己於德於學兩無可取抑士君子立身行世自有其道急功近利尤與學術獨立之本旨相違此二蔽也學問之事雖一科之微非數十年窮老盡氣不能有以自見而世之淺學輒見異思遷朝此夕彼夫既精一學而旁及他學可也苟茫無所主而以爲名高則何貴學是曰淺嘗此三蔽也現代世界學者類多堅苦卓絕樸素簡質人其室自書籍儀器外無他物嚴肅之氣足令人起敬蓋未有德之不修學之能講者而我國近今學者不然物欲未除嗜好多端逐利狂奔名疲於肆應者有之形骸放浪蕩檢踰閑者有之是曰多嗜欲其蔽四也諸君子觀於所陳則知所處地位之幸責任之大矣治學之道苟能本茲三要屏棄四蔽初以勇猛精進之志繼以融會貫通之方終持以專一不懈之精神而后國學始足以發揚光大布之東西各國蓋吾國見誚於人久矣是非發我之美無以折人之氣學術消長之機端在乎此諸君子其共勉之幸甚

清史應如何纂修 民國十七年上海德儲蓄會學術講演

今日鄙人所以要提出這個題目來講的就是因爲民國十七年來清史尙未脩成新近清史館所出的一部清史稿又不滿人意因此覺得此問題甚爲切要這個題目我上次在北平清華學校已講過一次的因爲這個題目注意的人不多而又很切要所以在此重提出來講講這說不上甚麼學術演講不過聊貢獻一點意見供諸君參考罷了

一 清史纂修之需要

中國自來每一個朝代過去後一朝必纂修前一朝的史書譬如元朝修宋朝的史明朝修元朝的史這雖是一種習慣但亦是由於需要的關係因爲以前斷代爲史要一代一代繼續去脩才不至中斷而且一朝沒有結束決不會自己編成正史如過了幾朝才脩時過境遷不是事實模糊便是材料散失所以後一朝緊接的修前一朝的史實爲最適當的辦法我國以前通稱的二十四史僅到明朝爲止現在民國是清朝的後一代脩清史的事自然是民國的責任但是民國元年時政府雖辦了一個清史館可是十七年來的成績只出了一部清史稿而且不甚完善故此趕緊脩成一部好好的清史實是國家義務所必要的第二諸君要知道清代的二百幾十年剛剛處著世界政治文化潮流最劇變的時代在世界許多大發明大戰爭都是發生於滿清統治中國的二百六十多年的中間而世界交通的發達東西文化的接觸也是這時實現可以說清代是中國近代文明的肇機清代是將中國的中國變做世界的中國的一個極重要時期就本國而論第一幾千年來的君主政治便在清代終止第二各種學術的發

達在中國學術史上實在要占很重要的位置這也是纂修清史必要的一種原因依以上所說的兩點故此鄙意認爲這一件事是大衆應當努力的不可認爲這是政府行政方面的事大衆便聽其自然不加注意

二 纂修清史之困難

清史既有纂修的必要那麼清史館所出的清史稿是否可以滿足我們的願望是否還有重做的必要呢據鄙人的意見是應該重做的講到重做清史我以爲應該先有一個具體的計劃否則入手的辦法一錯便仍舊要重蹈覆轍的我們現在編清史是否仍因襲二十四史的舊體例此是第一要先決的問題我們知道二十四史的體例雖有出入然大體是相同的但是現在要編清史雖或者不能完全離開以前的窠臼但斷斷乎不應該墨守的而且纂修清代的史實比纂修任何一代的史困難最大的原因便是材料的缺乏歷代修史大概根據公私的紀載而歷代私家的紀載預備做史料的亦復很多宋朝私家著述的史料可考的有多種元朝較少明朝則甚多所以清初脩明史時得有所根據而清代却不然清代的私家著述預備做史料的大概至多不過廿種雖然也有不少零星的參考材料然都不是有系統的記述預備做史料的這重大的原因便是清代是異族入主中國爲防止漢人的不平大興文字之獄所以順康雍乾嘉的學者關於國家大事都不敢私下紀載卽有述及亦不過歌功頌德之詞所以清代的史料便感著異常缺乏的困難雖然也有官史的紀載但官史是不盡可靠的不靠官史又沒有私家著述可靠這是很大的難處而且我們現在處着民國的地位尤不應再因襲前代的陋習前代的

史書缺點很多我們應該改革前代的缺點做成比前代更好的史書所以尤其感覺不易我意前代史書最大的通病便是以皇室做中心毫不注意民間社會上普遍的事實恍惚是一姓的譜牒完全與民衆無關這是現在編清史所根本要改革的不過清代政治上的史料既很稀少社會上的史料也十分缺乏私家並沒有關於社會經濟現象等等的著述如貨殖志一類的材料即有也是沒甚麼系統條段的這些散亂的材料我們祇有到清代學者著述裏去搜羅來整理這種工作可說不是容易的

三 纂修清史應注意的幾項

我們現在編纂清史第一要認清的（一）明瞭前代史書的缺點（二）改革前代史書的缺點（三）編成合乎現代精神的新史書
關於清代史實要注意下列幾點

（甲）外交上的劇變 清代二百六十幾年處在世界大變動的中間明末清初（尤其是康熙以後）東西文化接觸我國一切都受了世界的影響自外人用武力侵入中國外交上大起變化康熙時和俄羅斯用兵戰勝俄國開始訂尼布楚條約以後和外國接觸日多至道光咸兩朝因應付失宜訂立種種不平等條約受了種種失敗至義和團事件引起八國干涉賠償巨額年費牽連至辛亥以迄於亡這都是我們編纂清史最要注意的我們要知道現在的種種現象都是由過去演化而來歷史是「活」的並不是只要知道興亡盛衰的事實也不是要作為文學的材料從前史家常常把文學和史學混為一事其實文學和史學絕對是兩事雖然史學是要文學做幫助但史學和文學決不能混而為一歷史的

真價值是因果歷史的作品和統計相等應明瞭澈始澈終的情形又和照片相像應見到全部的真相這是應注意的第一點

（乙）文化學術的特長 清代文化學術比較前代雖不能壓倒一切却有若干特長的表徵此與世界及歷朝均有錯綜變化的關係學術上的分門別類殊途並進著名之人物撰述不可勝紀這實是一種文化精神的表現極應綜合爲有系統的紀載藉垂不朽

（丙）軍事的經過 清代有一樁特殊的事便是從開國起到亡國止軍事未曾斷過如滿蒙戰事三藩戰事羅刹戰事噶爾丹戰事大小金川戰事川楚教匪戰事英法戰事洪楊戰事甲午對日戰事等等可以說清代和軍事相終始起初滿兵很强後來八旗兵漸不能用太平天國之戰都是靠漢人的力量因此恰表示了滿洲政府力量漸弱外交又屢遭失敗因此肇成辛亥革命清朝初中年的兵力實是很強我國現在有這樣廣大的領土不能不說是清代的功績至朝鮮等地失去那都是後來自己弄壞的清代的兵事和我國的外交內政很有關係也是我們編纂清史極應注意的

（丁）政治的得失 清朝統御全國的方法極爲巧妙惟滿漢分歧實在是清朝政治的致命傷從制度上看有時似乎尙融和其實精神從不融和清朝和元朝一樣同是異族入主中國政治上設施的精神當然和宋明不同雖然失處很多得處却也不能說沒有譬如蒙藏的處置得法使蒙藏不發生大事變實是清朝政策的得計可惜不能同漢人融和以致終受其報至清朝外交政策的失敗亦係一件要事試想在乾嘉以前外交問題還簡單的時候倘使能明白世界大勢自動加入國際團體中或者我國

地位可終始增高且爲國際舞台之主演帝國主義無由侵入何致有種種外交失敗可惜那時對於國際問題太不注意致逐漸演出種種不良活劇以致於亡這也是編纂清史應注意之一點

四 清史稿的批評

我們根據上列幾點來看清史稿清史稿的缺點便完全披露清史稿的缺點大致可舉出下列幾點（甲）體例的草率 廿四史的體例大致相同不外是紀傳表志但我們現在編纂清史決不能完全抄襲舊法就列傳講譬如前清國史館替政治家學術家做列傳他的條件（一）不許自己參加意見搜羅材料（二）不經皇帝的允許不准列入譬如年羹堯洪秀全便當然不會列入如一個極平常的人物但使官居極品死後奉旨交國史館列傳便要替他敷衍一篇這樣官樣的文章範圍自然很狹去取自多失當國史館的設立本是滿清牢籠臣子的手段我們處在民國時代自無須受此種拘束可惜清史稿的編纂並無特殊的標準且多採取國史館的材料凡國史沒有收入的人物清史稿大抵沒有這便是清史最大的缺點這種原因大概是着手以前沒有具體的計劃先訂定目錄鈎勒輪廓然後再下手去做以致弄成一部沒有甚麼宗旨的史書我想這個原因與清史稿的作者問題頗有關係蓋清史稿的作者似乎沒有一個真實有識力的總纂而其他作者多屬前清遺老或普通文人遺老當然是不願輕改前清的舊制普通文人又往往把史學與文學混而爲一專門從文學上着力不注意體例和史實我常說宋子京所謂「文省於前事增於舊」便非真正良史因爲做歷史不能從省文着想我們從別的书查察便可找到許多清史稿所漏載或誤載的材料這是清史稿第一個缺點

(乙)材料的缺乏 清史稿的材料不免限於國史館的紀載所以材料很缺乏往往有許多很重要的史實都沒有紀載譬如(一)滿洲的文字他的創造和改革很有一番歷史就是對於滿清文化的關係也不小從前一切重要的典章文件都是用滿文寫的但是關於怎樣的創造怎樣改革清史稿沒有詳細紀載 (二)滿清退位的優待條件也是滿清很重要的史料而清史稿也沒有收入這是清史稿第二個缺點

五 重修清史的商榷

我們既承認清史有重脩的必要那麼便應該預先有具體的好計劃否則仍舊得不到良好的結果我以爲在未動手以前應該先有下面幾項預備再下手去纂修

(甲)史料的保存和搜集已經搜得的材料要好好的保存未曾搜得的材料要盡量的搜集現在所急應保存的約略計之有(一)在奉天未入關以前的老檔案(二)軍機處檔案全份(三)軍機處未設立以前的南書房文卷(四)內閣大庫的文件(五)內閣紅本(六)清宮秘存檔案(七)方略館文籍(八)實錄館文籍(九)一統志館文籍(十)會典館文籍(十一)起居注等處的材料(十二)各機關現有的官書律例應該搜集的有(甲)京外各機關的案卷(北京各部外南洋大臣在江甯北洋大臣在天津最多最重要現在是否尙存在不得而知)(乙)各省通志府縣志等(丙)私家的著述(關於私家的著述雖沒有系統的材料可採取然倘能盡力去搜羅來再加以選擇定能搜集許多清史稿所未收入的材料)(丁)東西洋撰述有關吾國史事者

（乙）編纂的方法及次第

（一）先訂定體例及目錄規定有宗旨及系統的具體辦法

（二）仿司馬光做通鑑的方法先做一完善的長編以年月日爲綱把史料按時日編入

（三）根據長編分別剪裁貫串編成一部清史稿

（四）斟酌潤色成爲一部清史至於編纂要旨有得而言者（甲）須破除一切因襲的陋習和專制時代的忌諱合乎現代的精神表現歷史存真及求備的價值（乙）詳述典章制度沿革的變遷（丙）闡明盛衰治亂的因果如洪楊之亂便是因滿漢區分的結果

我們爲達到這幾項要旨去修清史鄙意此脩清史的機關不可再照清史館的組織最好要學術界擔起這個責任組織團體去共同工作而由政府實力輔助之

（丙）體例的商榷

（一）不應該再編成一姓的歷史（以皇室爲中心）故此本紀之存廢大可斟酌

（二）紀傳表志是否仍舊保留關於這點有三個辦法（甲）不要紀傳把重要的事實編入志繁瑣的史實編入表（如紀事本末年表大事表）但有些史實感着無可附麗的困難（乙）保留舊體例而變其精神（丙）完全保留舊體例而採取通鑑方法另編以有綱有目的編年史實紀事本末體於編年體之中

此外還有三點不關於體例方面而應該商榷的

(一) 有人主張應編一南明史爲明末清初銜接聯貫之用

(二) 滿清未入關以前和明代有關係的時期應編一滿清開國史爲明清當時事實的聯鎖

(三) 民國未成立以前和滿清有關係的時期應編一民國開國史爲滿清和民國史實的聯鎖這樣使廿四史一脈相連了

鄙人今日所講的並無批評清史稿意思不過因研究此事不能不牽連說及行篋中帶書甚少徵引的多未能指實殊爲抱歉不過希望藉此可促起大家的注意好好地去進行一切免得將來從事更加困難至所說當否還望諸公指教

聽了美展開幕的幾段演說以後民國十八年

第一屆全國美展開幕的一天我本想說幾句話後來因爲時間不夠又有些想說的話別人已經說了因此樂得躲懶我聽了會裏的副會長同時兼代表教育部馬夷初先生的演說覺得教育當局對於美術二字能有很明瞭的認識這可以說比之教育部能夠開這個展覽會同樣的可喜因爲美術根本的意義與教育政策的方法種種都有極深切的關係教育當局的認識美術與否不但關係於美術而且關係於教育吾人既承認美育爲教育的一種核心自然希望當局一切設施能向此目的進行不過天下事若根本沒有認識那怕旁人用了千方百計都是空的此次馬先生說的一番話也可以說是教育部願意注重美育的一個憑據倒很值得紀載一下

不過美育這件事情不能不靠美術家去做我國現在可以真正算是美術家的究竟有幾個能不能供

給全國的需要他的能力是不是能合現在的需要這都很是疑問

我國藝術界之荒陋貧乏淺薄恐怕是不容自諱的但這亦不能十分責備藝術界政治社會的後援幾乎沒有有甚麼方法可以發展

我國現在的需要是使社會爲美術化這比之使美術爲社會化更是要緊但沒有許多的藝術家從中領導傳播我相信這件事是沒有希望的

其次便是研究美術的材料我國研究美術的材料或者可以說不夠但舊材料實在是很豐富的不過多少年來我國研究美術的材料散失了若干毀滅了若干到於今還天天不斷的聽見某處造象出了洋了某件古物盡歸了那個外國人了再不然就是某處古建築物給丘八拆賣了或者放火燒掉了這樣的情形真叫人感覺到我國的人腦筋裏根本就沒有什麼叫做美術

所以我眼前最低的希望祇有兩件第一件是保存古代美術第二是培養美術家

這兩件並非專希望於政府但政府當然是可以及應該負這種責任的我之所謂保存同時便帶着整理和研究與前此收藏家深閉固拒等于守財奴者不同與玩物喪志之徒單供把玩者亦不同至於培養美術家固然是含生存問題在內但不是每人給他們有飯吃或者竟然發財那就算是培養培養的意義是要成就這一類專門的人令他的藝術能以向上獨立發明深造以至大成這其間至少係令一國有志美術的人不致凍餒而能多得各種精進的機會即如開展覽會等所以學校博物館展覽會都是不可少的前幾天路透電上說意相莫索里尼與國內銀行家商定組織一機關專貸款與意大利各

美術家我想我國的美術家不免個個都想我國出幾個莫索里尼吧前幾天看見上海出版一部關於美術的書叫做「美術界」我想美術能夠成爲一界怕的尙早不過不能不有此希望這就全在同人的努力了

音樂藝文社演辭

前幾天蕭友梅先生邀我今天來說幾句話但我近日身體不適且對於音樂並非專家本不敢隨便說話但聽了蔡子民先生的話不無感想現在略與諸位談談

我們在今日國難深重的時候組織本社恐怕會引起別人誤會說我們不知亡國恨所以我們爲本社前途計爲使別人了解我們的目的與使命計不能不注意到下述的幾點

本社的宗旨及應做的事都在章程上詳言無遺我是完全贊同的用不着再討論

蔡先生說「音樂與藝文是很關國情就是在我國歷史上已有悠久的重要的地位」我以爲一個民族應該有一種精神的表現無論爲事業爲學術而尤其顯著者則在文學哲學美術等

在我們中國音樂與藝文從前都是合一的如詩經及其他歌謠大半與音樂相聯因爲感事抒情宣之於口必有各種的節奏抑揚高低與腔調須和之以樂纔能盡量發揮堯代之擊壤而歌就是很好的例子此外古代各種著作如諸子百家之書皆有一種音韻（如易經等）但當時是否與樂相聯就不可考了漢魏六朝以至於唐所有詩歌大抵皆能合樂如漢之朱鷺戰城南等六朝之子夜歌等唐之柳枝渭城等皆是詩之不能合樂殆始于宋然宋詞乃代詩而興者宋詞固能合樂也元明之詞不能合樂乃

以曲合樂逮清末則曲亦不能合樂而祇有皮簧梆子以至灘簧等係合樂的無奈其詞句太劣缺少文學上之價值而音樂復缺少進步此兩者所以終無進步也

我國音樂與藝文均屢受外來者之影響如佛教和道教則在中國文化上有很大的影響同時我國的音樂亦因之受一大衝動蓋佛教自印度及西域帶來之音樂及道教自行傳製之音樂乘我國樂教衰頹的時候大大侵入幾於喧賓奪主如琵琶橫笛筚篥等自漢代已佔重要位置六朝唐代更連曲調均用外國的如龜茲波斯之類因此之故可以下如下之二斷案（一）中國音樂與藝文是相聯的（二）我國人自古就善於吸收外來文化音樂亦然

我國音樂與藝文本來每二三百年來必發生變化一次唐代由詩變為樂府唐末至宋由樂府變為詞及長短句元代由詞及長短句變為曲即其一例但自元朝以後就沒有甚麼變化了這或者是我國文藝不進步之原因即如寫字一事大篆為小篆小篆變隸楷行草其間皆閱時不多但以後絕無變化悉由束縛於一種方式之下不能解放故無從改進耳

現在我們追念已往和推想將來據我的意見當此世界藝術正是潮流激進的時候適值我們音樂與藝文分趨沒落之期我們應該本着（一）中國音樂與藝文向來是相聯的（二）中國向來善於吸收外來文化這兩點去努力接收外來的音樂擇其適於國情者及研討我國固有文藝取其適應於近代者而從之創造出一個中國的新音樂和藝文在這沉寂荒蕪的藝園裏復興其繁榮燦爛的生命近人喜言創作我以為世間沒有創作的事祇有演化的事復興不過是演化的初步我們如懷較大的

希望應該不止以復興爲滿足但同時不可懷躡等求進的意思方始有效果可言世間萬事固從無不勞而獲者也

清代詞學之攝影 民國十九年五月國立
河南大學學術講演

承貴校函約講演鄙人一時實想不出什麼可以貢獻的東西昨始想到「清代詞學攝影」這個題目因爲鄙人近來正在編輯清一代的詞其間略有所見特行說明於下不過許多係一時的感想所及恐尙不能據爲定論

民國繼清之後對於過去的這二百六十餘年事應有一個清帳歷史就是最好的帳簿不過清史至今沒有編好前次清史館出版的清史稿其中雖有藝文志但亦不足爲清朝文學的統計表鄙人因爲好詞之故所以打算把詞的一部分歸攏起來做一個清帳以作文化史和學術史的一部分因此搜羅詞家很是不少截至現在止已得四千餘人除去不明籍貫及年代者外依照地域分配作一統計如下

清代詞人產地表

| | | | | | |
|----|------|----|------|----|-----|
| 江蘇 | 二〇〇九 | 浙江 | 一二四八 | 安徽 | 二〇〇 |
| 廣東 | 一五九 | 福建 | 八七 | 江西 | 七一 |
| 湖南 | 六〇 | 滿洲 | 五八 | 直隸 | 五八 |
| 山東 | 五三 | 四川 | 三四 | 河南 | 三四 |
| 貴州 | 三三 | 湖北 | 三二 | 山西 | 二六 |

| | | | | | |
|----|----|-----|----|-----|----|
| 雲南 | 一八 | 廣西 | 一八 | 陝西 | 一三 |
| 奉天 | 一一 | 順天 | 一〇 | 甘肅 | 三 |
| 蒙古 | 三 | 綏遠 | 無 | 察哈爾 | 無 |
| 吉林 | 無 | 黑龍江 | 無 | 新疆 | 無 |

關於各地詞家的統計現在尙未成功現在所查得的人共計是四千八百五十餘人除去不知籍貫的六百多人已知籍貫的如上表爲四千二百三十七人此係很暫時的一種統計將來考證明確當然還要修正的不過此種統計到也很有趣味

詞是文學當中的一種他的發達實與其他文化學術有密切的關係觀於上表所列可知江浙文化之盛亦可知揚子江流域文化傳播來得容易安徽居第三位亦因揚子流域灌輸較易之故廣東是屬珠江流域江西和四川也是爲着長江的關係至於滿洲一部份是有特殊情形的——不是指滿洲那地方而言乃是指散處各地的滿洲作家——這是要附帶聲明的最少是甘肅蒙古兩地與江浙比較相差到數十倍可知詞之發達與否與文化學術適成正比例這是縱的研究尙有橫的研究

朝代的研究

| | | | | | |
|----|-----|----|-----|----|-----|
| 順治 | 一八八 | 康熙 | 一一七 | 雍正 | 三六 |
| 乾隆 | 三六二 | 嘉慶 | 三二八 | 道光 | 四四〇 |
| 咸豐 | 二〇二 | 同治 | 一一〇 | 光緒 | 一七八 |

宣統 一三二

此種年代很難分分起來亦不能準確所以我把那人死於何代即作爲何代的人亦不過是大概罷了在此表上看出道光朝詞人最多頗足怪異據我的理想或者爲承常州詞派盛興之後風氣大開的緣故否則爲何道光朝其他學術均未超過乾嘉兩朝單獨詞學特異呢這種理想我看或可成立吧雍正朝極少尙未考得他的原因順治朝人亦不少不過多是生於明代的人物

綜合清朝詞人約有六千恐怕還不止來比較元明兩代固然多的多即宋朝爲詞學全盛時期也不及此數這或者因爲年代久遠湮沒了但友人趙叔雍先生搜集明一代的詞費盡力量不過二百餘家可見清代詞學比較是很盛的以上均是談量的方面現在要再談質的方面庶幾可知清詞的價值

清詞之超越明代而上接宋元這是可斷言的詞發源於五代到兩宋總算登峯造極了清詞能上接兩宋實因具有下列兩種優點

一 託體尊

二 審律嚴

因爲以前的人往往視詞爲一種遊戲作品而不認爲高尚的所以詞人作品雖是很多但是除了諸大家的詞饒有寄託外都不過寫些流連光景的話固然體格不見高尚而且多傷於率野無深厚之情緒及高遠的理致元人也多是如此而且多流入纖碎一路及至明代連詞的體質多未辨清他們的詞往往不是浮麗纖巧就是粗獷叫囂直到清初還是染的這種餘習嗣後浙派首領朱彝尊出覺得詞學日

見顏靡便想設法挽救標出宗旨汰去不少惡習漸將詞的品格提高於是詞學漸漸走入正軌康熙乾隆幾朝幾全受這浙派勢力的支配厲樊榭可以說是裏頭最有心得的直到嘉慶時代又有常州派出來首領是張惠言周濟他們以爲浙派專於文字上做工夫磨礱雕琢遺神襲貌弄得外強中乾流弊不可勝言因爲這樣所以張惠言主張以詞上接風騷其重視之如此而詞的風氣因爲之一變光緒間浙常兩派均由盛而衰了因而復有桂派的發生其代表人物卽是王鵬運況周儀他們以常派爲根底而又稍加變化因之詞風復又一變清詞共有三變而其不謀而合的卻同是提高風格增進詞的地位

註 桂派字樣係假定的且各派人物不盡是該地之人如常州派者未必卽是常州人請諸君不要誤會

詞本合樂到南宋後歌詞的樂譜卽漸漸失傳了自元迄明大家都不講究了在清順治和康熙兩朝的詞不合律的也很多直到萬樹戈載編著詞律詞韻歸納各大家作品定出一個標準來於是填詞的人始兢兢於守律所以清詞大家很少不合律的不但講究平仄卽四聲陰陽亦不容混這也是清詞獨優之點我看清代文學多不能超越前代的如曲不及明更不及元又詩也不及明朝獨詞較好可知清人對於詞的研究深切了由此看來清詞立在重要的地位定無可疑的

我們研究以前的文學歷史覺得一種新興文藝必定要受前一時代的影響如清朝距現在不過十幾年現時當然要受他直接的影響但是要問現在這個詞有無進展的可能我以爲前人講詞注重的兩點（一）情——屬於內的（二）景——屬於外的或使情景融合但是可否再加以「理」字呢據我自己理想應該是可以的最近王靜安先生標舉出境界二字此境界可說包括「情」「景」

「理」三者即如前人所沒有的境界我們何妨取來入詞而成新的境界我想這個是可以的還有詞的作法必定要受他的束縛要調有定格字有定數詞有定聲感覺非常痛苦這是填詞的人個個感到且雖如此束縛究竟不能入樂若是隨便作自度腔又患無所依傍不成爲詞我們要想救濟這種缺憾那末應對於音律加以十分的研究把從前的音調節拍聲腔樂器等等一概弄得明明白白隨時可以做出新調新譜那就可以不拘於舊調舊譜甚至可在音樂上改造一番詞的境界我們居清代之後能如此做再進一步的工夫或者有超過前清的一日但這不是平步可以登天的至少要把詞的性質先弄明白能夠按譜填詞一絲不錯且意境字句均臻上乘方可說到自己創作鄙見如此還希望諸君指教

孟廉泉
筆記

建築外交上的新基礎 民國十九年

中國自從和外國人交通以來向來就站在一個被動的地位而外人對於中國的事往往不是認爲神祕便是覺得鄙屑所以他們觀察中國的情形向來不甚明瞭而且很難得一種公正明白的態度我們既常聽見外國人拿一知半解的理論武斷地來批評中國一切事情有些人將中國捧到三十三天上頭說得中國無一事不好而借此來表示他成一個中國通有些人便說得中國和野蠻生番一樣無一事不壞似乎對付中國是應該用武力來壓制的這種「不虞之譽」和「求全之毀」真令我們莫名其妙那種惡宣傳固然有害於我就是那種瞎恭維也未必於我有益然而中國幾十年來却受這種空氣籠罩住了

這次國民革命成功外國人對我表示同情的固然「大有人在」然而一般外人對於現在的中國是不是有澈底的了解和真實的觀察這還是個大大的疑問我認爲外人對於中國這次的改革恐怕不免祇有驚疑兩個字他們看見中國革命居然成功似乎覺得可驚而對於中國將來的建設又抱着懷疑的態度在這驚疑心理之下所以對付中國遂不免處處用敷衍手段來搪塞一切

但是這種敷衍和搪塞究竟於中國發生什麼效力是不是中國人所歡迎的呢總之凡是人類和人類相處第一個要義就是要能互相了解能夠互相了解纔有互信有了互信纔能夠合作國家和國家之間也不能逃這個公例如果彼此未曾了解即使勉強拉攏起來也是斷不能持久的又何況有這驚疑的心理橫梗在當中呢所以我們如果希望外交順利如果要取消不平等條約要建設中外間相互的新關係非打破他們這種驚疑的心理而重新自動的造成外交上的新形勢新基礎不可但是這種外交的新形勢和新基礎一定要建築在互相了解和互信的地基上面纔能夠有永久的維持性

了解人家的情形當然是我們應有的責任然而我們現在還負着一種要設法使人家了解我們的使命因爲中國在國際上向來是被「惡宣傳」「誤解」「偏見」所籠罩住的很少人能真知道他的本來面目我們應該趕快揭開這層面幕使人家認得使人家知道我們爲什麼要取消不平等條約使人家知道我們現在是如何做法將來又是如何做法什麼是我們的主義什麼是我們的目的省得他們終日被驚疑的心理所支配被無稽的謠言所朦蔽而不肯或不敢和我們誠意的接近

近來國際間的新趨勢內政和外交關係已經漸漸到了不能分離的地步因爲國際間的連帶性日見

密切各種政策的關係日見複雜所以不分內政或外交大有牽一髮動全身的情形近年來時常有因這一國的內政而牽涉到那一國的外交因爲那一國的外交而牽涉到這一國的內政的事實因爲內政和外交關係這樣密切所以近來國際間所取得的外交手段往往由主持內政的當局直接磋商接洽從前所必要經過的外交途徑已經漸漸打破所以現在外交官在外交上地位的重要已經大不如從前這是外交界上的一種新形勢中國當然也不能夠獨異現在中國正當革新的時候我們內政所取的方針和途徑當然和我們的外交有重大關係即如各國的內政上外交上也有很重要的關係所以我們的實在情形各國一定是很重視而很想知道的我們自然應該明白地將我們的政策宣布出來讓人家好了解

所以我主張我們應該多派些重要的人去切實向各國政府和人民宣布我們的政策把我們黨國所決定的大方針和進行的步驟以及我國人民的願望和盤托出令人家可以澈底了解而生出一種同情心並且不至於再受其他謠言的朦蔽這樣纔能夠在外交上樹立一種新基礎纔能夠轉移各國的目光至於進行起來也不必用何種正式的外交方式因爲這不單祇是外交界上的事情凡是政府和人民都應當盡力儘可以用一種新的方法來建設中國在國際上的新基礎那末不但不平等條約可以取銷就是中國在國際上的地位也可以提高得多了

鐵道部廿一年第一次總理紀念週報告

今天是民國廿一年舉行第一次總理紀念週本部所負的使命是實行總理所計劃的鐵道建設我們

於每一次紀念總理時不能泛泛的紀念應該對於總理遺教找着那一樁事對本部有關切要的特別注意努力實行總理遺教中綱舉目張細大不捐而平生所特別注意的尤其是鐵道建設總理認鐵道爲建設中最重要部份記得民元時候總理屢次對我說到鐵道事業應如何注意如何擴充當時我擔任局部的事眼光看不到就是一般同志也多以爲計畫太大不容易做到但是總理的計畫並不是爲一時一地一人而生是有系統的整個方案完成的時期並不是就在目前完全要依靠這方案一步一步地做去許多人以爲這計畫空洞不容易實行不無懷疑我曾向他請問他說我不是工程師和技術家怎樣去實行是專門家的事後來又說一切詳細計畫須由專門家去實行這可見總理虛心的地方其實行的程序和辦法並不是一手一足之力是要靠大多數人去努力完成的總理這樣的虛懷若谷亦可見其對於鐵路專門人員盼望之深切照此看來凡在黨國服務的人對於總理一切遺教都應該要盡自己能力就自己責任內去努力實行纔可以完成總理實業計畫達到當初計畫的本意

在我個人意思要實行總理實業計畫單就鐵路方面來說我覺得最重要的就是鐵道事業變爲專門化因爲鐵道是專門事業譬如用人非找有學理研究和專門經驗的不能收效各國辦理鐵道都有共同的原則依着共同原則以求邁進如果不守共同原則決不會辦得好可知專門的軌道不能違背近年來各國鐵道雖歷史事實和環境各有不同但趨重專門化都已成爲不可掩的事實商辦鐵路最著的首推美國國有鐵路辦得最整齊最有成績的首推德國和日本凡辦鐵路先決的條件在謀本身獨

立和健全纔於本身發展無礙就美國商業鐵路公司來說就沒有我國鐵路的苦痛不受環境的拘束各國鐵路到了良好的地步並非一時可做到必要有良好的政治整齊的法律社會人士又都奉公守法一切事業都上了軌道本身纔有改進可言我國鐵路情形諸位心內當已明瞭在不幸環境之下如何設法脫離固然希望有良好政治以排除不良現象但我們負有專責的人是不能坐待政治改進之後纔去着手的民國廿年以來戰事頻仍鐵路事業無一日順利亦無多大進步可是不能說絕無進步鐵路界同人苦心孤詣其成績總可以較他方面事業算是差強人意但是不能認為滿足現在已做到的不過百分之一或千分之一甚至萬分之一其他應做的完全未做國家社會所要求於鐵路界的很多在三年五年以至十年之內要有多大進步以副國民的期望是不容易的事總要障礙減少發展纔速譬如走路就要掃地至於地形之高低地質之好壞要馬上改良到至善就不是簡單的工作所以到何時纔完成總理鐵路計畫恐怕一生都看不到可是我們的目的是像種樹一樣並不是爲自己要喫果纔去種樹我們也不能任憑着社會狀態自然地過去而絕不努力我們對於鐵路事業總要像父待子子待孫期收穫於日後不能以渺茫而毫無希望我們知道一切事業都像有機的生物一樣細胞新陳代謝的機能活動就自然蓬勃生長譬如鐵路事業就像人身鐵路職員就像細胞細胞是否健全其機能是否活動關係於人身的健康甚大許多人不明瞭這道理以爲一種事業之中服務地位低責任少資格淺就不甚負責須知職務的大小無多大關係無論任何職員都是人身中的細胞細胞不健則身體隨之不健而微菌進病態現由危險而殘廢而死亡了所以我們應該不斷的研究不斷的努力纔

可以把鐵路事業改進

至於說到要把事業真實地改進還有要緊的道理就是分工合作即如一部機器分有發動部份和運轉部份各部份連續發生關係則機器就會活動起來如果拆開就成廢器我們的工作和機器推動情形一樣動力部分發動而輪軸及各部份不動則整個機器爲無用可是輪軸及各部份不依一定的程序亂動起來也是無用又如某一部份有了毛病甚至小如螺絲釘那機器也不能用所以一部的事業正如一部機器務要各稱其職各盡其能纔可以使事業發達至於說到盡職盡能似乎很籠統其實要很細密我們不是按時到班按時下班循例辦公就算了事普通辦事多以文書主動辦文書的也以爲文書是事實其實文書不過是事實之表現公務上不能專靠文書就算明了文書沒有包涵的一切工作都是最要緊的故部與局的隔閡互不明瞭而發生文書辯論對於時間很不經濟我們有加緊工作就是節省時間尤其是對於附屬機關應該設身處地爲其解決一切因爲部方和局方各有各的困難各有各的立場求共同目標的達到惟有把部和路的隔閡打破把各方的困難解決自然局對部一定服從不會生出辦事上的困難近來路局沒有解決的懸案很多如有法可解決的我們應該設法爲之解決部局合爲一體自然進行順利效果可期否則只有相當周旋相當管轄實際上生不出什麼功用機器的輪軸不推動整個的機器變爲沒用了從今以後深望諸位對於這點切實注意

我們既知任務是如此重大就應有有系統的把總理鐵道設計畫分期來完成總理計畫十萬英里鐵路現在還沒有建設到二萬里在第一期雖然將告完成但第二期還沒開始我們今後一面要把第

一期工作完全結束一面要把第二期創設與完成以備第三期和第四期有人能繼續下去我們現在對於第二期的人材要積極地培養和訓練把第三期的種子先種下去使鐵路事業繼長增高發揚光大我們負有繼往開來的責任對於這點望諸位同人都有很深的認識

鐵道部應急貨運會議訓詞 民國廿一年

鄙人此次到部以來方纔半個月當此外交內政困迫之時默察吾輩救國救民最低限度當從大多數人民之起碼要求做起所以鄙人特先召集應急貨運會議以應切要期可解決全國人民供求之一部份並可稍爲救濟現在社會經濟之困敝爲總理民生主義及實業計畫做一極小工作今天是開會的日子各位負責人員都已到齊鄙人趁此機會略說幾句扼要的話

現在陰曆冬令是各路運輸的旺季我們要待解決的事都是應急的事我們要縮短時間放開眼光把目前必需辦的都趕快辦去因爲近幾月來社會經濟非常危險各路積貨雖說有幾十萬噸實較往年少了許多實是天災人禍的惡果本會議的使命並不是祇爲鐵路的自身是兼救濟民衆經濟的恐慌現在商貨既不流通那就是鐵路之責也就是本部的責任我們應如何設法解決這是本部召集此次會議的根本原因至於會議方法的運用以及各項議案的決定都盼賴諸位有詳細精密的研究以便分頭進行

目下各路車輛比從前減少雖然積貨不多但運輸力不比從前所以各路車輛要充分利用不可糟塌虛耗各路車輛有比較充足的有被災後沿綫出產不旺的各路都應認真通力合作移緩就急不分畛

域同屬國有鐵路對於此點自然不須叮囑近年來路與路的信用減輕過軌車輛不能回路皆由彼此不能通融不能合作我們現在應打破這種畛域以應付目前急切的需求至於在站存貨不比從前多雖說是生產減少其實貨物存在行棧裏的我們尙未調查所以不能因站內貨少而就說站外沒有貨至其不報運的原因一因接運船舶減少二因金融困敝商本週轉不靈以致許多貨無人採辦三因國外購買力減少內地市場不旺許多土貨不能設法運出這都是社會表現生產衰落的現象我們要補救這種現象就要在運輸上盡力此外水上運輸以及金融關係雖非我們所能爲力但亦要和他通力合作也要與各方面並顧兼籌纔盡運輸的能事纔不負本會的使命

我們於此次會議除主要目的之外還可趁此機會對於路務上互相交換意見在會議終了的時候或會場以外的時間都可以討論使各路一切相互的問題都可以附帶解決

以上各點盼諸位注意庶本會所負的使命可以完全達到望大家共同努力

鐵道部最近施政經過和今後的計劃 民國廿一年

今天是新政府成立後本部第一次施政報告報告的題目是鐵道部最近施政經過和今後的計劃現在我們分兩部份來報告先報告最近施政的經過

近年國內各鐵路外受金貴銀賤的影響料價高昂支出增鉅內受連年軍事和去夏水災的關係積貨不通路收大減說到整理一層雖然苦心孤詣竭智盡能仍不免感覺多少困難至於建設方面更因經濟所關未能充分進行可是本部過去得有孫（哲生）連（聲海）二部長力爲設計排除困難已有

相當的整理和建設現在本人對於繼往開來正在努力計劃以謀實現相信不久的將來各路當有長足的進展現在先報告最近施政經過再談今後的計劃最近施政約言其要可分爲工務業務和財務三方面來報告

第一 工務方面

一、完成隴海靈潼段工程 隴海鐵路橫跨甘肅陝西河南江蘇四省綿長一千六百八十三公里在交通方面很佔重要的地位和各路關係很多實爲開發西北重要幹路連年因種種關係工程進行屢興屢輟本部成立後因該路靈寶至潼關一段各項工事已具有基礎不宜久聽停頓飭該路先將該段工程繼續興築仍因軍事屢興工程屢阻直至十九年底積極趕修到去年十二月路線軌道鋪達潼關東門外後溝地方卽就該處設立臨時車站於是月十八日起開始行駛工程列車附帶客貨營業這段工事可算粗告成功了

二、力謀完成首都輪渡工程 南京浦口間大江橫隔京滬津浦兩路火車未能直接通渡旅客頗感不便經設計決定用活動橋梁式在江邊建築車輛輪渡碼頭可容四十噸貨車三十一輛或最長之客車十二輛機車一輛已在下關和浦口同時興工建築橋梁基礎一面將輪渡橋梁招商承建可是經濟一層不甚充裕故還沒有多大成績最近借撥英庚款已告實現對於工程進行可不致停頓完成之期當不遠了

三、擬定國道分期興築計劃 全國國道路線網國道工程標準規則和國道運輸計劃大綱早經本

部公布關於國道條例也呈奉公布一面另訂各路線分期興築計劃分爲四期第一期先築京桂線京滇康線京藏綏閩新線綏新線之一部均長一萬六千里打算六年內完工至於建築經費已擬定計劃呈候核定

第二 業務方面

一、減輕各路煤斤運價 東北事變發生本部爲獎勵國煤出產起見呈請行政院核准通飭各路暫停增加煤運價目三個月各路向有之站務費久已取消出口煤斤也定九折收費使國產煤斤銷場漸廣以塞漏卮

二、規定運輸貨物普通和優等的收費標準本部前頒普通貨物分等表中有中外區別字樣時起爭執後來經本部將中外字樣刪去修改爲優等和普通以免文字上的糾紛但優等和普通的區別在各路多感沒有一定標準施行頗覺困難本部經調查各路貨物陸續將標準訂定卽如運輸捲烟和雪茄煙兩項優普收費標準無論外貨或國貨凡繳納一二等統稅的作爲優等按一等貨核收運費凡繳納三等貨統稅的作爲普通按二等貨核收運費已令飭各路遵照施行其餘物品現正搜集標準仿照辦法陸續公布

第三 財務方面

一、改編部路預算 各路預算爲路政設施的標準也是財務計劃的基礎關係異常重大因令各路就自身業務情形根據已往事實審察現在狀況和將來情勢從事編審並於會計年度前三月編製預

算呈部由部嚴密將本年度預算數與上年概算數詳細比較酌量核定增減有支出超過的發還改編以求核實藉以審察各該路營業有無增加費用能否節省此外并按照本屆會計統計會議議決編製月份預算辦法以便稽核至本部預算按照內容科目分類嚴密審核詳為比較照實際情形從新改編矯正從前錯誤以免將來預決算內容發生不符合之病

二、統一各路會計手續 鐵路會計關係重大辦理手續應趨一致現各路對於編製帳冊各有歧異甚至一路的帳因缺乏統一手續辦法的弊年各不同因辦理會計人員不明會計性質不知會計手續現另定統一手續辦法先派專員先去津浦路考查後即派往南潯路實行整頓依次前往各路加以整理以期一致而便稽核

以上所說的只擇要報告一二其餘如擴張各路聯運實行國音電報改良衛生醫務以及編纂交通史等等都已積極進行了

至於今後的計劃自本年元旦本人就職以來對於從前所已計劃而未實施的或已進行而未完成的都決心逐一繼續着做去並以鐵路事業為營業性質應就社會經濟狀況和民衆方面的需要使成為商業化使國營鐵路事業其業務蒸蒸日上不受環境的支配又鐵路事業本來是專門事業用人方面非找有學理研究和專門經驗的不能收效所以應該把鐵路事業成為專門化辦理這事業的務求不斷地研究不斷地努力以負起鐵道建設的使命在最近的將來本部的計劃仍大約分為工務業務財務三項擇要來報告

第一 工務方面

一、修理毀壞的路線和各項機械的設備 國有各鐵路當軍事水災之餘所有各種設備多受毀壞而且日本入寇東北所有東北各路損失更大現在即使能通車亦多行車遲滯甚至每小時平均速度不及二十英里的本部現決將各路路線和機械各項的現狀分別查勘修理補充務求於最短時期盡量恢復以利運輸

二、改良和增加各幹線工機各項的設備 平綏平漢津浦北寧隴海五路爲我國最重要的幹線今後地方安定社會經濟日趨進步對於運輸需要也日趨繁重各種設備自當計劃擴充如橋梁軌道的加固機車客貨車的添購各路枕木的更換電報電話的改進等等都視各路經濟的可能和社會經濟的兩標準積極圖謀擴充以資改進

三、完成粵漢隴海等路工程 粵漢路韶州至樂昌一段雖已動工但所有土石方和隧道工程還未完竣現打算趕速完成俾早日通車至樂昌至株州一段庚款一撥到分三年築完其已通車的湘鄂廣韶兩段正在擬訂整理計劃以謀改善至於隴海鐵路靈寶至潼關既經通車其潼關以西各段正設計興築務於五年之內可以完成又隴海東端自運河至台兒莊一段支線於貨運很有關係爲求該路路務發展計已計劃興修了

四、設立機車車輛和材料製造廠 各路車輛機車修理廠本可以說得勉強應付但受歷年路款缺乏的影響對於補充維持大多荒廢所以第一步工作爲恢復工作量使能供給各路需要其次就是擴

充和改良的工作以應路務發展的需求改良的涵義有二（甲）爲集中大修理和開辦簡單製造的車廠一洗向來各路各自爲政的不經濟（乙）爲統一技術集中人才一洗從前任意受外國總工程師支配的弊病至於材料製造廠和機車製造廠不過預期計劃纔可以進行

第二 業務方面

一、疏通目前積滯的貨運 國難當前民生困敝本部職管運輸自宜亟圖盡力救濟以紓目前之急故特定於本月內召集平漢平綏北寧津浦京滬滬杭甬膠濟隴海道清各國有鐵路舉行應急貨運會議擇其最急迫的擬具方案提出討論以求各路貨運疏通解除商運的痛苦并謀各路的收益

二、根本改進各路的業務 國有各鐵路連年因環境關係客貨運輸停滯不暢軍運繁多業務疲敝一落千丈而鐵路沿線的經濟狀況也隨之衰落對於國計民生影響很大本部爲謀各路業務根本整理並永保發達起見特設置業務改進委員會派定有經驗富學識的人員爲該會委員設計一切務求得有有系統的具體方案以裨實施

三、扶植鐵路沿綫工商業 鐵路營業的盈虧和該路沿綫工商業的盛衰關係密切像唇齒的相依所以沿綫工商業發達到鐵路貨運增多運價自能低廉而出產品必能暢銷工商業更受其惠反之如沿路實業不振鐵路營業衰落運價高昂貨物停滯路商兩方交受其困我國特種物產如煤鐵絲茶糧食等全賴交通便利運價低廉方能暢銷只以目下各路車輛缺乏普通運輸已經不敷支配所以獎勵實業頗難辦到可是今後和平統一政局安定經濟一有寬裕車輛自可增加本部自當積極扶植獎勵

農工商業的發展而符民生主義的主旨

四、着手實施鐵路職工教育 本部實施鐵路職工教育計劃已經公布其進行辦法和程序亦已籌備妥當現已積極着手實施預定於民國二十二年年底使全國鐵路職工一律有讀解三民主義千字課的知能於民國二十四年年底使凡不滿四十歲的職工一律有接受公民訓練的知能此種識字教育和公民教育實施後則職工教育的基礎大致完成然後舉辦職工技術教育職工高等教育以完成本部職工教育計劃用合本黨改良勞動者生活的主旨

第三 財務方面

一、整理各路債務 各國有鐵路所負內外長短期借款和料價欠款數目很大近年來路款支絀每未能籌付本息且自十九年以後各路因時局影響往往不能按月填具債款報告表呈報來部目下大局已定營業上可漸復原整理債務計劃實為最急之務所以本部打算將各債款詳細數目和性質分別調查明確已通令各路將二十年十二月底止負債款別和總分數目詳細分別列表呈報並限以後按月報部以憑整理此次一中全會有利利用國外資本發展國營事業的決議如能實施則十萬英里鐵路計劃亦不難實現了

二、撤減各路沿線貨稅 近來民生凋敝工商業不振貨稅征收過大更令貨價高昂銷路減少商民頗感苦痛而鐵路方面因貨運不多收入亦因隨之銳減影響於國營生產事業的鐵路實為不少為謀路商兩方利益計實有撤減各路沿線貨稅之必要本部現擬先行詳細調查各路貨稅名目類別和稅

率再咨財部酌量撤減以利商運

三、準備接收正太鐵路 正太鐵路自一九零二年由督辦鐵路總公司與華俄道勝銀行訂立借款及行車合同嗣由道勝除還本付息事項外將經理行車各權讓渡於巴黎銀公司現道勝已歇業路權完全在銀公司之手但借款本息將於本年三月一日全數還清依據借款合同和行車合同的規定這項債款一經清償即可由我國收回現距收回之期甚近本部已積極準備當可如期收回

以上所舉僅就目前需要情況而定最近的計劃此次培植鐵路專門人才籌備路航聯運等等都為最近計劃所及惟是一切的計劃是否能夠實現固然要具決心而環境如何也有莫大關係現在舉國團結共謀建設全國人士共體鐵路救國之旨助本部計劃之實現庶國家社會的經濟基礎漸進鞏固民生主義得以實現這是本部所最希望的

發展青島市演詞 民國廿三年

今天承蒙沈市長雷局長邀到這裏來演說又蒙沈市長過分的揄揚真使兄弟一方感到非常慚愧一方又覺得非常感動慚愧是因為沈市長對於兄弟的揄揚實在都不是兄弟所敢承受的感動是因為沈市長治青三年得各位協力輔助埋頭苦幹竟在這樣的環境之下能夠得到這樣的成績不僅市區人士感覺得極不容易就是我們這輩外來的旅客走馬看花的觀考一下也覺得難能可貴的了青島環境的困難這是人人所知道的事實所以凡是明瞭青島現狀的人士對於市府歷年來奮鬥精神莫不表深切的同情希望對於本市有點幫助兄弟來青已經不止一次對於青島的一切情況雖不敢說

有深切的觀察只是自己認爲可以貢獻諸位作爲參考材料的一點小小意見也不妨拿來和諸位談談不過諸位服務青島都有相當時間對於青島的觀察定然要比兄弟清楚得多深切得多即一切計劃也定然要比兄弟更爲詳備更加精密所以兄弟的一點小小貢獻只可說我盡我心未見得一定有補於青島前途的進展哩

兄弟以爲要發展青島的建設促進青島的繁榮第一須要明白青島在華北的地位在中國的地位在世界的地位然後可以估定青島一隅對於華北的價值如何對於中國的價值如何對於世界的價值如何應該怎樣建設纔可順應環境不致辜負他的地位這是建設青島首先該注意的原則

兄弟以爲在中國的許多商港中佔最關重要之地位者華南莫如香港華中莫若上海華北要推青島不過香港已經割讓於英上海的經濟重心則在租界也操持於外人之手只有青島一隅已經我國收回是一個自主的商港所以青島商港之重要性比較香港上海更可寶貴更爲切要如果我們要建設一個工商經濟的中心區域青島要算頂頂合宜的地方了況當此世界經濟潮流澎湃奔騰不可遏止之際倘或經濟方面沒有站得住的基礎非但無法與列強經濟勢力相競爭抑且無法謀自己生存的出路近年以來對於處處感到窒息不通的困苦洋貨進口年盛一年土貨的出口愈形減少單單糧食一項年達一萬萬元有奇南方所喫大米北方所喫麵麥大半仰給外人夫以數千年來以農業立國之國家食糧問題還不能自己解決就經濟立場言是何等危急而嚴重的問題呢且據海關報告本年自一月份起至七月份止僅僅七個月中入超數額已達三萬萬數千萬兩以此推算全年入超至少亦得

在六萬萬兩左右照這種經濟現狀的表顯已完完全全的暴露了一個經濟不能自存之形態還說什麼軍政還說什麼國防

有的人說「我國經濟基礎所以崩壞的原因完全由於列強經濟的侵略」這話聽來似乎是很有理由其實基礎崩壞的根原決不會如此簡單列強侵略固然是其中的一種原因然而內戰外患天災人禍也不能說不是種種重大的因子同時世界上種種大問題逼迫而來也是使中國經濟日見窘迫的因素現在一九三六年第二次世界大戰的呼聲已瀰漫全球是不是真真能夠發生固然是一件未可逆料的事實可是我們應當怎樣去組織民衆訓練民衆怎樣去應付危局怎樣可使經濟有辦法等等的預備工作似乎也不能不予以深切的注意倘使長此因循經濟問題一無辦法即無大戰也將不足以自保何況大戰爆發的嚴重局勢已經是橫在我們的眼前呢東西各國的國民不論國內國外一旦有嚴重問題發生或處於嚴重情勢之下無不遑遑然日夜不安謀所以應付救濟之道以期轉危爲安然而回顧國中嚴重情勢已經隨時隨地都可看到但除一二熱心人士爲應付環境計關於經濟建設的主張還能時時與我們的耳目相接觸外大多數的國民則仍毫無感覺依然以嬉以遊沉醉在個人陶樂之中一無表示這真使人不能不有杞人之憂哩

我以爲我們經濟問題現在已經到了是山窮水盡的時期欲求柳暗花明重現一番嶄新的氣象極非易易所以第一着對於這經濟病源已經深入膏肓的病人應該以保持他的生命爲首務使他的生命有了延續的可能然後再慢慢的從根本療治上去着手辦理第二要把這病源給他一種詳細的分析

何者爲主病何者爲從病以定緩急先後急而應先者先治緩而可後者後治庶幾有着手回春之效第三醫生治病各有見地各有方案未必能完全一致我們應當互相參酌以求至善倘使甲醫生的方案治而無效儘可請乙醫生亦來診治一下正不必囿於成見這樣這深入膏肓的病人或者還有重蘇之望乃近年以來熱心人士講求經濟或竟從事經濟整理未嘗無人可是其所詔示我人者竟無大量之效果這完全由於急其所緩緩其所急的緣故所以要恢復中國經濟的康健非於緩急先後用心斟酌務使各如其分不克有功

現在我們在青言青青島一隅在我國三大商港之中是唯一的自主商埠就貿易而論山東全省江蘇北部河北南部河南東部的貨物皆以青島爲吐納口不啻爲華北商務的總匯所以計劃華北的經濟建設固不宜忘了青島就是計劃全國的經濟建設也不應把青島忘懷可是中央政府及社會人士對這華北商貨的重要吐納口青島市都沒有十分注意這不能說不是一種錯誤近年沈市長治理青島成績斐然中央政府及社會人士未嘗不見未嘗不知却沒有一個人肯來幫助一臂之力這究竟是什麼原因呢依兄弟的觀念大抵由於一般人士皆以青島爲華北重要商港以爲青島的收入足夠青島建設的需要不必仰仗別人的資助因此大家都淡然的置之了其實這種思想是完全由於沒明白青島的外延和內包所形成的錯覺現在青島的海關收入已經劃歸中央其他大宗收入僅爲港務上使用費地產上租賃費及車捐衛生費等項每年至多不過五百萬元上下行政費保安費建設費教育費都要這裏面開支如何穀用德管時代除了青島全部收入德政府每年還拿許許多多萬的馬克津貼

青島建設之用所以十六年間能夠建設成功這樣一個現代化都市倘使當時僅以青島的收入供給青島的需用德人雖富有建設技能恐怕也不會有這樣的效果吧此後我們如果要盡青島環境上的需要將他儘量的建設起來使青島繁榮月增日盛則中央政府社會人士均得給予相當的助力照目前市府同仁的努力已經可算得各盡所能以最少的經費做到最大的效果了而此後建設之急待發展急待舉辦者還是很多很多我想青島建設不但市府同人不會對於現階段下的一點建設認為滿足即全市市民恐怕也不會以此自滿認為不必再圖擴張況青島地勢之優美非僅上海所不及亦為香港所不如所以建設的發展也非僅為工商業上的要求抑亦為自然形勢上所必要這是稍稍明白青島情形的人們人人所當承認的原則只是以青島現有財力謀青島前途發展是一件決不可能的事實因此在愛護青島的人們第一應當喚起全國人士的注意使他們知道青島的地理環境及其在華北在中國的地位的重要藉以取得全國人士之同情與協助然後將一應建設一樣一樣一樁一樁的辦理起來不致辜負這優美的境地第二欲求青島繁榮不僅專謀市內發展即市外亦要有相當的設施因為一個口岸的發達全在生命線的發展與延長現在青島的貨物來源南至江蘇北部北至河北南部西至河南西部以及山東全省皆以青島為吐納口屬野不過千里而已且交通方面海運雖通達南北而陸運僅靠膠濟鐵路數量方面猶未能十分發展倘使我們要儘量吸引華中華北的貨物交通設施上還應該有許多的建設這種大量計劃的實施更非青島的財力所能許的了最好的辦法路局航商與市府共同合作協力進行庶發展上比較容易這是一件十分切要的工作

本來膠濟鐵路延長路線一案早經計劃過了預備西行的聞有三種不同的路線一條是由濟南展到順德一條是由濟南展到彰德一條是由濟南展到道口都可與平漢路接軌其中採用那一條路線貨物最多最爲合算尙有待調查至於南行路線原定由高密直達徐州定名爲高徐鐵路與隴海路接軌這樣河南陝西冀南皖北蘇北進出口貨都可以青島爲吐納港青島貿易數量至少可以增高一倍海運方面膠萊運河亦與青島繁榮具有重要關係此河起自膠州北達蓬萊出海以貫通黃渤二海之航線凡海輪由南而北由北而南不必再繞成山角在航程上至少可縮短六七百里所以在需要上講雖然沒有像蘇彝士運河巴拿馬運河的關係重大而便利航輪實在亦非淺鮮此河舊時曾經一度開通現因年久失涸漸次淤塞若能就原有遺跡加以疏濬尙不至若何爲難也前聞山東省政府建設廳開鑿此河之議果能成爲事實對於青島繁榮必有大量影響

且青島海運北達天津大連南達海州上海均稱便利惟此種航運都是內海轉輪其直接與世界航運者還是沒有不過就我們的觀察青島與世界直接航行是有可能性的德管時代就有由青島直接航行漢堡的輪船倘使對於海運上有了相當的準備則由青島出神戶經大西洋以達美洲或經太平洋以達歐洲都是可能的航線所以此後的青島如果對於經濟建設上能充分發展前途繁榮一定是不限量倘或中央政府社會人士對於青島的建設不作相當的援助僅由青島執政者以市內的收入供發展的應用則其建設決不能盡善盡美當此經濟競爭萬分嚴重時期勢必流於失敗一途這是人所常注意的一點因此兄弟敢說一凡是計劃全國整個的經濟建設決不可忘了青島因爲青島一

隅在我國經濟發展上是具有非常重要的地位」或者說「現在華北形勢非常惡劣將來一旦有變一切建設全成泡影我們也何必急急於此呢」說這樣話的人實在是倒果爲因謬以千里統觀現世界中的國際情形沒有一國可以說能夠永慶昇平享受天下太平的幸福弱的固然如此強的也未嘗不然美國銀行一倒就是一千數百家國內的不安可想而知而見美國在現世界中稱爲金元的國家尙復如是則其他更可推想了所以就形勢危險而言不僅華北如此卽全世界亦莫不皆然可是世界各國對於一切建設都在盡心竭慮唯日不足的進行着未嘗以世界形勢惡劣抱定消極觀念聽他自生自滅因爲只有竭力的從事建設擴張經濟能力纔可以緩和環境化危險而爲安逸所以形勢愈是惡劣我們的建設愈要急進纔是消弭惡劣環境的方策如果以前的建設已經遠不如人到了環境愈趨惡劣的時期還是畏首畏尾不再努力我想三五年後不但華北形勢不堪再想就是整個國家也要捲入惡劣漩渦之中要求如今日之苟安一時亦將不可復得矣還有什麼建設可談呢所以在現在這樣環境之下要求自救自拔轉變環境只有自己覺悟自己努力去建設一條大路出來譬如有一條船載了不少客人航入大海忽然船頭觸了暗礁弄成一個大窟窿這時全船的人自然只有通力合作把這大窟窿設法堵塞起來的一種辦法堵得好全船皆安堵不好同歸於盡全船的生命是處於生死一致的情形之下如果坐在船艙的人以爲觸礁是船頭船頭雖然漏了船艙却還可以得片刻的安閒對於船頭的堵塞工作毫不加意我想像這種人不是白癡定是呆漢了你想船頭沉了船艙還有自免之理乎現在華北華南的形勢正與此喻相類方今華北危險華南人士正宜以同舟共濟之心通力合作的來

建設華北變換華北的環境使形勢得以由張而弛由危而安纔是真真愛國之道若華北形勢惡劣反對建設實施以圖片刻安逸這和坐在船艙上的人們看着船頭沈沒還有什麼兩樣況現世界中外交政策的變化恆視經濟現狀爲轉移這是近代外交史上常有的實例此外軍事政治亦莫不視經濟能力的高下決定優劣的判別卽如近來世界大戰的呼聲已經瀰漫了全球發動的原力還不是一個世界經濟大問題所以這次世界大戰是不是真會實現就要看這世界經濟問題除了戰爭之外有沒有另謀解決的途徑而定倘使經濟問題已經找到了出路就可以政治手腕作爲解決當然世界大戰卽可無形消失人類本是聰明的動物戰爭又是可怕的事情以戰爭作爲最後的裁判當然誰都知道是一件極不合算的事件所以各人放棄各人的私見共謀和平解決的辦法也是一樁可能的事情我們很希望有這樣的一天不過說雖然是這樣說可是像我們這樣經濟落後的國家倘使不把生產能力設法擴充經濟建設力圖發展一旦而戰固然是無可應付不免大大吃虧就是幸而不戰亦不見得可以得到任何利益也許經濟問題一無辦法將來的危險要感受得更加厲害故處今日環境之下欲求國家轉危爲安除了竭力的從事於經濟建設沒有第二條道路青島建設雖不過國家建設中的一部可是他的地位握華北商務之中樞爲我國唯一自主口岸其重要性超越上海遠過香港決不可以華北形勢惡劣大家以冷眼視之這是我們應當深切覺悟的一着

在世界各都市中經濟勢力之雄厚昔以英國倫敦爲第一因此倫敦遂成爲世界經濟之中心其後經濟勢力漸漸轉移移到了美國的紐約紐約遂繼倫敦之後成爲世界經濟的中心現在世界經濟的中

心又從紐約移到倫敦去了因爲經濟中心是一種事實的表現除了自己努力之外決無強爭硬奪之可能性我國經濟中心在目前的情形之下當然要算上海倘使我們能夠把青島的生命線儘量的延長交通竭力的設備吐納量竭力的增加一切經濟上的設備莫不應有盡有則經濟中心未嘗不可由上海移到青島假使青島成爲我國經濟中心不特治權完全在我即經濟支配權亦不必如上海之專仰外人鼻息華北局勢更可因經濟勢力的轉移而得一大助力本來一個國家經濟勢力的擴張全靠優良的商港前清末葉一輩大員不明經濟原理不注意於口岸的重要因此好的口岸都一個一個租給外人到如今處處感受經濟的壓迫這便是中國經濟無法擴充的最大原因你看俄國因爲波羅的海的口岸受制於丹麥海峽不能自由出入因此建築了一條西比利亞鐵路直通海參崴以求海洋的出路通商口岸的重要也就可想而知現在我們總算費了九牛二虎之力把青島一隅仍舊由外人手拿了回來那麼這僅有的自主的商港我們應該怎樣的愛護他怎樣的建設他使他日漸強壯日臻發育不負一番交涉的苦心何況青島收回之初各國人士頗多譏評其謂十年之後將仍變爲漁村現在雖經歷任長官的努力及在座諸君之輔助已經比較德日時代更加發達更爲繁榮了昔日譏評中國人無治理能力者現皆轉變詞鋒交相稱譽這一層我們不能不對歷任市長及在座諸公作相當的申謝可是我們對於青島建設來講卻還是不能滿足我們一定達到青島成爲中國經濟中心的目的達到一切經濟建設無不盡善盡美使外人對於青島的觀念從此一變對中國人治事能力不敢再加忽視這樣我們纔可以說一聲青島的建設大致已經完成了

不過要使青島的建設達到盡善盡美的境地決不是單靠青島現有的財力所能奏效中央政府社會人士都應該分一部分力量幫助建設的進行這一層兄弟在前段已經一再的說明不必重行贅述現在所要說的是市民對於青島所負的使命和義務了依市組織法的規定凡在市內連續居住在二年以上即爲市民所以不論是在青島市中經商也好做工也好住家也好如果已經住滿法定時期二年以上的就取得青島市民的資格一方可以享受市民應享的一切權利另一方也得盡市民應該負擔的義務這是箇箇市民所應當認清而且覺悟的一點不要以爲我們是偶然的在此居住權利固然不要義務也不願來盡弄到偌大一個市區沒有主體的存在反而使市政府做了青島的主人因此市長好市政固然是有了進步市長不好市政也就不堪再問成爲人存政舉人亡政息的現狀這不能說不是市民沒有認清自己在法律上的地位的流弊所以組織市民這一件事在現在的情形之下也可算是一件非常切要的工作沈市長治青以來就看透了這一層所以在鄉區設立了六所鄉區建設辦事處在市區設立三所市區聯合辦事處作爲領導民衆組織民衆之機關藉以溝通官民情感以收官民合作之效這真是先得我心使兄弟萬分欽服我想此後行政建設都能依照此種辦法進行一定可以把市民組織成功一個整個有力的主體使能力完全集中則不特一切建設可以得到民衆的幫助即地方自治也可因此建立起一種堅勁的基礎了至於組織民衆的進行政序組織方案在市府早有種種計劃已在實施而且有的地方已經有了很大的效果兄弟實在沒有更好的意見可以貢獻近聞沈市長又在鄉區設立教育中心區所有一切村治方面的事務完全由中心區主持辦理以期政教合一

我想將來所收效果一定更有可觀因爲組織民衆最好的工具莫如教育教育普遍則民衆知識可以增進民衆技能可以熟習生活都可因此而安定不良分子可因此而減少甚而至於消滅這是沈市長素來主張一再對兄弟說過的且以鄉區小學作爲政教合一的中心藉以訓練民衆組織民衆尤其容易取得民衆信仰可得事半功倍之效果今天在座諸君除了行政機關服務者以外其在本市教育服務或竟服務於鄉村小學者一定也還不少希望諸位對於這普遍鄉民知識組織民衆團結兩方面更加要努力進展務必於最短期間以內獲得最大的成功則此後青島繁榮一定更加日增月盛無可限量而在諸位一方可以不負沈市長一片提倡苦心一方對於青島繁榮也建樹了無上的功績這是兄弟所萬分希冀的一點

況市民與市的關係實不啻軀體之與細胞果使細胞的組織精密而健全則軀體也自然因之而強健這是一定的道理所以我們要想把一個市區所有的細胞使他日臻康強自惟有切實訓練精密組織纔有效果而且現在鄉民的一般心理對於教育都還沒有認識清楚以爲讀書識字不過爲求取功名顯宗耀祖我們鄉下人只要做做吃吃過一世安逸日子就可算如天之福讀許多書識許多字要他有什麼用呢這樣的思想我們在鄉村之中是常常可以聽到的倘使不先把這種思想給他設法打破則普及教育組織民衆在在處處都可以發生阻礙所以要增進民衆智識當先儘量排除民衆間一切陳腐思想使他們真確的認識教育原理及共同組織的利益這是要算最最重要的工作這樣我們應該知道除了教室中的教育以外我們還應該去做教室以外的教育事務倘使單靠學校教室中談談說

說充其量只能轉變教室聽講的學生的思想而決不能轉變民衆的一般觀念因此我們須得應用各種各樣不同的方式隨時隨地去教導他們纔能獲得良好的成績兄弟對於沈市長所主張的設立鄉村教育中心區使政教合一以政治的力量去推動教育以教育的力量來輔助政治的計劃實在是非常欽佩的一種設計希望在座同人共同努力則不特青島之幸實在是中國之幸的（魏鏡記錄）

行政效能演詞

民國廿三年八月
在青島公安局

今天承王局長約來講話盛意不能推却鄙人對於警察學識夙少研究而且諸位同事在王局長領導之下服務成績很好也無須鄙人來講話今天只來講講行政效能雖不過是些老生常談其實是我們現在值得注意的一件事民國產生已經二十三歲就是中央統一也有七年了在這個長久的時期之間內政外交自然都有相當的改進不過也有許多不能十分滿足原來期望的所以然的主要原因固然很多就是行政的效能未能十分達到也算是其中的一件

在未談行政效能之先我們應該知道行政和政治的解釋是有區別的政治是所謂政綱政策就是政府所定的大政方針和一切的設計同辦法行政是實施的是按照預定的方針去實地分頭工作的也就是把一切的設計和辦法來實地表演出來的一件事情的應興不應興應革不應革是要有一定的方針如何興如何革必須要有一種設計和辦法至於能興不能興能革不能革這就要看行政的效能了所以可以說行政效能就是用來表現政治力量的一種工作我們對於行政效能既然了解自然應該研究方法使得他盡量的發揮和增進可是今天只要說明行政效能所以不再研究下去

前兩個月我在上海遇見老友胡適之先生他說「我看南京的行政很好政治欠佳」據我的觀察適得其反因爲政府的政治途徑在在都拿國利民福作標的那能說是政治不好結果能夠作到的很少那是行政效能太差不能充分的表現出政治的力量譬如我們坐汽車本來是希望行動起來快便汽車的本身機械各部分當然不能有一點殘缺可是汽車機械雖然靡有殘缺不過司機的技術不好也是不能滿足我們希望的不但不能行動不快便而且還要把車弄壞發生危險的

蘇聯的第一個五年計畫在第三年的時候已經完成生產的力量比從前增高至幾十倍他的出產已經到我國來傾銷並且使得歐美的生產界發生恐慌我們只要一談起來靡有不佩服得五體投地的其實也不值得什麼大驚小怪不過人家的行政效能大一點也就是人家的行政人員能夠盡量的發揮他們的行政效能來充分表現他們的政府政治力量罷了

在過去的二十幾年裏頭國際上本來給我們很多的好機會倘使我們能夠利用那些機會一定可以替國家找些出路可是看看過去的陳迹政府方面並不是未有利用那些機會不過是毫無成效可言把許多很好的機會白白地放過等於未有利用一樣這就不能不歸咎於我國的行政太無效能了爲什麼我國的行政的效能不能充分表現也是我們急於要明白的據我看也不外乎以下的一兩種原因（一）用人的方法未能十分合理（二）職權的分界未能十分清楚先就用人說用人的方法不合理行政效能當然是不良的比方有些人是由於情面的請託援引來的對於所擔任的職務必必能夠勝任愉快即使他對於所擔任的職務曾有相當學識上的準備可是一個生手做事的成績當

然趕不上一個老手並且所說的這種人往往跟着他們的長官（就是他們的親友）來移動和進退今天辦這件事明天辦那件事恐怕他們對於他們自己所辦的事情還沒有認識清楚那裏還能談到有什麼效能再就職權來說職權的分界不清楚妨害行政效能的影響更大有許多人因為職權不清的緣故往往對於發生的一件事情常常要顧慮這件事情應當不應當由他們辦或者因為種種關係常常要顧慮這件事情他們能夠辦得到辦不到因此他們不能不稍為猶豫一下甚至於把一件事情推諉耽誤下去那裏還能談到什麼效能假使全國的行政人員每天都有最少時間的猶豫不能辦事即使每人只有幾分鐘那麼總計起來他們所白費的時間和他們白糟蹋了的國家的俸給實在可觀得很

鄙人初入仕途的時候是在前郵傳部當一個下級職員經過許多年的升遷調轉各級地位的困苦滋味都嘗試過所以總理說「人盡其才」這就是對用人的人一種訓示因為人們的才力是有範圍的並不是萬能的必須把一種人才用在一種適當的地方纔能使他們盡量的發揮他們的才力纔能使他們替政府盡量的表現政治力量纔能收獲着行政效能的結果再進一步推想一種人才是極不容易得着的因為造就成功一種人才須要經過許多的時日消費許多的心血和金錢若是用在不適當的地方那就等於廢棄廢棄固屬是不經濟即使偶爾用在適當的地方卻不能使他們長久安定着繼續在發揮他們的才力也是不會有良好的行政效能

我們稍有常識總會知道英國的行政效率是最高的其最大的原因就是人盡其才之故譬如現在英

國的外交次長他作了廿餘年的英國外交次長一直到現在還繼續地作着儘管經過了許多派別的政治黨的組閣倒閣的風浪換了許多形色的人來作外交總長可是他始終繼續地在爲國家努力盡量發揮他自己的才力充分的表現他們政府的政治力量顯然看出他們是有良好的行政效能這就不能不歸功於他們政府的用人十分合理和組織良好職權分界的清楚了所以行政機關好比一部機器如機器運用不好決不能發出大力量和製造好物品這是站在政治地位及主持政務的人都應該知道的

什麼叫作經驗

諸位同仁今天膠濟鐵路學術講演會要兄弟到會說幾句話說到鐵路學術繁複深邃經緯萬端絕非無專門學如兄弟者所能演講今天在此會中說話似不相稱但承葛委員長錢主席等再三敦促不好意思負大家的意思但是還不能說是演講祇能說是談話且恐所說的沒有多大的供獻希望大家原諒今天在會諸同人都是在路服務多年的因爲職務上關係或者也需要像這一類的談話可以補充或提醒但是自己總覺得自己沒有專門學問又適在旅行途中缺乏參考資料對於演講一事感到想到的困難所以就用談話的方式來說幾句今天打算要說的題目是什麼叫作經驗這題目原本是預備在杭州所舉行的中國工程學會和幾個科學會演講的後來因事遄返滬濱沒有發表當時因爲什麼選這個題目呢因爲在那個會裏盡是些專門家與技術家我既沒有專門技術學問能夠貢獻祇能選了這個題目或者反可供大眾的需要今天與在杭州的情形大略相同所以就將這個題目移到今天

來用了大概普通一般人對於經驗兩個字的解釋都很含糊不清楚祇以爲辦事需要經驗但是什麼是經驗歷來却沒有一種明確解釋凡是一個名詞的解釋都隨着環境之變遷而有不同我們今天所解釋的經驗可以說就是這個時期對於這個名詞的一種解釋平日一般人都以爲經驗是與學問相對立的所以普通常有這種說法某人有學問而無經驗或者某人有經驗而無學問其實這種心理是錯誤的據兄弟的思意以爲要明白經驗的正確解釋應該先知道（一）經驗與經過不同譬如說由甲地至乙地中間所走的一段路程僅僅祇是經過了而已他的內容外表環境如何皆不能深悉又如人之一生對於衣食住行這種種最平凡的事情雖經過了一個很長的時期去處理它但往往都是聽其自然的過去而並非知道其所以然的原故因此而定出一種處理的方法來這種祇能算是經過而不是經驗（二）資格不是經驗譬如一個人在某一個機關中服務任事年月雖較久而對於本身職務除去僅僅沒有過錯而毫無心得可言這當然不能便說他已有了經驗所以說資格絕不是經驗是很明顯的（三）摹倣不是經驗因爲一個人雖然有了學問如果他僅能把他所學來的知識絲毫不加選擇的照抄一過拿來應用在實際上看去這恐怕十九是要失敗了的因爲像這種樣的學問家不會因時制宜活用他的所學結果當然不會培養成良好豐富的經驗的事實告訴我們這種情形又實在是眼前學問家們所最易犯的通病（四）試驗不是經驗因爲試驗的結果究竟是成功還是失敗在事前是不能確定或預料的這當然也不能算是經驗試驗與經驗雖說近似但試驗祇能說是經驗的一個必有的過程與階段而不能說他就是經驗大概人生服務大致不外如上述的那幾項然而這

幾項都不是經驗那麼我們要問到底什麼纔是經驗的正確解釋呢據兄弟的意見來下一個定義應該是根據學理事實能夠發現一種最經濟而適用的方法爲他人所能效法的謂之經驗爲什麼這樣說呢在許多場合經驗與學問有關沒有學問的人譬如像燒火的鋸木的工人他們也有職務上的經驗的不過他們的經驗祇是片段的沒有系統的所以學理與事實根本不能分離根據學問而生的經驗方可謂之經驗又我們同時還應該注意到經驗與適用那兩點上因爲如果忽略了這兩方面則結果必將得不償失本來經過了很大的努力而所得到的收穫却很微小這是有背經濟學的原理的至於說工作的結果不能在實際上適用那直可說是完全失敗了至於說到爲他人所能效法的這一點因爲假使祇是某人自己偶然的一種發現僅僅他自身纔能夠去運用別人是無從去效法的那麼這種新的發現不是有通常性恆久性的甚至於自己以後亦不能取來作一個標準或模範這也不能謂之經驗根據以上來說如果我假設這個定義並沒有什麼錯誤那麼我們就應該仔細思維一下我們個人對於自身所擔任的職務有沒有相當的經驗我們應該以我們的經驗去貢獻給我們所服務的機關使這經驗去幫助增進我們在職務上的效能還有經驗是不能限制人的無論智愚都能在自身的努力之下培養成相當豐富的經驗我們正應該及時盡力去培養增進它但是人生是有限的我們又應該有一個培養經驗的預算否則將錯過了機會虛擲了光陰所謂預算是說我們對於個人的事業應該預定好一個努力進展的路綫專心一意的去順序推進當此國難極端嚴重的時期我們應該知道凡是在事業上努力進取的人們如果能夠獲得了充分的時間較好的機會並且製成了縝密的

預算容許在自己的職務上盡心工作可以說是一件極難得的事情了人們應該怎樣的去利用這種不可多得的機遇勤求經驗貢獻心得於社會國家近年以來一切專門事業已經有了較為滿意的進步了譬如像以外行人辦外行事的時代差不多已經過去了但是因爲時代的要求無論何種專門事業它的本身也還需要更詳盡的分析分工合作纔能有較大的效能現在差不多已經做到了專門之中還需要特別專門的地步因此從來所說的專家萬能之說也不是可以攬統而論的因爲專家並不萬能已爲眼前的事實所證明了有許多新事業在中國自以爲是有長足的進步但是祇要拿去與先進各國的現狀一比擬便立刻可以知道實際上我們的一切還差的很遠呢因爲我們的專家並沒有儘量的發揮出他們的能力也是一個不能長足進展的原因這裏頭固然有很多的客觀條件限制了他們但專家們也不能完全不負責任卽如說專家在機關裏服務往往所用非所學或居上領導者並非專門人才指揮督率失當或者因爲人事情面的關係因人擇事服務的目的別有用心根本不需要經驗的培養凡此種種都是阻遏建設生機的絕大障礙也就是戕賊專門人才的最大的原動力像這種情形在普通機關中最容易見到的鐵路方面則比較的要少就以專家在鐵路方面服務而論也比在其他機關方面較有出路在近年裏中國的新興建設事業日有進展國家需要專門人才也日見迫切但是專家們雖有了很多的出路而一考事實從事新興建設事業的專家們他們果真能夠做到了不虛擲時間不糟蹋物力不違背經濟與適用兩項的原則麼這個恐怕還是一個疑問罷這是要希望我們的專家們自身反省與隨時糾正的大概人類在社會上活躍所爭取希冀的無非是功成業就四

個字所以人們有了相當的機會能夠在前輩專家的指導下去工作努力增加經驗並且把他貢獻於社會國家不正是我們應該羣起邁進的一條平坦大道麼如果人人能夠如此做去則共同所發生出來的力量一定是很可觀的了在現在的許多專家中有許多人差不多都犯一種通病他們往往不甚注意他們所應具備的常識和泄泄沓沓忽略了他們所應負起的職責對於所事毫不經意草率將事漫不經心記得某處有一水渠工程經過了二年的長時間耗費了百多萬鉅額金錢之後忽然被發現了水準綫不準確以致無法再去繼續工作祇得將工程就此拋棄擱置了又如某地修築馬路工程將次完成發現了中綫計算舛誤無法使之啣接一處請想如果以這種專家去擔任新興建設事業不是很危險的事情嗎年來兄弟從各方面閱歷過了非常多的事情本人雖非專門家而曾經隨時指出了不少專門家所設計的專門事業方面的錯誤在當時被指摘的專門家當然不會以為然而接受批評的但是不幸得很經過了一個相當的時日之後所有的錯誤竟都一一如兄弟所說的暴露出來了請想一個學識豐富的專家所設計的專門事業而竟會被沒有專門學問如兄弟者所指摘出種種錯誤缺點來這固是專門家們的一種恥辱但考其病源無非是缺乏經驗自以為是而已鐵路建設上的專門人才的需要現在是感覺到非常之殷切因為新路建設與日俱增此項專門人才當然也隨之不敷支配起來就以鐵道部選調各路人員組織測量隊而言各路人才不為不多而事實上想要組織一個完善滿意的測量隊竟致非常的不容易着手因為專精於一件事而具有特殊心得與貢獻的人才眼前仍感缺乏其餘如車務機務會計各方面的情形當然也一定是如此的由此看來大家應該趕速就本

身所擔任的職務努力工作要精要專培養經驗預備去貢獻於自身所致力的事業上當兄弟在部裏的時候曾經主張選擇路方人員赴國外專門研究一件事情等到學成歸國再加以經驗上的培植則於服役路務上所收到的效果一定優良美滿因爲人們如果能夠各專一事齊一步驟分工合作其在此事業上所共同發揮出來的能力當然會顯得格外堅實偉大我們在此不妨打一個最平凡淺顯的比喻唱戲的伶人他們要分工爲生旦淨末丑每一行對於唱做念打又要經過一番刻苦的研習與不斷的努力然後纔能博得台下觀衆的喝彩還有善於烹調廚子煎烹燉煮如何方可以適口以及選料用火樣樣都極有考究纔可做出好菜來試想唱戲與烹飪都是小事情尙且要有這麼許多的講究那麼人們對於一生的事業在最繁雜的人事與學術技能中是不是攏統疏忽所能夠收效的膠路地勢雖然偏處一隅而若干年來環境較佳秩序良好在路同人正應該善於利用境遇把握着機會珍視時間去爲鐵路事業努力精進兄弟今天所以要以什麼叫作經驗來做爲談話的題目就是希望大家能夠依照上面所說的仔細參詳共同向前邁進

暨南大學廿五周年紀念詞

今天貴校兩重紀念我想各界人們必已有多少好議論大議論我實在不必廢話不得已說一件極小的事來塞責吧

我要說的就是普通人口頭所說的華僑兩個字論理我們是中華民國故凡僑居外國時外人稱我們做華僑乃是應當的猶之英國人僑居我國我稱之爲英僑美國人僑居我國我稱之爲美僑這毫不

足爲異但是本國人稱旅寓外國的同胞却自稱爲華僑這却是很可怪的事天下事往往有許多習慣不察經有心人提出方恍然大悟認爲不當者如上海人習慣好稱公共租界爲大英地界法租界爲法蘭西地界而稱租界外之地爲中國地界此種稱謂是從來不生何項拘束力但天下事往往由習慣而演成心理由心理而演成事實所以我國有一種格言說惟名與器不可假人今日常語言中將我國與各國列爲平等卽不啻將租界認爲他人的領土而且好象我們並不是中國的人乃是一種第三方面的人所以對中英法一律看待這樣年深月久不知不覺心理上自然將自己的國家忘記了我常勸朋友寫信時千萬不要懶惰少寫一個租字要知道這一個字關係十分重要我們僑居外國的同胞在外國時備受外國的歧視斷不致把祖國忘記（或者有之乃是例外）但是祖國的歷史人情風俗往往不甚明顯這個祇要交通密切能夠多多的交換智識聯絡感情自會好的惟獨本國人對於僑外同胞似乎隔膜更甚不要說像前清政府不管僑外同胞的疾苦漠視一切就是社會方面似乎亦不發生熱烈的注意與同情這雖然決不因爲稱呼上的關係但亦不能說完全沒有絲毫的關係譬如人家一個姑太太母家的人稱爲姑太太與爲張太太李太太自然就有親疏之分了所以我提議以後凡我們本國人對本國人無論他在何處均用不着標出國籍猶之同姓的一家人決不用自稱姓氏（除了對外）至於旅外同胞應稱爲僑某（如英美之類）同胞或僑某人民不可再用華僑字樣不過爲簡便起見尙須想一容易稱引的字樣（最好係兩個字可以替代華僑兩字）現在我尙未想出很的當的字盼望諸位同人趕緊想想

貴校爲僑外同胞最高學府又有多少大學問家來當教職員盼望對這個問題略爲注意

我與黃膺白先生

我之識黃膺白先生始於清末其時先生在北京軍諮府服務但是泛泛相遇而已自歐戰起後余自歐洲歸讀先生所著關於歐戰各書聳然異之余時方任勸辦實業因聘先生爲參議是爲訂交之始厥後先生繼余長交通余復繼之凡所策畫類相沆瀣當先生攝政銳意改革北方習於蹈故多腹誹焉一旦政局改遂務欲反先生所爲且多指摘余頗左右之先生所延攬賞拔之人余亦多所倚任先生固默謂余能知其意也上海市組織余發之於民國十四年閣議及十六年國民政府任先生爲市長其主張又皆不謀而合成績燦然助先生分理市政之傑出者如黃君伯樵沈君怡固皆先生之所厚而又爲余所贊許掖助之者也世人論者頗謂吾兩人處事過密用人求備長短均有相類處余亦頗謂然第余喜哲學文學藝術而先生性不近藝術先生諳軍事政治而余又未學軍事此其異耳今先生永逝追懷往昔益增悵念聊識其小者以當哀辭

交通大學四十周年紀念感想 民國廿五年

本校二十五周年紀念時適交通大學方改組成立而余實主其事迨三十週紀念本校易名爲南洋大學曾有徵文集之刊行余以前此籌組交大時頗具詳密之規劃與本校前途關係甚切故爲文以闡明舊日之方針藉作未來之參考今滬唐平三校仍合爲一校而上海本部且以四十週紀念聞復蒙徵言及余夫以今日之時變勢易而獨斯校能盤長增高孟晉向前固可引爲欣慰者也

吾國過去十年爲變動極劇之時代十年之前國民革命運動已在發動之中未幾底定東南不久復完全統一國人方慶三民主義之實現和平建設之可期乃晴天霹靂國難當頭至今愈演愈深而交通大學處此變化無窮危疑震撼之秋竟能弦誦依舊邁進不已以今日交大之基礎成績方諸十年以前均屬遠勝又烏可以無賀

本校十年以來之進步所以能如此顯著不得不推主其事者之苦心孤詣熱忱愛護其詳情自有學校之報告可稽卽約舉大端則十年以前因時局關係校款支絀今則經費增加無虞缺乏往日校舍建築除開辦時創建之外數十年中僅有圖書館體育館療養室數座多半賴校友及外界捐助僅交大成立時由部撥款改造機械工廠今十年之中建造工程館新宿舍辦公廳及其他試驗室規模宏大皆係部撥經費至於設備之更形充實自不待言編制方面以往僅工程管理等三數科今已擴爲五院每院之下各設門系若干如科學院之有數理化管理學院之有鐵道財務公務實業各工程學院亦各有同樣之分門雖視理想中之計劃或尙未爲滿意而較之過去實大有進展各學院之課程內容亦更見周密詳備或增添新興科目或將舊有學程分析更精此又爲與時俱進之徵象以上所言均猶屬物質及學科方面有形迹可考其尤可稱道者則本校近年之學風是交大學風素稱淳實雖自五四以後國內學風丕變交大亦稍稍受其影響學校當局之更迭風潮之起伏常有所聞此時期中本校之精神進步亦不免陷於散漫遲緩但七八年來經孫前校長哲生及黎校長曜生實心改進學生翕服故雖經國難時期地方巨變而本校學生潛心努力有愛國不忘求學求學不忘愛國之風在國立大學之中非特爲東

南各校所崇仰隱隱然可爲全國之楷模此則於四十週紀念之際最足爲全校師生所慶幸而更堪爲全國人士告慰者也

吾人檢點過去自不能不有期望於將來對於本校之希望余於三十周紀念時曾分兩部言之（一）爲校務之發展（二）爲推廣之計劃關於校務之發展分爲增設學科推廣學額研究改進國外聯絡四點推廣之計劃亦分職業教育函授計劃編輯書報輔助實業四點自今日觀之校務發展方面有具相當之進步者如增設學科與改進教務是有完全停頓者如國外聯絡是至於推廣計劃則職業教育與函授計劃尙未舉辦編輯書報及輔助實業則因大學研究所之成立已具雛形但與吾人之理想相去尙遠至於十五年前成立交通大學時卽有創設研究院之議今猶未能見諸事實是則十餘年前之計劃與希望至今大部分仍爲適用且猶待努力也

如以今日之情形而歸納舊有之計劃則可分三點言之第一大學本身應於學科設置加以擴充除舊計劃中可供參考者外如公路航空國防化學等皆新興之學應視人才經濟及國家需要儘量推廣同時對於學生之質的方面及教授方法之益求精進自當隨時注意第二爲向下發展卽舊計劃中之職業教育與函授計劃對於創造中級技術人才及現在交通機關服務人員之自修應視爲當務之急尤以目前當積極建設之際如鐵路公路之興建決不能緩於大學生而外實需要大批之中級人員且必須經嚴格之訓練其實用之學識方能完成建設良好之基本隊伍第三爲向上發展以現在之研究所爲基礎於不久之將來可以擴充爲正式之研究院一方便大學畢業生有志精進深造者仍得在國

內繼續研究一方對於工商各界之問題廣集學者悉心探討以從事於解決國內當前之難題介紹世界最新之學術從事獨立研究之發明此既所以完成以往之計劃亦所以順應國內教育界之新趨勢也

交通大學之得有今日固由於前後師生之努力而亦不得謂非歷來主管機關重視愛護之結果蓋交大主管機關自商部郵傳交通以至鐵道部雖屢有更迭而究屬一脈相承精神貫徹故校中師生均得安心教讀勤求學業蔚成良善校風主管機關與學校本身之關係除供給經費以外尙有應合作者兩點一爲人才養成問題交通大學既爲國家訓練建設專才自與普通之高等教育略有不同其目標既屬特殊其設科訓練之法自應視鐵道交通機關需要何種人才而定需要如有變遷則訓練之方法即應隨之變易無論質與量兩方面大學應以供給適合於需要之人才爲目標一爲人才出路問題蓋大學所造就之專門人才如不予錄用或用而不當在個人則荒廢有用之光陰在國家亦犧牲有用之青年豈特政府年費巨款等於虛擲且於國家事業人才三者俱爲莫大之損失抑有進者交大畢業生素爲鐵道交通界所樂用四方學子無有不知故凡考入斯校來此受業皆能以學識爲重而不以奔競爲務在校則有良好之學風任事則知盡力於工作夫以鐵道部所辦大學有如此聲譽一校所產之人才而有如此貢獻皆賴部校合作之功蓋部校雙方恆注意於供求之調劑不如他方非患乏才即患失業也

十五年前爲本校二十五周紀念適逢交通大學成立但旋因種種關係其組織復有變更乃至於今四

十周年本校仍爲交通大學而基礎益臻鞏固預想本校五十周紀念時非特交大之基礎不至再感動搖抑今日所希望者必可期其一實現也

我國公路應注意之幾點民國廿五年

大衆雜誌約我發表關於公路問題的意見這無疑是值得討論的可是從那裏說起呢公路的提倡已經是在過去的事因爲大家都知道應該造路而且實際上有許多已經造好或動工更有許多在籌劃中所以現在的問題已經不是應該怎樣提倡公路而是公路應該有甚麼改良進步及注意之處即如已成公路應該怎樣維持建設中的怎樣纔經濟合用耐久籌劃中的應如何設計及實現現在我姑且就思想所及提出應注意的幾點供大家的參考

一、路線問題

公路的路線如何規定這是首先應注意的問題目下各地紛紛建設公路而沒有統籌各自爲政這是很大的毛病因爲我國國力未充如做幾條不急的路把錢浪費必致要緊的路反無錢去做這不是誤事的嗎所以我意做路必須注重交通不便的區域國防的區域其他可以暫緩目下各省造路往往係省自爲政勢不能由中央全權支配今讓一步說在一省之中也要權衡緩急不可徒務虛名或感於一時的需要便輕率去做反而虛耗財力因此我感覺路線規定是很需要的

其次要注意的是一其他交通線之聯絡一已有的公路往往與固有交通線不相聯絡如鐵路河道及舊有公路往往平行重複或不相銜接結果是效率減少了無數而用費反而加增故此建設交通網之

時首先應該使各路交通利器都能相互爲用而取得極便利的聯絡不但火車輪船汽車應互相聯絡甚至固有的駱駝騾馬車木船轎子等均應力謀聯絡方可增進效能便利大眾

第三點要注意的是一固有驛站之利用」爲了造公路而收取民地却又不給相稱的代價弄得怨聲載道實在是太不值得的事我國向來驛站皆屬通衢大道近來雖漸湮沒然尙有迹可尋我意應該根據驛路爲國道省道之基礎可以事半功倍並且驛站多半比較平坦在技術上經濟上均占優勝

二、車輛問題

我國現在通用的汽車全從外國輸入大部分是美國的有了路而我們自己不會造車（甚至不會裝配不會修理）實在是一個大缺憾照現在情形有兩件事急要注意便是一「車輛之裝製修理」和一「車輛購買的標準」

公路上駛用的車在國外具有多種載客的裝貨的上山有上山的車走平路有走平路的車長距離短距離又不同頗爲複雜我國各地買車的常識多不充足往往喫虧上當出險每年流出國外一宗鉅款固不待言而且往往不能應急又營業上大受損失照此情形公路愈多漏卮卽愈鉅真是一件可怕的事我想我國不能獨造至少要與他人合造不能全部自造至少要用外國的重要機件來裝配對於汽車知識和技術的研究更不能忽略使駕駛者都懂修理卽使中途損壞亦不致過分耽誤甚而束手無策

在自己未能製造不得已要買外國車輛的現在我想規定幾種程式作購買的標準也是很要緊的我

國現用的汽車可說係聽憑外國製造者販賣者的意思來供給而不是一定適合我們的需要所以弄到種類極其繁雜同時又失去我們自由選擇的利益因爲既由他們自由供給往往對不合需要之物不免將就而真正所需要之物又以無人供給無法取得其實外國人志在牟利如果我們能定出幾種標準他必定亦很樂於照做的如此則我們可以採取各國的特長之物及特廉之價又內地之車輛必須嚴重取締不准以破朽腐壞之車充用尤其嚴禁裝載逾量庶足保客貨之安全而謀運輸之發達

三、燃料問題

公路車輛用油是大量的據國聞週報第十卷第三十二期劉階平著「最近我國市場的煤油戰」一文中於汽油進口曾有如下的論列「汽油進口僅從光緒三十二年起至民國元年的進口額還不到四十萬加倫但到了民國廿年的時候竟增至二千九百八十萬加倫而去年（廿一年）汽油進口已增到三千萬加倫可見這二十年的工夫加增了七十五倍之多」關於油的進口數量這裏有一個表可供參考

各種石油進口數量

| 類別 | 時間 | 十八年 | 十九年 | 二十年 |
|--------|----|---------------|---------------|---------------|
| 煤油 | | 二三九、二六三、二九三加侖 | 一九五、六〇八、五九六加侖 | 一七一、一四〇、三八〇加侖 |
| 揮發油等 | | | | |
| 汽車主要燃料 | | 二八、六四四、三五八加侖 | 二九、七二五、〇五二加侖 | 二九、七五四、六五五加侖 |
| 柴油 | | 一八三、九〇九噸 | 一五一、〇九三噸 | 一一七、一三三噸 |

滑物油

一三、七六七、一〇四加侖

一三、〇二九、五三五加侖

一〇、三九四、二九三加侖

編者按查二十二年上半年汽油入口數量爲一五、八四七、三九五（美加侖）其價值爲五、九三〇、五七三（金單位）佔入口淨值百分之一·四九與去年同期價值比較增一二一·〇四（見實業部國際貿易局民國廿二年第一二季貿易報告）於此更足以證明汽油入口的銳增了汽油進口大量的增加無底的消耗已成爲嚴重問題我們現在並無一加侖的出產如海岸一旦被入封鎖全國的汽車就要全行停駛所有公路悉歸無用

根本的解決當然是油礦的開發中國好幾處有石油的富藏但是否適宜於開採尙須經認真的研究方能判斷而且非有巨大的資本豐富的經驗是不容易辦的

其次退一步想我們要注意補救的替代物其實中國因經濟關係也不一定要用汽車不用油的舊式車輛如能加以改良只要不損壞路面儘可以駛用比如舊式的騾車馬車把輪子放寬加上彈性的裝設便是一種可用於公路的交通工具就是汽車已有具體的成效至於用酒精替代汽油更爲現世解決動力燃料的新途徑我們自應加以注意因爲煤炭我國有大量出產而酒精從植物製出更是取之不盡

現在我們又從目前事實講汽油是只好向外國買來那麼也要想一個最經濟的方法聽說在內地竟有每加倫汽油賣到四五元的（在美國每加侖只售金幣五分）公路所用的油既是大量的爲什麼不做些大量購買的計劃如是占些便宜令交通事業可以更加發達因爲油貴的地方車價自然會貴

公路交通就不能爲一般旅客所享用爲調節這種情形而使買油符合經濟就是由政府設一個機關專司其事也很值得的

四、築路與養路問題

有許多公路造好不滿一年就壞了這倒未必因爲修養不得法或無人管理其實公路在建設的時候對於地區土壤應該先研究一下譬如膠土有黏性必須拌以適度的沙石雨水多的地方路旁須有完善洩水設備我們常見公路因未經注意此點一下雨把什麼都冲去了於是路面泥濘難走雖然因陋就簡爲的是省錢但這些是不能省的省了就等於浪費

有了好的路自然須繼續的修養保護這種工作就該由當地的人負責怎樣能使當地的人盡力於公路的修養和保護呢首先要他們對於此事樂於負責怎樣能使他們樂於負責呢首先要使他們都由公路而獲得利益

我們建設當然不是求統計表上加增數目字就感着進步爲自慰任何的建設都無非爲大眾謀普遍的利益爲要達這目的我們必須察其需要知所先後符合經濟實事求是能對這幾點加以注意然後公路的功用纔能發揮得出人民纔能真正獲得公路的利益否則不是做了官廳的裝飾品便成了特殊階級的專用品了我想交通本身的意義不是如此罷

對於良友全國攝影旅行團的感想

良友公司組織攝影旅行團將以半年的日力作內地的種種調查如政治經濟教育文化風俗藝術等等皆分析求其真

相以介紹於世我對此事感想如下

天下人不認識別人的很多不認識自己的似乎很少但認識而真能了解却不容易譬如我們對鏡一照似乎把自己的五官骨格身裁都知道了但體質之強弱腦力之高下性情之偏正行爲之善惡等等實在不容易估計得出所以知己二字竟是很難說的

我國古書上說有騎馬三年不知他牝牡的有見着自己妻子不認得的這種人究竟是不肯注意抑或是不知注意都未可料但究竟恐怕不是缺乏本能祇是以爲不值得注意了

值得不值得本無一定標準依常識判斷似乎現代每一個國民都有必須應該知道的各種事情（尤其是本國的）而且那種知識時時還要濬深及放大各國的學校圖書館報章書畫講演就都是爲應這個需要而設的

世界上大約祇有我們的國是一種特別情形就是立國四千年究竟現在我們的國土有多麼大人民數目有多少我們始終說不出這彷彿一個人連自己是不是有兩隻眼一個鼻都弄不清楚更說不到研究體質腦力性情何如了我國說變法說革命將五六十年樣樣改革不少獨這一點還是照舊

人們過着哲學意味的生活或者以爲這一切本可不問不管無奈事實催逼你如果真正不問不管就有多少不妥因此黑龍江東的地圖一畫錯就去了幾千里的領土自己說臺灣生番我們不管日本就會派兵去管

人們覺醒了罷廿年來我極力找這種憑據無奈很少拏地圖同統計來說大約參謀部所出本國軍用

陸地圖（係用日本東亞輿圖局的底子來修改的）要算一件大事海軍就沒有出版的海圖（現用的我國海圖是英國出版的）郵政出了一分全國郵線圖因內地村莊距離註得很清楚很有用處此外就不聽見甚麼了三四十年前還有許多人忙着考究甚麼中俄（西伯利）中法（安南）中英（緬甸）（印度）中日（高麗）的界約近十幾年反而很少幾年前有人提議要預備與俄國重新劃界仔細一算自己測量明白先要化二三千萬元嚇得祇好擱下說統計罷除了海關鐵路鹽務有幾本書繼續不斷的出版從前農商部曾經出過三次統計表外就看不見甚麼了最重要的各省通志及府廳州縣志新修者極少舊有的亦多爲外人搜采了去所以我們中國人真是連自己幾隻手或幾個兒子都可以不必知道的他也僥倖優游過他的一世

內地的老太公或小孩們還有問現在是同治幾年的國外有些華僑一面稱所在國爲祖國一面以爲我是中華世家這種現象姑不去說他可憐自居智識階級的人們也未見有多少勝過他們的地方因爲僅僅知道某種的不合某種的需要而不去矯正他供給他們其結果也與他們一樣

我在日本託一個華僑買本國紅茶他問我中國有紅茶出產麼國內有名的某科學雜誌轉載某專門家以竹造紙方法以爲是新發明這是不是叫人痛心的事

世界的人往往說中國是神祕的是一個謎但是最近情形這個神祕之謎快給人揭穿了打破了一錢不值了但是本國無其數的混而且沌的人當自己鑽在黑幕裏自己看不見自己而且以爲人家也看不見他

不錯自己看不見自己是真的人家却老早把你看得清清楚楚了X光鏡已不知照了多少回你還在睡着

這樣的情形是否可以於國際熱烈競爭的潮流中去謀生存與發展這是不待言的事不得已仍係希望少數人以至多數人真正明白國內各種事實先求能以知己再講到可以知彼

這固然亦不甚容易但是不能不做所以我常常希望多組織游歷國內的團體去國內各處調查研究似乎較之游歷國外益處還大因爲祇是幾處通商口岸決不能代表我們的中國而且我國的真精神真骨髓恐怕亦不在那裏若根據那幾處的情形就來做判斷一切的基礎恐怕要錯誤不堪（近來種種事總弄不好恐怕這也是原因之一）所以內地的調查研究是急而且要的

就反面說國際上人家對我們的惡宣傳非常之多因爲我們一點自身的表現都沒有結果那些惡宣傳便占了大勢力或且形成一種輿論所以把我們一切文化道德藝術的真相充量給人知道亦是當今急而且要的所以不但要有調查研究而且要有表現的好機關與方法就是真正不好的地方我們也可以等大家知道想出改良方法而且切實的去改良

這就是我所以十二分贊成良友公司組織國內攝影旅行團的緣故至於該團之目的任務及其效果如何自有該公司目下及將來事實之證明毋庸多贅敬祝成功

經濟建設與利用外資及技術

利用國際的資本和人才來建設落後的中國已經成爲很普遍和重要的問題了怎樣利用國際的合

作纔能發生良好的效果是他得我們來討論的

現在國內經濟凋敝萬分一方面農村破產佔百分之七十幾之農民中可以自給的不到百分之一內亂頻仍天災不斷同時政令不一各地方苛征暴斂把中國變成經濟上不生產之落伍者同時各國感覺到生產過剩和失業等等恐慌都想以遠東爲尾閥來救治本身的困難因之對中國的經濟侵略日新月異其中不顧成本之傾銷影響我國各業尤其現在歷年鉅額的入超十年以後也許只有進口把我國實業摧殘殆盡連小量之出口都不克維持而且入超貨物以糧食爲大宗對於整個民生的關係尤大金融方面則內地枯竭萬分財富集中都市尤其上海變爲不生產之死血全用之投機地皮等等無裨國計之途因之現在中國一方面不能自給自足獨立成一單位與世界各國提攜或抵抗又不能閉關自守而不捲入漩渦在這種經濟國難之下除努力建設以外實無其他出路但在左右二大壁壘中間談起經濟建設之途徑實在是一個很困難的問題依我的意見似宜以總理遺教爲根據於適合國情之原則下採一適當的政策同時觀察現在的情形及將來的趨勢要經濟發達恐必趨於建立國家資本之一途因爲一方面中國沒有大資本家且將來也難以產生而沒有資本何能建設故建立國家資本來從事建設殆有必然的趨勢

國家資本從那裏來呢稅收吧現在大多數的民衆已經是搜括殆盡絕對沒有力量來負擔鉅大的資本國庫吧中國歷來人不敷出只有虧空絕無盈餘又外國往往由國家銀行散發各種證券以聚資本但中國國家銀行信用未充尙沒有這個魄力因之要建立國家資本以圖建設恐勢必利用外資

我國利用外資已有六十年的歷史其中種種經過情形非常複雜所以我們萬不能把他看作很簡單的問題而貿然從事且國際上對我國投資之事已中斷了十餘年在歐戰以前英美法日曾有一個協定規定投資中國須取一致行動其中含有聯合封鎖作用我國不甘就範因此各國對華投資從此中斷從該協定以後直至去年纔有變相的棉麥借款所以國際是不是有剩餘資本是不是肯借給中國都是問題於今我們假定可以借到則以後如何利用纔能有利無害研究起來至少也有以下四點需要考慮

第一以前利用外資往往收不到良好的效果最大原因就是我國本身無整個計劃處處在被動的地位例如借款建築鐵道多半不是我國感覺到建路之必要但以外交關係迫而出者而借款條件又因外交關係予我國種種不利借款用途既非必要要如何還本付息又沒有確實的預算結果當然失敗所以要以利用外資一定要有一個整個計劃計算緩急權衡輕重定其多少對於還本付息加以精確的預算纔能免蹈已往之覆轍

第二國際投資固不必全有野心但也不能說他毫無作用前二三十年鐵道借款之時全國輿論以上海爲中心認爲路亡國亡反對甚力彼時所發言論似覺言過其實但看到東北事件則鐵道與國家之存亡其關係實非淺鮮現在國際風雲變幻莫測而世界糾紛中心無疑地是在太平洋沿岸尤其是在中國則各國之借款投資是否沒有背景沒有作用却成很大的疑問了這個背景問題我們也不能不考慮的

第三各國借用外資前例很多但結果不若中國之壞受債權人種種束縛皆因各國根據整個的計劃和政策自動的利用外資一面外交有相當之運用又有自主機關處置借資不至受債權人的箝制至若中國一切因無運用機關來充分地靈活地利用外資的如借金還銀借銀還金金銀兌算已由外人操縱此種匯兌損失歷年計算實在數萬萬元以上其他類似情形不一而足所以要謀充分地有利地使用外資非有各種較靈活而有組織之機關負責運用不可

第四關於借款攤還各國都有確實的保障即如革命後的蘇俄雖然起先不承認帝俄時代之借款現在已經逐漸部分的變相的承認了至於中國內國內紛亂年年積虧往往不能按期付息還本因之國際信用喪失殆盡對於無把握的投資唯利是圖之歐美資本家當然不願年來外資不入這也是重大原因所以現在要利用外資一定要下最大的決心清理原有債務確保將來借款用準確的會計和精密的預算確定付息還本之期限和額數然後信用可以維持條件可以優勝

以上四點是利用外資之必要條件照總理實業計劃將來建設費用須在二十萬萬元以上這筆鉅金自不能不求之國際所以我們不能不先有一番研究方免受人操縱與欺誑以上四點不過係指其大要其餘應注意之點尙多茲不具述

以上所說全是利用資本的問題至於利用外國人才就是國際之技術合作也是非常重要的問題我國自有明以後已用客卿前清康熙以後所用日漸加多海關郵務和海軍方面差不多全有外人服務外人往往說我國人不能幹事聞之固足憤慨但如說外人全不可用則又不然不過以前所用的外人

並非全屬極優秀的分子有時學問技術亦極平常只以我國人事無組織紊亂異常所以沒有成績外人辦事首重紀律和組織所以成績較好却不一定是人才特高之故因此可以證明我國若能自己有嚴密的組織聘請更有學識的外國人才從事建設其成效一定較前更好

以前用外國人才的不得其法由於自己太無計劃亦係一重要原因例如赫德本來專理海關以後連外交海軍亦叫他去辦同時歷來的政府用了無數外國顧問往往毫無實事可幹而且用非所學籠統放任敷衍自然生不出好果來現在世界各種學術事業因演進的結果都剖成極細的部門所需要的往往都是極專門的人才而因過分專門之故往往對全局的統籌不會代庖試觀中國僅有之漢陽鋼鐵廠曾請鍊鋼工程師不少但是鐵廠地點取鐵在一百里以外取煤在六百里以外根本錯誤遂致客卿無所施其技故出品雖好而全廠不支又外國高級專家每祇擔任疑難問題之判斷與補救若通常技術事務本有各級人員分任無須賴此巨薪之專家我國往往聘請最高級之專家而使任通常之職務而應有之參考研究資料復感缺乏往往虛耗時間於此類資料之要求則又不經濟之甚者故說到客卿之使用其中亦有許多門檻最要者即是令人盡其才譬如開一戲園缺一花面演員你却去聘一有名之花旦來客串此花旦雖係好腳奈不合需要何又如聘到一花面了而配腳與後台均不能合手則此花面又何從出色凡此種種一說便明無奈辦事諸公轉而看不清楚至時時生出錯誤與損失總而言之皆籠統二字之過也再者中國延用外人往往因外交關係被迫而爲因此這些外人便有特殊地位我國所受的損害甚多甚至非但我國沒有選擇的自由進退賞罰的自由反而時受其挾

制其實各國之用客卿乃極平常的事日本從前用許多客卿於明治之維新大有幫助蘇俄五年計劃得客卿之益不在少處又蘇俄今年把全體德國專家辭退悉易法人是何等的自由所以談起利用外國人才一定要保留選擇及進退賞罰之權纔不致喧賓奪主這又是一個極應注意的。

現在國內經濟已經到了山窮水盡之秋同時一九三六年之危機日益脅迫如果我國不能自救結果更易誘起列強之競爭以我爲因以我爲果其時死生禍福全在他人手中危險何堪設想今日努力建設已嫌其晚更禁不起幾度蹉跎但經濟之建設不是單靠幾段理論或特殊手腕所能收效的現在討論建設的一班人都頗同情於國際合作以爲係一個起死回生之機會但是這樁事情絕對不是如此簡單籠統的所以我利用今天的機會提出利用外資及人才的問題與諸位討論因爲國際合作與資本及人才當然有相聯的關係而且或者卽是合作之基幹如沒有充分的研究與方法譬如喫藥亦可以中毒的徒勞無功尙是小事故此向諸君提請注意以供參考

我也來談談教育民國廿六年

胡政之先生屢次要我爲大公報寫點文字我因離開新聞生活已三十餘年且題材亦少措辭亦費斟酌故再三躲懶近日又承政之先生諄囑恰在空前國難時期似乎不應再有何顧忌因此說幾句良心上想說的話這是看了上星期張菊生（元濟）先生「現在和將來教育的職責」一文所感觸而發的所以用此題目

菊生先生之文我可以說完全同意但張文差不多全部係爲大學而發的我的意思今日如何改良大

學辦法固屬緊要然此外各種學校的辦法有很多應該改變的地方此種情形至少與大學有同等重要或且超而過之我主張亦應該照張伯苓先生的話一借此機會將以往之錯誤從新澈底改革一因為這是非常時期人們的悟性成見不易顯露有許多事或反較平時容易推動而且各級各類各地教育的設施往往有相聯的關係要改革則不妨整個的改革一下因此我有如下的主張

其實我所說者不一定可以叫做改革還是修正及補充兩種性質居多

(一)國內大學量與質不相稱因此主張統籌合併的人不少但此問題太過複雜我以為暫時可不

其有趁便可以解決

必積極從事

者自不妨附帶從事

倒是大學生銷路過剩問題我以為應當趁此謀一救濟否則因耕地發生異狀乃拚命設法移植而不知產物之本來不盡適用多產而銷場愈滯適足增長病態而已夫以我國幅員之廣待興事業之多已往大學畢業生充其量不過十萬人何致形成過剩其所以過剩之故不外一國內各種事業不發達二各方不肯用新人物及秉公求才三畢業生之能力品性不為人所歡迎此三者除一二兩項姑不具論外第三項之關係佔成分甚多如要改革除精神上須依照菊生先生所舉各點竭力做到外制度上有數點值得討論者

1 辦大學取精兵主義現行學制規定須有三學院以上方能稱為大學此在定制時本有其需要今則此需要似已漸過去且國立省立似本不必受此限制但事實上有不少國立大學因遷就此法令而勉強多設一院或力不能辦三院之省分遂致無一大學

如甘肅等

此其非宜目下既有臨時大學之設施最好將此節無形開放凡某大學之某院審非切要或本不甚願辦者儘可聽其停辦倘所餘祇一院或二院亦准其仍稱大學或某省願新辦一大學但祇能

設一院或二院者亦可許之庶整舊營新皆能收效²教員須慎選優待教員每學年須重新加聘否則以不繼續爲原則此制度似爲他國所無當時定此制度似亦具有苦心但事實上徒使闇修自好之士不能安心教授其桀驁及善活動者雖成績凡下仍無法驅之使去徒增長奔競攀援之習而已此刻如各大學緊縮之時且有許多教員不能照舊供職最好乘機加以甄選廢除一學年改聘之制使真正學者得專心職務教學必資裨益³第四年生于第七學期終了後必實際服務三個月所謂服務由學校指定或介紹實地練習與學校內之實習不同至此三個月之時間最好不必另加祇就四年內節省寒暑假等勻配充用此服務之成績爲畢業主要科目之一如服務成績較遜不予畢業如此則學業職業至少可較能銜接⁴各大學于可能範圍內充分採用導師制（*Mentoring System*）以養成師生親切之習慣學業人格亦易受薰陶惟此與第二條有相聯之關係如以朝秦暮楚之師資使其謬種流傳則不如其已此三者如辦到則畢業生之品質必可升高出路自然容易

（二）我國學制近年除大學外從前高等專門之一類已經廢除而產生獨立「院」及「專科學校」二種但事實上原來之高等專門一部分併入大學或改稱學院而改爲專科學校者甚稀新產生之專科學校則尤少按現行法令之專科學校即外國之 *Institute School* 其目的在養成各專門學藝之實務人才此類專才爲各種專門事業之中級基幹如何運用學理使計畫得以實現效能更加增進其樞紐全在此類專才之敷用與否故關係之重要與軍隊之營連長同歐美各國（尤其英德法）此類學校林立其聲價有時超過大學故各種專才之供給無虞不給而事業之發展改進乃永無止境我國一切建設方在萌芽其需要此類專才乃多而且急蓋關於一切高級之研究與設計有時或

可借用客卿而中級基幹決無亦恃他人之理且中級基幹尙有不適於用客卿的理由如不明社會習慣等等所惜者我國自民國十八年公布此項專科學校組織法後迄今存立者寥寥可數大約一般學子心理皆以大學爲可貴至少亦須學而輕視此類專校各當局或亦偶爾疏忽而未曾從事提倡其辦各新事業之人雖亦感其需要而亦未從事于組設故此項法令幾等於具文而各項新事業以無所取材或姑覓相近之專才以備數或祇靠相沿之熟手以苟安自然說不到甚麼進步我默察近年來各項新事業不能貫徹與持久其病根多半在此現當急難之際已往任何缺陷應痛自悔改毋所用其諱疾忌醫教育亦自不能例外政府與社會亟應通力合作提倡各專科學校或將不能開課之大學的經費移以辦此庶所謂後方生產經濟抗戰等乃有相當實際而爲教育界現一光明茲爲便於周知起見將民十八專科組織法所列舉此類學校的名稱列後

甲類

鑛冶專科學校 染印專科學校 機械工程專科學校 造紙專科學校 電機工程專科學校
製革專科學校 化學工程專科學校 陶業專科學校 土木工程專科學校 造船專科學校
河海工程專科學校 飛機製造專科學校 建築專科學校 測量專科學校 紡織專科學校
其他關於工業之專科學校

乙類

農藝專科學校 蠶桑專科學校 森林專科學校 畜牧專科學校 獸醫專科學校 水產專

科學學校 園藝專科學校 其他關於農業之專科學校

丙類

銀行專科學校 國際貿易專科學校 保險專科學校 稅務專科學校 會計專科學校 鹽務專科學校 統計專科學校 交通管理專科學校 其他關於商業之專科學校

丁類

藥學專科學校 圖書館學專科學校 藝術專科學校 市政專科學校 音樂專科學校 商船專科學校 體育專科學校 其他不屬於甲乙丙三類之專科學校

諸君試思上列四類的許多學校如果我國業已具備而且辦理得法至少可以產生一種好影響罷無如空有其名並無其事從民十八至今一晃已八個年頭所以我十二萬分的盼望政府和社會認真要注重這一條路好生去提倡勿再忽略同時高中末兩年的課程凡預備升入專科學校的要想法叫他可以銜接又經費及設備之最低限度可以通融減低些不必限制過嚴如甲類一二三四項之開辦費限定二十萬元之類以便貧乏的中國也有組織此類學校之可能

(三) 各邊省及各特區

如蒙藏青海等

本來人民知識水準較低加以交通不便種族繁雜甚至語言文字自

爲風氣此刻一致對外之時須急謀化除隔閡提高水準此一部分之民族力量方有運用之可能竊謂對於此項區域之教育應有特別設施分途並進萬不可再墨守畫一之形式以致眼高手低毫無實際各當地人士亦宜承認此種事實協同改進蓋程度低下本非罪惡知恥思齊更是美德中央地方教育

當局宜速加注意調查研究定出此項區域之教育方案積極施行凡現行法令中有不適用者均即修改毋須瞻顧至此區域內之文盲太多知能并缺各項補習教育及教養衛三者如何融合之法尤須切實籌辦少裝門面多講實際

(四) 小學教育近年業經當局竭力擴充整理惟下列數點尙應特予注意1 教科書之重新編審小學教科書關係整個民族之前途以前通用之本頗多不適用及未盡善之點茲應趕速重加編審務以適合非常時代之需要為主聞教育部對此事已着手有年當已有較佳稿本可以提供2 各地師資之宜妥速養成小學師資必以就地取材爲原則近年採用大學中學設立師範部門之制畢業生固仍不甚多且邊遠省分之乏大學中學畢業生者師資從何取給況國民教育除知識技能外尤以陶冶品性爲要此殆非中學畢業生之所能勝任目下應急之策仍宜趕速於各省就地訓練小學師資其法假定每省劃爲四區(略如行政專員之區域)每區設一師範訓練所依該區三年內小學計畫所需要之師資數目再加一半爲分期招生數目例如需一千人則招一千五百人凡高中以上畢業生或程度相等者均可應考經六個月之訓練合格者即有充小學教員之資格應考資格一層邊省宜寬其訓練專注重教授管理方法及養成國民精神陶冶國民品性等等如是則三年之內師資當可足用及適用

(五) 各項特殊教育之倡導一國之教育當視一國國民之需要爲供給我國地大物博交通不便種族繁複又國勢不振諸待建設所待於教育者可稱無限量然以近年教育法令偏於剛性之故各種特殊學校之產生實至有限例如汽車司機機匠之需要可云至亟而國內此類學校恐僅上海有三數處而已如農工礦業等等莫不皆然竊意此類教育實爲

我國目前饋貧之糧延命之藥較之高等教育需要尤急政府應多方獎導使之充分發達不必拘以繩墨使其從多面的產生發展以應急需至於如何精益求精此是以後的事自然下手即很規律的科學的那就更好總之凡爲挽救國難所需的事業職業不論大小輕重都不妨許可其研習不必問與我國教育法令脗合與否及外國學校事實有無此種辦法祇求足以應用如此儘量的開放必可以開闢內地很多的風氣促進內地很多的事業產出內地很多的專才消納內地很多的失業者或者就是教育上一種大成績亦是救國的一種大功績此外補習教育婦女教育等等尙有管見茲避繁不贅第有欲貢諸當局者1近年我國教育固有進步然不免陷於畸形即（一）發展上地域不平均例如長江珠江流域比較發展黃河流域即有遜色而邊地更遜是也（二）發展上學級不平均例如全國大學生應爲中學生之百分幾中學生應爲小學生之百分幾小學生應爲人口之百分幾似尙缺少統計與聯屬之法（三）爲發展上學科之不平均全國學生種類除特殊需要者外其各科學生應占百分幾應有預算使其數量不至過於相懸以上三節目下均須注意使其適合需要爲平均之發展2執行一切法令之得力與否全在地方司教育行政的機關及直轄間轄各學校近年當局厲行職權上法令之統一似已頗收效果此後似宜從人事上精神上更求其親切公普周愜使不徒爲形式上之指揮與服從而實有其上下內外合作之精神與力量其舊日各機關官吏得意之筆如挑剔文書字句慣打表面官話等應一概痛予刪除使能者可以發展中材可以企及而不肖者無從濫竽而且多做事少說話多說話少做文牒幾可舉埋頭苦幹之實這才是國難時期所需要的教育

我國今後建築的作風應如何轉變 民國廿六年

今天這個問題極爲重要論理不是我這個沒有學過建築的人所能有所主張的但是這問題確是我國今天應該設法解答的問題其原因如下

一我國的建築在世界建築史上本來占一大派而且具有特長但近來因文化衰落這種學問藝術日見低下而且有許多不合時宜的地方譬如以前多用木材爲主要材料此後勢不可能又平面占地太廣之類如不改良將連固有的特長同一湮滅

二一國建築乃文化之代表亦可說是一種結晶尤其是與民族意識有特殊的關係故至少應保全固有之特點與精神並自由選取某一種或數種之作派而咀嚼消化之以資營養

三我國建築現狀可稱爲混雜的無動向的或者不適應需要的如此下去要影響到一般民族的精神經濟學術事業其情形很爲嚴重

因此之故我們不可當這個問題是一個泛泛的問題應當認爲迫切而重要的但全國的人似乎至今沒有十分注意就連建築學者建築業者好像也是忙於應付日常的事務而來不及研究到這個問題所以兄弟忘記了自己有無資格而利用這回的機會來促起同人的注意與研究這便是今天兄弟講這個問題的原因

話雖如此但這問題的解答談何容易恐怕連建築學建築業的同人一起來切實研究幾年尙不能得一好的結論但這問題實在非解答不可的因爲自十七年起全國積極建設每年至少用五六千萬元

在建築上十年便五六萬萬元大約現在總已經用掉二三萬萬元了以後尙年年增加如再照現狀因循下去怎樣對得起國家與社會所以如何解答這問題不但是建築學者建築業者的責任而且是一般國民的責任

現在把我的很簡淺的意見提供大眾的參考並不是說就算解決了這問題在我的一面亦不過是擬議而假定的

因時代的關係我國以木材爲主力的一點已不能不打破同時各種材料方面裝飾方面工具方面都因之而起變化又因時代的關係我國利用大地盤的一點又將逐漸變遷因此全部的配置部分的結構以至材料方面裝飾方面亦自然隨之變化這都是不可避免的

至於一切作風（就是所有形式與功用如何組織聯屬使之調和增進）爲了上文所說三種關係應產生一種現代的中國的建築法式與意匠

我不贊成把外國的東西生吞活剝囫圇的嚥下去亦不贊成一定要把古舊的遺傳物傳統的因襲下去尤不贊成盲從一知半解的人東拚西湊東鈔西襲說這是中國式西洋式因爲世間每一事物都不是可以如此簡單來武斷的冒充的

我國從前文化的確不能說是不偉大但自五代及宋元以後實在欠缺進步這個緣故就是既不能創造又不能吸收消化外來之精粹而成爲一個新產物

今天我們謀建築作風的轉變第一就要從這裏着眼因此之故我們決不要爲固有的外來的作風所

束縛牢籠（但不是說不加研究而且要深切的研究我知道中國營造學社苦幹了十年經朱桂辛先生的慘澹經營梁思成劉士能兩君的努力工作對固有的建築尙未研究到一半就是宋以前的實物亦因圖籍太少難以窮追至研究外來建築的機關尙無所聞我深盼亦有像中國營造學社一樣的機關埋頭苦幹把歐美日本以迄土耳其印度等各類建築認真研究庶幾將來雙方互證可以發見一條很光明平坦的大路）又當然不是贊成如當今淺薄粗浮的所謂創造

我不能列舉我國應當轉變成一種如何如何的作風因為我不是專家而且這問題本難以率然答覆但可以抽象的說我國的文化特點是渾厚和美的（即總理所標的忠孝仁愛信義和平）建築既為文化特徵之一當然應融化此種精神在內故凡反乎此四字者即應在所不取（不論其為固有的外來的）毋須有所游移（因此可知明清兩代建築中之趨於纖巧浮薄者並不足取法而外國象徵鬭爭等作派亦非吾所當取也）反之則盡儘量保存與吸收

日下新建設中能合此條件者似乎極稀故可判決為全國用了數萬萬元而未曾獲得合乎時宜的產物這是很可惜的時光易過金錢不易得如此就隨波逐流的了

國家民族的盛衰與文化的盛衰是表裏的這並不是一句空話一個新興的民族能把他的強幹的精神偉大的氣魄表現到建築上去歷史上不乏其例我們瞻仰到埃及的拉美索斯王廟金字塔同尼羅河一樣的令人感覺到偉大莊嚴看到希臘的伯德嫩廟羅馬的鬥獸場就是殘留的幾根石柱幾塊雕刻我們立刻迴想到希臘羅馬民族的無遠不屈的文化武功就在這殘柱片石的本身已夠表現他們

美術家的心血他工料的代價國家的經營合成這樣的結晶足以令人興起

近古的羅馬聖彼得教堂以當時的復興文化表現宗教上的權威巴黎的羅芙宮表現法蘭西皇族的尊嚴我國的敦煌雲崗的石窟龍門的造象棲霞的舍利塔多是漢魏隋唐時代美術的結晶不論材料是石的木的磚瓦的因材爲用因地制宜時代的文化是和建築相表裏

再進一說一朝的文化從艱難奮鬥的勃興到萎靡蕪雜而敗亡亦無不在建築上一一表現出來我國今日對建築的悲觀就是對時局悲觀的一大因素所以在大家講文化復興講和平奮鬥的今天諸君對這個問題的解答並實行是有重大責任的

再有一說現代各國的建築多趨重在樸素簡單充量的表現結構上的要點使用上的要點這也因時代的關係不能不顧到經濟衛生種種方面而且與國家社會結構的演變亦相因而起的我們不能忘記大眾的需要及時代的要求又不應抹煞了本位的文化所以亦不妨假定拿固有建築的優點來認真再改良一下譬如青海西藏式許多的喇嘛廟便似乎很合時代性的高樓之用

總之我國在歷史上這樣重要的一個時期在危險的過渡中要產生一種新文化不是容易的事盼望諸君努力大眾努力庶幾鄙人所說不是一篇廢話

研究西南文化應有的幾個概念

民國廿七年在香港大風旬刊社

從近年我國鄉土研究與史地學暨地質考古諸學之逐漸發達及國難期內智識界多數南移的關係於是西南文化四個字似已甚爲人注意而且很有開始積極研究的趨勢文化本無境域但不能不承

認時空所產生的特殊結果所謂西南文化四個字或即可根據此理由而成立存在及發展但大凡研究一件事最要緊先有一個概括的明確認識所謂西南文化以前既沒有人劃出界限作有系統的研究則其對此事的敘述批評都不過係偶然的觸覺與想象或旁及不能說即是一種研究故近幾十年來本國人外國人的記載論斷可不必過於重視因這個題目可云頗為廣大以前尙未有足稱為專闢此部分之著述而克受何等批評者欲從事此項工作尙須從頭為有意義與力量之組織也然此說談何容易姑不論當此時局難令人認為急要（其實未必非急要）即欲組成一預備工作之網其人才與資料亦非充足但假定所謂西南即是代表我國四分之一的土地人民的話又此區域好象將要變成復興的根據則對此從事於切實的研究以做援古證今或藏往知來的用處其精神物力當然并非浪費祇在一般人能否明瞭及承認此項需要與否而已余雖廣東人而久在他省又足跡未到川滇黔以言研究西南文化殊感荒漠但或間有一知半解可以提供參攷且當大眾將次着力之時先指出一二點以引起共同之注意似亦不為無用也因此我寫出如下之意見西南文化係多元的非單一的西南區域中的民族包括原有及外來已混化未混化者在內大約至少當有五六種即漢滿蒙回羅羅等是也而漢回羅羅三者中又各有種種區別（例如漢人有自鄰省遷入者有由遠處流徙者有漢回混合產生者回人有古代即由波斯阿拉伯來華者有由隴秦南下者羅羅又有苗瑤黎番種種區別此非論人種學民族學之處故不具詳）以地理歷史之關係與演進其過程中即發生不少異彩夫一種文化之形成大別之不外固有的外來的混合的三種類而此區域中的文化則三類均有而且固有者中

包括最古的僅存的漢族以外的文化（如苗）即二千年來漢族文化之遺存者亦較他處爲多（例證多知不備舉）又外來者中因交通較便之關係其吸力及容量亦較他區域爲豐富至於混合則以歷代海陸交通及文化輸出入皆以此爲中繼線及集散地故恆產生不少之特殊形性此皆研究西南文化者所應知者也

一西南文化係區分的非整個的本文所指西南假定爲粵桂川滇康藏黔其範圍極廣大地理歷史民族皆各殊異斷不能視爲一談故至少應分爲數區或數類方能尋流溯源條分縷析得其真相不過其間似有一共同之點則此區域因地理關係與國外交通或反較國內交通爲便故外來文化之輸入或較輸入國內他處者爲多而國內文化已輸入者其保存之時期復較長因此國內之文化在他處已經變化或消失者在此區域特多遺跡而外來文化已到此區域者亦往往滯留而不更他往故此外來文化在原產地已經變化或消失者在此區域亦往往遇之（其外來文化曾否復出口及固有文化曾否由此區域輸往何處亦在可研究之列）此尤應加注意者也

一西南文化係生長的非衰退的世人評論西南文化往往指出某一區內某一事件加以不滿此亦毋須反駁與煩悶蓋某一區某一事固不足以代表全體且西南文化中實不少未成熟未消化之物事在不但無須諱忌且轉足表示其前途之遠大蓋文化之生理與形態亦往往與人無異其舉止生硬乃正發育未全之徵一經導引培成必格外健康發達不必以之爲病也此區域之吸引容量較他區域爲豐富前已言之時時有新的生活素滋生乃返老還童之要訣西南文化之值得研究此亦其一因也

行篋無書且限於篇幅所言多偏於理論不及臚舉實證祇能算是一篇閒話。

歌之建立 民國廿八年四月
在香港嶺南大學

今天所要講的題目是歌之建立這個題目的意思在下面說明我們大家都知道中國的文學可分成許多種類但大體來講亦可劃做兩部分一有韻之文如詩歌詞曲等二無韻之文今天所講的就是有韻之文的一部分我國的歌謠其見於記載者甚古（如書經）在堯舜時代的社會已經流行了我們暫且不談關於它體裁的變化作品的優劣作風的盛衰這些都是屬於中國文學史的一部分問題且有專書論及我們去研究一種學術因為想知道它的體裁和用處尤其是文學我們不能不知道它的源流正變但是如果要做文學家那就不祇應知古人作品的源流與正變而且應知道它演變的原因痕跡與背景由這些演變痕跡與背景再推演成一種我們現在及將來所需要的新文學出來由這一點我們知道不單只要得到古人作品的面目而且應要得到他們作品的精神以做推陳出新之用一般人常罵「死的文學」「非活的文學」這是指只得到古人文學的骸骨而得不到它的精神不能融合產生一種合時代需要的東西中國有韻之文除賦等外許多散體文中如易經書經諸子及其他皆有韻的現在暫時省去不講專論及那些可歌之文換句話說就是指詩歌詞曲剛說過有韻之文不祇是詩歌詞曲現在我們怎樣來下一個界說呢大體可以根據下列三個條件一有韻二可歌唱三合音樂如古之詩經與現行的詞曲皆是據我的想像可歌之文必須與音樂相配合方能進步古代如是近代如是將來恐怕也如是歷代詩歌詞曲之發達名家多至不可勝數然其異彩每在既合

音樂又可歌唱得文學之精神受韻味之配合反之如僅徒具形式往往馴至不能生存如詞之代詩曲之代詞便是這一點當各位研究文學史時應當注意到的書經云「詩言志」「歌永言」「聲依永」「一」律和聲一詩言志者意思就是說將內心的情感在詩中表達之聲依永就是拉長其腔詞而使之易合於音樂至於律和聲乃聲之高低快慢完全要依定律音調要協和之謂足見中國古代文學與音樂早已互相關連雖然古代之音樂不可與現代音樂比較但是我們當知道中國上古已有音樂的存在並且文學與音樂早已配合詩歌都是可以唱的當時文學發達而音樂方面亦有相當發達的故此可以配合音樂與文學的關係至秦漢便開始轉變了詩歌由可歌唱漸漸變為不可歌唱秦漢詩歌不合樂的原因爲的周末天下大亂能配合詩歌之樂器樂譜多已失傳古之遺留既失而創新者又未有其人遂成了文學與音樂分離的景象漢代有所謂樂府其名雖謂樂府實多不能唱郊祀祭天等流行歌曲其樂譜之名之見於載籍爲國家所制定者亦不過二三十種而已間亦有採諸民間及外國者其果能配合音樂與否已不可考六朝亂禮樂敗漢之樂器樂譜又經一番紊亂而失傳另一方面漢代因詩歌不求盡合樂譜一般文人單行演進謀文字的整齊及受其他的影響遂由詩經兩字四字九字均有的長短句的詩變爲四言五言七言等的詩再後至蕭梁時期沈約倡聲病之說注重對偶聲律嚴行束縛形體精神均感僵硬離樂越遠當時祇有一二種禮節上所用之樂歌及民間流行之謠唱如子夜烏棲之類而已此期內之音樂未聞有何等進步與發明故文學亦罕進步（余所論專指文學的體裁而言至於作品任何時代皆有佳者不可誤會）六朝至隋南北始合而一統天下一般人漸有餘暇以

注意於音樂方面外國音樂流入於中國者又多國家亦頗講制定音樂之事當時音樂由七部增至九部吸收外來音樂（如西涼天竺高昌等）故樂律得以發展有許多樂譜產生惟文學方面仍受種種拘束詩歌概爲五七言沒有什麼變化僅隋煬帝之詩有由三字句五字句至七字句者至唐襲隋的音樂當時外來音樂流入中國的更多如甘州涼州波斯突厥等的都有故音樂起了很大的變化但在詩歌體製方面仍保持原來一樣幾乎純粹係五七言故此音樂與詩歌已經難以配合於是勉強配合或字數仍舊而加以汎聲或附加文字而不入正文如柳枝詞竹枝詞權歌等句末必加兩字如襖靄柳枝等這就是汎聲汎聲是不加入正文的讀時所不用只在唱時加入現在看唐代的詩集因爲不是樂譜的原故故多將汎聲鈎去不要又初唐時發覺五七言詩之不易唱而有五七言相間的詩後人因名之曰詞最早作者爲李白現在我們拿他的菩薩蠻來看看一平林漠漠煙如織寒山一帶傷心碧暝色入高樓有人樓上愁一頭兩句實爲七言詩後兩句爲五言詩五七言混合便變成詞了後來白居易溫飛卿等的作品亦多是此種嗣後再加改進有些由五言減去兩字而成三言或由五言加一字而成六言六言加一字而變成七言等等如花間集尊前集雲謠集中諸作皆可見其痕跡這樣將字數來加減不祇在五代爲然北宋也是一樣如蘇軾的中秋詞內一明月幾時有把酒問青天（以上是五言）不知天上宮闕（已變成六言）今夕是何年（仍五言）——其所以將字加減的原因因爲想適合唱的條件故此唐代所以加的字是放在旁邊的仍叫做詩至宋乃將所加的字正式成爲正文便叫做詞了詞的本體原則上完全係與音樂配合此實係我國文化上一大進化不過一般文人不盡能通音樂往往

信筆抒寫不盡合律故此唱者不免臨時加以補救字數有加有減聲調有高有低但依然可以唱出到了金元外國音樂流入中國與中國固有音樂混合而產生一種新音樂這種新音樂既相當複雜宋詞的文句不能與之配合乃有北曲的產生將詞句充分列入正文（除科譚白之外）即是在正文上加句加字加聲以與新樂相應故北曲係一種文學與音樂完全配合的東西其時音樂亦極為進步北曲本身文學之美更不待言故元曲成爲中國文學史上一大重鎮北曲發達之故因元代在異族壓迫之下學者多寄情歌曲以抒懷抱且當局及有勢位者對於中國文學程度及欣賞力較差但音樂則易聽易懂而普通流行歌曲亦易於欣賞於是元曲爲適合一般人能了解之故曲詞乃多白話而通俗因通俗遂普及民間具備一種通俗文學之特殊勢力乃在中國文學史上建設了一個新時代明太祖曾說琵琶記可與四書五經並列可見元曲在當時的位置是怎樣了但元末天下大亂一切文化多不能保存故至明太祖洪武十八年朝廷大典尙祇用道士奏樂其後更少人注意到這種與音樂相連的文學但在民間的自然的轉變中因北曲簡直雄大而婉曲轉折不足故有南曲的產生江浙間有新腔出現（如崑腔等是）作曲家一時稱盛作品大半能配音樂到了清朝情況與元代略同本可產生一種文學音樂合流的東西可惜雖然吸收許多外來了樂器康熙乾隆朝又研究了許多樂律不過都沒有拿來充分利用以致未有新的文學音樂產生但在民間却有許多自然的演變亦有些地方能保留元明以來習慣者大體看來明清兩代的音樂沒有多大變化因此作曲方面亦只由北曲變爲南曲至於二簧梆子等實係畸形發展故其詞句幾無文學上之價值清代既然沒有人有發展音樂的抱負和計劃所

以沒有新的發現而且一般人亦不覺得音樂與文學是最有關連的他們以爲詩詞是一件事合樂能唱的是另外一種作品所以把音樂與文學這一個關係大大忽略了當時南北曲雖作者有人而可唱的有限（如十種曲等）至乾隆間蔣士銓的九種曲等雖係樂曲而實已多不可唱清代有文學價值的歌曲既多不可唱伶人乃自動地去做祇求可唱的歌曲以應需要故清代二百多年當中最流行之崑曲二簧梆子三種崑曲文詞雖典雅但文學並非祇求雅的二簧則有百分之九十以上沒有文學價值梆子更不能列入文學的範圍了（例如「你的朝來我的庭」這樣的句子）音樂與文學一直乖離祇剩下各地的民間歌謠尙有可取故近廿年來許多人採集各地歌謠以作種種的研究就是爲求新文學與音樂或戲劇的真髓地方的歌謠各時各地皆有存在的它所包藏的力量最大不過在歷代文學史上甚少理會到這點的重要性罷了回溯已往不只元代是這樣就是宋唐以前都是這樣蓋正式音樂與文藝配合極少或且中斷而在民間方面却永遠都有一種需要的於是乎在不見天日不受拘束底下產生了許多極特色的文學民間自由利用同時無論在某一個時代民間的文學及音樂都由自然轉變而產生並非根據有計劃的辦法去做出來的我們現在姑勿論已往的事自民國以後正是新建設時期及國難嚴重的時期許多人提倡我們應仿歐洲文藝復興時代的精神而建立一種中華民國的新文藝話是這樣說方法亦多得但注重用音樂與文章配合以爲精神上之新給養者尙少現在香港和各地方努力於音樂歌詠的人漸多但是否得其要領而能創生一種新的體製尙成一問題我們當知道社會需要到某種事物的時候它一定要得到一種事物以滿足其需要好的事物當

然先接受不過沒有好的而祇有壞的時候它亦祇好拿些壞的來滿足其慾望故近年景象祇有以拉雜混亂的東西來供餓不擇食的人以前上海的毛毛雨桃花江一類的歌曲就由此應運而生現在報紙上仿粵謳平喉等已深入一般青年的腦筋在這樣情形之下需要者多而供給者少雖然黨部方面有種種的統制亦沒有辦法的因為他們肚子餓極的原故所以文藝音樂我認爲已到了一個危險的時代那些未經一番選擇而做的文藝很容易以粗製濫造的東西搶去重要的地位故在中國整個文化上遂弄出現在青黃不接的景象在國家社會立場上是如此在文學立場方面又怎樣呢我們說過文學經二三百平總有一個變更詩之後有詞詞之後有曲而曲的承繼者是什麼呢上面已很顯明的說出椰子二簧一類東西多半沒有文學的價值這豈不是曲之後便成中斷的趨勢麼在文學傳統方面有中斷的可能在國家社會文化立場有這樣大需要我們應該有什麼辦法鄙人最近的主張以爲最低限度應將音樂與文學配合的關係使之回復元代的情形一樣現在我國門戶大開最易吸收外來文化我們可以將我國古代音樂優點保存加以外來音樂的優點而製成一種中華民族的音樂先從選定樂律樂器着手然後創造新的樂譜繼用優美的文學以作歌詞這種新的產物在文學方面表示中華民族的文學精神在音樂方面奠定中華民族的音樂基礎如此則無論如何總比得上宋代之產詞元代之產曲中華民國成立到現在已經多年我們還定不出一首國歌這不能不算是奇恥大辱我們當然不承認我們的文化落後所以我們要想辦法來補救是以鄙人的意見常希望繼元曲之後應創造一種新的產物在音樂前提未決定以前亦可假定這個產物的體裁（一）一定要長短句（

（二）一定要有韻脚因爲要適合歌唱的原因故需用韻脚韻脚不必一定根據清的詩韻（三）不拘白話文言但一定要能合音樂如此經音樂家與文學家合作努力相輔而行這個希望不難可以實現這就是用文學之優點以激發新音樂以音樂之優點以激發新文學倘若將來產生了這樣的一個產物我們可以給它一個名字叫做「歌」各位都知道「詩」的本義是什麼「詞」的本義是什麼「曲」的本義是什麼但現在詩詞曲這三個字已成爲另外的一種專有名稱了所以擬用「歌」這個字作爲這個新產物的名字將來「歌」字自然成爲一個專有名詞一說到「歌」一般人都知道歌是指什麼因此現在我們可以將「詩詞歌曲」四個字的次序改爲「詩詞曲歌」這整個計劃不是三兩個人可以做到的一定要許多人一致主張使此主張造成一種風氣使這種風氣爲一種政策然後循序纔能實現至於音樂如何改進本人並非音樂專家不能妄下斷語不過本人有這一個主張有這一個意思而已記得幾年來曾同蔡子民易大庵蕭友梅黃自諸先生屢加討論曾有較具體之答案到來有機會纔好發表今天暫且用上面的話來供給各位（劉鈺筆錄）

我國語言文字之整理

民國廿九年
在香港大學

諸位同學今天貴校叫小弟到來演講小弟苦沒有一點好的意見以貢獻於諸位後來想來想去祇想起這個題目來諸位對於學問本有精深之研究諒不想我會提出這個平凡的問題來不過吾人想一想一個人或者一個團體或者一個國家其思想意志之表現藝術文化之推進都要倚靠語言文字來發揚的中國目前的語言及文字正在急激的變化中我們目前急切地需要這個暢達完善的文化工

真是無可諱言的今天小弟之選擇這個問題正因時勢之要求覺得它特有討論的必要的確在今日嚴重時期的中國這個問題的重要性實不亞於其他問題的重要呀

中國因交通不便的關係所以語言纔不能統一中國語言雖不統一但文字却算統一我們除了蒙滿藏等幾個少數民族的文字不同之外我們的文字是一致相通的一個語言不同的國家而文字居然能統一其情形之特殊那真要惹人好奇的注意了

中國的文字雖說相通一致可惜國內識字之人却甚稀少我們倘將國內識字者之百分率與其他諸先進國一相比較便知我們國內識字者水準之低誠難與諸先進國一同比并也近幾年來我國政府及各地文化機關雖竭力提倡識字運動及提高教育水準但要求言文一致仍甚困難總之我們的文字工具既不健全識字之人又少要其力能助於現代思想文化科學之發展而與世界諸先進國家競爭誠戛戛乎其難也

中國識字之人甚少已如上述此外還有一點便是中國的文字尚不夠應用中國的文字因為不夠應用所以借音者有之假意者有之撰造者有之這也是阻礙思想文藝發展的一個大原因故我們目前倘要發揚文化及推進教育則非先改良此言文的機構而使之普遍不可先人有見及此故有主張採用羅馬字拼音法者有主張另倡新字者有主張用減筆字者有主張用國語符號注音者凡此種種主張皆乃近三四十年来一般先知先覺者奔走呼號提供之辦法也

晚近我國因處於嚴重狂飆時期這個問題更引惹不少文人學者的注意他們的爭論歸納起來約可

分爲二派一派主張索性完全廢棄漢字而替以羅馬字的拼音他們的見解以爲世界的文字漸已趨於大同我們爲順應世界的潮流的趨勢及爲溝通世界之新文化和思想起見自毋使文字獨異於世我們於是應採取世界大同的文字羅馬字拼音但此派主張的弊病却是忘記自己本身的立場蓋中國的語言根本已不統一各地有各地的方言各處有各處的土音倘以羅馬字的拼音來替代現行的文字則各地各處皆自有其拼成之文字反使彼此不能了解全國不能通曉是即使文字更爲零亂不一致也故我以爲此辦法既欠妥善而且未達到可以實施之時機也此外另一派之主張則認爲我國以往語言之不統一乃因交通不便之故現在全國交通已漸利便且有統一國語之推行大可以使南北人士相對語談不受阻礙故無須多此提倡改造文字一舉任其自然演變可也然吾人對此派之主張也未敢苟同蓋對於目前世界文化演變急激之時期中倘聽其自然不加努力仍要假以前不適合之工具爲傳播思想文化之用實難足副吾人之厚望也上述二項主張既未妥善然則當如之何始可鄙人對於此問題數年兢兢於懷潛心研究未敢稍懈茲不嫌謬陋敢將數年研究的結果提出來和諸位討論希望諸位不要輕鄙它而同時能不客氣的加以批評指正吧

我對於我國語言文字整理之程序大約分爲一語言二字三文

一、語言

人類皆先有語言後有文字故語言實居文字之先而且我國言語之不統一實與文字不進步有相連關係故特先在此提示討論語言與文字雖爲二件事但二者乃相輔而行我國文字往往一字數音一

音數義推其原因乃緣文字不足以應用之故蓋字不足用則有時遇有需要時往往便假借以用遂使一字有數種不同之讀法此外則緣各地方言互異故發音也隨各地讀法而不同例如「嶺南」之「南」字南方人讀曰 *naŋ* 但北方人則讀曰 *nan* 二者讀音相差頗遠爰此相沿互習遂使彼此語言不能相通

中國現在有四萬萬五千萬人力量本應很大但因各地語言各殊團結力量始致薄弱我們現在倘要求全國語言文字一致相通則唯有端賴以政府之權力提倡同時準備較長之時間以作實施推動然後方有效力中國以往提倡國語運動之失敗一因各地人士之主張不一沒有一統一標準之音調致語言仍極複雜一因私人提倡力量有限不能強迫人民遵從履行故國語運動雖醞釀了三四十年熱心人士雖諄諄提倡但結果未有成效是今日吾人倘要再推進此運動則非藉政府之力量強制執行之不可但要執行此種運動須注意下列幾個準備

（甲）確定一字之音 我國一字往往有數種解法因解法不同讀音也隨之迥異緣因是字不夠用所致蓋從前之人以爲字乃天子所造庶人不可亂創否則便是犯法因是偶遇字之不夠用輒倣用其同音之字造成後日一字有數種不同讀法的流弊的確我們今日研究中國字音的讀法尙感十分棘手何況外人研究中國的文字豈不更爲困難嗎總之今日要改造中國之文字我以為第一步驟應先確定一字讀音其餘之讀音應該屏棄之倘該字另一種讀法有另一種意義時則寧可另創造一新字以替代其字義至各地各處有不同的方言土音要使之字有一同樣的讀法則最好每一字配定一

標準的注音字母依照此標準的注音字母的讀法便是正確合法的讀音否則當爲不合法之讀音應嚴加取締之

依照現在流行的國語的讀音實有另商榷之餘地蓋目前的國語字音多根據北平土音爲標準殊不適宜我以爲要定一字音不應單從一地方的方言口腔爲準則應參雜其他地方之口音方能勻稱至於難讀之字音也應一并廢除之另給予一種易讀之音方可望其普遍總之字音須要易讀易懂和悅耳纔可但此非一二年所能辦之事也

（乙）規定一種新音 凡創一個新字必須同時給予一個新字音此字音切不可與以前的字音雷同同時也不宜複音我以爲有時採用地方土音作字音也無不可蓋各地之土音也有其自在潛伏的價值且有從地方上的土音也可反映出地方的習慣來總而言之此時凡被採用之字音應作有系統的編纂起來將之置於所規定的國語註音字典之內以作漢字讀法的標準

（丙）編定「一國語語典」 這部語典最好由政府編定其內容乃以法制之字爲準則凡以前所常用而同時合乎法定之字皆羅致之以前之反切字音及從未用過之字皆屏棄之惟各地方之成語則應保留之蓋因一句成語往往可以代表很多的意思非少數文字所能說明也當這部語典編成之後政府應即命令頒佈通行同時規定每年修正一次并將來發現而待用的音創造起來彙集於這部語典之內然後推行於各地是能使文字語言相通一致思想文化方得遠播發展耳

（丁）編定國語課本 爲輔助上述辦法之推動計政府同時還要規定一種標準課本着令學校採

用無疑這種課本當然要由政府頒定編製裏面每一個字都有其一一正確的標準注音不像現在的國語課本一樣其注音字母乃由各地人士任意編定致不整齊和不一致吧

二、字

關於字的方面其淵源極廣非一言所能盡現在因時間關係未克詳論祇得將目前應用之字略論一下中國之字其待於改造的地方甚多最顯著者乃（一）筆畫繁多（二）難於記憶從前的文人關於偏見視文字爲神聖之物未敢稍加更改殊不知這樣想法正乃錯誤蓋事實上中國的字已經變遷了好幾次以前我們的字多是象形的但後來則漸脫離象形而自獨立我們之所謂「大篆」「小篆」「隸書」「草書」「楷書」「行書」等等正乃我們字體變遷演進的程序也由此足證以前學者之認爲聖人之字不可變乃一錯誤的見解也

中國文字的特點便是一字往往有數種意義例如「爲」字往昔可作爲「猿猴」的解釋現在此字義已不通行但仍留於字典中徒供亂人耳目而已故我主張應廢除此種類似的字此外還有一特點便是數字合起來有一相同的意義例如「怨」「恨」「忿」「怒」等字是也我以為最好還是一字確定一意義免使重複同時要區分其過去現在和將來的各種讀法至於字之寫法雖有人主張採用簡筆字但也有種種不便之處我以為最好應由政府頒定例如篆書隸書草書楷書行書等等寫法皆有一法定的準則又關於不夠應用的字例如形容詞或動詞等等則應另新創造以補不足至增加的字類普通可分下列數種（一）通用字（二）專門名詞或動詞（三）假借字（四）地方字

要使上述的字能普遍通行起見此外還要編定一字典以便推行於社會此種字典可有三種編法

(甲)簡單字典 內容大約包含二千至三千字左右字要淺明而且常用

(乙)專門字典 內容包括字數較前一種爲多字較深奧而且專門

(丙)大字典 包羅一切之字同時各種字的寫法如篆隸草楷行等書也皆列入於內

三、文

文之種類可分爲文學和應用文現在因時間所限祇論應用文中國的應用文閒雜無謂的地方甚多我們試看一封信牘或者一件公文裏頭便見有很無謂的閒文客套和充滿些官味的俗語爛調此外有時還要使字句含糊不可捉摩例如在公文上往往有一似屬可行一之句那真要使讀者懵懵不知所適從了蓋可行便可行不可行便不可行何必加了一個「似」字使文句極端含糊呢這那不是公文的通病嗎我以爲今後凡屬應用的文字應(一)要簡明(二)要切要如是方能節省文牘者的精力和不會虛耗無謂的時間及紙料吧中國就是因文牘上尙用含糊字句之故所以不獨使文沒有文法學者困難外還要引起執政遷延舞弊的毛病來故今日我們若要使政治澄清行政效率增加那麼「簡明」「切要」的公文是不可不注重的呀

近年來主張文牘使用文言與語體的爭論殊爲劇烈但我以爲這樣爭論徒費時間氣力而已蓋文章倘能滿足上述的條件便已通順而有意義了更何必爭論文言與語體的適與不適呢本來我說到這裏應把怎樣纔合文法的問題論述一下舉出例來與諸位討論沒奈時間已到了不容小弟再談下去

祇就此擱置之吧

末了我以為中國的語言文字經這番的改造整理之後大體上便可減少以前一切麻煩困難的弊病而利於文化思想的發展直接間接俱可幫助抗戰於萬一使國家社會能迅速的發達繁榮起來吧

（姚文輝余國瓚筆記）

寫字學綱要 民國廿九年任
香港廣州大學

書法為藝術之一凡藝術之奧秘多不可以言詮但是如希望藝術能多數人了解其內容非設法說出不能令人依法練習所以不能不加以說明本人今日講題為寫字學綱要

寫字學即普通所謂書法因書法的書字很容易誤解為書籍的書將動詞解錯為名詞故不如改為寫字學比較令人觀念清晰古人對於此種學問名為字學或曰書法日本人則名為書道今直接名之為寫字學乃寫字之學問也

寫字學可分四大類言之一技藝二工具三傳習四修養

此四者由初步至大成都可以包括本來書法乃我國特有的藝術并非世界各國所同有且四千餘年傳習下來亦不自今日始自有金石文已經有了書法其中有許多精義古人每每不肯明言所以往往失傳今所說的四大類不過略言其大概而已

一技藝 何以先講技藝呢因為對於技藝無相當成就者不足以言書法技藝之內容有五一運筆二結構三筆力四韻味五氣勢

甲運筆 筆乃寫字最重要的工具古人的執筆有應注意者例如鍾繇與王羲之時代席地而坐無椅可坐故古人執筆皆懸肘而不伏案至唐代尙然今人則伏案而書不復懸肘所以難及古人古人只有懸肘次亦懸腕以運筆絕對無以指運筆者名家中惟蘇東坡用指運然在寫捺時已非常勉強蓋其勢然也古人不特作大字懸肘即作小字亦懸肘以指死掌活爲一定法門若以數學三角原理言之指運之活動範圍最小掌運者較大用到肘臂其圈更大矣故古人書能取勢後人坐而寫字又多伏案至清代因考試關係專取呆弱之小楷更使全國束縛其手有如纏足其能獨具隻眼出乎流俗力追古人者實不容易也清橫雲山人寫字每閉門不使人見其甥張得天窺之乃以繩繫梁以懸其肘若磨穀焉者此乃知古人之法而力不能到乃假助於繩以成之可知手受束縛後解放了不易矣

書法工力之深淺以懸肘爲上懸腕次之運掌又次之指運爲最下此不易之原則也至於佈指應如何各家主張亦不一欲求結論殊難此點從略

乙結構 每字之結構不能限定否則如排算子不復成書故結構之妙存乎一心

丙骨力 假如結構得四平八正而無骨力則字無精神如不作藝術看則無所謂否則既解執筆之後必須注意骨力二字也

丁韻味 既有骨力尤須有韻味否則其硬如鐵索然無味亦不成書

戊氣勢 字字有氣有勢務使大字如細字細字如大字大字縮小固有氣勢小字放大亦有氣勢以上五者寫字時必須注意苟五者有相當心得寫字便有相當成就矣

二工具 運筆結構筆力韻味氣勢五者如何然後能熟練及臻於巧妙則不能不有相當良好工具以爲之助孔子云工欲善其事必先利其器正如建屋必須選擇良材一般前人有謂不擇紙筆亦能書者只可作變態看非的論也自有毛筆之後蘸墨而書筆之種類甚多製筆之取材本可無限量不限於某一種原料也筆商筆工守舊不敢取別種毛以製筆殊爲可惜觀夫陳白沙以茅草製筆蕭子雲以嬰兒胎髮製筆其嘗試亦能成功筆之選擇以健毫爲主此有相當歷史凡古人善書者多用健毫如衛夫人之兔毫王羲之鼠鬚是也近人多用羊毛以矜其能殊不知羊毛之流行不及二百年清代以用羊毛筆而著名的只有包世臣一人（著有藝舟雙楫）此外未聞有用羊毛而得名著者

其次用墨 此問題之解決殊難前人造墨不惜工料千礪百鍊始底於成今人偷工減料墨色灰淡殊無光彩現在市面所賣之墨質料均劣而舊墨難得光緒間墨亦成古玩價等兼金矣予每欲聯合海內書家與製墨者約專製佳墨爲之認銷但始終因交通及材料問題不能實現至於製紙亦然現在製紙者多利用機器而手工製紙漸見其少將來書家取用之紙亦成問題至於墨硯更少人注意矣

三傳習 既有工具如何練習則傳習尙矣傳者傳授也習者練習也淺如小孩食飯亦須先有人教況書法爲藝術之一乎與其師心冥索不如得人指點一語故貴有師承否則行錯路線將來更改甚難欲回復正路已甚遠矣有了好師承隨之而行便要在做摹下工夫蓋只有耳聽不如心手眼實驗之爲愈也仿摹階段必不可少至於應學何家亦要人指示最妙能得寫字學專家以請教之然頗難得蓋現代社會凡百事物皆以時間經濟金錢經濟爲原則能以長久時間以專門研究書法之人誠不易得也既

有人指示矣則專心摹倣務求形似迨乎逼真之後進求變化何謂變化譬如食物入胃要消化之去其渣滓而提取其精華變爲精血以營養其身體學書亦然日積月累鏗而不舍臨摹既久自生變化此時不必專學一家可縱臨各家又如食物愈多則變化亦愈多也發生變化之後又要能融會各家加以心得及取所見所聞和詩書之修養其階段之進程如下

師承↓傳習↓變化↓融會

四修養 有志於寫字學及欲成書家者單恃技藝尙不足也其最重要者還在修養蓋我國藝術向重個性要把整個人的人生觀念學問胸襟流露出來此乃我國藝術特殊之點亦寫字的藝術例所應爾也故欲其作品得藝術之精神必須注意修養然如何能使每人的精神向上能以書法表露其精神此點頗難以言詮請以釀紹興酒喻之紹興酒之製法蒸熟米之後吸收蒸氣蒸氣凝聚爲水再加以其他材料乃成爲酒此酒愈舊愈佳待其雜質下墜埋之地中感受地氣將其火氣去清乃成純酒蓋原料好工作好仍須夠時候待其爐火純青纔算醇酒也薰陶浸潤日積月累逐漸變然後成功如求急功即使好酒亦意味不足夫藝術之成就與但求實用者不同若求急功何不以打字機爲之今之談書法者如製啤酒即製即飲隔年則失味矣各位入世做事因服務所需另一說法但不可不知藝術與實用的界限也兩者之間如兩間屋雖然相通其實各有各也修養之道第一爲學問學問包括一切學問知識學識豐富的學者其態度自別於人其言動舉止皆可於字裏行間覘之例如朱九江先生雖不以字名但後人見其字者即知其人之有學問也反之無學問之輩亦可於其字見之

第二爲志趣 志趣卑下貪財好色影響於修養極鉅蓋見解低下思想低下實際上已談不到修養即使對於書法曾下苦功然其字之表現亦卑卑不足道也

第三爲品格 人品高尚而又有相當寫字修養者不特其人令人欽仰其片紙隻字亦令人敬重孔子所謂誠於中形於外其下筆固已加人一等矣中國畫家最重修養畫匠之畫一望而知此雖或爲心理作用然缺乏修養者不能入藝術之林已成爲古今定例矣故能融會學問志趣品格於書法之中其藝術之成功乃大否則小成而已或不完備而已

由此觀之要成就書家并不容易但吾人亦不可畏難蓋任何學問皆有必經程序寫字亦然故余主張寫字之稱爲學也總而言之無精神之修養者非真正的書法藝術（麥華三筆記）

跋一

番禺葉選庵先生之門生故吏輯先生官私文字之見存者以成彙稿其涉於交通建設者既爲言交通者所莫能外其涉於文學藝術與釋道典籍者又爲文人學士所諷籀以嗟慕海內士流類能詳之光字受讀此書嘗深求其源而不可得焉昔仲尼弟子於夫子之文章嘗得而窺之若夫性與天道則不可得而聞也夫性與天道乃文章之大全文章者大全之一體耳徒求於一體則不足以知本根試語夫大全則可語者皆不免於支離破碎此仲尼弟子之所以不可得而聞歟然而苟知文章之僅爲一體就其體之變化深思之默識之沿緣衆流以會其津積之既久或足以發歟光字親炙先生逾三十年矣見先生自奉之廉於是知其所以安淡泊之故也見其愛才若渴虛懷樂善於是知多士所以樂爲之用衆善所以歸之也見其綜覈名實程日計功用才當而儲才多新舊相銜不廢其事於是知先生雖屢去其位而其政不息之故也此皆先生文章之可見者至其玄思葩采句留於文辭之間者又波濤壯闊島峙洲布延衍起伏莫測其涯光字嘗眩惑於其博大繁富難於名言然而孰鼓舞是孰機械是其必有道焉不離乎文章之際而非文章之所可約略則斷可識矣嗚呼世方以辭章之美富慕先生苟探其淳蓄固知茲所存者非其至也世方以政事之彪炳頌先生苟迹其生平固知其志事所蘊未伸百一也雖然卽其迹而通其志讀其書而學其人先覺後覺曠百世其猶日暮遇之夫幹濟之業出於悲憫文辭之事源於智慧知爲人之學卽所以爲己乃始知出世之法亦在乎世間英絕之士必能於此尋繹自得亨毒在宥厥機無窮光字雖不足以言之奚患耶奚患耶中華民國三十五年冬夏光字敬跋

跋二

同人編印番禺葉先生彙稿及年譜既成且再版淩杜諸公已爲之序守執侍左右久宜有所言乃書其後曰兩書之編行殆非公之意也公少志高遠雖溺苦於學而以經世自期顧性不好表襮中歲從政雖聲施爛然而其發展當不自此而止故僅僅匯集其自著之文字紀述其平日之言行以詔方來而留往迹誠出吾徒之所不得已而亦豈公之初志也歟世局泯莽公殆欲以山林老而民物之抱卒未能一日去諸懷其許吾徒之有所揚播志甚隱而心已苦吾徒從事編述以種種關係未能悉取先生志行舉而白之天下使後之論世者據以識公之爲人斯實吾徒所宜自責者故兩書之出亦謂聊以勝無而已兩書之編印中經多人之手遺漏仍頗多其故不外公之勇於刪削及時局多變公私存稿散失二者故兩書實不能謂爲公之全集卽就守執所記憶之要者言之清廷退位詔下中華民國元年二月十二日辛亥舊曆十二月二十五日之時先生致京漢鐵路等八局電曰一方今政治刷新交通尤要從前吾輩艱難籌劃興革各端爲惡政治阻礙以致無效者目下均可乘機進行乞卽日提出條件大綱電復以便統籌後向政府提議愈速愈妙弟在位一日必盡一日之心亟欲藉此時期稍伸未竟之志願諸君共體此意同濟時艱至深殷盼一今集中公牘卽未收入時先生年方三十其公忠體國之況躍然紙上又三水梁燕孫先生謝世之第六年七十冥誕先生在港可讀園致祭口號七律一首「國難已深公去久往時籌策更誰明縱期辱僇爲人踐豈分憂虞溘此生盡瘁前規艱後起顯微良史待新評此情一往疑違俗制淚虛堂歲又更」今集中亦未收入時先生年將花甲其傷逝憂時感知不忘之心又爲何似也又一辛亥革命宣布共和前北京

幾段逸聞一載之越風半月刊杭州出版第三十期時先生年逾大衍外此國歌稿一篇國旗歌稿一篇又續作稿一編國慶歌稿一篇又續作稿一篇今皆未入集抗戰軍興先生在滬時集同人爲座談之會先生手定題目爲經濟交通長期抗戰兩大部門此類稿甚多是時郭君秉文金君國寶兩處卽存有少許今不知佚於何所旋先生去港又時集同人爲座談之會先生手定題目爲戰後整理與建設兩大部門存稿聞亦不少抗戰勝利時先生臥病滬上已數月尙力疾數電中樞貢其蘊貢自主席以次均有答電又門生舊屬散居四方函電請益者先生罔不力疾躬自詳答然先生迄未允付鈔胥凡此種種將待之他日再行編集矣先生之學問文章政事勛業及品藻才猷氣節遭際以逮培才育雋嘉善舉賢諸大端同人序中各能道其一二而以守執私窺默識則先生綢繆天下事所見恆異凡流每負手徘徊屯鬱若無可告語而商量舊學潛啓新知津津焉未嘗或輟視世間權利勢位則超然若無所與此卽先生所自謂垂老而不知自靖者歟至文章餘事同人尙擬有書畫集及題跋楹聯筆記之輯又積年函授面命各語亦擬摘要編爲語錄此皆吾徒今後所宜努力者昔韓退之云莫爲之後雖盛弗傳吾徒固不敢謂公賴此而傳然區區之心或略能窺見公之涯際故敬爲贅言如右亦盡各言志之例云爾

中華民國三十五年十月後學樊守執謹跋